



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

Մեր կոնտակտները՝

Պաշտոնական կայք՝ <http://www.armin.am>

Էլ. փոստ՝ info@armin.am

ՀԱՅ ԴԱՍԱԿԱՆՆԵՐԻ
Գ Ր Ա Դ Ա Ր Ա Ն

Ղ Ա Զ Ա Ր Ո Ս
Ա Ղ Ա Յ Ա Ն

ԵՐԿԵՐ

«ՍՈՎԵՏԱԿԱՆ ԳՐՈՂ»
ՀՐԱՏԱՐԱԿԶՈՒԹՅՈՒՆ
ԵՐԵՎԱՆ — 1979

Խմբագիր՝ Բ. Հ. ԱՆԱՆԻԿՅԱՆ

70303 (568)
Ա. 705 (01) 79 «Տ»

1862

ՀԱՐԿԱՎԱՐ Է ՕԳՆԵԼ ԶԲԱՎԱՐՆԵՐԻՆ

Անուշիկ գարնան զվարթ օրերում
Կրավեցին իմ սիրտ ծաղկազարդ վայրեր,
Նաև միտքս բեկան էնտեղի եղբարքս,
Կամեցա գնալ մենակ, անընկեր:
Մնաս բարյավ ասի բազմամարդ տեղին,
Սկսա շրջիլ ազատ հովերում,
Սլա մի բարձր բլուրի վերա
'Իրտել, թե՛ ինչ կան նորա շորս կողմում:
Բսկույն երեցան աչքիս առաջև
Կանաչած, ծաղկած, ընդարձակ դաշտեր,
Շենք և շինությունք, մարդիք, անասունք,
Առուք և վտակք, սրբնթաց գետեր:
Լցված ցածուցամբ իջա վերևից,
Զբոսնում էի նորա ստորտում,
Էսքան բարձրությանց վայելողների
Տեսությունն էի միայն զափազում:
Հանկարծ մի ծեր մարդ տեսա առաջիս,
Որ ման էր գալիս պուխք քաշ գցած.
Ուներ նա հազին հին, մաշված շորեր
Սվ իրա ձեռքին գավազան բռնած:

Մտեցա նորան և բարովեցի,
Նա էլ քաղցր խոսքով բարևս կրկնեց,
Տեսա, որ հայ է, շատ ուրախացա,
Նա էլ հրճվանքով հոր պես ինձ գզվեց:
Ինձանից հարցրուց, թե ի՞նչ պատճառով
Ծա ման եմ գալի սար ու ձոր ընկած,
Պատասխան տվի, թե ձեր տեսության
Կարոտը բերավ, որով եմ էրված:
«Հայրիկ,— ասացի,— ասա ինձ խնդրեմ,
Ինչպե՞ս եք այստեղ դուք կառավարվում,
Ունի՞ք կայք, կալված և հանդիստ կենցաղ,
Թե՞ միշտ եք այդպես ստոր վիճակում»:
Կլուխը շարժեց ձերունին տխուր:
«— Ցավ է ինձ ասել,— ասաց նա լալով,—
Ահա անցանեն իմ կյանքի օրեր,
Բոլորն էլ սրտիս ցավ ու վիշտ տալով:
Տեսնո՞ւմ ես դու այդ սիրուն դաշտերը,
Որոնք գրավում են շատերի հոգին,
Չկարծես, թե դրանց մենք ենք վայելում,
Այլ մեր ոսոխներն ու մեր թշնամին:
Իսկ մենք այս փոքրիկ տեղումը սխմված
Մնացել ենք անշարժ-տխուր վիճակում.
Արհեստ, գիր, լեզու, օրենք ասած բանդ
Զգիտենք թե ինչ են նշանակում:
Թե կամիս բոլոր մեր պակասության
Եվ մեր նեղության դառն պատճառներն
Իմանալ, որդյակ, այդ դժվարին է,
Վասն զի լուռ են մեր լեզուներն»:
Լռեց ձերունին, ցողաց արտասուքն,
Տխրության ամպը աչքունքը պատեց՝
Ծա էլ մնացի նրա մոտ շվարած,
Ըստ որում սրտիս մեծ ցավ պատճառեց:
Եվ համբուրելով ձերունվո աչքը,
Դարձա այնտեղից դեպի մյուս գյուղեր.
Բոլոր փորձանքներն աչքիս տակն առած,
Ընկա մեմածեծ սարեր ու ձորեր:
Ինչե՞ր եմ տեսնում, ո՞վ կարե պատմել,

Հայ կանայք բոկոտն՝ սուր-սուր քարերում
Մանգալիս տեսա, սիրտս, հոգիս թնդաց.
Տեսնում եմ շատ բան, բայց լուռ անցկենում:
Անցկացա, եկի իմ խեղճ բնակարան,
Տեսածիս վերա սկսա մտածել,
Թե ի՞նչ միջոցով կարող են արդյոք
Ազգասեր անձինքն այն որբոց օգնել,
Ո՛չ դրամ, ո՛չ նյութ, չէ ինչ հարկավոր,
Միայն թե տեսնեն քննեն, իմանան,
Թե ի՞նչ է պատճառն, որ նրանք աղքատ,
Կարոտ են մնում արհեստի, ուսման:
Եկեք, իմ եղբարք, որդիք արամյան,
Միմյանց անխտիր կերպով մենք օգնենք,
Թե՛ քաղաքացի և թե՛ շինական
Նոր հոգի առած՝ իրարու գզվենք:

1862

1882 — 1890

ԾԻՏԸ ԵՎ ԲԱԶԵՆ

(Մանկական խաղ)

Միտը ծառին ծլվում է.
— Մի՛վ, ծի՛վ, ծի՛վ.
Բազեն գլխին պտըտվում է.
— Վո՛ւյ, վո՛ւյ, վո՛ւյ...
Միտը լռեց, ծիտը վախեց.
— Վա՛յ, վա՛յ, վա՛յ...
Բազե՛, թը՛ռռ, բազե՛, թը՛ռռ.

— Հա՛յ, հա՛յ, հա՛յ...
Բազենն թաավ,
Բազենն փախավ,
Ի՛նչ լավ էլավ...
— Հե՛-հե՛-հե՛...
Միտի՛կ միտի՛կ, պիծի՛կ միծի՛կ,
Պըտպըտուրի՛կ, շըլպըլտուրի՛կ,
Ի՛նչ լա՛վ պրծար շար բազենի
Սուր ճանկերից, հա՛-հա՛-հա՛...

1882

ԱՔԱՂԱՂ

(Մանկական խաղ)

Աքաղաղը կանչում է.
— Մուղրուղո՛ւ,
Ղու-ղու-ղո՛ւ.
Պառավ նանը զարթնում է.
— Տա-տա-տա՛,
Պա-պա-պա՛...
Աքլա՛ր, ինչո՛ւ կանչեցիր,
Ինչո՛ւ նանին զարթեցրիր.
Ա՛խ դու-դո՛ւ,
Ա՛յ ջու-ջո՛ւ:
Ա՛յ նանի, ջա՛ն նանի,
Մեզ մի վեր կացրճի,
Խոզ մի քիչ էլ մնանք,
Քնից լավ կշտանանք:

Աքլաբը շուտ է կանչում,
Աքլաբը քեզ է խաբում,

Աքլա՛ր, ինչո՛ւ կանչեցիր,
Ինչո՛ւ նանին զարթեցրիր.
Ա՛խ դու-դո՛ւ,
Ա՛յ ջու-ջո՛ւ:

1882

ԱՌԱՎՈՏԸ ԳՅՈՒՂՈՒՄ

(Մանկական)

Արեգակը դուրս է եկել
Պսպըղալով.
Շողքը հերթից ներս է ընկել
Շողշողալով.
Միտը ծառին կըշքընում է
Մըլմըլալով.
Չորումն առուն քըշքընում է
Վըշվըշալով.
Սույլ աղայի քունն է տարել
Խորմփալով.
Տրեխները շունն է տարել
Մըմըռալով.

1882

ՀՈՎՎԻ ԱՆՆՈՂԻՆԸ

Սարի լանջն է մահճակալ,
Չեչոտ քարը՝ գլխակալ.
Մի հին կապերա ուսերին,—
Այս է հովվի անկողին:

Երբ անձրև է կաթկաթում,
Ծվ կապերտը՝ թըխկթըխկում,
Հովիվն անուշ քնի մեջ
Քաղցրը հրազ է տեսնում,
Ծվ խնդում, ծիծաղում.
Ուխա՛յ, ուխա՛յ, սիրո՛ւն հովիվ,
Քունըդ անո՛ւշ...

1882

ԱՐԵՎԱԿ

(Մանկական)

Արև՛, արև՛, ե՛կ, ե՛կ.
Զիզի քարին վե՛ր եկ.
Սև-սև ամպեր, հեռացեք,
Արևին ճամփա տըվեք:

Թողեք դա գա մե՛զ մոտ,
Իրա լույսին ենք կարոտ.
Կարմի՛ր արև, ե՛կ, ե՛կ,
Նախշուն քարին վե՛ր եկ:

Արևն հաղթեց ամպերին,
Շողքը ձգեց սարերին,
Զիզի քարը տե՛ս, տե՛ս,
Պսպրղում է ոսկու պես:

Սիրուն արև, մի՛շտ եկ,
Զիզի քարին վե՛ր եկ:

1882

ՃԱՆԱՐԱԿ

Մանի՛ր, մանի՛ր, ի՛մ ճախարակ,
Մանի՛ր սիպտակ մալանշներ,
Մանի՛ր թելեր հաստ ու բարակ,
Որ ես հոգամ իմ ցավեր:

Ձեթ եմ ածել ականջներդ,
Նոր շինել եմ շրտըվիկ,
Գե՛հ, շո՛ւտ շարժիր լայն թևերդ,
Ոստեր շինիր սըրուլիկ:

Մանի՛ր, մանի՛ր, ի՛մ ճախարակ,
Լիսեռնիկըդ պտըտիր,
Մանի՛ր թելեր հաստ ու բարակ,
Իլկիդ վըրա փաթաթիր:

Տիգրանիկըս գուլպա շունի,
Հանդ է գնում ոտաբաց,
Գաբրիելըս շուխա շունի,
Միշտ անում է սուգ ու լաց:

Մանի՛ր, մանի՛ր, ի՛մ ճախարակ,
Մանի՛ր սիպտակ փաթիլներ,
Մանի՛ր թելեր հաստ ու բարակ,
Որ ես հոգամ իմ ցավեր:

Զըվալ շունինք, չաթու շունինք,
Ոչ սամոտեն, ոչ պարան,
Այսպես աղքատ դեռ եղած չենք,
Կտրվել է ամեն բան:

Իեռ հարս էի, որ գործեցի
Քանի կարպետ, խալիչա,
Բայց դրանցից շուտ գրկվեցի,
Հիմա շունիմ մի քեչա:

Կարմիր օրըս երբ սևացավ
Օվ պարտք մնաց թեև քիչ,
Պարտատիրոջ սիրտն էլ սևացավ—
Ծիպով տարավ ամեն ինչ:

Մանի՛ր, մանի՛ր, ի՛մ ճախարակ,
Մանի՛ր սիպտակ քուլաներ,
Մանի՛ր թելեր հաստ ու բարակ,
Ո՛ր ես հագամ ի՛մ ցավներ:

1882

ՍԵՐՄԱՅԱՆ

Ահա եկան աշնանային թուխս օրեր,
Մաղմղում են մանրահատիկ կաթիլներ.
Մառերն իրանց տեղեկներից մերկացան,
Կուռնկները շարան-շարան անց կացան:

Անայն է դաշտը անթիվ ցեղերով,
Բայց մի կողմից գետ վարում են արորով,
Սերմնացանը գոգնացն ածած սերմնացուն,
Սերմ է ձրգում աղաշելով աստրժուն.

«Ո՛վ, տեր աստված, դո՛ւ ի՛մ ցանքը պահպանես,
Առատ անձրե՛, Կարմիր արև չըխնայես.
Մեկ բուռն ահա ես տալիս եմ մկենբրին,
Այս մեկ բուռն էլ ազոավներին, ծտերին:

Բայց մարտիք դո՛ւ չի մնալ մի բունով,
Օրկու կրտած, թող կշտանա սրանով.
Մեկ բուռն էլ կա, որ անունը չեմ տալիս,
Այն դու գիտես... զերևից է նա գալիս:

Ի՛նչ սրանցից արտըս պահիր անվնաս,
Օս տերտերից չեմ խնայիլ կալամաս.
Վանականներ, գործակալներ ինչքան գան,
Ի՛նչ որ եքյանք առատ բաժին կրտանան:

Կերթամ Մարաս խունկ ու մոմով, մատաղով,
Միայն արտըս դու պահպանիր ապահով:
էլ ի՛նչ ասեմ, աստված, ինքդ լավ գիտես,
Թե ինչ պարտքի, պատուհասի մեջ եմ ես.

Գող-ավազակ մի կողմից են կողոպտում,
Պարտատերըս մյուս կողմից է ինձ խեղդում:
Իրանց ձեռքից եթե մի բան է մնում,
Այն էլ գայլի կամ ցավի է զո՛հ դառնում:

Մի տուն չիքը երեխեքս մերկ, քաղցած,
Տարին առատ, բայց ես շունիմ կորեկ հաց.
Հույսըս ահա ոտքիդ տակին սրած է,
Քո սուրբ աջը սքրա վըրա տարածե՛:

1882

ՏԱՎԱՐԱԾԻ ԱՍԵ

Մի խամ տավարած,
Բավական քաղցած,
Աղբրի մոտ նստած,
Ուտում էր շոք հաց:
— Ցամաք մի՛ ուտիլ,
Ասաց ընկերը:
— «Բա ինչո՞վ ուտեմ,
Ուրիշ բան չունեմ»:

— Դանակո՛վ, եղբա՛յր, դանակո՛վ...
— «Այդ լավ ասացիր.
Դանակով կտրեմ,
Ջրումը թրջեմ,
էլ ցամաք շուտեմ...»:

1882

ՊԱՐՏԻՉՊԱՆ

Ամանն է. կարծես կրակ է բարձրանում
Կետնի երեսից և հուրհրատում.
Ոչ շունն է հաշում, ոչ ճիճին երգում,
Կորտն էլ է լռել, էլ չի կոկրոում:

Ամենքն էլ փախել, հով տեղ են գտել,
Իրանց բներում լռվել պապանձվել.
Միայն մի հատիկ մարդ է երևում,
Խոր ընկած դաշտում, առվի եզերքում:

Կանգնած է մարդը արևի տակին,
Ոտն ու ծունկը բաց, բահը դրած ուսին,
Մի շապիկ միայն ունի նա հագին
Օվ մի սպիտակ թասակ կա զլխին:

— Բայց ի՞նչ մարդ է նա և ի՞նչ է շինում,
Արևի տակին ինչո՞ւ է այրվում:
— Նա պարտիզական է, պարտեզ է ջրում,
Սեխն ու ձմերուկը այնպես է հասցնում:

1882

ՊԱՌԱՎԻ ՀՈՐԹՁ

Ջյունն էր գալիս փաթիլ-փաթիլ,
Հետն էլ անձրև կաթիլ-կաթիլ.
Այս միջոցին մի պառավ կին
Հորթ էր փնտրում դաշտի միջին:

Կովը եկավ տավարիցը,
Կուրծ ու ծըծեր կաթով լիքը.
«Հորթուկս ո՛ւր է»,— նա բառաչեց,
Խեղճ պառավին լացացրեց:

Մինչդեռ այսպես պառավ ու կով
Ողբում էին լաց ու կոծով,
Հանկարծ լավեց մի բարակ ձայն,
Կովն իմացավ, որ հորթն է այն:

Կովը վազեց բառաչելով,
Պառավն ետքից տընքտընքալով,
Կորած հորթը մորը գտավ,
Լիք ծըծերը բերանն առավ:

Մըծեց բոլոր կաթն ու տկզեց,
Տանտիկնոջը բան չըթողեց.
Բայց պառավը այս անգամին
Սիրով ներեց շար հորթուկին:

1882

ԱՄԻՍՆԵՐ ԵՎ ՉՈՐՍ ԵՂԱՆԱԿ

Մարտը տալիս է ձնծաղիկ,
Ապրիլը կապույտ մանուշակ,
Մայիսին բացվում է վարդը,
Սոխակն երգում անուշակ:

Հունիսը մեզ խոտ է առլիս,
Իսկ հուլիսը առատ ցորեն,
Օգոստոսը՝ տանձ ու խնձոր
Սվ ուրիշ շատ հասուն մրգեր:

Սեպտեմբերը մեզ տալիս է
Խաղողի բոլոր տեսակը.
Հոկտեմբերը՝ կաթմիր՝ գինին,
Նոյեմբերը՝ բողկե ու տակը:

Իեկտեմբերին ձյուն է գալիս,
Հունվարին ծածկվում սար ու ձոր,
Փետրվարին սկսվում է
Փոփոխակի ցուրտ ու տաք օր:

Ահա աչտպես բոլոր ամիսներն
Խավալվում է շորս շրջանում,
Այս պատճառով՝ շորս ժամանակ,
Չորս եղանակ է մեզ բերում:

1882

ԶԱՂԱՅՊԱՆԻ ՆՆԶԱՐԱՆԸ

Սրեք-չորս հատ շաղացաբար
Կարգով շարված պտըտվում են,
Իրանց անեղ գեղըտոցով
Ամբողջ շենքը դլըրդում են:

Չախշախեների շրխշրխկոցից
Մարդի ակունք ինչամում է,
Իսկ շաղացպանն ալրաթաթախ.
Խոր բունն ընկած խրորմիում է:

Բայց շաղացը եթե հանկարծ
Կտրե ձայնը, լոռ, սուռչի,
Ինչպես մի թռնդ թնդանոթից՝
Ջաղացպանը վեր կըթռչի...

1882

ՄԱՆՈՒՇԱԿ

Սիրո՛ւն մանուշակ, ինչո՞ւ ես թոռմել,
Կապույտ աչիկներդ ինչո՞ւ ես փակել,
Քեզ ո՞վ նեղացրեց, ո՞վ վատ բան ասեց,
Քո անուշ հոտովդ ո՞վ շի զմայլեց:

— Սիրուն մանուկներ, դուք ինձ սիրեցիք,
Իմ ծաղիկներից փնջեր կապեցիք,
Բայց կոշտ ձեռներից, կոպիտ ճանկերից
Ինձ շաղատեցիք, չրպահպանեցիք:

Քնքուշ սրտերը շուտ են կոտրվում,
Քնքուշ ձաղխկները ջառտով փառամում.
Քանի որ անխիղճ մարդիկ լիզլինին,
Սրկար շեմ ապրիլ ես այս աշխարհում:

1882

ՀՆԶՎՈՐՆԵՐ

(Մանկական խաղ)

Ահա եկավ խոտ հարողը,
Ուսին դրած գերանդին.
Բոլոր խոտը սա հարել է,

Բան չի թողել մեր հանդին:

— Ա՛յ խոտ հարող, ասա տեսնենք,

Ի՞նչ ի՞նչպես ես խոտ հարում:

— Այսպես ահա, լա՛վ նայեցեք,

Ծս այսպես եմ խոտ հարում—

Հե՛պ, հո՛պ,

Հե՛պ, հո՛պ:

— Ա՛խ, ի՛նչ լավ է, եկեք սովորենք,

Մենք էլ այսպես խոտ հարենք—

Հե՛պ, հո՛պ,

Հե՛պ, հո՛պ:



Ահա՛ եկավ մեր հնձողը,

Ձեռքին փայտե մատնոցներ,

Պատրաստել է սուր մանգաղը,

Պետք է հնձնե մեր արտեր:

— Հնձո՛ղ եղբայր, ասա տեսնենք,

Ի՞նչ ի՞նչպես ես հունձ անում:

— Այսպե՛ս ահա, լա՛վ նայեցեք,

Ծս այսպես եմ հունձ անում—

Հե՛պ, հո՛պ, հե՛պ,

Հե՛պ, հո՛պ, հե՛պ,

— Ա՛խ, ի՛նչ լավ է, եկեք սովորենք,

Մենք էլ այսպես հունձ անենք.

Հե՛պ, հո՛պ, հե՛պ:

Հե՛պ, հո՛պ, հե՛պ:

ՅԱՆԱՎԼԻ ԳԱՂՏՆԻՔԸ

(Հին պոույց)

Շատ հին ժամանակ մի թագավոր կար
Ջորեղ, իմաստուն և շատ էլ արդար:
Իա որ ծերացավ, մոտեցավ մահվան,
Չըզիտեր, թե ո՛վ կըհաջորդե իրան.
Թեպետ նա ուներ տասներկու որդի,
Ռայց չէր իմանում, թե որին ընտրի:
Մեծը ուժով էր, բայց անգութ ու շար,
Նըրանից փոքրը՝ թույլ և ցավազար.
Երրորդը՝ անհոգ ու խելքից պակաս,
Չորրորդը՝ անմիտ, թեև անվնաս.
Այսպես ոչ մեկը հոր սրտովը չէր,
Ոչ մեկը նըրա բնույթը շուներ.
Միայն մի քիչ հույս կրտսերն էր տալիս,
Իայց նա էլ հոր մոտ չէր գնում գալիս,
Այս պատճառով էլ հայրը չզիտեր,
Թե արդյոք նա ի՛նչ շնորհքի տեր էր:



Թագավորն այսպես շատ որ մտածեց,
Հանելուկի պես մի բան հնարեց.
Մի թարմ ցախավել իր առջև դրած,
Որդոցը կանչեց և նրանց ասաց.
— «Սիրելիք, այսօր ես ձեզ կանչել եմ,
Որ վերջին կամքս ամենքիդ հայտնեմ.
Ինչպես տեսնում եք, ես ծերացել եմ,
Եվ բավական է, որքան ապրել եմ.
Շուտով իմ նախնայաց ճամփովը կերթամ,
Նրանց պես ես էլ սե հող կըդառնամ.

Բայց քանի ողջ եմ, շունչս բերնումըս,
Կուզեմ ձեզ հայտնել՝ ի՞նչ կա մտքումըս.—
Ահա ձեր առջև մի թարմ ցախավել,
Որ ես հենց այսօր կապել եմ տըվել.
Ձեզանից ով որ կըկոտրե սրբան,
Իմ թագն ու գահը ես կըտամ նրան:
Իե՛հ, հառաջ եկեք, ուժերդ փորձեցեք,
Տեսնեմ ձեզանից ո՛րքդ կըկոտրեք»:



— Հա՛յր, ես կըկոտրեմ,— ասաց մեծ որդին,
Եվ վստահությամբ մոտեցավ ավլին.
Վեր առավ ավելն ու ծունկը կալավ,
Քաշեց, քաշքշեց, ոչինչ չի եղավ.
Շատ քրտինք թափեց, շատ շարշարվեցավ,
Իեղնեց, սփրթնեց և ետ քաշվեցավ:
Հետո երկրորդը եկավ վեր առավ,
Նա էլ իր ճղբոր դառն օրին հասավ.
Երրորդն էլ եկավ իր ուժը փորձեց,
Բավական տանջանք շորրորդն էլ կրեց,
Մյուսներն էլ իրանց բախտը փորձեցին,
Բայց ցախավելը չի էլ ծռեցին.
Ամենից վերջը փոքրը մոտեցավ
Եվ իր հոր առջև այսպես խոսեցավ.



— Հա՛յր, ես շե՛մ ուզում իմ ուժը փորձել,
Իմ եղբարց նման իզուր շարշարվել.
Ես երեխա չեմ, որ ձեռքս մեկնեմ
Իեպի լուսինը, որ նրան բռնեմ.

Ջուրը կըխեղդե, կրակը կայրե,
Ով այս շրգիտե, թող նա փորձ անե:
Ես ուժ տեսնում եմ ամենայն բանում,
Թե՛ երկրիս վըրա և թե՛ երկնքում.
Առ մեկ բարակ ծեղ, մի մազ կամ մի թել,
Մեծ ուժ կըգտնես ամենի մեջ էլ.
Թե՛ փոքրիկ միջատ, թե՛ ուղտ ահագին,
Ամենքն էլ ուժից մեկ բաժին ունին:
Կա և խելքի ուժ, ինչպես և սրտի,
Աչքի, ականջի, ձեռքի և ոտքի.
Ուժ չի ունենալ ոչ մի առարկա,
Եթե մասներում միություն չըկա.
Մասներն իրար հետ երբ սերտ կապ ունին,
Նըրանք անկասկած ուժով կըլինին.
Այսպես շատ անհատ երբ որ միանան,
Մեծ և չափազանց մեծ ուժ կըստանան.
Մեզ լավ օրինակ մըջիմն ու մեղուն,
Թե նրանք խմբով ինչեր են տնում.
Նրանց պես եթե մարդիկ միանան,
Լեռներ կըշրջեն, եթե կամենան.
Եվ ի՛նչքան լճեր, ի՛նչքան ջրանցքներ
Միացած ուժով կարող են շինել:
Ես քո տերության ցրված ուժերը,
Ինչպես ցախավլիդ ճկուն ճղները,
Ամուր կապերով կապած կըպահեմ,
Այս է քո միտքը, ես ինչքան գիտեմ.
Բայց որ իմ միտքը լավ հասկացնեմ,
Տեսե՛ք ավելը ինչպես կըկոտրեմ»:
Եվ այս ասելով՝ նա վեր է առնում,
Ավլի կապերը քանդում, արձակում.
Ծըկուն ճղները վերցնում է հատ-հատ,
Ամենի առջև կոտրտում զատ-զատ:
— Ապրի՛ս, որդյա՛կս,— ասում է հայրը.—
Քե՛զ է արժանի իմ թագն ու գահը:
Կրկում է որդուն, ճակատից պաշում,
Եվ թագն իր ձեռքով գլխին է դնում:
— Տեսե՛ք,— ասում է մյուս եղբայրներին,—

Գուք շքնախանձեք ձեր երբոր փառքին.
Եթե սըրա հետ սերտ սիրով մնաք,
Ավելի մեծ ուժ և փառք կըստանաք.
Իսկ եթե զատվիք և ջոկ-ջոկ լինիք,
Քանզված ավելի պես շուտ կըկոտորովիք:
— Մենք հնազանդ ենք,— ասում են նրանք,—
Տալով եղբորը պատիվ ու հարգանք.
Իմաստուն որդին հասավ մուրազին,
Գուք էլ նրա պես հասնիք ձերինին:

ՊԱՐՁԱՄԻՏ ՀՈՎԻՎ

Օգոստոսին էր, թե հուլիս ամսում,
Լավ շեմ հիշում,
Մի անմեղ հովիվ, քաղաք շրտեսած,
Մտավ բազարը, մահակն ուսին դրած,
Խլըշկոտալով, զարմանալով:
Խրտնած պախրի պես շատ դես-դեն ընկավ,
Վերջը կանգ առավ
Մրդավաճառի խանութի առջև
Եվ աչքը ձրգեց լիք թաբախներին,
Հասուն մրգերին:
Ի՞նչ պտուղ ասես, որ նա շրտեսավ,
Չըհիացավ.
Տեսակ-տեսակ տանձ ու խնձոր,
Թուղ ու սալոր, ունաբ ու հուն,
Կարմիր, փայլուն:
Հովիվը նայեց մրգավաճառին
Ու մնաց ապշած,
Որ այնքան հասուն մրգերի միջին,
Չեոք չի դիպցնում մեկին կամ մյուսին.
«Սա կույր կըլինի», ինքն իրան ասեց
Եվ փորձել ուզեց.
Գեպի բախկալը մահակը մեկնեց

Եվ քիչ էր մնում, աչքն էր կախում.
— Է՛յ, ի՞նչ ես անում,— բախկալը գոռաց
Սաստիկ բարկացած:
— Բա՛... ես հենց իմացա, դու կույր կըլինիս,—
Հովիվը ասաց.—
Իայց եթե կույր չես, լավ ես նկատում,
Իա այդ մրգերից ինչի՛ չես ուտում...

ԱՆՎՆԱՍ ՀԱԳՈՒՍՏ

Իմ գլխին պետք է մի թեթև գլխարկ,
Որ ինձ պահպանե ցրտից, արևից,
Թեկուզ ճակատը աննշան լինի,
Այդ վնաս չունի:
Մի բաճկոն է պետք պինդ շալից կարած,
Որ ինձ պահպանե ցրտից, արևից,
Թեկուզ կոճակը ոսկրից լինի,
Այդ վնաս չունի:
Ոտքերիս համար պետք են կոշիկներ,
Որ ինձ պահպանեն ցրտից, արևից,
Թեկուզ հասարակ և անբիտ լինի,
Այդ վնաս չունի:
Որքա՛ն խեղճեր կան մերկ, ոտաբորիկ,
Չունին հագնելիք և ոչ ուտելիք.
Ինձ հարկավոր է հասարակ հագնել
Եվ նրանց օգնել:

1884

Եկար բարով,
Երթաս բարով.
Եկեք, երեխե՛ք, եկեք,
Չեոք ձեռքի տանք, պար բռնենք.

Այսօր տարին նորոգվեց,
Նոր օր, նոր ժամ մեզ բերեց,
Հինն անցավ,
Նորն եկավ
Բարո՛վ, բարո՛վ, բարո՛վ.
Մայրիկն այսօր մեզ տըվեց
Մեզը ու շամիչ ու անեց.
— Քաղցր ու անուշ պառավեք,
Ալևորիք և տեսնեք
Շա՛տ տարի,
Շա՛տ բարի,
Բարո՛վ, բարո՛վ, բարո՛վ,
Շնորհավո՛ր նո՛ր տարի,
Քո գալուստըք ջնորհավոր,
Ինչ մեզ համար աչս տարի
Բարի եղիր ամեն օր,
Մինչև կաս,
Ու կերթաս
Բարո՛վ, բարո՛վ, բարո՛վ:

ՉՄԵՌ

Ձմեռն է, ձմեռն, սիրուն երեխեք,
Ձմեռն է, և դուք զողում, մրսում եք.
Բայց դուք մենակ չեք, ես էլ եմ մրսում,
Ես էլ եմ ձեզ պես զողում, սարսուռում:
Բայց գիտե՞ք արդյոք ի՛նչ է ձմեռը,
Այդ պատկառելի համարված ծերը.
Օ՛հ, մի՛ հարցրնեք, դուք կքսադասափեք,
Երբ դրա բարձր պատմեմ ձեզ մեկ-մեկ:
Այդ անիրավը ուր ոտք է դնում,
Առանց խղճալու մահ է տարածում:
Երեսին առած ըսպիտակ զիմակ,
Մեզնից ծածկում է սև դեմքն աշխանդակ:



Շատ ժամանակ չէ ինչ որ դա եկավ,
Եվ դուք լավ տեսաք, թե ինչե՛ր արավ.
Իբրա երկյուղից շուրը քար կտրեց,
Քչըջլան առուն լուվեց, պապանձվեց,
Իալար բույսերը սառան, փետացան,
Նախշուն հավքերը թռան հեռացան.
Բայց էլի շատին իր ճանկը ձրգեց,
Բուք-բորան արավ, բուրբին խեղդեց.
Սիրուն վարդենու թուփը շորցրեց,
Սոխակի լեզուն տակիցը կտրեց:



Մ՛վ դու կեղծավոր փարփանցի ծեր,
Ինչ ունիս, գիտենք, շողաբորթներ էլ,
Որոնք բորանըք, թիպիդ չեն տեսնում,
Ոչ բուք-բորյագիդ տակ ցրտահարվում.
Սառցեղեն սրտին ի՛նչ բուք, ի՛նչ բորան
Կարե ներգործել, կամ ի՛նչ ցուրտ, ի՛նչ բան.
Նրբանք սրղղում են ինչպես անզգա
Ձյունով պատանած զոհերիդ վրբա.
Եվ դու, երեսպաշտ, լավ ես որոշում
Հարրստին խեղճից և ջոկ-ջոկ որսում.
Մեկին տալիս ես կճյա վառարան,
Մյուսին և ոչ մի խեցյա կրակարան.
Մեկին՝ թանկագին մազեղեն մուշտակ,
Մյուսին՝ ոչ մի ցնցոտի մաշկյակ.
Մեկին տալիս ես մի սփրտ սառցեղեն,
Մյուսի թոքերը հանում ես կրճքեն.
Մեկին տալիս ես միջոց զվարճության,
Մյուսին՝ դառն օրեք, օրե՛ր հեծության.

Մեկին տանում ես դեպի մոլորություն,
Իսկ մյուսին՝ դեպի դառն ստրկություն.
Մեկին կաշառով, մյուսին երկյուղով
Քակարդ ես ձգում դիվական ցանցով...



Անմեղ պատանիք, սիրուն երեխեք,
Փոքր-ինչ հեռացա, դուք ինձ կընեք.
Եթե իմանաք, թե այս բոլորիս
Ի՞նչ պատկերներ են առաջըս գալիս.
Տեսե՛լ եք արդյոք խախուտ խրճիթներ,
Քոբիկ, գլխաբաց, տկլոր մանուկներ,
Գատարկ ամբարներ, հորեր, մարաքներ,
Աղի պես լիզված երկայն մսուրներ.
Աչքերը պլըշած՝ քաղցած տաշարներ,
Սիրտ պատընտորող մայեր, բառանշներ...
Ջրաղաց չըկա, — ջուրը սառել է.
Ճանապարհ չըկա, — ձյունը կապել է.
Թե՛ մարդ, թե՛ տավար՝ միակերպ քաղցած,
Ողբում, լալիս են մահվան դուռն ընկած:



Օրը կարճացել, գիշերն երկարել,
Լույսը նրվաճվել, խավարն է տիրել,
Երկինքն ամպապատ, գետինքը սառած,
Փարունը հեռու, ցուրտը կատաղած —
Այսպե՛ս է ահա սոսկալի ձմրան
Ալիքով ծածկած պատկերը դաժան...



Ցուրտ է, սաստիկ ցուրտ, սիրուն երեխեք,
Եթե ինձ նման դուք էլ մրսում եք,
Եկեք միասին մի հնար գտնենք,
Ձմռան ճանկերից մեր գլուխն ազատենք:
Դուք ձեր մանկական անարատ մտքով,
Ես իմ հասակիս բազմամյա փորձով,
Եթե կամենանք, խելք խելքի կըտանք,
Եվ ինչից ասես՝ կրակ կստանանք, —
Կրակ լուսատու, պայծառ, անսովեր,
Որ տաքացնե սառցեղեն սրտեր,
Որ կենդանացնե գոսացած ձեռներ,
Որ հալեցնե սառցապատ լեռներ. —
Օրինակ առնենք մեզ կիզ-ապակին,
Եվ մենք կըհասնենք մեր նպատակին:

1884

ԱՐԵՎ

Արև՛, արև՛, դու մեզանից
Երբ հեռացար դեպ հարավ,
Ձմեռն եկավ և ամեն ինչ
Հափշտակեց ու տարավ:

Աստված սիրես, էլ մի՛ գնար,
Մի՛ թողնիր մեզ քեզ կարոտ,
Քեզ կըպատվենք, քեզ կըզովենք
Միշտ, իրիկուն, առավոտ:

Որքան գոհ ենք, որ դու բերիք
Փարնան անուշ եղանակ:

Ա՛խ, երանի գարուն լ՛՛՛հի
Տարին բոլոր ժամանակ:

Տես թե ինչպե՛ս փթըթել են
Սառ ու ծաղիկ, կանաչ խոտ,
Տես թե ինչպես տարածվել է
Ամենայն տեղ անուշ հոտ:

Քեզ են գովում թռչնիկները
Իրանց քաղցր դալալով,
Հովիվը իր մեղմ սրինգով,
Հոտաղն անուշ հոլով:

Չէ՛, արե շան, էլ չըգնաս,
էլ չըթողնես մեց կարոտ,
Կնա քնի՛ր գիշերնե՛րը,
Առավոտը եկ մեզ մոտ:

1884

ԳԱՐՈՒՆՔԻ ՀԱՂՈՒԹՅՈՒՆԸ

Միծեռնակը համբավ բերավ նոր գարունքից,
Ին՛ ահա նա մոտենում է մեզ գաշտերից.

Այս համբավը ելք որ լսեց ծեր ձմեռը,
Փռնփռնթալով քաշվեց գնաց ցուրտ լեռները.

Բայց գարունը գնաց հասավ հետևիցը
Եվ դուրս հանեց ձյունով պատած լեռներիցը.

Չեռք ու ոտքը պինդ շղթայով լավ կապոտեց,
Մասիս լեռան սառնարանի բանտը ձրգեց.

Բայց ափսոս որ այս պատիժը շատ թեթև էր,
Որովհետև միայն սեթ ամիս պիտի տևեր:

ԼՈՒՅՆԱՀԱԶ

— Հայրե՛կ, ինչո՞ւ մեր Բողարը
Միշտ հաշում է լուսնի վրան.
Մի՞թե պայծառ լուսնյակը
Մեկ վնա՞ս է տալիս նրան:

— «Ո՛չ, որդյակ իմ, ոչ թե վնաս,
Այլ լույս, միայն լույս է տալիս,
Իսկ շանն՝ իբրև գալլի ցեղե՛
Լույս գիշերը գուր չի գալիս:

Բայց լուսինը խոտ չըգիտե՛,
Որ իր վրա հաշողներ կան,—
Նա լուռ ու մունջ՝ բակ բողբոջած՝
Շարունակում է իր ճամփան:

Մենք էլ, որդյա՛կ, լուսնի նման
Պետք է լույս տանք մութ աշխարհին,
Եվ համարենք, թե շենք լսում
Մեզ վրա գուր հաշողներին»:

1885



Նասրադդին խոշան մեկ օր ուղեցավ
Անմեղ ամբոխին խարե՛լ ու ճաղթե՛լ,
«Գիտե՛ք,— ասաց նա,— այս-ինչ Էլթի տակ
Հնուց մնացած գանձ է լույս քնկել:

Հենց որ մօտենանք այն-ինչ լեռ քարե՛ն,
Ավազի նման կըտեսնե՛ք փոխած:

Արծաթ ու ոսկի, պեսպես ակնեղեն.
Եվ ուրիշ զարդեր հակներով դարսած...»

Այս որ լսեցին՝ թե մեծ, թե փոքրը,
Մի-մի պարկ առած վազել սկսան,
Որն էլ ձի հեծավ, որը սայլ լծեց,
Որ անբավ գանձից մեծ մասն ստանան:

Երբ տեսավ խոջան մարդկանց վազելը,
Կասկածի եկավ, դարմացավ սաստիկ,
«Երևի ասածս ուղիղ է,— ասաց,—
Որ գլխապատառ վազում են մարդիկ...»
Ինքն էլ շտապով մի պարկ վերցրեց,
Իր խաբած մարդկանց հետևից վազեց...

ՀԻՇՈՂՈՒԹՅՈՒՆ

Միծեռնակը բույն էր շինում,
Ե՛վ շինում էր, և՛ երգում,
Ամեն մի շյուղ կպցնելիս՝
Առաջվան բույնն էր հիշում:

Մեկ անգամ էր նա բույն շինել
Եվ շատ անգամ կարկատել,
Բայց այս անգամ վերադարձին
Բույնն ավերակ էր գտել:

Այժմ նորից բույն էր շինում,
Ե՛վ շինում էր, և՛ երգում,
Ամեն մի շյուղ կպցնելիս՝
Առաջվան բույնն էր հիշում:

Նա հիշում էր անցած տարին
Իր սնուցած ձագերին,

Որոնց ճամփին հափշտակեց
Արյունարբու թշնամին:

Բայց նա կրկին բույն էր շինում,
Ե՛վ շինում էր, և՛ երգում,
Ամեն մի շյուղ կպցնելիս՝
Առաջվան բույնն էր հիշում:

1886

1887

Արի՛ դու, արի՛,
Քո գալըդ բարի՛,
Սիրուն նոր տարի,
Նոր օրեր բեր մեզ:
Ձյուն տուր սարերին,
Անձրև՝ արտերին,
Կարկուտը՝ շարին,
Ձով արևը՝ մեզ:
Անթուփ ծաղիկից,
Աններկ կարմրուկից,
Բարի ցավերից
Ազատ պահիր մեզ:
Մայրական գթով,
Գրկաբաց ձեռքով,
Ուրախ ժպտով
Առ քո գիրկը մեզ:
Տարին բուրեց,
Երեսը շրջեց,
Նոր դիմակ դրավ,
Նոր դեմք ցույց տրվավ:
Մարդիկ խնդացին,

Կերան, խմեցին,
Նորադեմ տարուն
Դիմավորեցին,—
Մինչ շատ թշվառներ՝
Այրիք ու որբեր
Ցամաք շոր հացի
Կարոտ մնացին...

ՄԱՆԿԱԿԱՆ ՔՈՓՈՎԱՆՔ

Աշխարհիս վրա մեկը կար միայն,
Որ ինձ սիրում էր հոգով անարատ.
Նա իմ մայրիկն էր— իմ անուշ Ազին,
Հոգվույս ու մարմնույս ծնողն հարազատ:

Միտքըս թույլում է միշտ դեպի երկինք,
Երբ որ հիշում եմ մայրիկիտ աշուն,
Այդ նրանից է, որ չնն երկրային
Ո՛չ նըրա ստիճք, ո՛չ նրա լեզուն:

Նա ինձ կաթ տըվավ, տըվավ և լեզու,
Մինը քան ըզմյունն ավելի աճուշ,
Մեկով իմ փափուկ մարմինն էք սնվում,
Մյուսով զարգանում իմ հոգին քնքուշ:

Ի՛նչ կա այնքան քաղցր ու սննդարար,
Որքան անարատ կաթն է մայրական,
Ո՛վ կարա խոսիլ այնպես սրտաբուխ,
Ինչպես որ մայրն է թոթովում ժանկան:

Կարծես հիմա էլ տեսնում եմ մորըս,
Ես իբրև մանուկ գրկումն եմ ահա,

Նուրբ շրթունքներիս զարկում է մատով,
Որ իր հետ ձայնեմ «աղո՛ւ» կամ «ագա՛»

Ես թոթովում եմ, հրճվում է մայրըս,
Իմ մեջ գտնում է շնորհքի նշան,
Չար աչքից ազատ պահելու համար՝
Վըրաս կարում է պես-պես թալիսման:

ՀՈՆԻ ԿՈՐԻՉԸ

Տարեմուտի երեկոյին
Մայրըս թխեց կարկանդակ,
Մեջը դրավ հոնի կորիզ,
Իբրև բախտի նշանակ:

«Կորիզն,— ասաց,— ում որ ընկնի,
Իովլաթավոր կըդառնա,
Ո՛ւր որ գծա, ի՛նչ գործ բռնե,
Փառք ու պատիվ կըստանա»:

Կարկանդակը բաժանեցինք,
Կորիզն ընկավ ինձ բաժին,
Եղբայրներս սրանեղելով՝
Նախանձեցան իմ բախտին:

«Կույր է բախտը, սուտ չէ ասած»,
Մեծ եղբայրըս փնթփռնթաց,
«Մի՛թե սա է ամենիս մեջ
Աշխատավոր, բանիմաց...»

Մեկէլներն էլ հավանեցան
Մեծ եղբորըս ասածին.—
«Իրա՛վ, իրա՛վ, չէր արժանի»,
Միաբերան ձայնեցին...»



Մայրըս ասաց. «Խելոք կացեք,
Ահա կըգա Նոր-Տարին,
Նա որ տեսնե ձեզ կովելիս՝
Պարզե չի տալ ոչ մեկին:

Բայց որ տեսնե դուք սիրով եք
Եվ խոով չեք իրարից,
Այնուհետև ինչ որ ուզեք,
Չի խնայիլ ձեզանից»:

Այս ասելով՝ նա մեզ տըվավ
Տեսակ-տեսակ մրգեղեն,
Չիր ու չամիչ, տանձ ու խնձոր
Եվ զանազան քաղցրեղեն:

Քաղցրը կերանք ու քաղցրացանք
Եվ խնդացինք շատ ու շատ,
Չարագ արինք նուռ, սերկևիլ,
Ունաք, սալոր, թուզ, փշատ:

«Հոնի կորիզն» այնուհետև
Բուրրովին մոռացանք,
Եվ շատ սիրով իրար գրկած,
Պառկոտեցանք, քնեցանք...

ՄԱՆԿՈՒԹՅԱՆ ԲԱՐԵԿԱՄՆԵՐ

Երբ տեսնում եմ խաղալիս
Անմեղ, անհոգ մանուկներ,
Իսկույն միտըս են գալիս
Իմ մանկության քաղցր օրեր,

Օր ու գիշեր անհանգիստ
Խաղում էի անդադար,
Աշխարհային հոգ ու վիշտ
Անհայտ էին ինձ համար:
Իմ ընկերն էր ամեն ինչ—
Թե՛ շնչավոր, թե՛ անշունչ,
Չըկար համր և ոչինչ—
Չըկար մի բան անմըոունչ:
Աղբյուրն ինձ հետ խոսելիս՝
Լսում էին քարերը,
Անտառն իր մոտ կանչելիս՝
Թնդում էին ձորերը:
Բարի էին ամենքը,
Չըկար մի հետք շարության,
Նույնիսկ օձն ու կարիճը
Տիպար էին բարության:
Քանի անգամ բռնել եմ
Օձի պոչից ու գլխից
Եվ զազանը — ապշել եմ—
Հեռացել է ինձանից:
Ինչ էր հրկյուղ կամ ամոթ
Չըգիտեի բնավին,
Ամենքն էին ինձ ծանոթ,
Ես բարեկամ ամենին:
Իմ առաջին ծանոթը
Մեր կեղծավոր փիսոն էր,
Շատ անգամ անամոթը
Չեոխ հացը կը խլեր:
Նրա նման չէր Չանգին՝
Մեր իմաստուն մեծ շունը,
Նա իմ դայակն էր անգին,
Չեմ մոռանում անունը:
Ինչպես արթուն պահապան՝
Կիտեր վըրաս միշտ հսկել:
Երբ մոտըս էր այդ հսկան,
Էլ ո՛վ կարար ինձ դիպել:
Բայց և օտար շները

Չէին հաշտեմ ինձ: վերստ...
 Մեղավորն ու անանգը
 Տեսնում էին աշխարհու
 Ձին ինձ: բացի շէր տալին,
 Թեկուզ բըռնեիք ազին,
 Նա որ մեծին տեսնելիս:
 Պատրաստ ունեք: աջացին:
 Այսպես եղն էլ կամ կովք:—
 Որ շատ էլ շէր հյուրընկալ:—
 Երբ կանցնեի մոտովի:
 Չէր հանդիպի: հարու տալ:
 Այս երջանիկի վիճակի
 Շուտով անցավ: հեռացավ:
 Վարդանան աշխարհըս:
 Փուշ ու տատակի փոխվեցավ...

1889

ՄԱՆՈՐԸԱԿ

Ասա ինձ, մանուշակ,
 Ինչո՞ւ ես այդպես վաղ:
 Դուրս եկի՞ մեն-մենակ:
 Դեռևս չի բացվել
 Ոչ մի տեղ: թեզ նման:
 Հոտավետ մի: ծաղիկ:
 — Ես շունչով մշտաների
 Գեղեցիկ հասակը:
 Աչ: նրանց: հարուստ:
 Զարդարուն ու շքեղ:
 Ինչ ինձ չեք նկատի:
 Եթե ես կրկան:
 Նրանց: հետ միասին:

ՏՈՒՆԻՆԻ

(Մանկական խոսք)

Հոփսիկը նշանել էր
 Իր մի աղջիկ տիկնիկին,
 Պետք է շիներ գահը ու բաժինք,
 Պետք է դուզեր հարսնացվին:
 Օր ու գիշեր աշխատում է
 Մեր Հոփսոն անդադար,
 Ինչե՞ր ասես, որ չի շինում
 Կտորներից անհամար:
 Տարիներով տանը պահած
 Չըթի պատաս շրմնաց,
 Ինչ կար մաշված կամ կիսամաշ՝
 Բաժինքումը կուզ գնաց:



Ահա սկան փունսիքը—
 Անոն, եղսոն ու Նուշին,
 Պիտի տեսնեն նոր բաժինքը,
 Որ պսակեն տիկնիկին:
 Խնամիքը մատուցան
 Տան դասից: ծաղկատակ,
 Հոփսոն նրանց թե՛լ է տալիս
 Ինքնահոփ անհատակ:
 Կտորած չիլ է ինչքանադր,
 Բաժակները՝ խեղատանի:
 Շաքարի տեղ ջարի մանրունք,
 Բայց խմով են մեր հյուրեր:

Բավականին օղ կուլ տըվին,
Կում անելով թեյի տեղ,
Իրանց օրում շէին խմած
Այսպես եփած թեյ համեղ:
Պռոշները լպտեկով՝
Թեյի սարքը վերցրին,
Տեսակ-տեսակ քաղցրավենիք
Կոտրած խոնչով մոտ բերին:
Մի խնձոր էլ մաս-մաս արած,
Ինչպես հաղորդ փրկության,
Կղախկն էլ ավլի շյուղ էր,
Նրանով կերան քաղցրացան:



— Բաժինքը բե՛ր, խնամի Հուռի,
Ասաց մեկը նրանցից,
Ութ տարեկան պառավ Սղսոն,
Որ մեծն էր ամենից:
Հոփսիկը մեջտեղ դրավ
Մի բավական մեծ բոխշա,
Առաջ հանեց ցանցով գործած
Մի մատնաշափ խալիշա:
— Շա՛տ սիրուն է,— ասաց Սղսոն,—
Իալար կենան մատները...
Իսկ Աննիկը չը հավանեց,
Թուփ են,— ասաց,— թելերը:
Բայց կողինքին հավանեցին,
Խաս կտորից էր կարած.
Բալիշները բմբլով լըցրած,
Ուլունք կոճակներ արած:
Մախմուր երեսը մութաքի,
Աբրեշումի փունջերը,

Նախշուն վերմակը ատլասի
Իսպառ տարավ խելքները:
— Ապրի՛, ապրի՛ Հոփսիկը,—
Մեր խնամիքն ասացին,
Ամեն կտոր վերցնելիս՝
«Բարով մաշեն» կրկնեցին:
— Տեսե՛ք,— ասաց Հոփսիկը,—
Իե՛ն էլի կան շատ բաներ.
Մեջտեղ բերավ հազար ու մեկ
Մանր մժուր կտորներ:
Սպիտակեղեն ուներ՝ կարած
Մի դուժինից էլ ավել,
Եվ այդ բոլորն ինքն իր ձեռքով
Լվացել էր, օսլայել:
Քանի՛ թղթի արկղիկներում
Բաներ ուներ պատրաստած,
Արծաթեղեն ու ոսկեղեն,
Բայց ոչ մետաղ ծանգոտած:
Սոխի կճպից ոսկեղենն էր,
Սխտորինից՝ արծաթին.
Փող էլ սններ սոխի կճպից
Տասը ոսկի շատ դեղին...



— Դե բե՛ր, դե բե՛ր մեր հարսնացուն,
Տեսնենք ինչպես ես զուգել.—
Տեսան հարսին շատ սիրուն էր,
Բայց սկսան շըշնջել.
Խնամիքանց մեկն ասում էր՝
Իե՛ղ է քսել երեսին.
Մյուսն ասում էր՝ ոչ, երեսը
Իե՛մ է արել կրակին:

— Տեսնե՛ք, — առաջ շարժվա՛նք —

Ահա աղջիկ փաշփաշա,
Ունքերը խաս արբեշում է,
Նախշուն աչքերն է շուշա-
կրծքի քորոցն աղամանդ է,
Իսկ ճակտինը զուտ սակի,
Ակնչի օղերը զմրուխտ են,
Մատնիքնները փիթուզի:
— Շատ մի գովիր, քորոցնե՛ր են
Տեսակ-տեսակ գույներով,
Անցյալ օրը շաբաթի Գևուն
Տասն էր տալիս մի հացով:



— Բավական է, բերեք տղին,
Նստեցրեք միասին.
Նարոտ բերեք կանաչ-կարմիր,
Կապենք վզերն երկուսին:
Եղսոն հանեց իր ծոցիցը
Մեր տիկնիկի նոր-փեսան,
Մեկն իր ձեռքը զուռնա շինեց,
«Ի՛նչ-դո՛ւ» կանչեց բարձրաձայն:
Հավաքվեցան աղջիկ, տղա,
Թրգ երգեցին, պարեցին,
Ինչպես կարգն էր հարսանիքի՝
Պակաս ոչինչ չըթողին...



Խաղացե՛ք, ո՛վ մանուկներ,
Շատ խաղացե՛ք,
Բայց թե տիկնիկ և թե բաժինք
Ձեր իսկ ձեռքով շինեցե՛ք:

1889

ԱՌ ՂԵՎՈՆԴ ՀԱՅՐ ԱԼԻԵԱՆ

Ով դու հիասքանչ սոխակ եղեմին,
Հանճարեղ երգիչ բյուր ելեէջով,
Որ սավառնում ես անհունս ի վեր,
Եվ մերթ ոստոստում գողտրիկ տոտերով:

Վե՛լ խորագնին նկարիչ հոգվո,
Մր սերովբեի հրեղեն թևով
Նկարագրում ես անտեսանելին
Երկնային լուսո աննյութ գույներով:

Ով դու Պրոմեթևս, մեծագոր հսկա,
Անտեսեղծ լուսո հրույն սիրահար,
Եվ դու կաշկանգված մի ժայռի վրայ
Սևագլուխ անզղից սիրտըդ կտցահա՞ր...

Ով դու Նահապետ հազար թոռների,
Որ շունիս մի հատ տառաձեղ քեզ նման,
Որ քո հանճարից անենար բաժին,
Որին վայելե՛ր քո պատն անմեծան:

Ի՛նչ միայն գիտես լեզուն բնության,
Քեզ հետ են խոսում շնչավոր, անշունչ,
Հայրենի երկրի ամեն մի թռչնիկ
Քո գովքն է կրքում այսպես սրտառույ՛...

1889

ՌԻՍՈՒՄՆԱՐԱՆ

(Մանկական մաղբանք)

Գաշտը սիրուն է դալար բույսերով,
Եվ անուշահոտ գույն-գույն ծաղիկերով,
Ուսումնարանը նույնքան սիրուն է
Իր ուշիմ, խելոք ժիր մանկիկներով:

Սիրուն է ծառը կանաչ ճղներով,
Փունջ-փունջ կախոտված իր պտուղներով,
Ուսումնարանը նույնքան սիրուն է
Իր առաքինի խելոք սաներով:

Անտված, պահպանիր դու շատ օրերով
Մեր անդաստանը իր մշակներով,
Եվ մենք նրանում զուգվինք, զարգարվինք
Կեղեցիկ ուսման գույն-գույն փունջերով...

1887

ՀՐԱՎԵՐ

Աբլորը կանչեց, օրը լուսացալ,
Արևն էլ վառ-վառ ելավ, բարձրացավ,
Մարդ և անասուն, գազան և թռչուն,
Ամենքն էլ իրենց գործին են գնում:

Մրջույնը բերնով իր կերն է տանում,
Մեղուն ծաղիկներից հյութեր է ծծում,
Գաշտը գույնզգույն ծաղկով է զուգվել,
Մարդագետինը կանաչ հագնվել:

Անտառը ձմեռվա քնից արթնացած,
Իր տերևները շարժում է կամաց,
Ձկնորսներն իրենց ուռկանն են քաշում,
Հոտաղներն իրենց եզները քշում:

Գուք էլ, մանուկներ, շուտ հագնվեցեք,
Ձեր գրքերն առեք, դպրոց գնացեք,
Կարոցում կանոնք ուսում, կրթություն,
Կարոցը կտա ձեզ բարօրություն:

1906—1910

ՓԻՂՆ ՈՒ ՉՍՏԻԿԸ

Փի՛ղն հսկա մի կենդանի,
Չո՛րս ուղտի շափ հե՛շտ կլինի,
Ի՛նքն զգայուն
Ծ՛վ իմաստուն,

Վրան կանոն մի ամբողջ տուն:
Թե ինչպե՛ս է տեսքովն էլ նա,
Պատկերի՛ մեջ լա՛վ կերևա,—
Գլուխը հաստ մի ծառաբուն,
Քի՛թը երկար յո՛թը կանգուն,
Մյուս կողմերն էլ սրանց նման
Կո՛շտ ու կոպիտ, հսկայական:



Այսպես մի փիղ ժամանակով
Ա՛նց էր կենում մե՛ծ քաղաքով,
Հե՛նց որ տեսան այդ կենդանին,
Ծ՛ղն ու գոմեշ, ձի՛ն ու շորին,

Մ'զտն ու հ'զը, շո'ւնն ու կատուն,
Սարսափելով՝ փախան փակույն.
Չվախեցա՛վ միայն մի շուն,
Կամ՝ ճիշտն ասած՝ փոքրիկ շնիկ:

Փոքրիկ շնիկ,
Բայց շատ ճարպիկ,
Պատիկ—
Չստիկ...

Չստիկն աղմուկ բարձրացրեց
Եվ հաշելով հասկացրեց

Մե՛ծ շներին,
Բողարներին,

Թե՛ փախչելը ամոթ բան է,
Փիղն ի՞նչ է, որ մեզ սպանե:
Այս ասելով՝ վրա վազեց,
Փղի ոտքից մի պինդ կծեց:

Փիղն այդ զգաց,
Բայց լուռ մնաց:

Երբ Չստիկը մեկ էլ խածեց,
Փիղը արագ պտուռա գործեց,
Որ շնիկին բռնե շուտով,

Կամ մի զարկ տա երկայն ջթով:
Չստիկ շնիկն այդ հասկացավ,
Ճարպկությամբ մի կողմ անցավ:

Կրկին աղմուկ բարձրացրեց,
Մեծ շներին խրախուսեց:

Հավաքվեցին մեծ շները,
Չանգին, Զրանգին և մյուսները,

Հարալ-հրոց բարձրացրին
Եվ բլրաշափ զնփի փղին

Վախեցրին

Ու փախցրին:



Ճշմարիտ է, մեր Չստիկին:

Հին ժամանակ տնազ արին,

Մեղադրեցին

Ու ասացին,

Թե ինչպե՞ս է հանդիմացել:

Ու մեծ փղի վրա հաշել:

Բայց երբ խելջով հասունացան,

Գլխի ընկան

Ու իմացան,

Որ մեծե՛րն են լինում վախկոտ,

Իսկ փոքրե՛րը՝ քաջ ու սրտոտ,

Թե ա՛յս բանը բնական է,

Իսկ պատճա՛ռը պատճախա՛ն է:



Բայց դուք, փոքրեր, երբ մեծանաք,

Ո՛չ մի բանից չվախենաք,

Թո՛ղ լինի փիղ, ա՛րջ ու վարազ,

Գա՛յլ ու առյուծ, վա՛զր ու հովազ,

Հարձակվեցեք անահ սրտով,

Եվ անխոտ:

Թե՛ միայնակ

Եվ թե՛ խմբով:

ԱՐՄԻԿՆ ՈՒ ԼՈՒՍԻՆՈ

— Նայի՛ր, Արմիկ, դեպի վեր,—
Ասաց մայրը որդեսեր,—
Տե՛ս, լուսինը երկնքում
Ինչքա՛ն սիրուն է փայլում:
— Այո, մայրիկ,—
Ասաց Արմիկը,—
Խնդրի՛ր, թող գա,
Մեզ մոտ մնա...

ՍԱԳ

Սագիկ-մագիկ, իմ սիրունիկ,
Ես քեզ կտամ քաղցր չուտիկ,
Որ գու՛լուտես, շուտ մեծանաս,
Ուրախ ապրես, զվարճանաս:
Երբ մեծանաս, մեծ սագ դառնաս,
Ես կխնդրեմ իմ մայրիկիս,
Որ նա ժողվե՛ք քո փեսուհիներ
Եվ ինձ համար շինե՛ք բարձեր:

ԿԱՏՈՒ

Կատուն եկավ,
Փխսի՛կ, փխսի՛կ,
Հազար նազով,
Ինչպես հարսիկ,
Դունը սրբեց

Թաթիկներով,
Մազը սանդրեց
Զանչիկներով.
— Կատու, կատու,
է՛ր ես տրտում.
Թե՛ մկներն են
Հիմա արթուն:
Կատուն ասեց.
— Միտո՛, միտո՛.
Այսինքն թե՛
— Այո՛, այո՛:

ԳԼՈՒԽ, ԹԵ ԳԼԽԱՐԿ

(Նվեր կաթողիկոսական պատգամավորներին)

Երբ որ ընտրության լինեք ձեռնամուխ
Դուք գլխարկ կընտրեք և ոչ թե գլուխ:
Ի՞նչ է վեղարը, եթե ոչ գլխարկ,
Որ պարփակում է մի գլուխ դատարկ:

Կուզեք ընտրեցեք մի աշխարհական,
Թող լինի անգամ մի մեծ գիտնական,
Բայց չէ՞ որ նա էլ վեղար պիտ կրի,
Եվ ինչ որ սև է, նրան համակրի.
Ուրեմն էլ ի՞նչ հարկ մտմտալ իզուր,
Թե վեղարներից ո՞րն է բուրբ կամ սուր:

ԱՂՎԵՍՆ ՈՒ ԳԱՅԼԸ

(Նոր առակ)

Աղվեսն ու Գայլը շատ մտերմացան
Եվ ընկերացան.
Եվ ահա մեկ օր սրանք կամեցան,
Որ գնան դառնան
Մեկը՝ ոչխարած,
Մյուսը՝ սագարած:
Ու պետք էր հովվի հագուստ հագնեին,
Բայց ո՞ր գտնեին:
Խելոք աղվեսը շուտահատվեց,
Գայլ ընկերոջ հետ նա այսպես խոսեց.
— Միրելի ընկեր, իմացած կենաս,
Որ ինչ շուրփալաս
Հագիդ ունենաս,
Հովիվ կրդառնաս,
Մենք զազաններս մեր բունակներով,
Կերակուրներով
Մեկս մեկելից շենք զանազանվում,
Իսկ մարդ աւածդ իր ոչ մի բանում
Մեզ չի նմանում:
Մարդկանց մեկն ունի սարի նման տուն,
Իսկ մյուսը շունի գետնափոր մի բուն.
Մեկը լափում է հազար տեսակ բան,
Մյուսը չի ճարում ոչ մի շերեփ թան.
Մեկը ծփում է զառ ու դումաշում,
Մյուսը մերկ, բորիկ, ոտներն է մաշում.
Այս խեղճերիցն է սարի հովիվն էլ,
Հագուստ ու կապուստ նրան ո՞վ է տվել.
Մի հին թաղիք է վիզն անցկացրած,
Մի մոթալ փափախ՝ բուրդը դուրս պրծած.
Իսկ այդ ի՞նչ է, որ մենք ձեռք չըբերենք,
Հովիվից էլ լավ մեզ չըզարդարենք...

Հենց այս խոսեցում

Մեկ էլ էն տեսնե՞մ

Ահա գալիս է մի ձի շափ ընկած,

Չուր փորն ընկած...

Սրանց որ տեսավ՝ ավելի խրտուեց,

Չուր վայր գցեց,

Իսկ ինքը փախավ գլուխն ազատեց:

Գայլն ուզեց վազել, որ ձիուն հասնի,

Իր բանը տեսնի,

Աղվեսը նրան շիտուտարեց,

Այլ խորհուրդ տվեց,

Թե՛ ահա մեզ լավ յափնջացունեք,

էլ ժամանակդ դուր մի՛ կորցնեք.

Թաղիքն արա երկու կտոր,

Որ գլուղ շերթանք այսպես տկուր.

Ցափնջու մեջ որ փաթաթվենք,

էլ ո՞վ կասի որ մենք մարդ չենք»:

Եվ ձևեցին,

Կապկըպեցին

Մի-մի յափնջի, մի մոթալ փափախ,

Բայց փաշեքնին բաց, պոչերնին կախ-կախ...

Իրիկվա մթին այս նոր տարազով,

Նազով ու սազով

Գայլն ու Աղվեսը որ գլուղ չըմտան,

Մեկ էլ ի՞նչ տեսան...

Ահա երկու շուն՝ Չանգի-Չրանգի

Առյուծի հանգի...

Սրանց առաջը կտրում են, հաշում,

Հետն էլ կլանում,

Բուր շները մի տեղ հավաքում:

Գազանահաչ էր, գեղացոց ծանոթ,

Ինչպես անզուման տրաքած թնդանոթ,

Ամենքին հանկարծ ոտքի կանգնեցրեց

Եվ ամեն զենքով սպառազիկեց.

Որը վեր առավ մի քողի նիզակ,

Որը՝ մի եղան կամ հաստ զազանակ.

Մեկը՝ մի բճիր չափարից հանած,
Մյուսը՝ մի կացին երկայն կոթ արած,
Որը՝ մի հին թուր
Ածու նման սուր,
Որը՝ մի դաշույն կամ երկայն շամփուր.
Բուրն էլ հանկարծ
Ոտքի են կանգնած,
Թե մարդ, թե կնիկ,
Թե մանչ, թե աղջիկ:
Եվ ի՞նչ ճղավոց, ի՞նչ գոռյուն-գոշյուն,
Այստեղ շէր լաված այսպես դղրդյուն...
Մեկ մարդ մոտ գնաց,
Տեսավ ու գոռաց.
— Մեկն աղվես է, մեկը գե՛լ,
Բայց դառել են մարդագե՛լ...
— Վա՛յ, մարդագե՛լ, մարդագե՛լ,—
Բղավեցին ամենքն էլ,
Եվ շատերը վախեցան,
Մութ տեղերում թաք կացան:



Աղվեսն ու Գայլը շատ շշկվեցին,
Ապուշ կտրեցին,
Բայց էլի շուտով ուշքի եկան
Ու ետ-ետ փախան,
Շներին տալով նոր յափնջիքը,
Մոթալ փափախներն ու պոչերնիքը...



Այդ անցքից դեպը
Գայլն ու աղվեսը
Իրար տեսնելիս՝
Բարե չեն տալիս:

Մարդ թե դազան իրար նման
Ենթարկվելով դժբախտության,
Մեղադրում են մեկը մյուսին—
Հայկն՝ Ամոյին,
Գայլն՝ Աղվեսին...

1909

ԱՆԵԾՔ

Երկու հոգի՝
Հայր ու որդի
Խորհուրդ արին
Եվ վճռեցին,
Որ վեր կենան,
Որսի գնան,
Եվ գնացին...

Ու նրես մտան
Մի խիտ անտառ,
Ու երբ գտան
Մի որբ կիստար...

Որդին ասեց՝
Թող ե՛ս խփեմ.
Հայրն արգելեց.
Մե՛ղք է, ասեց,
Թող ե՛ս խփեմ.
Թող ես ընկնեմ
Անեծքի տակ,
Եվ ոչ թե դու
Ջահել օրով.
Դու ո՛ղջ մնա
Հորով-մորով:

Հայրը խփեց,
կիտարն ընկաւ,
Որդին շալկեց,
Ճանփա ընկաւ
Մի նեղ շավղով,
Խոր ձորերի
Անդունդներով...

Մեկ էլ հանկարծ
Մի քարա-այծ
Քերծի գլխից
Փախած տեղից
Գլորեց մի քար
Ինպի ներքև
Եվ հոր առջև
Մոր մինուճար
Որդուն դիպավ,
Լույսը հանգա՞վ...

1909

ԱՏԱԸ ՓՈՒՆԱԾ

(Մանկական երգ)

Ատամ, ատամ,
Իմ կաթնատամ,
Գնա՛ս քաղով
Հարյուր տաղով...
Իսկ դու աքի՛,
Գալըդ քարի՛,
Իմ նոր ատամ:

Ես քեզ կըտամ
Հարյուր տարի
Հազար բարի—
էլ դաժուրձա՛,
էլ բաստուրձա՛,
Զամչով փլա՛վ,
Հնդու խուրձա,
Տանձ ու խնձոր
Մի՛շտ, ամեն օ՛ր
Փըստա՛, բաղա՛մ,
էլ որ մեկի
Անունը տամ,
Ոսկի՛ ատամ...

1909

ՀՈՎՎԻ ՍՐԻՆԳԸ

(Ավանդություն)

(Նվեր Երաժշտագետ Մուշիկին)

Հովիվը սարին՝
Ոչխարն առաջին՝
Ոչ շուն և ոչ զենք
Զունի նա կշտին:

Եվ ահա եկան
Օրը ցերեկով
Սոված գայլերը՝
Ամբողջ սճմակով:

Հովիվն ի՞նչ աներ,
Ինչպե՞ս ազատեր
Իր ամբողջ հորը,
Երան էլ հետը:

Նա ճարը կտրած՝
Սրինգը հանեց
Եվ աղիողորմ
Մի երգ նվագեց:

Եվ ինչպե՛ս քնքուշ,
Ինչպե՛ս մեղմանուշ,—
Բոլոր գայլերը
Կտրեցին ապուշ...:

Եվ լսում էին
Սառած, քարացած,
Սրնգի ձայնից
Թովված ու դյուրթված:

Բայց ի՞նչ էր երգում
Հովիվն այնպես լո՛ւրջ,
Որպես մի հառա՛շ,
Որպես մի մր՛ճունջ:

Նըրա նվագը՝
Զի՛լ ու քաղցրաձայն՝
Մի աղերսանք էր,
Մի գոշ օգնություն:

Սրինգն ածելիս՝
Նա ձայն էր տալիս
Իր կտրիճներին՝
Զալում շներին.—
Ա, Զամբա՛ր,
Ա, Ղայթա՛ր,
Եկե՛ք, հա՛, եկե՛ք,

Ա՛, Քյասա՛ր,
Ա՛, Բասա՛ր,
Հասե՛ք, հե՛յ, հասե՛ք...

Հանկարծ թնդում է
Յուրթն՝ ամեն տեղից.
Ի՛նչ հարայ-հրո՛ց,
Ի՛նչ ո՛ղբ, ի՛նչ ոռնո՛ց...

Շները թև առած՝
Ինչպե՛ս են թռչում,
Հասնում են հովվին
Մի ակնթարթում...

Այսպես մի հովիվ,
Սրնգի շնորհիվ՝
Փրկում է հոտը,
Իրան էլ հետը
Զար գազաններից՝
Սոված գայլերից...

1909

ԾԻԾԵՌՆԱԿԻ ԳԱԼՈՒՍՏԸ

(Մանկական խաղ)

Գործողներ. Երկու մանուկ, մեկը ծիծեռնակի դերում. մի երգչիկ խումբ.
բոլորը միասին իբրև նորեկ ծիծեռնակներ:

Մաճուկը.— Բարով ես եկել, սիրուն ծիծեռնակ.

Բայց ասա խնդրեմ, ինչո՞ւ ես մենակ:

Ծիծեռնակը.— Ո՛հ, մի՛ հարցընիլ, սիրելի մանկիկ,
Ճամփին բարձրացավ մի մեծ փոթորիկ...

Խումբը (զարմացած).— Օ՛յ-օ՛յ-օ՛յ, ո՛ւյ-ո՛ւյ-ո՛ւյ.

1 Յուր կամ յուրդ ավում է սարվարների բնակատեղին:

Մանուկը.— Հետո՞... երևի ամենգիտ, ցրեց-

Ով գիտե՛ որին ո՞ր ձորը գրեց...

Միծեռնակը.— Այո, ո՞վ գիտե, ո՞վ ողջ, ո՞վ մեռած.

Քանիսը մնացին ձյունի տակ սառած...

Խումբը (տխուր).— Վա՛յ-վա՛յ-վա՛յ-վա՛յ, վո՛ւյ-վո՛ւյ-վո՛ւյ...

Մանուկը (կուտ է ածում առաջը).— Խեղճ իմ ծիծեռնակ,
կեք, հանգստացիր,

Եվ մտի՛ր բունդդ, մեկ լավ տաքացիր:

Միծեռնակը.— Շնորհակալ եմ, ես կուշտ եմ հիմա.

Կարծես մերոնք էլ պիտի զան ահա:

Խումբը (ուրախ).— Վա՛-վա՛-վա՛, վի՛-վի՛-վի՛...

Մանուկը.— Բան չի երևում, աչք ի՞նչ ես ասում,

Գուցե հեռվիցը մի ձայն ես բուում:

Միծեռնակը.— Ո՛չ, ես զգում եմ, թեև չեմ լսում,

«Գալիս են ահա», իմ սիրան է ասում:

Բոլոր աշակերտները ներս են թափվում կռները թափահարելով, իրրե թռչում են և շրջապտույտ գործելով երգում են,—

Եկա՛նք, եկա՛նք ողջաոո՛ղջ
Մենք անկորուստ և ամբողջ,
լե՛-լե՛-լե՛, հա՛յ լե՛-լե՛,
լո՛-լո՛-լո՛, հա՛յ լո՛-լո՛,
Հելելե՛, հոլոլո՛...

1910

Տ Ո Ր Բ Ա Ն Գ Ե Ղ Ե Վ Հ Ա Յ Կ Ա Ն Ո Ւ Ծ
Գ Ե Ղ Ե Ց Ի Կ

(Շին գրույց)

ՆԱԽԵՐԳԱՆՔ

Բացվել է գորտնը, ջրերը պղտորվել,
Սար ու ձոր կանաչել, ծաղկով զարգարվել.
Միծեռը դտել է իր բույնը հերվան,
Շիճում է, կարկատում, գնում նոր ձվան.
Պաղ օձը տաքցել է, թողել է իր բույն,
Սոխակը մնում է վարդի բացվելուն.
Գուզարաց աշխարհը նոր կյանք է առել,
Նոքի ու կարվարի ձյունները հալվել.
Գետակը Բողնիքի վաղ արշալույսին
Հորդացած վշշում է փրփուրն նրեսին.
Անտառում Պեփրեթը՝ ամբոցն Սրամյան,
Զուգվել է, զարգարվել նոր հարսի նման.
Բուրգերից խնդաթլան արցունք է հոսում,
Կարծես թե սիրարժան հյուրի է սպասում:
Ամբոցի տիրուհին՝ չքնաղ ՀԱՅԿԱՆՈՒԾ,
Դեռ փափուկ անկողնում քնած է մուշ-մուշ.
Տեսնում է երազում մի Յարդ ածգահա,
Մի գերան ուտին դրած՝ գալիս է ահա.
Փալիս է ածգահա՞ն ընկնում ոտքերը,
Ասում է՝ «Հա՛ լիանուշ, դո՛ւ նս իմ սերը.
«Կա՛մ ինձ ալս գերանով զարվիր, սպանիր,
«Եվ՛ դա՛մ իմ խնդրերըս լսիր, ընդունիր»:
Վեր կացա՛վ տիրուհին փափուկ անկողնից.

Ինչպես մի նոր արև ծովի խորքերից.
Ոսկեմազ ծամերը՝ ճաճանչի նման՝
Մածկեցին մինչև ոտք հասակն աննման.
Երեք-չորս նաժիշտներ մոտեցան կուսին,
Տոն օրվա հագուստով նրան դուգեցին
Նոր տեսած երազը գրավել է նրան,
Մտքիցը չի ընկնում աճուխի հսկան.
«Մենք շուտով, ասում է, մեկ հյուր կունենանք.
«Պետք է նրա առջև դուռը շրքանանք.
«Ես տեսա երազում մի մարդ ահարկու,
«Եկել էր ոտքս ընկել՝ իբրև փեսացու»...

— Այդ հսկան, թե կուզես իմանալ ճիշտը,
Ասում է ժպտալով ներս նաժիշտը,—
Երեկվա գուսանի երգի հերոսն է,
Պասքամյան աժդահա Անգեղյան Տորթն է:
Պարխարյան լեռներում՝ երգչի ասելով՝
Կենում է մի հովիվ քաջ Տորթ անունով.
Նա մի շատ հաղթանդամ հսկա է գորեղ,
Բայց սիրտը բարի է, թեև դեմքն ահեղ.
(Թող մարդս կոշտ լինի անհարթ սարի պես,
Բայց սիրտը չըլինի անշունչ քարի պես).
Նրան շատ սիրում են թե մարդ, թե գազան,
Առյուծ ու վագրեր են հոտին պահապան,
Նա խոմ քո ցեղիցդ է, քեզ մոտ ազգակից,
Մի պապի թոռներ եք և մեկ արյունից.
Գուսանի ներքողը ազդել է վրբադ,
Երազում տեսել ես ազգակից հսկադ»:
— «Դուք պատրաստ մնացեք, ինչ էլ որ լինի,
Թող վրաս ունենամ իմ թուրն հավլունի.
Ամբողջի դռները ամուր փակեցեք,
Լրվացեք գլխներդ, մաքուր հագնվեցեք.
Ես գիտեմ, երազս պիտի կատարվի,
Մենք հյուրին կընդունենք, եթե ներս մտնի:
Թե փակած դռնովը ներս գալ կարենա,
Այդ նշան կըլինի, որ քաջ Տորթն է նա»:
Իրավ որ քաջ Տորթն էր երազի հսկան,
Մ'կ գնանք, ընթերցող, և բերենք նրան:

ԵՐԳ ԱՌԱՋԻՆ

Շատ դարեր առաջ՝ հին Հայաստանում
Տորթ-Անգեղ, անվամբ մի մարդ էր կենում:
Տորթը չէր նման հասարակ մարդու,
Այլ մի աժդահա և շատ ահարկու.
Աչքերը կասես մի-մի կապույտ ծով,
Ճաճանչավորված արևի լույսով.
Սև-սև ունքերը՝ մութ ամպի նման՝
Բարդ-բարդ կուտակված աչքերի վրան.
Քիթը կորընթարթ, իբրև մի բլուր,
Ատամներն ուրազ, եղունգները թուր.
Կուրծքը կասենաս մի լանջ է լեռան,
Մեջքը սարածայո, կունքը գերան,
Մի խոսքով՝ մի դև և ոչ թե հսկա,
Ոչ ոք տեսած չէր այնպես աժդահա:
Տգեղ էր դեմքը և այնքան դաժան,
Որ զարհուրում էր, ով նայում էր վրան.
Ահռելի էր նա և այնքան ուժեղ,
Որ հիսուն գոմեշ շունեին մեկտեղ:

Նա դեռ պատանի ժայռեր էր ճեղքում,
Ճեղքում էր ձեռքով, ձեռքով էլ կոկում.
Ճեղքում, հղկում էր քարե տախտակներ:
Եղունգով փորում պես-պես նկարներ:
Նա մի հովիվ էր, հովիվ լեռնական,
Բայց ոչ հասարակ, այլ դյուցազնական,
Առյուծ ու վագր նրան տեսնելիս՝
Մովոր շան նման մոտն էին գալիս.
Կարծում էին, թե նա էլ է գազան,
Եվ նա է իրենց զորավոր արքան.
Փաթաթվում էին քաջի ոտներին
Եվ կաղկանձեկով աղերսում բաժին.
Նա էլ տալիս էր անունդ բավական
Եվ հոտի վրան կարգում պահապան:
Ինքն այնուհետև գեում էր անտան,

Որ սնունդ գտնե իր ուժի համար:
Նա պոկոտում էր մեծ ծառեր հատ-հատ
Ու շինում նրանցից մի մեծ ցանկապատ.
Անտառի շուրջը պարիսպ էր դառնում.
Մեքը վայրենիք կաշկանդված մնում.
Եվ նա բռնում էր, բռնոտում այսպես,
Եղնիկ, եղջերու և այլ ինչ ասես:
Քսան, հրեսուն էրե շալակած,
Կնում էր հոտը հոգնած ու քրտնած.
Առյուծն ու վագրը դեմն էին գալիս,
Քաշի ոտքն ընկնում և բարե տալիս,
Եվ խնդրում էին դուռցազն Տորքին,
Մասնակից անել համեղ ընթրիքին:
Նա չէր շատակեր Շարայի նման.
Սիրում էր կաթը և մածուն ու թան.
Եվ չէր բարկացկոտ, այլ հեղ ու խոնարհ,
Բայց Տերն ազատեր, թե որ բարկանար...

Բ

Մեկ անգամ գլուղում Տորքին զայրացրին,
«Անգե՛ղ, գե՛շ Անգեղ», հետքից գոչեցին.
Էլ չըհամբերեց. պսկեց մի մեծ ծառ,
Ավյեց նրանով ամբողջ գլուղն իսպառ.
Ասում եմ՝ ավյեց, չըկարծեք սրբեց,
Այլ տուն, գոմ, մարագ գեանին հավսարեց.
Փախան մարդիկը ճանճերի նման,
Էլ ո՛վ կըկանգնեք Տորքին հանդիման.
Այսպես, երբ նրա քնոթյունն իմացան,
Էլ այնուհետև սրտին չըդիպան,
Այլ մեծ հարգանքով պատվասիրեցին,
Պարերգ շինելով, գովաբանեցին.
Տղեք. աղբրկեք՝ ձեռք ձեռի սված՝
Ե՛վ պարում էին, և՛ քովում Տորքին:
Էլ այնուհետև նրա գեմքն ահեղ

Առաջվա նման չէր թվում տղեղ:
Անգութ չէր Տորքը և ոչ էլ անգեղ,
Կավ որմնադիր էր և ճարտարապետ.
Ահագին վեմեր նա բերավ տաշեց,
Իր քանգած գլուղը նորմեկանց շինեց.
Եվ այնուհետև իր ուժն ահագին
Նա գործ էր դնում միշտ դեպի բարին:
Նրանից առաջ շատ քաղաք ու գլուղ
Թալանում էին գողերն աներկյուղ,
Բայց երբ լույս ընկավ Անգեղ Տորք հսկան,
Ավազակները ծակըծուկ մտան:
Նա չէր գործ ածում ոչ թուր և ոչ նետ,
Միայն իր տեսքով անում էր անհետ.
Բայց երբ թշնամին երես էր առնում,
Նա այն ժամանակ ուժին էր դիմում.
Վերցնում էր քարեր, քարեր ահագին
Ե՛վ կարկուտի պես թափում գլխներին:
Սև ծովի կողմից օտար թշնամիք
Թալանում էին և գերում մարդիկ,
Միշտ գալիս էին անթիվ նավերով:
Այն էլ աշկարա, օրը ցերեկով:
Կողոպտում էին անթիվ գլուղրեք,
Եվ գերի տանում սիրուն աղջկեք:
Մեկ անգամ եկան խնդրեցին Տորքին,
Որ գնա օգնե խեղճ ժողովրդին.
Կնաց մեր հսկան, բայց նավերն արդեն
Հեռացել էին Սև ծովի ափեն:
Զայրացավ Տորքը, գոռաց, մոնչաց,
Իբրև մի առյուծ նետահար եղած.
Բլբաշափ ժայռեր սարերից պոկեց,
Փախող նավերի հետքից շրպրտեց.
Իդրդաց ծովը, բարձրացան ալիք,
Նավերը դառան շարժուն խաղալիք:
Ահա դարձյալ ծայր, դարձյալ դղրոց,
Շրջվում են նավերն իբրև օրորոց.
Էլի մեկ բլուր, մեծ քան գառաչին՝
Էնկնում է ուղիղ նավերի դիմին:

Գնում են կրկին ժայռերը գունդ-գունդ,
Զարկվում նավերին և տանում անդունդ:
Ողջ կորան այսպես ավազակները,
Դեպի անհատակ ծովի խորքերը:
Նրանցից միայն մեկն ազատվեցավ,
Գլուխը պատռած՝ իր երկիրն հասավ:
Եվ այնտեղ այնպես հրաշքներ պատմեց,
Որ լսողներին սարսափեցրեց:

Ահա այս անգուժ բարբարոսության
Վերջ տվավ իսպառ մեր զորեղ հսկան:

Գ

Տորքի անունը շատ հռչակվեցավ:
Մինչև արքայի ականջը հասավ:
Մեծ թագավորը կանչում է Տորքին,
Որ պարզեներ տա և նայե դեմքին:
Գնում է Տորքը՝ մի ծառ ուսին դրած:
Մտո՛ւ ճղներից էրեներ կախած:
Այնտեղ կար այժյամ ու վայրի ոչխար,
Եղնիկ, եղջերու, վարաղ ու կխտար...

Տորքի համբավը առաջ էր գնացել
Եվ քաղաքացոց նախապատրաստել:
Խանութ ու կրպակ ողջ կողոպտեցին,
Փողով, փողհարով դիմավորեցին:
«Յկավ, հա՛ եկավ, գալի՛ս է, գալի՛ս»:
Ամենքն էլ իրար իմաց են տալիս:
Թե՛ ծեր, թե՛ մանուկ, թե՛ աղջիկ, թե՛ կին,
Եկան տեսնելու նորեկ հսկային:

Երբ Տորքը մտավ մեծ մայրաքաղաք,
Նրան կարծեցին շարժուն աշտարակ:
Իրավ՝ նա ցած չէր աշտարակներից,
Բուրգ էր նա՝ շինված անտաշ քարերից:
Մտն ուսին դրած գավազանի պես,
Քայլեր էր անում շորս կանգուն ու կես:

Այսպես նա հասավ մինչև ապարանք,
Արքայի վերա ազդեց մեծ զարմանք:
Վայր դրավ բեռը, բարձրացավ վերև,
Մեկաշոք ընկավ արքայի առջև:
Թագավորն ասաց. «Ապրի՛ս, ապրի՛ս, Տորք,
Դու շես մի հատ մարդ, այլ մի ամբողջ զորք»:
Արքայի ծունկը Տորքը համբուրեց,
Արքան էլ նրա ուսին ձեռք դրեց:

Գ

Կեւ էր արքան, որ հսկա մարդիկ
Չեն լինում խելոք և ոչ էլ ճարպիկ,
Բայց երբ Տորքի հետ լավ ծանոթացավ,
Նա այս կողմանե մի նոր գյուտ արավ:
Տորքին նա պահեց մոտ երեք ամիս,
Հետն էր նստեցնում միշտ ճաշ ուտելիս:

— «Ենչպե՛ս ես կարծում, մեկ օր հարցրեց,—
(Հսկայի խելքը նա փորձել ուզեց),
Ո՞րն է գերազանց, ո՞ւժը, թե՛ խելքը»:
— «Երկուսն էլ լավ են,— ասաց քաջ Տորքը:

«Փորքիկ ուժի մեջ շի լինիլ մեծ խելք,
Ոչ էլ ուժեղը կլինի անխելք:
Բայց ի՞նչ է խելքը,— ոչ ոք չըզտեհ,
Անխելքի համար խելոքն անմիտ է:
Ուրիշ է խելքը գլխապահության,
Եվ ուրիշ՝ խելքը հափշտակության:
Այդ ամենքն ունին՝ թե մարդ, թե գազան,
Թե խելոք լինի, թե անմիտ անբան:
Բայց կա մի այլ խելք, խելք դյուցազնական,
Որ հնարում է, ստեղծում է բան,
Որ մեզ տանում է միշտ դեպի բարին
Եվ մոտեցնում արարչի գահին,
Որ բանեցնում է օդին ու ջրին,
Մառայեցնում կրակին, հողին,

Երևում է գութան, կամն ու ճախարակ,
Հերկում, մշակում դաշտ ու ագարակ.
Որ քարին, փայտին տալիս է նոր ձև.
Նոր գործադրություն, և այն հարատև.
Այս է ճշմարիտ խելքն իմ կարծիքով,
Մարդը գազանից վեհ է միայն սրանով»...
Զարմացավ արքան, այլև հիացավ,
Երբ հսկա Տորքից այս բանն իմացավ:

Ե

Մեկ օր էլ արքան տեսավ մեր Տորքին՝
Մեկ բլրաշափ ժայռ բռնել է ձեռքին,
Ահագին ժայռը շուռ-մուռ է տալիս,
Կարծես երեխա լինի խաղցնելիս.
Ժայռը ձեռքում էր Տորքը ձեռքերով,
Փորում, փորփրում սուր եղունգներով.
Փորեց, փորփրեց, նաշեց, տաշտըշեց,
Վերջն արքայի պես մի արձան շինեց.
Եվ ինչքան նման, ինչքան գեղեցիկ,
Շորն այնպես կարելի էր կարող դերձիկ.
Արքան կատարյալ, — ծիրանի հագած,
Բոլոր զարդերով զուգված, զարդարված,
Գահի վրա բազմած, թագը դրած գլխին,
Թուրը քարշ արած, գավազան ձեռքին,
Փառահեղ մրրքով, մարգարտով հյուսած,
Երբ տեսավ արքան, մնաց հիացած:

Ձ

«Այս ի՞նչ հրաշք է», մեկ օր էլ արքան,
Տորքին նայելով, առայ ինքն իրան.
«Փիղը խելոք է, թեև ահագին,
Բայց ո՞վ կրկարծն, որ այս հսկային

Աստված տվել է և՛ ինչը, և՛ հասակ,
Այլև նկարչի հրաշալի ճաշակ.
Արդյոք՝ սեղ էլ կա՞ այս մարդու սրտում,
Բայց ո՞վ կըսի՞րե սրան աշխարհքում.
Որտե՞ղ կըզտնվի՞ այնպիսի մի կին,
Որ ուզի դառնալ սրան ամուսին.
Բայց լավ կըլինե՞ր, եթե հաջողեր,
Մենք կունենայինք քաջ հպատակներ»:
Այսպես մտածեց արքան ինքն իրան
Եվ կանչեց Տորքին, որ խոսեցնե նրան:
— «Տորք, — ասաց արքան, — ես չեմ հավատում,
Որ սեր ունենաս քո կարծի սրտում»:
Ժպտաց մեր հսկան ինչպես մի ծծկեր,
Երբ մորից լսեր, թե արի ծիծ կեր.
Եվ սրտի սերը իր վառ կայծերով
Փովեց երեսին վարդի թերթերով:
— «Իսկ ես, արքա՛ քաջ, — ասաց մեր հսկան,
Ինձ որ ասեին, թե կա մի գազան,
Մի օձ, մի ծաղիկ, կամ մի անշունչ քար,
Չէի հավատալ, որ սեր շունենար.
Երկինք ու գետինք, թե ցամաք, թե ծով,
Բոլոր տիեզերք լցված է սիրով»:
— Տորք, դու խոսում ես իբրև սիրահար:
Ընտրել ես անշուշտ մեկին քեզ համար»:
— Ո՞ւմ պետք է ընտրեմ հարմար իմ սրտին,
Ես դեռ չեմ գտել ինձ համար մի կին,
Հեռու աշխարհում մեր սերնդից կան,
Բայց ես չգիտեմ այն երկրի ճանփան.
Աեկին տեսնում եմ այնտեղ երազում,
Որպես թե մի խոր ձորում է կենում.
Ինձ նման անբախտ, ինձ նման մենակ,
Բայց ոչ ինձ նման տգեղ, այլանդակ.
Նա գեղեցիկ է և շատ գեղեցիկ,
Ինչպես նոր ծագած կարմիր արևիկ»:
— «Բայց ի՞նչ ես կարծում, այդ գեղեցիկուհին
կըդառնա՞ արդյոք քո ընկերուհի»:
— Ես ինձ երազում հաստատ խոսք տվեմ,

Եվ խոստանալով մի պայման դրավ.
«Եթե գաս», ասաց, «կովես ու հաղթես,
Իսկ ինձ կըստանաս, կառնես կըբերես»:
Հիմա շրջիտեմ ո՛րտեղ կըգտնեմ,
Որ կովեմ, հաղթեմ ու առնեմ բերեմ»:
— «Ես իմաց կըտամ իմ բղջխներին,
Նրանք կըգտնեն քո գեղեցկուհին»:
Տորքն ուրախացավ, բայց և ամաչեց,
Տղայի նման նա կարմրատակեց.
Արքայի ծնկան նա համբույր տվավ,
Եվ իսկույն ևեթ մոտիցը փախավ:
Քաղավորն ինքն էլ շատ ուրախացավ,
Որ Տորքի սիրո գաղտնիքն իմացավ:

Է

Արքան հրավիրեց կուսակալներին,
Որ այդ ժամանակ պալատումն էին.
«Կուզեմ իմանալ, ասաց, մեր երկրում
Ինչպե՞ս ցեղեր կան, ինչպե՞ս են ապրում»:
(Քաղավորն ինքը շէր մեր աշխարհից,
Այլ հրավիրված մի ուրիշ երկրից):
«Արդյոք մեր երկրում վաղվա պես չըկա՞ն
Խոշոր հսկաներ մեր Տորքի նման»:
Ամենից առաջ խոսեց Առանը՝
Քաղաց աշխարհի գորեղ իշխանը.
— Ո՛ղջ լեր, թաղավոր, մեր երկրում դեռ կան
Հաղթանդամ մարդիկ՝ ճիշտ Տորքի նման.
Նրանք կենում են լեռնախորշերում,
Մթին ձորերում և քարայրերում.
Պնդոցն են քաշվում, որ ազատ մնան,
Քյոխվի ու գզրի ոչինչ հարկ չըտան.
Տներ են շինում և գետնի տակին
Անքար ու անփայտ, սարերի միջին.
Տեսնում ես նաև՝ հարթ գետնի տակից

Մուխ է դուրս գալիս քառասուն տեղից.
Շըշկվում է մարդ, թե սա ի՞նչ բան է
մի՞թե սա գյուղ է.— ո՞վ կարծիք կանես:
Մի գունն ես գտնում, մտնում, և ահա
Քսան, երեսուն մարդիկ ածղահա,
Մի քանի գերան կրակին դրած,
Նստած են շուրջը մըռութնրն կախած.
Իսկ նրանց մայրը՝ պառավ ածղահան՝
Իրեւ է կրակին քառականթ կաթսան,
Երեք-չորս վարազ ողջ-ողջ մեջն ածած,
Ճաշ է պատրաստում մեկ թի ձեռքն առած.
Խառնում է կաթսան թիաշերեփով,
Ինչպես մեր կանայք՝ փոքրիկ շամշիկով,
Տունն ունի նաև անթիվ մաշարեք,
Այնտեղ են լցված հարսն ու աղջըկեք.
Բոլորն էլ խոշոր, բուրն էլ հսկա,
Թե մարդ, թե կնիկ, աղջիկ, թե տղա.
Իայց շեն Տորքի պես անսառ ու անկաղմ,
Այլ շատ գեղեցիկ և վայելչակազմ»...
— «Ուզիդ է ասածն Առան իշխանի,
Ասաց բղջխը Գուգարաց երկրի.—
Մեր հսկաներն էլ ձորերը մըտան,
Որ զգիրներին ոչինչ հարկ չըտան.
«Ով որ, ասում են, որ գզրի ձայն լըսի,
Ե՛ս տեղնուտեղը ձյան պես կըհալլի.
«Մարդիկ էնդուր են այնչափ մանրացել,
«Ու մեջքներից թեքվել, կըռացնի,
«Որ հարկ են տալիս գզրին ու քյոխվին,
«Այն էլ դրամով, որ բնավ չունին:
«Մենք չունինք գզր, քյոխվա, քյաթխուղա,
«էնդուր ենք մնացել այսպես ածղահա»:
— «Բայց մի՞թե իրանք դրամի պետք չունին»:
Հարցրեց արքան Լոռու բղջխին:
— «Դրամը պետք է սնունդի համար,
Որ գնեն սնունդ և հագուստ հարմար.
Երկուսն էլ ունին, ունին վար ու ցան,
Ունին խոզ, ոչխար, լծկան ու կթան.

Ունին վուշ, բամբակ և որդ շերամի,
Զանազան ներկեր և որդն կարմրի.
Կանայք մանում են, ներկում ու գործում,
Սիրուն հագուստով զուգվում, զարդարվում.
Նույնպես հագցնում են բուր մյուսնեքին,
Կործում են գորգ, շալ և տան անկողին,
Եվ այլ ամենայն մանր ու խոշոր բան,
Ինչ որ գործվում է և պետք է մի տան:
Ունին եղ ու մեղր և մածուն ու թան,
Միրգ, հունդ, արմտիք, բանջար դանազան.
Աղբյուրներ ունին վճիտ, սառնարակ,
Վիրաբուժության գիտեն դեղ, ճարակ.
Իսկ ինչ որ շունին և պետք է իրանց,
Փոխանակելով տալիս են միմյախց:
Գինի և օղի նրանք չեն խմում,
Մուլություններից հեռու են կենում.
Եվ ապրում էլ են նրանք շատ երկար.
Ոչ մեկը չըկա հիվանդոտ, տկար:
Բոլոր անդամներն ամբողջ համայնքի
Զավակ են կարծվում մի ընտանիքի.
Այսպես միաբան, սերտ սիրով կապված,
Մեկմեկու համար գլուխ ետ դրած,
Շատ հյուրասեր են և մեծահոգի.
Խիստ ավանդապահ և առաքինի»...

— «Բայց մեզ ի՞նչ օգուտ այդ հսկաներից,
Երբ որ փախչում են հարկահաններից»:

— «Հարկից խորշում են, բայց ոչ կռվելուց.

Ո՛չ հայրենիքի պաշտպան լինելուց.

Ունին ահագին աղեղ, պարսատիկ,

Կռիվ են գնում — ինչպես հարսանիք.

Քարեր ու նետեր կարկրտի նման

Փափում են կռվող թշնամու վրան.

Իսկ երբ քար ու նետ շունին ձեռներին,

Գիմում են իրանց ուժեղ կոներին.

Մեկը հարյուրին, տասը՝ հազարին,

Զարդում են, ինչպես գայլը՝ ոչխարին»:

— «Եթե այդպես է, ազատ թողնեք,

Այդ հսկաներից էլ հարկ մի՛ առնեք.

Բայց «մե՛կ պայմանով», — ասում է արքան,

Որ մեր քաջ Տորթին մի հարսնացու տան»:

— «Այդ շատ դժվար է, — ասաց իշխանը, —

Թեև կատարեն քո խիստ հրամանը.

Նրանց մեջ առանց սենամարտելու

Սովորույթ չըկա աղջիկ ուզելու.

Մրցել են տալիս փեսացուներին,

Որ աղջիկն ընկնի վեջին հաղթողին.

Բայց գործը դրանով դեռ չի վնջանում,

Հետո աղջիկն ու տղան են սրբում.

Եթե փեսացուն չի հաղթում աղջկան,

էլ այն աղջիկը չի գնում նշան»:

— «Ուղիղ մեր Տորթի նրազի նման, —

Ասաց խնդալով մեծագոր արքան, —

Մենք էլ կուղարկենք մեր հսկա Տորթին,

Թող գնա փորձե իր ուժն ահագին»...

ԵՐԳ ԵՐԿՐՈՐԴ

Ա

Այստեղ, ո՛վ դու Աեր, ո՛վ հին բարեկամ,
Տո՛ւր հոգուս թոփշը, որ ես կարենամ
Նկարել չքնաղ սլատիներդ երկնային
Իմ թույլ վրձինով՝ գրչով մարդկային:
ՀԱՅԿԱՆՈՒՇ և ՏՈՒՐՔ, — ի՞նչ նմանութուն,
Բայց սերը շունի ոչինչ խտրություն.
«Սերը, ասած է, աթարին կըպավ,
Ինչ արին շարին, էլ սուկ չի եկավ»:
Շատ անգամ առչուծ, արշ, օձ, բոթենի,
Արծիվ ու աքառավ և այլ կենդանի —
Փեսա են դառնում սիրուն աղբրկան,

Եվ առնում տանում իրենց բնակարան,
Բայց՝ սովորաբար՝ այս դեպքի վերա
Նրանք դառնում են շատ սիրուն տղա:
Ճշմարիտ սերը կախարդված անձին
Նորից տալիս է իր դեմքն առաջին:
Քոչուն ու սողուն, ամեհի գազանք
Նորից առնում են մարդու կերպարանք:
Գեղեցկությունը արևի նման
Լուսավորում է խավար առարկան,
Իսկ սերը քարշում շատ ճառագայթներ,
Սրտի հնոցում վառում է լապտեր:
Խնկում է աչքը, որ տեսնե հեռուն,
Միրան է խոսողը, լուսն է լեզուն:
Եվ այնուհետև երազներ պես-պես
Ուղեղի խորքում գալիս են հանդես:
Միրահա՛ս սիրտը թողում է գեսինք,
Միրո թևերով թռչում է երկինք»...

Բ

Ամառնամուտ է. Լոք սարն իր զագաթ
Դաշտեցոց համար շինել է դրախտ:
Որ կողմ նայում ես՝ տեսնում ես հրճվանք,
Անմեղ, երկնային սիրո փաղաքշանք:
Ծաղիկներ գույն-գույն և անուշաբույր
Տալիս են իրար քնքուշիկ համբույր:
Անթիվ աղբյուրներ, վճիտ, սառնորակ,
Իրար գրկելով՝ մտնում են ձորակ:
«Սե՛ր-սե՛ր» է կանչում հովվի սրբինգ,
Կայտոում են ուլեր, խայտում են գառինք,
Այդ սարի գլխին կանգնած է ահա
Մի պանդխտական անծանոթ հսկա:
Բայց ուրիշ մարդ չէ այդ նոր վեթխարին
Այլ մեր բաշեկամ Տորքն է ահագին:
Հսկայի առջև մինչև բյուր մըղոն

Բացվել է մի լայն, շքեղ հորիզոն:
Նրա ոտքի տակ մեծամեծ լեռներ
Փոված են ինչպես աննշան թումբեր:
Հսկայն լեռների, Կովկասի շղթան,
Ինչպես դասաքի մի լեխաթան,
Կլուխը թաղել է Եվքսինյան ծովում,
Պոչվ Վրկանա ծովումն է շարժում:
Անտիլի մի պատ, բուսած անդունդից,
Սիջլից կտրում է հարափն հյուսիսից:
Ինչպես մի քամար ալմազ քարերով,
Շրշապատվել է գետնքի փորով:
Տե՛ս, Արևն ահա Վրկանա ծովից
Ի՞ր բուրբ շքեղ ծագում է մորից:
Նա իր շափաղը՝ ցնցուղն առաջին
Լքիտում է Կովկաս հսկայի դեմքին:
Ի՞նչ տեսարան է, ինչքա՛ն փառահեղ,
Հափշտակվեցավ մեր պանդուխտն ահեղ:
Այս տեսարանից վերացավ հսկան,
Եվ խնկուն շոքեց դեմ Արեգական:
Նա ահեղ ձայնով երգեց մի մաղթանք,
Լեռներ ու ձորեր տվին արծազանք:

Գ

Այստեղ մի հովիվ մուսեցավ Տորքին,
Մի ոչխաշակալ զավազան ձեռքին:
Կարծես ուշարկեց նրան արեղակ
Մեր հսկայի մոտ իբրև հրեշտակ:
— Ո՞վ էս դու, — ասաց, — հսկայի մեծագոր,
Եվ ո՞ւմ ես կանչում ձայնովդ հզոր:
— «Իս մի պանդուխտ եմ, — ասաց մեր հսկան, —
Ինչպես մողորված մի թափառական: —
Այս ի՞նչ երկիր է մեր առջև ընկած,
Ի՞նչ ավաններ են դաշտ ու ձոր լցված»:
— Ճշմարիտն ասած, ես լավ չըզգիտեմ

Սրանց անունը, որ մեկ-մեկ թվեմ.—
Եվ հովիվն անմեղ՝ իր գավազանով
Յուլց տվավ Տորքին իրանց անունով
Մի քանի քաղաք և մեծ-մեծ ավան.
Թե՛՛ այն Գաջենքն է և այն՝ Մոշավան.
Իսկ այս քաղաքն էլ, որ երկարումեկ
Բողնոփորի մեջ ձգված է բեկ-բեկ,
Յուրտավ քաղաքն է, հարուստ, այգեհատ,
Ինչ այս էլ ահա ամրոցն է Ուփրեթ,
Որ պատկանում է մի շատ աննման
Եվ շատ գեղեցիկ մի որբ ազնվկան:
— «Այդ ի՞նչ աղչիկ է, ի՞նչ է նրա անուն»,
— Նրբա անունն է «Հայկանուշ-Սիրուն».
Ինքը մի շքնաղ և շնաշխարհիկ,
Ոչ ոք ծնված չէ այնքան գեղեցիկ.
Նա աննման է, շափազանց սիրուն՝
Ինե չի լրացել տասնևութ գարուն:
— «Միթե նա չունի՞ ծնազք, աչքական»,—
Հարցրեց հուզված սիրահար հսկան:
— Բղեշխը նրանց Գաջենք է տարել,
Մնացել են այնտեղ, էլ ետ չեն եկել:
— «Ուրեմն ո՞ղջ են նրանք Գաջենքում:
— Ոչ, նրանք ողջ են գուցե երկնքում»:
— «Ուրեմն մեռե՞լ են, էլ նրանք չկա՞ն»:
— Եվ միշտ կրմեռնին, երբ սարը շրջան:
Ինչպես է եղել, նրանք մեկ ամառ
Սարը շեն եկել, և դրա համար
Արևը նրանց ամբողջ գերդաստան
Ջրկել է սարից, որ երբեք չըզան:
— «Բա ո՞վ է պահում այդ սիրուն աղջկան,
Եթե նա չունի ոչ մի ազգական».
— Ուրիշներին էլ նա ինքն է պահում,
Ամեն կարոտյալ նրան է գիմում.
Ունի նա ժիշտներ, անթիվ ծառաներ,
Մի նույնքան ջներ, բլուրավոր հառեր.
Նա մի հսկա է, թեև ոչ քեզ պես,
Հասակին նայես՝ սուրի է կառես.

Եվ շատ զորեղ է. մեզանում չըկա
Նրբա չափ ուժեղ և ոչ մի հսկա:
— «Ինչո՞ւ ուրեմն մարդու չի գնում»:
— Իր անվան վայել փեսա չի գտնում.
Ասում են՝ շուտով նրա մոտ կըգա
Հեռու աշխարհից մի մարդ ածղահա.
Այսպես է երգել մի պանդուխտ գուսան.
Մեր Հայկանուշն էլ մնում է նրան:
Հուզվեցավ Տորքը, երեսը փայլեց.
Պարզամիտ հովիվն անգամ նկատեց,
Որ կուր գուսանի երգած ածղահա
Պետք է որ լինի այս պանդուխտ հսկան:
— Երանի՛ նրբան,— ասաց պատանին,—
Ով Հայկանուշին կառնե ամուսին.
Նա շատ բարի է և այնքան գրթած,
Որ մեր կանանց մեջ դեռ չի տեսնելված,
Ով լծկան չունի, լծկան է տալիս,
Շատերին լրծած գութան է տալիս,
Յուզ է, թե պուսիր, նա բոլոր տարին
Միշտ բաժանում է չունեցողներին:
— «Ինչո՞ւմ ցույց տաս ինձ,— ասաց մեր հսկան,
Ուփրեթ զնացող կարճառոտ ճանփան»:
— Այս ճանփան ահա թե ուղիղ բռնես,
Ինե կեսօր չեղած՝ Ուփրեթ կըհասնես:

7

Մոտ է կեսօրը, ժամ է ճաշելու,
Փորի պահանջը լրացնելու.
Հայկանուշն աչսօր շատ լավ ճաշ ունի,
Լավ ձուկ, լավ խորված, թեև անգինի.
Շատ է ցանկանում, որ հյուր գա իրան,
Թեկուզ երազում տեսած ածղահան:
Բերդի դռները բախում են ահա,
Եվ այդ բախողն է մի մարդ ածղահա.

Բախում է բախում, բայց չեն բաց անում:
Կարծես նրա հետ մի խաղ են խաղում.
— Սո՛ւսս, ձայն շրճանեք, դուռը շրճանաք.
Ասաց տիրուհին, բայց... ա՛յ ձեզ հանաք.
Երկաթե դուռը հսկան խորտակեց,
Ինչպես գեշի թուղթ նրան օալծւեց.
Եվ վեր բարձրացավ քառե սանդուղքով,
Ինչպես մի մանուկ մորիցը խրոտով,
Կամ ինչպես աղքատ քաղցած ու տկլոր,
Սանդուղքի գլխին նստեց գլխակոր.
Աղախինները երբ Տորքին տեսան,
Սաստիկ վախեցած՝ փախան ներս մտան:
— Ինչո՞ւ եք վախում, ասաց տիրուհին,
Պետք է հրավիրել նորեկ հսկային:
Եվ ինքը գնաց Տորքին մոտեցավ,
Եվ իբր ինքն իրան՝ այսպես խոսեցավ.
«Ո՛վ պետք է լինի արդյոք այս հսկան,
Սա չէ՞ աժդահա Տորքը Պասաճամյան.
Էլ ուրիշ ի՞նչ մարդ կարեր հանդանել
Իմ բերդի դուռը այսպես խորտակել»:
Տորքն էլ ըսկսեց, իբրև ինքն իրան,
Տալ Հայկանուշին այսպես պատասխան.
«Երբ ճանաչում է Անգեղյա Տորքին,
Ի՞նչու ինչո՞ւ փակեց նրա երեսին.
Սա մի խաղ խաղալ միայն ուզեցավ:
Եվ հետևանքն էլ այն էր, որ տեսավ.
Տորքն ահա կերթա, դուռը կըշտկե,
Ինչպես առաջ էր, այնպես կըկողպե»:
Եվ Տորքը գնաց դուռը լավ կոփեց,
Սուր եղունգներով հղկեց ու կոկեց.
Ժանգոտած դուռը այնպես պըլպլաց,
Կարծես արծաթից լինեք նոր՝ ձուլած:
Երբ նորից գնաց իր տեղը նստեց,
Հայկանուշը նրան քաղցր աչքով նայեց.
— Ինչո՞ւ ես նստում, ասաց, չոր քարին,
Պետք է լավ ճաշ տալ քեզ պես ճարտարին.
Ճանապարհորդ ես, քաղցած կըլինիս,

Թե՞ հաց ուտելու ախորժակ չունիս...
— «Քաղցած եմ, այո՛, բայց շա՛տ եմ քաղցած,—
Հոգոց քաշելով՝ մեր հսկան ասաց.—
Ի՞նչ հաց պիտի տաս, որ ես կշտանամ,
Ի՞նչ ջուր պիտի տաս, որ ես զովանամ.
Իմ հացն ու ջուրը,— գիտե՞ս որն է այն—
Քո սե՛րն է, հոգիս, քո սե՛րն է միայն.
Մի՛ նայիր որ ես կոպիտ եմ ու բիրտ,
Այս կոպտության մեջ կա մի քնքուշ սիրտ,
Որ քեզ գլխովին իր մեջ կանփոփե
Եվ միշտ քեզ համար միայն կըտրոփե.
Ահա եկել եմ ընկել ոտքերդդ,
Կամ ինձ սպանիր, կամ տուր ինձ սերըդ».
— Դեռ ժամանակ չէ,— ասաց տիրուհին,
Հետո կըխորհիք քո սիրո մասին:—
— «Ծո քո ըստրուկն եմ. դու ինձ հրամայիր.
Թւկուզ քո շան տեղ դըռանըդ կապիր,
Որ քեղ պահպանեմ աչքիս լուսը սիս,
Ոչ մի փորձանքի դու չըհանդիպես»:
— Դու ինձ կազատես շատ փորձանքներից,
Բայց ո՛վ կազատե ինձ քո ճանկերից:—
Այս խոսքի վերա Տորք և Հայկանուշ
Քա՛հ-քա՛հ խնդացին, և խինչն էր անուշ.
Եվ իբրև վաղուց ծանոթ իրարու,
Կուշտ-կուշտ ճաշեցին, առանց ուտելու:

Ե

Սիրում էր Տորքը, սիրում էր անկեղծ,
Սիրում էր սիրով անբիծ, անտխեղծ.
Եվ կոպտատարազ իր դեմքը մթին
Իտուել էր սիրո ցուլաջող լուսին.
Այն կերպարանքը և հայացքն ահեզ,
Որ քարուցնում էր մարդկանց տեղմուտեղ,
Այժմ դառել է մի վճիտ պղբույր,

Որից բխում է սեր հեղահամբուր...
Ի՞նչ քաղցր ժպիտ, ի՞նչ քնքուշ շարժվածք.
Ե՛րբ է ոսնեցել անճոռնի կազմվածք...

Չ

Որքան կրակը վառվում է, այրում,
Այնքան տաքցողը հեռու է կանգնում.
Երբ վարուժանը շատ է կշկշում,
Մարին փախչում է, թուփի մեջ թաքչում.
Տորքն ինչպես սոխակ երգում է պես-պես.
Իսկ Հայկանուշը լուռ է վարդի պես.
«Այո» «ոչ», «գուցե», երկդիմի խոսքով
Պատասխանում է անորոշ մշտքով:
Խոհեմությունը՝ հատուկ իր սեռին՝
Իբրև մի սուր զինք՝ պահում է ձեռին.
Եվ ասում է նա Տորքին վերշապես.
— Աղջիկ առնելը չի լինի այդպես.
Ի՞նչ շատ ուժով ես, այդ ես լավ գիտեմ,
Բայց ի՞նչ էլ լինիս, ես պետք է կռվեմ:
Քո եղունգներդ, այ՛ո՛, շատ են սուր,
Բայց ես էլ ունիմ վահալանի թուր,
Որին չի դիմնալ և ոչ մի հսկա,
Թեկուզ նա լինի քեզ պես աժդահա...
— Սիրուն Հայկանուշ,— ասում է հսկան.—
Արի մի՛ անիր դու ինձ խելքահան.
Ես վախեցող չեմ և ոչ մի թրից,
Թեկուզ նա լինի ընկած երկնքից.
Բայց ինչպե՛ս զորե իմ ձեռքը կրպիտ
Քնքուշ նազելվույթ առնել իր խրտիտ,
Խոստովանում եմ ինձ հաղթահարված,
Ես, քո գերին. եմ, քո ոտքերն ընկած.
Ի՞նչ քո փոխանակ ցույց տուր հարչուրին,
Թեկուզ հազարին, տասը հազարին,
Հրամայիր ինձ՝ շարժեմ այս լլառը.

Ասա՛ պոկոտեմ ամբողջ անտառը,
Վարարած քեռի բնթայքը փոխեմ,
Սաքեր ու ձորեր իրար հետ խառնեմ,
Լեռներ կարող են իմ ձեռքով փլչել.
Բայց քեզ, Հայկանուշ, չեմ կարող դիպչել...
— Եթե այդպես է, ուրեմն դեմ՝
Եվ բեր ինձ համար քսան աժդահա.
Կերթաս Ձորոփոր, ուր քարայրերում
Քեզ պես հաղթանդամ մարդիկ են կենում,
Եթե նրանցից քսանին գերես,
Իրանով իմ անվան պատիվ կրբերես.
Եթե ոչ՝ գիտե՛ս մերտնք ինչ կասեն,
Ի՞նչ բամբասանքներ վրրաս կբբարդեն.
Կասին փախցրել է, փախցրել է նրբան
Լեռներից փախած մի թափառական...

ԵՐԳ ԵՐՐՈՐԴ

Ա

Գնաց մեր հսկան՝ ձեռքին մի գերան,
Որ գործ էր դնում իբրև գավազան:
Հասավ Ձորոփոր հսկաների մոտ,
Մտավ մի խրամ խոր ու քարքարոտ.
Առյուծի նման այնպես մոնչաց,
Նրա ահեղ ձայնից ձորը դրամբաց.
Ի՞նչուս եկան հսկայքն իրանց բներից,
Խրամի ժայռի պատառվածներից.
Նայեցան տեսան մեր հսկա Տորքին
Ներքեում կանգնած, մի գերան ուսին.
Չեպքով են անում:— Արի վե՛ր մե՛զ մոտ,—
Ասում են հսկայքն հյուրերի փարոս:
Վերև բարձրացավ մեր անհասցե հսկան,

Մտով ձորեցոց քարի բնակարան:
Տան նահապետը՝ առույգ ծերունին,
Պատվով ընդունեց իր պանդուխտ հյուրին:
Հատակի վրա նոր գորգ փռեցին,
Եվ վերի ծայրին նրան նստեցրին:
Տան երեխեքը՝ թե մեծ, թե փոքր,
Մտեցան կարգով՝ ձեռքը պաշեցին:
Տաշտակը բերին ջահել հարսները,
Մաքուր լվացին հյուրի ոտքերը:
Մի բոպե շանցած, մոտ հարյուր հիսուն
Հսկաներ եկան հյուրին տեսություն:
Խոր ու լայնարձակ ժայռե մաղարան
Դարձավ հսկայից մի ժողովարան:
— «Բարով ես եկել. մեր աչքի լո՛ւյսն ես»:
Ամեն նոր մտնող ասում էր այսպես:
«Ինչ ո՞վ ես կամ ի՞նչ» էլ չեն հարցընում:
Այս տեսակ կանոն չըկա նրանցում:
Մինչև երեք օր հյուրին կրպատվեն,
Հետո այդ բանը նրան կըհարցնեն:
Ամբողջ երեք օր տո՛ն կատարեցին,
Այնպե՛ս փառավոր հյուրին պատվեցին:
Մեկը բերում էր ձուկը նոր բռնած,
Մյուսը մի քանի էրե շալակած,
Մեկը վայրենի թռչուններ պես-պես,
Մյուսը՝ տանու հավ և մածնի երես:
Բոլոր համայնքը բերում էր սեղան,
Սեր ու արածան, թխվածք զանազան:
Նվազում էին քնար ու սրինգ,
Պարում ու երգում տղա ու աղջիկ:
Պար էին բռնում և պառավ ու ծեր:
Այսպես սեր, հրձվանք Տորքը տեսած չէր:

Բ

«Երբ վայելեցի այսքան աղ ու հաց»,
Մեր Տորքն ինքն իրան այնպես մտմտաց,
«Էլ ինչպե՞ս կարամ սրանց հետ կովել,
Մեկի կամ մյուսի մի մաղխն դիպել»:

Թող Հայկանուշը ա՛յլ բան պահանջե,
Եվ ոչ իմ եղբարց արյունը ուղե:
Ինչ որ կարող է մարդ անել սիրով,
Նույնն անել կարող չէ նա իր ուժով:
Թող ուժը լինի մարդու օգնական,
Բայց սերը լինի միշտ գործածական:
Այս մարդիկն ահա անխարդախ սիրով
Ինձ կաշկանդեցին սուրբ աղ ու հացով»:

Գ

Չորս օրից հետո Տորքը բացվեցավ,
Հսկաների հետ այսպես խոսեցավ,—
— Սիրելի եղբայրք, շորս օր է անցել,
Բայց դուք իմ մասին բան չեք իմացել,
Թե ի՞նչ պատճառով, ինչի՞ց ստիպված,
Ես թափառում եմ սար ու ձոր ընկած:
Ինչք ինձ ցույց տվիք սեր, ուրախություն,
Քաջերին վայել հյուրասիրություն:
Աստված շե՛ն պահե ձեր տուն ու տեղը,
Հաստատ պահե ձեր սերունդն ու ցեղը:
Ձեզ մոտ եկել եմ ես մի խնդիրքով,
Պատմեմ ահա ձեզ մի քանի խոսքով:
Ուփրեթ բերդումը,— տեղյակ կըլինիք,—
Կենում է մենակ մի սիրուն աղջիկ,
Նրան ընտրել եմ ես ինձ հարսնացու,
Ուզում եմ առնել առանց կովելու:
Եկել եմ հիմա ձեր ոտքն ընկել,
Ձեր օգնությանն ու խորհրդին դիմել:
Կա՛մ ինձ մորթեցեք, թաղեցեք այստեղ,
Կա՛մ եկեք զնանք ինձ հետ միատեղ,
Որ առանց կովի առնենք մի աղջիկ,
Խաղաղ ու սիրով կատարենք հարսնիք:
Լուսեց մեր հսկան, խոսեց ծերունին:

— Տղերք,— ասաց նա մյուս հսկաներին.—
Հին հեքիաթներում լսած կըլինիք,
Երբ մարդուկները ուզում են աղջիկ,
Եվ այն աղջրկան փախցնում են դևեր,
Տանում մութ աշխարհ կամ մթին ձորեր,
Մարդուկն այնտեղից հանում է նրան,
Եվ դառնում նրա քաջագործ փեսան:
Մի մեծ պարծանք է, երբ թվուկ մարդիկ
Ուժով ու կուլով առնում են աղջիկ.
Բայց ի՞նչ պարծանք է, որ զորեղ հսկան
Իր ուժը ցույց տա ապագա կնկան.
'Իրա հակառակ՝ եթե ցույց տար սեր,
Այդ ճշմարիտ որ պարծանք կըլիներ:
Ես շատ հավան եմ մեր հյուրի մտքին,
Այսպե՛ս է վայել վեհանձն հսկային:
Մեր Հայկանուշը չէ՛ մութ աշխարհում,
Եվ ոչ գերի է գևերի ձնոքում.
Նա ինքնագլուխ, անկախ, ինքնիշխան,
Կենում է բերդումն իր հայրենական.
Գնացեք ուրեմն քաղցրությամբ, սիրով,
Ուրախ ու զվարթ, երգով ու պարով,
Առաջարկեցեք համառ աղջկան,
Որ տեղիք չըտա մենամարտության:
Ես էլ ձեր հետքից խոնջացած ոտքով
Կըգամ օրհնելու պսակն իմ ձեռքով.
Թողեք ձեր հետ դան տղերք, աղջրկերք,
Որ այնտեղ սարքեն գեղեցիկ պարերդ:
Լոնց ծերունին, քարայրը թնդաց.
Գնա՛նք, հա՛յ գնանք,— ամեն ձայն գոռաց.
— Ես համաձայն չե՛մ,— գռչեց մի հսկա,
Որ թիկն էր տված մի ժայռի վըրա,—
Հայկանուշն ունի քսան փեսացու,
Մինը մեկէլից զորեղ, ահարկու.
Այդ գազանները գլուխ վեր առած,
Միշտ թափառում են սար ու ձոր ընկած.
Մորտփորցիք են, սնխելք ու անբան.
Մարդավարության շունին հետք, նշան.

Ինչպե՛ս հասկացնենք այդ անմխտնեղին,
Որ քար չըգցեն երեխաներին.

Ես հաստատ գիտեմ, որ առևնց կտվի
Անհնարին է, ոչինչ չի չինիլ:—

— «Դուք ի՛նչ պահ տվեք երեխաները,—
Պատասխանում է բարեսիրտ ծերը,—
Ես կըպահպանեմ սրանց անվնաս,
Ոչ մեկի գլխից չի պակսիլ մի մազ.
Մենք այսօր կերթանք բերդը կըմտնենք,
Իսկ դուք վաղն եկեք, մենք ձեզ կըսպասենք.
Եթե հավան եք դուք իմ սասածին,
էլ մի՛ արգելեք երեխաներին»:

Ժիր երեխերքը այս որ շնեցին,
Ալևոր պապի վզին փարվեցին.
«Պապի, մեզ ունինք շատ նեո ու աղեղ,
Կուզե՛ս զորք կազմենք շատ քաջ ու անհեղձ:
Խնդաց ծերունին, ինքն էլ մանկացավ,
Անդենք փոքրերին մի-մի գնեք տվավ,
Որին՝ նետաղեղ, որին պարսատիկ,
Որին՝ մի կոպալ գլուխը հաստիկ,
Որին՝ մի դաշույն, որին՝ մի նիղակ,
Մեկին մի ձուլի, մյուսին մի մահակ.
Իսկ նըվագածու երգեցիկ աղջկունք
Վերցրին իրենց հետ փող, սլինգ, թմբուկ:
Երեխերքն այսպես մի զորք կազմեցին,
Եվ իրանց պապին շրջապատեցին.
«Հա՛ պա, ե՛րեխերք, մի՛ հառաչ, մի՛ նետ»,
Կանչեց ծերունին իբրև զորավետ.
Խնդացին բոլոր հսկայքն ահավոր,
Երբ տեսան մանկանց բանակ զորավոր:

Դ

Գնաց բանակը. կեսօրին ահա
Լուր եկավ արդեն, որ բերդումն է նա.
Իբրդումն ըսկավեց սրինգ ու թմբուկ,
Եվ ամբողջ գիշեր բարձրացավ աղմուկ:

Թնդաց Ուփրեթը, դղրդաց սար, ձոր,
Եվ ձախը հասավ մինչև Մորոփոր:

Մորոփորեցի քսան աժդահա
Լույսը չբացված՝ եկել են ահա.

Բերդի պատի տակ իրարից հեռու
Շնթոնել են իբրև գազան ահարկու:

Մերոնք էլ եկան Տորքի հետ մեկտեղ
Մինչև երեսուն հսկաններ ահող:

Մորոփորեցոց Տորքը բարեկեց,
Ոչ ոք բարեկին չըպատասխանեց.

— «Բարև՛ ձեզ, եղբայրք», կրկնում է Տորքը,
Որ տեսնի նրանց մարդկության շնորհքը:

Կարծյալ լուռություն, ոչինչ ձայն, ծպտուն.
Կարծես մարդիկ չեն, այլ համր անասուն:

— «Ծս ազգականն եմ այս Հայկանուշի,
Եվ այսօր սրան պիտի տամ մարդի.

Եթե դուք էլ եք փեսացուներից,
Պետք է չըփախչիք ըմբշական մարտից.

Մեկը կը հազթե մեկէլ ուզողին,
Աղջիկը կըմնա վերջին հաղթողին.

Եթե ուզող եք, եկեք ներս գնացեք,
Աղջկա առջև մենամարտեցեք»:

Մորոփորեցիք իսկույն վեր թռան,
Եվ ներս խուժեցին փղերի նման:

Բոլոր հյուրերը բարձրացան վերև,
Իսկ ըմբիշները կանգնեցին ներքև.

Ամենից վերջը Տորքը վեր ելավ,
Եվ Հայկանուշին գեկուցում տվավ.—

— «Բացի հյուրերից եկել են ահա
Իրանց կամքովը քսան աժդահա.

Թող սրանք կովեն, իսկ մենք կընայենք,
Եվ վերջինի հետ հաշիվ կըտեսնենք»:

— «Հիմա թողեք ինձ,— ասաց ծերունին,
Որ հասկացնեմ մեր այս քաջերին

Ուղիղ կանոնը մենամարտության,
Որ արգելք չըլնին մեր ուրախության.

Եվ հասկացրեց, որ վիճակ ձրգեն,
Որ վիճակ ձրգեն,

Վիճակն ում ընկնի, նախ նրանք մրցեն:

Փողեր հնչեցին, թմբուկներ զարկին,
Եվ ըմբիշներին աշխույժի բերին.

Իսկ Հայկանուշը պատշգամբի վրա
Նստած է իբրև մրցման առարկա.

Երբ նայում են նրան փեսացուները,
Կրկնապատկվում է նրանց ուժերը:

Ահա երկուքը ասպարեզ մտան,
Կովարար ցուլի ու գոմշի նման.

Պլտտեցին երկար, մինչև վերջապես,
Իրար ճանկեցին երկու արջի պես.

Մինը մեկէլից խիզախ, համարձակ,
Թնդաց գետինը նրանց ոտքի տակ.

Մերթ բարձրանում են, մերթ գետնին բավում,
Մերթ գոմշի նման գլուխ գլխի զարկում.

Չոքում ու կանդնում, վայր ընկնում կրկին.
Ոչ մեկի մեջքը չի խփվում գետնին.

Ամբողջ երեք ժամ այսպես կովեցան,
Եվ հետըզհետե ավելի տաքացան.

Իրար միս բռնած առյուծի ճանկով,
Գջըլում էին ինչպես արցանով:

Վերջն ինչպես եղավ՝ մեկը սայթաքեց,
Մեկէլը նրան հաղթած համարեց.

Բայց ընկած հսկան վեր թռավ կրկին
Եվ նորից բռնեց իր ախոյանին,

Բռնեց, բարձրացրեց, և այնպես զարկեց,
Որ մեկ թզաշափ գետնի մեջ թաղեց:

Եվ նա հաղթվեցավ, հաղթվեցավ իսպառ,
Մեռածի նման մեկնվեց շնչասուլառ.

«Ապրի՛ս, քա՛ղ, ապրի՛ս»,— հյուրերն ասացին.
Եվ հաղթող ըմբշին գովարանեցին.

Բայց մյուսներին էլ նա պիտի հաղթեր,
Որ նպատակին հասած համարվեր.

Եվ հեշտ շէր հաղթել բոլոր քսանին,
Նա հաղիվ հաղթեց միայն երեքին.

Հինգերորդ հսկան չորս հոգու հաղթեց,

Իսկ տասներորդը տասնին վայր ձգեց.
Անունն Ավագ էր, ամենից զորեղ,
Սա պիտի հաղթեր և Տորթին ահեղ:

Ե

Տորթը վեր կոչեց Ավագ հսկային,
Եվ նստեցրեց նրան իր կողքին.
— «Դո՛ւ եղար հաղթող,— ասաց մեր հսկան:—
Քեզ արժանի է պարգև պատվական.
Բայց դարձյալ մեկին դու պիտի հավթես,
Որ մրցանակը լրիվ վաստակես.
Եթե դու ինձ հետ կովել շուգենաս,
Դարձյալ մեր այս տան փեսա կըդառնաս.
Այս աղջիկներից մեկը քեզ կըտամ,
Եվ քեզ հետ սիրով եղբայր կըդառնամ»:
— «Իսկ Հայկանուշին դու ինքըդ կառնես,
Եվ խաղ ու պարով հարսանիք կանես.
Ես համաձայն չեմ. կըկովենք մեկտեղ,
Քեկուզ դու լինիս ինձանից զորեղ.
Թող Հայկանուշի համար ես մեռնիմ,
Բայց ոչ ուրիշի ամուսին լինիմ.
Կամ պետք է հաղթել և կամ թե մեռնել,
Հաղթահարություն չեմ կարող տանել»:
— Հոգնած ես այսօր, դեռ հանգստացիր,
Ու ինձ հետ փոքր-ինչ մոտ ծանոթացիր,
Եվ այնուհետև երբ որ ուզենաս,
Ինձ միշտ հրամանիդ պատրաստ կունենաս:—
— «Շատ լավ պայման է,— ասաց ծեր հսկան,—
Ձեր մրցությունը կըթողնենք վաղվան»:
Մեր հսկայի խոսքն ըմբիշն ընդունեց,
Եվ իսկույն մի ճոխ սեղան պատրաստվեց,
Կանչեցին և մյուս ածղահաներին,
Որ հացկերույթին մասնակից լինին.
Կերան, կշտացան և զվարթացան,
Հոգնածություններն իսպառ մոռացան:

Չ

Ճաշելուց հետո ծերունի հսկան
Կանչեց ամենին մարմնամարզության.
Խաղեր խաղացին, խաղեր զվարճալի,
Բայց հսկայական և շատ ահեղի,
Այս խաղերի մեջ մեր Տորթ ածղահան
Չուներ ախոյան հավասար իրան.
Ուժ էր ցույց տալիս նա այնքան ահեղ,
Որ բոլոր հսկայք չունեին մեկտեղ.
Գնդա՛կ էր ձեռքին, թե լա՛խտ ահագին,
Կաշկանդե՛լ էր պետք, թե հրե՛լ մեկին.
Յատկելո՛ւ խաղ էր, թե վա՛զ մի ոտքով,—
Տորթն էր միշտ հաղթում, իսկ նրան՝ ոչով:
Երբ ուզում էին գնդակը խլել,
Քափվում էին վրան քսանից ավել.
Որը թիկունքին, որն ուսին նստում,
Մի քանի հոգի ոտքերից բռնում,
Բայց հսկան այսպես փղի պես բարձված,
Վազում էր ինչպես ճանճահար եղած:
Իբրև կարգադրիչ հսկա ծերունին
Խաղից հեռացրեց Անգեղ հսկային.
— Եկ ինձ մոտ նստիր,— ասաց խնդալով,—
Դու խանգարում ես սրանց քո խաղով:
Տորթը հեռացավ, խաղն էլ վերջացավ.
Բայց իսկույն մի նոր հանդես սարքվեցավ:
Մերունին արդեն տվել էր պատվեր,
Որ մեջտեղ բերեն կաղնու թարմ ոստեր.
Տղա ու աղջիկ եկան խմբովին,
Շրջապատեցին մեր Տորթ հսկային.
Իսկ փոքրիկները Տորթի գիրկն ընկան,
Երանց փայփայեց քնքշացած հսկան.
Մի երգ երգելով ձայնով ներդաշնակ,
Կաղնու ոստերից հյուսեցին պտակ:
— Այս մեկ պսակը,— ասաց ծերունին,—
Պետք է ընծայեմ Ավագ հսկային:

— Ես արժանի չեմ, — ասաց Ավագը, —
Քանի որ մեր մեջ կա հզոր Տորքը.
Նա բարձր է կանգնած ամեն նախանձից,
Այդ երևեցավ հիմիկվան խաղից.
Սա մարմնեղեն չէ, այլ ժայռից կազմված,
Կամ թե՛ ո՞վ գիտե՛ մա՞րդ է, թե՞ աստված.
Մենք պաշտել միայն կարող ենք սրբան,
Եվ ոչ թե դառնալ ախոյան մրցման: —
— Ես զարմանում եմ, — ասաց ծերունին, —
Սորոփորեցիք այդչափ խելք չունի:
— Սորոփորեցի չե՛մ, ասաց Ավագը,
Մեր գյուղն է Բողնու Երկաթահանքը:
— Այդպե՛ս ասեիր, — ուրեմն հիմա՝
ինչպես Տորքն ասաց՝ կդառնաս փեսա,
Կընտրես քսանից որին կամենաս,
Եվ հզոր Տորքին եղբայր կըդառնաս:
— Դես ժամանակ չէ, երբ Տորքն ուզենա,
Ես ուրախությամբ կըդառնամ ծառա:
Հուզվեցավ Տորքը, իսկույն վեր կացավ,
Հսկայի ճակտին մի համբույր տվավ.
«Եղբայր ենք», ասաց, և գզվեց նրան,
Ինչպես գթոտ մայր՝ իր սիրուն մանկան.
— «Իսկ դու, Հայկանուշ, — դարձավ ծերունին
Ուրախ ժպիտով գեպի տիրուհին, —
Ի՞նչ առիթ ունիս հիմա բերելու.
Միտք չունի՞ս արդյոք մենամարտելու
— Ես հնազանդ եմ, ինչպես որ վճռես,
Կըմենամարտեմ, եթե հրամայես:
— Ես կըհրամայեմ, որ մեր օրենքով
Մրցեք իրար հետ, բայց... սիրո՛վ զենքով.
Թող սերը լինի ձեր զենքը մի հատ,
Միրեցեք միմյանց միևրդ մյուսից շատ.
Դու նրան պաշտպա՛ն, նա քեզ պահապա՛ն, —
Ահա օրենքը սուրբ ամուսնության:
Մերունու առջև Տորք և Հայկանուշ
Զորեցին ինչպես երեխայք քնքուշ.

Կաղնի պսակներն առավ ծերունին
Օրհնելով դրավ երկուսի գլխին.
— Հա՛պա, ե՛րեխերք, թմբուկ ու փողեր
Հնչեցեք մեկտեղ, թող թնդան ձորեր...

Է

Այսպիսի երկար զրույցի վերջում
Երկնքից երեք խնձոր է ընկնում.
Բայց մեր զրույցի վերջումն այս անգամ
Վերևից եկավ մի հզոր պատգամ:
Գուգարաց բզեշխն իր այրուծիով,
Եկավ արքայի հրովարտակով.
Ահա բաց արավ մի երկայն գլան,
Միջիցը հանեց գիրն արքայական.
Իր այդ գրովը արքայն ինքնակալ
Կարգել էր Տորքին հզոր կուսակալ,
Եվ իր աշխարհի մասն արևմտյան
Հանձնել էր նրա կառավարության:
Կարգացին գիրը առանձին պատվով,
Տորքն էլ ընդունեց մեծ պատկառանքով:
Եվ այլ թանկագին ընծաներ պեսպես,
Հանեց բզեշխը և բերավ հանդես.
Բերել են մանյակ, գինդ, ապարանջան,
Գոհար ակներով մատնիք պատվական,
Կարմիր մաշիկներ մեր Տորքի համար,
Իր նոր ստացած պաշտունին հարմար.
Մի հսկայական սամուրե մուշտակ,
Ոսկի և արծաթ մի հարյուր քսակ.
Իսկ Հայկանուշին՝ շղարշ ծիրանի,
Եվ արքայական հակինթ մատանի.
Եվ մանրը մըծուր զարդեր զանազան
(Որ թագուհին էր ուղարկել նրան):
Ինքը բզեշխը՝ մեծագանձ, հարուստ,
Ընծայեց Տորքին իշխանի հագուստ:

Հսկա հյուրերը մնացին ապշած,
Երբ տեսան Տորքին այսչափ մեծարած.
— «Ես ձեզ շատացի», — ասաց Ավագը, —
Որ ուրիշ բան է մեր գորեղ Տորքը»:
Հարսնիքն ըսկսվեց մի նոր խնդումով,
Նոր զվարճությամբ ու կերուխումով.
Արքայից եկած արծաթն ու ոսկին
Հորդ անձրևի պես տեղաց զխներին...

1888

Վ Ե Պ Ե Ր

ԱՐՈՒԹՅՈՒՆ ԵՎ ՄԱՆՎԵԼ

(Ազգային վեպ)

ԱՌԱՋԻՆ ԳՐԲՈՒՅԿ

Ա

ՈՐԽՏԱԿԱՏԱՐՈՒԹՅՈՒՆ ԵՎ ՈՐԽՏԱԴՐՈՒԹՅՈՒՆ

Օգոստոս ամսին՝ մի շաբաթ առավոտ՝ Շամշուղա գյուղի ծխատեր քահանան՝ տեր Պետրոսը, առավոտյան ժամերգությունն ու կից պատարագն ավարտելուց հետո մի համառոտ ծանուցումով հայտնեց ժողովրդին, թե մյուս օրն Աստվածածնի վերափոխման տոնն է, պատարագը պետք է լինի Բերդի ս. Աստվածածնի եկեղեցումը, ուր պիտի օրհնվի և խաղողը:

Այս լուրը թեպետ մի անսովոր լուր չէր, բայց մեծ տպավորություն գործեց լսողների վերա, և ամենքը սրտի մտքը մի-մի խնդրվածք ուղղեցին դեպի Բերդի ս. Աստվածածինը...

Երբ եկեղեցուց դուրս եկած տուն էր գնում տեր հայրը, նրա հետքից գնում էր մի պատանի, որ՝ ինչպես երևում էր ձեռքում բռնած հաբիգայից, որի մեջ դրված էին տեր հոր մաշտոցն ու մասնատուփը, տերտերի մոնթն էր, այսինքն աշակերտը և փոքրիկ տիրացուն: Արություն էր նրա անունը (և ոչ Հարություն, ինչպես շատերը կոչում էին նորան սխալմամբ):

Արությունը այս գյուղից շինելով՝ շատ ուրախ էր, որ մյուս օրը յուր ազգականներից շատերը մոտակա գյուղերից, կգան ուխտ և նրանց կտեսնի: Չկարողանալով անտարբեր մնալ մի այսպիսի ուրախ ընդունում, պատանի Արությունը մոտեցավ տերտերին և մանկական ժպիտով հարցրեց.

— Տերտե՛ր, էգոսց էլ՝ ամեն տարվա նման՝ շատ տեղերից ուխտավորներ կգան, չէ՞:

Տեր հայրը փոխանակ լեզվով պատասխանելու, գլխով արավ, արովհետև նա իր կիսատ թողած սաղմոսներն էր մտքումը մրմռելու, բայց Արուսիյունին այդքանն էլ բավական էր: Նա իսկույն մի ուրիշ ճանապարհով վազեց մինչև տուն, որ մի րոպե առաջ հայտնե ն մյուս երեխաներին, թե ինչքան ուրախ է ինքը...

Մյուս օրը՝ կյուրակի առավոտուն՝ կարելի էր տեսնել ուխտավորների մեծ բազմություն:

Շամշուղու եռանկյունի բերդը, որի հիմնարկության ժամանակը պատմությունը տալիս է Հայկ դյուցազնի որդուն՝ Քարթլոս նահապետին, ընկած է մեջտեղը նրամ և ձավճավ ասված գետերի, որոնք իրանց խառնուրդով պատում են բերդի երեք կողմից անդրն-գաձև բնական պարիսպներով: Բերդի արևմտյան կողմից միայն՝ կիսով շափ փլած հաստ պատի մեջտեղով՝ բացած էր մի մեծ դուռ, որով ներս էին մտնում ջերմեռանդ ուխտավորները և հավաքվում Աստվածածնի դռանը:

Այս եկեղեցին մի փոքրիկ մատուռաձև շինություն է, և ներսը ավագ կողմին կանգնեցրած է մի սևագույն, բավականին լայն ու երկար՝ որձաքար: Քարի վերա եղած արձանագրության խոսքով նա անվանվում է «Ջուհար խաչ» և շինած է Սմբատ իշխանի ձեռով մեզանից մի հազար տարի առաջ, բայց ժողովրդի մեջ եղած ավանդությունը այդ քարին տալիս է հրաշալի ծագումն: «Այդ քարը բուսել է ինքն իրան, ասում է ավանդությունը, և սկսել է օրեցօր երկայնանալ»: Ուզենալով յուր նշանակությունը հայտնել ժողովրդին, մեկին երևացել է երազումը և ասել է նրան՝ «Եթե ինձ վերա եկեղեցի չեք շինել, ես այնքան կբարձրանամ, որ գլուխս կհասնի մինչև երկինք»... Երազատեսը պատմել է ժողովրդին, և ժողովուրդն էլ վախենալով՝ թե միգուցե՝ ճշմարիտ՝ ասածի շափ բարձրանա և ժամանակով վաչր ընկնի իրանց գլխին, շտապել են եկեղեցի շինել, և քարը դադարեցրել է իր երկայնանալը:

Մի կողմից տղա ու աղջիկ, հարսն ու երիտասարդ, պառավ ու ծեր միմյանց սեղմելով՝ մոմեր էին վառում հիշած քարի վերա, մյուս կողմից տեր հայրը կատարում էր պատարագի սրբազան արարողությունը: Իսկ Արուսիյունը՝ բուրվառը՝ ձեռին՝ համ սարկավագություն էր անում: Համ վառուտած մոմեր էր պոկոտում պցում ջրով՝ դրած ամանի մեջը...

Պատարագն ավարտելուց հետո եկեղեցուց դուրս եկան տերտերն ու տիրացուները՝ խաչով, խաչվառով, և դուրսը կատարեցին խաղողի օրհնությունը:

Այս ընդարձակ տեղը, պարզ երկնքի կամարի տակ, կարելի էր տեսնել այժմ բազմաթիվ հոգիք, ամենքն էլ, որքան կարելի էր նրանց, մաքուր հագնված: Առջևը կանգնած էին տղամարդիկ, իսկ նրանց քամակին կանայք, որոնք իրանց տեսակ-տեսակ հագուստովը հովիտի ծաղկունքների էին նմանում: Բոլոր գյուղացիք, գաղթական ժողովուրդ լինելով, ով գիտե, ո՛ր գյուղը ո՛րտեղից եկած, ամենքն էլ պահպանել էին իրանց բուն հայրենիքի հագուստի տարազը: Շատ կանանց բերան փաթաթած էր սպիտակ տառութեռով, երեսները զանդուկ պցած, երեսի երկու կողմից հուլունքաշար հարսանուց կապած ճակատներին շաւֆ, որինն արծաթե և որինը ոսկե, շարքի մեջտեղը՝ ջնաղ. կուրծքերին ու բազուկներին ձվաձև արծաթե կոճակներ. հագներին՝ որինը միևնառա, որինը դեբիս և որինը Քաթիբա: Շատերի բերանը բաց էր և գլուխը շինած վրացնակ. նշանած ու նշնելու աղջկերքը. նորահարս ու միջահաս կանայք որոշվում էին միմյանցից իրանց հագուստով: Կային և սպիտակ հագած կանայք, շլինքներին ու բլրակներին կապած արծաթ դրամներ և կլորացրած մեղրամոմեր: Իրանք Աստվածածնի աղախիններն էին և ասվում էին «խաչի դուլ», այսինքն սուրբի գերի: Տղամարդիկ հագուստի կողմանե շատ նման էին միմյանց. միևնույն ձևի դաշույնը կապած ունեին ամենքը և միևնույն ձևի տրեխները հագած բոլորը...

Բայց էլի մի կողմից անընդհատ գալիս էին նոր-նոր ուխտավորներ, որը մի աքաղաղ՝ ոտերը կապած՝ ձեռին, ո՛րը մի քանի շուխտ տանը ոլորած մոմ ձեռնափայտի վերա թելով փաթաթած, ուսին դրած կամ փառախի զաթը խրած՝ շտապում էին դեպի եկեղեցին, ուր մտնում, վառում էին թե չէ՝ Արուսիյունը հասնում էր իսկույն ու վառած մոմերը պոկոտում պցում ջուրը: Շատերին դուր չէր գալիս, որ մոմերն այսպես շուտով հանգցնում էին և բարդանալով ասում էին.

— Օրհնվա՛ծ, էս ի՞նչ բան է, որ դու անում ես. թող մի քիչ երվի է՛...

— Վնաս չունի,— պատասխանում էր Արուսիյունը, էս մոմերն էլի ժամումը պիտի էրվին, սրանց վարձքը էլի ձեր մեռելների հագուն կերթա... Հնապա ուրիշ տեղեր չե՞ք տեսել, որ որք առողջ աք-

լարներն ու ոչխարները ուխտավորների ձեռներիցը խլում են. մենք խառն էնպես չենք անում... Մի՛ վախենաք, էս մոմերն էլի ձեր մեռելների հոգու համար պիտի էրվին... Այս տեսակ խոսքերով նրանց տիրաւ շահում էր պարզամիտ Արուժունը, նրանք էլ հավատալով՝ գուրս էին գալիս մի ջիւմեռանդ աղոթք անելուց հետո:

Վերջապես հոգևոր արարողությունն ավարտեցավ, ամենքն էլ բաշվեցան ծառերի տակը, մատաղները մորթոտեցին, կրակները վառոտեցին և բարեկամ բարեկամի գտնելով, ծանոթ ծանոթի, հազմեցին բազմաթիվ խնջույքներ: Տեր հորն ու Արուժունին էլ հրավիրեցին մե սեղանի վրա, ուր հավաքված էին մինչև տասը-քսան գերդաստան, բոլորն էլ զանազան գեղերից, բայց ամենքն էլ միմյանց մոտիկ բարեկամ: Աղջկերքն ածում էին դահիրանա-էլ իրանց սագի ու քյամանչի ձայները խառնում էին նաղարի դրմբ-գրմբոցի հետ, և երբ աղջկերանց պար գալն ընդհատվում էր, երգում էին հայերեն և թուրքերեն տեսակ-տեսակ խաղեր: Ամենքի երեսին դրոշմված էր ուրախության գծագիրը, ամենքի շրթուներ-նեղի վերա երևում էր մի քաղցր ժպիտ: Սուփրան լիքն էր սպիտակ փափուկ հացերով, կաթնահունց նաղուքներով, պանիրով և մատաղի խաշլամով ու խորովածով: Գինին այնքան շատ չէր, բայց էլի այնքան կար, որ երգ չգիտցողին անգամ երգել էր տալիս: Թվ ինչ խաղ գիտեր, ասում էր, շնայած որ արդեն խաղ ասող աշըղ ունեին: Վերջը խնդրեցին տեր հորը, որ նա մի տեղ ասել տար Արուժունին, որին արդեն շրջապատել էին իր մոտավոր ազգականուհիքը և փոխ առ փոխ գզվում ու համբուրում էին իբրև մի փաթիկ մանուկի:

— Ասա՛, քե մատաղ, ասա՛, խի՞ ես ամանշում, դու մեր Ավետիքի տղեն չե՞ս... նա մի մարդ ա, որ խաղ ասելում հարյուր աշըղ կղնի ջեբը... Աղա Մանվել՛, վեր կաց գնա էրեխի կշտին նստի, որ ձայն պահես...

Այս խոսքերն ասողը մի քեթխուղա մարդ էր, իսկ Մանվելը՝ նրա որդին, որ Արուժունին հասակակից մի պատանի էր, բայց ափելի առույգ, քան թե Արուժունը, որ բավականին նիհար և տկար-առողջ էր:

Տեսնելով, որ տաղ ասելիս մի ուրիշ ընկեր պիտի ունենա, Արուժունի սիրտն ահ ընկավ, թե չլինի, որ յուր անծանոթ Մանվելը ափելի լավ ձայն ունենա, քան թե ինքը, այդ պատճառով երբ

որ Մանվելը եկավ նրա մոտ նստեց, Արուժունը նրա տեղը պարզ քաղաքավարությամբ լայնացնելուց հետո՝ ասաց.

— Դու ասա, ես ձայն կպահես:

— Ես տաղ չեմ գիտում,— պատասխանեց Մանվելը:

Վերջապես երբ որ «ասա՛, քե մատաղ, ասա», կրկնեցին ամեն կողմից ու տերտերն էլ հրամայեց, ծունկ շոքեց Արուժունը, որին հետևեց և Մանվելը, և երգեց «Ննկին ծառին նման ես» տաղը, վերջումն ավելացնելով «Անթառամ ծաղիկ» շարականը:

— Ապրես, ապրես, աստված քո հորն ու մորը բաշխի,— ձայն տվին մարդիկ, հիանալով նրա քաղցր ձայնից:

— Էրեն՛կ քո մոր աչքերին,— լսվում էր կանանց միջից... Մանվելն էլ յուր վերա մի քաղցր տպավորություն զգալով, սկսեց ավելի մոտ մոտենալ Արուժունին ու մի զմայլմունքի անմեղ ժըպիտ բերանին՝ զանազան հարցմունքներ անել: Այսպես մի քանի տաղ ևս ասել տվին Արուժունին, մինչև նորաթը հասավ զուռնաչի Ցականին, որ իր սիրելի զուռնան փչեց թե չէ՝ մեր պատանիքն ազատություն ստացան, վեր կացան սուփրիցը և ձեռք ձեռքի տված սկսեցին ման գալ բերդի մեջ:

— Ես դեռ չեմ էլած էստեղ, ի՞նչ գեղեցիկ տեղ է, էս ինչ-քան մրգի ծառեր կան, տանձ, խնձոր, կասենաս այդի լինի: Էս որ մեր գեղումը լինի, մեկ հատ շեն թողնիլ ծառի վերա, բոլորն էլ խակ-խակ կթալանեն,— ասաց Մանվելը, երբ որ մի քիչ հեռացել էին խնջույքից:

— Էստեղ էլ շեն թողնիլ, բայց մո՛վրովն արգելել է, ոչ ոք չի կարող մեկ հատ պոկիլ. գեղի բաղերումը պատահում է գողութուն, բայց էստեղ ոչ ոք չի համարձակիլ մի հատ պտուղ զջլել, մո՛վրովն իսկույն կգանգատվի խաշին, և խաշը կպատժի գողին:

— Մո՛վրովն ո՛վ է:

— Մո՛վրովը խաշի դուլն է, թասի մտիկ տվող մի կնիկ է-հրեն ա՛յ, էնտեղ է կենում իրա մարդի հետ:

— Էն խոտով ծածկված տա՛նը:

— Հա՛:

— Ամառ ձմե՛ռ:

— Հա՛:

— Թա նրանց տուն շունե՛ն, տեղ շունե՛ն:

— Տուն տեղ ունեն, կախեթումն է: Ասում են խաշը թույլ չի տալիս, որ մենք մեր տանը կենանք, ասում է՝ ճի՛մ դուպն

կը, պիտի իմ տակին կենաք: Էս տեղեր էլ ասում են խաչինն է: Դրա համար էլ գեղացիք վախում են խաչիցը, ինչ որ ուզում է մովրովը՝ տալիս են:

— Հա... Բա տերտերն ի՞նչ է ասում:

— Մեր տերտերն էլ է վախենում. ինչ-որ էրի-մորթի է ստանում, մեծ մասը նրանց է տալիս. ասում է «երկյուղալի է», խաչին կզանգատվին»:

— Հա... Ասում են էդ տերտերը շատ գիտուն մարդ է, երեսկ ես էլ դրա աշակերտը լինեի: Արություն, խոմ չի՞ ծեծում քեզ:

— Ո՛չ, ահա չորս տարի է ես դրա մոտ եմ, դեռ ոչ մի անգամ մատով դիպած չէ ինձ:

— Ի՞նչ լավ մարդ է: Ի՞նչ է սորվեցնում քեզ:

— Հին ու նոր կտակարան, շարական, քերականություն, աստվածաբանություն, էլի ուրիշ հազար ու մի բան...

— Ո՛ւհ, էդ բոլորն էլ գիտե՞ս:

— Ինչպե՞ս չէ: Ծա շարագրություն էլ եմ անում, ոտանավորներ էլ եմ գրում:

— Հա... — բացականչեց Մանվելը, առանց հասկանալու, թե ինչ բան է շարագրությունը կամ ոտանավորը, բայց այդ շփոտնալը նրան ավելի վարմացրեց և համոզեց, որ Արությունը մի շնաշխարհիկ բան է, և նրա ձայնն ու գիտությունը երկնային մի ձիթ:

— Այստե՞ղ ով է կենում, — հարցրեց Մանվելը, ձեռքը մեկնելով դեպի մի փոքրիկ խուղ:

— Այստեղ էլ մի հիվանդ մարդ է կենում իրա կնկա հետ:

— Ինչո՞վ է հիվանդ:

— Ոտներից սկսած մինչև գոտկատեղը շորացած է: Մովրովը թասին մտիկ է տվել, ասել է՝ «մեր խաչինն է, պիտի սրա տակին օխտը տարի կենաս, որ պրծնես»:

— Երևի խաչին բարկացրել է էդ մարդը:

— Հա՛: Ասում են դա մի թերահավատ մարդ է էլել. խաչի չի էլել հավատալիս: Մեկ օր մի հարս նղավել է, ու սկսել է դրան սպառնալիք տալ խաչի բերանից, դա էլ բարկացել է, բռնել է հարսի մազերիցը քաշքշել, ասել է՝ «դու սատանություն ես անում, քեզ խաչը չէ խոսացնում»: Սրա վերա խաչը բարկացել է ու դրան էղնիս պատժել:

— Հա... մեռնեմ խաչի ողորմությունին, իմ երեսս դրա ոտի տակը... — ասաց Մանվելը երկյուղից սփրթնելով և երեսին խաչ անելով, և սկսեցին ավելի հեռանալ մինչև հասան Խրամի ձորափը:

— Արի էստեղ մի քիչ նստենք, Արություն, — ասաց Մանվելը:

— Ո՛չ, Մանվել, գնանք, տեսնո՞ւմ ես էն մեկմեկու վրա դըրված երեք քարերը, գնանք նրանց վերա նստենք...

— Ո՛ւհ, էս ինչպե՞ս են իրար վերա դրել էս ահագին քարերը...

— Սրանց համար ասում են՝ «երկու եղբայր են եղել, մեկ էլ մեկ քույր են ունեցել: Երկու եղբայրները երկուսով ներքևի երկու քարը իրար վրա են դրել, երրորդը շեն կարացել. հետո իրանց քույրը եկել է մի ձեռով վերցրել դրել դրանց վերա...

— Ո՛ւհ, ինչքա՞ն ուժով է եղել... ով գիտե, որ երեք գյուղ հավաքվեն մեծով փոքրով, էլի չկարենան տեղիցը շարժել:

Մեր պատանիքը վեր բարձրացան, նստեցան երեք քարի վերա և սկսեցին նայել իրանց առաջով ընկած անդնդաձև խորության վրա, որի միջով Խրամ գետը փրփրուն երեսին գնում էր վշշալով...

— Տեսնո՞ւմ ես ինչ լավ տեղ է, — ասաց Արությունը, ձեռք մեկնելով դեպի Խրամի պատերը: — Ահա էն քարքարուտ տեղք լիքն է նոնով ու թզնով, բայց ոչ ոք չի կարող գնալ քաղե՞լու, ճանապարհ չկա: Տեսնո՞ւմ ես էն ծակերը, նրանք զաղեք են (քարայրեր), ահ ժամանակներին նրանցում մարդիկ են էլել կենալիս, երևի առաջ հեշտ է էլել էղպես տեղեր բարձրանալը: Հիմի էլ ով որ քաջ քարագնաց է, կարողանում է գնալ էղպես տեղերը: Ասում են՝ շատ անգամ արծաթ, պղինձ, հին գրվածքներ շատ են գտնում դրանցում...

— Բայց մեկը որ վեր ընկնի էդ ահագին բարձրությունից, ով գիտե մեծ պատառն ականջը մնա: Մի բան ասե՛մ, Արություն. էստեղ ա՛մեն ինչ զարհուրելի է: Մի կողմից էս անդունդները, էս ավերակ վանքերը, էս ահագին բուրգերը, որ ով գիտե քաջքերով լիքն են բուրն էլ, մեկ էլ կողմից էդ թասի մտիկ տվող կնիկը: Եթե նա ամեն դարտակ բանի համար խաչին գանգատվի, խաչն էլ ում ասես՝ կպատժի: Դու պետք է զգույշ կենաս, էդ կընկանը չզգրաջնես...

— Ինչո՞ւ պիտի չզգրաջնեմ: Նա ինձ շատ սիրում է: Անցյալ օրը կանչեց ինձ, թուշիցս պաշեց, ու թե՛ «ես ձեռ գեղումն էի, քու

մերն ասեց՝ որ գնաս, իմ տեղակ երեխիս թուշիցը կպաշես: Ես էլ նրա ծծիցը պաշեցի, հետո ասեցի՝ «դեղի, մեկ ինձ համար էլ մտիկ տաս թասիդ»: Նա թե «զատ լավ»: Վեր կալավ թասը, ջրով լցրուց, թասի պոռնկներին երկու մոմ վառեց ու սկսեց մտիկ տալ: Մի քիչ արկշտտաց, գլուխը թափ տվեց, մտածեց, հետո ծիծաղեց, թե՛ «լավ, լավ, շատ լավ բախտ ունիս: Տներտեր կը դառնաս, բայց կնիկդ կմեռնի, կերթաս վարդապետ կդառնաս, հետո եպիսկոպոս կդառնաս, հետո կաթող...», ուզեց թե ասել էր, կաթողիկոս կդառնաս, մեկ էլ խոսքը փոխեց, թե՛ «է՛, դու տերտեր չես դառնալ, քո մոր սրտինը չի կատարվիլ, ձեր տանը քեզ կատեն, դու կերթաս հեռու աշխարհքներ, բայց աստված քեզ չի կորցնիլ, դու էլի ետ կգաս ու անվանի մարդ կդառնաս»: Էս ասեց ու սուս կացավ, մեկ էլ թե՛ «էս չլինի, էն կլինի, էն չլինի, էս կլինի...»: Ես հիմի չգիտեմ, թե որը պիտի լինի:

— Էլ դրա համար ինչու ես մտածում, նրա ասած՝ կամ էս կլինի, կամ էն: Ես իմ բախտին չեմ մտիկ տալ տված, բայց հայրըս ասում է՝ «քեզ պիտի տներտեր օրհնիլ տամ»: Ինձ հիմի մեր գեղի տներտերի տղան է դիր սորվեցնում, ամեն օր ծեծում է, բայց ես ձեռք չեմ վերցնում: Հայրս ասում է՝ «Մի քիչ համբերի. ես քեզ էդ խոզարածի ձեռիցը կազատեմ, կտանեմ քաղաք, էնտեղ լավ կսովորեցնեն»...

— Երանի՛ քեզ, Մանվել, կերթաս քաղաքը կտեսնես: Իմ քույրն էնտեղ է մարդի տված, բայց ես չեմ տեսել...

— Էդ լավ է: Թե քույրն էլ է էնտեղ: Հորդ ասա, թող քեզ էլ բերի քաղաք: Ասում են՝ քաղքի տղերքը շատ շար տղեք են, գեղացի երեխանցը ծեծում են, մենք որ միասին լինենք, մեզ ո՞վ կարող է ձեռք տալ: Արուսյուն ջան, արի ընկեր դառնանք, ես իմ օրումը քեզ մտիցս չեմ գցիլ:

— Էդ շատ լավ ասեցիր, Մանվել ջան, ես դեռ իմ օրումս ոչ մի ընկեր չեմ ունեցել. մեր գեղումը մենակ էի կարդում, էստեղ էլ մենակ եմ կարդում. սիրտս շատ է ուզեցել, որ մի ընկեր ունենամ, բայց չեմ ունեցել: Մեր էր, եթե աստված տա, մենք միասին լինենք, նա ինչ որ գիտեմ, բոլորն էլ քեզ կսովորեցնեմ:

Ինչպես Արուսյունի, նույնպես և Մանվելի սրտի մեջ ընկերության զգացմունքը սաստիկ վառ էր, բայց նրանց լեզուն գեռես տկար էր այդ զգացմունքի հայտարարը լինելու համար: Երանի՛ց Արիստը քեռու խոսակցության հետնանքն այն եղավ վեր-

ջապես, որ բողոքովին վերացյալ հոգով իրանց գլխներից մի-մի մազ պոկեցին, և իրար հետ փաթաթելով՝ թաղեցին երեք քարի տակին, առանց մի բան լսելու, բայց կարծես յուրաքանչյուրի սիրտը հետագա խոսքերն էր բարբառում. «Մեր ընկերասիրության ուխտը պիտի անխաղճի մնա մինչև այն օրը, երբ մեզ էլ այս փաթույթի պես կթաղեն հողումը»: Հետո վեր կացան և քայլեցին գեպի իրանց գերդաստանը, երբ Արուսյունը սկսեց բնազդամբ երգել հրեշտակային ձայնով Շնորհալու երգերից հետագա տունը

Միրո թո հուր արկյալ հերկիր,
Բորբոքեսցի ի հոգիս մեր,
Ձխորհուրդ սրտից մեր մաքրեսցե,
Ձույս գիտության քո փայլեսցե
Ի քնո մահու գմեզ գարթուսցե,
Ձմիսս բոցովն քո վառեսցե...

Ը

ԿԵՆՍԱԳՐՈՒԹՅՈՒՆ

Արուսյունը ծնվել է Քիֆլիսի մոտակա Խաչին անվանյալ գյուղումը: Անցյալ դարի վերջերից սկսած մինչև ներկա դարուս սկզբները Ղարաբաղից շատ հայեր գաղթեցին դեպի ամեն կողմ, դրանցից մեկ հատված էլ Խաչնու մհալից եկավ և Բոլնսու ձորումը հաստատեց իր բնակությունը, որտեղից դարձյալ սկսեցին ցրվել. մի քանի տուն միայն գնացին շենացրին. մի հին գեղատեղ, և ի հիշատակ իրանց հայրենիքի՝ Խաչնու, նոր գյուղի անունը դրին Խաչնու: Մի կողմ դնելով պատմական ու աշխարհագրական նյութը, որ մեր խոսակցության թելը շատ չերկարանա, մենք խոսինք միայն այն անձանց վերա, որոնք որևիցե կերպով ազգեցություն են ունեցել Արուսյունի կյանքի վերա մինչև այն օրը, որ օրը որ պատահեցանք մենք նրան:

Արուսյունի մայրը՝ Հեփիսիմեն, որի տոհմումը մալանցա-

շինեց մի սնմեղ գառն գայլերի մեջ, բայց և շատերի աչքն էր ընկնում նա իբրև մի սնսովոր շնորհալի երեխա:

Այսպես, երբ որ Արուսթունը տասը տարեկան էր արդեն, մեկ անգամ Շամշուղու նորընծա տեր Պետրոս քահանան եկավ հաշեն և իջավ Արուսթունի հոր՝ Ավետիքի մոտ: Տեր հայրը յուր ուսումն ստացել էր Սանահնի վանքումը, ուր նրա ժամանակ մի քանի գիտուն վարդապետներ կային: Սա տեսավ Արուսթունին, տեսավ նրա ժամասացությունը, գրավարժությունը, ձայնի հաջողակությունը և շատ հավանեց, համարելով նրան մի ինքնաբույս ծաղիկ հաշեն անապատում: Ինքն իրան մի հանճարավոր մանկավարժ կարծելով՝ Արուսթունի երեսի գծագրությունը համեմատեց էֆիմերտեի դիմազննական բացատրությունների հետ ու եզրակացրեց, որ նա մի անսովոր ընդունակության տեր տղա պետք է լինի, ուստի ինքն առաջարկեց Ավետիքին, որ Արուսթունի կրթության շարունակությունը իրան հանձնե:

Ավետիքն ուրախությամբ կատարեց տեր հոր առաջարկությունը, որովհետև յուր ծանոթ քահանաներից ամենից բարձր էր համարում նրան թե՛ վարք ու բարքի և թե՛ գիտության կողմից: Եվ այդպես էլ էր: Հոփսսիմեի ուրախությանն ևս շափ ու սահման չկար, թեև մի կողմից նրա մայրական զգացմունքը՝ կարոտելու մասին՝ տրորվում էին:

Այսպես ահա, Արուսթունը մի նոր վարժապետ ունեցավ, որի մոտ ստացավ վանական ուսումն, Աստվածաշունչ, շարական, քրիստոնեական վարդապետություն, քերականություն: Իսկ ազատ կարդալու գրքերն էին՝ Հարանց վարք, Այսմավուրք, Պղնձե քաղաքի պատմություն, Յոթն իմաստասիրաց գիրքը, Տաթևացու հատորները և ուրիշ զանազան բարոյական բովանդակություն ունեցող գրքեր: Այսպես լրացավ երեք տարին, և տեր հայրն ասաց, որ էլ բան չի թողել, բոլորն էլ սովորեցրել է Արուսթունին: Եվ ճշմարիտ՝ տեր հայրը ծուլ չէր բան սովորեցնելումը: Նա ուզում էր մի լավ աշակերտ թողնել իրանից հետո իբրև հիշատակ, և այդպես էլ նայում էր Արուսթունի վերա: Ոչ մի բան չէր ծածկում նրանից և ամեն բան, ինչ որ գիտճր, սովորեցնում էր: Նա գիտեր գերեզմանի քար գրել, կազմարարություն, այդ էլ սովորեցրեց Արուսթունին: Վերջը, երբ ամեն բան հատավ, երբ սովորեցրել էր նաև մատնատումարը, ճյուղագրություն անելու ձևը, ինչ որ յուր կյանքումը մի հեքիաթ, առակ, հանձնուկ ու առած

էր լսել, բոլորն էլ առել էր Արուսթունին, այնուհետև սկսեց մի այնպիսի բան սովորեցնել, որ ինքն էլ պիտի նոր սովորեր. դա էր Ալբերտի Աստվածաբանությունը, որ պիտի ըմբռներ տասներեք տարեկան երեխան: Միայն Արուսթունը չէր, որ, իբրև մանուկ, շատ միամիտ էր, նրա վարժապետը, որ հիսուն տարեկան մարդ էր, նրանից ավելի միամիտ էր:

Ալբերտի Աստվածաբանության սովորելը պետք է հիմնվեր մի շատ առաքինի վարք ու բարքի վերա և սուրբ կուսին պետք էր միջնորդ ունենալ, ինչպես սկզբումը մի ոտանավորի մեջ ասում է.

Նաև հավետ աղոթեացես,
Զկույսն միջնորդ քեզ արասցես.
Ոչինչ շնորհ ինչ լիցի քեզ,
Թե կույսն իցե առ քեզ անտես:

Այս պատճառով Արուսթունի խաչ ու Ավետարանը դարձավ Աստվածածնի միակ պատկերը, որի առջև ստեպ-ստեպ ծունկ չոքելով՝ միշտ այս էր կրկնում. «Թո՛ւ, ո՛վ տիրամայր, դո՛ւ, որ բթամիտ Ալբերտին տվել ես այնպիսի հիանալի շնորհք, ինձ էլ սուրբ»... Արուսթունի հոգին վերանում էր Աստվածածնի պատկերի առջև և նրա աչքերը լցվում արտասուքով: Նա չէր ուզում վեր կենալ տեղիցը, մինչև չէր զգում մի հանկարծակի տաքություն և աչքերի մթնոման:

Տեսնելով, որ Արուսթունը շատ է ճնշում իրան, մանավանդ պահելով ս. Կարապետի պասը, որ նրան զարդարեր հիանալի շնորհքով, հետզհետե նվազում է և կորցնում առողջությունը, տեր հայրն ազատեց նրան Ալբերտի ձեռից և թույլ տվավ, որ ազատ ման գա, խաղա, որքան կամենում է: Բայց մտածողությունն արդեն սկսել էր ներս սողալ Արուսթունի ուղեղի մեջ: Նա յուր ազատ ժամանակը ծառերի տակ, զուլարար սովորներում նրստած քարոզներ էր գրում կամ ոտանավորներ հյուսում, որ տեսնե, թե ս. Կարապետը կամ Աստվածածինը որքան շնորհք են ավելացրել:

Այսպես՝ թեպետ տեր հայրն այլևս չէր դաս տալիս Արուսթունին, բայց երբ գյուղից քեթխուղաները պարապությունից՝ հավաքվում էին տերտերի մոտ գրույց անելու, տեր հայրն այդ

ժամանակ կանչում էր Արուսթյունին և հարցնում արդեն սովորած դասերից:

Այժմպես. տեր հայրը մի քանի բառ հուշովել ու մի քանի բայ խոնարհի տալուց հետո հարցնում էր Արուսթյունին.

— Ի՞նչ կնշանակե բառս՝ վարունգ:

— Խիա՛ր, — պատասխանում է Արուսթյունը:

— Խարբուզակին գրարուս ի՞նչ կասեն.

— Սե՛խ:

— Չմերուկի՞ն:

— Մեղրա՛պուպ:

— Հստ մասանց բանի զի՞նչ է բառս՝ «հուշկապարիկ»:

— է անուն, — պատասխանում է Արուսթյունը, բայց քեթխուղեքն ուզում են իմանալ, թե ի՞նչ ասել է «հուշկապարիկ». ընդհատում են տերտերի հարցաքննությունը և խնդրում են, որ նա հատում են տերտերի հարցաքննությունը և խնդրում են, որ նա առաջ մեկ բացատրե այդ բառի ստուգաբանությունը: Տեր հայրն առաջ մեկ բացատրե այդ բառի ստուգաբանությունը: Տեր հայրն առաջ մեկ բացատրե այդ բառի ստուգաբանությունը հարցնում է Արուսթյունին, իսկույն նույն բառի նշանակությունը հարցնում է Արուսթյունին, որով ուզում է ցույց տալ, թե այն, ինչ որ իրանից են ուզում իմանալ, իր աշակերտն էլ գիտե:

— Ի՞նչ ասել է «հուշկապարիկ», Արուսթյուն:

«Հուշկապարիկ» են ասում այն կենդանիքը, որոնք կեսից վեր ուրիշ կենդանի են, կեսից վայր՝ ուրիշ: Օրինակ՝ կան այնպիսի կենդանիք, որոնք գոտկից վերև կնկա նման են, իսկ գոտկից ներքև՝ ձկան, թռչունի, իշի և այլն:

Այս բացատրությունը լսելով քեթխուղաներից շատերը զարմանում էին, իսկ ավելի մեծերը այդպես բաներ շատ լսած լինելով՝ շատ շփոթված էին և ասում էին.

— Աշխարհքումս ինչ ասես, թե չկա. ասած է՝ «Շատ ապրողը չի շատ բան գիտենալ, շատ ման եկողը կգիտենա»: Մեկ անգամ մի մղդսի էր եկել մեր գեղը, էլ աշխարհք չէր թողել, չիմ էլ ման էր եկել, Հնդստան, Արաբստան, Հաբեշստան, Չինամային, Փոանգստան... մի խոսքով՝ էլ աշխարհք չէր թողել, չիմ էլ ոտի տակն էր տվել: Ի՞նչ ասես, թե նրա զլխովը չէր անց կացել: Է՛ն բաներն էր պատմում, որ լսելիս մարդի մազերը փշաքաղվում էին: Ասում էր մի աշխարհք ընկա, էնտեղի մարդիքը շնորի նման էին...

— էդ ճշմարիտ է. «շնագլուխների» աշխարհքն է եղել, — ասաց տեր հայրը:

— Տերտեր ջան, քու կարգին մեռնեմ, նա մղդսի մարդ էր, Երուսաղեմի լուսը տեսած, մեռնեմ զորությունին, սուտ ի՞նչպես կասեր: Ասում էր մի աշխարհք ընկա, էնտեղի մարդիկը հատ աշխարհքի էին:

— Ճշմարիտ է, — հաստատեց տեր հայրը, — նրանց կասեն «քյալլա-գյոզ», «թափա-գյոզ», որ կնշանակե «ճակատ-աչք», որովհետև ունեցածները մի աչք է, էն էլ ճակատի մեջտեղը:

— Ասում էր՝ մի աշխարհք ընկա, էնտեղի մարդոց հասակը մի թիգ էր...

— Ճշմարիտ է, դա ասվում է «թղկաց աշխարհ»...

— Ես ի՞նչ գիտեմ, էնքան բաներ էր ասում, որ ես ո՞ր մեկն ասեմ... Հապա՞. մենք ի՞նչ ենք տեսնում էս ձորի միջին: Ուսում էլա շունինք, որ բան գիտենանք. հիսի մենք էդ երեխի չափ բան չենք գիտում... Ա՛յ, մեր տերտերը, ճշմարիտ է, շատ տեղեր չի ման եկած, բայց գետնքի տակ ու գլուխը գիտե. ինչո՞ւ, որովհետև ինչ ասես գրքերումը գրված է...

Տեր հայրը շարունակում էր յուր հարցաքննությունը: Հարցնում էր աստվածաբանությունից և ուրիշ դասերից, Արուսթյունն էլ համարձակ պատասխանում էր և զարմացնում քեթխուղաներին:

— Սա կամ իր մուրազին չի հասնիլ, կամ թե որ ապրեց, տերտերիցն անց է կենալու... զարմանք չան է, էսքան պատիկ տղե՞ն էլ էսքան բան կգիտենա, — ասում էին քեթխուղաները իրար մեջ՝ Արուսթյունի քամակին:

Տերտերակինը, որ շատ անգամ իր ականջով լսում էր այդ խոսքերը, նեղանալով տերտերի վերա, ասում էր նրան.

— էս գեղըցիք շտես եմ, հրեխին աչքով կուտեն. պառավ Կեոյի աչքը քար կպատրի, դրանց մոտ ո՞ւր ես բան հարցնում...

Թեպետ տեր հայրն ևս հավատում էր այդպիսի նախապաշարունքների, բայց «կնկա խոսքին շսելու» նախապաշարունքն ավելի զորեղ լինելով նրա մեջ, շարունակում էր իր հարցաքննությունները, մանավանդ որ դրանով իր անունն ու պատիվը ավելի ևս բարձրանում էր և հաստատվում ժողովրդի կարծիքը, թե նրան հայտնի է գետնքի տակ ու գլուխը:

Պետք է ասել, որ տեր Պատրոսը որքան որ հարգելի և պատկառելի էր ժողովրդի աչքում իբրև գիտնական, մի նույնքան և առաջիկ ևս նա սերելը էր դալձնի՝ իր անդնշասիրությունովը: Նա սովորություն չունեիր նայելու, թե ինչ են տալիս իրան: Չտված ժա-

մանակն ևս դարձյալ ոչինչ չէր խոսում: Շատ չքավոր էր, բայց իր չքավորութիւնից դարձյալ բաժին էր հանում կարոտյալներին և ինքը ցամաք հացով էր բավակահանում: Նրա հավատի պարզութիւնը մնացել էր անարատ և անխախտ, եթե միայն կարելի է հավատ անվանել: անհավատութիւնը, նա անխտիր հովատում էր ամեն գրված և տպված գրքի, ամեն մի պառավական խոսքի, ամեն մի հիմար նախապաշարմունքի: Նա մի ժամանակ պարապում էր «Սողոմոնի» ասված թալիսմանագրով, ինչպես և իր ժամանակի բոլոր գիտնական համարված վարդապետներն ու տերտերները, թեև ծածկաբար: Այս հանգամանքը ոչ միայն չէր պակասեցնում տերտերի պատիվը, այլ, ընդհակառակն, նրան ավելի ևս բարձրացնում և դասավորում էր աստղաբաշխների կարգումը: Այս բանը հայտնի եղավ Արուսիւնին բոլորովին դիպվածաբար:

Մեկ օր Արուսիւնը տերտերի առջև շոքած դաս էր առնում Ալբերտի Աստվածաբանութիւնը: Խնդիրը աստծո էութեան և երրորդութեան մասին էր. խոսքերը խրթին, միտքն անըմբռնելի: Արուսիւնի աչքերը մթնեցան ու նա վայր ընկավ նվաղած: Սառը ջուր ածեցին Արուսիւնի վերա և ուշքի բերին: Այս դիպվածից մի քանի ժամ շանցած՝ տեր հայրը բաց առավ մի հին սնդուկ և նրա միջից հանեց մի մեծ կապոց ձեռագրեր: Տեր Պետրոսը ծանոթացրեց Արուսիւնին այս նոր մատենադարանի հետ: Զոկ-ջոկ տետրակներ էին գույնզգույն մելանով գրված վերնագրերով — «Գիր հոպոպի», «Գիր համասիլուռ ծաղկի», «Գիր հավախոսի», «Գիր չբերք կնոջ» և այլն մանր-մունր գրքեր, իսկ մի մեծ հատորի վերա գրած էր՝ «Գիր Սողոմոնի»...

Արուսիւնը, լսած լինելով այս գրքերի մասին, թե՛ «ո՞վ որ ունենա, նա ինչ որ ուզենա աշխարհիս երեսին՝ կանեմ», նրա երեսի գույնը թռավ աստիկ ուրախութիւնիցը, թե այժմ պիտի ստանա այն վերին գիտութիւնը, որ էլ ոչ մի հոգեգէն չպիտի կարողանա իրեն հասնել...

Մյուս օրը՝ դեռ արեգակը չծագած՝ տեր հայրը հրամայեց Արուսիւնին, որ հիշյալ մեծ հատորը վեր առնե երթա այգին, ինքն էլ շուտով կերթա: Արուսիւնն ստանալով յոր ցանկալի առարկան, մինչև այգին մի շնչում վազեց, որ մի րոպե առաջ տեսներ, թե ի՞նչ կա, ի՞նչ չկա նրա մեջ: Նա գեռես իր հետաքրքրութիւնը կես մի շնչուցած՝ տերտերը հասավ երկն տերտերոջան ձեռքն առած:

— Արուսիւն, որդի, դու որ «ազար» ես ունեցել, ինչո՞ւ մինչև հիմա ինձ չես ասել:— Այս ասելուց հետո տեր հայրը բացեց գիրքը, կարդաց մի խլատ՝ թե ժամի քանիսին պետք է գիր անել, և նախ և առաջ մի ժամացուց շինեց: Թղթից մի շրջանակ կտրեց և քսանչորս հավասար բաժին արավ, յուրաքանչյուր բաժնի վերա մի թվանշան դնելով: Շրջանակի մեջտեղը ցցեց մի շյուղ և սպասեց արեգակի ծագելուն, որ ծագեց թե չէ, թուղթն այնպես հարմարեցրեց, որ շյուղի ստվերն ընկավ 1 թվանշանի վրա: Այդ արդեն կնշանակեր, որ ժամի մեկն է առավոտյան: Գիրը պետք է աներ ժամի երկուսից սկսած: Արեգակը քիչ-քիչ բարձրանալով՝ շյուղի ստվերը հասցրեց 2 թվանշանին: Իսկ տերտերը մինչև այդ ախտարք էր անում, որ գտնե Արուսիւնի աստղը:

— Մորդ անունն ի՞նչ է, — հարցրեց տեր հայրը:

— Հոփսիմե, — պատասխանեց Արուսիւնը:

— Հոն՝ երեք, ուն՝ մեկ, ինչին՝ ութ, փյուրը՝ չկա, սեն՝ չորս... Այսպես համրելով և տերտերոջան գցելով՝ ախտարք արավ տերտերը, այսինքն մոր և որդու անունների տառերի թվերը գրքի աղյուսակի մեջ նշանակած թվերի համեմատ հաշվեց, բոլոր գումարը եղավ քսանինը: Այդ քսանինից տասներկու տասներկու դուրս գալով, տեղը մնաց հինգ, որ ասել է Արուսիւնի աստղը հինգերորդ կենդանակերպն էր, որ էր Առյուծը: Բացեց Առյուծը, որ տեսնե, թե այդ կենդանակերպի տակ ծնված մարդի ցավին ի՞նչ դեղ է ասել դեռ Սողոմոնին: Չարը պատասխանել էր Սողոմոնի հարցին այսպես. եթե այսինչ երեք թիվսինները գրվին սև հավի կամ աննշան սև ոչխարի արշուճով, մեկով լվացվի հիվանդը, մյուսով ծուխ տա իրան, և երրորդը կարել տա իր աջ բազուկին, այնուհետև նա կառողջանա, և նրան այլևս ոչ մի վնաս չի տալ դեռ:

Չար դեկ բարի խորհուրդը կատարելուց հետո տեր հայրն սկսեց սովորեցնել Արուսիւնին այս ամեն գաղտնիքները, որ պարունակվում էին այդ գրքի մեջ և պատմեց իր արած փորձերի մասին: Նա ասում էր, թե եղել է մի Հակոբ անունով պատրիարք, որ շատ լավ է իմանալիս եղել ոչ միայն Սողոմոնի, այլև «վեցհարյան» ասված թալիսմանագրի գործ դնելը, որով երես առ երես հարաբերութիւն է ունենում շարերի հետ: Նա պատմում էր, որ յուր վարժապետներից մինը ևս՝ Գիրսաս անունով՝ նրանեց ետ չէ, որ վարդապետ մարդ լինելով, ուրեմն և հարուստ, թանկ գնով

ձեռք է բերում այն ամեն հատերն ու դեղերը, որ դյուրութեան համար կարևոր են, որ եթե մոտ քաղաքներում չեն գտնվում, նա բերել է տալիս Ստամբուլից, Հնդստանից և ուրիշ հեռավոր տեղերից: Տեր հայրը հայտնում էր, որ հոգևորականներին արգելված է այդպիսի բաներով պարապելը, բայց նա չէր ասում, որ այդ արգելելու պատճառն այն է, որ այդպես բաները ստույգուն են միանգամայն և խաբեբայություն, այլ թե քրիստոնյաներին փրկելու համար սուրբեր կան, խաչեր կան և թե ով որ սատանայի զորութիւնով կփրկե մարդու, նա գերի կընկնի այն սատանայի ձեռքը, զոր երախտահաս է եղել նրան:

— Բայց այս էլ կա,— ավելացնում է տերտերը,— որ եթե գծերի և հիվանդների կլավացնես, էդ մեղք չէ, վարձք է, բայց եթե «չիլա» կմտնես, շարերի հետ պայման կանես, որ ինչ հրամայես, ասածդ կատարեն, և այնուհետև դու էլ սկսես սիրո գրեր անես, կնանիք մերկացնես, մարդիկ գծվացնես, երկինքը կապես, ահա այդ ժամանակը հոգիդ կընկնի նրանց ձեռքը...

Բայց ինչ ուզում է լինի, գիտենալը մեղք չէ, անելն է մեղք: Միայն ինչ որ անես, պետք է թաքուն անես, որ չիմանան, եթե ոչ՝ էլ տերտեր չեն օրհնիլ, ինչպես որ ինձ չէին օրհնում...

Հիրավի, ներսես կաթողիկոսն արգելել էր հոգևորականներին կախարհական գրքերի գործադրությունը, հավաքել էր տալիս այդ գրքերը և տերտերին պատժում, բայց հավաքող վարդապետները կամ գործակալները շատ անգամ իրենք էին սեփականում այդ գրքերը՝ հավատալով նրանց հրաշքներին: Չէին ասում «սուտ է», այլ թե «մեղք է»: Մեր եկեղեցին նզովում է այդ գործով պարապողներին, իբրև շարագործներին, բայց ոչ իբրև խաբեբաների և խաբվածների, որովհետև սատանայի գոյութիւնն ընդունելուց հետո կարող չէ ընդդունել և նրա շարագուծությունը...

Արուսյունը, որ անհագ սիրով հավատ էր ընծայում տեր Պետրոսի բոլոր ասածներին, աշխատում էր, որ ինչ գիտե-չգիտե տերտերը, բոլորն էլ ամբարն իր հիշողության մեջ: «Գիտենալը խոմ մեղք չէ, անելն է մեղք», կրկնում էր Արուսյունը տերտերի ասածը և միշտ հարցնում էր տերտերին այն բաների մասին, որոնք շարժում էին նրա հետաքրքրությունը: Սակայն ոչ մի անգամ չէր պատահում, որ տերտերն ասեր, որ այդ բանի մասին տեղեկություն չունի ինքը: Նա ամեն բան գիտեր, այսինքն հավատացած էր, որ գիտե: Եթե, օրինակ՝ Արուսյունը հարցնում էր երկնային

մարմինների մասին, արեգակի, լուսնի, աստղերի, տեր հայրը պատասխանում էր, որովհետև Գրիգոր լուսավորիչը և Բարսեղ Կեսարացին մի հարց ու պատասխանով լուծել էին այդ խնդիրը: Եթե խնդիրը վերաբերում էր այն կյանքին, այդ ավելի պարզ էր տերտերի համար, քան թե այս կյանքը. «արդարոց կյանք հավիտենական և մեղավորաց տանջանք հավիտենական»: Այսպիսով ահա Արուսյունը տերտերի բոլոր փիլիսոփայությունը սովորեց և ինքն էլ դարձավ մի փոքրիկ փիլիսոփա, մեծ բաներ գիտցող, փոքրիկ բաներին անտեղյակ: Հայոց պատմագիրներին ծանոթ չէր տեր հայրը, նա չէր տեսել և ոչ կարդացել Խորենացի, Եղիշե, Փարպեցի, Եզնիկ, Դավիթ և այլն, այդ պատճառով ազգ, հայ, հայրենիք, Հայաստան բառերը Արուսյունի ականջին չդիպան ոչ մի օր: Խոսք էր լինում միայն հայոց կրոնի մասին, և տերտերն ասում էր՝ «աշխարհըս երեսին միակ ճշմարիտ կրոնը հայոց կրոնն է, բայց հայերն իրանք անմիաբան ազգ են, դրա համար էլ կորցրել են իրանց թագավորությունը: Հայոց թագավորները շատ գոռոզ են եղել, շատ ամբարտազան, ձիով են եղել գնալիս եկեղեցի: Անի քաղաքացիք էնքան գոռոզացել են, որ ծաղրում են եղել բոլոր վարդապետներին: Ասում են՝ եթե գալիս էր մի երկայնահասակ վարդապետ, նրա առջև դնում էին շատ ցածր գրքակալ, որ վարդապետը կոսնա, և իրանք ծիսադեն, իսկ եթե կարճահասակ էր լինում, բարձր գրքակալ էին դնում, որ վարդապետը վեր-վեր ձգվի: Մեկ սնդամ էլ ահա էդ վարդապետներից միինը անիծեց, ու քաղաքը քանդվեց իսկույն երկրաշարժով: Հիմա էդ քաղաքը կա, բայց ոչ ոք չի կարող բնակիլ այնտեղ, որովհետև «անիծված է»:

— Ափսոս,— ասում էր Արուսյունը, սաստիկ բարկանալով ամբարտազանություն անողների վերա և ընկնում էր մի խորին և անբացատրելի տխրության մեջ:

4

ՃԱՆՆԱԳԱՐՔՈՐԴՈՒԹՅՈՒՆ

Նրբ որ Արուսյունը գնաս-բարով ասաց Մանվելին և հեռացավ, մյնսհետև սկսեց երևակայել մի բուրբուրյին իրան անծանոթ աշխարհ: Նա գիշերը երազումը տեսնում էր, որ իբր թե քաղաքում

աշխարհի վերա մեզ քի՛չ տանջեցիր, հիմա էլ էստե՛ղ ես ուզում տանջել: Ո՛ր, այդ քեզ չի հաշողվիլ, այս մեր բնակարանն է... եկե՛ք, եկե՛ք, Ուրիել, Սադայել, Դակուել... բոլոր դեերն իմաց են տալիս մեկմեկու, հավաքվում են և Սողոմոնին ցիմ-ցիմ վեր են կաշնում, դժոխքիցը հանում ու դնում դրախտի ճանապարհի վերա: Այսպես գնաց Սողոմոնը, որ դրախտն ընկնի, ճանապարհին՝ Զիթենյաց սարի տակով անց կենալիս՝ վերև մտիկ տվա՛վ, տեսավ Ադամին Քրիստոսի կողքին նստած: Սողոմոնը Ադամին որ տեսավ, ասեց՝ «Օրհնյա՛ տեր»։ Ադամն էլ, իր ձեռքը Քրիստոսի կուրծքին դնելով՝ ասեց՝ «Աստված օրհնե»... Քրիստոսն էլ Սողոմոնի իմաստովթյունը գովեց, թե՛ «Ծս ինքս գիտեի, որ դու դժոխքումը կենող պտուղ չես»... Ահա էսպես, հիմա իմացա՞ր:

— Իմացա՛, իմացա... Ես հիմա երկու բան սովորեցի. մեկ՝ թե դժոխքումը քանի հոգի կան, մեկ էլ որ՝ թե «օրհնյա տերն ու աստված օրհնեն» ինչ ժամանակից է մնացել և ով է եղել դրա առաջին ասողը... Հիմա ես ամեն բան էլ գիտեմ, մնացել են էն բաները միայն, որ գրքերումը չկան:

— Չէ՛, որդի, էլի շատ գրքեր կան, որ դու դեռ չես տեսել... ճարտասանություն, տրամաբանություն, Սաղմոսի մեկնություն, էլի ուրիշ հազար ու մեկ մեկնություններ կան: Ես չունիմ էդ գրքերը, թե չէ ես ինքս կսովորեցնեի: Բայց էլ ինչի՞ր է պետք, որդի, շատ կարդալը. չես լսե՛լ, որ ասում են՝

Հաստ ու բարակն է մի գին,
Վայ գա բարակ մանողին...

Տեր Կիրակոսի տղին ճանաչում ես, էն խոզարածին, — ի՛նչ խոզարած, բո՛ւ արջ է: — Մի դարտակ «և ևս խաղաղություն» է սովորել, ուզում է տերտեր դառնալ: Ինձ խնդրում են, որ գործակալին հայտնեմ, որ ֆնա առաջնորդին բարեխոս ըլի: Հիմի էլ հենց նրա համար եմ գնում: Ծկան հայր ու որդի աղաչանք արին, ես էլ չկարողացա «չէ» ասել... է՛հ, իմ ինչի՞ս է հարկավոր, մեղքն օրհնողի շինքին... Բայց ես մնացել եմ զարմացած: Ասում եմ՝ «եկեղեցու յոթը խորհուրդը գիտե՛ս», ասում է՝ «չէ»։ «շարական ասել գիտե՛ս», — «չէ»։ կարդալ, գրել, Տոնացույցի մտիկ տա՛լ — «չէ»։ Օրհնված, ասում եմ, էլ ուրեմն դու ինչպե՞ս պետք է բահանայություն անես: — Ես ի՛նչ անեմ, ասում է, հայրս ինձ ստիպում է, թե

պիտի տերտեր դառնաս, որ իմ տեղը քեզ մնա. չե՞ս կարող, ասում է, սաղը կնքել, մեռածը թաղե՛լ. էդ ես հետո էլ կսովորեցնեմ, մի տաւը թուման է առաջնորդի շանը, ի՛նչ կասի, որ չի ձեռնադրի. «կաշառքը դրախտի դուռը բաց կանի»...

Մեկ ասող ըլի դրան, թե դու ինքդ ի՛նչ գիտես, որ դրան ի՛նչ սովորեցնես: Աղոթքներն ու մաղթանքները բոլորը կիսատ է թողնում, տիրացուի կողքին բոթում, որ շուտով քարոզն ասի: Ավետարան կարդալիս մի գլուխ հաղում ու նմնմացնում է, ոչ մի բառ ամբողջ չի դուրս թողնում բերնիցը, տառերի մեծ մասը կուլ է տալիս: Դրանց եկեղեցու շարականի մեծ մասին դեռ ձեռք չի տված. հարություն օրերին ապաշխարության շարական է ասում: Բայց ինչպես թանկ է ծախում իր տերտերությունը, ամեն մի ծես կատարելիս փողն էս գլխիցն է առնում, էն էլ մեկն երկուսով. ում ուզում է՝ հաս է գրում, ում ուզում է՝ չհաս... Չէ՛, դա անիրավությունն շատ է անում, դրա համար բահանայությունը մի սուրբ պաշտոն չէ, այլ մի տեսակ շարչություն: Ես գործակալի պաշտոնակատար եմ, որ ուզենամ, դրան պատժել կտամ, բայց ինչի՞ս է պետք, մենակ դա չէ էդպես, բոլորն էլ էդպես են, մեղավորը դրանց ձեռնադրողներն են... Հապա՛, որդի, էսպես բաներ էլ կան աշխարհքիս վերա, աստված պահի, կմեծանաս, շատ բան կտեսնես...

— Ես որ տերտեր դառնալու լինեմ, մինչև ամեն բան լավ չգիտենամ, չեմ դառնալ:

— Որդի, մարդս պետք է բնական ուսում ունենա, շատ կարդալով ոչինչ չի սովորիլ: Տես՝ ինչքան մարդարեք են եղել, ինչքան առաքյալներ են եղել, նրանցից ոչ մեկն ուսում չի առել, բայց աստված տվել է նրանց շնորհք, իմաստություն, լեզվագիտություն...

— Բայց մեկ անգամ դու շասացի՞ր, տերտեր, թե մարդարեքն ու առաքյալները որ կան, աստծու աշակերտներն են, նրա ընտրածները, բայց մենք, հասարակ հողեղեններս պետք է հողեղեններից բան սովորենք, պետք է աշխատենք... ես ինչքան պաս եմ պահում, աղոթք եմ անում, բայց որ չեմ սովորում դասս, ինքն իրան անգիր չի լինում: Ճշմարիտ է, շատ գիշերներ երազումս կարդում եմ զանաղան գրքեր, շարագրություններ, բայց միտս չեն մնում:

— Ես էնպես ասել եմ, որ դու աշխատես, չծուլանաս, խոսք էր, բերանս եկավ, ես էլ ասացի. բայց դու հավատա, որ եթե

մեկը աստօժ տված խելքիցը զուրկ լինի՛, նա ինչքան էլ ուսում առնի, ոչինչ չի գառնալու: Հիմա տես, դու սիրում ես ուսում առնելը, էդ սերն աստված է գցել քո մեջ. բայց էնպեսները կան, որ ուսման սեր չունին, զոռով ստիպում են նրանց, որ մի բան սովորեն: Բայց դու ուզում ես, այնպես չէ՞, դու ուզում ես շատ ուսում առնես, շատ բան գիտենաս...

— Երբ որ ասում ես, դեռ էլի շատ բան կա, որ ես չեմ կարդացել, ինչի՞ չկարդամ...

— Շատ լավ, հիմի գնում ենք քաղաք, եթե կուզես, ես քեզ կթողնեմ էնտեղ, որ մտնես ուսումնարան և շատ բան սովորես...

Մեր տերտերը հազարից մեկ անգամ մի ուղիղ բան էր ասել, բայց դուրս է գալիս, որ էդ էլ պատահմամբ է եղել. «Ճոսք էր, ասում է, բերանս եկավ, ես էլ ասացի»: Մեր տերտերը, որ գիտե, թե դժոխքումը քանի հոգի կան, բայց չգիտե, որ Գրիգոր Լուսավորիչն այդ ժամանակ դեռ ծնված չէր, մեր գիտնական հոգևորականների ներկայացուցիչն էր յուր ժամանակին, եթե ոչ շատ, գոնե մի քանի նահանգի վերաբերությունամբ, և մի քանի վանքերի, որոնց միաբանների բոլոր փիլիսոփայությունը Տաթևվացու հատորների մեջն էր ամփոփված: Այս հանգամանքի վերա կարծե մի փոքր ուշադրություն դարձնել: Թող հնագետն ու պատմաբանը իրենց հետազոտությունն անեն, իսկ նրանք, որոնք կոչված են լույս սփռելու մեր աշխարհի խավար անկյուններում, թող տեսնեն գրքերի ազդեցությունը ժողովրդի մտավոր զարգացման վերա...

Մեր տերտերը և նրա հետ բոլոր փոքրիշատե աչքի ընկնող նշանավոր կամ աննշան աւավածաբաններն ու քարոզիչները ի մանկութենե ձգտում են ունեցել դեպի բարին, դեպի կատարյալը, բայց այդ ձգտումը նրանց տարել է դեպի խավարի խորքը, որովհետև խավար էր նրանց շրջապատող կյանքը: Այդ բանը հառաջ է գալիս ահա ինչպես. — մեկ երեխայի մեջ ինչ-ինչ պատճառով գոյանում է ձգտումն դեպի գրագիտությունը: Ստիպում է նա իր ծնողացը, որ նրան տան գեղի տիրացուին կա՛ տերտերին՝ գիր սովորելու համար: Ծնողքը կատարում են նրա խնդիրքը, տեսնելով, որ, հիրավի՛, նա շատ սրամիտ է, տան մեջ ինչ որ երգում են, իսկույն սովորում է, հեգիաթ, առակ են ասում, նա կրկնում է և աշղների երգածները. այս հանգամանքն արդեն համարվում է առանձին ընդունակության հատկանիշ, որովհետև

ինչպես մեծերի, նույնպես և փոքրերի աշխարհում կան զանազան տիպեր, որոնք թեև դեռ լավ չկազմակերպված, բայց շատ լավ որոշվում են միմյանցից: Պատանի տաղանդը տիրացուի կամ խալիփայի գիտությունը սեփականելուց հետո համարվում է ուսումնավարտ: Գնում է նա այնուհետև տերտերի հետ թաղման, մկրտության, հարսանիքի, մի խոսքով վաղօրոք ընկնում է հասարակության մեջ, ընկնում է ծերերի շարքը, քեթիսուդաների հետ է նստում վեր կենում: Այս հանգամանքից մեծ օգուտ է քաղում նրա հիշողությունը, նրա դյուրազգացությունը. նա դառնում է շատերի խորհրդակիցը, երազների մեկնողը, բախտի նախողը, նամակի, պարտամուրհակի, պայմանաթղթի գրողը: Պատահում է սրա-նրա տանը հին գրքերի, որոնց որդի ժառանգություն մնացած, որ զգուշությամբ և ահ ու դողով պահում են այն հուսմնացած, որ զգուշությամբ և ահ ու դողով պահում են այն հուսմնացած, որ իրանց տանից երբեք մինը կարգալ կսովորի և մեծ սով, որ իրանց տանից երբեք մինը կարգալ կսովորի և մեծ օգուտ կքաղի նրա հոգեշահ խրատներից կամ խորհրդավոր գիտություններից: Այս գրքերն առհասարակ լինում են կրոնական կամ իբր բարոյական բովանդակություն ունեցող գրքեր: Հավաքում է պատանին այդ տեսակ գրքերը և սկսում է գիշերցերեկ կարդալ: Մոռանում է տնային գործը, ուշ չի դարձնում ոչ մի բանի վերա. գիշերը նրան ճրագ չեն տալիս, նա կարդում է կրակի շեղչի լուսով: Տաքանում է նրա գլուխը, վառվում է երևակայությունը, ավելանում է ուսման փափագը, հղանում է վերջապես իր ուսման ծարավը զորացնելու զանազան հնարքներ, որոնցից ամենահեշտը և դյուրահասը համարում է վանականությունը: Եվ նա հասնում է իր այս նպատակին: Մի քանի տարվա մեջ ամբարվում է բազմակողմանի առասպելներով և սև գլխով վերադառնում ու սեպնում շատերի խելքն ու միտքը: Դյուրազգաց բնավորության վերա մեծ ազդեցություն են գործում ամենահասարակ համարված դեպքերը. նրան պատահած այս կամ այն գաղափարի տեր մարդը, այս կամ այն ուղղություն ունեցող գիրքը տակնուվրա է անում նրա մտավոր աշխարհը: Այսպիսի դիպվածների ենթարկվել էր և մեր տեր հոր հանճարը: Մտաբերելով իր երբեմն ունեցած ուսման փափագը, նույնը տեսնում էր այժմ և Արությունի մեջ և ցավակցում նրան: Նա չէր կարող երևակայել, որ Արությունի ապաշա վարժապետները կարող են բուրրովին այլ ուղղության և գաղափարի տեր մարդիկ լինել, որոնք ոչ միայն չեն շարունակիլ իր կիսատ թողածը, այլ

ինչ որ տվել է, այն էլ կաշխատեն մի կողմ մղել, որ իրանց տալիք ուսումը մի մաքուր անկյուն գտնի նրա ուղեղում...

Տեր հայրն սկսեց պատմել իր տեսած ու լսած բաներից, մինչև հասան Թելեթի սարի ստորոտը:

— Դե հիմի վեր արի,— ասաց տեր հայրը,— ձին մեղք է՝ Որ բարձրանանք էս սարի գլուխը, քաղաքը կերևա:

Արությունն իջավ ձիուց և մի քանի քայլ ծանր փոխելուց հետո զանգվեր թռավ արագավազ եղջերվի նման և տերտերին շատ ցած թողնելով՝ ինքը բարձրացավ սարի գլուխը, որտեղ երևեցավ նրան քաղաքը:

Թիֆլիս քաղաքը նավթուղից սկսած մինչև վերա հանկարծ բացվելով Արությունի առջև, ապշեցրեց նրան: Չտես, երևակալության աշակերտ, դյուրազգաց և դյուրագրգիռ Արությունը մնաց տեղնիտեղը մեխված, էլ չկարողացավ մի քայլ հառաջ փոխել...

— Հրաշալի տեսարան,— բացականչեց վերջապես Արությունը:— Սա ինքն է «Պղնձե քաղաքը»,— ասում է Արությունը և քիչ է մնում Տալիփի նման «շաբա՛շ-շաբա՛շ» աղաղակելով թռչել սարի գլխից և ընկնել իր ներքև ընկած խորերն ու ձորերը:— Էս անպատճառ Սողոմոնի հրաշագործությունովը կլինի էսպես պայծառացած... Ա՛խ, աստված թե տար ինձ, էս բուսեխ կթռչեի ու կսկսեի սրա վրա պտույտ-պտույտ գալ: Քաղաքացիք կզարմանային, կասեին՝ «էս ո՞վ է, երկնքից է գալիս»... Տերտերը Սղիսեի նման կաղաղակեր. «Հա՛յր, հա՛յր, կառքդ Իսրայելի և հեծյալդ դորա»... հենց կիմանար, թե Սղիայի նման երկինքն են տանում ինձ...

Մինչև Արությունն այսպես մի քանի բուսեխ կզվարճանար քաղաքի երևույթով, տեր հայրն էլ հստակ, իջավ ձիուցը և մտրակի կոթը դեպի քաղաքը մեկնելով, ցույց տվավ Արությունին, թե ինչ տեղ է առաջնորդարանը, ինչ տեղ է կենում գործակալը, թե այն՝ այսինչ եկեղեցին է ու այս՝ այնինչ: Վերջապես մտան քաղաքը: Վախենալով, որ միգուցե Արությունը մոլորվի ու կորչի կամ դրոշկի տակ ընկնի, տերտերն առաջուց զգուշացրեց նրան, որ այս ու այն կողմ չնայի: Այսպես հասան մինչև Հավաբար, որ ձին մի թավում կապելուց հետո, Արությունի ձեռով ուղարկեց գործակատարի համար բերած թիվածքն ու մեղրահացերը: Կործակատարի տունը ցույց տալու համար՝ տեր հայրը կանգնեց-

րեց Արությունին մի փողոցում, ձախ ձեռը դրավ նրա ուսին և աչ ձեռը մեկնելով դեպի մի կողմ, ասաց.

— Էսպես կե՛րթաս, հետո աջու կուսնդ վրա շուռ կգաս, էնտեղ մի նեղ քուլա կա, էն նեղ քուլտվն էլ որ մի քիչ կերթաս, էլի մի ուրիշ քուլա կգա առաջդ, նրանով էլ մի քիչ որ կերթաս, մի տուն կտեսնես՝ մի փոքր բախշա առաջին: Էնտեղ կհարցնես, կասես՝ տեր Փիլիպոսենց տունը ո՞րն է. կասեն՝ «ա՛յ էս է»: Կմտնես տուն, փափախդ վեր կալնես ու էդ կտաս իրանց, կասես՝ տերտերն ուղարկեց. Իմացա՞ր:

— Իմացա, իմացա... Էսպես կերթամ, հետո աջի կուսնս վերա շուռ կգամ... Կգտնեմ, կգտնեմ...

— Ես գիտեմ, որ կգտնես... Էս տեղը մտքիցդ չզցես, ես էստեղ կսպասեմ քեզ: Դե գնա՛, մի՛ վախենար: Տեր ուղեցեց զգնացս քո ի ճանապարհ խաղաղության...

Դ

ՎԻՊԱԿԱՆ ԱՆՅԲԵՐ

Հավաբարի տներից մինի մեջ թախտի վերա ծալապատիկ նստած՝ խոսում էին իրար հետ երկու մատաղահաս կանայք: Սրանցից մեկն էր Արությունի քույրը՝ Օսանան, իսկ մյուսը Մանվելի քույրը՝ Հոռոմսիմը, որ Օսանին մոտիկ դրացի լինելով՝ եկել էր նրա մոտ գյուղից ստացած մի տխրալի լուր հաղորդելու:

Շատ անգամ աշխարհիս երեսին այնպիսի դեպքեր են կցորդվում միմյանց, որ կարծես մի աներևույթ ձեռք մի որևիցե նպատակով նրանց իրար հետ շաղկապած լինի: Արությունն ու Մանվելը միմյանց հանդիպում են դիպվածաբար, բարեկամության ուխտ են դնում բնազդմամբ, նրանց քույրերն էլ՝ դարձյալ դիպվածաբար՝ վաղուց արդեն պատահել են միմյանց: Երկուսն էլ հարս են քաղաքումը, երկուսն էլ դրացի, երկուսն էլ շատ սիրով կապված միմյանց:

— Օսանա՛, գիտե՞ս էս քանի օրս ի՞նչ է պատահել Դա-
ղեթումը:

— Աչինջ չեմ լսել, ի՞նչ է պատահել:

— Մազթաղի տղան՝ Սոսին, ինքն իրան սպանել է...

— Ի՞նչ ես ասում... Խեղճ տղա. ի՞նչ է պատահել տես-
նես, ինչո՞ւ է սպանել...

— Մի շատ բան. Շամիրն էլ իր կնիկանը՝ Մարիամին է
սպանել. Մարիամի նշնելու քուրը՝ Հերիքն էլ գծվել է, նա էլ
էնտեղ է զուլսը մահու տվել. բոլոր անբախտությունը նրանից
կամ թե նշանած է եղել, չգիտեմ, միայն Հերիքը կենում է եղել
իր քվոր կշտին, Սոսին երանց մոտ թաքուն գնալ գալ է ունե-
նում, Շամիրն էր տեսնում է, վատ կարծիք է տանում Մարիամի
վերա, վերջն սպանում է, տանում է կախ տալիս մերումը, որ
ասեն՝ «ինքն է խեղդել իրան»: Հերիքը գնում է գտնում, վախե-
նում է, թե ինչ է պատահում, գծվում է. Սոսին էլ որ իմանում
է, թե ինչ բան է պատահել իր պատճառով, թվանքով խփում է
ինքն իրան սպանում. Շամիրն էլ որ հետո իմանում է, թե ան-
մեղ է եղել Մարիամը, նա էլ էնտեղ է ինքն իրան սպանում...

— Ի՞նչ անբախտություն է, տեք աստված, ես հենց իմա-
նում էի, թե մենակ ինձ է պատահել էղպես մի բան, հիմի տես-
նում եմ, որ ուրիշներին ավելի վատ է լինում:

— Քեզ ինչ է պատահել, փառք ասածու, դու ողջ-առողջ ես:

— Չէ՛, ես ուրիշ բան էի ուզում ասել, միտքս ուրիշ տեղ
գնաց... Խեղճ Մազթա՛ղ, միևնույն մեկ տղա ուներ, աչքի սևն
ու սպիտակը, նրանից էլ զրկվեց. էլ ի՞նչ կապրի նա:

— Ի՞նչ ապրել... Գիշեր-ցերեկ տղի գերեզմանիցը չի հե-
ռանում, ասում են, ոչ ուտում, ոչ իմում է, միշտ աղի արտա-
սուք է թափում: Ով գիտե, հիմա նա էլ գծված կլինի կամ
մեռած...

— Նարգիզի նման...

— Ո՞վ է էդ Նարգիզը...

— Դրա պատմությունը երկար է, Հոռոճսիմ: Միք իմ գըլ՝
թողն էլ է էղպես մի բան անց կացել... Տեղը չի եկել, որ պատ-
մեմ քեզ:

— Ասա, մեկ ասա, — ստիպեց Հոռոճսիմը. — ես նկատել եմ,
թեպետ քեզ չեմ ասել, որ մի հին ցավ կա քո արտումը: Ձմեռ-

վա արեգակի նման շուտ-շուտ ամպի տակ ես մտնում, էնպես
ես տխրում: Միտք եմ անում, ասում եմ, ի՞նչ պիտի լինի սրա
դարդը...

— Ականջ դիր, հիմի ասեմ. «Ես դեռ օրորոցում, մեր հարե-
վան Նարգիզը մի խաչ է քաշում իմ օրորոցի վերա, թե Օսանին
իմ Ռոստոմի համար պիտի ուզեմ: Մերս էլ ասում է, շատ լավ:
Չորս տարեկան դառած-չդառած՝ Նարգիզը մեկ օր եկավ, ոսկե
գնչիլով մի մեծ խաչ մանեթ կախ տվավ շիներիցս, թուշիցս էլ
պաշեց, թե՛ դու իմ Ռոստոմի նշանածն ես: Ես էլ շատ ուրախա-
ցա, մտքումս ասում էի, էս ի՞նչ լավ բան է. բայց թե ի՞նչ բան
է, ես ինչ կգիտենայի: Ռոստոմն էլ ճշմարիտ է, ինձանից երեք
թե չորս տարով մեծ էր, բայց նա էլ ինձ նման ոչինչ չէր հաս-
կանում. անմեղ սրտով մենք շատ սիրում էինք մեկմեկու: Օր
չէր լինիլ, որ կամ ես շերևայի նրա աչքին, կամ նա՝ իմ: էս-
պես մենք իրար սիրով վառված՝ հեքիաթներում ասածի նման՝ ով
տարով կմեծանար, մենք օրով էինք մեծանում: Ռոստոմը դեռ
տասնհինգ-տասնվեց տարեկան չկար, տեսնողն ասում էր՝ քսան
տարեկան կլինի, բեղատեղերը սևացած, հասակը չինարի դա-
ռած... Օր ու գիշեր աշխատում էր, որ ոչ մեկ տղից ետ շմնա
թե՛ խաղալում, թե՛ կպչելում, թե՛ որս անելում, թե՛ մարդա-
վարութենում, թե՛ տանուտեղի հոգս քաշելում: Քանի որ փոքր
էի, ես չէի փախում նրանից, խոսում էլ էի հետը: Մեկ օր հարց-
րի, ասեցի՝ «Բա չե՞ս հոգնում, որ էդքան դես ու դեն ես ընկ-
նում»... Նա թե՛ «Չէ՛, Օսան ջան, երբ որ քեզ տեսնում եմ, թե
հոգնած եմ լինում, հանգստանում եմ, թե քաղցած՝ կշտանում,
թե տխուր՝ ուրախանում...»:

— Օ՛... սերն ի՞նչ ասես, թե չի անիլ... Ես էլ եմ սիրել,
ես գիտեմ, — ասաց Հոռոճսիմը...

— Մեկ օր, — շարունակեց Օսանան, — մեկ օր իմ մորա-
քրոջ տանիցը գալիս էի, — իմ մորաքույրը մի շատ պատվական
կնիկ էր, գիր էլ գիտեր, նա ինձ համ գիր էր սովորեցնում,
համ կար ու գործ. — հա, իմ մորաքրոջ տանիցը գալիս էի գուլ-
պա անելով, գիրս էլ կոանս տակին, հենց որ հասա մեր տան
ներքևը մի ձոր կա, էն ձորը, մեկ էլ տեսնեմ Ռոստոմը, թվանքն
ուսին, եկավ առաջս: Տեղ չկար, որ թաք էի կացել, մնացի սա-
ռած, աչքերս գետնին գցած, կանգնած: Ես հիմի հասկանում էի
ամեն բան, գիտեի, որ նշանածիցը պետք է փախչել, պետք է

շխոսկան կենալ: Ռոստոմը տեսավ, որ ես շատ ամաչեցի, մի քիչ ետ կանգնեց ու թե՛ «Մի՛ ամաչիլ, Օսանա ջան... էդ ի՞նչ է կոանդ տակին դրած, գիր ես սովորո՞ւմ, կուս խոմ չե՞ս դառնալու»: Ես գլուխս շարժեցի: Նա թե՛ «էլ ինչո՞ւ ես գլուխդ օրորում, կամ հա՛ ասա, կամ չէ՛»: Վերջը երբ որ տեսավ, թե ես ոչ խոսում եմ, ոչ գլուխս քարձրացնում, «Ականջ դիր, ասեց, Օսանա, տես ինչ եմ ուզում ասել քեզ: Ես ոչ հեր ունեմ, ոչ թույր, ոչ ախպեր, մի մեր ունիմ միայն, որ ինչքան ինձ է սիրում, էնքան էլ քեզ: Մենք դեռ շատ փոքր ենք էլել, որ մեզ նշնել են, հիմի մեծացել ենք, խելթի հասել, կարող ենք ես էլ դու էլ շամաձայնել, եթե շուգենանք, շիրենք մեկմեկու: Ես լսել եմ, որ քո հերը մի քանի տեղ ասել է. «Իմ աղջիկը նշնած է», որ քո հերը մի քանի մարդ է, մեկ որ «չէ» ասեց, էլ ողջ աշխարհը նրան շի կարող «հա» ասել տալ: Բայց ես չեմ վախում, քանի որ ես կենդանի եմ, ոչով կարող չէ քո մեկ մազին դիպչիլ, միայն թե ես գիտենամ, որ քո խոսքն ու սիրտն ինձ հետ է: Դե հիմի ինձ ասա, մեկ իմանամ, տեսնեմ դու էլ ինձ սիրո՞ւմ ես, թե՛ մենակ ես եմ գովել, որ ոչ գիշերն ունիմ քուն, ոչ ցերեկը հանգիստ... Ա՛խ, կրակն էլի լավ է, մեկ անգամ էրում է պրծնում...»

«Ես, ճշմարիտ է, շատ ամաչում էի, բայց սիրտ արի. գլուխս քարձրացրի, որ մտիկ տամ Ռոստոմի երեսին, ասեմ. «Ես քեզ սիրում եմ, իմը դու ես որ կաս, ինչ անելու ես, արա. կուզես փախցրու, կուզես սպանիր, որ ուրիշի ձեռք չընկնիմ...»... Բայց Ռոստոմի սփրթնած երեսը, աչքերից կաթկթելիս արտասունքը որ շտեսա՛, գլուխս շշմեց, ձեռներս թուլացավ, գուպեն ձեռքս վեր ընկավ, կոացա թե վեր կալնեմ, աչքերս մթնեց, վեր ընկա... հետո իմացա, որ երբ որ ես թուլացած վեր եմ ընկել, Ռոստոմն ամաչել է թե վերցնի, վազել է մորն իմաց տվել, որ շուտ գա ինձ օգնի...»

Վերջապես՝ էլ ի՛նչ գլուխդ ցավացնեմ. իմ հերն էստեղ մի բարեկամ ունի, Օվակիմ է ունունը: Պետք է որ ճանաչես, մեզանից մոտիկ են կենում...

— Սոփիոյի մարդին չես ասո՞ւմ. գիտեմ, ինչպե՛ս չէ...

— Հա՛, հենց նա ինքը: Դա մի շատ կարդացած մարդ է. իրանից գրքեր է հանում, բաներ է գրում... Ինչևիցե՛: Էդ Օվակիմը ամեն բաղաբաղի ժամանակ գալիս էր մեր տուն, մի քանի օր

մնում էր, ինձ դաս էր սալիս, քաղքիցը բաներ էր առնում ուղարկում, մի խոսքով ինձ շատ էր սիրում, ասում էր՝ քեզ ես պիտի մարդի տամ, բայց ում որ դու հավանես, ես էլ հավանեմ, նրան կառնու: Մի բաղաբաղի ժամանակ էլ եկավ մեր տուն: Իրիկնահացից հետո՝ իմ հերն ու դա մի-մի բարձի վերա թինկը ալին ու սկսեցին զրից անել: Վերջն էս Օվակիմը խոսքն ինձ վերա բերավ, թե՛ «Գիտե՞ս ինչ է, Ավետիք, մեր Օսանեն գեղի հարմար աղջիկ չէ: Ափսոս չէ՞՞ էսպես սիրուն շարմաղ աղջիկը գեղումը թողնել»:

Օվակիմի էս խոսքի վերա հերս մի առակ ասեց, թե՛ «Մի թագավոր երեք տղա է ունեցել, երեքին էլ խրատ է տվել, թե՛ ո՛ր քաղաք, ո՛ր գեղ որ գնաք, ամեն տեղ ձեզ համար մի տուն շինեցեք: Մեծ ու միջնակ տղերքը ամեն տեղ էլ ահագին պալատներ են շինում, մեծ փող ծախսում, բայց փոքր տղեն ոչ մի տուն չի շինում, միայն ուր որ գնում է, մեկին իրան բարեկամ է շինում: Մեկ տեղ խաչեղբայր է դառնում, մի տեղ կնքահայր, մի տեղ մեկին մի բարերարություն է անում, մի ուրիշ տեղ ուրիշ տեսակ բարություն անում: Էսպեսով ամեն տեղ էլ իր լավությունով մի պատրաստի տուն է գտնում իր համար: Թագավորը վերջը փոքրին է գովում, թե «Իմ միտքն էլ հենց էդ էր»... Հիմի նրանը շինի, Օվակիմ, իմ միտքն էլ հենց էդ է: Ուզում եմ Օսանին քաղաքումը մարդի տամ, որ քաղաք գնացած ժամանակս էնտեղ մի տուն ունենամ, չգնամ թավումը վեր գամ, ախոռումը քնեմ ուրիշների պես: Ծնորհակալ եմ, քո տան դուռը միշտ բաց է ինձ համար, բայց քո կնիկը ոչ իմ տրեխներս կհանի, ոչ ոտներս կվանա. երբ որ աղջիկս կլի, նա ամեն բան էլ կանի»: Էս ասաց հերս ու դուրս գրեց, որ տեսնի՝ շներն ո՞ւմ վրա են հաշում...

— Դու ուրիշ տեղ տուն չես կարող շինել, անմեղ տեղը քու տունն էլ կքանդես...

«Էս իմ մոր ասած խոսքն է, որ մտիցս շի ընկնում: Էն օրվանից մինչև հիմի, որ ահա տասը տարի է, իմ հերը չորս տեղ տուն է շինել, բայց ոչ մեկումը իր սիրտը չի տալիս, որ մի գիշեր պառկի... Ինձ տվավ էստեղ, որ տեսնում ես ինչպես խալխն են, մարդի բերնի թիքեքը համբրում են, մյուս երեք քվորս էլ տվել է ուրիշ գեղերում, մեկը մեկելից վատ տեղ, օրվան հացի կարոտ: «Երբ որ հերս դուրս գնաց դուռը, Օվակիմն սկսեց. — Հիմի

դու ի՞նչ կասես Օսանա, կուզե՞ս, որ քեզ համար քաղաքումը լավ տղա, խելոք տղա գտնեմ...

«Սա առաջ չխոսեցի, մտիկ տվի մորս երեսին, տեսա, որ նա հավան չէ նրանց ասածին, բայց վախում է, ոչինչ չի ասում: Դրա վերա, ես սիրտ արի ասեցի՝ բիձա, դու խոմ գիտես, որ ես նշնված եմ, ինչո՞ւ ես իմ հոր սիրտը պղտորում: Նա թե՛ գիտ խոմ չե՞ս, աղջի, փոքր ժամանակդ օրորոցիդ վրա թուրքի պես խազ են քաշել, էդ ի՞նչ նշնել է. հիմի դու մեծացել ես, խելքի ես հասել, կառող ես քո սրտի ուզածին գնալ: Հիմա դու սիրո՞ւմ ես Ռոստոմին:

— Ռոստոմը շատ լավ տղա է, բիձա, ո՞վ չի սիրել նրան, — ասացի...

— Հա՛... դե որ բանն էդտեղ է հասել, էլ ես չեմ խառնվիլ, ես մեղա աստծու... Սա ու իմ աստվածը, գիտ գեղցի պիտի ըլի, որ քաղբջուն երանի տա, քաղաքին թամաս անի: Խելոք մարդը գեղունքը հազար փառքով լավ կապրի, քան թե քաղքումը, բայց որ գեղըցիք իրանք կոպիտ են, չեն իմանում մարդավարի ասպրիլը, ո՞վ է մեղավոր: Մեկ ասող լինի դրանց՝ ա՛յ օրհնված մարդիկ, ջուրը խոմ փողով չէ, ինչո՞ւ չեք ձեզ իստակ, մաքուր պահում... Մի կարգ, մի կանոն չկա. անասունի պես ուտում են, անասունի պես մեծանում: Որը բուղի նման շիինքը հաստացնում է, գոռում, գոշում, գլուխը հողերին, քարերին խփում, կատաղում մարդի միս ուտում, որը լղարանում է, քոսոտ ձիու նման սրան-նրան կեղտոտում, ցավով գցում...

«էս խոսքի վրա հերս դռնիցը տուն մտավ:

— էդ ի՞նչ է, Օվակիմ, էլի շարացել ես:

— Չեմ շարացել, Օսանին խրատում եմ, որ դու ինչպես կհրամայես, նա էլ էնպես անի...

— Տեսնես Օսանի բերնին ո՞վ է մտիկ անում, ո՞վ է նրան բան հարցնում: Իմ աղջիկը չի՞, ձեռիցը կբռնեմ, ում ուզենամ, նրան կտամ...

— Դու կտաս, ես գիտեմ քո բնությունը. մեկ որ բարկանաս, էլ աջ ու ձախ չես մտիկ տալ: Բայց շնորհաբան, որ դու էլ ես ջահելութուն ունեցել, դու էլ ես մի ժամանակ սիրել ու սիրվել...

— Ինչեր ես խոսում, Օվակիմ, չըլնի՞ թե քեզ ջադու արին, քեզ բան ասեցին, միջնորդ գցեցին... Քո խաթրը շիիներ, ես հիմա գրանց կոտորել էի...

«Հորս էս խոսքերի վերա մենք իրար երեսի մտիկ տվինք, թե

սա ինչի՞ է բարկացած, մեզ ինչի՞ պիտի կոտորեր: Նրա բարկանալու պատճառը շների հաշոցն էր: Ռոստոմը մթնի մեջը թաքուն եկել էր մեր տան հերթի մոտ կուչ եկել, որ իմաճա, տեսնի իրան օգուտ են խոսում, թե վնաս: Շները չէին ճանաչել, սկսել էին հաշել: Հերս վրա էր հասել, ճանաչել:

«Մյուս օրը, երբ որ Օվակիմը վաղ առավոտուն ճանապարհ ընկավ դեպի քաղաք, հերս սկսեց երևացնել իր բարկությունը: Հացի ժամանակ էր, մերս կերակուրը պատրաստել էր, ինձ էլ ասաց, որ սուփրեն գցեմ: Սուփրեն գցեցի, հաց, սոխ, պանիր, մածոն, ինչ կար-չկար տանը, մեջտեղ բերի, որ նրանով հորս սիրտը շահեմ: Բայց նա հացի չնստեց:

«Ինչպես որ երկինքը, երբ որ կարկուտ կամ սելավ է լինում տալու՝ առաջ մթնում է ու սևանում, ամպերն սկսում են գոռալ, ու էստեղ-էնտեղ պեծին-պեծին են անում, էդպես էլ իմ հոր երեսը ամպեց ու մթնեց, որոտաց, աչքերը պեծին-պեծին արին. ինչ ասաց, ինչ շասաց, չգիտեմ, խանչալը որ կայծակի նման պսպղաց, ես թռա ընկա հորս գիրկը... էլ չգիտեմ, ինչպես էլավ, որ աստված էդպես շուտ ինձ խելք ու միտք, ուժ ու զորություն տվավ... մի աչքաճպելումը մորս գլուխը պիտի թռչեր, թե որ մի քիչ ուշ կտրեի հորս առաջը...

«Հորս ձեռիցը խանչալը վեր ընկավ... մի կես ժամ ոչինչ չսոսեց, գույնը դեղնեց, սփրթնեց, երեսը շուռ տվավ դեպի աղոթարանը, խաշահանեց, «Նահլաթ քեզ, շար սատանա» ասաց ու խանչալը վեր կալավ դրավ տեղը՝ դուրս գնաց...

«Մերս ինչպես նստած էր, էնպես էլ մնաց նստած, քարացածի նման: Երբ որ հերս դուրս գնաց, մերս բարկացավ ինձ վերա, թե՛ «քեզ ո՞վ ասաց մեջ ընկնիս, կթողնեիր մեկ անգամից կազատվեի դրա ձեռիցը»...

«Մորս թողեցի տանը նստած, ես դուրս եկա դուռը, որ տեսնեմ ուր է գնում հերս: Նա գնաց գեղամեջ, որտեղ մի քանի ուրիշ մարդիկ էլ կային: Հետո դրանք ամենքն էլ միատեղ գնացին մըտան մի տուն: Տան տերը գինու նոր կարաս էր բաց արել, նրանց կանչեց, թե՛ եկեք մի համն առնենք, տեսնենք ինչպես գինի է: Մեկ-մեկ չափ գինի պիտի խմեն, էգ՝ նրանց մտքով՝ համը պիտի առնեն...

«Ճրագ վառելու ժամանակն էր, որ հերս եկավ: Դեռ տուն չմտած, տավադածի վերա բարկացավ, նա էլ մի բան մահանա

արավ, կշտիցը հեռացավ, որ ծեծ շուտի, հետո հերս տուն մտավ: Մի երկու փետ դրավ կրակի վերա, կշտին նստեց ու սկսեց ինքն իրան խոսել: Ինչ էր խոսում, ես չէի իմանում, երևում էր միայն, որ ինքն իրան շատ էր վիրավորված համարում, որ իր իշխանութունն ուզում են ոտի տակ տալ, որ իրան մարդի տեղ չեն դնում, չեն խոնարհում, չեն հնազանդում առանց ձայն ծայտուն հանելու: Վերջը խոսքը դեպի մորս դարձրեց:

— Քեզ եմ ասում, ա՛յ կնիկ, դու ի՞նչ իրավունքով ես առանց իմ կամքի աղջիկ նշնում. գիշերվա կեսին էն անպիտանն ի՞նչ ունի մեր հերթի վերա. կարելի է թե մենք մեր տանը մի թաքուն բան ունինք, չենք ուզում, որ աշխարհք իմանա...

«Մերս տեսավ, որ սուս կենալով ավելի կբարկացնե, սկսեց խոսել ու ասաց.

— Ինչի՞ ես քարացրել սիրտդ, ա՛յ մարդ, ինչի՞ ես մոլորվել, խալխին էլ դու ես խրատում, հիմի ինչի՞ քո գլխին շես խրատում: Ի՞նչ ես ուզում դու ինձանից, ես քեզ ի՞նչ եմ արել: էս դու, էս քո աղջիկը, ի՞նչ ուզում ես արա, ո՞վ է քո ձեռիցը բռնում: է՛հ, ես կարծում էի, թե ես էլ սրա մերն եմ, որ սա ինչքան որ քոնն է, էնքան էլ իմն է. ինչպես դու, էնպես էլ ես, չենք ուզում, որ սա անբախտ լինի: Թե որ կուզես, էլի միտք անենք միասին, խելք խելքի տանք, ինչպես որ լավ կլինի մեր աղջկան համար, էնպես անենք: Հենց համարենք, թե նշնված չէ, նոր ենք ուզում նշնիլ: Ինձ որ մնա ես Ռոստոմիցը լավ տղա շեմ ճանաչում մեր գեղումը, մեզ մոտիկ, մեր ձեռի տակին, մեր աչքի առաջին, մեր աղջիկն էլ նրան է հավանում, նրան է սիրում: Դու ինքդ էլ նրանում մի փուտ շես գտնում, հենց ուզում ես, որ անբախտացնես երկուսին էլ...

«Մի խելոք մարդ որ լսի էս խոսքերը, կասի՝ «Մի՞թե էնպես մարդ կգտնվի, որ դրա հակառակ մի բան ասե... թե որ կգտնվի, պետք է որ էդ մարդը շատ հիմար լինի»: Դու ի՞նչ կասես, Հոստոմսիմ...

— Ես քո հոր մասին մի հազար անգամ լսած կլինեմ իմ հորիցս, թե նրա նման խելոք, ճարտար մարդ չկա մեր գեղերումը,— ասեց Հոստոմսիմը:— Իմ մտքով, պետք է ոչինչ չխոսի, պետք է որ հավանի մորդ ասածին: Բայց որ իմ հերը լինեք, հենց իրա ձին կքշեք, թեպետ նա էլ հիմար մարդ չէ: Մեր մարդիկն ամեն բանում խելոք են, բայց մեզ հետ հիմար: էդ նրանից է, որ

մեզ հիմարի տեղ են դնում կամ ոչինչ բանի տեղ չեն դնում: Առաջ իրանք գժվում, մեզ ուզում են, հետո ասում են, դուք սատանա եք, մեզ խաբեցիք: Դե արի դրանց բան հասկացրու: Միտս է, շատ անգամ որ մերս մի խելոք բան էր ասում, հերս չէր հավանում, թե՛ «կնկա մազն էրկեն կըլի, խելքը կարճ»: Կնիկն ու ձին, ասում էր, մի հանգի են, կապը որ ձեռքիցը թողեցիր, էլ նրանից քեզ խեր չկա: Կնիկը որ կա, սատանա է, էնդուր չեն վարդապետները կնիկ ուզում: Եվան աշխարհքի տունը քանդեց, ամենքն էլ դժոխք տարավ: Կնիկ չէ՞ր, որ Օհաննես Մըկըրտչի գլուխը կտրել տվավ, որ մինչև հիմա էլ ոչ մի կնիկ չի կարող ս. Կարապետի եկեղեցին ներս գնալ: Մեկ օր ես իմ մարդին ասացի, ասում եմ՝ թե որ կնիկը սատանա է, մարդը հրեշտակ, բա ինչի՞ դժոխքումը ոչ մի կնիկ չկա, դիպի տղամարդիկ են: Նա մնաց սուս կացած, հետո թե՛ էդ անկարելի է, երևի լավ չեն փնտրել դժոխքի քունջ ու պուճախը, մեկ էլ թե՛ սատանեն սատանի ինչի՞ն է պետք, նրա հացը կկտրի... Ինչ որ է, հետո քու հերն ի՞նչ ասաց.

— Այ կնիկ, ասաց, էդ էր մնացե՞լ, որ դու ինձ խրատ տաս: Դու քիչ-քիչ ինձ մարդոթյուն էլ կանես, քու լաշակը կզցես իմ գըլխին, իմ փափախը կդնես քո գլխին: էդ չէ՞ քու ուզածը: Բայց դու շես գիտում, որ ես կնկա խելքով ապրողներից չե՞մ... Հանեցեք էդ մանեթը, ետ ուղարկեցեք, թե չէ՛ էս սճաթիս երկուսիդ էլ կտորկտոր կանեմ»: Հետո ինձ վերա բարկացավ, թե՛ «գիտե՞ս քեզ ինչ կանեմ, թե որ այսուհետև տանից դուրս ես եկել կամ էն տղի աչքումն երևացել, քեզ ոչ թե խանչալով, այլ սուղոցով կմորթեմ: Իե՛ շո՛ւտ, հանիր էդ փողը շինքիցդ:

«Ես մնացի սառած, սփրթնած, չիմացա թե ինչ անեմ: Մերս արտասուքն աչքերին վեր կացավ, հանեց նշանս, տվավ իրան, նա էլ տվավ տավարածին, որ տանի ետ տա: էդ ժամանակը էլ ես չիմացա, թե ինչ ասաց մերս, մեկ էլ էն տեսա, որ գետնի վերա փովեց: Ես քանի ջանումս ջան կար, բղավեցի ու ընկա հորս խտիտը. հերս ինձ շարտեց, պատովը տվավ: էլ այնուհետև ես չեմ իմացել, թե ինչ է անց կացել մեր տանը: Երեք օր անց կացած լսեցի ամեն բան: Երբ հերս ինձ պատովն է տալիս, գլուխս պատըղում է, ես մնում եմ թուլացած, վեր ընկած: Հարևանները լսում են, գալիս են տեսնում ես մի տեղ եմ վեր ընկած, մերս մի տեղ, հերս մնացել է երկուսիս մեջտեղը շվարած կանգնած... Մեր

հիմար տավարածն էլ, որ տեսնում է բանն ինչպես է, համ տանում է նշանը տալիս Ռոստոմին, համ ասում. «էլ այսուհետև ապրում ես ի՞նչ անես, Ավետիքը քու խաթրու իր կնկանն էլ սպանեց, աղջրկանն էլ»... Ռոստոմի խելքը գլխիցը թռչում է: Վրա է ընկնում լիքը դաբանչեն տեղիցը վեր բերում, սրտին բռնում, «Ղորթ ես ասում, ասում է, էլ այսուհետև ո՞ւմ համար պիտի ապրեմ, էս ասելն ու դաբանչի կրակ տալը մեկ է անում»...

— Վա՛յ, վա՛յ, վա՛յ... Խեղճ տղա,— բացականչեց Հոռոմսիմը:— Հիմի նրա մերն ի՞նչ կաներ, մինուճար որդուց զրկված...

— Մերը գժվեց... Ինչ որ նա էր անում, ասով: Ե՛տ ոչ նշանց տա... Լավ էր որ շատ շապրեց, մի շաբաթ չքաշեց, նա էլ մեռավ:

— Խեղճ կնիկ: Լավ է որ մերդ ազատվել է մահից:

— Մերս շուտ չլավացավ. գրա վերա նա մեկ տարուց ավելի պառկած մնաց. հերս բժիշկ բերել տվավ լավացրեց: Ինձ էլ հետո բերին էստեղ մարդու տվին...

— Դուք որ շատ սիրում էիք մեկմեկու, ինչո՞ւ Ռոստոմը քեզ չէր փախցնում:

— Էդ անկարելի էր, իմ հերն էն ժամանակը ինձ էլ նրա հետ կապաներ... Հապա՛ւ. Հիմի տասը տարի է, որ ես մեր տանը չեմ էլել, մորս երեսը չեմ տեսել, ախպեր ունիմ, որ ասում են գեղումը լավ կարգում է, չեմ տեսել. որ միտս է ընկնում մեր սարերի հով-հով տեղերը, ցուրտ-ցուրտ աղբյուրները, ալվան-ալվան ծաղիկները, հալվում, մաշվում եմ կարոտից: Էս քանի ժամանակ է, հազում եմ, սրտիցս արյուն է գալիս, ես գիտեմ, որ շատ չեմ ապրիլ:

— Դե լավ է, դարդ մի՛ անիլ: Մեր Մանվելն ասում է, Արուսթյունը պիտի գա քաղաք, զուգուս տարել է, ասում է Օսանին հարցրու, տես ե՞րբ պիտի գա: Դե լավ է, աչքերդ սրբի... Կոպիտ են, կոպիտ մեր գեղըցիք: Մանվելը նրանց լավ է նախշում: Էսօր մեյդանումն էի, ասում է, մեր գեղիցը մարդիկ էին եկել. ասում եմ՝ «բարով եք եկել, ի՞նչ եք անում, ինչպե՞ս եք». «Փառք աստուծո, ասում են, լավ ենք, պահել է բարի աղոթքդ, դու ինչպես ես, ինչքան փող ես աշխատել»... Էդ ախմախներն, ասում է, էլ չեն ասում, թե ի՞նչ ես սովորել, ասում են՝ ինչքա՞ն փող ես աշխատել: Ասում եմ՝ հորս ասացեք մի քիչ՝ ալյուր, բան ուղարկի, էստեղ քաղաք տեղ է, ամեն բան փողով են առնում: Քեզ, ասում են,

ախպերք ունիս, նրանք քո նոքարը խոմ չե՞ն, որ քեզ համար վարեն, ցանեն, կալսեն, աղան, բերեն քեզ տան, որ դու ուտես քեզ համար մարդ դառնաս, հետո գաս ասես, ինչ որ հորական ապրանք ունիք, կեսն իմն է: Հրեն, ասած են, Ներկարարի տղեն էլ է ուսում առել, էլ հորն ու մորը չի ճանաչում. հոր վերա բարկանում է, թե՛ «Երբ որ տեսնում ես, թե ինձ հետ աղա մարդիկ են խոսում, դու ինչի՞ հս միտքդ տմբումբացնելով մեջտեղ գալիս, որ տեսնեն, թե ես ում տղեն ե՞մ...»: Ասում եմ՝ ես էնպես հիմար չեմ լինի, թող ես լավ մարդ դառնամ, ես իմ հոր տղեն լինելս ինձ համար պարծանք կհամարեմ, ձեզ ամեն մեկիդ աչքիս լուսի նման կսիրեմ... Ինձ չեն հավատում, ասում են՝ «Միշտ էդպես են ասում, հետո գալիս են մեր գլխին աղա դառնում»...

Դեռ Հոռոմսիմն իր պատմությունը չէր ավարտել, հանկարծ ներս վազեց մի պատանի՝ կարմրած, քրտնած, երևում էր, որ շատ էր վազել, որովհետև չէր կարողանում շնչառությունը հանդարտեցնել:

— Ահա եկավ մեր աղան,— ասաց Հոռոմսիմը,— ասած է՝ «Անունը տուր, խալիչեն գցիր»... Ի՞նչ կա, ինչի՞ ես էդպես կարմրել, Մանվել...

— Եկել եմ «անկաջարունուկ»,— ասաց Մանվելը, և վրա ընկավ Օսանի ականջիցը պինդ բռնեց:— Ասա՛, անկաջարունուկ ի՞նչ պիտի տաս:

— Մանվել շան, կամաց հուպ տուր, հենց ապրես, ականջս ցավում է,— ասաց Օսանան:

— Ես էդպես բաներ չգիտեմ, ասա՛...

— Եթե լավ բան կըլի, կամ ախպերս կըլի եկած, կամ մերս, ես քեզ համար մի շատ լավ ժամաշապիկ կկարեմ. խաչերով, գառերով, նախշերով... Դե ասա՛...

— Արուսթյունը եկել է...

— Ղորթ ես ասո՞ւմ. բա դու որտե՞ղ տեսար, ինչի՞ շքերիք ինձ մոտ...

— Ա՛յ ինչպես տեսա, ականջ դրեք, պատմեմ: Ուսումնարանից դուրս եկած՝ տուն էի գալիս, մեկ էլ տեսնեմ մի տղա, խուրջինը շալակին, մնացել է Շամքոտեցոց եկեղեցու մոտ, շինքը ցես ու դեն ծովառնով՝ կանգնած: Միտս ասաց՝ մեկ գնա տես էդ ով է՝ Վաղեցի մոտը, տեսնեմ՝ մեր Արուսթյունը...

— Վ՛ո՛ւյ քոռանամ ես, ով գիտե ճամփեն կորցրել էր...

— Դե համբերիր ասեմ է՛... Արություն, ասում եմ, էդ դո՛ւ ես... էլ ի՛նչ ասեմ, էլ ո՛վ կարա մեր ուրախությունը լեզվով ասել: Վերջապես հարցնում եմ, թե՛ էդ ինչ է, ո՛ւր ես տանում: Նա թե՛ «Գործակալի մոտ պիտի տանեմ էս բաները, տունը չեմ գտնում»... Խուրջինը ձեռքն առա, ուսույժ գցեցի, ասեցի՝ դու հոգնած կըլիս, թող մի քիչ էլ ես տանեմ: Բաները տարանք գործակալենց տունը, էնտեղից էլ գնացինք թավեն գտանք: Տերտերին ասում եմ՝ մենակ ինչու էիր ուղարկում էս խամ երեխին. նա թե՛ «Ճշմարիտ է, ուղարկեցի, բայց մեկ էլ փոշմանեցի, ասած է՝ «երեխին բանի դիր, եղենն գնա»... Ապրես, ապրես, ասում է, որ Արությունիս օգնել ես»: Հետո հարցրեց, թե՛ դու ո՛ւմ տղեն ես, ես էլ ասեցի, նա էլ գլխիս պահպանիչ ասեց, շատ լավ սերտեր է...

— Հետո ո՛ւր գնացին, բա ինչո՞ւ չբերիր Արությունին...

— Հետո նրանք գնացին Օվակիմենց տունը, էս էլ՝ միտս չընկավ, որ ուրիշի տուն են գնում, ինքս էլ գնացի Արությունի հետ: Ուղեցի էնտեղից շուտ գամ, քեզ իմաց տամ, Սոփիոն չթողեց, թե՛ կաց Արությունի մոտ, միասին շալ կխմեք... Շատ լավ կնիկ է էդ Սոփիոն... Օվակիմն էլ է՛ լավ մարդ, ասում են, շատ գիտուն է... Արությունից մի քանի բան հարցրեց. Արությունն էլ շատ լավ պատասխան տվավ... արա ի՛նչ պիտի ասեն նրան, որ նա չգիտենա, աշխարհքիս տակ ու գլուխը գիտե... Օվակիմը շատ գովեց. «Ապրե՛ս, ապրե՛ս, ասեց, ես գիտեի, որ դու խելոք տղա պիտի դառնաս, ասած է՛ լավ եզր մոր ծծին կերեա, լավ երեխին՝ օրորոցումը»...

— Դե աչքդ լուս, Օսանա,— ասաց Հոռոմսիմը:— Հիմի ախերդ եկավ, էլ էնքան շես տխրիլ, պահիր մոտդ, Մանվելի հետ միասին կերթան Վանքի ուսումնարանը... Դե, մնա՛ս բարով, հիմի սկեսուրդ կգա, կասի՝ էս ի՛նչ է, միշտ մեր տանն է նստած, ով գիտե՛ ինչե՛ր կըլի խրատ տալիս հարսիս...

— Ես հիմի կերթամ կտեսնեմ ախպորս, թե որ սերտերը կըթողնի, կերեմ ինձ մոտ... Ապրե՛ս, ապրե՛ս, Մանվել ջան, որ ինձ ուրախացրիր... Ժամաշապիկը չեմ մոռանալ, ասածս ասած է...

— Քեզանից ժամաշապիկ չեմ ուզում, միայն թե Արությունին պահես մոտդ, էլ չթողնես գեղը գնա,— ասաց Մանվելը և դուրս գնաց քրոջ հետ...

ՆԱԽԸՆԹԱՑ ԳԼԽԻ ՍԿԻՉԲԸ

Շաբաթ երեկոյին Հավլաբարի մեյդանից մոտիկ տներից մինի պատշգամբի վերա նստել էր Արությունը և անակնթարթ նայում էր մեյդանում անց ու դարձ անող մարդկանց, որոնցից որը դրոշկում նստած, փափախը թեք դրած, պապիրոսը բերնին՝ շտապեցնում էր դրոշկապանին, որը ոտով էր վազում դես ու դեն:

Քիչ-քիչ մութը վրա հասավ, մեյդանի շորս կողմով շարված դուբաններում սկսան վառվիլ ճրագները և կշեռքները մին քան զմյուսը բարձր ձայնով շրխկալ: Որն սկսավ կանչել— «Մոթալի՛... կա՛յի մոթալի՛...», որը՝ «Խրամուլի՛... խրամուլի՛...», որն էլ՝ «Աբա՛, ահա՛» բղավելով՝ զրնգացնում էր կախ տված փոքրիկ զանգակը և կշեռքը դարտակ շրխկացնում...

Ով ինչ բարիք որ ուներ վաճառելու, յուր ձայնի ուժովը հրավիրում էր գնողներին: Կանաչի ծախողն անգամ, յուր ձայնի ըստ ուժը մի տեղ հավաքած, բղավում էր.— կա՛վ կանանչին, լավ կանանչին, օ-հո-հո-հո... սրա՛ն է՛... Մի բարակ և քաղցր եղանակ միայն մանրուքի խանութների առջևից էր լսվում, ուր նստած էին երեխայք և մի սեղան՝ խունկ ու մոմ վերան՝ առաջները դրած՝ հրավիրում էին տուն գնացող պարոն ուստաներին, որ խունկ ու մոմ առնեն և հրավիրում էին երգելով՝

Համեցե՛ք, ո՛ւտե՛ք,
Խունկ ու մոմ տա՛րե՛ք,
Հոգու վարձք ա՛րե՛ք...

Այսպես, բարակ ու հաստ, քաղցր ու կոպիտ, բարձր ու ցածր ձայները, դրոշկաների զոզոցի ու զանգակների զոզանջունի հետ խառնված՝ դրմբացնում էին քաղաքը և ապշեցնում Արությունին: Այն՝ որ մի նուրբ ճաշակ ունեցողին կարող էր ձանձրություն պատճառել, Արությունին հիացնում էր: Նա ինքն իրան մոռացել էր և դեռևս շատ կնստեր դրսում, եթե ներսից Օվակիմը չկանչեր նրան:

— Արի՛ ներս, Արություն, արի,— ասաց Օվակիմը.— ես

էգուց քեզ կտաննեմ քաղաքը ման կածեմ, ինչ կա, չկա, դիժ էլ կտեսնես:

Վեր կացավ Արուսթունը և մտավ ներս, ուր տեր հայրը նըստած էր թախտի վերի ծայրին: Թախտի դիմաց դրված էին մի քանի հասարակ աթոռներ և մի գրասեղան: Արուսթունը նստեց գրասեղանի մոտ, ուր մի քանի հատոր գրքեր կային դրված: Արուսթունը հետաքրքրութամբ նայեց գրքերի վերնագրերին, նրանցից մեկը նր հետաքրքրութամբ սկսեց լուռ կարդալ: Գիրքն հասարակ բարբառով էր գրված: Առաջին անգամ պատահելով իրան բուրոսովին հասկանալի բարբառով գրված մի գրքի, Արուսթունը չկարողացավ յուր զգացած հոգեկան զվարճութունն այնքան ծածկել, որ Օվակիմը չնկատեր:

— Արուսթուն, ես տեսնում եմ, որ քեզ շատ գրավեց էդ գիրքը, արա մեկ բարձր կարդա, տեսնեմ ինչպե՞ս ես կարդում:

— Ո՞ր երեսից սկսեմ,— հարցրեց Արուսթունը:

— Հենց է՛դ կարդա, ինչ որ կարդում էիր...

Արուսթունն սկսեց կարդալ հետևյալ տողերը:

«Քաղաք որ մտնում եմ, հենց իմանաս, թե աշխարհք սով ա ընկել. էլ ոչ խեր կա, ոչ բարաքյաթ: Հացն ու ջուրն էլ որ փողով ըլին ծախում ու առնում, էլ ում դուռը գնաս, ո՞ւմ ձեռք դեմ անես: Իագի վախտ էլ տեսել եմ, որ դուքաններում կիտուկ-կիտուկ մանեթները, ոսկին ածած, ամեն մեկ փող համբերելիս էնպես գիտես, թե փողատիրոնջ հոգին հետն ա դուս գալիս. էնպես են սրթսրթում իրանց խաղիների վրա, հենց իմանաս, թե առաջներիցը թե կաննի, կթռչի: Մեկ ձեռք դեմ արա՛, շան որդի ըլիմ, ո՛չ մեկ բուռը հողի արժանանամ, թե սուտ ըլիմ ասում, աստված, երկինք, գետինք, ծով, ցամաք, մեկ ծեղ էլ չեն տալ, որ աչքդ կոխես: Թո՛ւհ, մարդ իրա հոգին պետք է ծախի, որ փողի թամահ անի: Հազար տարի էլ որ քու ազիզ սիրելու դռանն էլ շինքդ ծոռես, կանգնես, սովու մեռնիս, հազար տարի անոթի փորով զկուտաս, մեկն էլ ա քեզ առն չի կանչիլ, մեկ սառը ջուր խմացնիլ:

«էն մարդն էլ, որ քու տանը կերել, խմել, ամսով, տարով քու աղ ու հացի վրա է ելել, աչքը աչքիդ առնելիս՝ հենց գիտես, թե գյուլով խփեցին: Եղևն ա քեզ դեմ անում ու աչքը քամակը պցում: Ե՛ս, փողդ էլ ջհանգամը գնա, դու էլ, տո՛, դուռումսաղ, ասենք թե աչքդ ա քոռացել, ինձ չես ուզում որ ճանաչես կամ սուփրիդ զրաղը նշանց տաս, տո՛, գլխիդ քար ընկնի, ինչ կերել ես, քթովդ դուրս

գա, խնդրել եմ աստվածածնից՝ զահրմար ըլի, էն դի՛յումը առաջդ գա, աչքերդ բռնի, տո՛, մեկ բարով-աստծո բարին էլ ա գլխիցդ դհաթ էլե՛լ, որ դուքդ պցում ես ու եդ փախչո՞ւմ: Մեկ բարի լիս, բարի օր էլ ա առաւ է՛. հո բերնիցդ քրեհ չե՞ն ուզում, ի՞նչ ես քարացել, է՞գ էլ հո փողով չի՞, ա՛յ փողակեր, հողակեր...

— Է՞դ ի՞նչ գիրք է,— հարցրեց տեր հայրը, միջհաստելով Արուսթունի կարդալը:

— «Վերհ Հայաստանի»,— պատասխանեց Օվակիմը, վերք բառին մի ցավակցական ձայն տալով,— դա մի շատ պատվական գիրք է, նոր է տպվել, բայց ափսո՛ս, որ մեր ժողովրդի մեջ չի տարածվում էդպես գիրքը:

— Թե որ էժան է, ես մի հատ կառնեմ, և կարծեմ ամեն մարդ էլ կառնի:

— Բանն էժանության վրա չէ, տեր հայր, մեր ժողովրդի ճաշակը խանգարված է, նա ստացել է մթնասեր ու խավարասեր բնություն, նրան եթե էնպես բան է ասվում, որ իրա խելքիցը բարձր է ու ինքը չի հասկանում ոչ նրա լեզուն, ոչ միտքը, բերանիցը ջուր է գնում, զմայլում, զարմանում է, գովում, բարձրացնում, թե տեսեք, էնպես բան ասեց, որ ոչով չհասկացավ, բայց եթե իրան օգուտ, հասկանալի ու խելքիցը մոտիկ բան ես ասում, ծիծաղում է վերադ, ասում է, է՞դ ով չգիտես, որ էդպես է, էդպես հեթաթններ ես հազարը գիտեմ... Բայց, իհարկե, երբ որ էդպես գրքերը կշատանան, մեր նոր սերնդի աչքը կբացվի, կտեսնի, որ հնիցն էլ օգուտ չկա, գրաբարը ետ կթաշվի, իր տեղն աշխարհաբարին կտա, էն ժամանակն էդպես գրքերն էլ կստանան իրանց վայելուչ հարգն ու պատիվը: Դրա գրողը մի ճշմարիտ ազգասեր, մի երևելի տաղանդի տեր մարդ է եղել: Պետք է մի հարյուր տարի անց կենա, որ էդպես մի գրող էլի դուրս գա հայերից: Ով որ մոտիկ ծանոթ է մեր ժողովրդի կյանքին, մի զարգացած խելք ու միտք ունի ու սիրող սիրտ, միայն նա՛ կարող է հասկանալ, որ է՞դ գրքի խոսքերը հեղինակի սրտի արյունովն է գրված: Է՞դ հեշտ բան չէ, բայց ուսմիկ ժողովուրդը ծիծաղում է է՛ն խոսքերը կարդալիս: որ հեղի՛նակի աչքերից արտասուներ են բերել... է՛հ, ինչևիցե... Դու, Արուսթուն, հավանո՞ւմ ես է՞դ գիրքը:

Արուսթունը ոչինչ չխոսեց, բայց այն անմեղ ժպիտը և ամոթ-խածությունով լի անկառնոն շարժվածքը, որ նա երևացրեց, գա նշան էր խորին համաձայնության...

— Քեզ եմ բաշխել էդ գիրքը,— ասաց Օվակիմը,— քանի որ փոքր ես, էդ գիրքը քեզ համ կուրախացնի, համ կտրտմացնի. բայց երբ որ կմեծանաս, էն ժամանակն էլ ուրիշ տեսակ մտածմունքների մեջ կձգի քեզ...

Արուժունն իր հոգու մեջ անշափ շնորհակալ եղավ Օվակիմից, բայց բերանացի չկարողացավ արտահայտել:

Այս միջոցին ներս մտավ Օվակիմի կինը՝ Սոփիոն, նրա հետ մտավ և մի ուրիշ ջահել կինարմատ մաքուր ու պարկեշտ հագնեցված, քնքուշ ու գեղեցիկ դեմքով և գզվեց Արուժունին մի այնպիսի շերմ սիրով, որպիսին սակավ եղբայր ստացած կլինի իր քրոջից: Այո, անձանթուհին, Արուժունի քույրը՝ Օսանան էր, որի աշքերի հորդ արտասուքը, քաղցր ժպիտի հետ խառնված, ցույց էր տալիս նրա ուրախության, հուզմունքի անշափությունը: Մի քանի րոպե տիրեց լուսթյուն, և ապա խոսեց Օսանան և խնդրեց տեր հորից, որ թույլ տա Արուժունին իր մոտ տանելու: Տեր հայրը կատարեց նրա խնդիրը, և մի քառորդ ժամ շանցած, Արուժունը դուրս եկավ Օվակիմի տանից՝ մի ձեռքում «Վերք Հայաստանին» բռնած, իսկ մյուս ձեռքը իր քվորը տված...

— Օվակիմ, էդ աղջիկը ձեռքս չիլի՞ Արուժունիս,— հաղցրեց տեր հայրը, երբ որ քույր ու եղբայր դուրս էին եկել արդեն...

— Խու՛ս եմ, թող խլեն, ի՞նչ ես դարդ անում,— ասաց Օվակիմը.— էստեղ քաղաք տեղ է, նրան շատ չեն պահել: Շատ էլ որ ուզենա Օսանան, նրան ով մտիկ կանի: Նա մի սկեսուր ունի, որ, աստված ազատե, գյանջեցի է՛ քաղքցի դառած. որ մի բանի վերա խոսում է, էլ չի լուում... Չէ, տեր հայր, նա գեղի տղա է, կուշտ ուտել ու խմելու սովոր, էստեղ ո՞վ նրան էնքան հաց կտա, որ նրա աչքը կշտանա:

— Ի՞նչ է ասում, քա՛,— մեջ ընկավ Սոփիոն.— մաշ ինչկի հիմի ո՞վ է պահի նրան, գանա չի՞ն կանա էստի էլ պահի...

— Պահիլ էլ կա, պահիլ էլ, մարդ իրա երեխին հո չի դեն գցիլ: Իրանց գեղումը մի երկու մարդու այբ-բեն էին սովորեցրել, էլ ուրիշ բան չգիտեին. մեկ օր տավարն էին ուղարկում, մյուս օր հորթեր, մեկ էլ օր՝ գուլթան. էսպիսությունով նա էլածն էլ մտիցը կզցեր, թե որ նրա բախտիցը տերտերը չէր պատահել:

Ահա շորս տարի է, որ տերտերի մոտն է, դեռ նրա հերը մի թերթ թուղթ չի առած նրա համար... Մերը շատ խելոք, ժրագլուխ

կնիկարմատ է, թե մի բան արել է, էլի նա է արել. բայց հերը ոչինչ բանում չի խառնվել...

— Ես էլ էնենց իմ իմացի, վուր շատ խելոք դեղա ունե, կոսե Օսանեն:

— Ես նկատել եմ, տեր հայր, որ գեղի կնանիքը ավելի շատ բան են շինում, քան թե տղամարդիկը. բայց ինչ որ Հոփսոսիմեն է անում, հարյուրից մեկը կարող չէ անել: Քանի անգամ ես նրանց տանը պատահել եմ, շաբթով, ամսով կացել եմ, մի րոպե ես նրան պարապ չեմ տեսել: Մի բան մանավանդ, որ աչքովս է ընկել, ես շատ եմ հավանել, իբրև նրանց անընդհատ աշխատության մի օրի-նակ, որ, իհարկե, դու էլ կլինես նկատած, բայց քեզ զգալի չի լինիլ եղած... Կուժը շալակած ջուրը գնալիս՝ ձեռքները չեն ուզում պարապ թողնել, գուլպա գործելով են գնում: Կամ երբ որ աղբյուրի նոբաթը ուշ է հասնում իրանց, նրանք պարապ ու անգործ չեն կանգնում. էդ միջոցին էլ կամ գուլպա են գործում, կամ իլիկ մանում: Գյուղերումը առհասարակ ծուլ տղամարդիկ խիստ շատ կան, բայց ծուլ կնիկարմատ շատ հազիվ կպատահի: Խոսքս մասնավորցնեմ Արուժունի մոր վերա, որ մեր Սոփիոն իմանա, թե նա ինչ է անում:

Մանդր երեխանց տեր, աղջկակոխ էլած, հիմի արի նրանց շորերը կարիք, կարկատիր, լվա, թափ տուր, հագցրու, տունը սըրբիր, տեղեր գցիր, հավաքիր, օրը երկու թոնիր հաց թխիր, կուժն ուսիդ դիր, գնա հեռու գետիցը հինգ վեց անգամ ջուր բեր, կերակուրն եփիր, մշակներին, հյուրերին հաց տուր, տանցոց գլխները շաբաթը մեկ անգամ լվա, երեխանցը լողացրու շալակով բերած ջրովդ, մարդի ոտներն ամեն իրիկուն լվա, տրխին հանիր: Հիմի արի աղջկերանցդ համար բաժինք շինիր, չվալ, խալիշա, կարպետ, խուրջին, մափոռաշ, աղաքսակ, մեղար, ջեջիմ, ղջարի գործիր, նոքարի ու տղերանց համար՝ հորագործ շալ ու շավար գործիր, մարդի համար՝ տափագործ. ներկիր, կարիք, հագցրու... Հիմա արի ճիճու պահիր, արբեշում քաշիր, քեզ համար ու աղջկերանցդ համար արբեշումն դերիացու գործիր, տղերանց համար շապկացու, մար արբեշումն դերիացու գործիր, կոփերը կթիր, հորթերը կապոտիր, դուրս գոտկացու... Հիմի արի կովերը կթիր, հորթերը կապոտիր, դուրս արա, օրը մեկ-երկու խնոցի հարիր, եղը հալիր... Հիմի կալի-կուտի ժամանակ է, գնա արեգակի տակին, երեխեն ձեռքդ, կանգնիր, կամը քշիր, եղիր, հաշան արա, քամելուն օգտիր, կալը սրբիր, պահն ավլով քաշիր, քոշալն խտկիր, ցորենը շատարարի, աղունի

Համար խախալիք տեփրիք, քարերը ջոկիր, ձափարի համար ընտ-
րիք, ծեծիր, քամիր, աղա... Հիմի բաղաբաղի ժամանակ է... Հիմի
տար պետք է գնալ... է՛հ, ինչ եմ ասում, որ մի շաբաթ օր ու գի-
շեր ասեմ, էլի նրա արածի համառոտ ցուցակը չի կազմվել: Գեղի
մեկէլ կնանիքն էլ ներքի թաղիցն սկսած մինչև վերի թաղը խեղ-
ճին շեն հանգստացնում: Մեկն ասում է՝ մի արի մինթանաս ձեիր,
մեկն ասում է՝ մեկ արի շեջիմս հիեիր, որն էլ գալիս է՝ թե ասպս
մեծվել է, մեկ արի շտկիր. էսպես հազար ու մի բան: Որ մի շմը-
տաժող ու անգեռ կնիկ լիներ, կասեինք՝ է՛, ինքն էլ չի իմանում,
թե ինչ օրում է, բայց չէ՛ նա տեր Օհանի թոռն է, Հեղինե կուսի
բվոր աղջիկը: Լուսահոգի Հեղինեն մի աշխարհք ման եկած շնորհ-
քով կուս էր, նրա ձեռին է մեծացել: Ղորդ է, գիր շտվրեցրեց, որ
կուս շղառնա էն սիրուն, շարմաղ աղջիկը, բայց անգիր աղոթքներ
էր սովորեցնում ու կար, ձև, գործ, որ Հեղինեն լավ գիտեր: Նրա
կարողի սրբերի պատկերները որ մարդ տեսնի, կմնա զարմացած:

— Գեթաղվա՛... — բացականչեց Սոփիան, — էլ չիս գիտի՞
իմքին վուր ասիս, թե էլի ինչ է անում... մաշ էդ թավուր աղջիկը
ինչի՞ մե լավ մարդու չէին տալի...

— Ինչի՞, ի՞նչ պակաս մարդ է Ավետիքը: Կուզե՞ս պատմեմ,
թե ինչպես է ուզել նա էդ աղջկանը...

— Ափսոս չէ՞ Ավետիքը, շատ պատվական մարդ է, — ասաց
տեր հայրը, — նրա պես անունով, նրա պես աղուհացող, նրա պես
հասկացող ո՞վ կա մեր գեղումը:

— Բայց Ավետիքն առաջ էդպես չէր. նա առաջ ուրիշ գազան
էր, հիմա ուրիշ: Մի բան որ նրանում չի փոխվել, այդ նրա բըռ-
նակալուսյունն է. առաջ զենքով էր բռնանում մարդկանց վերա,
իսկ հիմա՝ խոսքով, գաղափարով կամ, ազելի ուղիղն ասած՝ մո-
լեռանդությունով... Ես ու նա կաթնեղբայր ենք. ես նրան շատ լավ
եմ ճանաչում: Ես մի ամսական եմ էլել, որ իմ մայրը վախճանվել
է. նրա մեքն է ինձ ծիծ տվել, պահել. օղորմի իրան, լուսահոգին
մի բոյով բուսաթով կնիկարմատ էր. տղամարդից ետ չէր մնալ,
էնքան ուժով էր: Շատ անգամ, որ խոսք էր բաց ըլում, ասում էի.
«Ինձ քիչ ես ծիծ տվել, Ավետիքին շատ, էնդուր է նա ինձնից
ուժով»: Խեղճն ասում էր. «Ես միշտ մի ծիծս բու բերնում էի դը-
նում, մեկէլն՝ Ավետիքի, բայց նա շատ նախանձոտ երեխա էր,
միշտ երեսը շանգում էր, չէր թողնում, որ հալալ ծիծ ուտեա՞...
Ես նրանց տանն եմ մեծացել երեխա ժամանակս. էն ժամանակը

նրանք էլ, մենք էլ Գորի էինք: Հետո մենք եկանք քաղաք, հերս
Ավետիքին էլ ինձ հետ բերավ Հավլաբարի մեծ տեր Օհանի մոտ
աշակերտ տվավ, որ գիր սովորենք: Խեղճ հերս ուզեց, որ ինչ-
պես նրանք ինձ լավություն են արել, պահել, մեծացրել, նա էլ
փոխարենը Ավետիքին ուսման տա, մարդ շինի: Բայց Ավետիքը
գիր սովորելու ոչ սեր ուներ, ոչ հավես. երբ որ մի թուր կամ
թվանք էր տեսնում, սիրտը թրթում էր, ե՞րբ կլինի, ասում էր,
որ ես էլ կունենամ թուր ու թվանք. ե՞րբ կլինի, որ մի լավ ձի
ունենամ, լավ յարաղ, ասպար: Տեր Օհանն էլ աշակերտի սրտի
մեջ ուսման սեր գցելու ոչ շնորհք ուներ, ոչ կամք. նա մի կա-
տարյալ դահիճ էր աշակերտների համար: Ժամանակն էդպես
էր պահանջում, նա էլ իր ժամանակի մարզն էր: Մեկ
օր փալախկա գցեց Ավետիքի ոտները. շար Ավետիքը քիչ
մնաց թե կատաղի. վրա ընկավ մրքիցն էնպես քաշեց, որ տեր-
տերի աչքերիցն արտասուք եկավ: Տերտերը դեղնեց, սփրթնեց,
թե՛ «էս լավ նշան չէ, սա մարդասպան կդառնա»... Բունել տվավ
Ավետիքին մեկ լավ ծեծեց, հետո դուրս արավ: Նա էլ կարծես
էդ էր ուզում. փախավ գնաց, էլ ետ չեկավ:

«Ճշմարիտ է, Ավետիքը գեղումը մեծացավ, բայց էնպես մի
տղա դառավ, որ ամենքն էլ նրա արևովն էին երգում ուտում.
ուրիշ գեղ գնացած ժամանակն էլ մեկմեկու մատով էին նշանց
տալիս. մի խոսքով՝ մի գեղ էր, մի Ավետիք: Հասան-խանի տա-
րին նա շուրվաքեցի Սոսի աջի կուռն էր: Երբ որ քուրդ ու զվբաշ
չափմիշ արին, թալանեցին Ռատեանա նեմեցներին, նրա շորս
կողմի գեղերի ժողովուրդը փախել էին, հավաքվել Դաղեթի տակը,
Խրամումը: Ավետիքն էլ իր ընկերներով գրսից ամեն բան հասցը-
նում էր նրանց, որ քաղցած չմնան: Հարս ու աղջիկ, ծեր ու
պառավ, ամենքն էլ փրկչի տեղ էին գնում նրան, սիրում, պաշ-
տում: Նա էլ հենց աշխարհքի էդ խառնված ժամանակը մեկ օր
Խրամումը տեսնում է Հոռոմսիմին մի քանի աղջկերանց հետ,
արշուճը գլուխն է ընկնում, քիչ է մնում թե ձիուցը վեր ընկնի:
Վեր է գալիս ձիուցը, աղջկա կուռը պինդ բռնում: Նրա կշտի
աղջկերքը, որ Ավետիքից էդպես քան չէին սպասիլ, երբ որ
տեսնում են, թե նա ուզում է փախցնել, վազում են, իմաց
տալիս նրա ազգականներին: Հոռոմսիմը մի քիչ հառաքա դա-
բա էր անում, որ Ավետիքի ձեռիցն ազատվի. նա ասում է՝ ան-
մեկ մի՛ շարշարվիլ, ես էնպես դուզզում եմ, որ ձեռքս ընկած

ճուտը բաց թողնեն. մի՛ վախենալ, ես քեզ չեմ փախցնելու, միայն ինձ ասա՛, տեսնեմ դու ո՞ւմ աղջիկն ես, որ էդքան սիրուն ես, անուով ի՞նչ է, ես քեզ պիտի ուզեմ, ինձ չես հավանո՞ւմ... Աղջիկը նրան պատասխան չի տալիս, այլ միայն ազի՛ ու ամի՛ է կանչում, որ օգնություն հասնեն... վերջապես գեղըցիք հասնում են, որ ձեռքիցը խլեն, հենց կարծում են, թե ուզում է փախցնի, բայց Ավետիքը հենց որ նրանց տեսնում է՝ ամաչում է, խելքը գլխին է բերում, ձին նստում, հեռանում...

«Կարմրատակած շոտոմսիմին որ տեսնում են նրա ախպերքը՝ կատաղում են, ուզում են հասնեն, Ավետիքին գյուլախորով անեն, բայց նրանց մերն ու կուսը, որ վաղուց աչքադրած են ըլում Ավետիքին, արգելում են նրանց, չեն թողնում որ մի վատ բան ըլի: Ավետիքն էլ իմանում է, թե նա ով է, ով չի, իր մեջ փքվում է, որ էնպես լավ աչք է ունեցել և հենց էն օրը մինից մի մատանի է առնում, տալիս մի պառավի, թե տար նշան տուր: Նշանը սիրով ընդունում են մերն էլ, ախպերքն էլ, միայն նրանց հորեղբայր Արզումանը, որ իրանց տան մեծն էր, շատ ջգրվում է, թե ինչու իրան մարդի տեղ չեն դրել. չեն գնացել մի քանի ալևոր մարդիկ իրանից խնդրել, թե՛ «ուզում ենք ձեր օջախիցը մի բուռ մոխիր վերցնենք»... Բայց լուում է, որովհետև ժամանակն էնպես էր, որ շունը տիրոջը չէր ճանաչում, մի գյուլա էր նրա ջանը, եթե ընդդիմանար...

«Հետո, երբ որ ժամանակը հանդարտվում է, ամենքն էլ քաշվում են իրանց գեղերը, իրանց տները, հարսանիքների ժամանակը որ գալիս է, «ճանփակտրեքի» իրիկունը Ավետիքը մի ոչխար է ուղարկում, վերջն ինքն էլ է գնում, որ տեսնի ինչ պիտի տա: Հացը որ ուտում են, պրծնում, ասում է՝ «Դե ասեցե՛ք, ի՞նչ պիտի տամ»: Ախպերքն ասում են՝ «Մենք քեզանից ոչինչ չենք ուզում, աստծու տվածիցը մենք ամեն բան էլ ունինք. կիսին չենք արժանի, մեր քվորը չենք ծախիլ: Մենք էլ, է՛հ, որքան կարող ենք, մեր քվորը չենք զրկիլ»:

«Բիճա Արզումանը, որ Ավետիքի արարմունքը դեռ չէր մարտնել, հիմի էլ արխայինն էր ընկել, աչքերը մեկ էնպես ոլորում է իր ախպոր տղերանց վերա, որ նրանք քիչ է մնում, թե պատերից կաշեն:

— Դուք ո՞վ եք, — ասում է, — ո՞ւմ շունն եք, ի՞նչ իշխանություն ունիք, որ մեջ եք ընկնում աղջիկ մարդու տալիս. որ

կամ առնեք, կամ շառնեք, ում աշխատանքիցը պիտի ձեր քվոր համար բաժինք անեք»... ու էսպես շատ բաներ: Ամենքն էլ մրնում են լուռ ու մունչ նստած: Ավետիքը չի ուզում ցույց տալ, որ նրա խոսքերը գյուլի պես դիպան իր սրտին, սառը, սառը հարցնում է. «Դե դու ասա, բիճա Արզուման, ի՞նչ պիտի տամ»...

«Արզումանը տերողորմյան հանում է ջեբիցը ու մորուքը տմբացնելով ասում. — մեկ լավ մսացու՛ շաղ ու դսր կով, մի լավ ղոշ էլ հետը»: Ասում է ու տերողորմյան էլ հետը շրջակացնում, իբր թե հաշիվ է անում, կովի վրա ոչխար է ավելացնում: «Հարյուր թունգի Շուլավերու լավ գինի»: Իրանց գինին ավելի լավ է, բայց էնպես է ասում, որ Ավետիքը գնա նոր մեկանց փողով գինի առնի: Հարսնախպոր համար մի լավ մահուղ չուխա, քսանհինգ մանեթանոց: Գինն ընդուր է ասում, որ եթե չուխեն էժանագին լինի ու չհավնի, ետ դարձնե, քսանհինգ մանեթն առնե: «Հարսնամոր համար մի լավ քաթիբա՛՝ երեք թումնանոց: Տասներկու ջուխտ Գյանջու սաղրի քոշեր՝ բարեկամ կնանքոց համար: Հինգ թուման սպիտակ արծաթ: Մեկ էլ ինձ համար մի շիրմայի մրքի սանդր կառնես, կղաս ձեռս կպաչես, կասես մեղա աստուծու, ես էլ ձեզ կօրհնեմ, կերթաք ձեր մուրազին կհասնեք...»:

Ավետիքը զոռով բերնին հուփ է տալիս, մինչև Արզումանը պրծնում է իր հաշիվը, բայց որ «մեղա աստծուն» էլ վերջիցն է կպցնում, Ավետիքի աչքերն արնով լցվում է: Էսպես ժամանակը մեր գեղացիք կամ առհասարակ բոլոր անկիրթ մարդիկը բանական արարածներ չեն, այլ խոսուն գազաններ, արջ, գայլ, վարազ...

«Ավետիքը վեր է թռչում տեղիցը, ձեռքն էնպես շրխկացնում է խանչալի դաստին, որ բոլոր տան երեխեքն ու հարսները տան պուճախներն են պրծնում... Գոռում է Ավետիքը. — դու ո՞վ ես, որ ես քեզ մեղա ասեմ, ես իսկի տերտերին մեղա չեմ ասում: Ես իմ հոր տղեն եմ, քեզ պես մարդի գլուխը ինձ համար մի սոխ չարժե. ոչինչ չեմ տալու, աղջիկն էլ տանելու եմ. թե որ ղոշաղ մարդ ես, շտաս: Էս գիշեր քեզ ժամանակ, մենք էդուց կհանդիպենք մեկմեկու... Էս ասում է Ավետիքն ու կատաղած դուրս ընկնում. տան դուռն էլ էնպես շրխկացնում է, որ դուռը կրնկահան է ըլում, վեր ընկնում: Դրսումը շները վրա են թափվում, որ մի լավ քրքրեն,

Ավետիքը մթնումը խանչալն ազամ-աղամ է անում, դիպչում է շք-
ներին, առյուծի պես կծառողները կլանչելով վեր են թափվում:

Արզումանը, որ իր ամեն մի կծոտողին մի օտարու ոչխարի
հետ չէր փոխիլ, երբ որ տեսնում է կտրած, վեր ածած, էն սհա-
թին հրամայում է իրանց թուրք նոքարներին, որ ձիաները թամբեն:
Ասում է՝ «Ես աղչիկը կտանեմ Շորագյալու թոսովներումը մարդի
կտամ կամ թե չէ՝ կտանեմ շուրը կզցեմ, էդ գազան մարդասպա-
նին շեմ տալ»... Տան մեծն ինքն էր, ով կհամարձակեր նրա ձեռքի-
ցը բռնել: Ասելն ու անելը մեկ է անում: Մոտ կես գիշերին նրանք
ճամփա են ընկնում թե չէ՝ մեկը գնում է Ավետիքին իմաց տալիս.
«Քու տունը քանդվի, ասում է, վե՛ր կաց, նշանածիդ փախցրին»:
էս որ լսում է քնաթաթախ Ավետիքը, փափախն էլ է մոռանում,
տրխնին էլ, դուս է ընկնում գծվածի նման շապկանց, ոտ ու գը-
լուփը բաց, էն ցուրտ կես գիշերին, վազում է մի քանի տան հեր-
թից իմաց է տալիս իր ընկեր տղերանցը, «հասեք, ասում է, նը-
շանածս ձեռքս խլում են»: Մինչև նրանք վեր կկենային, թվանքի
աղագթուն, բանին մտիկ կանեին, Ավետիքը վազում է, գոմիցը
տկլոր ձին դուրս քաշում, նստում ու դուրս թռչում գեղամիջովը:
Քոած տեղը ձեռքը գցում է ու մի շափարի միջից մի մեծ բ՛հր է
հանում, որ նրանց հասնելն ու մի երկու թուրք նոքարի խփելը մեկ
է անում: Հենց որ նրանք վեր են ընկնում, «վայ մեռա» կանչում,
մեկէլները փախչում են ցարուտումը թաք կենում: Մեկ էլ որ
բ՛հրն ուզում է վրա բերի Արզումանի գլխին, Հոռոմսիմը, որ նրա
թարքին նստած է ըլում, թռչում է Ավետիքի շինքովը կախ ընկնում,
«Քեզ մատաղ, ասում է, արյուն մի՛ անիլ»: Ավետիքն էլ բարձրաց-
նում է Հոռոմսիմին, գնում է իրա թարքին, ետ դառնում: Հենց էդ
միջոցին նրա ընկերներն էլ ասլանների պես դուրս են թափվում
մերուցը, որը ձիով, որը ոտով՝ «հա՛յ ո՛րտեղ է, հա՛յ ո՛ւր է»,
կանչում... Ավետիքը նրանց հանդարտեցնում է, չի թողնում, որ
Արզումանին դիպչեն: Ասում է, որ էն թուրքերին էլ վերցնեն տա-
նեն, որ մի վնաս չըլի: Նրանք էլ՝ որը շուխեն է տալիս Ավետիքին,
որ շմբի, որն իր փափախն է դնում նրա գլխին... Մի շաբաթ էր դիփ
սրա վրա էին խոսում, հետո շուտ արին պատակեցին, որ գեղըքիք մի
թիչ հանդարտվեն: Ա՛յ ինչպես է ուզել նա էդ աղչիկը, Սոփո ջան»,
վե՞րջացրեց Օվակիմը ձիածողնով:

— Մաշ դուն ասում իս, կնիկը նրանց համար գրոշ շարժե...
կեղ էի գալի գառաբա ին էլի սարքում կնիկա համա, ո՛ւ...

— Իհարկե, գրոշ շարժե: Ամեն օր հո քահել չի մնում մարդ,
միշտ հո մի խելքի չի մնում, չէ՞ որ մարդի խելքն էլ է փոխվում,
նրա վարմունքն էլ: Պսակվեց թե չէ՝ իրա ծերունի հայրը, որ մին-
չև էն ժամանակը ոչինչ չէր խոսում, տան մեծութունը նրան էր
տվել, ինքը մի կողմ քաշվել, հիմի սկսեց քարոզ կարողալ նրա
գլխին ու խրատել:— Որդի,— ասում է,— ինչ որ ես արել եմ, դու
ոչ կարող ես անել, ոչ կարող ես մտքովդ անց կացնել: Չէ՛, որ-
դի,— ասում է,— աննպատակ ղոշաղությունը մի տեսակ ավազա-
կություն է, էդ լավ բան չէ: Հիմի կնկա տեր ես դառել, էգուց
էլօր որդոց տեր կդառնաս, նրանց պահել, պահպանել է հար-
կավոր: Բաղդ մեծացրու, տավարդ ավելացրու, ղոնաղ պիթի,
խեղճի օգեիր: Թե որ ուզում ես անուն ունենաս, հացով կաց,
հացի ձեռքը Հնդստան կհասնի: Ժամ գնա, աղոթք արա, հա-
ղորդիր...

«Տեր հայր, էդ ծեր մարդը, Ավետիքի հերը՝ Վերդին,— կարե-
լի է տեսած կլինիս, մի տարօրինակ մարդ էր: Նա տարին մեկ
անգամ էր մտնում ժամ, որ հաղորդվի, մնացած ժամանակը ժամի
դրսումը մի փոշնի ծառ կար, միշտ էն ծառի տակին էր կանգնում:
Մեռնելու ժամանակն էլ կտակ արավ, որ իրան էն ծառի տակին
թաղեն: Էնպես էլ արին: Հետո եկեղեցին վերանորոգելիս մեծաց-
րին, նրա գերեզմանն ընկավ եկեղեցու խորանը: Էն մարդը, որ
կենդանի ժամանակը եկեղեցի չէր մտնում, մեռնելուց հետո մշտա-
պես ընկավ եկեղեցին: Նա գրագետ մարդ էր, որ մի զարմանալի
բան էլ էդ էր, որովհետե հասարակ գրագետ չէր, հայոց պատմու-
թյան տեղյակ մարդ էր, մինչդեռ նրա ժամանակի հոգևորական-
ները պատմությունից ոչ մի տեղեկություն չունեին: Նա մեր վար-
դապետներին աչքով աչք չունեի տեսնելու: Ասում էր «մեր ազգի
տունը սրանց ձեռին է, բայց չեն շինում, քանդում են»... Իրա մա-
սին ինքը ոչինչ չէր խոսում, բայց նրա հասակակից մարդիկը շատ
բան էին ասում նրա վերա, որ մի ահագին պատմություն կդառ-
նա, եթե մարդ գրելու լինի: Հիմիկվան խաղաղ ժամանակում աղ-
բող մարդիկս մեզ չենք կարող ներկայացնել մեր պապերի քաշա-
ծքն ու արածը, մի ժամանակ, երբ մարդու գլուխն ու ստիճի
գլուխը մի գին է ունեցել: Սով, սրածություն, արհամիթք, մահ-
տարածամ, փախուստ, զաղթականություն, և այդ էլ շարունակ.
մեկը պակասում է, մեկէլն է գալիս, մեկէլն անցնում է, մյուսն է
վրա հասնում: Հերս պատմում էր, թե Վերդին հարյուր մարդից

ավելի է սպանել, բայց ինքն ասում է՝ ես միայն մեկ մարդ եմ սպանել, որովհետև էդ մեկ մարդուն քնած ժամանակն էր սպանել, և դրա համար էր ապաշխարում եկեղեցու դրսումը... Ինչևիցե, աստված ողորմի հոգուն, իգիթ մարդ էր... Մեր Ավետիքն էլ ուղիղ իր հորն էր քաշել: Քանի որ ազապ էր՝ ամսով, տարով տանը շեր կենում. մեկ լավում էր, թե՛ Երևան է, մեկ թե՛ Ղարաբաղ, մեկ էլ թե՛ Քարթլ է, որտեղ մի ապստամբություն, մի շարժում էր լինում, նա իսկույն հասնում էր: Ուրիշներին որ իմանում էր, թե իր հերը, պապը շատ քաջ տղամարդիկ են էլել, խաների, բեգերի գլուխ շեն էլել վեր բերելիս, նա գովում էր, շուրն ընկնում, որ քաջութենում նրանցից անց կենա, որ շասեն, թե՛ «դու քո հոր տղեն շես»: Բայց պսակվեց թե չէ, էլ տանիցը դուրս չեկավ, թե՛ «Իգիթի ապրանքն իր աչքի առջև պետք է լինի»: Մերի էդ տաքտաք ժամանակ Հոռոմսիմն էլ սկսեց նրան քարոզել, հավատի բերել. ինչ որ աղոթք գիտեր, դիպ էլ սովբեցրեց... սկսեց պատմել ճգնավորներից, սուրբերից, մի խոսքով ինչ որ լսել էր Հեղինեից: Ժամ գնաց, հաղորդվեց. լուսահոգի տեր Ղուկասը նրա խղճատանքն անհանգստացրեց, մեղքերը շինքին դարսեց, ծանր ապաշխարանքներ դրավ վերան և էդպես էն առյուծ տղային շինեց մի գառը: Շատ տեղեր էր ման եկել, քիչ շատ քաղաքավարություն էր սովորել, վրացերեն, թուրքերեն ճարտար խոսում էր, ուսերեն էլ կոտորում էր: Մարդամեջ ընկավ, մարդիկն սկսեցին պատվել, պաշտել, մողորովի ու նաչալնիկի մոտ միշտ նրան ուղարկել, նրան քոյսավա շինել, նա էլ տեսավ, որ ոչով իրա շափ խելք ու շնորհք չունի, սկսեց նրանց գլխին փիլիսոփա դառնալ: Նա որ մի ժամանակ ոչ հավատ ուներ, ոչ հույս, որովհետև նրա հավատն ու հույսը իր թուրն ու թվանքն էին, հիմի, ինչպես կասեն՝ «Օխտը վարգապետի դադամ բան գիտե»: Հիմի որ հազար թուման տաս, նա պար չի գա, թե ինչ է՝ պար գալով՝ Օհանես Մկրտչի գլուխը կըտրել են տվել. ոչովի հետ պոռոտի չի անիլ, իր երեխին չի պաշիլ, թե ինչ է՝ պաշելով՝ Հուդան Քրիստոսին մատնել է: Մորթ անելը նրան հազար ու մեկ նզովքներով ու ապաշխարանքներով արգելված է: Մեկ մարդ, որ էսպես տուտուց բաների գերի դառնա, նրանից էլ ի՞նչ սեր կարող ես պահանջել, քանի որ սիրալիր հարաբերությունը նա մեղք է համարում...

— Օվակիմ, քո ասածը կարելի է ճշմարիտ է, բայց իմ խելքումը չի տեղավորվում: Դու մեր Ավետիքին բոլորովին հիմարաց

նում ես: Ես դեռ նրա պես խելոք մարդ չեմ տեսել: Հիմի մի՞թե նա էնքան հիմար է, որ եթե հասկացնես բանի զորությունը, եթե հասկացնես ուսման նշանակությունը, նա իրա որդուն չի օգնիլ:

— Բանն էս է, տեր հայր, որ մենք չենք իմանում, թե ում ենք հիմար ասում և ում՝ խելոք: Ավետիքը հիմար չէ, ես համարում եմ քեզ հետ: Բայց ես կասեմ, որ եթե նա հիմար լիներ, ավելի շուտ կհամոզվեր, որ պետք է օգնի իր որդուն, քան թե հիմա, որ քու կարծիքով՝ խելոք է: Նա խելոք է, այո՛, նա համառություն ունի կարծելու, որ խելոք է. նա կարող չէ կասկածել, որ իր գլխում եղածը խելք չէ, այլ համառություն, կամապաշտություն, ինքնասիրություն, մոլեռանդություն և, վերջապես, բարբարոսություն. սրանց ամեն մեկը մյուսի հետևանքն է: Նա քեզ կասե, որ Սողոմոնն էլ էր շատ իմաստուն, բայց կոսապաշտ դառավ, կնկանը գլուխ վեր բերավ, դժոխք գնաց: Նա քեզ կասե՝ որդին հոր հոգուն ոչ մի շահ չի տալ: Գրիգոր Լուսավորիչը, որ մեր հավատի գլուխն է, չկարաց իրա հորը դժոխքիցը հանել, էնքանն արավ միմար ու տգետ մարդոց գլխումը էսպես առասպելներ շկան, և ես զարմանում եմ, որ ում գլուխը որ քացախով ու դարմանով լիքն է, նրան խելոք են ասում....

Տեր հայրն Օվակիմի խոսքերի մեջ տեսնելով իր պատկերը՝ լռեց: Այդ նկատեց Օվակիմը և ուզենալով փոքր-ինչ մեղմացնել իր ասածները, ավելացրեց.

— Իհարկե՛ ես շատ էլ չեմ մեղադրում Ավետիքին. նրա նախապաշարմունքներն էնքան զորություն չունին, որ կարողանան Արությունի ուսման առաջը փակել, եթե միայն նրա սրտի մեջ կընկնի մի ուսումնասիրության կայծ: Բայց եթե առհասարակ խոսելու լինենք գեղացոց վերա, էդ ուրիշ բան է: Պետք է քաղաքը քիչ թե շատ ուսումով լցնվի, «որ լափունը տա՝ ածի գեղերը»: Բայց դեռ մեր քաղքիք իրանք չեն իմանում ուսման հարգն ու կարևորությունը, դեռ իրանք են մի բան առնում, որ իրանց երեխին ուսման տան, գեղացիք ի՞նչ տեղից կիմանան, կամ, վերջապես, նրանք ի՞նչ գիտեն, թե ուսումն ինչ է: Զոռով բան չի լինիլ, տեր հայր, ամեն բան իրա ժամանակն ունի, իրա պատճառը: Շատ անգամ զարունքը գալիս է, որ ծառերի ծաղկելու ժամանակն է, բայց շատ ծառեր չեն ծաղկում, պատճառն ի՞նչ է. — ցուրտը տարած է լինում նրանց: Մենք որ կանք հիմա՝ մեկ ցրտատարը ջրա-

տար ազգ ենք. մեզանից եթե հազարից մեկը ծաղկե, էն էլ մեծ բան է... Հասկանում ես իմ առածը, տերտեր ջան...

— Ինչպե՞ս շեմ հասկանում, օրհնված, դու հենց մեզ ամեն-
քես էլ երեխի տեղ ես գրել...

— Դե որ հասկանում ես, էլ ի՞նչ ասեմ, զգի որ ունիցի
ականջս լսելու, լվիցե՞: Ասած է. «Ականջը նրա համար չի շատ
մեծանում, որ շատ բան է լսում»: Ես շատ խոսեցի, հոգնեցա. ի՞նչ
անեմ էրված տեղեր ունեմ, ասած է՝ «Դարդ ունեցողը յանգըզադ
կլիխի»: Հիմի ես մի տեսակ յանգըզադ եմ դառել. հույս ունիմ, որ
դու կներես, տեր հայր... Սսփիս ջան, շուտ արա, սուփրեն գցիր...

2

ՔՈՒՅՐ ՈՒ ԵՂԵԱՅՐ

Երբ որ Օսանան եղբորը տարավ իր մոտ, սկսեց պատմել նը-
րան, թե՛ ի՞նչ են դառնում գյուղից քաղաք եկողները. թե՛ քաղաքի
ուսումնարանները լավ են, սովորեցնում են մի քանի լեզու. թե՛ շատ
անգամ գյուղից աղքատ երեխեք են գալիս և ուսում առնելով՝ դառ-
նում են վարժապետներ, գրագիրներ, շինովնիկներ. թե ինչպես նը-
րանք հարուստ մարդի աղջիկ են ուզում և իրանք էլ հարստանում,
թե ինչպես այս և այն անձ աղա է դառել, որ էլ ոչ ուրի չի հավա-
նում, մոռացել է իր ստոր ծագումն ու չբավորութունը...

Այսպես՝ երբ տան մյուս անդամները գնացել էին իրանց գոր-
ծին, քույր ու եղբայր առանձնացած՝ մտածում էին, թե ի՞նչպես
լավ կլինեի Արուսյունի համար — մնա՛լ քաղաքումը, թե՛ էլի ես
դառնալ գեպի գյուղ:

— Զէ, լավ կանես, որ էլ գեղը չգնաս, — ասաց Օսանան. —
էնտեղ ինչ պետք է սովորես. էդ տերտերն ինքն ի՞նչ գիտե, որ քեզ
ինչ սովորեցնեն...

— Էդ մի ասիլ, — պաշտպանեց Արուսյունը իր տերտերին, —
եզդեա տերտեր էս քաղաքումը չի լինիլ, դա մեկ անհայտ փրկիստ-
փա էս կաթողիկոսը որ գիտենա, որան եղբայրուսի խաչ կաա...

— Ի՞նչ ես ասում, ա՛ տղա, — բնդդիմախոսեց Օսանան: — Դա
մեր Օվակիմի մարաքոշ որդին է, ես մի՞թե չեմ ճանաչում դրան:
Մեկ օր խոսք բացվեցավ, ես հարցրի Օվակիմին, նա թե՛ «ճգնա-
վար, բարեսիրտ մարդ է, բայց գլխումը խելք չկա. դրա համար
սուտն ու ճշմարիտը մեկ է, երկուսն էլ հավատում է»... էստեղ
գիմնադրումն էնպես բաներ են սովորեցնում, որ դա իր օրումը լսած
չի լինիլ: Մեր հարևան Սառի տղա Յագորը հիմի գիմնադրի վրա
չորս կլասումն է: Նրա մերե նպես բաներ է ասում նրանից, որ
մարդ լսի, կմնա զարմացած...

— Ի՞նչ բաներ է ասում:

— Ասում է՝ իմ տղեն հիմի գիտե, թե էստեղից մինչև Մոսկով
տրոյկի ակը քանի անգամ պտույտ կգա: Նա, ասում է, գիտե, թե
Աղամից մինչև հիմի քանի մինուա է անցել: Աբա բու տերտերն էդ
գիդի՞, քեզ ասել է՞...

— Ես որ քաղքումը մնամ, էդ բաները կսովորե՞մ:

— Իհարկե, կսովորես: Որ մտնես Վանքի ուսումնարանը, հե-
տո տերտեր կդառնաս. ուզենաս, գրագիր կգառնաս Կոնձիստոբու-
մը, կամ թե չէ՝ վարժապետութուն կանես, ժամումն էլ տիրացու-
թյուն: Թե որ խելոք կլլես, մի հարուստ մարդ քեզ փեսա կշխի,
կաշխատի, ձեռնադրել կտա մի հարուստ եկեղեցու վերա: Կամ թե
չէ՝ թե որ կուզես, կմտնես գիմնադիա, էնտեղ լավ ոտերեն կսովո-
րես, հետո թագավորական զուլուղ կմտնես, շինովնիկ կդառնաս,
տարեցտարի շինդ կավելանա, մեծ մարդ կդառնաս, համ քեզ կլլիս
շահ, համ թագավորին... հաբա՛...

— Որ գիմնադրումը լավ սովորես, հետո մողորով էլ կդառ-
նամ, չէ է՞...

— Մողորովն ինչ է, դու նրանից էլ մեծ մարդ կդառնաս, ենա-
րալ կդառնաս...

— Ո՛հ, ամա մեծ մարդ կլլիմ հա՛... Ղորդ, էդքան կբարձրա-
նամ... էհ, ենարալ չէ, որ եթե մի հասարակ դիլբանդ էր դառնալու
լլիմ, ես կմտնեմ գիմնադիա: Ա՛յ մեր գեղցիք, լեղու չգիտեն, օրենք
չգիտեն, մի հասարակ յասավուլի առաջ փափախնին վեր են կալ-
նում, կշտին կուչ գալիս: Քանի անգամ եմ տեսել մողորովին իմ հո-
րը ձեծելիս: Նոր չէ՞ր, որ բերդն էլ գցեցին, ուզում էին Սիրիբ
ուղարկեն: Մեկ անգամ տարել էր մտքը, էլ բաց չէր թողնում, թե՛
դու թե՛ պետք ես, լեզու գիտես, դառա՛ մարդ ես, գիտե՛ ինձ պետք է

օգնես, որ բոլոր գողերին բռնոտենք: Վար ու ցանքի ժամանակ է, խալխն իրանց բանը վերջացրել են, մենք դեռ մի հատ ցորեն չենք գցել հողը: Մեկ էլ տեսանք, հրես մողորովը եկավ մի հարյուր ձիավորով: Եկան մեր դռանը վեր եկան: Երբ որ գնալու էին, հերս ասեց.— Աղա, խնդրեմ ինձ մորախաս անես, ես մենակ մարդ եմ, տանս ուրիշ աշխատող չունիմ, հիմի էլ ուրիշներին տար, թե որ բեգառ է, պետք է ամենքն էլ քաշեն: Նա թե՛ չի կարելի, պետք է գաս: Չեմ գալ, պիտի գաս, մի քիչ ընդդիմացավ հերս: Մողորովը շիբխի գլուխը հանեց ու նրա կոթովը մին թե երկու, հորս գլխին ու երեսին... էնքան խփեց, որ արնակոլով արավ: էնպես բարկությունըս եկավ. մի մեծ քար վեր կալա, որ տանեմ մողորովի գլխին գրցեմ, մեր մարդիկը խլեցին ձեռիցս, թե՛ էդ ի՞նչ ես անում, գիժ, ուզում ես, որ մեր սաղ գեղը կրակ տան, էրե՛ն... Հապա՛: էնպես բաներ եմ տեսել, որ սիրտս արնով լցվել է, աչքերս պեծին-պեծին արել, հիմի էլ ամեն միտս գալով՝ ջանս սուսում է, մազերս փշաքաղում: Ես միշտ աստծուն աղաչանք եմ անում, որ հոգիս շանի, ինձ լեզու տա, շնորհք տա, որ ես դրանց բոլորի ջիգրը հանեմ, սիրտս հովացնեմ... Ես որ շինովնիկ դառնամ, որ էլ ոչով իրավունք չունենա ինձ վրա ձեռք վեր բերել, այնուհետև ես գիտեմ, թե ինչեր կանեմ...

— Չէ՛, ես քեզ էլ չեմ տալ տերտերին, որ տանի, ես նրան պատասխան կտամ: Մանվելի հետ միասին կերթաք Վանքի ուսումնարանը, կամ թե չէ՝ գիմնազիա, որտեղ որ ձեզ հարմար կլինի, էնտեղ կերթաք:

— Շատ լավ, էդպես արա: Ես էլ մի գիր կգրեմ, որ մեր տանիցը ալյուր, բան ուղարկեն: Դու ինձ մի թուղթ ու թանաքաման տուր...

Արությունը դեռ չէր ավարտել իր նամակը, որ տեր Պետրոսը ներս մտավ:

— Արություն, որդի, մենք ուշանում ենք. էստեղ քաղաք տեղ է, գարին, դարմանը թանկ է,— ասաց տեր հայրը, նստելով աթոռի վերա, որ Օսանան առաջ քաշեց:

— Տեր հայր, խնդրեմ Արությունին թողնեք մնա այստեղ,— ասաց Օսանան:

— Ես հենց երազումս տեսա, որ դու Արությունին պիտի ձե-

ռիցս խլես: Հետո՞, քո հերն էլ համաձայն կլինի՞ այդ բանին, գիտես, նրա համար քաղաքը մի սարսափելի բան է:

— Ես իմ հորը կհամաձայնեցնեմ:

— Լավ, որդի, ես հո չկամություն չեմ անում: Ես Արությունին որդու պես եմ պահել. ես ինքս էլ եմ ուզում, որ լավ ուսում առնի, լավ տղա, խելոք տղա դառնա.— ասաց տեր հայրը և ապա դառնալով Արությունին՝ հարցրեց.

— Արություն, որդի, ուզո՞ւմ ես մնալ:

— Հա՛,— ասաց Արությունն ամաչելով:

— Լավ, որդի... դե խելոք կաց, առավոտ, իրիկուն ժամ գնա՛, ժամ ասա, անառակ տղոց հետ ընկերություն չանես, կոճի շխաղաս, չգնաս Քոռումը լողանալու կամ Օրթաճալա՝ ման գալու: Դո՛ւ գիտես, ինձ շամաչացնես, էնպես արա, որ մի ժամանակ ես էլ պարծենամ: Ինձ շուտ-շուտ նամակ գրիր, մի նեղություն ունենաս, ինձ հայտնիր: Մնա՛ս խաղաղությամբ, տեր ընդ քեզ:

Արությունը համբուրեց տեր հոր աջը, տերտերն էլ նրա գլխին մի «պահպանիչ» ասաց և բոլորին խաղաղություն մաղթելով, դուրս գնաց...

Վերջ առաջին գրքույկի

Ա

ՄՏԱՎՈՐ ՀԵՂԱՇՐՋՈՒՄՆ

Արուժյունն ու Մանվելը մտան Ներսիսյան դպրոց, իբրև երթե-վեկ աշակերտներ:

Ներսես կաթողիկոսի միակ ցանկութունն էր, որ իր ուսումնա-րանը փայլի, և նա փայլում էր մերթ պոչավոր աստղի լուսով և մերթ... լուսատուիկի: Երբ փայլում էր պոչավոր աստղը, աներևույթ անձինք երևելի ձեռքերով կտրում էին նրա պոչը, և այնուհետև փայլում էր լուսատուիկը:

Արուժյունն ու Մանվելը երբ որ մտան դպրոց, այն ժամանակ փայլում էր պոչավոր աստղը, և արդեն մեծ պատրաստության վրա էին, որ կտրեն նրա պոչը: Այդ աստղն էր Պ. Շանշյանցը, որ տեսուչ լինելով, միևնույն ժամանակ և մի օրինակելի դաստիարակ, ամենայն ճիգ թափում էր ուսումնարանի փայլն ավելացնելու, բայց չէր կարողանում: Այդ բանին արգելք էր լինում մի եպիսկոպոս, որ մեծ ազդեցություն ուներ կաթողիկոսի վրա:

Ներսես կաթողիկոսին իր այդ ծերության ժամանակ խաբում էին անխիղճ կերպով, և այնքան ավելի էին խաբում, որքան նա շատ էր հավատում, որ ոչ ոք չի համարձակիլ իրան խաբելու: Նըրան խաբում էին իր նշանակած աշխարհական գործակալ գանձապետները, որոնք անզթաբար կեղեքում էին ժողովրդին, նրան խաբում էին իր ուսումնարանի հոգաբարձուները...

Ուսման առարկաներն էին այդ ժամանակ հայոց լեզու, ընդարձակ, և կրոն իր բոլոր մասներով, ուսաց լեզու, մասամբ կամավոր, և մի կտոր թվաբանություն, և այն էլ ավանդվում էր շինական մեթոդով: Դպրոցի բոլոր ջանքը երկու առարկայի վրա էր դարձրած՝ կրոնի և լեզվի, և այդ վատ չէր այն ժամանակվա

ամենակարևոր պահանջին հայած: Այդտեղ հայախոս էին դառնում և լավ գրում, կարդում ուսեախոս, շքեղախոս և վրացախոս պատանիք: Մի երկրորդ լավ բանն էլ այն էր, որ սովորություն ունեին բարձր դասատան աշակերտներին քարտզներ գրել տալու: Ամեն շաբաթ կեսօրից հետո կարդացնել էին տալիս այդ քարտզները, որին շատ անգամ ներկա էր լինում ինքը՝ կաթողիկոսը մի քանի պատվավոր հյուրերի և հոգաբարձուների հետ:

Տեսուչը հարցաքննեց Արուժյունին հայերենից և կրոնից, և շատ բավական մնալով՝ ասաց. «Դու կարող ես երրորդ դասատուն մտնել (այդ վերջին դասատունն էր, և ամենից բարձրը), բայց որովհետև տարվա սկիզբը չէ և հասակդ էլ փոքր է, քեզ կընդունենք երկրորդ դասատուն»: Իսկ Մանվելին էլ նախ որոշեց առաջին դասատուն, բայց հետո նրա հասակն էլ մեծ համարելով՝ նմանապես ուղարկեց երկրորդ դասատուն, ուր տասներեք տարեկանների մոտ երեսուեւ և քառասուն տարեկան տիրացուներ ևս կային նստած իբրև կամավոր լսողներ...

Այսպես կարգադրելուց հետո՝ Արուժյունին էլ պարտավորեցրեց, որ օգնե Մանվելին, և խոսեց նրանց հետևյալ խրատը.

— Ուսումնարանը մի սուրբ ավազան է, որից մենք մկրտվում ենք կրկին, բայց մկրտվում ենք ոչ ջրով, այլ հոգով սրբով: Դուք պարտավոր եք ձեզ սուրբ պահել. սուրբ ու մաքուր պիտի պահեք մանավանդ ձեր լեզուն: Կեզվով ենք աղոթք անում մեծք աստուծուն, լեզվով ենք խնդրում նրա ողորմությունն ու շնորհքը: Կարծիլ չէ սուտերով ու հայհոյանքներով աղտոտած լեզվով դիմել աստուծուն, խոսել նրա հետ, խնդրել նրանից մի բան: Ո՛չ: Այն ժամանակ աստված չի լսիլ մեզ, ետ կդարձնե մեզանից իր երծուր և մեզ կըթողնե անհոգ ու անխնամ, զուրկ իր ողորմությունից, իր շնորհքից... Ռեքմն, այս ասածներս միտներդ պահեցեք և ձեր սիրտը, ձեր լեզուն մաքուր պահեցեք...

Արուժյունը բարոյական խրատներ շատ էր լսած, բայց այս փոքրիկ խրատն իր բովանդակությամբ և արևելու ձևի շնորհիվ այնպիսի ազդեցություն գործեց նրա քնքուր և հավատով ու շնքմեռանդությամբ լի սրտի վրա, որ քիչ մնաց լաց լինի...

Հիրավի, մի կախարդական ազդեցություն ուներ տեսուչը բոլոր աշակերտների վրա, թե մեծերի և թե փոքրերի: Նրա շարժվածքը, նայվածքը, խոսվածքը, բոլոր իր անձնավորությամբ որոշվում էր

ոչ միայն բոլոր դաստիարակներից, այլև քաղաքի ամբողջ հասարակության բոլոր մարդկանցից: Նա պատկանելի էր թե՛ դպրոցում և՛ թե դուրսը, թե՛ հայերի և թե՛ օտարների առջև, թե՛ զարգացածների և թե՛ տգետների համար: Նրա բնավորությունից՝ իբրև մի օրինակ՝ մի անցք կարելի է բերել: Մի շար աշակերտ կար, շատ շար, անուղղելի մի սրիկա: Այդ աշակերտին պետք էր պատժել: Այդ ժամանակ պատիժ կար, թեև մեղմ, բայց վարժապետները տեսչից թաքուն պատժում էին անխնա և բարբարոսաբար: Մի քանի վարժապետ և վերակացուք հազիվ կարողացան շար աշակերտին ներս գցել դահլիճը և դուռը ծածկել: Դահլիճում, գրասեղանի մոտ, նստած էր տեսուչը: Երբ որ շար աշակերտին ներս մղեցին ուժով, տեսուչը զլուխը շարժարացրեց, տղայի երեսին չնայեց, չբարկացավ, չհանդիմանեց, այլ քթի տակին ինչ-որ ասաց շատ մեղմ կերպով, որից շար տղան կարմրեց ու սփթնեց և ի վերջո այն աստիճան գառը դառավ մի քանի բուսի մեջ, որ ինքն իր կամքով գնաց պահապանին ասաց, թե՛ տեսուչը հրամայել է, որ իրան տասը զարկ տա: Երբ որ պահապանը պատրաստվում էր արդեն իր պարտավորությունը կատարելու, տեսուչն ուղարկեց վերակացուին, որ հայտնե նրան, թե ներված է նրա հանցանքը... Այդ սրիկա աշակերտը վերջը դարձավ մի օրինակելի աշակերտ...

Մեր նորեկները նստեցան երկրորդ դասատան առաջին բաժնումը: Մի քանի օրից հետո Արուսթյունը շուտով աչքի ընկավ: Կրոնի վարժապետ քահանան նրան տեղափոխեց երկրորդ բաժնի: Նա սովորեցնում էր համառոտ քրիստոնեական վարդապետություն և ավելի ևս համառոտ սրբազան պատմություն, մինչդեռ Արուսթյունը Աստվածաշունչն ամբողջապես գիտեր, և յուր սուր հիշողության շնորհիվ ինչ տեղից էլ ուզենայիր, նա կպատմեր բառ առ բառ: Սըրբազան պատմությունը սովորեցնում էին աշխարհաբար, իսկ քրիստոնեական վարդապետությունը՝ գրաբար: Հին վարժապետներն ընդդեմ էին աշխարհաբարի, բայց տեսուչն արդեն մտցրել էր աշխարհաբար շարագրություն և քարոզներ գրել տալը: Նա ուզում էր, որ կրոնի բոլոր դասադրքերը աշխարհաբար լինին, թարգմանել էր տալիս և Ավետարանը: Եվ բոլոր այդ բաներին շատ խորթ էին նայում եպիսկոպոսն ու իր արքայականները: Նրանք զրանում գտնում էին ոչ ուղիղ դաստիարակության մի ոճ, այլ կրոնական մի նորամուծություն, օտար կրոնի հետևողություն:

Հայկաբանության ուսուցիչն ևս գոհ էր Արուսթյունից, քանի որ նա դեռ լավ չէր ցույց տվել իր գրաբարագիտության աստիճանը: Բայց մեկ անգամ մի աշակերտ սխալվեցավ, և երբ վարժապետը հանդիմանեց նրան, որ ինքն այդպես չի ասել, փոքրոգի աշակերտը՝ իր հանցանքը թեթևացնելու համար՝ զրպարտեց Արուսթյունին, թե՛ ինքն անցյալ դասին ներկա չի եղել, դիմել է Արուսթյունին, և նա այդպես է սովորեցրել:

— Հա՛, ուրեմն բացի ինձանից այստեղ ուրիշ վարժապետ էլ կա,— բացականչեց վարժապետը և Արուսթյունին դուրս կանչեց գրատախտակի մոտ, որ մի փորձով իր գիտությունը նրա անգիտությունով փայլեցնե: Վարժապետն ինքը մի նախադասություն գրեց և լուծել տվավ բառ առ բառ իբրև մասունք բանի: Նախադասության բայի դեմքը ուղիղ շասաց Արուսթյունը: Բայն էր «ասէն»: Արուսթյունը ուշ չդարձնելով է գրի վրա, ասաց՝ ասէն՝ բայ, ներգործական, հոգնակի երրորդ դեմք... Վարժապետն էլ այդ էր ուզում: էլ շատիպեց, որ Արուսթյունն ուշադրություն դարձնե բայի կազմության վրա, և ոչ գրաբար նախադասությունը աշխարհաբարի դարձնել տվավ նախապես, որով կիմացվեր, որ բայը եզակի է և ոչ հոգնակի, թե՛՛ նույն դիմորոշ տառ է. ոչ այս արավ և ոչ այն, այլ հանկարծ Չամշյանի հասգին քերականությունն այնպես թրխկացրեց Արուսթյունի գլխին, որ նա վայր ընկավ ուշաթափ: Աշակերտներն իսկույն ջուր հասցրին, ածեցին վրան և այնքան շատ ածեցին, որ շինեցին մի անձրևի տակ ընկած լիպոր ճուտ: Դրանով վարժապետի գազանությունը շմեղմացավ, բայց Արուսթյունի սիրտը քիչ էր մնում տրաքեր, իր կյանքում առաջին անգամ ստանալով վարժապետից մի պատիժ և այն էլ այդպես խիստ ու բարբարոսաբար: Նրա պատվասիրությունը սաստիկ վիրավորվեցավ և այնուհետև սկսեց ատելով ատել այդ վարժապետին:

Հայկաբանության այդ վարժապետից շատ վախենում էին բոլոր աշակերտները և շատ էլ ատում նրան: Դա վարժապետ էր և միևնույն ժամանակ գիշերօթիկ ավագ վերակացու: Դա մի խաչագող էր Թմբուլ գյուղից: Իր ուսումն ավարտել էր միևնույն ներսիսյան դպրոցումը, բայց դպրոցը նրան չէր բարոյականացրել, այլ ավելի ևս անբարոյականացրել էր: Նա ուսում չառած՝ գուցե մի անշնորհ խաչագող կլիներ, ոչ այնքան վտանգավոր, բայց այժմ նա ավելի էր ճարպիկացել և ավելի հնար ուներ վտանգավոր լինելու:

Հիրավի, նա արդեն իր լրտեսությունով եզրակացրած հովանավորությունն ու պաշտպանությունը գրավել էր. նա արդեն հոր էր փորում տեսչի համար և ամենայն կեղտոտություն և շարութուն գործ էր դնում ուսումնարանումը, և... բոլորն էլ անց էր կենում, բոլորն էլ մարսում էր...

Ռուսաց լեզվի այդ դասատան վարժապետը մի խելագար երիտասարդ էր: Դրա դասին ծիծաղ էր, որ այստեղից—այնտեղից բարձրանում էր, որից խելագար վարժապետն ավելի ևս գծվում էր: Նա վերջը իսկապես գծվեցավ և մեռավ:

Քվաբանության ուսուցիչը մի խենեղ արարած էր: Նա իր դասը թողած՝ նստում էր իր ընտրած կամ ընտրելի աշակերտի կողքին, չեբերը պտրտում, գլուխը շփում...— Աշակերտներից շատերն այդ փորձերին ենթարկվելով՝ ամոթից լաց էին լինում... Կային և վարք ու բարքով ապականված աշակերտներ, որոնք վարակում էին և ուրիշ շատերին:

— Այս ի՞նչ խայտառակություն է, — հարցնում էր Արուսյունը Մանվելին, քանի որ դեռ նոր էր:

— Մեզ ի՞նչ, եղբայր, երևի սրանց աղաթն էլ այսպես է, — պատասխանում էր Մանվելը, և այնուհետև լռում էին հրկուսն էլ, թե՛ ներսը և թե՛ դուրսը:

Դպրոցի բոլոր բարոյական և կրթական թերությունները չէին կարող ծածուկ մնալ տեսչի նկատողությունից: Նա ուզում էր դուրս անել վատ վարժապետներին, բայց դուրս անել ֆրիստոնեաբար, առանց հայտնելու, որ նրանք այս կամ այն թերությունն ունին և անհարմար են վարժապետության: Նա մոռանում էր, որ քրիստոնեության հիմնադիրն ինքը այդպիսիների համար խարաղան ուներ ձեռին: Պարոն տեսչի քրիստոնեաբար վարվելու հետևանքն այն եղավ, որ ինքը մեղադրվեցավ քրիստոնեական ջերմեռանդության մեջ և քրիստոնեաբար հռացցավ ուսումնարանից, իբրև մի քրիստոնյա հեքմետիկոս...

Այսպես հեռացավ պոչավոր աստղը և մեջտեղ կրկին պծպծացին լուսատուիկները: Շատ աշակերտներ հեռացան այնուհետև ուսումնարանից առանց ուսումն ավարտելու: Դրանց թվումն էին և Արուսյունն ու Մանվելը, որոնք նոր էին փոխադրվել վերջին դասատուն: Դուրս եկող աշակերտներից շատերը մտան արքունական ուսումնարան, նրանց օրինակին ուղեցան հեռանել և Արուսյունն ու

Մանվելը, և հարցաքննություն տալու համար սկսեցին պատրաստվել տանը: Մի քանի հայ աշակերտներ գիմնազիայի վեցերորդ դասարանից դաս էին տալիս նրանց ճրիաբար: Այս ժամանակ ահա մեր տղայոց համար, մանավանդ Արուսյունի, բացվեցավ մի նոր աշխարհ:

Ուսուցանող ուսանողները մի առավելություն ունեին պաշտոնական վարժապետներից, և այդ այն էր, որ նրանց հարաբերությունն ընկերական էր, նրանց ուսուցումը մի օգնություն էր: Այստեղ ուսանողի ազատ մտածմունքը չէր ընկճվում, այստեղ զարգանում էր նրանց ինքնօգնությունը. այստեղ աշակերտի մտքի զբոսանքն արգելքի չէր հանդիպում. նա չէր գրված մի նեղ վանդակի մեջ, այլ մի ընդարձակ պարտեզի՝ ուր ամեն ծաղկից հոտ առնելու: Իրավունք ուներ և կարող էր ընտրել իր ուզած ծաղիկը: Ճշմարիտ է, սա մի շեղմունք է, որ կարող է հեռացնել մտադրյալ նպատակակետից, բայց աճելությունն այստեղ բնական է և կատարյալ: Նպատակակետին չհասնելը կամ ուշ հասնելը մի զժբախտություն չէ, այլ բախտավորություն, որովհետև նա արհեստական է ու շինծու և չի համապատասխանում մարդու բնականապես զարգանալու օրենքներին:

Ուսուցանող ուսանողներն իրանք ցանկանալով ավելի լավ յուրացնել իրանց սովորածը, ցանկանալով վարժվել նաև դասավանդություն մեջ, ճշմարիտ է, խամություն շատ էին անում, նոր փորձեր էին փորձում, բայց առհասարակ պարապում էին շատ բարեխղճաբար: Ազատ և տոն օրերին էլ ավելի շատ հոգով զբոսնելու էին գնում միասին, և այդ ժամանակն էլ նրանց խոսակցությունը մեծ մասամբ լինում էր կրթական, օրինակ՝ բացատրություն բնության այս կամ այն երևույթի, մի պատմական անցք, մի երևելի մարդու կենսագրություն, մի նոր գյուտի պատմություն, դատողություն ժողովրդի մեջ արմատացած նախապաշարմունքների մասին, որ նրանց ավելի հեռու էր տանում, և սկսում էին հեշտությամբ լուծել վերացական շատ խնդիրներ, առանց կասկածելու, որ նրանց վրա շատ փիլիսոփաներ են գլուխ կոտրել և գտել են անվճռելի: Ուսման հոտը մատաղ գլուխներն էր ընկել և մի քիչ հարբեցրել:

Հիմա պետք է երևակայել, թե ինչ կզգար այժմ Արուսյունը Ալեքսանդր աստվածաբանության տաղ մեջվի՛րուց հետո: Ի՞նչ կզգա մեկը, երբ ընդ ու ավագուստ արևայտում հրկայր թափանցուց հե-

տո՝ ընկնի մի դալար հովիտ՝ լի ականակիտ աղբյուրներով, հոտավետ ծաղիկներով, բնության ամեն բարիքով և կենդանությունով, — ահա այսպիսի մի զգացումն տիրեց Արուսյունին: Բնություն և մարդ, որոնք մի բառով կարող են և կյանք անվանվել, — ահա այդ կյանքը շուններ նրա ստացած ուսմունքը: Բնագիտության սեխախտ օրենքները, թվաբանության ճիշտ կանոնները, պատմության երևելի անցքերը, աշխարհագրության գեղեցիկ նկարագրությունները, բանաստեղծական սրտաշարժ գրվածքները, թեև փոքր սահմանի մեջ, իբրև մի փնջիկ միայն, բայց բավական է մի մատաղահաս և դեռ փոքր գլխի մեջ ահագին հեղաշրջում ձգելու:

Ես Արուսյունին այդ ժամանակ, — գուցե և անհարմար, չհոգեբանական, — նմանեցնում եմ աղբով պարարտացրած մի հողի, որի մեջ ընկած ամեն մի բեղմնավոր սերմը կարող էր միույն հարյուր տալ: Հիրավի՛, ի՞նչ էին նրա մինչև այս ժամանակ սովորածները, ստացած սպավորությունները, հավաքած տեղեկությունները, լսած առարկաներն ու առասպելները, եթե ոչ ճշմարիտ ուսմունք աճեցնելու համար շատ օգտակար աղբ, որ եթե առանց բարի սերմի մնար, մոլախոտ կբուսցներ և կապականեր նրա ուղեղը: Ոչ ոք իր միտքը չի հեղաշրջիլ, եթե հեղաշրջելու ոչինչ չունի նա իր մըտքումը:

Գիտությունով ճոխանալու պահանջն այնքան սաստիկ էր Արուսյունի մեջ, որ նա թեև դեռ անորոշ ու մութ, զգաց, որ մարդըս կատարյալ մարդ չէ, եթե նա չէ զարգացած մտավորապես այնքան, որքան որ ընդունակ է զարգանալու մարդ արարածը իր ժամանակին: Բախտավորապես աճելության ընդունակ դարձած լավ միտք ուներ ինքը, թե ի ծնե և թե ծննդից հետո: Գտնվեցան մարդիկ, որ թեև անգիտակցաբար, այդ մտքի մեջ ձգեցին բեղմնավոր սերմեր: Ասում եմ՝ անգիտակցաբար, որովհետև շատ անգամ քամին ու ջուրն էլ են մի սերմ մի տեղից մյուս տեղ փոխադրում, շատ անգամ թռչուններն էլ են միևնույն պաշտոնը կատարում: Շատ վարժապետներ ոչ այլ ինչ են, եթե ոչ մի տեղից մյուս տեղ մի սերմիկ փոխադրողներ:

Քանի որ ուսումը տրվում և ստացվում է փոխառփոխ, այդտեղ գլխավոր առարկան անուշադիր է մնում, այն է՝ անհատի զարգացումը, նրա մտքի բեղմնավորվիլը: Մանկավարժությունը ձգտում ունի այդ նպատակին հասնելու, բայց դեռ հասած չէ. որովհետև

ժողովուրդների դաստիարակության դեկը մանկավարժության ձեռին չէ. նա մի հրամանակատար է միայն, ինչ լավ բան որ անում է՝ թաքուն է անում... Առայժմ քանի որ անհատը կարող է զարգանալ միայն ինքն իրան, իր ներքին ուժովը, բավական է, եթե մանկավարժը սանկիկ այդ ներքին ուժերը շնորհացնե, ինչպես որ թուլացնում են մեր ժամանակումը՝ մանուկների թույլ ուսերի վրա բարձելով անտանելի և անկրելի բեռն, որի տակ նրանք ընկճվում, ոչնչանում են:

Համարում կերակուրները ո՞ւմ չեն դյուր գալ, բայց դրա համար քաղց և ախորժակ է պետք, այլև մարսելու ընդունակ մի բուստամոքս: Արուսյունն ուսման քաղց և ախորժակ ուներ. նա անխտիր կուլ էր տալիս ամեն ինչ և մարսում էր: Բայց այդպես չէր Մանվելը. նա, ինչպես կասեն՝ «ցեխծամ» էր տալիս. ուտում էր ակամա և չէր էլ մարսում: Նա շատ էր սիրում, որ բերանացի ներան պատմեն զարմանալի, հրաշալի, զվարճալի և առհասարակ սրտի վրա ազդող բաներ, բայց միտքը լծի տակ չէր դնում: Միտքը հոգնեցնելու, վարժելու, ինքնուրույնաբար մի բան սովորելու տրամադրություն չուներ: Սրա հակառակ Արուսյունը մի բանի համառոտը լսելով՝ նրա ընդարձակն ինքն էր սովորում. նրա այս տրամադրությունն այնքան կրթվեց և զարգացավ, որ ինքն իր վրա բարկանում էր, երբ ուրիշներից էր լսում այն, ինչ որ կարող էր ինքն էլ գիտենալ ու ինքն ասեր նրան: Վերջապես Արուսյունն «ասողիկ» էր, ձգտում ուներ ասող լինել՝ քան լսող, իսկ Մանվելն այդ նախանձի ցավը չուներ. նա տրամադիր էր միայն լսելու և դրանում էր գտնում նա իր ցանկության լրումն: Մտքերի այս տարբերությունը նրանց ավելի էր մոտեցնում և օրեցօր ավելի սերտ սիրով կապում: Մանվելը հիանում էր Արուսյունի ընդունակությունով և նրան պաշտելու շափ սիրում: Արուսյունն էլ, տեսնելով Մանվելի առ ինքն ունեցած անկեղծ սերը՝ երջանիկ էր համարում իրան, որ մի համակրող ունի և փոխադարձաբար սիրում էր նրան. միայն ինքն իշխող էր հանդիսանում միշտ, իսկ Մանվելն իշխված: Բայց այդ թվելի չէր ոչ մեկին և ոչ մյուսին, որովհետև հառաջ էր գալիս բնականապես և ոչ գիտությունը: Երկուսն էլ ազատ էին ցուցամոլությունից, սնափառությունից և ապրում էին ինչպես մեծ ու փոքր եղբայրներ:

ՍԿԻՉԲՆ ԵՐԿԱՆՑ

Մեկ օր՝ կեսօրից հետո՝ Արուսյունն ու Մանվելը ման էին գալիս Խոջի վանքի գերեզմանատանը, որ այն ժամանակ հաճախորդաց միակ զբոսատեղին էր, կարողում էին այս և այն գերեզմանագիրը և գովում կամ փնտրում էին շարագրողին կամ փորագրողին։

— Արուսյուն, տեսնես աշխարհքիս մեռելները շատ կլինեն, թե՞ սաղերը, — ասաց Մանվելը, նստելով մի գերեզմանաքարի վրա։

— Քո տունը շինվի, Մանվել, բա էդ էլ շփոթե՞ս։

— Իմ մտքով՝ պետք է որ սաղերը շատ լինին, որովհետև մարդիկ տարեցտարի ավելանում են, հո չեն պակասում. մեկ խոսքով՝ ծնվողների թիվը շատ է, քան մեռնողների։

— Զարմանալի մարդ ես դու, Մանվել. ինչքան մեծանաս, էլի պիտի երեխա մնաս։

— Ինչպե՞ս։

— Ասում ես՝ ծնվողների թիվը շատ է, քան թե մեռնողների, բայց չես մտածում, որ աշխարհի ստեղծելուց մինչև հիմա որքան մարդիկ կլինին հողի տակն անցած, որ եթե հանկարծ վեր կենացին՝ չէին տեղավորվի հողագնդի վրա։ Վերցնենք՝ օրինակի համար՝ հենց մեր քաղաքը։ Ո՞վ գիտե՞ քանի անգամ կլինի սա մեծացած, էլի ոչնչացած. ժանտախտ է գալիս, սով է լինում, պատերազմ է լինում, բայց գրանք էլ որ չլինեն, բավական է, որ բոլոր ծնվողները՝ շատ ապրեն թե քիչ՝ պիտի մեռնին, բայց մեռածները նոր մեկանց վեր չեն կենում...

— Ես լավ չեմ հասկանում. ինձ թվում է, որ մարդիկ տարեցտարի շատանում են, չեն պակասում։ Մեր գեղն առաջ տասը տուն էր, հիմի գառել է քսան տուն, էնպես էլ ամեն տեղ։

— Դու սաղերը սաղերի հետ ես համեմատում։ Ի՞նչպես ես կարծում ուրեմն. եթե աշխարհիս երեսին մահ տառադ չլիներ, մարդիկ երկու էնքան կլինեին, ինչքան հիմա կա՞ն, թե՞ ավելի շատ։

— Սպասիր մտածեմ... Զե՛, մեռածները շատ կլինեն, որովհե-

տե՛ դու լավ ասացիր՝ ծնվածները բոլորն էլ մեռնում են։ Եթե համարենք, որ մարդ շատ, շատ որ ապրի, հարյուր տարի պիտի ապրի. եթե դրանից վաղ մեռնողներին չհաշվենք էլ, էլի բանից դուքս է գալիս, որ մեզանից հարյուր տարի առաջ սկսած մինչև աշխարհիս ստեղծվելը ինչքան որ ծնվածներ են եղել, բոլորն էլ մեռել են... Օ՛հ... Իրավ որ, ինչքան շատ պիտի լինին մեռածները։ Զարմանալի մարդ եմ ես, Արուսյուն, սրանից հեշտ բան չի լինիլ, բայց չեմ կարողանում իսկույն հասկանալ։ Մի աշակերտ էլ էն օրն ինձ մի բան հարցրեց, չիմացա. հետո տեսա, թե ինչքան հեշտ է եղել։

— Ի՞նչ հարցրեց.

— Մի հասարակ խնդիր։ Ասում է՝ «Եթե հայրը քսանհինգ տարեկան է, իսկ որդին՝ մեկ, քանի՞ տարուց հետո որդին հոր տարիքի կիսին կհասնի, եթե միասին ապրելու լինին»։ Ասեցի՝ էդ ինչպե՞ս կարելի է։ Հետո որ բացատրեց, նոր իմացա, որ կարելի է եղել։

— Իհարկե կարելի է։ Երբ որ որդին հոր ներկա տարիքին հասնի, նրա կիսի շափ հասակ կունենա, որովհետև հայրը կզառնա հիսուն տարեկան, իսկ որդին՝ քսանհինգ, որ հիսունի կեսն է։ Բայց քեզ որ անհնարին է թվացել, դրա պատճառն էն է, որ դեռ կիսի ու քանիպատիկ լինելու վրա չես մտածել, այլ թե՛ հայրը որ հիմի քսանհինգ տարով մեծ է որդուց, միշտ էլ էնքան մեծ կմնա...

— Ճշմարիտ ես ասում, հենց էդպես էի մտածում. էլի միտս չեկավ, թե մի թվի մեկ էլ թվից քանիսով շատ լինելն ուրիշ է, քանիպատիկ մեծ լինելն ուրիշ։ Էդ հետո իմացա, բայց էլ ի՞նչ կօգնեի... Գիտե՞ս ինչ կա, Արուսյուն, ես թվաբանության վրա շատ էլ չեմ մտածում. բան է էլի՞, թե որ կտվորեմ, լավ, թե որ չէ, մի մեծ զրկողություն չի լինի ինձ համար...

— Բա էլ ուրիշ ինչի՞ վրա ես միտք անում։

— Ես մտածում եմ, թե ինչպես անեմ, որ սատանի հավատը չբացնեմ...

— Ինչպե՞ս թե «սատանի հավատը», երևի ուզում ես ասել՝ «սատանին հավատալը»...

— Իհարկե՞ սատանին հավատալը. թե չէ՛ սատանեան ի՞նչ հավատ ունի, որ չբացնեմ...

— Հետո՞ ինչպե՞ս ես չբացնելու...

— Ահա՛ ինչպես: Երբ որ մենք հավատում ենք էնպես բաների, որ աներևույթ են, գերբնական են, մենք չենք կարող ոչ տեսնել ինքներս, ոչ ցույց տալ ուրիշին, — պետք է էն ժամանակ հավատանք միայն էն էականերին, որ մեզ օգուտ են տալիս, իսկ վնասակարներին չհավատանք, հերքենք, շքնդուենք: Օրինակ՝ ասում ենք՝ սատանա էլ կա, հրեշտակ էլ: Սատանան մեր թշնամին է, հրեշտակը՝ մեր բարեկամը: Եթե հրեշտակը ճշմարիտ որ մեզ լավություն է անում, մեր աղոթքը երկինք է հասցնում, մեզ շարից, փորձանքից ազատում է, մեր հոգին սատանի ձեռից խլում է, արքայություն տանում, թող ուրեմն էդ բարի հրեշտակի կյանքը երկար պահի մեզ համար աստված: Բայց սատանան, որ միշտ մեզ խաբում է, փորձանքների մեջ է գցում, որ մի ահագին լեզուն ունի մեզ համար: էլ քաջք ասես, դե ասես, ալք, խթեթիշ, մեզնից լավեր... Թող ինքն էլ, դրանք էլ շքվին անհետանան. շքվին մեր մղտփից, լեզվից, գրից. որովհետև դրանց հավատալը մեզ վնաս է տալիս և ոչ օգուտ: Մի բան որ իսկապես չկա, էլ ինչո՞ւ ենք հավատում, քանի որ էդ հավատալովը մենք մեզ համար մի նոր ցավ ենք ստեղծում, մի նոր պատիժ...

— Մանվել, դու դեռ քու օրումը էդպես խելոք բան չէիր մտածել: Ես ու իմ աստվածը՝ շատ լավ ես ասում, շատ ուղիղ: Իհարկե՛ մարդուս տունը շինողը ու քանդողը նրա հավատն է: Սուտ հո չի՞ գրած Ավետարանի մեջ, թե «Ըստ հավատոց քոց եղիցի քեզ»:

— Հիմի դու ականջ դիր, ես էդ հավատալու վնասն ասեմ: Մեր գեղի տղերքը շատ քաջ, շատ աներկյուղ են, ոչ թրից ետ կկենան, ոչ սրից. մի տասը տարեկան երեխի էլ որ ասես, առյուծի բերան կընկնի. մի խոսքով՝ տղերք եմ ասում, որ Սամփոտնը քեզ օրինակ: Բայց էդ սրտոտ տղերքը գիշերները գերեզմանատան կամ մի քանդված եկեղեցու մոտով անց կենալիս, որ մի ցից քար են տեսնում կամ մի շվաք, էդ հասարակ բաները նրանց աչքումն էնպես բաներ են դառնում, որ շափազանց երկյուղից սիրտները ճաքում է, լեղինները պատռվում, մի քանի օր չի քաշում, մեռնում են: Հետո ասում են՝ սատանեն տվել է, այսինքն խփել է: Ասում էլ են, թե խփած տեղը մեռելի վրա երևում էր, կապտել սևացել էր: Էս չի՞ սատանեքը գործակալներ էլ ունին. գիտե՞ս ովքեր են դրանց հրամանակատար գործակալները:

— Չէ՛, էդ չեմ իմացել:

— Դու որտեղի՞ց կիմանաս. ես եմ նրանց անունը սատանի գործակալ դրել. նրանց ասում են՝ ջինդար, ջագուբյար, փալլի, գրբաց, թասի մտիկ տվող...

— Հա՛, դրանք գիտեմ ես:

— Բայց գիտե՞ս դրանք ինչպես են խաբում ժողովրդին, ինչքան վնաս են տալիս: Ժողովուրդը ինչպես որ սատանին է հավատում ու մտքովը շի անցկացնում, որ սատանա չկա, էնպես էլ դրանց ասածին ու արածին է հավատում: Մեկ անգամ մեր գեղը մի գրբաց էր եկել, «բախտի» գիր էր անում մի երկեն զոլուակ թղթի վրա ու հինգ-հինգ մանեթով ծախում: Մեր մարդիկն էլ առնում էին մեջքներին, կոներին կարում, որ բախտները բանի, լեզունները կտրուկ ըլի, խոսքերն անց կենա մողրովի մոտ, գիվաններումը: Իհարկե ոչինչ էլ չէր լինում, ամեն տեղից քոթկում դուրս էին անում, բայց նրանք էլի շէին կարծիք տանում, որ գրբացի թուղթը ոչինչ դորություն չունի: Էդ ջինդարը մեկ երկու մարդի էլ ասել էր, թե ես որտեղ որ հին ժամանակներում թաղած փող ըլի, կգտնեմ: Մեր շուտ ու հեշտ հարստանալ ուզեցողներն էլ հավատում են. ջինդարին տանում են մի հին գեղատեղ, ասում են՝ էստեղ պետք է որ շատ փող ըլի, քարով որ խփում ենք, դրնզգրնզում է. դե գտիր, երեք բաժին կանենք, մեկը քեզ, երկուսը մեր շորս հոգուն: Զինդարն ասում է.— ես դեղեր պետք է առնեմ, պետք է ճաշ պատրաստեմ դեերի համար, նրանց սիրտը շահեմ, որ նրանք էլ իմ խնդիրս կատարեն: Բերեք մի երեսուն մանեթ տվեք, եթե սուտ դուրս գամ, ձեր փողն էլի ետ ձեզ կտամ, դեռ մեկ էնքան էլ կավելցնեմ վրան: Մեր մարդիկը գնում են մի տեղից պարտք անում երեսուն մանեթը, բերում տալիս նրան: Նա էլ մի երկու օրից հետո նրանց հետ գնում է առաջվա տեղը, մի թղթի վրա մի քիչ բան է գրում ու շարտում: Թուղթը քամումը մի քիչ դեռ ու դեն փոփոալուց հետո վեր է ընկնում մի տեղ: Զինդարն ասում է՝ դե էդ տեղը փորեցեք, փողն էդտեղ է. երկու կամ երեք արշին որ փորեք, բավական է: Էդ ասում է ու ինքը գնում գեղը: Երբ որ մթնում է (ցերեկով չեն փորում, որ ոչով շտեսնի), սկսում են փորելը: Փորում են մինչև առավոտ, բայց բան դուրս չի գալիս: Զինդարին տանում են փորածները ցույց տալիս, թե՛ դու ինչքան որ ասել էիր, մենք երկու էնքան ենք փորել, բան չերևաց. կարելի է մեր աչքին չի երևում, եթե որ դու տեսնում ես, հանիր մեզ տուր: Զինդարը գրուխը թափ է տալիս, մի քիչ

մտածում, հետո ասում է՝ պետք է քառասուն օր սպասեք, եթե երևաց, երևաց, եթե ոչ, ես դրա ճարը կգտնեմ: Մարդկանցից մինը չի համաձայնում, ասում է՝ դու մեզ խաբեցիր, սաղ գիշերը բանեցրիր, հիմի էլ ուզում ես փախչիս, մեր փողը հետդ տանես: Բեր մեր փողը ետ տուր, թե չէ՝ տեսնում ե՞ս, քեզ կզցենք էս մեր փորած փողը, հողը վրեժ կածենք, դու կմնաս էս գերեզմանումը, էլ ոչովի չես խաբիլ... էս որ լսում է ջինգարը, սաստիկ բարկանում է. «Դու, ասում է, ինչպե՞ս կհամարձակիս էզպես խոռք հանել բերանիցդ. էս ահաթիս ձեռք բարձրացնեմ, հարյուր հազար սատանա կզան, քո մեծ պատառը ականջդ կթողեն, գիտե՞ս թե չէ՞... էս սուտ սպանալիքից էնպես վախում եմ մեր մարդիկը, որ ասում են. «Սալիփա, մեր տված փողը քեզ հալալ ըլի, միայն թե մեզ մի վատ բան չանես»...»

— Այ թե խաբել է, հա՛... — բացականչեց Արուսիյունը: — Իրանց որդոց կարգացնելու համար փող չեն տալիս, թե աղքատ ենք, ջինդարներին թումաններով են տալիս: Մանվել, ես էդ ջինգարի գրեթե էնքան ժողովել էի, էնքան արտագրել, որ ով գիտե մի փութից ավելի լիներ: Ոչովից չէի թարցնում. ամենքն էլ գիտեին, որ իմ վարժապետն էզ բանը լավ էր իմանում: Բայց ես գործ չէի դնում, վախենում էի. ասում էի՝ վա՛յ թե սատանան իր գիշատեսիլ դեմքով առաջիս կանգնի, լեզիս պատռե:

— Չարմացք բան է, շատ անգամ հո տեսնո՞ւմ են, որ խաբում են, սուտ են ասում, էլ ինչո՞ւ են հավատում:

— Էդ էզպես է, բայց շատ անգամ էլ ուղիղ է թվում: Որտեղ որ չկա առողջ դատողություն, ինչ մարդ որ հասուն խելք չունի, այլ երևակայություն և վառ երևակայություն, նա իսկ և իսկ կախարդվում է, — սիրահարվում է, գծվում է, մինչև անգամ առողջանում է: Էսպես դեպքեր, թեպետ քիչ, բայց պատահում են, էդ քիչն էլ բավական է, որ մի հարյուր սուտ նրա հետ անց կենա:

— Ծս էդ չեմ հասկանում:

— Ի՞նչ կա շհասկանալու: Գու ինքդ շասացի՞ր, որ ձեր գեղի քաղ տղերը մի շվաքից վախենում են և սարսափահար մեռնում: Էսպես էլ մեկիլ բաներն իմացիր: Նա էզպես դեպքերում տեսնում է էս, ինչ որ չկա. նա ձայն էլ է լսում, թեպետ ոչ մի ձայն հանող չկա: Նրա երևակայությունը խանդարվում է, և ինչ որ պիտի զգայարածքներից ստանա, երևակայությունն է թելազրում զգայար

բանքներին: Նա տեսնում է գիշերվա մթնումը մի հասարակ շվաք: Նրա երևակայությունն էդ շվաքից մի հրեշ է ստեղծում, աչքն էլ էզպես է տեսնում: Կարծես շարժո՞ւմ լինի, երևակայում է նա, և սկսում շարժիլ, կարծես գլո՞ւխ ունենա. բանում է մի ահագին զբլուխ՝ ի՞նչ երկայն ձեռներ ունի, ձեռները մեկնվում են՝ օ՛... ուզում է բռնել ինձ. բռնվում է, ընկնում է հրեշի ճանկը և ուշաթափ վայր ընկնում...»

— Էդ ես հասկանում եմ. «վախի աչքերն, ասած է, մեծ-մեծ կլինին»: Բայց ինչպե՞ս կարելի է սիրահարվիլ...

— Էլի միևնույն կերպով: Նա լսում է, որ իր համար սիրո գիր են արել: Նա հավատում է. եթե կայում է, որ արգեն բռնված է, ընկել է վանդակի մեջ. նա զգում է, որ սիրահարված է. գիշեր-ցերեկ դրա վրա է մտածում. շարի միջամտությունը նրա հանցանքը թեթևացնում է հասարակաց կարծիքի առաջ, և նա թուլանում է. ազատություն է տալիս իր սերին, եթե մանավանդ առաջ էլ իրանում մի քիչ հակում է եղել: Վարպետ ջինդարները հեշտությամբ սիրո գիր չեն անում: Նրանք առաջ իմանում են, թե ի՞նչ հանգամանքի մեջ են դրված երկու ապագա սիրազները: Նրանք էդ վարպետությունը ցույց չտալու համար գտնում են նրանց աստղերը, որ տեսնեն ինչ հարաբերության մեջ են նրանց աստղերը, իրար կմոտենա՞ն, թե ոչ: Երբ որ տեսնում են, թե քանք շատ հեշտ է, միայն մի քիչ վստահություն է պետք, էդ վստահությունն էլ հառաջ է գալիս ջինդարի գրի ազդեցությամբ: Իսկ երբ որ տեսնում են, որ դրժվար է կամ անհնարին, ասում են՝ «ձեք երկուսի աստղերը իրար չեն մոտենում, չեն բռնում»... Բայց մի հասարակ դեպքը, պատահմունքը հազարավոր սուտեր է ստեղծել տալիս, մինը քան զմյուսը հրեշավոր և հավատացնում ժողովրդին: Օրինակ՝ ասում են ջինդարը երես առ երես խոսում է դեերի հետ: Էդ իրավունքը նա ձեռք է բերում շրջա մտնելուց հետո: Նա փակվում է մի առանձին տեղ, իր շորս կողմով մի խազ է քաշում գետնի վրա և սկսում կարգալ գրքի աղոթքները, որ անհասկանալի բառեր են և անթիվ դեերի անասններ: Դեերը սարսափում են, որովհետև պիտի գերի ընկնին էդ մարդու ձեռքը, որ այնուհետև ինչ հրամայն՝ կատարեն: Նրանք ամեն հնար գործ են դնում, որ աղոթող մարդուն վախեցնեն կամ խաբեն: Բարձրացնում են ահագին որոտմունք, կոխվ, աղաչակ, բարեր է՝ որ նմտում են, կրակ է՝ որ թափում են, բայց էդ բոլորը

միայն թվում են էդպես, մարդը չպիտի վախենա, թե որ վախճալով, նրա բանը պրծած է: Վերջը մոտենում են, բայց չեն կարողանում խազից անց կենալ: Ուրեմն սատանեքն էլ են վախենում ոչինչ բանից: Գետնի վրա փետով քաշած հասարակ գրծը մի անպաշարելի բերդի տեղ է բռնում միջի նստած խորամանկ մարդու համար: Մտեցող գեներն այնքան դաժան, այնքան զարհուրելի ու սոսկալի դեմքով են երևում, որ մարդ ինչքան երևակայե, նրանից ավելի սարսափելի պատկեր չի կարող ստեղծել: Մարդը չպիտի վախենա, գլուխը չպիտի բարձրացնե, աղոթքի կարգալը չպետք է դադարեցնե: Սոսկալի գեները երբ որ ոչ մի կերպով չեն կարողանում վախեցնել, փոխում են իրենց դեմքերը, և հրեշական կերպարանքները դիմակի պես մի կողմ են ընկնում, և տակիցը դուրս է գալիս ամենաչքնաղ աղչկա պատկերը: Լիզու պետք է, որ հիմի նկարագրե էդ աննման գեղեցկությունը: Գեղեցկուհին շատ գեղեցիկ է, բայց շատ էլ պարկեշտ չէ: Նա թույլ է տալիս իրան ասելու ամեն խոսք, իհարկե հաճոյական, ականջի դյուրեկան, սիրաշարժ. նա գործ է դնում անպարկեշտ ձևեր, բայց երիտասարդ մարդուն շատ հաճելի. մեկ խոսքով՝ եթե հողեղեն մի գեղեցիկ կնիկարմատ կարող է խաբել ումը կամենա, ի՞նչ կանե ուրեմն սատանան ինքը, քանի որ ուրիշներին էլ ինքն է սովորեցնում խաբելու կերպը: Բայց մարդը չպետք է խաբվի... Վերջը, երբ որ ամեն հնար գործ են դնում ու չեն կարողանում մարդուն խաբել, իսկ նա իր աղոթքով նրանց տանջում, շարշարում է ավելի, քան թե դժոխքի կրակը, այնուհետև շոքում են նրա առաջին, աղ ու հաց բերում մեջտեղ, նրանով երզվում, թե՛ այսուհետև մենք քո ծառաներն ենք, երբ որ կանչես մոտդ, պատրաստ ենք, ինչ որ հրամայես, պատրաստ ենք կատարելու: Մարդը սատանաներից երզմնագիր է առնում և արձակում նրանց:

Հիմա դու ինձ ասա, Մանվել, մեկ մարդ որ բոլոր գեների գորությունը իր կողմը լինի քաշած. ի՞նչ չի կարող անել այնուհետև: Սա է հրաշագործության աղբյուրը, հիմքը, քանի որ սրան հավատում է ժողովուրդը, բոլոր մնացածները շնչին բաներ են: Սատանան ի՞նչ չի անիլ, պրծավ գնաց:

Այնուհետև հավատում են, որ այսինչ շինդարը իր երկենացորած եղունգի վրա մի քանի խազ է քաշում թե չէ, ով ինչ արած է չինում, իսկույն ասում է: Եղունգն էլ մի խորամանկ տնտեսություն է: Հնարագետ շինդարի համար, էլ թղթի ծախս չի անիլ: Նա, ասում

են, եղունգի վրա մի քանի խազ է քաշում թե չէ՝ իր ուզած կնիկը փողոցով անց կենալիս բոլոր խալիսի միջին տկրովում է, հենց իմանում է, թե ինքն է եվան՝ դրախտի մեջ կանգնած: Նրա աչքին, ասում են, ոչ մի մարդ չի երևում, ականջը ոչ մի ձայն չի լսում, հենց իմանում է, թե դրախտի մարմարե ավազանների մոտն է կանգնած, մերկանում է, որ լողանա...

էս դեռ ոչինչ. անշունչ առարկաների վրա էլ է ներգործում նրանց արած գրի գորությունը: Ասում են՝ մի շինդար խալիփա իր աշակերտի մորը հավանել է. աշակերտին սովբեցրել է, թե՛ «Որ գնաս տուն, մորդ գլխի մազիցը մինը թաքուն պոկիր, բեր»: Միամիտ աշակերտը որ գնում է տուն, մերը գլուխը լվանում է եղև. ձեռքը մեկնում է, մի մազ պոկում: Խորամանկ մայրը հասկանում է իսկույն, իմանում է, որ քանի միջին բան կա, չի խոսում, բայց կրեխի ձեռիցը մազն առնում է, մտնում տուն, մի գոմշի կաշվից մի մազ է պոկում ու տալիս տղին: Երեխեն մազը տանում է վարժապետին է տալիս, ասում է՝ «Մորս գլխիցն է»: Վարժապետը գործ է դնում մազը թլիսմի հետ, մեկ էլ տեսնում են՝ հրես... ս՛վ հրաշք... գոմշի կաշին գեղամիջովը թրախկ հա թրախկ, վազում է սիրահարված ու գծված դեպի շինդար խալիփի տունը...

— Ո՛հ, ի՞նչ ծիծաղ կլիներ, թե որ ըզորթ լիներ,— ասաց Մանվելը ծիծաղելով...

— Հապա՛... էսպես հազար ու մեկ առասպելներով ժողովրդի մեջ բույն է դրել սնահավատությունը: Բայց դու զարմանում ես, ասում ես՝ ինչի՞ են հավատում: Միտդ չէ՞, թե մենք ինչպես էինք հավատում թասի մտիկ տվող պառավին Շամշուլդու բերդումը:

— Ծշմարիտ որ... Ասենք մենք երեխա էինք, չէինք հասկանում, բայց զարմանալին էս է, որ պառավներն ավելի են հավատում: էդպես բաներով լիքն են մեր գեղերը, էլ ասեղ վեր գցելու տեղ չկա, էնպես է տարածված նախապաշարմունքը: Նստում են, թե վեր կենում, ուտում են, թե հագնում, երազ են տեսնում, թե մի անսովոր բան, փոշտում են, թե հազում, աչքն է խաղում, թե գլուխը ցավում, բայց ուշն է ծվծվացնում, թե շունը ոռնում, աղվես է պատահում, թե նապաստակ, մի խոսքով՝ էլ շար աչք ասես, շար հրեշտակ ասես, ամեն բանում, ամեն քայլափոխում մի նոր փորձանք են ստեղծում իրանց համար ու տխրում, տրտմում: Խելոք մարդկերանց համար կարելի է դրանք ոչինչ բաներ են, բայց այդ

խելոքները չեն իմանում, որ էդ ոչինչ բաները մի-մի ախտ, մի-մի ցավ են: Վերջիններ հենց խաչի ղուլերին, նզավող հարսներին: Մեզ մի ճոն հարևան ունինք, խեղճը քանդվել է իրա կնկա ձեռքը՝ շատ էս խաչն ու էն խաչը տանելով: Ես ինչպես տեսնում եմ, էս քաղցրիք ա՛վելի են հիմար, քան թե մեր գեղցիք: Արություն, դու նզավող հարս չես տեսն՞լ: Տեսնես դրանք ճշմարիտ խոսելու ցավ ունի՞ն, թե՞ շինդարների պես դրանք էլ են խաբում:

— Դրանք երեք տեսակ են, իմ տեսածների համար եմ ասում. կարելի է շատ տեսակներ կան: Մի տեսակը կա, որ միայն նզավում է իսկապես և ոչինչ չի խոսում: Մի տեսակ էլ կա, որ աստված հետո տանե. տեսնելիս մարդ զարհուրում է: Նրա մարմնի մեջ ընկնում է մի սոսկալի ցնցում, դող. ձեռք ու ոտքը էնպես են ցնցվում, շարժվում շուտ-շուտ, որ խելքը գլխին մարդը իր կամքով, որքան կուզի ճարպիկ ու արագաշարժ լինի, չի կարող էդպիսի շուտ-շուտ շարժել: Նոր մորթած հավն ինչպես է թեպրին տալիս կամ նոր մորթած ոչխարն ինչպես է շարժվում, գողզողացնում ոտները, ահա էդպես շարժվում են նրա բոլոր անդամները: Բայց շատ չի քաշում, միայն կես ժամ, ավելի չէ: էդպեսները առաջ ապշում են, հետո սկսում են երգել, բայց հետզհետե երգի եղանակը փոխվում է, սկսում են օռնալ, ղլղացնել, բլբլացնել, հետո սկսում են ձեռք ու ոտքը գետնին զարկել կամ ձեռներով իրանց կործարի խփել: Դա շատ քիչ է պատահում, բայց պատահած ժամանակ փորձառու մարդիկը ձեռք չեն տալիս, չեն բռնում, գետնի, որ բռնեն ինչն ավելի վատ է: Տանջանքն անցնելուց հետո նա խսկուն ուշքի է գալիս, կարծես խոր քնից կամ մի զարհուրելի երազից: Ուրիշ բան չեն զգում, բացի հոգնածությունից: Բայց երբորդ տեսակը մի կատարյալ հարսանիք է, մի ճարպկություն, խորամանկություն է՝ ուրիշ ոչինչ: Ներկայացրու քեզ մի տուն: Նրա մեջտեղը յորդան դռակի մեջ ձգվել է մի սիրուն, շարմաղ կամ մի դեղնած սփրթթնած բռշի կերպարանքով, մարդիցը գծրճ մի հարս, կամ տանը մնացած մի պառավ աղջիկ: Թաղի կանախքը, հարսներն ու աղջրկերքը հավաքվել են տունը լցվել, որ կենդանի մեռելի սուգն անեն. և հենց սգում էլ են շատերը: Հարսի մարդը գլխավորեր կանգնել է, ձեռները խաչ արել, վիզը ծռել, մի խոսքով՝ իր դեմք ու կերպարանքին մի այնպիսի տեսք է տվել, որ կասես իր կյանքի վերջին րոպեն եկել հասել է, հիմի ուր որ է պիտի դատավճիռը կարգան երեսին ու տանեն կախ տան, խեղդեն: Հենց էսպես էլ պատահում է:

հում է: Հարսն սկսում է մի քիչ շարություն անել, իր երեսին սիլլա է տալիս, մագերիցը քաշում: Մոտը նստող կանանիքը շուտով ձեռներիցը բռնում են, նա էլ իբր թե ակամա հանդարտվում է: Ուղարկում են Նարեկի, Ավետարանի հետևից, որ գլխի տակին դնեն, ով մի աղոթագիրք ունի, մի աստվածաղերս, մի եփրև-նորի, մի Կիպրանոս կամ մի թխսիմ, մի բժժանք, բերում են գլխի տակին դնում: Պատերին մոմեր են վառում իր հասակի երկայնությունով, խունկ են ծխում, կասկարանքը ոտնիվեր են դնում, շամփուրը կամ մի բոռամեխ գետնին ցցում: Հարսը որ տեսնում է իրան անհոգ չեն թողում, ամեն բան պատրաստեցին, կատարեցին, բոլոր թամաշավորները հավաքվեցան, այնուհետև սկսում է խոսիլը... — Կորե՛ք, կորե՛ք, անիծվածներ, իմ աչքը ձեզ չտեսնի... Ես քու աչքերդ կհանեմ, անզգամ, էլ լայնդ չես անում մոտս գառ հա՛... Զեն թողնում հա՛... Ո՛վ չի թողում... մարդդ չի թողում, հա՛... Ես դրան նշանց կտամ. դրա աչքերը կհանեմ. շոքեշոք մոտս կբերեմ. դա շատ է կատաղել. էլ ո՛չ խաչի է հավատում, ո՛չ նրա ղուլին... քեզ թակում է, հա՛... Ես դրան թակել նշանց կտամ. ես դրան էնպես թակեմ, որ օխտը տարի տեղիցը վեր չկենան... էհե՛՛, ա՛յ քիթը ծուռ կնիկ, ինչի՞ ես խախի միջին ասել, թե Ագիգը (հարսի անունն է) իրանց բաղվանչու հետ շատ է բարեկամացել. եկ իմ կշտին շոքեշոք մեղա ասա, թե չէ՛ քու. տունն ու տեղը կհանգցնեմ, ծուխդ կկտրեմ... Ախչի՛, Եղթան, գու ինչի՞ ես խեղճի (հարսի մարդու անունը) հետ քլփշ... Հենց իմանում ես, ես չեմ տեսնում, հա՛...

«Վերջապես էլ ինչ երկարացնեմ. դու ինքդ էլ կլինիս տեսած. գեղ չկա, որ սրանցից մի քանի հատ շինին: էսպես շարունակում է դարդոտ հարսը, մեկին սպառնում է խաչի բերանով, մեկելի մեղքերը երեսով տալիս ամենի մոտ: Զբերք ու հիվանդատ կանախքն էլ հարսի ոգևորված դելը տալիս ժամանակը, կամաց-կամաց, երեսներին խաչ հանելով, գնում են կողքումը նստում, մատիցը բռնում, որ իրանց դարդի, իրանց ցավի համար խաչը մի բան ասի իր գուշակող հարսի բերանովը: Նա էլ որին հույս է տալիս, որի վրա բարկանում է, մինչև ամեն խաղ հատնում է, հետո թուլանում է, սուտ քուն է դնում իրան: Հավաքվածներն սկսում են քաշվիլ պատժուն փառք տալով, սուրբերին խունկ ու մոմ, մատաղ խոստանալով... էսպե՛ս, հապա՛, Մանվել: Էնդուր է ասել խեղճ Աղասին, թե «աստված, քո փառքը շատ բլի. էլ ո՛ւր ենք ասում, թե մարդը քո սուրբ

հողին ունի, երբ որ նրա միտքը քարից պինդ ա, գլուխը հաստ»։ Էնքան բաներ եմ տեսել, Մանվել, որ հիմի դժվարս գալիս է թե հավատամ, որ ճշմարիտ տեսած կլինիմ, ասում եմ, երևի լավ շեմ նկատել։ Ինչպե՞ս կարելի է, որ բանական մարդը էսքան անխելք լինի։ Էս նղավող աղջկերբը էլած սուրբերը քիչ են համարում, նոր-նոր սուրբեր էլ են գնում։ Մեկ անգամ էսպես մի նոր խաչի պատահեցա ուխտավորներով լիքը։— Էստեղ ես առաջ սուրբ շեմ տեսել, ասացի, էս որտեղի՞ց լիս ընկավ։ Թե՛ բաս շես ասի՝ Առուշանանց Եղսանն է գտել։ Եղսանին ինքս տեսա, հարցրի, ասում եմ՝ «Գտած խաչիդ անումն ի՞նչ է. թե՛ «Աստվածածին է»։ «Ինչի՞ց գիտես»։ «Երազումս եմ տեսել»։ «Ինչպե՞ս տեսար»։ «Էրկեն սպիտակ մորուքով մի ծեր մարդ էր»։ «Ախի՛, Աստվածածինը տղամարդ հո չի՞, որ մորուք ունենա»։ «Դե ես ի՞նչ անեմ, ինքն ասաց, թե Աստվածածինն եմ, էս էլ իմ Ծաղկավանքն է, պիտի շինել տաս»։ Նրա ասած վանքատեղն էլ մի ավերակ թուրքի մատուռ էր։

Հապա՛, Մանվել, իզուր չի Աղասին արտասուքն աչքերին ասում. «Մարդս որ ծնվում է, մեկ գունդ մսից ավելի ոչինչ չենք տեսնում. տարիք են անց կենում, որ քիչ-քիչ ոտն է ըլում, քիչ-քիչ լեզու, ուշ ու միտք գալիս... Բայց վա՛յ էն էրեխին, վա՛յ էն ազգին, որ աչքը էնպես գոգում բաց կանի, որ լսի տեղ խավար կտեսնի, աչքը բաց՝ դուզ ճամփեն կթողա, քարեքար կընկնի. վա՛յ էն ազգին. որ բնական օրենքը կթողա, անբնականին կհետևի, որ էնպես խրատ տվող չի ունենալ, որ նրան հոգի տա, և ոչ հոգին էլ հանի։ Յարար որ լավ կարդացնող էր էլել, էրեխեքանց ջոկ, ժողովրդին ջոկ, գիշեր-ցերեկ խրատ էր տվել, կարդացրել, լուսավորել էր. հիմիկ մեր ազգը է՞ս հալին կլիներ, է՞ս տեղը կընկներ»...

— Իհարկե, էն ժամանակն էլ էսպես չէր լինիլ,— ասաց Մանվելը,— բայց ո՞ր են մեզանում նրա ուզած կարդացնողները. էլածներն էլ ավելի խավար են տարածում. քան թե լույս, ունքը շտկելու տեղ՝ աչքն էլ են հանում։ Գնանք, գնանք, Արուսիյուն, վեր կաց գնանք, մտքն ընկնում է... Մենք մեր դարդը թողած՝ գեղցոնց վրա ենք միտք անում, նրանց դարդն ենք քաշում...

— Մենք ի՞նչ դարդ ունինք, փառք ասուածո,— ասաց Արուսիյունը և սկսեցին բաշվիլ դեպի տուն։

— Ինչպե՞ս թե ինչ դարդ ունինք։ Շորերս մաշվել է, գրթի փող չկա։ Ախպերքս չեն օգնում, հերս կենդանի չէ, ուտելիք չեն ուղարկում, որ գոնե կերածս աչքներին չերևա։ Դու հո լավ գիտես սրանց

բնությունը, մարդի բերնի թիքեք համբրողներ են։ Խեղճ քույրս իր կարավարձը դիփ ինձ վրա է մսխում, բայց դրանով ի՞նչ պիտի դառնա։ Դու էլ հո իմ օրումն ես, էլ ինչո՞ւ ես ասում, թե դարդ չունինք։ Դե արի խելք խելքի տանք, մտածենք, տեսենք ի՞նչ պիտի լինի մեր ճարը։

— Ես շատ եմ մտածել, Մանվել, բայց ոչինչ հնար չեմ գտել։ Էգուց գնանք Օվակիմի մոտ, նա փորձված մարդ է, կարելի է մի ճանապարհ ցույց կտա մեզ։

Ազատ մտածելու առաջին քայլը երկմտելն է։ Մարդ մինչև չերկմտի, թե ուղի՞ղ է արդյոք իր այս կամ այն համոզմունքը, չի էլ կարող նրա սուտն ու ճշմարիտն իմանալ, և ոչ ուրեմն ինքնաճանաչության կգա։ Բայց երկմտելն այնքան հեշտ բան չէ. դա հարկից մեկի հետ չի պատահում։ Երկմտությունը մի տարակուսություն, մի կասկած է հառաջ բերում, հետո դառնում է մի հուզմունք, մի խռովություն և ի վերջո մի պատերազմ, որ անխնա քարուքանդ է անում դարերով սրբացած մի մտավոր ու բարոյական աշխարհի բոլոր խախուտ շենքերը։ Այդ պատերազմն այնքան ահեղ է լինում, որքան պատերազմողը ինքն իրան մինչև այն օրը խաբված է համարում, որքան նա զգում է, որ ինքը մի ստրուկ, մի գերի է եղել։ Մեր պատանիները դեռ չէին հասել այս աստիճանին, դեռ նոր էր ծլում մանանխո հատը նրանց մատաղ ուղեղի մեջ, նրանց պահանջը դեռ շատ փոքր էր։ Բայց Արուսիյունի մեջ ապագա կովասեր զինվորի նշաններն երևում էին արդեն։ Մի ծայրահեղությունից դեպի մյուսը թռչելու հակումն ուներ նա։ Տեսնե՛նք։ Տարբախտաբար նրանք ապրում էին մի այնպիսի ժամանակ, երբ ուսումնասիրությունը մի անհրաժեշտ պահանջ չէր. երբ չքավոր աշակերտներին օգնելու, կարեկցելու սովորություն չկար. երբ չկար գնահատություն շնորհքի, տաղանդի, և հանձարի տեր մարդը համարվում էր խելագար կամ, առնվազն՝ հերետիկոս։ Ամեն ոք ինքը պետք է իր համար ճանապարհ բաց աներ հայկական խոպանացած անդաստանի վրա, և այդ էլ շատ քչերին էր հաջողում...

ՕՎԱԿԻՄԻ ՓԻԼԻՍՈՓԱՅՈՒԹՅՈՒՆԸ

Առավոտյան ժամի տասնին Օվակիմը նոր արդեն վեր էր կացել տեղիցը և խալաթը հագին՝ գրասեղանի մոտ նստած՝ թեյ էր խըմում. բայց ընկղմած լինելով մի խոր մտածություն մեջ, թեյը նրա աչքին չէր երևում:

Նախընթաց երեկոյին մինչև կես գիշեր նա մի նոր գիրք էր կարդացել և նրանում գտնելով իր իսկ մտածմունքների հաստատությունը՝ սկսել էր ավելի ևս հափշտակվել և հիմա էլ դեռ նրա վրա էր մտածում և ինքն իրան մոմոում, խոսում, ողևորվում: Վերջապես երբ նրա խելքն ու միտքը մի ճարտար հռետորի դեր սկսեցին կատարել, նա այդ միջոցին տաք թեյի լիքը բաժակը թերատ կարծելով՝ հանկարծ վրա բերավ թե չէ՝ այնպես վեր թռավ տեղիցը, ինչպես տաք ջուր գլխին ածած...

— Վա՛յ ես քու շայ մոգոնողին ի՞նչ ասեմ,— ասաց Օվակիմը բերան-մերանը սրբելով, բայց չկարողանալով թուշլ տալ իր մտածությունը, որ իրան սաստիկ գրավել էր, սկսավ սենյակի մեջ անց ու դարձ անել ու ինքն իրան խոսել: Ցույց տալու համար, թե ինչպես էր Օվակիմը երբեմն ինքն իրան դելը տալիս, մեջ բերենք նրա այժմյան կցկտուր և խառնափնթոր դատողությունը: Սակայն պետք եմ համարում առաջուց ասել, որ Օվակիմը մեծ ուսում չուներ, և ո՛վ ուներ այն ժամանակ մեծ ուսում, որ նա ունենար: Նա իր ժամանակի ընթերցասեր և ընթերցասիրություն տարածող մարդկանցից մեկն էր: Օվակիմը և ուրիշ մի քանիսը անձամբ կամ գրավոր հարաբերություն ունեին իրանց ժամանակակից ուսումնական և բանասեր հայերի հետ, ինչպես Քաղիադյանցի, Աբովյանցի, Շահնազարյան Կարապետ վարդապետի, որոնք մասամբ նոր ուղղության տեր էին և այդ ցույց էին տալիս ոչ այնքան իրանց ապագություններովը, որքան բերանացի խոսելով և նամակագրությունով: Օվակիմը Քաղիադյանցի գրավոր աշխատությունների չերմեռանդ տարածողն էր. նա երբեմն աշակերտակից էր եղել և. Աբովյանցին և վերջերումը նրա մերձ բարեկամներից և համակրողներից մեկն էր: Այսպես՝ մեր Օվակիմը մի ուսումնասեր մարդ

էր և ոչ ուսումնական: Նա վերացական խնդիրների վրա մտածող մարդ չէր, նա գիտնական չէր և ոչ բանաստեղծ: Նրա փիլիսոփայությունը վերաբերում էր առօրյա կյանքի երևույթներին, բայց նա այդ երևույթները շատերի նման մի պատահական բան չէր համարում և ոչ մի աներևույթ ձեռքում խաղալիք, այլ նշմարում էր նրանց մեջ մի անխախտ օրենք, եղած դժբախտությունները համարում էր անհրաժեշտ շարիֆներ, որովհետև դրանք նույն օրենքի ազդեցությամբ էին կատարվում, ինչպես և բոլոր բարիքները նրանից էին հառաջ գալիս: «Չկա, ասում էր նա, աշխարհիս երեսին ոչ մեղավոր և ոչ արդար մարդ»: Ասում էր՝ «Մեղավորը մեղավոր չէ, որ ինքը մեղավոր է, և ոչ արդարն է արդար, որ ինքն արդար է»: Ահա այսպիսի մի տարօրինակ ոճ ուներ Օվակիմի փիլիսոփայությունը:

... Այն՛, այն՛, ո՞վ կարող է սրա ընդդեմ բան ասել. այս անհերքելի ճշմարտություն է. այսպես խոսում էր ինքն իրան Օվակիմը: Ո՞վ ինչպես կա՛ կա. նա ուրիշ կերպ լինել կարող չէ. ուրեմն «մեղադրել» և «գովել» բայերը պետք է իմ մտքի քերականությունիցը հեռանան: Պիտի ասեն՝ «Եթե մեղադրել կամ գովել կարելի չէ, էլ ի՞նչ ասել է ուրեմն դատաստան, դատապարտություն, վարձատրություն, շար և բարի, մոլություն և արդարություն, վերջապես դժոխք և արքայություն»... «Եղբայր սիրելի, կասեի ես այդպես ասողին, դու իմ գլխին Նարեկ մի՛ կարդար, ես խենթ չեմ. դու առաջ լա՛վ հասկացիր, տես ես ի՞նչ եմ ասում: Իմ ասելս այն է, որ մարդուս կյանքը մեկ է, և նրա նպատակը մեկ: Բայց ի՞նչ է նրա նպատակը: Չգիտե՞ս: Շատ լավ: Ինչո՞ւ է ծնվել: Էլի չգիտես: Բայց ի՞նչ կա այստեղ չգիտենալու: Չգիտես նրա համար, որ շես ուզում գիտենալ այն, որ կարող ես գիտենալ, բայց ուզում ես այնպես բան գիտենալ, որ ոչ ոք չի կարող գիտենալ: Ծնվել է երեսխան. այստեղ հարկավոր չէ փիլիսոփայություն. նա ուսել կուզի, նա ապրել կուզի. նա ծնվել է ապրելու համար:

«Ամենայն կենդանի բնականաբար, աստվածային անխախտ օրենքով, նրա մի անգամ ընդմիշտ դրված հրամանով, պետք է մի գործով զբաղի, մի նպատակի դիմե. այն է՝ աշխատի ապրել, որովհետև նա ստեղծված է ապրելու համար: Չապրել՝ կնշանակե ընդդեմ ֆնալ ստեղծողի կամքին. բայց այդպիսի ընդդիմություն չի ցույց տալ ոչ մի էջ, ոչ մի գազան, ոչ մի թռչուն, այդ տեսակ հիմարություն միայն մարդը կարող է անել, բայց ոչ առողջամիտ

մարդը: Մարդը բանական կենդանի լինելով՝ առավել ևս ընդունակ է հեշտությամբ բարեւալացնելու իր ապրուստի հնարները: Այս նրա ճակատագիրն է, այս նրա նպատակն է. քաղցածությունը մի խթան է, և նրան միշտ կստիպի ուտելու բան ձեռք բերել ապրելու համար:

«Ամեն ինչ առուտուրի պես մի բան է: Ո՛ւմ ի՛նչ պետք է, էն կանեն, ո՛վ ի՛նչ ունի՝ էն կծախեն: Կպատահի, որ ոչ անող լինի, ոչ ծախող. կպատահի, որ ծախողի ձեռքերը մի անգին մարգարիտ լինի, բայց ոչովի համար նա մի բան չարժենա: Ո՛վ կուզի որ իր աչքը կույր լինի. ամեն մարդ էլ իր կարողության շափ աշխատում է լավ ապրել. մեկն ուզում է աղա դառնալ, մյուսն ուզում է ստըրկությունից ազատվել, մեկն ուզում է շատ փող հավաքել, մյուսն ուզում է լավ ուսումնական դառնալ, մեկն արհեստ է սովորում, մյուսը մշակությունով է բավականանում: Ամենքը միեւնույն բանը դառնալ չեն կարող և չեն էլ մտածել այդ մասին: Կյանքի մեջ ինքն իրան մի տեսակ հավասարակշռություն է պահպանվում: Ի՞նչ կըլինեն, եթե ամենքն էլ փափախ կարող լինեին կամ ամենքն էլ կոշիկ կաշեին: Այն կլինեն, որ փափախ կարելիս փափախը կէժանանար, իսկ մյուս կողմից կոշիկը կթանկանար, այնուհետև փափախ կարողների կեսը կոշկակար կդառնար: Բայց և այնպես հետզհետե բան գիտցող մարդկանց թիվը այնքան շատանում է, որ մի տեղ մնալով՝ սկսում են իրար հաց կտրել, իրար դուրս մըղել, սփռվել, տարածվել: Այդ ցրվելովն է, որ թե՛ արհեստ է, թե՛ ուսում է, թե՛ մի պտուղ է, թե՛ մի բույս է՝ հետզհետե տարածվում է ամեն տեղ:

«Ճշմարիտ է, մարդուս կյանքը կախում ունի ինչպես բնական, նույնպես և դրական օրենքից: Եթե մարդս իր ապրելու տեղը փոխե, ընկնի իր առաջվան բնակած տեղին շնաման մի տեղ, անհնարին է, որ այդ հանգամանքը նրա ապրելու կերպի մեջ մի փոփոխություն չձգե: Նմանապես եթե նրա դրական օրենքները փոխեն, դարձյալ անհնարին է, որ այդ նրա մտածելու կերպի մեջ մի փոփոխություն չձգե: Բայց այդ փոփոխություններ անելը այնպես հեշտ չէ, որ երբ կամենաս՝ փոխես: Կյանքի հանգամանքները զուռնի ծակեր չեն, որ երբ ուզենաս՝ փչես և ինչպես ուզենաս՝ այնպես ածես: Բոլոր փոփոխությունները, որ պատահում են մի ժողովրդի մեջ, կախումն ունին ժամանակից, նրա հասունությունից, զանազան արտաքին և ներքին հանգամանքներից: Եթե

այս բոլորն այսպես է, ուրեմն մարդս չի կարող չլինել այնպես՝ ինչպես նա կա: Հովիվ է արդյոք թե ճգնավոր, միլիոնատեր է թե չքավոր, գիտնական է թե տգետ, դրանք ամենքն էլ մի գին պիտի ունենան իմաստուն դատավորի առջև. դրանց ոչ մեկը գովական չէ և ոչ արհամարհական, մեկը մեղավոր չէ և մյուսն արդար, որովհետև դրանց ոչ մեկը և ոչ մյուսը չլինել այն՝ ինչ որ են, չէին կարող:— Բայց բարեկրթված մարդը ավելի առաքինի կլինի: Իհարկե— Բայց մեկը որ գողություն է անում, նրան չպե՞տք է պատժել:— Նա է՛լ բարեկրթված է:— Ո՛չ:— Ուրե՞մն, պետք է այն մարդին, որ մեկին բարեկրթել է, իսկ մյուսին ոչ՝ նրան էլ գողի հետ ի միասին պատժել: Երբ որ գիտես, թե բարեկրթ մարդը գողություն չի անիլ, ինչո՞ւ ամենին էլ չի բարեկրթել...»:

— Ուրեմն...

Այս միջոցին Օվակիմի դուռը բախեցին դոսից:

— Նե՛րս եկեք, ո՛վ եք,— ասաց Օվակիմը և գրասեղանին մոտենալով՝ մի գիրք վեր առավ և սկսեց շուռ ու մուռ տալ նրա թերթերը:

Դուռը բացվեց, և ներս մտան Արությունն ու Մանվելը:

— Բարո՛վ, բարո՛վ,— ասաց Օվակիմը մի ձեռքով մինի՝ մյուսով մյուսի ձեռքը սեղմելով և ապա հրավիրեց նստել, և մի փիլիսոփայական հայացք տալով իր ճաղատ ճակատով դեմքին՝ սկսավ հարց ու փորձ անել:

— Ինչպե՞ս եք, ուսմունքներդ ինչպե՞ս է առաջ գնում: Լսեցի, որ ձեր ուսումնարանի մեջ խառնակություն է պատահել, աշակերտներից շատերը ցրվել են, կարծեմ դուք էլ չեք ազատ մնացել էդ հալածանքից: Ես ուզեցի էդ մասին մի բան գրել, մի քանիսին մեղադրել, բայց մեկ էլ լռեցի, երբ ինձ ու ինձ միտք արի, տեսա, որ ինչ որ պատահում է, չի կարող չպատահել. եթե երբեմն էլ պատահմունքի առաջքն առնվում է, այդ ևս չի կարող այդպես չլինել: Բայց եթե կրննես գործի բուն եղելությունը իր բոլոր շրջապատ ազդեցություններովն ու պատճառներովը, բերնիդ էնպես կիսիեն, որ լեզուդ հավիտյան կկտրես: Ուրեմն, դեռ ժամանակը չի հասել: Ասած է՝ «Ժողովուրդը որ հավաքվի, գերան կկոտրի», բայց մեր ժողովրդի գլուխը որ հաստ է, իրան իրավունքն ու պարտականությունը չի ճանաչում, իր լավն ու վատը չի հասկանում, սուտը ճշմարտի տեղ է ընդունում, ճշմարիտը՝ սուտի տեղ, էլ ի՞նչ ասես, էլ ո՛ւմ խոսք հասկացնես: Թեկուզ իմաստունին մի հիմար բան

ասած, թեկուզ հիմարին՝ մի խելոք բան. երկուսն էլ մեկ է: Իմաստունը հիմար բանի վրա կծիծաղի, հիմարը՝ խելոք բանի: Հայր օրուցը չի պահել, թուրքը՝ մեծ պաս: Ինչ որ մեկի համար սուրբ է, մյուսի համար պիղծ է: Թուրքն ևս նույնքան առողջ դատողություն ունի, ինչքան և հայը: Բայց ոչ մեկը չի կարող չլինել այն, ինչ որ է: Ով ինչ կարող է լինել, չի կարող չլինել, ով ինչ կարող է անել, չի կարող չանել: Ազգասեր մարդը չի կարող ազգասեր չլինել, ինչպես որ բարակացավ ունեցողը չի կարող չունենալ այդ ցավը: Ոչ ոք թող չպարծենա, թե՛ ես այս արի և այն շարի, որովհետև նա չէր կարող չանել, ինչ որ արավ, և անել՝ ինչ որ չարավ: Սրա պատճառը պետք է փնտրել նույն մարդի մտքումը, հոգումը, մարմնումը, նրա շրջապատ դրողը հանգամանքներումը. բայց այս դեռ բավական չէ, պետք է փնտրես նրա հոր մեջ, մոր մեջ, պապի, ապուպապի, տատի, ատուտատի և այլն, մինչև կհասնես Ադամին ու Եվային, հետո էնտեղից ետ կդառնաս նոր մեկանց ու կամաց-կամաց, ուշի ուշով, մեծ հետաքրքրությունով ու նկատողությունով առաջ գալ, քննելով նրանց եկած ճանապարհը, որ տեսնեն նրա նախնիքների գլխով ինչե՞ր են անց կացել, որտե՞ղ է նրանց ոտը փուշ մտել, որտե՞ղ ձեռքը կամ ոտքը կոտրվել, որտե՞ղ ինչ արել, ի՞նչ խոսել, ի՞նչպես մտածել, ինչի՞ց զրկվել, ի՞նչ ավելացնել և այլն և այլն: Ինչիցե, իմ խոսքը ձեր ուսումնարանի վրա էր, բայց ես հեռու գնացի. երևի չէի կարող չհեռանալ: Ձեր վերատեսուչը մի շատ պարկեշտ ու բարոյական մարդ է, կարծես հին Հունաստանից եկած մի նոր Սոկրատ լինի: Խոսք չունիմ, բավական խոհեմ ու գիտնական մարդ էլ է, բայց շատ է խեղճ: Թեպետ էս էլ պետք է ասեմ, որ թեկուզ խեղճ էլ չլինի, էդ դազանների մեջ ոչինչ չի կարող անել: Շատ ափսոսացի, որ հրաժարվել է կամ հրաժարեցրել են: Հապա դուք ի՞նչ էիք անում մինչև հիմա կամ ի՞նչ եք մտադիր անելու այսուհետև:

— Ինչպես որ դուք խորհուրդ կտաք, մենք էլ էնպես կանենք,— ասացին մեր պատանիքը միաբերան, որ մինչև այն բուպեն լուռ ու մունջ և ուշի ուշով լսում էին Օվակիմի խոսքերը և տեղավորում իրանց մտքի մեջ, որ հետո իրանք էլ նույն խոսքերն ուրիշներին ասեն և լուսավորեն ժողովրդին...

— Ես թեպետ սիրում եմ զանազան խորհուրդներ տալ մարդկանց, բայց ձեզ պես անփորձ մարդկանց խորհուրդ տալը երբեմն անօգուտ է և երբեմն վտանգավոր: Ես երբ որ ձեռք չափ էի, շատ

խորհուրդ տվողներ ունեի, բայց չէի կարողանում կատարել նրանց խորհուրդները: Ես շատ լավ գիտեմ, որ դուք չեք կարող չլինել այն, ինչ որ լինելու եք, բայց թե ի՞նչ եք լինելու, առաջուց գուշակել չեմ կարող: Ես չգիտեմ ո՞րքան է ձեր մեջ ուսման սերը. կամ ուրիշ ի՞նչ բանի ձգտում ու հակումն ունիք: Մեր աշխարհքը խավար, կեղտոտ աշխարհք է. դուք դեռ ծանոթ չեք այդ աշխարհին, և չարժեք ծանոթանալ. այդ դեռ վաղ է ձեզ համար: Ես հիմա մեկ խոսք կասեմ ձեզ. դեպքեք, համոզեցեք ձեր ծնողներին, ձեր եղբայրներին, որ ձեզ օգնեն: Ավարտեցեք ձեր ուսման ընթացքը, հասունացրեք ձեր միտքը, այնուհետև կարող եք ձեզ համար ապրելու վիճակ ընտրել: Ի՞նչ պիտի լինի ձեզ վրա անելիք ծախսը: Եթե տարին մեկ օրավար ցանեն ձեզ համար, նրա արդյունքով դուք կհոգաք ձեր բոլոր ծախսերը: Ճշմարիտ է, նրանք կուպիտ մարդիկ են. մեկի հայրն է ասում՝ տղես կփչանա, էլ ինձ չի մտիկ տալ, մյուսի եղբայրքն են ասում, թե նա իր համար տղա պիտի դառնա, մենք էստեղ կոռ ու բեգլար քաշենք, ջանը դուրս գա, թող ինքն էլ զա մեզ հետ աշխատի: Հին նահապետական նախաձեռնություն, ատելություն, սեր չկա, բան չկա... Ես ձեզանից լավ եմ ճանաչում ձերոնց. անխելք, անպետք մարդիկ են, բանական մարդու վսեմ զգացմունքներից զուրկ են, մարդակերպ կենդանիներ, զազաններ են... բայց ի՞նչ արած. ուրիշ կերպ լինել կարող չեն, հանգամանքները դրանց էդպես են կազմակերպել: Դրանց պետք է շողոքորթել, չպետք է ծիծաղել նրանց կուպուտության, կեղտոտության, սնահավատության վրա, գուցե դրանով շահեք նրանց սիրտը: Առհասարակ՝ իմացած լինիք, որ քոռին եթե խուլ ասեք, նա չի նեղանալ, բայց եթե քոռ ասեք, այդ միևնույն է, թե դանակով հանեք նրա աչքը: Յավագար տեղին չեն դիպչիլ: Էսպես:

— Ուրեմն ես վաղը կերթամ: Սայլով ուխտ գնացողներ կան դեպի մեր կողմը, նրանց հետ կերթամ,— ասաց Արուսյունը:

— Մեր գեղիցն էլ այլուր ծախողներ են եկել, ես էլ նրանց հետ կերթամ:

— Աստված բարի ճանապարհ տա,— ասաց Օվակիմը և ճանապարհ ձգելով պատանի մարդոցը՝ ինքն ընկավ մի խոր մտածություն մեջ և հետո բացականչեց.— Մտեք աշխարհ, անմեղ հոգիք, դուք չեք կարող ձեր գլխի անցքերի առաջն անել... ուսում էլ առնեք՝ ի՞նչ պիտի դառնաք, ավելի վատ ձեզ համար... Ավելի լավ չէ՞ր լինիլ, որ բնավ չճաշակեիք այդ բարվոք և շարի գիտու-

թյան ծառի պտղից, որից հետո մինչև այժմ ձեզ դրախտ երեցած աշխարհս պիտի դժոխքի կերպարանք ստանա...

— Արություն, արի գնանք էսօր մեր տանը մի լավ քեփ անենք, Մեր տանեցիք բոլորն էլ գնացել են ուխտ, մենակ քուրս է մնացել տանը. Օսանին էլ կկանչենք մեզ մոտ ու մի լավ քեփ կանենք: Ո՞վ գիտե ի՞նչ կանցնի գլխներովս, շո՞ւտ կտեսնենք մեկ-մեկու, թե՛ ուշ,— ասաց Մանվելը, երբ մի քանի քայլ լուսթյամբ հեռացել էին Օվակիմի տանից:

— Երանի՛ր քեզ, Մանվել, որ դարդ չունիս, քեփն է աչքիդ երևում...

— Տո ինչի՞ եմ դարդ անում, գիժ հո չե՞մ. բա շլսեցի՞ր, որ Օվակիմն ասաց. զոռով բան չի լինիլ. ամեն բան իր կարգովն է գնում. թե որ ուզում ես պատճառն իմանաս, գնա մեր պապ Ադամին հարցրու, որ նրանից մի ուղիղ լուր բերես... Ինչ որ դառնալու ենք, չենք կարող չդառնալ. պրծա՞նք, գնա՞ց...

— Օվակիմի ասածը ճակատագրի պես մի բան է,— ասաց Արությունը.— մեր պառավներն էլ են ասում, թե՛ «Ինչ որ ճակատիդ գրված է, էն պիտի ըլի»: Ասում էլ են, թե՛ «լինելու բանի առաջը չի առնվիլ»... Կամ թե՛ «ինչ որ լինելու է, պետք է լինի, դրան հար չկա»... Բայց կարելի է թե Օվակիմի ասածը ավելի խոր միտք ունի, որովհետև նա ուսումնականի ոճով է խոսում, պատճառներ է փնտրում...

— Արություն, ինչի՞դ է պետք, ինչ ուզում են թող ասեն. մենք էլ որ կմեծանանք, լավ ուսում կառնենք, մենք էլ ուրիշ ձևով կասենք էդ միևնույն բանը, կամ թե չէ՛ կհերքենք բոլորովին. իսկ հիմա, քանի որ գլխներումս գեռ դարտակ տեղ շատ կա, էսօր գրնանք էդ դարտակ տեղը գինով լցնենք, խելքներս զվարթանա, սրտներս ուրախանա. աշխարհքիս դարդը հո մեզ չե՞ն տվել: Մի գլուխ ունինք, ինչպես լինի, կպահենք, նոր չենք հագնիլ. հին կրահագնինք, ո՞վ պիտի մեր ձեռքիցը բռնի, մենք չե՞նք մեր գլխի տերը: Հրեն դազախեցի Մարտիրոսը, որ մեր կիսի շափ բան չի իմանում, վարժատուն է բաց արել, երեխեք է կարդացնում: Դու չե՞ս տեսել նրա վարժատունը...

— Ի՞նչպես չեմ տեսել: Անցյալ օրը պատահեցա. ասում եմ՝ ի՞նչպես ես, ուսումնարանդ ի՞նչպես է հառաջ գնում. թե՛ լավ, փառք աստուծո, կիսին չեմ արժանի. հիսուն աշակերտ ունիմ: Աշակերտներին հայրերը ամենքն էլ շնորհակալ են: Մի կյուրակի

օր մեկն է հրավիրում, մի տոն օր՝ մյուսը. ես էլ սկսում եմ գրաբար խոսիլ, որքան կարելի է՝ խրթին, որ կարծիք չտանեն, թե ես շատ գիտուն չեմ. բայց հիմի եմ ափսոսում, որ ուսերենումը շատ եմ բոբիկ. մտիկ եմ տալիս Իրիցփոլսովի բառարանումը, որ տեսնեմ ո՞ր տառի վրա է շեշտ դրած, բայց մինչև ամեն բառի վրա մտիկ կանեմ, գլխիս մաղը կսիպտակի: Հետո ինձ խնդրեց, թե՛ մեկ արի «Դրուզ դետեյ»-իս բառերի վրա շեշտեր դիր. ես էլ գրնացի, մի քանի երեսի վրա շեշտեր դրեցի. ասացի. «Դու հայերեն սովորեցրու, ուսերեն երբ լինի՛ կսովորեն: Թվաբանություն սովորեցրու, որ հաշիվ անել գիտենան», թե՛ «Թվաբանություն չեմ գիտում»...

— Ի՞նչ թվաբանություն, ի՞նչ բան,— ասաց Մանվելը,— դրանք ոչ մի բան չեն իմանում: Հրեն տիրացու Սարգիսը, կազմարար Մարգարը, երկենամիտք տերտերը... ամենքն էլ վարժատուն ունին, երեխեք են կարդացնում, բայց ի՞նչ կարդացել. մեկ օր մեկի վրա են, մյուս օր՝ կնունքի, մեկ էլ օր՝ մի ուրիշ բանի. էսպես քելեխ ուտելով ման են գալիս, երեխեքը տուն դառած իրար միս են ուտում, իրար շորեր պատուտում: Ի՞նչ վարժատուն, խոզատունը քեզ օրինակ: Օրը մեկ ժամ կամ կես ժամ նստում են մոտեներին, էդ ժամանակն էլ քանոնը ձեռքներն առած՝ դարտակ բղավում են՝ ս... ո՛ւ...ս կա...ցե՛ք... Մի քանի ամիս մի այբբեն են սովորեցնում, մի քանի ամիս էլ մի «անա-բանա» կամ «էն՝ էրթի փուլի, ման՝ օրի բիստի»... Միծաղ է, ծիծաղ, Արություն, տեսնո՞ւմ ես ինչպես մարդիկ են ասլուում աշխարհիս վրա: Էդպեսները որ հաց են գտնում ուտում, մեզ ի՞նչ է էլել, փառք աստուծո, որ դրանց կտանենք շուրը՝ ծարավ ետ բերենք. ինչի՞ ենք դարդ անում: ուրիշ ոչինչ որ չկարողացանք, բա դրանց պես է՛լ չենք կարող մի բան անել...

— Ի՞նչ ես ասում, Մանվել... Մարդ որ էնպես վարժապետ չըլի, որ էս քաղքումը հատը չլինի, էլ ի՞նչ նշանակություն ունի:

— Արություն, աղվեսը որ աղվես է, բերանը որ խաղողին չի հասնում, ասում է՝ խակ է. բայց դու մի աղվեսի շափ էլ չունիս խելք...

— Արջն էլ որ արջ է, Մանվել, երբ որ թաթը տանձին չի հասնում, ասում է. «Լավ, կենա իմ հոր խերին, մի ուրիշը կուտի, իմ հորն օղորմի կտա»... Բայց մի՞թե մենք աղվես ենք կամ արջ. մենք մարդիկ ենք, բանական մարդիկ. մենք պարտական ենք գր-

նալ դեպի հառա՛ջ, հառա՛ջ, օ՛ն անգր հառա՛ջ, մի ձախ, մի աջ, դեպի կատարյալն և դեպի բարին, որ անհրաժեշտ լցուցանելու պարտք է մարդկայինս:

— Օ՛... դու ոգևորվեցար, էլի «Բամ փորոտանն» սկսեցիր... էդպես կանենք ուրեմն, առա՛ջ կերթանք, առա՛ջ, էլ աջ ու ձախ շենք մտիկ տալ, մինչև գլխներս մի պատի կղիպցնենք կամ զըլ՝ խիվայր կընկնինք մի անհատակ ձորի մեջ...

Գ

ՍԵՐ, ԳԻՆԻ ԵՎ ԵՐԳ

— Դե շուտ արա, Հոռոմսիմ,— ասաց Մանվելն իր քրոջը,— շուտ արա սուփրեն գցիր, հիմա ուր որ է Արուսթյունն ու Օսանեն էլ կգան: էսօր պիտի մի լավ քեփ անենք, խաղ, տաղ, Քյոռօղլի, մուխամբազ, դիփ պիտի իրար խառնենք: Մեր Արուսթյունը շատ խաղ գիտե, իրանից էլ շատ ունի ասած, էսօր պիտի մի քանիսն ասել տամ... Դե շո՛ւտ արա, շո՛ւտ (երգում է):

Եղբարք, մի շուրջ ժողովեցեք,
Քաջ հայոց կերպի կոճենքեք,
Թաժակները դարդղեցեք
Մեր հայ ազգի կենացը...

— Հոռոմսիմ ջան, գինի՛, գինի՛. էսօր գինի պիտի խմենք անպատճառ. Արուսթյունին էլ պիտի խմացնեն... Շատ դարդ անող տղա է, կասենաս բոլոր աշխարհի դարդը նրան ըլին տված... էսօր պիտի ուրախացնեն, պիտի քեփը բաց անեն: Դավիթ մարզարեն ասել է իր սաղմոսումը, թե՛ «Գինի ուրախ առնե զմարդ, յուղ զվարթ, իսկ հաց հաստատե զսիրտ մարդո»: Շատ ուղիղ է ասել: Գինին էնպես զորություն ունի, որ նրան տեսողը առանց խմելու էլ ուրախանում է: էնգուր են ասում, թե՛ մեկ իմերել մի էծ է տեսել, շատ ուրախացել է ու ծիծաղել. ասել են՝ ինչի՞ ես ծիծաղում,

ինչի՞ վրա ես էդենց ուրախանում: Ասել է. «էժ տեսնելիս գինին է միտս գալիս, որովհետե գինին դրա տգումն է լինում» (երգում է):

Արաքսա ջրով ցորած,
Հայոց արևով հասած,
Հայոց աղջիկ է քաղել,
Քնքուշ ձեռներով քամել...

— Հրեն գալիս են... շո՛ւտ արա, շո՛ւտ արա, ես դուրս գնամ, Օսանին առք փառք ներս համեցեք անեն: Բարո՛վ, բարո՛վ, Օսանա՛, օրհնյա՛լ, որ գալոցդ ես... համեցե՛ք, համեցե՛ք վերև, էն փափուկ տեղը քեզ համար ենք պատրաստել...

— Ապրիս, ապրիս, Մանվել,— ասաց Օսանան,— ասոված քեզ միշտ էդենց ուրախ պահի, մեր Արուսթյունն էլ քեզանից մի քիչ ուրախանալ սովորի:

— Արուսթյունին ինչի՞ ես մեղադրում,— ասաց Հոռոմսիմը,— դու նրա նման, նա էլ քեզ նման. կասենաս մի խնձոր ըլիք կես արած. երկուսիդ բնությունն էլ մեկ է...

— Սպասիր, սպասիր, Հոռոմսիմ,— խոսքը կտրեց Մանվելը,— ես քեզ մի նոր բան ասեմ: Գիտեք ի՞նչ կա: Ով ինչպես կա, չի կարող ուրիշ կերպ լինել, թե որ ուզում եք դրա պատճառն իմանալ, պիտի երկաթե տրեխներ հագնեք, էն վաղվա մարդի նման, որ աստժու մոտ է դնացել, մե երկաթե գավազան էլ ձեռքներիդ բռնեք, գնաք ձեր տատ Եվայի մոտ, նրան կհարցնեք, նա ձեզ պատճառը կասի... Օվակիմն էսպես շասե՞ց, Արուսթյուն:

Արուսթյունը ժպտաց:

— Հոռոմսիմ, գինին բեր, գինին...
(երգում է):

Այս բերքն է հայոց երկրին,
Հայաստան տնկած նոյնն,
Անմահ, երկնային գինին
Նա խմեց, երբ իջավ սարեն:

— Ինչպե՞ս ես հավանում, Օսանա, լա՛վ եմ երգում, թե չէ...

— Լա՛վ, լա՛վ, շատ լավ ես երգում...

— Դեռ սպասիր մեկ ամեն քան դարսենք սուփրի վրա, մեկ թաս գինի կոնծեն, մեկն էլ Արուսթյունին խմացնեն, որ քեփը բաց

ըլի, ձայն պահի, հետո ավելի լավ երգեր պիտի երգեմ: Տո Արու-
թյուն, ի՞նչ ես ունեցերդ կիտեղ, ձեր տանը հո չե՞նք, քե՛ս արա,
փլավ էլ ունի՞նք, շատ մի՛ մտածիր. «Աշխարհքս հինգ օր է, հինգն
էլ սև»: Պետք է էդ սև օրերը սպիտակացնել, գիտե՞ս ինչով— ըս-
պիտակ գինով. որ ուզենաս կարմրացնել, կարմիր գինով կենեղես,
թե շես հավատում, փորձիր. մի բաժակ գինի որ խմես, աշխարհ-
քումս ինչ կա, չկա, դիփ կսպիտակի... ապա մեկ էս խիզիլալի
համը տե՛ս, էս ձկան հոտն առ... Ո՛ւհ... ո՛ւհ... ո՛ւհ... Արություն,
Արություն, էս խորովածին է՛... թլթլում է... թլթլում... ձեռներդ
ուտեմ, ձե՛ռներդ, Հոռոմսիմ, քուրն էլ ըլի, քեզ նման, քո ստեղծո-
ղին մեռնիմ... մեկ հազարփեշեն տուր... Արություն, ալլա՛հ-վերդի...

- Խմի, վեր դի,— պատասխանեց Արությունը ժպտալով:
- Գիտե՞ս ում կենացն եմ խմում, Արություն, որ գիտենաս,
կիմես իսկույն...
- Ո՛ւմ կենացն ես խմում, դե ասա տեսնենք...
- Նրա՛ կենացն եմ խմում, նրա՛, էն որ ես ու դու գիտենք...
Քույրերն աչքով են անում միմյանց...
- Դե որ «նրա» կենացն ես խմում, մի լավ խաղ էլ որ ասես,
ես էլ կխմեմ:
- Քու հոգուն մատաղ, Արություն, ես քու խաթրը կկոտրե՞մ,
խաղ էլ որ չգիտենամ, աչքդ կդառնամ քեզ համար: Ականջ դրեք,
ականջ դրեք, Հոռոմսիմ, Օսանա, մի մոխամբազ պիտի ասեմ, մեր
Արությունի նոր շինած մոխամբազը պիտի ասեմ. (երգում է).

Բացվել եմ վարդի պես, բայց շունիմ սոխակ.
Սիրահար խոսնակ.
Նրբա տեղ երգում է մի ուրիշ թռչնակ.
Բուի եղանակ.
Չեմ տեսնում նրա մեջ ոչ մի ժամանակ
Սիրո նշանակ:
Սիրել մինչև ի մահ շատն է խոստանում,
Երդամբ ուխտ գնում,
Բայց այս ուխտի վրա շատ օր չի անցնում,
մեկ էլ ես տեսնում
Պատրաստած քեզ համար սոսկալի վանդա՛կ.
Ո՛հ, թշվա՛ռ վիճակ:
Ասում ես. «Այս ի՞նչ է, այս ի՞նչ արեցիր,
Դու ինձ գերեցիր.
Շողորթ խոսքերով ինձ գրավեցիր,
Վերջը խաբեցի՛ր».

Ասում է. «Այսպես է աշխարհս բովանդակ,
Դու հո չե՞ս մենակ»...
Դե լո՛ր, հա՛յ աղջիկ, էլ շես գովական
Եվ ոչ աննման.
Պահիր սրտիդ խոցը մինչ օր քո մահվան,
Մտցրու գերեզման.
Չասես ուխտազանցիդ մի խոսք հալառակ,
Չդառնաս առակ:

— Ապրի՛ս, ապրի՛ս, Մանվել, շատ ապրիս,— ասաց Օսա-
նան, սրբելով արտասուքը, որ հառաջ էր եկել երգի ներգործությու-
նից:

— Բոմա՛ն, Արություն, բոմա՛ն,— բղավեց Մանվելը:— Տե-
սա՞ր իմ երգելն ինչպես ներգործեց Օսանի վրա. չէ, ես լավ աչքդ
եմ էլել, ով գիտե, կարելի է ժամանակով երևելի բանաստեղծ էլ
դառնամ... Օսանա ջան, քու կենացը, աստված սիրտդ ուրախ պա-
հի, աստված որդիքդ քեզ բախշի, դիփունանց կանաչ-կարմիրն էլ
կապես: Հոռոմսիմ ջան, սաղ ըլիս, մարդդ ապրի, սկեսուրիդ հո-
գին Գաբրիել հրեշտակն առնի տանի արքայության մեջ գցի. Արու-
թյուն ջան, քե՛զ ինչ ասեմ, թող որը որ լավ է, էն անի աստված,
դե վեր կալ թասըդ, Հոռոմսիմ, դու էլ Օսանա, դու էլ, վեր կալեք
թասերդ. Արություն, «Հայոց աղջիկնե՛ր», միասին (երգում են).

Հայոց աղջիկներ, ձեր հոգուն մատաղ,
Երբ միտս եք գալիս, ասում եմ ես ա՛խ:

— Կեցցե՛ն հայոց աղջիկերքը,— բղավում են մեր պատանիքը
միաբերան, երբ վերջացնում են երգը և բաժակները դատարկում:
— Ապրի՛ք, ապրի՛ք,— ասում են քույրերը, սրտանց ուրա-
խանալով, որ այնպես «ուսումնական» եղբայրներ ունին:

— Արդյոք հայոց աղջիկերանց նման սիրուն, շարմաղ էլ ո՞ր
աշխարհքում, ո՞ր ազգում կլինի,— ասաց Մանվելը:— Ուրիշ ազգի
աղջիկերքը— որը շեկ է լինում, որը դեղնած, որը սև, որը քթատ,
որը շլինքը կարճ, որի ուսերքը հաստ, որի մեջքը թիկունքին հավա-
սար. մի խոսքով՝ մի սիրուն պատկեր, մի սիրուն կազմվածք չես
գտնիլ նրանցում: Հայ աղջկա վառվռուն աչքերը, կամալ
ունքերը, լուլա շլինքը, բարակ մեջքը, շահամար ծամերը,
Երա նուրբ պոռոշները, մարգարտե ատամները, մոմի պես մատեն-

ըր, մարմար կուրծքը, շամամ ծծերը, նրա մեկ բոյն ու բուսաթը սաղ աշխարհքի հետ շեմ փոխելու Իզուր հո շեն մեր աշըղները ջունուն դառել, նրանց սիրովը վառվել, հենց գովել են ու գովել, մի գլուխ գովել: Ի՞նչ անեն խեղճերը. մի բան որ տեղնուտեղը լավ ըլի, ոտից մինչև գլուխ, գլխից մինչև ոտք, պիտի առաջին շոքես, ձեռներդ սրտիդ դնես, շլինքդ ծռես, աղաչես, պաղատես, գովես, փառաբանես, մինչև բերանիդ ջուրը գնա, զմայլիս, վերանաս. աչքերդ մթնի, ուշաթափվիս, վեր ընկնիս դելը տաս... Ա՛յ ինչ-պես (երգում է)...

Յաղութ յաման ես, լալ մերջան ես,
Շատ անման ես,
Անմանութենեդ, բարկութենեդ
Ինձի դայ շանես.
Ինձ՝ նախշունյանցիս, սիրովդ էրվածիս
Թաք հետըդ տանես,
Կամ շքիս ջանիս, հոգիս հանես
Կիսամեռ շանես,
Ինչ կուզե անես, թեկուզ սպանես,
Իմ ճարը դուն ես...

— Կեցցե՛ նախշունյանցը, մեր աղգային երգիչը, — բղավեցին պատանիքը վերջացնելով պարոն նախշունյանցի մուխամբազը և կոնծեցին նրա կենացը:

— Մանվե՛լ, քու կենացը, Մանվե՛լ, — ասաց Օսանան, — աստված քեզ էդպես ուրախ պահի միշտ: Արություն ջան, զորանաս: Ձեր երկուսի կենացը, աստված ձեր սերն անխզելի ու հաստատ պահե, թագներիդ արժանի ըլիք, թշնամու սրտով ըլիք, մուրազներիդ հասնեք: Ա՛ստվածատուր, Հո՛ռոմսիմը...

— Վայելե, ինձ տուր, — պատասխանեց Հոռոմսիմը:

— Ա՛ստվածատուր, Ա՛ստվածատուր, — բղավեց Մանվելը: — Նախշունյանցի անունը մոռացել էի, հիմի Աստվածատուր ասացին, միտս ընկավ: Արություն, էդ Աստվածատուրի տաղանդն էլ է աստվածատուր, դրա շափ խաղեր, ով գիտե՞ ոչ մի աշըղ ասած ըլի...

— Ես տեսել եմ դրա խաղերի դավթարները, դիփ էլ կարդացել եմ: Դա մի վարմանալի մարդ է, ուրիշ աշըղների պես թուրքերեն չի ասում, դրա բոլոր խաղերը հայերեն են, թայց ձեն էլի թուրքերենի է: Միևնույն ավալ-ախբը, դիլ-թարփանմազը, դողազ-դազմազը:

— Բայց էդ ի՞նչ տեսակ խաղեր են, էդ որ ասում ես... Ի՞նչ ասեցի՞ր...

— Ավալ-ախբը:

— Հա՛, հա՛, ավալ-ախբը... դրանք ի՞նչ բաներ են, մեկ մեկ հասկացրու: Օսանա, Հոռոմսիմ, ախանջ դրեք, ախանջ դրեք, Արությունը պիտի մեկ աշըղների ճարտասանությունը սովորեցնե: Դե մեկ ասա՛, Արություն, տեսնե՞ք էդ ի՞նչ բաներ են:

— Ավալ-ախբը բառը թուրքերեն է, կնշանակե սկզբնավերջ. էսպես խաղի բոլոր տողերի սկզբի ու վերջի տառը միևնույնը պետք է լինի: Օրինակ՝

Ջհալ իքյան ջաննաթ թափտըմ ջաննաթ թաջ,
Ջան դյալդի օ սահաթտա յասար աջ,
Ջովրաթ օվեդանդըմ, ջանդա շաքտըմ ջան-նաթ
թաջ,
Ջըհադ օլդում ջամալընա յաս արաջ:

Ջանըմ դա վար ջյուրյամ, շոխ վար յանար դյուջ,
Ջամջափա աթեշտա շոխ վար յանար դյուջ,
Ջաննաթ դյազար Քյուշուկ — — Նովա յանար դյուջ,
Ջամ էլլաղըմ, փեշամ օլդի յա սարաջ:

— Սպասիր, սպասիր, Արություն, ես ոչ մի բան չեմ հասկանում, հենց բերանս բաց մտիկ եմ տալիս...

— Ո՞վ է հասկանում, որ դու հասկանաս: Մեր աշըղները իրանց բոլոր խաղերը՝ բացի խրատականից՝ էնպես են շինում, որ ոչով չհասկանա: Հենց էդ չհասկանալն է, որ վարմացնում է մեր ժողովրդին, նրանք զմայլում են, հիանում են էդպես խաղերիցը: Ի՞նչ լա՛վ է ասել. ինչ խո՛րն է ասել... էսպես հիացնում են մեկ մեկու: Բայց ինչի՞դ է պետք. դու տեսնում ես, որ սա ջիմ ավալ-ախբը է, այսինքն բոլոր տողերի սկզբն էլ, վերջն էլ ջե տառն է: Ասողն էլ հայ է, արհեստով սարաջ, թամբը կարող, էնդուր է ասում ռջամ էլլաղըմ, փեշամ օլդի յա սարաջ: Հիմի տես նախշունյանցի ասածը, որ հայերեն է և հասկանալի, բայց էլի ջե ավալ-ախբը է:

Ջավահիր, նաջիվան նազանի,
սիրով ինձ անիս իլլաջ,
Ջիգարս էշենեդ վառվի է,
ոսմով ինձ անիս իլլաջ,
Ջհուդ խոմ լի՛ս, ա՛յ բեմուրվաթ,

ո՛ր թողիր այլոց մոհտաջ,
Ջաղա տալովդ բեզար եկա,
վախտով ինձ անխա իլլաջ:
Ջիվան ջան իս, անեման իս,
մանուշակ իս կապած փունջ,
Ջուխտ աչքերդ է վառ շամ-շրաղ
նահախ ո՛ր իս մտնում քունջ,
Ջուռաթ արա մեկ իզրար տուր,
մի լինիր համեշա մունջ,
Ջունուն իմ սաստիկ սերիցդ
շուտով ինձ անխա իլլաջ:
Ջեկ ժամանակս իմ ինդրում.
քանի ծառ իմ դալար, գեջ,
Ջահտ արա սիրով հաստատվինք,
շուտ գոյանա բար ի մենջ,
Ջանլլաթի պես զաղաբ մի տար,
ինձ մի կարմիր շար, բնվնջ,
Ջանըս խնայիր նաշխունյանդիս,
քեզմով ինձ անխա իլլաջ...

— Տեսնո՞ւմ եք, Օսանա, Հոռոմսիմ, դիփ ջե է, դիփ,— ասաց Մանվելը:

— Դիփ չէ, Մանվել, միայն տողերի մեկ սկզբի տառը, մեկ էլ վերջի: Հիմի ականջ դրեք, դիլ թարփանմազն ասեմ: Դիլ քարփանմազ, կնշանակե «լեզուն չի շարժիլ»: Էսպես խաղերը պետք է կնպես բառերից լինին շինված, որ ասելիս լեզուն շարժի: Օրինակ.

Բափա ո՞ւմ կա, ում կամում իմ, մե վա՛ է:
Մըգա՞մ քի հատում իմ խափով ու գափով,
Իմ համբավ է խափը, կամը մե վա է,
Կամում իմ քի ուղիղ փափազով բափով:
Քի իմ կամում, եկ քու կամով, ո՞վ աղա,
Կամում իմ քու բուզով, բուխախով խաղա,
Քի իմ կամում եկ հիմա է, կամ վաղ ա,
Կակուղ խումով պահե քիմով ու համով...

— Սպասիր, սպասիր, Արուսթյուն,— միջհաստեց Մանվելը և սկսեց երգի բառերն արտասանելով փորձել, որ տեսնի իրա՞վ լեզուն չի շարժում ասելիս: Բափա... բափա... աղա, վաղ ա, խա-

փով, գափով... էս ի՞նչ զարմանալի բան է... ճշմարիտ որ լեզուն չի շարժում... Ապա էն մեկէլը: Ի՞նչ էիր ասում:

— Դոդաղ-դագմազ: Դա էլ կնշանակե պոռոններն իրար շեն դիպչիլ: Էդպես խաղերն ասողը մի ասեղ է դնում բերնումն ուղղահայաց, այսինքն մեկ ծայրը վերի պոռոնի տակին, մյուս ծայրը՝ ներքևի, որ աշկարա տեսնվի, թե պոռոններն իրար շեն դիպչում, որովհետև եթե դիպչելու լինեն, ասեղը կծակե իսկույն: Տեսե՛ք, ահա՛ երևելի Քեշիշ-օղլու «ալիփ ավալ-ախլըր» դոդաղ-դագմազը:

Ա դիլի յար, ալ դաստընի, այընա,
Անընդինան սաղըր էլլա յար յարա:
Ալ ալընի այընա,
Ալ դաստընի այընա,
Ախլի դայիլ օլանա
Ասլան հա՛ դըր, այը նա՛:
Ալ գեյգի՛նան յարար դագդա այընա,
Աշիլարն սաղըր էլլա յար յարա:

— Արուսթյուն ջան, հայերե՛ն ասա, հայերե՛ն. էդպես հայերեն չկա՞ միթե...

— Հայերեն էլ կա, ինչպե՞ս չէ, բայց միևնույն է, էլի ոչինչ չի հասկացվի: Ահա՛ օրինակ.

Ահա հղե, հղի հայող ա, աղ ա:
Այո՛, օղիա է, հոյ աղա հաղ ա:

— Էս խաղը մի երկայն խաղ է և ունի վեց նշանակություն: Առաջին՝ որ այը սկզբնավերջ է, երկրորդ՝ շրթունքն անհպելի (դոդաղ-դագմազ), երրորդը՝ անլեզվաշարժ է (դիլթարփանմազ), չորրորդ՝ շատ խրթին է, հինգերորդ՝ ասածի միտքը ծածկված է հանելուկի պես, և վեցերորդ՝ աղեղ բառը յոթն անգամ կրկնված է, բայց ամեն մեկն առանձին նշանակություն ունի: Օրինակ՝ մեկ աղեղը կանաչ-կարմիրն է, մեկը՝ նետ նետելու աղեղն է, մեկը՝ բուրդ գողելու աղեղն է, մեկը՝ աղ ու եղ է նշանակում, մի քանի բառում դաղը լյունի տեղ է դրված: Ծս հիմա սրա մեկ տողը մեկնեմ: Աստվածատուրն ասում է՝ էսպես խաղերը որ կան, աղաքար են. որ գցես աշըղի փորը, օխտը տարի չի հալվիլ: Հիմա լսեցեք.

Ահա հղե, հղի հայող ա, աղ ա:

Կնշանակե՛ ահա ճանապարհ, երկու-հոգիս մտիկ տըվող է, աղ է:

Հիմի պետք է իմանալ, թե էս ինչ ճանապարհ է կամ ի՞նչ երկու-հոգիս է մտիկ տըվողը և ի՞նչ աղ: Ահա ինչ: Առվտի կիներ, որ Սոգոմից փախչելիս երկու-հոգիս է եղել (որից պիտի ծնվի Նեուը) ետ է մտիկ տվել ու իսկույն աղեքար է դառել:— Ահա հղե, հղի հայող ա, աղ ա...

— Ո՛ւհ, դրա տունը շինվի,— բացականչեց Մանվելը,— ես էլ եմ ասում՝ ինչի՞ է էդքան շատ խոսում... Արություն, էդ աշըղներն ի՞նչի են էդպես դժվար բաների հետևից ընկնում...

— Ո՛ւ վ գիտե. ուղիղ ճանապարհը թողած՝ Առվտի ճանապարհն են փնտրում. լույս, օրը կեսօրը թողած՝ մթնում են խարխափում: Մի բան, ասում են, որ ամեն մարդ էլ հասկանա, էլ նա ի՞նչ ասելու է: Խաղն ու աղոթքը մեղանում մի հանգի բաներ են. ինչքան մոռնի ըլի, էնքան լավ է համարվում: Ես անցյալ օրը մեր խաղ ու պարի վրա մի ոտանավոր գրեցի. ասյա ասեմ, տեսնեմ կհավանե՞ս:

— Ի՞նչպես թե «կհավանես». դու էնպես բան կասե՞ս, որ ես չհավանեմ: Ականջ դրեք, Օսանա, Հոռոմսիմ: Ախշի՛, արի, դեռ փլավի ժամանակը չէ, էստեղ ուրիշ փլավ է եփել մեր Արությունը, մեկ արի առաջ սրա համը տեսնենք: Արություն ջան, ասա տեսնենք:

Մեր քաղըումը ամեն մի հայ
Պար է գալիս հանգի-հանգի,
Նրա ոտներն արագ-արագ
Կտրտվում են լեզգիհանգի.
Աշտարակցին ծանր ու բարակ
Ցալու ծերը սկսում է:
Քաղցրիկ «լիլեն» բերանն առած,
Ուրախ դեմքով պտրտվում է.
Արարադցուն պետք է տեսնել
Ամեն տեսակ խաղ անելում,
Ջարկի՛ր լախտով որքան կամիս,
Ոտն առչից չի վեր կալնում.
Հապա շասե՛մ շիկիդանեն,
Մի հատ ոտով պտույտ գալուն,
Կորեկ-կորեկ, ցորեն-ցորեն,
Հա գյան-գյալա, դուռ գտնելուն.

Թող գեն ձգենք հարամուլլան,

Ովովսվեն ու մյուսները,
Հալի տալն ու կասկարենքին
Ձե՞ն գրավում մեր ուշքերը:

Առհասարակ ամեն մի հայ
Գիտե խաղալ տեսակ-տեսակ,
Ամեն դժվար մի ասպարեզ
Գուրս է գալիս նա համարձակ.

Երբ նատում է յոթույց ձիուն,
Բաց մեյդանում նա խաղում է,
Ջրիդ ասված հաստ մահակը
Ձևոի միջին դողգողում է:

Այս խաղումը նա փոխում է,
Կարմրում է ու սփրթնում,
Իր հրարուխ թուխ աչքերը
Չորս կողմն է նա ձրգձրգում.

Հանդեպինը թե պարսիկ է,
Վառված քաջի որսն է այն,
Ո՛ւ վ կարող է սանձել հային,
Թե նա կամի ցույց տալ իրան:

— Կեցե՛ն քաջազունք հայոց,— բղավեց Մանվելը իր ձայնի բոլոր ուժովը...

— Ա՛ տղա Մանվել, կամաց բղավի, թե չէ հենց կիմանան, թե տունը կրակ է ընկել...

— Ի՞նչ եք ասում,— պատասխանեց Մանվելը.— «Ո՛ւ վ կարող է սանձել հային, թե նա կամի ցույց տալ իրան»: Ախր մեկ էդպես բարձրացրո՛ւ, գովի՛ր մեր քաջերին, որ հոգիս փառավորվի, սիրտս ուրախանա, ախորժակս բաց ըլի, մեր քաջերի կենացը կունձեմ,— ասաց Մանվելը և մի բաժակ գինի դատարկելով՝ սկսեց երգել.

Երկինք զվարթ ակնարկին,
Նահապետն ի սիրտ ցնծա.
Ջանձն աստուծո ի նըվեր,
Յար ու կենոք ճոխանա.
Աստվածապաշտն ի հասպարեզ,
Գուռզն ինքնին կորանա...

— Սպասիր, սպասիր, Մա՛նվել. ես դեռ չեմ վերջացրել,—
ասաց Արությունը և շարունակեց իր ոտանավորը.

Հայի լեզուն շատ ճարտար է,
Նրա երգերն անհամար են,
Բայց իր տաղանդն ու հանճարը
Դժբախտ կյանքին հավասար են.
Քե երգում է նա դիվանի,
Ավալ-ախրը կամ հասարակ,
Պարզ խոսքերով հայտնում է նա
Ամեն մի բան ծանր ու բարակ,

Արաբերեն ու ֆարսերեն
Քեժնխի մեջ նա խառնում է,
Շատ հանելուկ, շատ խոր մտքեր
Նա սրբա մեջ ամփոփում է.

Երթունքի մեջ ասեղ դրած՝
Նա երգում է զոզաղ-դագմազ,
Երբ վառվում է սերի էշխով.
Երգում է և դիլ-թարփանմազ.

Հետզհետե կրակվելով
Երգում է նա գյուղալլամա,
Իր ընկերի հետ միասին
Սկսում է կից զոշամա:

Այս խաղերում գանգատվում է
Եվ այրվում է Քյարամի պես,
Երբ հասնում է մուխամբագին,
Իր յարին շի անում անտես.

Նրան զոզում, մեծարում է,
Շինում է մի աստվածուհի,
Աղաչում է, աղերսում է,
Որ իր վրա գթով նայի.

Ո՛ր էր թե մեր վեհ հոգի հայն
Գործով էլ տար այս խեղճ սեռին
Ազատութուն, որ նա շունի,
Այլ գերի է մարդու ձեռին...

— Ազատությո՛ւն կանանց... հա՛-յե՛ր... — բղավեց Մանվել-
ը:— Արություն, դու պրծա՛ր քո ոտանավորը:

— Պրծա... հավանեցի՞ր...

— Հրաշալի՛ է, անհա՛տ, աննմա՛ն. էդպես բան միայն դու
կարող ես գրել, էլ ուրիշ ոչ ոք. բայց ուրիշի մոտ չկարդաս, թե չէ
կծիծաղին. կասեն՝ էս ի՞նչ է. տուտուց-տուտուց դուրս է տվել
գլխիցը. դեռ պահիր, մի ժամանակ պետք կգա. հիմա մենք շատ
խելոք բան էլ որ ասենք, խելոք մարդիկն անգամ չեն հավանիլ.
կասեն... է՛հ, ինչի՞դ է պետք, թող ինչ ուզում են՝ ասեն, դու քո
ձին քշիր, հալթաթ մեկ էլ մեր մորուքը կբսնի, մեր խոսքն էլ անց
կկենա...

Հիմա ականջ դրեք, ես պիտի սուփրեն օրհնեմ աշըղի օրհնան-
քով.

Երևք հարյուր տասնութ հայրապետք,
Քսանըչորս մարգարեք,
Տասներկու առաքյալք,
Տասը պատվիրանք,
Ինն դաս հրեշտակք,
Ութ կանոն սաղմոսք,
Յոթնանուն սուրբ Կարապետ,
Վեցթեկյան սերովբեք,
Հինգ նավակատիք,
Չորս գլուխ Ավետարանք,
Երեք՝ երրորդությունք,
Երկու՝ երկինք-գետինքը,
Մեկ՝ ստեղծող աստվածք,
Ձեր տուն ու բնակարանն օրհնի,
Ձեր հանդ ու հանդաստանն օրհնի,
Ձեր արտ ու այգեստանն օրհնի,
Ձեր տաքար ու հնձանն օրհնի,
Ձեր կեռ ու զութանն օրհնի,
Ձեր կով ու կթանն օրհնի,
Ձեր օջախը շեն պահի. ա՛մմեն:

— Դե վե՛ր կաց, Հոռոմսիմ, սուփրեն շե՛ն արա,— ասաց
Մանվելը և սկսեց երգել.

Ինձ համար չէ գարնան գալը,
Ինձ համար չէ ծառի ծաղկիլը,
Ուրախության սրտի գրգիռը

Ոչ մի բերկրանք չէ ինձ համար.
Բայց ինձ համար կզա ժամը,
Կերթամ թշնամյաց պատերազմը,
Եվ մահառիթ սպանիչ զնդակը
Անդ պատրաստած է ինձ համար...

Ե

ԱՌԱՔԵԼՈՒԹՅԱՆ ՄԻ ՓՈՐՉ

Ճաշելուց հետո մեր պատանիները շատ տխրությամբ և երկմտությամբ բաժանվեցին միմյանցից: Մյուս օրը Մանվելը ճանապարհ ընկավ դեպի իրանց գյուղը, իսկ Արուսյունը՝ դեպի Բուրսու սուրբ Գևորգը:

Մայլապան վրացի Գիորգին հարկադրում էր եղներին, որ շուտաքայլ երթան դեպի իր անվանակից Մմինդա Գիորգին, իսկ սայլի մեջ նստող ուխտավորները՝ արք և կանայք՝ խոսում էին զանազան սուրբերից, նրանց արած հրաշքներից և խաչակնքում էին երեսներին ամեն մի սուրբի անուն տված ժամանակ, մինչդեռ աստուծո անունը տալիս ոչ մեկ անգամ չէին խաչակնքում երեսներին:

Արուսյունը, որ դեռևս խորամանկությամբ իր կարծիքը ծածկել չգիտեր, ծիծաղում էր նրանց վրա և հերքում նրանց ասածները: Իսկ նրանք էլ, որ Արուսյունի այդ արարմունքը մի անսովոր հերետիկոսություն էին համարում և մինչև անգամ սրբապղծություն, ո՛րն արհամարհում էր նրա ասածները, ասելով՝ «Դեռ անփորձ է, խաչի թակարդը չի ընկած», ո՛րն էլ՝ խղճալով նրան՝ աղաչում էր, որ այդպես արհամարհանքով չնայե խաչի հրաշքներին, եթե ոչ՝ հետևանքը կարող է շատ վատ լինիլ իր համար: Ամենից շատ վախենում էին կնանիքը և ասում էին.

— Հիմա ուր որ է խաչը սրան կունդ ու կծիկ կանի, բերանը կծոի, շինքը կզցի քամակը, կնղավացնի, կգժվացնի... Բայց ոչ մի այդպես բան չէր պատահում, այլ՝ քնզհակառակն՝ որքան բար-

կացնում էին Արուսյունին, այնքան ավելանում էր նրա հերետիկոսությունը և ավելի ոգևորված էր քարոզում նրանց ճշմարիտ աստվածապաշտություն:

— Զորավոր սուրբեր շատ կան, մեռնիմ նրանց ողորմութենին, բայց սուրբ Գեորգի հատը չի ըլի, իմ երեսը նրա ոտի տակը, ասում է մեկը և երեսին խաչակնքում: Դա թուրքերին էլ է պատժում: Մի թուրք գնացել է դրա եկեղեցու դուռը հանել, որ տանի իր մարագի համար դուռ շինի: Դուռը շալակին՝ հասել է իր տան մոտ, ուզեցել է թե վեր դնի, դուռը կպել է մեջքիցը, էլ չի գրջվել... Թուրքը լացով արտասուքով ետ է տարել, էլ ետ տեղը գրել, խունկ ու մոմ վառել, մատաղ արել, որ էլ ուրիշ մի վնաս չլինի իրան: Էդ թուրքը մինչև հիմի էլ ս. Գեորգի ղուլն է...

— Էնդուր են թուրքերը դրան «դալի խաչ» ասում, է՛... — ասաց մի ուրիշը:

— Էդ միեռնույն հրաշքը Ղազախու Կոթի գեղի սուրբ Սարգսի համար էլ են պատմում, էլի ուրիշ շատ սուրբերի համար էլ. սրանից երևում է, որ դա մի հնարովի բան է, — ասաց Արուսյունը մաղձոտված, — բայց դու էնպես ես պատմում, որ լսողը հենց կիմանա, թե դու աչքովդ տեսել ես թուրքին էլ, դուռն էլ: Բավական չէ, որ սուտ ասված բաներին հավատում եք, ինքներդ էլ նորնոր սուտեր եք սաեղծում. ի՞նչ խաչ պիտի լինի, որ ձեր սուտերին հավանի, թեկուզ էդ սուտերը նրա օգտի համար լինին ասված: Ուղիղն ասացեք, սուրբ Գեորգին եք շատ սիրո՞ւմ, թե՞ սուրբ և քաշ Վարդանին, որ հայոց ազգի ու կրոնի համար Ավարայրի դաշտը ողողել է իր արյունով...

— Էդ ի՞նչ վարդան է, մենք դրա անունը չենք էլ լսել: Թե որ դա էլ սուրբ Գեորգի նման զորավոր սուրբ է, բա ինչի՞ նրա համար էլ չեն մի եկեղեցի շինել...

— Տո՛, Վարդանս ո՛րն է, ի՞նչ եք ասում, — հարձակվեց մյուս կողմից մի ավելի ջերմեռանդ սրբապաշտ... — Սուրբ Գեորգի հատը ո՛րտեղ կլինի, մեռնեմ նրա ողորմութենին, իմ երեսս նրա ոտի տակը: Ե՛րե՛ք-հա՛րյո՛ւր-երեք-քսան ու ե-րե՛ք մասունք ունի. արարած աշխարհքիս ամեն կողմում նրա զորությունը, նրա հրաշքը տարածված է. ո՛ր Վարդանը կամ Կիրաչուսը կարող է նրան հավասարվել...

Արուսյունը, որ Վարդանի մոլեռանդ կողմնակիցն էր, սաստիկ բարկացավ, որ իր պաշտած սուրբին շճանաչելով՝ արհամարհում

ենն։ Նա չէր զգում և չէր երևակայում, որ ինքն ևս նրանց շափ մոլեռանդ է, տարբերությունը պաշտելի առարկաների մեջն էր միայն։ Նրա հակառակորդները ևս համոզված էին, որ ճշմարտությունն իրանց կողմն է։ Այդքան հոգեբան չէր Արուսյունը, ուստի ավելի ևս կատաղի կերպով սկսեց բանակովել նրանց հետ՝ ասելով։

— Գիտե՞ք ինչ կա. համարձակություն չլինի, ուզում եմ ձեր երեսներին մի քանի ցուրտ խոսք կպցնեմ։ Դուք մի Այսմավորք եք կարդացել, ես էլ վաղուց եմ անգիր արել։ Էնպես պուճախներ կզրցեմ, որ կմնաք «և և» անելիս։ Ասած է, «թե խաչն իմն է, գորությունը ե՛ս եմ գիտում»։ Սուրբ Գեորգին ես լավ եմ ճանաչում, քան թե դուք։ Մի մարդի գլուխ ցավում է, գալիս է ուխտ։ Թե որ մի քանի օրից հետո դադարում է, ասում են՝ խաչը փրկեց, թեպետ առանց նրան էլ պիտի դադարեր։ Բայց եթե չի դադարում, ասում են՝ ուրիշ խաչից է, սուրբ Գեորգն ուրիշ խաչերի գործում չի ուզում խառնվիլ։ Հետո գնում են մի պառավի գարի գցել տալիս, որ իմանան թե ո՞ր խաչից է։ Պատավը որ նրանց Հնդստան ուղարկի, նրանք՝ ճարը կտրած՝ պիտի գնան. բայց նա էլի էնքան խղճմտանք ունի, որ էդպես հեռու տեղեր չի ուղարկում... Ձեր քաղցքիք գալիս են էստեղ ուխտ. պատահում է, որ փուրգոնը շուտ է գալիս, բոլոր միջի ուխտավորներին ջարդում, կոտրատում, իսկ եթե ոչ՝ դրանից ավելի վատթար բան է պատահում։ Բորչալուի դաշաղ ավաղակները հարբած ուխտավորների ճանապարհը կտրում են, թալանում, կողոպտում, կնիկը մաշոփի ձեռիցը խլում, «շճար գյոզալի» ասելով իրանց խաղն սկսում, մարդին թրատում, ջլատում... Բա ինչի՞ ձեր սուրբ Գեորգը չի ազատում։

— Էնդուր չի ազատում, որ ինքն է լինում ուղարկած էն գողերին, որ նրանց պատժե, որովհետև նրանք էլ քեզ պես բարկացրած կլինին խաչին, ուղիղ սրտով չեն ըլիլ դնացած նրա տակը, կամ իրանց սուրբ չեն ըլիլ պահած. ինչևիցե, մի հանցանք կըլին գործած, դրա համար էլ խաչը նրանց պատժած կըլի, որ մյուս անգամ վատ բան չանեն։

— Ուրեմն էն գողերին որ բռնելու լինին, էլ չեն կարող պատժել. նրանք կարող են ասել՝ մենք մեղավոր չենք, մեզ սուրբ Գեորգն էր հրամայել. բայց դատավորը ձեզ պես անխելք չէ. նա կասի, որ սուրբ Գեորգն ավաղակապետ չէ, նա սուրբ մարդ է, նա աշխարհի բաների հետ գործ չունի, միայն դուք եք, որ ոտով գլխով

մոլորվել եք, կուսպաշտացել, ստեղծող աստծուն թողած՝ քարերին ու ծառերին եք պաշտում։

— Ասում են նոր մարդիկ են լիս ընկել, էլ ոչ խաչի են հավատում, ոչ պասի, դու էլ էնթավորներից չլինի՞ս...

— Էնթավորըս ո՞րն է. կարելի է թե ես էնթավորներիցն էլ բեթար եմ. դուք էլ ի՞նչ եք հարցնում. Իմացեք, տեսեք ի՞նչ եմ ասում. թե որ սոտ է ասածս, աչքս հանեցեք. թե չէ՝ ո՞ւր եք ընկել էս շուկերը։ Ցավի համար՝ բժիշկ կա. քեփ անել եք ուզում, ձեր տանը, ձեր բաղերումն ամեն օր քեփ եք անում. բայց եթե ավելի փող ունիք, չեք իմանում, թե ինչ տեղ մխսեք, ես տեղը ցույց կտամ։ Ձեր որդոցը, ձեր աղջկերանցը ուսում տվեք, որ իրանց հավատը, իրանց ազգը ճանաչեն, ձեզ նման չասեն, թե վա՞րդանս որն է. ուղիղ ճամփեն թողած՝ քարեքար շընկնին, լուսը թողած՝ խավարի մեջը շման գան...

Բոլորեքյանք լռեցին, կարծելով՝ որ սուրբ Գեորգը զժվացրեց Արուսյունին, այլապես՝ նրանց կարծիքով, նա կարող չէր այնպես բաներ ասել։

Այսպես շարունակեցին իրանց ճանապարհը։ Առաջին գիշերը մնացին ճանապարհին և մի ջուխտ եզր գողանալ տվին։ Մյուս օրը՝ կարծելով, որ Արուսյունի հերետիկոսությունը եղավ նույն ձախորդության պատճառը, նրան շընդունեցին իրանց սայլումը, որ մի ուրիշ ձախորդություն էլ չպատահի։

— Ասում են՝ մի թուրք սարի գլխիցը մի քարե խաչ է գլորել. խաչը գլորվելով կանչում է եղել, թե «Երանի մի հայ պատահեր, տակովս անեի, մի լավ ջարդեի»։ Հիմա՞ խաչին ջիգրացնողն Արուսյունն է, գողերը մե՞ր եզներն են տանում. դեռ ով գիտե, էլի ինչ փորձանք է գալու գլխներիս, միայն նրա համար, որ բարեսրտություն արինք, էդ անհավատին մեզ մոտ նստացրինք։

Այսպես խոսողի մարգարեությունը շուտով կատարվեց։ Մի գառիվայր տեղում ծուլացան թե իչենն սայլիցը, եզները շկարողացան անկապ անիվավոր սայլի գլուխը պահել, իրանք էլ հետը սըրընթաց գլորվելով ընկան մի խոր խանդակի մեջ։ Սայլը շուտ եկավ, և որի ոտը կոտրվեց, որի՞ կուտը, որի գլուխը ճղվեց, որի քիթը ջարդվեց։ Լավ էր, որ Արուսյունն այդտեղ չէր, եթե ոչ՝ մի լավ ծեծ կուտեր...

Արուսյունը՝ իր փոքրիկ ծրարը ձեռքին՝ ոտով ճանապարհ ընկավ դեպի ս. Գեորգ, ուր և հասավ երեկոյին։

Արդեն բոլոր հեռավար և մատավոր ուխտավորները, հայերը, վրացիքը, հույները և թուրքերը միասին խառնված կազմել էին մի խուռն բազմութուն: Երևում էին բազմաթիվ վրաններ, փուրզոններ, տարանտասներ, սալքեր, ձիաներ, փալանած եղներ, մատաղ անելու համար հոտերով ոչխարներ, գինով լիքը տակառներ, տկեր, մեշոկներով, չվաններով, թաբախներով, կթոցներով մրգեղեններ...

Քիչ-քիչ մուխը վրա հասավ, կրակները, խարույկները վառվեցան բարձր ալիքներով և օդասլաց հրետներն սկսեցին մինը քան զմյուսն ալիքի բարձրանալ և մթնոլորտը զարդարել նորատեսակ վայր ընկնող աստղերով: Ժամկոչը, որ տարին մի անգամ է միայն երևում այստեղ իր զանգակի հետ միասին, հնչեցնում էր անընդհատ եկեղեցու քաղցրածայն զանգակը, որ մեծ տպավորություն էր գործում ուխտավորների այն մեծ մասի վրա, որոնք միշտ անտառներում մեծանալով՝ զանգակի ձայն տարիներով չեն լսում...

Մյուս օրը՝ շաբաթ առավոտը՝ որ նոյեմբերի տասն էր լուսանում, ամբողջ բյրրակը շաղախով էր մատաղի արյունով, էլ ոտք զնելու տեղ չկար: Համբուրողները մի օձապտույտ կեռումեռ ճանապարհով վերև ու ներքև էին անում՝ անդադար իրար սեղմելով: Տերտերները չէին կարողանում «Փարատյա զցավս» և «պահպանիչ» հասցնել, մնացել էին քրտնքի մեջ կորած: Խեղճ կարգավորները կարծես երեք մածկանց դերերը լինեին կատարում ս. Գեորգի փոքրիկ մատուռածև շինության մեջ, որի ներսի պատերին անհամար մոմեր վառելով՝ վերափոխել էին մի բաբելոնյան հնոցի: Եկեղեցու մեջ սուգ ու շիվան էին անում ջերմեռանդ ուխտավորները իրանց աղերասալի մաղթանքներով, որ բարձրածայն խնդրում էին սուրբ Գեորգից, իսկ դուրսը միևնույն ուխտավորները մեծ ուրախությամբ և զվարճությամբ մեջ էին: Խնդում, ծիծաղ, հոհոց, քրքրչոց, զգվանք, պաշպչոց... Մեկ տեղ կաշում էին ըմբիշները, մյուս տեղ պար էին գալիս, մի ուրիշ տեղ խաղեր ու օյիններ սարքում: Մեկ խոսքով՝ ղուռնա, գհոլ, գահիրա, նաղարա, սազ, թառ, սանթուր, շոնգուր, խաղ, տաղ, պար, իրար հետ խառնված՝ խրտնեցնում էին գլխի գոմեշներին և քուռակներին, որոնք պլշած դուրս էին ընկնում, տրտինգ տալիս, փախչում, կնիկ, երեխա ոտի տակ գրցում, մուրազներին հասցնում: Աբելն էլ իր տասը կանգուն երկայնություններ փայտե ոտներին սպիտակ վարտիք հագցրած, խաղում էր նրանց վրա, խաղցնելով մատներին հագցրած շխկիկան պղնձե մատնոցները, և երբ հոգնում էր, ձեռքն էր առնում իր աշակերտի

շիխքը ձգած, կտր ու մեջտեղը ծակ թաղիքը և նրան զանազան գլխարկի ձև տալով ցույց էր տալիս, թե որտեղ ինչ տեսակ գդակ են ծածկում: Երբ որ իջնում էր փայտե ոտներից, գետնի վրա ցույց էր տալիս իր ճարպկությունը մարմնավարժական խաղերի մեջ, օրինակ՝ ման էր գալիս գլխիվայր կանգնած ձեռքերով և զանազան ուսույուններ անում ետ ու առաջ գլխիվայր շրջվելով և այլ այս տեսակ ձևեր, որից հետո ձեռնածուխյուն էլ էր անում, այսինքն Ֆոկուսներ, որից հասարակ ժողովուրդը շատ էր զարմանում և աչքակապություն էր համարում ու կախարդական զորություններ արած մի բան: Ավելի զարմանալի էին մի շիրակացի երիտասարդի կատարած խաղերը: Նա լարախաղաց էր. պարանի վրա սովորական ճարպիկությունները կատարելուց հետո դետնի վրա ցույց տրվավ մի ալիքի հրաշալի տեսարան: Նա սկսեց տեղն ու տեղը պլտույտ գալ այնպես արագ, ինչպես մի ճախարակի անիվ, և այդ պտույտը տեղեց այնքան ժամանակ, մինչև որ կարձակեր իր երկու հատ օսմանցուի զբուռնի և բաձկոնակի բազմաթիվ կոճակները: Նույն պտույտի ժամանակ, նա երկու սուր դաշույններ ձեռքն առած՝ նրանց ծայրերը դնում էր աչքերի աղբյուրների վրա, քթումը, ականջներումը, որից հետո կանգնում էր նույն դաշույնների սուր բերանի վրա բոկոտն և կոտրովելով խաղցնում ձեռները իր պղնձե մատնոցները շխկիկացնելով: Նա անթիվ թլիսմներ ուներ կարած իր վրա, և ժողովուրդը նրա այդ զարմանալի ճարպկությունը վերագրում էր թլիսմների զոբությունը:

Թիֆլիզի զվարճասեր երիտասարդներն էլ, որ հատուկ այդ օրվա համար լավ ձիաներ են վարձում, նոր շորեր առնում, զուգվում, զարդարվում արծաթապատ զենքերով, թեև չեն իմանում նրանց գործածելը, խառնվել էին ջրիզի հանդեսի մեջ, որ կատարվում էր ուխտատեղի ստորոտում մի ընդարձակ դաշտի վրա: Զրիզ խաղացողները երկու մասի էին բաժանված և կանգնած դեմ առ դեմ: Մի մասում էին հայերը, մեծ մասամբ շուկավեցիք և խաչենցիք, իսկ մյուս մասումը՝ Բորչալուի թուրքերը: Հայերը հետզհետե տաքանալով՝ կատաղեցրին թուրքերին և խաղը վերջացրին սովորական դիպվածները կատարելուց հետո, այսինքն, բանը կովի հասցրին, շատ գլուխներ պատռեցին, մինչև գավառապետն ու մողղովը իրանց զազախներով մեջ ընկան և մի կերպ խաղաղացրին վերավորվածներին, որոնք լուեցին միայն այն հուսով, որ մյուս տարին կանեն իրանց վրեժը...

Այսպես, մի տեղ զանազան խաղեր էին խաղում, մյուս տեղ՝ շատ ժամանակ իրար շտեսած ծանոթ, բարեկամներ էին հանդիպում միմյանց և մեկմեկու հրավիրում միմյանց սեղանի վրա: Հարս ու աղջիկ գեղեցիկ վարդարված, բոլորեքյանք ուրախ, բոլորեքյանք զվարթ. մի խոսքով՝ ամեն ինչ հրաշալի էր, միայն Արուսթյունն էր տխուր: Նա կարծես մտքումը դրել էր, որ այդ հանդեսի լավ կողմերը չնկատե. նա չէր հասկանում, թե որքան գեղեցիկ մի առիթ է դա, որ տարին գոնե մեկ անգամ ամեն կողմից մարդիկ մի տեղ են հավաքվում, իրար տեսնում, կարոտներն առնում. քաղաք շտեսածները քաղաքացոց նիստ ու կացն են տեսնում, քաղաքացիք՝ գյուղացոց, թող այն զվարճութունները, խաղերը, որոնք ամեն անգամ ոչ տեսնվում և ոչ վայելվում են: Նա գիտեր, որ այդ ուխտատեղի բոլոր արդյունքը հատկացրած է ներսիսյան դպրոցին, բայց որովհետև դպրոցը այդ տեղերից մոտիկ ոչ մի գյուղից մի որդեգիր չէր պահած և չէր պահում, դրա վրա բարկացած՝ ասում էր. «Ժողովուրդի մի աչքը կուրացնում են, որ մյուսը լուսավոր պահեն»...

Կեսօրից հետո ամեն խաղ պառավեցավ, և սայլերն ու փուր-գոններն սկսեցին իրար հետևից գողալ, որից հետո բոլոր տեսալանի վրա իջավ մի դատարկ վարագույր:

ՄԱՅՐԱԿԱՆ ՍԵՐ

ԵՎ

ՄԱՅՐԵՆԻ ԼԵՁՈՒ

Արուսթյունը, որ կորած հորթի պես արդեն իր մորը գտել էր խաչը տակին, նրա հետ նստեց իրանց սայլումը և ճանապարհ ընկան դեպի Խաչեն: Մայրն անդադար համբուրում էր որդուն և ամեն անգամ կրկնում.

— Ես քը մատաղ ընիմ, ա՛ր Թյուն ջա՛ն...

Իսկ Արուսթյունն ընդդիմանում էր, ասելով՝

— Դե լա՛վ ա, լա՛վ. խրե՛գ պաչի, ես գյուղում ըմ վար տեու ինձ շատ ըս սիրում:

— Ես քը մատաղ ընիմ, ա՛ր Թյուն ջա՛ն. տեու վար գիտես հո՛ւչ, էլ հո՛ւ կգիդա... Ես քու շարը տա՛նեմ, ա՛ր Թյուն ջա՛ն:

— Դե լավ ա, լավ, բա՛հ...

— Ա՛ տղա, քը մատաղ ընիմ, դե հո՛ւնց անեմ, կարում չըմ թա տազ անեմ... Քը մատաղ ընիմ, ա՛ր Թյունի, Օսանը հո՛ւնց ա, խոխեքը լա՛վ ըն, մեր պառավ խնամեն ըրեխես նհետ բըրշո՛ւմ ա...

— Թող կո՛րչի է՛, մին նրա անումը տա՛լ մի... Ես էլ ասել պիտիմ թե՛՝ հար օնեմ, մար օնեմ, էլի՛...

— Խե՛, քը մատաղ ընիմ, հի՛նչ ա ըլալ:

— Հի՛նչ պիտի ընիլ... զա՛հլաս տարալ ըն, ասըմ ըն. «է՛ս հինչ ա. եկալ ա կիխներես վեր ընկալ. ըսկի հաց շոնենք թա մունք օ՛ տենք, մին բո՛ղազ էլ սա ա տառալ»... Տեուք էլ ա՛ստուծ օ՛րհնալ ա՛ վար մե հետ մին չըվալ ալեր ըղարկեք, հի՛նչ կընի. պա ծեր սրտո՛ւմը ջըգյա՛ր չկա՛...

— Քը մատաղ ընիմ, ա՛ր Թյուն ջան, իմ ծեռանը հի՛նչ կա... Պա տեու գյո՛ւղում չըս քս հոր խըսյաթը՞... էրվալ ըմ, խրավվալ ես էտ մարթին ծեռանը... շինը մին օղեով յա աշըղ եկած վախտը հուվ վար մին շանաղ ա տալիս, նա մին չվալ ա տալիս... Ուրքէր մարթիքը պյուրում ա տոնը լսնում, ուտըցնում, խըմըցնում, կըրըսենն տըրտակում... Խոխեքըս՝ մըսըրնե՛ն պա՛ց, վըննըրնե՛ն պա՛ց... նահանց հետև մին ճոխտ շմոշք չի ինք օնում... ասում ըմ. «էտ ըրա՛րմունք չի վար տեու ա՛նըմ ըս», վետանը տակըն ա քըցում, թակո՛ւմ, կուտարտո՛ւմ, թա՛ «լյուղիտ կըտրե՛» . (արտասվում է)...

— Լա՛վ ա, լա՛վ ա, լա՛ց մինիլ, ալի ջան, ես լավ տղա կտառնամ, քեզ կտանեմ քաղաք... Ա՛խ... սրտումս շա՛տ մուրազ կա... Մին քեզ տանի մե հետ դինջ նստած, էն վախտը վար մունի, էլ սըրտումս դարդ շար ընիլ... Ամմա հո՛ւնց անիմ մըհեզ, հյո՛ւր ասեմ, թո՛րը կորչիմ... (արտասվում է)...

— Ես քու ցավը տանեմ, ա՛ր Թյուն ջան. լա՛ց մինիլ, քը մատաղ ընեմ, լաց մինիլ... Վա՛խել մի, քը մատաղ ընիմ, տեու քու մուրազեն կհասնես, հալա ջահիլ ըս... Տեու ինձ հետե դա՛րդ միք անել, քը մատաղ... Ես էս ա պըռավալ ըմ, էքուց ալյոր կմեռնեմ... Տեու վար իմ ըրիսին մին հափուռ հող քցիս, էն ինձ բուլ ա... Լա՛ց մինիլ, ցա՛վըտ տանեմ, լա՛ց մինիլ (տիրում է լուռությամբ)...

(Հինը և նորը)

Մայրական սերը ամեն մի զգացող մարդի հայտնի է: Արու-
թյունը գլուխը դրավ իր մոր զոգումն ու լոնց: Մայրը՝ գթառատու-
թյան արտառուքն աչքերին՝ սկսեց շփել որդու գլուխը, որով մի
քաղցր քուն բերավ նրա վրա: Սայլն էլ օրորոցի պաշտոն էր կա-
տարում երեխայացած Արությունի համար և անընդհատ օրորում
էր, մինչև հասան տուն, որ շատ հեռու չէր:

Արությունը վայր իջավ սայլից, համբուրեց հոր ձեռքը: Հայրը
շատ ուրախացավ, բայց սանձելով իր ներքին հուզմունքը, «աստ-
ված պահե քեզ, որդի», ասաց նա վարդապետի ոճով, որովհետև
համբուրելու սովորություն չունեիր, այդ մեղք էր համարում նա:

Արությունը մնաց գլուզումը: Երեք օրից հետո նա այլևս հյուր
չէր: Այն փաղաքջանքը, որ նա վայելեց իր հորից, մի բուսական
զվարճություն էր, չէր կարող երկար տևել: Նրան հարկավոր էր,
ինչպես տան մեկ անդամի, որևիցե կերպով օգտակար լինել, որ
իր կերածը կորած չհամարվեր: Նրա անելիքը շատ ծանր չէր լինե-
լու. պետք է գոմը քերեր, ձին տաներ ջուրը, տավարին դարման
տար, փայտը կտրտեր: Այս կատարեց նա: Հետո հարկադրվեցավ
գնալ այգին մշակել, անտառից փայտ բերել, շինություն համար՝
գերան, քար, ջուր: Բայց ուր որ գնում էր, ինչ որ անում էր, առանց
մի վնասի չէր վերադառնում. կամ ձեռքն էր կտրած լինում, կամ
ոտքը ցավքրած, երեսը շանգոած, մի բան կորցրած, սայլը շուտ
բերած կամ կոտրած, եզը կամ գոմեջը փայտքրած կամ կորցրած:
Սկզբումը հայրը չէր բարկանում այս անհաջող հանգամանքների
վրա, ասում էր՝ «դեռ խամ աշառ է, եզը կդառնա», բայց տեսնե-
լով՝ որ հետզհետե վնասներ ավելի է բերում, առածը փոխեց, ասե-
լով՝ «Մինչև աշառը եզ կդառնա, տերը խոզ կդառնա»: Ուստի
մտածեց վերջ դնել այս դժբախտությանը՝ նոր ինորո խրատելով
Արությունին խիկարի խրատներով, հանդիմանությունով, նա-
խատինքով, վերջապես սուր-սուր մասալներով ու կատակով:
Բայց Ավետիքի կրթության այս ձևը ոչ միայն շուրջից Արությու-
նին, այլ՝ ընդհանրապես՝ ավելի ևս գրգռեց նրա ինքնասիրությու-

նը: Նա տեսավ, որ ոչ ոք իրան խելոք չի համարում, ինքնապաշտ-
պանության դիրք բռնեց, սկսեց ինքն իրան գովել, իրան խելոք հա-
մարել, իսկ բոլոր մնացածներին՝ մանավանդ իր հորը՝ անխելք և
հիմար: Այս մի անակնկալ հարված էր, մի սաստիկ դարկ, որ չէր
կարող տանել ոչ մի հայր, ուր մնաց թե Ավետիքը:

— Սա իմ տղան չէ,— ասաց Ավետիքն իր կնոջը:

— Թե որ քո տղան չէ,— ասաց կինը այնպիսի մի ձայնով, որ
աղատ չէր երկյուղի ազդեցությունից,— թե որ քո տղան չէ՞, հա-
պա ինչու է քեզ նման անկոտրում, քեզ նման իր ասածի...

— Դրա մեղավորը դու ես, դու գովում ես իրան, նա էլ երես
է առնում, էլ հետը խոսել չի լինում:

— Ինչո՞ւ չեմ գովիլ, աչքումս մազ է բսնել մինչև նա մեկ սև
ու սպիտակ է սովորել. ո՞վ է նրանից ուսումով, նրանից շնորհ-
քով:

— Մեկ դու ես շնորհքով, մեկ էլ նա: Մի երկու տավար է տա-
նում հանդ, կեսն է ետ բերում. էդ չէ՞ դրա շնորհքը...

— Թե որ ուզում էիր տավարած շինես, էլ ո՞ւր էիր կարդաց-
նել տալիս, ո՞վ է անում իր շտրած բանը, որ նա անի. նրա ուշքն
ու միտքը իր դրի, իր ուսումի վրա է, ուրիշ ոչ մի բան նրա աչքին
չի երևում. շատերն են ուզում, որ նրա պես որդի ունենան, բայց
աստված նրանց թողած՝ քեզ է տվել...

— Ինչի՞, ես ի՞նչ եմ արել նրան. աչքը հո չե՞մ հանել. ինչ-
քան կարողացել եմ, ուսում եմ տվել. էլ ի՞նչ է ուզում ինձանից:

— էն է ուզում, որ ասում է, ես իմ կարողալս, իմ ուսումս դեռ
չեմ վերջացրել. ինձ օգնեցեք, ասում է, մինչև ես իմ ուսումս
ավարտեմ...

— Ա՛ կնիկ, քո խելքն էլ էնքան է կտրում, ինչքան նրանը:
Ուսումը կավարտվի՞, ի՞նչ ես խոսում: Ուսումը որ կա, մի ծով է,
ոչով չի կարող նրան հատացնիլ. ամեն մարդ ինչ աման որ ունի,
էնքան կհանի նրանից: Հիմա դրա ամանը որ լցվել է, ես ի՞նչ մե-
ղավոր եմ. թող մեծ աման էր ունեցել, մեծ ուսում էլ կատանար:
Վերջապես ես աղա չեմ, փողատեր չեմ, ինչքան իմ կարողությունս
ինձ թույլ է տվել, ես էլ իմ որդուն էնքան եմ ուսում տվել, ավելի
կարողություն չունիմ: Մեր գեղումը ո՞ր հայրն է՝ ինձ շափ շասեմ՝
իմ կիսի շափ ուսում տվել իր որդուն...

— Դու որ ուզենաս, դեռ էլի կարող ես օգնել. նրա մի տարվա

հացն ու շորն ի՞նչ է, որ շտաս: նա ասում է՝ «Իմ ընկերները ժամանակով մարդիկ կդառնան, բայց ես որ ձեզ մոտ մնամ, ի՞նչ պիտի դառնամ: էշն, ասում է, որ իշի կշտին կապես»...

— Ի՞նչ, ի՞նչ...

— Ի՞նչ պիտի ըլի... դու էնքան ասել ես, որ նա էլ սովորել է...

— Ես ի՞նչ եմ սովորեցրել...

— Քո մասսալները...

— Ես ցույց կտամ դրան իմ մասսալների զորությունը...

— Աստվածդ կսիրես, ա՛յ մարդ, երեսիս չգժվացնես. նա առանց էդ էլ գժված է, էլ ոչ մեծ է հարցնում, ոչ պատիկ, ամենքին էլ անպատիվ է անում...

Արությունը՝ տեսնելով որ իր հորից օգնություն չի ստանալու՝ ուզեց իր տրտմությանը մասնակից անել Մանվելին: Մինչդեռ այր ու կին վիճում էին նրա մասին, նա քաշվել էր հյուրասենյակը և գրում էր Մանվելին հետևյալ նամակը.

Մանվել,

նոգեկիցդ իմ,

Զգիտեմ դու հիմա ի՞նչ տեղ ես արդյոք և ի՞նչ վիճակի մեջ, բայց ես այս նամակն ուղարկում եմ ձեր գյուղը, որ ուր էլ որ լինիս, քեզ հասցնեն:

Աչքդ լո՛ւյս, Մանվել, ես հիմա գիժ եմ: Այսպես են համարում ինձ այժմ ամենքը: Եթե մի քանիսն էլ, և այն երբեմն, իմ ասածի մեջ խելք են նշմարում, ասում են՝ «Գժից ուղիղ համբավ»: Ասենք սա մի անպատվություն չէ, այլ՝ ընդհակառակն՝ այնքան մեծ է այս պատիվը, որին ես դեռ չեմ արժանացել: Բայց այսուամենայնիվ իմ մանկության օրորոցը, իմ փայփայած ու գզված ծննդարանը այժմ ինձ թվում է մի դժոխք, ուր՝ ինչպես ասած է ավետարանի մեջ՝ ազվեսների համար որչ կա, թռչունների համար բույն, բայց մարդու որչու համար գլուխ դնելու տեղ չկա: Հիմարություն, կոպտություն, ծուլություն, ընչաքաղցություն և, որ մայրն է ամենայն շարյաց. կեղտոտություն և, էլի կասեմ, կեղտոտություն, անտա-

նելի, անմերձենալի կեղտոտություն, անմաքրություն, կեղտոտություն...

Իրանց գոմերի առջև հազար տարվան թրիք կա կույտված, շեն տանում իրանց այգիքն ու արտատեղերն ածում, որով թե՛ իրանց հողերը կբարվոքեն և թե իրանց տները կազատեն ժահահոտությունից, որ իրանց այնքան զգալի չէ, սովոր լինելով այդ հոտին: Ոչ մի տղամարդ կամ կնիկարմատ չկա, որ երկու շապիկ ունենա, շապկաբնկեր հո—շատերը մեկն էլ չեն ունենում: Շատ անգամ տեսնում ես սրա կամ նրա կուրծքը աղլուխով ծածկված. այդ նշան է, որ ծրաջան տանտիկինն իր կամ մարդու շապիկը նույն օրը բարեհաճել է լվանալ: Այդ էլ իհարկե զատկից զատիկ կլինի կամ շա՛տ-շա՛տ հինգ նավակատիքներին... Բայց թափ են տալիս թոնդրումը ամիսը մեկ կամ երկու անգամ... Ո՛հ, որ միտս եմ բերում, գլխիս ցավը բռնում է... Ահա այս մաքրասեր իմաստուններն են, որ ինձ գիժ են համարում, որովհետև համարձակում եմ ասել, որ ոչիլն աստված չի ստեղծել, այդ դուք եք ստեղծում ձեր անմաքրությունովը...

Դու լավ գիտես, որ մեզանում փոքրերն իրավունք չունին մեծերին ընդդիմախոսելու... Մեզանում չկա «նեբեցեք», որովհետև դա մարդավարության կվերաբերի, որի անունը դեռ լսած չեն մերոնք: Անեծք, հայհոյանք... Անլուր հայհոյանքների մեջ մտնում է և արարողը և նրա ամենայն արարածը: Կոիվը կատարվում է դազանակով, սրով և հրացանով: Զարակամությունը սահման չունի, ռիակալությունը ժառանգական է, պիտի շարունակվի որդոց որդի: Սեր կա՝ անասնական, բարեկամություն՝ խաբեբայական, խնդակցություն՝ ռոպեական, գթություն՝ բռնակալական, եղբայրություն՝ կայենական, հայրություն՝ գազանական... Ո՛չ, ես այստեղ չեմ կարող մնալ...

Մի հատիկ հոգի, որ այստեղ ինձ մխիթարում է՝ այդ իմ մայրըս է: Մայրս Ռեբեկայի վիճակումն է: Ինչպես Ռեբեկան իր որդի Հակոբին միշտ պաշտպանում էր հոր ատելությունից, այսպես էլ իմ մայրս պատրաստ է իր կյանքը զոհել ինձ համար: Նրա սերը դեպի ինձ այնքան մեծ է, որ՝ չնայած իր կանխակալ կարծիքներին՝ հավատում է իմ բոլոր ասածներին և հոգով շափ փառավորվում, որ ինձ նման իմաստուն որդի ունի: «Մի՛ վախենար, սիրտ է տալիս ինձ մայրս, աստված քեզ հետ կլինի միշտ, նա քեզ չի կորցնիլ, եթե դու նրա փեշիցը պինդ բռնես: Միտդ բեր Հակոբին, Հով-

աւփին, Մովսէսին. դու հս գիտես՝ աստված նրանց ինչպէս առաջ-
նորդեց... Հետո ես ասում եմ, «ճշմարիտ է, աստված նրանց հետ
էր, բայց նրանք հայ չէին. աստված մեր պապերի հետ էլ է
եղել... Եվ պատմում եմ Հայկի, Արամի, Տիգրանի քաջագործու-
թյունները: Մայրս շատ ոգևորվում է, մանավանդ. երբ որ պատմում
եմ Եղիշեից. հինգերորդ գարում մեր փափկասուն աիկնանց կրած
նեղաթիւնները իրանց հայրենիքի պաշտպանութեան համար: Մեկ
օր այնպէս հուզվեցավ մայրս ու լաց եղավ. աշնանը մորս ար-
ուասունքը, ես ինքս էլ արտասովեցա: Արդոյք մոր նման քաղցր էլ
ուրիշ ի՞նչ կա ուշխարհքումս: Ինչքան բախտավոր կլինեին զավակ-
ները, եթէ հայրերն ևս մայրերի քնքուշ զբաղմունքն ունենային:
Ընդհանրապէս կոպիտ են հայրերը և կոպտաբար են վարվում
իրանց որդոց հետ: Նրանք, իբրև տան բռնակալ՝ ա՛հ ու սարսափն
են ամենքի: Նրա անունով մանուկներին սպառնում, վախացնում
են: Այդ երկչուղի տպավորութիւնն այնքան մեծ է եղել ինձ վրա,
որ այս բոպեիս էլ վախենում եմ իմ հորից, թեև ինքս ինձ սիրտ եմ
տալիս, որ մաքառեմ նրա բռնակալութեան դեմ: Հաջրս մի գարհու-
րելի մարդ է նաև, իր հսկայական հասակով, իր բարկացիտ և
կնճռոտ դեմքով, իր ծանրաբարոյութեամբ և մանավանդ իր կամա-
կորութեամբ և այն մեծ համարմունքով, որ վաստակել է իր մասին:
Այս ահեկին ինձ չի օգնում, ոչ թէ նրա համար, որ ժլատ է, ո՛չ,
հայրս ոչ միայն ժլատ չէ, այլ, ընդհակառակն, շափազանց առա-
տաճեան է, միայն ոչ իր համար, իր տան համար, իր զավակների
համար, այլ... օտարների: Չափազանց հյուրասեր է և հյուրերի
համար հատկապէս օղա ունի շինած գոմի մի ծայրումը: Առանց
հյուրի հաց ուտելու սովորութիւն չունի. եթէ չկա մի օտար հյուր,
նա պատահած շինականին կկանչե, որ նրա հետ ախորժակով հաց
ուտի, գինի խմի: Շատ անգամ երեսերը անբաժին են մնում, բո-
չորը հյուրերն են ուտում. շատ անգամ՝ իմանալով՝ որ տանը կե-
րակուր չկա պատրաստած՝ նա էջի քերում է հյուրերին,
ասելով՝ «սոխ ու հաց, սիրտք բաց», քացք այրալեռի դեպքե-
րում մորս հետ կովում է: Ահա այս մարդը, որ ինչքան լավ մարդ
է իբրև հասարակութեան անդամ, նույնքան վատ է՝ իբրև գերդաս-
տանի հայր: Փս, իհարկե, ընդդեմ չեմ նրա հայրամայրութեանը, այլ
ընդդեմ եմ, որ մեկը զոհում է մյուսին: Եվ ես որանում մի տու-
քիւնութիւն չեմ գտնում, այլ միայն մորտութեան և անապատու-

թիւն: Ինձ չի տալիս այն, ինչ որ կրկնապատիկ տալիս է օտարին:
Ահա՛ այսպէս է կազմակերպվել սրա բնավորութիւնը:

Մի բան, որ ինձ զարմացնում է, այն է, որ հայրս ոչ միայն
չի ուզում օգնել ինձ, որ ես ուսումս շարունակեմ, այլ իր մոտն էլ
չի ուզում պահել... ահա ցավն ինչ տեղ է: Ի՞նչ արած, ես էլ մըտ-
քումս դրել եմ զնալ դեպի մի կողմ, ուր որ աստված կառաջնորդե-
ն թե ողջ մնամ, էլի կտեսնենք միմյանց, իսկ եթէ ոչ՝ մյուս կյան-
քումը կսպասեմ քո տեսութեանը: Իմ վերջին կտակը, որ ուզում
եմ քեզ հայտնել՝ այս է՝ եթէ աստված տա՝ լավ ուսումն ստանաս,
գեղացոց համար մի ամսաթերթ հրատարակիր հասկանալի լեզ-
վով ու մտքով: Տպած խոսքը՝ ինչքան էլ հիմար լինի, ափելի անց
կկենա, քան թէ ինձ պատերի երես առ երես խոսիր: Ի՞նչ պտուղ
կարող ես սպասել մի խոսքած անդաստանից, որ միայն փուշ և
տատասկ կարող է բացնել: Պետք է մշակել այդ վայրենացած ան-
դաստանը, բարի սերմեր ցանել. եթէ մենք չենք տեսնիլ, գոնե մեր
հետնորդները կտեսնեն և կվայելեն նրա պտուղները և ինձ նման
անմուրազ չեն մնալ: Ողջ լիբ:

Քույր Արություն

— Հապա ըո ասեցը ի՞նչ է, ա՛ կնիկ, ինչպէս պետք է անենք,
որ՝ ինչպէս կասեն՝ ոչ շամփուրն էրվի, ոչ խորովածը:

— Ահա գալիս է ինքը... թե աստվածդ կսիրես, ա՛յ մարդ, չը-
խոսացնես...

Արությունը ներս մտավ և նստեց իր հորից հեռու, թախտի
ծայրին: Ավետիքն աչքի տակով մտիկ տվավ և ինչ-որ փնթփնթաց
ինքն իրան, բայց այս արգելք չեղավ, որ Արությունը վճռաբար
ասեր նրան, թե՛ ինչո՞ւ իրան չի ուզում օգնել:

— Ինչ որ կարգացել ես, կեսն էլ ավել է,— պատասխանեց
Ավետիքը:— Առանց էն էլ տեսնում եմ, որ դու շատ ես հպարտա-
ցել, էլ ոչովի չես հավանում: Մառը որ ծառ է, ինչքան որ շատ է
պտուղ բռնում, էնքան ճղները կուացնում, խոնարհեցնում է, բայց
դու մի ծառի շափ էլ չկաս: Ոչ ծերի պատիվ ես պահում, ոչ մեծի
խոսք լսում. ով որ մի բան է ասում, դու իմացած, չիմացած, քրը-
քըջում, ծիծաղում ես...

— Սուտ բանը որ ուզենան ճշմարտի տեղ հավաստացնել, ո՛ւմ

ծիծաղը չի գալ,— ասաց Արությունը վստահաբար, օգուտ քաղելով հոր հանդարտ խոսակցուցը:

— Սուտ բանը ո՞րն է.

— Ես ո՞ր մեկն ասեմ... Հենց ինչ որ ասում են, բոլորն էլ սուտ է լինում, ոչ մի ճշմարիտ բան չեմ լսում: Բորչակվեցի թուրք Ալին տասներկու տարի գելություն է արել, ասում են: Սրանից էլ անհամ սո՞ւտ:

— Հետո՞, էդ սուտ է՞. ես ինքս եմ աչքովս տեսել էն մարդին, ինչի է սուտ, ուրեմն մենք ամենքս էլ սո՞ւտ ենք խոսում:

— Դու քո աչքովդ մարդին ես տեսել, մարդի ասածին ես հավատացել, դու հո չե՞ս տեսել նրան գել դառած, դու հո չե՞ս տեսել էդ գելին նոր մեկանց մարդ դառնալիս: Եթե տեսել ես, դե ինձ հասկացրու, տեսնեմ էդ ինչպե՞ս է եղել, որ ես էլ հավատամ...

— Ինչպե՞ս պետք է լինի,— պատասխանեց հայրն ակամա, ուղենալով որդուն հավատի բերել և ցույց տալ նրան, որ ինքն ավելի բան գիտե, քան թե նա, չկասկածելով, որ իր բոլոր գիտությունը Արությունի համար չգիտություն է:— Ինչպե՞ս պետք է լինի: Մեկ օր շարերը հարսնիք անելիս են եղել զուռնա դավալով. մարդը չի իմացել, որ էդ հարսանիքը շարերն են անում. միամբտությունով գնում է ընկնում նրանց մեջը: Չարերը պար են ածում նրան, ծափ տալիս, ծիծաղում, հետո մի գելի մորթի են գցում շլինձը, մարդն իսկույն գել է դառնում, գնում ընկնում գելերի մեջը:

— Հետո՞, հապա ինչպե՞ս է ապրել գելերի հետ:

— Ինչպե՞ս պիտի ապրե, իհարկե գելի պես: Քանի անգամ ի:եղճը պատմել է ինձ: Ասում է՝ տասնով, քսանով ման էինք գալիս շուկա, ո՞ր տավար կամ ոչխար որ մեր դսմաքն էր լինում, միայն նա էր երևում մեր աչքին, մենք էլ գնում էինք նրան ուտում: Երբ որ աստված դսմաթ չէր տալիս, բոլորս մեկ տեղ էինք հավաքվում ու սկսում էինք օռնալ. հետո մի բան էր երևում աչքերիս, գնում էինք ուտում: Մեկ անգամ էլ, ասում է, մի լղար ձի երևաց աչքերիս. գնացինք, վեր գցեցինք, մեր մեջ փայ արինք, մեջքի սեռն ընկավ ինձ. դարտակ ոսկոր էր, էնքան կրծեցի, ասում է, որ ատամիս մեկը վեր ընկավ... Եվ ճշմարիտ որ առաջին ատամներից մեկը վեր ընկած էր...

— Իհարկե, սուտ ինչպե՞ս կասեր. բայց հետո՞, ինչպե՞ս է նորմեկանց մարդ դառել...

— Ինչպե՞ս պետք է լինի... Հերթով գնում են եղել փարախից

ոչխար փախցնում: Մեկ անգամ էլ հերթն իրան է ընկնում, գնում է մտնում ոչխարների աղալը. շները վրա են թափվում, շոբանները հավաքվում են. ուզում է, որ թուշի, շափարովը դուրս ընկնի, գելի մորթին ընկնում է շափարի բհիրը, շլինքը միջիցը դուրս է գալիս թե չէ՝ էլի դառնում է առաջվան մարդը: Չոբանին ուզում են մեկ լավ ծեծե՞ն, բայց որ իմանում են, թե գել է եղել, նոր է մարդ դառել, տանում են իրանց մոտ հաց ուտեցնում, ճանապարհ գցում:

— Ա՛յ թե խաբել է հա՛...— բացականչեց Արությունը:— Նա հենց մարդ է եղել և ոչ թե գել, բայց որ գողությունը բռնվել է, ասել է՝ գել էի. հիմար շոբաններն էլ հավատացել են, էդ բանը տարածել ժողովրդի մեջ: Խելոք մարդն էդպես բաներին ինչպե՞ս կհավատա. մարդն ինչպե՞ս գել կդառնա...

— Դու որ չես հասկանում, հենց իմանում ես, թե չի դառնալ. ինչի՞ չի դառնալ: Չարերն ի՞նչ ասես որ շանեն: Մեր Ասրոնց հարսը գել չէր դառն՞լ, հարևանների երեխեքը կերե՞լ. նրան չէ՞ր, որ բռնեցին, գելի մորթին գցեցին թոնիրը, որ քիչ էր մնացել, թե ինքն էլ հետն ընկնի կրակը. բղավում է եղել. «Վա՛յ, էրվեցի, էրվեցի»... Գելի մորթին որ էրվում է, նա հենց իմանում է, թե ինքն էլ հետն է էրվում... Չարերն էլ որ շլին, մի՞թե աստված չի պատժիլ մարդի: Էլ ի՞նչ ես կարդացել, որ էդքանն էլ չես իմանում: Նաբուզողոնոսորը եզը չդառա՞վ. մեր Տրդատը խոզ չդառա՞վ, որ Գրիգոր Լուսավորիչը նորմեկանց մարդ շինեց, բայց մի ականջը նշան թողեց, որ քեզ պես թերահավատները մտիկ տան, իրանց աչքով տեսնեն, որ շասեն սուտ էր...

— Իհարկե՞ սուտ էր: Տրդատը խոզ չի դառել, բայց գժվել է՞ իր հավատը փոխել, սուտ բաների հավատացել, գնացել ընկել մի քարափի մեջ, որ ճգնվի...

— Հա՛ա՛... էդ վաղ կասեիր է՛, որ էլ քեզ հետ շխոսեի: Էնդուր են ասել, թե առաջ շատ կարդացողը կթուրքանա է՛... Դու թուրքից էլ բեթար ես դառել— ո՛չ աչքով տեսածին ես հավատում, ո՛չ ականջով լսածին, ո՛չ ինձ, ո՛չ Այսմավուրբին, էլ քեզ հետ ինչպե՞ս խոսի մարդ:

— Դու ե՞րբ ես մի ուղիղ բան ասել, որ խելքը գլխին մարդը հավատա. որտեղ մի սուտ ես լսել, բոլորն էլ գլուխդ ես հավաքել, կարծում ես թե էլ քեզանից շատ բան գիտցող, քեզանից խելոք մարդ չկա աշխարհքիս երեսին:

Ավետիքի զարմացումը հաղթեց նրա բարկութիւնը. նա շու-
զեց հավատալ, որ այդ անահնկալ գեղակը գեղի նրան ձգեց իր
խակ որդին, ուստի և շարունակեց.

— Քեզ ի՞նչ ասեմ, գու գովել ես. դու ինքդ էլ չգիտես, թե ինչ
ես ասում, ում հետ ես խոսում: Թուրքը չափ է ասել. «էնպէս
թուրք դառար, որ հորդ խաչն էլ չճանաչեցիր»: Քայց դու էնպէս
ես թուրքացել, որ ոչ թե հորդ խաչը, այլ նույնիսկ հորդ լեռ ճանա-
չում... Վա՛յ վա՛յ... էդ ո՞ր Ավետարանի մեջ է գրած, որ հոր երե-
սին էդ տեսակ համարձակ խոսքեր ասեն: Դե պատասխանիր՝ տես-
նեմ գրի սեն ու սպիտակը դու ես ջոկո՞ւմ...

— Դու Ավետարանի հավատում ե՞ս. քեզ պետք է Այսմավուր-
քից ասեն, կամ Պղնձե քաղաքի հիմար պատմութիւններիցն ու հիմար
տիկարի խրատներիցը, որ դու հավատաս:

— Էդ լա՛վ է, տիկարին էլ շես հավանում. հանկարծ Սողոմոն
իմաստուն շիինի՞ս դառած... Գիտես ի՞նչ կա. խելոք մարդն իր
ասելիք խոսքը առաջ մտքումը կդատի, էնպէս, ինչպէս որ թռչունն
իր ձագը կշահեցնի, որ խոսքը բերնիցը դուրս գա թե չէ՝ շահ ձագի
նման թռչի, վեր չընկնի՝ տկոռ ձագի նման՝ մարդի ոտքի տակ
ընկնի... Դու էնպէս խոսքեր ես ասում, որ մեր տավարած կյուրին
էլ չի ասիլ. սրա՛ն մտիկ տվեք, տիկարին էլ չի հավանում... Ափ-
սո՞ս, ափսո՞ս կորցրած ժամանակ, մինչև հիմի եթե մեր տանը
կացած լինեիր, գոնե հիմի մեկ օրինավոր տավարած կլինեիր.
գնա՛, գնա՛ էգուց մեր տավարը պահիր, քեզանից գիտուն մարդ չի
դուրս գալ...

— Իհարկե, որ ես էլ քեզ նման սուտ ու մուտ մասալներով
խոսեմ, էն ժամանակ ինձ գիտուն կհամարես: Աստված քեզ մի
ճարտար ու սրախոս լեզու է տվել, քայց սրտումդ մի քիչ սեր, մի
քիչ գութ չի դրել: Դու, ղորթ է, հավ շես մորթում, թե՛ արյուն շեմ
ուզում անիլ, քայց միևնույն ժամանակ օրդեսպանութիւն ես
անում... Ես հիմա լավ՝ ճանաչեցի քեզ. քո գլուխը ծուռ ու մուռ
զազափարնեցող է լցվել, էլ ուզիդ մտքի, ուզիդ գազափարի համար
տեղ չի մնացել...

— Եղբայր, որ դու ինձ էդպէս ես ճանաչել, գնա՛ ուրեմն իմ
տանիցս, էլ ինձ մտտ մի՛ կենալ. վե՛ր կաց, վե՛ր կաց կորիր...
Հակառակի պէս որտեղից եկավ էլի քաջքեքս մօզ արավ գլխիս,
մաղուլ մեզ համար հանգարտ նստած էինք...

— Քաջքեր էլ ունի՞ս, ի՞նչ տեսակ զազեք են էդ քաջքեքը...

— Դե՛ հառամզադա, դո՛ւրս, դո՛ւրս իմ տանիցը. գնա կորի,
էլ աչքիս շերեւս...

Արուսիւնն էլ ժամանակ չկորցրեց, շսպասեց, որ հայրը նրան
մեկ լավ մկրտեր: Առանց ուշք դարձնելու մոր արտասուքին՝ ձեռ-
քը ձգեց կախ տված վենքերը, որոնց վրա վաղուց աչք էր դրել, ու
դուրս փախավ: Հոփսոսիմեի ձայնը լսեցին գեղամեջի մարդիկը և
հասան ազատեցին մեր ճգնավոր դառած Ավետիքի ձեռից: Արու-
սիւնը չիմացավ այս, նա գնա՛ց, կորա՛վ...

Վերջ երկրորդ գրքույկի

ԱՇԸՂՈՒԹՅՈՒՆ ԵՎ ՈՐՍՈՐԴՈՒԹՅՈՒՆ

Ավետիքը շատ լավ գիտեր այն առածը, թե՛ «վեմն ապառա-
ծի է հանդիպել», բայց չէր ուզում խոստովանել, որ եթե ինքը վեմ
չլիներ, իր որդին էլ ապառաժ չէր լինել: Մոլեռանդ ծնողները մոլե-
ռանդ էլ գաղափարներ կունենան, թեկուզ միմյանց հակառակ գաղա-
փարով:

Գեղամիշով հեռանալիս՝ Արուսյունի առաջը ոչ ոք չկտրեց.
չէր էլ կարծում ոչ ոք, որ նա գլուխը վեր կալած՝ գնում է կորչելու,
որ ազատվի հոր հալածանքից: Մի ժամից հետո մայրը ձիավոր-
ներ ուղարկեց որդու հետևից, որ ետ դարձնեն, բայց չգտան. նա
ճամփից շեղվելով՝ մտել էր անտառն ու անհայտացել:

Արուսյունը շատ հեռու չգնաց. նա պտտվում էր Լոռու և Շի-
բակի գյուղերում, ուր մի տեղ վարժապետ էր դառնում, մի այլ տեղ
տիրացվություն անում, մի տեղ նախրապանի հետ էր ընկերանում,
մի այլ տեղ՝ շորանի, բայց ոչ մի տեղ մի քանի ամիս չէր մնում,
ոչ մի տեղ նրա ոտքը չէր կապվում: Նա կարծես մի բան էր կորց-
րել, ման էր գալիս որ գտնի, բայց չէր գտնում. չէր իմանում, որ
կորածն ինքն է, ինքը պիտի գտնվեր ումևիցե ձեռքով և լույս աշ-
խարհք հանվեր: Շատ անգամ սարից սար, հովտից հովիտ անցնե-
լով՝ որսորդություն էր անում և նրանով հոգում իր հագուստն ու
կապուստը, թեև նպատակն այդ չէր. նա թափառում էր անգիտա-
կից, ինչպես մի վայրենի:

Այս վայրենի վիճակը զարգացրեց Արուսյունի ներքին և ար-
տաքին զգացումները, նրա տեսողությունը, լսողությունը, հոտա-
ռուությունը, բնագրումը, մտառությունը, նկատողությունը, խորհո-
ղությունը և երևակայությունը: Նա զարգացավ և ֆիզիկապես: Գար-
նանային և ամառային բացօթյա կյանքի մեջ հով ու քով տեղերում,
ծաղկապատ լեռներում, անմահական աղբյուրների ափերում, մուկ

անտառներում և ձորերում շարունակ թափառելով՝ Արուսյունը մի
բուրբուխի նոր մարմին հագավ, ավելի առողջ ու զորեղ, ավելի
հաստ ու կուպիտ, քան թե առաջ էր: Ո՞վ կարող էր կարծել, որ
Արուսյունը սևը սպիտակից ջուկել գիտե, թե նա երբևիցե Ալբերտի
մթնաբանության ծանր լուծի տակ ընկած է, թե նա Չամչյանը
ծայրեիծայր անգիր է արել աշըղի խաղի պես:

Չնայած արտաքին կոպտությանը, նա չկորցրեց սրտի դու-
րազգացությունն ու քնքշությունը: Բնավորությամբ երկու սեռի մի
խառնուրդ էր ներկայացնում, և այդ երկու իրար հակառակ կողմե-
րը մերթ հաշտվում և օգնում էին միմյանց և մերթ կտվում ու ըն-
կրճվում միմյանցից, նայած թե որտեղ, որ կողմն էր ավելի պետք
կամ որպիսի տրամադրություն ուներ հոգին: Բնությունը նրան այն-
պես էր կազմակերպել, ինչպես դարբինը նրա երկսայրին, խանչա-
լը, որի մի բերանը հաստ էր թողել՝ քար ու քոլ կտրելու համար,
մյուս բերանը բարակ՝ փափուկ բաներ ածելու պես թոցնելու համար:
Նա մի զազան էր և միևնույն ժամանակ մի սոխակ. գոռում էր զա-
զանի պես և երգում սոխակի նման: Պատահումներ երբեմն այնպես
է կրթում մարդու, որպես կարող չէ կրթել ոչ մի տաղանդավոր դաս-
տիարակ. ո՞վ կարող է արհեստական կերպով տալ մեկին այն, ինչ
որ միայն բնությունը կարող է տալ, բնությունը, որ գիտե շոր անա-
պատներից մարգարե հարուցանել: Մտածող միտքը, զգայուն սիր-
տը միայնություն մեջ, բնության գրկում, նրա մեղմ ու ահեղ երե-
վույթների ազդեցության տակ՝ վերանում է մտքով և հափշտակ-
վում մինչև երկինք, հմայվում, կախարդվում է և հոգով ու մարմնով
անձնատուր լինում մի աներևույթ զորության: Այնուհետև գիտակից
ոչինչ չի լինում նրանում. նա վարվում է ինչպես մի խենթ, բայց
խելքը չկորցրած, այլ վերացրած, թոցրած դեպի վեր, դեպի բարձ-
րը, ինչպես առասպելական Պեգասը Հելիկոնյան լեռների մթնուր-
տում:

Արուսյունը շարունակ մտմտում և մոմտում էր դերվիշի նման:
Խոսակից ընկեր շունենալով, խոսում էր ինքն իր հետ և ի՞նչ օրա-
յին ամբողջներ ասես, որ չէր շինում, ինչ ասես որ չէր դառնում ձիբր
թե: Իրապես մի մութ անտառում կամ մի լեռան գագաթի վրա
նստած՝ երևակայությամբ նա վայելում էր աշխարհի բուրբ վայել-
չությունը, բուրբ փառքը, պատիվը, երջանկությունը, ընկնում էր և
սարսափելի նեղությունների մեջ, բայց ամեն տեղից դուրս էր գա-
լիս հաղթության դրոշակը ձեռին: Եվ ինչքա՞ն բարիք էր հասցնում

մարդկությանը, ինչքան երջանկացնում նրանց և փոխարենը վա-
յելում նրանց գովասանքն ու օրհնությունը: Դեմոսթենեսի պես ճա-
ռեր էր ասում և ատենաբանություն անում: Քյորոզլու պես երգում
էջ հաղթական և քաջության երգեր, Քյարամի պես ողբում էր և
ժնշարում իր Ասլուն: Երգում էր և անպատրաստից՝ առանց կանգ
առնելու, ինչպես շուվաքա, որ կնշանակե ոտանավաթը ազատ խո-
սող: Այդ ընդունակությունը նրա մեջ նման էր ճարպիկ լարախա-
ղացի և գործող ըմբռի ոգևորության: Այդ ոգևորությունը տեսանելի
և շոթափելի է: Ըմբռնները ուռչում են, նրանց բոլոր երակները լըց-
վում են արյունով: Լարախաղացները թեթևանում են, կարծես թե-
վազորվում են: Այս միևնույն վիճակի մեջ են ընկնում և աշըղները
ոգևորված ժամանակ, մահավանդ լյրար հետ բաս մտած ժամա-
նակ: Արությունը ոգևորվում էր թե՛ ըմբռի, թե՛ լարախաղացի և
թե՛ աշըղի նման: Նա զուրկ չէր առաջինի ուժից, երկրորդի ճարպ-
կությունից և երրորդի ճարտարությունից: Միայն սառ շուներ և ոչ
ածել գիտեր. հայրը չէր թույլ տվել սովորելու: Նա շվի էր ածում,
որովհետև հեշտ էր ձեռք բերելը. ինքն էր շինում. բայց շատ էր
ցանկանում մի սազ էլ ձեռք բերել և իսկական աշըղ դառնալ՝
աշըղությունը բարենորոգելու նպատակով: Այդ ժամանակ լավ
աշըղները շատ մեծ հոշակ և հեղինակություն ունեին ժողովրդի մեջ
և մեծ հարգանք ու պատիվ էին վայելում: Բայց Արությունն ընդդեմ
էր նրանց թե՛ հանգահյուսության անճոռնի ձևին, թե՛ թուրքերեն
երգերուն և թե՛ մանավանդ նրանց շափից դուրս ստահող պատ-
մություններին, որոնցով շարունակ նախապաշարմունքի մեջ էին
պահում ժողովրդին: Դրանք Ավեսարանի և Աստվածաշնչի պատ-
մությունները ծաղկացնում էին և պատմում այնպիսի ավելվածնե-
րով, որ տերտերների բերանը բաց էր մնում:

Մեկ անգամ լսեց, որ Հայդարբեգ գյուղը մի շատ անվանի
աշըղ է եկել, թե նա շատ աշըղների հետ է բաս մտած և սազերը
ձեռքներիցը խլած, մտքումը դրավ գնալ նրա հետ բաս մտնել, հու-
սալով՝ որ անպատճառ կհաղթի և սազը ձեռքիցը կառնի: «Արով-
յանցի ասածը, խանչալիս քարք հո չի վեր ընկնիլ, մի աշըղ էլ ես
կդառնամ», — ասաց Արությունն ինքն իրան: «Ըթե ես կհաղթեմ,
սազը ձեռքիցը կառնեմ, իսկ եթե նա կհաղթի, ես իմ հրացանս
կտամ իրան, բայց հետո մի թաքուն տեղ առաջը կկտրեմ, համ իմ
հրացանս կխլեմ ձեռքիցը՝ համ իր սազը. թող գնա՝ որտեղ իրանը
կասի, էնտեղ էլ իմն ասի: Դրանց օջին գալը մեղք չէ. բաշի նման

դռնեղուտ ման են գալիս, ժողովրդին սուտ-սուտ բաներ հավա-
տացնում. հետո որ ուղիղ մի բան ես ասում, էլ չեն հավատում.
ասում են՝ գիժ ես: Դե որ գիժ եմ, գիժ եմ, ես էլ գծություն կա-
նեմ...»

Այսպես մտածելուց հետո Արությունը ճանապարհ ընկավ դե-
պի Հայդարբեգ գյուղը: Արժանի է նկարագրության նրա այդ ժա-
մանակվա հագուստը: Նա ուներ վայրի վարագլի հաստ կաշվից
տրեխներ, արխալուղի փեշերքը հավաքած էր բրդե շալվարի մեջը,
օսի շուխա ուներ հագին՝ փեշերքը վեր կապած, մի մեծ՝ թարաքյա-
մի փափախ ուներ գլխին՝ ճակատի կողմը ներս ծալած: Վայրի այժի
կաշվից մի պարկ ուներ շալակին՝ մեջը մի կտոր սև հաց և մի կտոր
էլ թել պանիր: Ատրճանակը մեջքի կողմից գոտիկը խրած, խանչա-
լը ձախ կողմից կախած, հրացանն ուսը զցած և մի հաստագլուխ
թավարազին անունով մահակ ձեռքն առած: Արությունի այսպիսի
տեսքը՝ նրա երկար հասակի, վառվռուն և խոշոր աչքերի, արհա-
մարհող հայացքի և հանդուգն բնավորության հետ միասին՝ շատե-
րին կասկածանքի տեղիք էին տալիս, թե նա գուցե մի փախստա-
կան ավազակ է: Այդ կասկածն ավերանում էր, երբ Արությունին
հարց ու փորձ անելիս, նա սուտ չէր ուզում հնարել, ուղիղն էլ չէր
հայտնում, թե՛ ով է կամ ով չէ: Արությունն այդ չէր նկատում և ոչ
մտքովն անց կացնում, թե կարող են այդ տեսակ կարծիք ունենալ
իր վրա, եթե ոչ՝ նա կարող էր նրանց կասկածը փարատել: Նա
ավազակության ոչ հակում ուներ և ոչ ընդունակություն. ավելի
շուտ քաղցած կմեռներ կամ ինքնասպանություն կգործեր, քան թե
գողություն կաներ, որովհետև նա իր մանկության օրից միշտ և այն
օրը մի ամենաշնչին բան գողանալու կամ թաքուն վերցնելու միտք
անգամ հղացած չէր: Նրանից կասկածում էին ավելի շիրակեցիք,
որտեղ մեղք էին համարում զենք կրելը, մանավանդ նրան բանեց-
նելը, և սրա համար էլ շատ հաճախ երկու երիտասարդ նրանցից
մինչև հիտուն հոգու իրանց թրերի առաջն էին անում, ահագին կա-
րավանի բոլոր եղները քշում անց կացնում Արփաշայը և անհե-
տացնում:

— Հա՛խն է, — ասում էր Արությունը, — ինչո՞ւ ձեզ էլ չէին կո-
տորում այդ անպիտանները...

— Զանրժ, ի՞նչ կրսե, — բացակասնում էին շիրակեցիք:

— Չոռ ու ցավ կրսեմ... անամոթ հիմարներ, ի՞նչ երեսով եք
երևում դուք ձեր օղլուշաղին. ինչո՞ւ գետինը չեք մտնում: Մեր գե-

դի երեխան անգամ եթե կողոպտվի, նա կամաշի տուն գնալ, հորն ու մոր աչքին երևալ. դուք՝ ահագին զուգի տղամարդիկդ, ինչպե՞ս չեք ամաչում կողոպտվել երկու թուրք գյաղայի ձեռքով...

Արուսթյունը հեռացավ այդ տեղից և գնաց Լոռի, ուր և իմացավ համբավվածոր աշըղի գալը: Նա գնաց Հայդարբեզ և հանդիպեց աշըղին այն ժամանակ, երբ նա ուզում էր մի մարաքյա սարքել մի քանի աշակերտների հետ: Մարաքյայի նյութը պլտի լինելը Դուրդի քանի հեքիաթը: Գյուղի քեթխուղաները, քահանան և բոլոր մեծ ու զուրկ հեքիաթը: Գյուղի քեթխուղաները, քահանան և բոլոր մեծ ու փոքրը հավաքվել էին քյոխվայի տան սրահումը և նստել ծալապատիկ՝ մեծերը թաղիքների և մյուսները՝ գետնի վրա: Արուսթյունը մտտեցավ աշըղին համարձակ և գլուխ տալով՝ ասաց.

— Է՛շխ օլա, ուստա (աշխուժություն լինի կամ կցանկամ):

— Էշխն շոխ օլա, սաֆա գյալդն, — պատասխանեց աշըղը (էշխըդ շատ լինի, բարի եկար):

Սրանք սկսեցին խոսել թուրքերեն, ես կրնեմ այստեղ նրանց ասածների և երգածների թարգմանությունը:

Արուսթյուն: Պատվեի՛ վարպետ, չի՞ կարելի արդյոք, որ մի բոպե գոտիկ գոտիկ զարկենք, մարիփաթ մարիփաթի (այսինքն՝ փորձենք մեր ուժն ու շնորհքը, բա՛ս մտնելով): Ես լսել եմ քո համբավվածոր անունը և եկել եմ, որ քեզ հետ բա՛ս մտնեմ. հույս ունիմ, որ չես հրաժարվի:

Աշըղ. Գլխի՛ս վրա, աչքի՛ս վրա, մեծ ուրախությամբ, շատ սիրով, շատ սիրուն, շատ բարի... Բայց իմ սիրելի, իմ աչքիս լույս, ես տեսնում եմ, որ դու աշըղ չես, դու սազ չունիս կամ սազդ խըլել ես տվել, ինձ մոտ առանց սազի եկել: Ոչ, այդպես չեն լինում ինձ մոտ եկողները. նրանք սազով են գալիս և առանց սազի գնում: Սիրելիս, դու մոլորված ես, ջահել ես, քեզ խաբել են: Իմ գիրն այնպես գիր չէ, որ ամեն մարդ կարդա. իմ ջուրն այնպես ջուր չէ, որ ամեն մարդ խմի. ես այնքան խոր եմ, ինչքան ծովի հատակը, այնքան բարձր, ինչքան Մասիսի գագաթը: Ի՞նչ կասես, սա՛ն յախշի (դու լավը, այսինքն՝ ինձանից լավը, եթե կարող ես դու ասա):

Արուսթյուն (մտքումը). Այս ի՞նչ ճարտար մարդ է. սրան կարելի չէ հաղթել: Է՛հ, ի՞նչ եմ հոգում, ինչ կլինի՛ կլինի. ձու հո չեմ, որ կոտրվիմ: (Բարձր) Գիտե՞ս ինչ կա, վարպետ. դու ճշմարիտ ես ասում, ես աշըղ չեմ. ուզում եմ աշըղ դառնամ, բայց սազ չունիմ: Քո սազը իմ աչքումս մտել է: Արի բաս մտնենք, հիմի ինչ կլինի՛ կլինի, եթե դու կհաղթես, ես իմ հրացանը քեզ կտամ, որ «Ղրիմ-

Բախչասարայի» է, երկու հարյուր մանեթով է առնված: Թող վկա լինին էս քեթխուղաները: Բայց եթե կհաղթեմ, որ աստուծով հույս ունիմ, այն ժամանակ, ինչպես աշըղների օրենքն է, դու քո սազը մեծահոգությամբ ինձ կտաս:

Աշըղ. Շատ լավ, հույժ բարի: Բայց դու աշըղների կանոնը գիտե՞ս. դու գիտե՞ս, որ սկզբի ասելու իրավունքն իմն է, որովհետև դո՛ւ ես եկել ինձ մոտ, դու ես ուզում սազը ձեռքիցս առնել, որ երազումդ էլ չես տեսնի:

Արուսթյուն. Գիտեմ, գիտեմ, բոլոր կանոնները գիտեմ. կարող ես սկսել:

— Չէ՛, աշըղիս վախեցրի, — ասաց Արուսթյունն իր մտքումը:

Հարցրին մեկ մեկի անուն, աշըղն ասաց, որ իր աշըղակա՛ն անունը Շոհլայի է: Արուսթյունն էլ իր անունը փոխեց, ասելով՝ իմ անունն էլ Քերոբե է: Արուսթյունն իր մահակը սազի ձեռք բռնեց և ծունկ չոքեց աշըղի դիմացը: Սկսեցին առաջ ու առաջ խաղով պարծենալ: Բայց որովհետև սկզբի ասելու իրավունքն աշըղինն էր, նա առաջ սկսեց. Արուսթյունը պարտավոր էր հետևել նրա խաղի «ղաֆիային», որ նշանակում է դուռն: Աշըղական խաղի բոլոր տղաներն մեկ դռնով պետք է դուրս գան, այսինքն՝ մի հանգի վերջավորությունով: Արուսթյունն ևս պետք է նույն հանգի վերջ տար իր տներին, ինչ հանգի որ վերջացներ աշըղը, եթե ամ՝ ամ, եթե ան՝ ան, եթե ազ՝ ազ, և այլն:

Շոհլայի

Ընդունիր ողջունըս պատանի,
Համարձակ քաջի պես դուրս արի մեկդան,
Թող չենե սապարեզ, ով շնորհք շունի,
Աշըղ անուն տալը նրան չէ արժան:

Քերոբե

Կընդունեմ ողջունդ, պատվելի վարպետ
Եվ կըտամ խոսքերիդ մեկ-մեկ պատասխան,
Չեմ մնալ քո առջև բթամիտ, անգետ.
Համարձակ կանգնող եմ քո դեմ հանդիման:

Շոնլայի

Կանչել եմ անուր Մշու Սուլթանի,
 Որ մարդին նամարդին նա մոհզաջ շանի:
 Երեք քաջ լինել դու շես արժանի,
 Քեզեից պետք է խել քո զենք՝ հրաջան:

Քերոք

Քա՛ջ եմ արդյոք թե ոչ, այդ շուտ կտեսնես
 Երբ ինքըդ քո զենքից՝ սազից կըզրկվես,
 Զուր ասած խոսքերըդ կրկին ետ կանես,
 Կասես՝ մեղա՛ եմ քեզ, ի՛նչ արի՛ր, յաման:

Շոնլայի

Իմ ոսկեթել սազին շատերն են հազնել,
 Շատերն են քեզ նման խել ցանկացել,
 Բայց իրա՛նք են իրանց սազիցը զրկվել,
 Եվ սարսափած փախել մինչև Հնդստան:

Քերոք

Ես փախչող պտուղ չեմ, բնավ չըկարծես,
 Լավ կանես այդ հուսով քեզի լիարես,
 Գիտեմ, որ փախչելու ինքդ սովոր չես,
 Բայց հիմա կըփախչես մինչև Զինաստան:

Շոնլայի

Դու որ կաս, բժբուլ ես, ես որ կամ, քար եմ,
 Կարծում ես, թե ես էլ քեզ պես անճա՛ր եմ.
 Սպասի՛ր, քո տուչև մի թակարդ լարեմ,
 Թք գու ընկնիս մեջը ճնճզուկի նման:

Քերոք

Ես թակարդ լարող եմ, թակարդ ընկնող չեմ,
 Ինձ ի՛նչ պետք է ասես, որ ես չըգտնեմ,
 Բայց քո վերադ այնպես մի քար կչզնեմ,
 Որ հենց մնաս տակին այժմ և հավիտյան:

Այստեղ քեթխուդաները խնդրում են, որ վերջ տան պարծենալուն և իրանց ինքնագովությանը, ասելով՝

— Դրան վերջ չկա. դու կասես, նա կասի, մինչև որ պրծնեք, աստվածանից իրեք խնձոր վեր կընկնի՛ր, որ ասենք՝ մեկն ասողին, մեկը՝ լսողին: Շուտ արեք, թե բան ունիք ասելու, ասացեք, տեսնենք ո՛րդ եք հաղթվում, որդ՛ չէ:

Շոնլայի

Դուք շատ եք վաւզում, թող լինի այդպես,
 Սրա պես պարծեցողին չեմ անիլ անտես.
 Աչքը Շոնլային եմ, գիտուն, սիրատես,
 Իյանքումս չեմ եղել ցածրոզի, անբան...:

Քերոք

Քո բոլոր գիտությունդ ինձ վաղուց է հայտ,
 Մի՛ նայիր, որ սազի տեղ ձեռքումս է փայտ.
 Անբախտ Քերոքն եմ, աչքը եմ անհայտ,
 Ո՛հ թե այսպես մնամ մինչև օրն իմ մահվան...:

Ինքնագովությանը, ըստ սովորության, հետևեց հարց ու պատասխանը, որով պիտի երևեր հաղթողն ու հաղթվողը:

Շոնլայի

Լսի՛ր, թե գիտուն ես, ո՛վ քաջ ձեացող,
 Այն ո՛վ էր, որ աղբյուր հանեց ոսկորից.
 Այն ի՛նչ պողավոր էր, որ երեսին ուներ բող.
 Ո՛վ է՝ ձեռքի երկու տեղում մար փորից:

Քերոքե

Ես քո ասածներին կամ պատրաստ լսող,
Սամսոնն էր, որ աղբյուր հանեց ոսկորից,
Պողովոր Մովսեսն էր՝ որ երեսին ունեւ քող,
Հոնան ծնվեց երկու անգամ փորերից:

Շոհլայի

Ի՞նչ ծառ է, որ անհող, անջուր է բսնում,
Առանց տերևների ճղներ է գցում.
Ի՞նչ բանն է սուր, քան թուր սրտի մեջ ցցվում.
Այն ի՞նչ արարած է որ ծնվեց հորից:

Քերոքե

Պախրի եղջյուրները անհող, անջուր են բսնում,
Առանց տերևների ճղներ են գցում,
Դառը խոտքն է սրտում սրի պես ցցվում,
Քո կարծիքով Եվան ծնվել է հորից:

Շոհլայի

Այն ո՞վ էր որ սայլով երկինք վերացավ.
Սողոմոնն իմաստունը ի՞նչ բան շիմացավ.
Կարմիր ծովը քանի՞ տեղից պատռեցավ,
Շոհլային եմ՝ շատ լավ տեղյակ բողորից:

Քերոքե

Եղիան էր՝ կառքով երկինք վերացավ.
Սողոմոնն իմ պեսի միտքը շիմացավ.
Կարմիր ծովում տասներկու տեղ բացվեցավ.
Քերոքեն եմ, շատ ու շատ զոհ այս օրից...

Նորաթիւն ընկավ Արուսթյունին, որ այժմ նա հարցներ և աշըղը

պատասխաներ. նա էլ սկսեց, բայց ոչ թուրքերին, այլ հայերին, որ
նույնությամբ դնում ենք այստեղ.

Ես քո սուտ հարցերը մեկ-մեկ լուծեցի.
Չեմ ուզում հետևել քո մոլորության.
Հենց հիմի մի թեթև բան մտածեցի՝
Ո՞վ է հիմքը դրել հայոց ազգության:

Շոհլային մնաց լուված, սփրթնած, շիմացավ՝ ի՞նչ էր պա-
տասխանել, բայց քեթխուղաներն ստիպեցին Արուսթյունին, որ նա
ավարտե իր խաղը. նա էլ շարունակեց.

Եթե դու գովեիր հայոց քաջերին,
Մի համբույր կըտայի սաղիդ սիմերին,
Բայց դու հավատում ես շինծու բաներին,
Զըգիտես ո՞վքեր են Արամ ու Տիգրան:

Քեզ սուրբ Կարապետը շնորհք է տվել,
Պարզամիտ ամբոխին սուտ բաներ ասել.
Դու հայերին անգամ չըգիտես երգել,
Ո՞րտեղից կիմանաս ո՞վ էր Գայլ Վահան:

Ես խեղճ Քերոքեն եմ՝ սարևսար ընկած,
Սնապաշտ հորիցս զրկված, հալածված.
Քե դու էլ լինիր ինձ չափ կարդացած,
Կերգեիր անդադար Հայ ու Հայաստան...

— էյվալլա՛,— ասաց աշըղը, սազը դնելով Արուսթյունի առ-
ջևը: Արուսթյունը սաստիկ ուրախությունից շիմացավ ինչ էր ասելու՝
արդյոք Քյոոզլի՞, թե՞ մի ազգային երգ. հանկարծ միտն ընկավ
իր սովորական բայաթին, որ ամեն բոպեում երգում էր, և սկսեց
երգել.

Աշըղ ըմ, շա՛լ քշեղակ,
Մըհանի կանչիմ քու տեղակ,
Ախճիզ չըմ թա հըմանչիմ,
Տղա ըմ ծիւ-ծիւ կը կանչիմ...

Այս բայաթին մի շատ հին հանելուկ է, հաշնու բարբառով ասված. նշանակում է գրած բան, գիրք, նամակ. Արտաթյունն այս բայաթին ասեց ու սաղը վեր առավ գնաց:

— Էս ո՞վ էր, տղեք ջա՛ն, — բացականչեց քիթխուղաներից մեկը զարմանալով, երբ որ Արտաթյունն արդեն հեռացել էր բավականին, ապշություն բերելով բոլոր հանդիսականների վրա: — Էս ո՞վ էր:

— Ճշմարիտ, էս ի՞նչ զարմանք էր...

— Էս ի՞նչ հրաշք էր...

— Տեսնես երկնքի՞ցն եկավ, թե՞ գետնի տակիցը...

— Յարաբ սատանա է՞ր, թե հրեշտակ...

— Դա հողեղեն չէ՞ր... — խոսեց վերջապես աշըղը, երբ որ ամենքն էլ փոխ առ փոխ արտահայտեցին իրանց զարմացումը: — Հողեղեն մարդը չէր կարող իմ ձեռքիցը սազ խլել: Ես գիտեմ որ...

— Ուստեն ճշմարիտ է ասում, տղեք ջան, — միջամտեց տեր կարապետը, — բա թամաշա շարի՞ք նրա վառված էրեսին, կասե՛նայիր Ստեփաննոս նախավրկայի էրեսն ըլի. — Անուան ինչ էր նրա՞...

— Քերոքե՞...

— Որ ասում ե՛մ... Հավատացեք, նա հրեշտակ էր, մարդի շոր հագած, էն էլ թուրքի. ախըր սուրբերը չիմ էլ թուրքի շորով են էրևում...

— Ասոված դրա ոտն ուղուրով անի մեր գեղի համար. տես՛ նես՝ ի՞նչ կնշանակի... քոռոնգատի՞ մեր գրքացն էլ ըստի չի, թե մի գրին մտիկ էր տվել, տեսնեիրն ինչ ա ասում...

— Գրքացն ի՞նչ ա իմանում, թե հրեշտակի գալն ի՞նչ կնշանակի, — ասեց տեր հայրը. — բայց ես տեսնում եմ, որ հիմի աստ՝ ծու աշըր քաղցրացել ա մեզ վրա, մեր ազգի վրա: Բա չլսեցի՞ք, որ ասեց:

Եթե դու գովեիր հայոց քաջերին,

Մի համբույր կտայի սազիդ սիմերին...

Մեր Գեորգն ու Բաղդասարը հիմի թիփլիս են, ընդիանց գրեք են ուղարկում, որ ես կարդամ, դուք անկաջ դնեք, բայց, մեղքս չեմ թաքցնիլ, ալարս էկել ա, թե կարդամ: Գրում են, թե՛ «Ժողովրդիդ քարոզի...», էլ չեն գիտում թե ժողովրդի գլուխն էնքան ա հաստացել, որ մամուկալի ա: Էդ Քերոքեն՝ ո՞վ գիտե՞ հիմի նրա համար էկավ ուստի սազը խլեց, որ քնն գգոտուցի, միտս բերի երեխոց

գրածը, թե չէ՛ մի օր էլ կգա իմ փիլոնը կիլի... Ուստա, աստուծով մխիթարվես. լավ է, շատ մի նեղացնիլ սիրտդ, ասոված ողորմած է, մի նոր սազ կառնենք քեզ համար. օրհնյալ լինիս, դու էլ այսուհեան հայեվար ասա, ինչ որ ասում ես... Հայոց լեզուն Ադամի լեզուն ա, ամեն լեզվից հարուստ, ամեն լեզվից քաղցր: Էս սահաթը մեր Նարեկի նման գիրք ոչ մի ազգ չունի, չունքի ուրիշի լեզուն աղոթք անելու համար հարմար չի գալի. բայց հայոց լեզուն էնպես լեզու ա, որ ամեն բանի էլ հարմար ա գալի. կուզես աղոթք արա, կուզես անըծի՛, կուզես գովի, կուզես փտնի. էլ ի՞նչ ես ուզում... Ուստա, էն ի՞նչ անուններ էր տալիս Քերոքեն. բա դու ասում ես՝ ոչ մի վարդապետ, ոչ մի եպիսկոպոս չի կարող ինձ շափ բան գիտե՛նալ. բա ինչի՞ չկարացիր պատասխան տալ...

— Ես որդիանց գիզենամ, — պատասխանեց աշըղը, — բթաբից սավահի, մենք ուրիշ գիրք չենք ընդունում: Նահլաթլամա (նզովք) է դրած մեր հին ուստաներից, ես ի՞նչ մեղավոր եմ: Այբբենի տեղ էլ մեզ ալիֆ բեյ են սովորեցնում, որ ալիֆլամա, դաֆուլլամա, զինչիլլամա խաղերի միտքն ու զորությունը հասկանանք, իմանանք. հիմի որ ես ձեզ ասեմ — «Բեյի, դային, սեյ, օխեյիֆ տըր քյաֆ, թեյինան բե՛յ», դուք չեք հասկանալ, բայց ամեն աշըղ էլ դաս է առել, գիտե, որ «Բեյի, դային սեյ»՝ կնշանակե՛ Պողոս. քյաֆ, թեյինան բեյ՝ քթաբ (Պողոսը կարդացել է ս. գիրքը): Եթե ասեմ՝

«Քի՛մ սախլադի ջանգա դափ, վով, ըեյի դալ» (ո՞վ պահեց իր մարմնումը որդ)։

Ղափ, վով, ըեյի, դալ՝ կնշանակե ղուրդ, որդ, ճիճու: Էս Հոբ Երանելու համար է ասած, չունքի նա իրա ջանումը որդ պահեց. արբեշումի ճիճուն էլ նրա ջանիցը բճամ էկավ, նրանից առաջ չըկար... Էսպես խաղերը՝ ղորդ ա՞՞ դժար խաղեր են, բայց նահլաթլամա չեն, քըթաբլամա են, չունքի Հոբ Երանելին քըթաբի մեջն ա: Բայց որ հիմի ասոված ուրիշ թավուր ա կամենում, «Կամք տյառն օրհնյալ եղիցի», ես էլ իմ աղին (ս. Կարապետին) կխնդրեմ, որ ինձ ուրիշ թավուր շնորհք տա: Դե մեր տերտերն էլ դու ես. դու մեր հայոց քաջերի պատմությունն արա, ես էլ նրանց գովեմ. բարձրացնեմ...

— Ես աշըղ հո չե՛մ, ոք քեզ խաղ սովորեցնեմ, — պատասխանեց տերտերը, որպես թե լավ չհասկանալով աշըղի սրահանջը:

— Քեզ ո՞վ է ասում ինձ խաղ սովորեցրու, խաղ ես ուզում ես

կատվորեցնեմ քեզ: Դու ոնց որ ամեն օր Այսմավորքը կարդում ես, մենք ականջ ենք դնում, էնպես էլ հայոց ազգի քաջ տղամարդոց պատմութիւնը կարդա, մենք ականջ դնենք: Ա՛յ, ինչ եմ ասում. ես քեզանկից խաղ չեմ ուզում:

— «Կարդա՛»... «Ականջ դնենք»... Ես ո՞րդիանց կարդամ, ինձ կարդացրել ն՛ն, որ ես կարդամ...

— Դե ասա՛ շեմ գիտում՝ էլ ի՞նչ ես կմկմացնում. դու որ տերտեր ես, շեա գիտում, ես ո՞րդիանց գիտենամ. էլ ո՞ւր ես վրաս ծիծաղում...

Թողեք տերտերին ու աշըղին, որ իրանց վեճը շարունակեն, մինչև մի խելքը գլխին մարդ դուրս կգա և կորոշե, թե նրանցից ո՞րն է մեղավոր, և որն՝ արդար, մենք գնանք Արուսթունի մոտ:

Արուսթունը հեռացավ գնաց, մտավ մի քարայր և սկսեց փորձել, որ տեսնե կարո՞ղ է ածել սազը, թե ոչ: Սպասեցեք, շվշվացնում է աշըղների եղանակներից և ճնկճնկացնում սազը, բայց չի կարողանում ներդաշնակութուն ձգել բոլոր թելերի մեջ, չի իմանում, թե մատը ո՞ր փարդի վրա պետք է դնել:

— Զէ՛, չի լինում: Յա՛ սուրբ Կարապետ, շանգլի սուլթան, շանգլի փիր... երգեմ, երգեմ, երգելով լավ դուրս կգա...

Թորդանեն Եփրատ բերին, Մշու սարին հավանեցար, — Բանիվ չորու ծնկովն մեզ զարմանք հրաշք ցուցար...

— Զէ՛, չի ըլում, սուրբ Կարապետը չի օքնում... Ուրիշ երգ երգեմ...

Քրիստոնյա եք, անգաջ կալեք, լսեցեք,
Լավ իմացեք պատվիրանն աստծու,
Մաթոս, Մարկոս, Դուկաս, Ուհան գրեցին
Չորս կտիս Ավետարանն աստծու:

— Զի լինում, չէ... վերի սիմերը շատ են թուլացել, պետք է սրանց ոտներին մի քիչ հուփ տալ, որ հաստ ձայն չհանեն... Ահա՛... կտրվեց սիմը. հիմի ես ի՞նչպես շինեմ: Բայց ի՞նչ վնաս ունի, մեկ սիմն էլ պակաս լինի թող. մյուսը փորձենք: Օհո՛... այս էլ կտրվեց. բայց էս ոտի վրա դեռ շատ կա փաթաթված. տեսնեմ հասնո՞ւմ է... Ափսո՛ս, կարճ է: է՛հ, մի նոր ցավ գտա ինձ համար. մինչև ես սրա հետ կհաշտվիմ, աչքումս մազ կբանի: Մեկ ասող լինի, թե սազը քո ինչի՞ն էր պետք, որ վերցրիր բերիր, խեղճ աշը-

ղին էլ առանց սազի թողեցիր: Հաղթեցիր բավական է, ի՞նչ կանեիր սազը: Ճշմարիտ, ի՞նչ պետք է անեմ ես էս սազը. տանեմ էլ ետ իրան տամ, ասեմ՝ ա՛ն, վարպետ ջան, քո սազը ինձ պետք չէ... բայց չէ... ետ գնալը լավ չէ, ով գիտե ինչ կարող է պատահել: Ես գիտեմ ինչ կանեմ այս սազը: Ես սրան կտանեմ Ջալալօղլի կծախեմ, ստացած փողովս գնդակ ու վառող կառնեմ... Իսկ հիմա կերթամ էս մոտիկ փռանգների գեղը: Այս խեղճ կաթոլիկները շեն իմանում, որ իրանք հայ են, դրանց պետք է հայացնել: Հենց որ հասկացրիր, թե ազգ ասածդ ինչ բան է, այնուհետև ի՞նչ պատճառ ունի շմխանալու մեզ հետ: Հիմարները իրանց տունը քանդում են, որ ուրիշ ազգերի տները շինեն... Վեր կենամ գնամ... Այսօր նշանավոր օր է ինձ համար... Հաղթե՛լ. հեշտ է ասելը: Աշըղին հաղթելը մի պատուհաս է, ամեն մարդի բան չէ: Բայց ինչ կլինի իմ ճարը, եթե դժվար դափիով էր սկսել. ինքն առաջուց պատրաստած կլինեիր, ես կմնայի կապ ընկած: Մեկ դրանց ասող լինի, թե՛ ով հիմարներ, ոտանավոր եք ուզում՝ գրեցեք, երգ եք ուզում՝ շինեցեք, էլ դափիա՞ս որն է: Մարդ իմանա, ո՞ր ժամանակից է այդ ձևը մտել մեր մեջ կամ արդյոք հայի՞՛ հնարած է, թե հետևողութուն է ուրիշ ազգի: Իհարկե սա մի հետևողութուն կլինի, հայն այնպես հիմար բան չէր հնարիլ, սա արաբացու բան է, էնդուր էլ աշըղների հին խաղերը բոլորն է արաբերեն են... Մեկ ինձ ասող լինի, թե դու ի՞նչ տեղից գիտես, ինչի՞՛ ես խելքիդ զոռ տալիս, կաբելի է թե փարսերենն էլ է այդպես... մի՞թե քիչ խաղեր կան փարսերեն... Զէ՛, այս ոչ ոք չի իմանալ, եթե ոչ՝ պարոն Հախվերդյանն էլ կիմանար, որ այս մասին ոչ մի խոսք չի ասել և դիտությամբ թե անգիտությամբ լռել է, եթե ոչ՝ ինչ կնշանակե՛

Սայաթ-Նովա գերեզմանն Հինդ, Հաբաշ, Արաբ մի անի:
Այդ միևնույն է, եթե ասել՝
Սայաթ-Նովա գերեզմանն հուն, զբկեռ, ունաբ մի անի, կամ՝
«Ճոն, դերձակ, դասաբ մի անի»...

Ով որ աշըղի դափիի նշանակութունը չի իմանում, Սայաթ-Նովի սև արաբը նրա աչքին չի երևում կամ կարծում է, թե բանաստեղծը դրանով մի մեծ միտք է ուղեցել հայտնել, մինչդեռ նրան՝ դափիի համար պետք է եղել աբ վերջավորութունով մի բառ, նա էլ դրել է «Արաբ», հիևդն ու հաբաշն էլ առաջից շարել, որ Արաբը մենակ չմնա. մե՛ծ մե՛ծ բառեր, մեջը դատարկ... աշխարհումս

մենակ աշրդնեբը շեն մոլորված, հենց ամենքն էլ մոլորված են: Քայց ի՞նչ կնշանակե մոլորված, միայն ես եմ մոլորված, որ շգիտեմ, թե ինչ եմ անում, ինչի՞ եմ մահն գալիս ու մինչև ե՞րբ պիտի այսպես աննպատակ թափառեմ. չընի՞ թե ճշմարիտ՝ ես խելագարված եմ, բայց ինքս չեմ զգում, չեմ հասկանում... Գնամ, գնամ այդ գյուղը, կարելի է թե ինձ աջնեղ վարժապետ են շինում և ի՞նչ զարմանալու բան կլինի: Եթե կորցրած էշեր պտրող Սափուղը կարող էր թագավոր դառնալ, ես ինչո՞ւ վարժապետ չեմ կարող դառնալ, որ կորած էշեր չեմ պտրում, այլ խելքը գլխին մարդիկ: Գնամ, գնամ, աստված ողորմած է, և ողորմած է շափից դուրս, անսահման ողորմած է: Նրա համար միևնույն է՝ խելոք է մարդը թե հիմար, կամ մարդ է թե կատու: Նա իր ողորմությունը հավասարապես տարածում է բոլոր արարածների վրա: Եթե այդպես շինեիր, էլ քար քարի վրա չէր կանգնիլ: Բայց ես՝ մոլորվածս, ուզում եմ որ ինձ վրա նա մի առանձին ուշադրություն դարձնի. չէ՞ որ հարյուր ոչխարի միջից տեբը միայն մոլորվածին է փրկում... Բայց այս ասա, թե ես ոչխար հո չե՞մ: Եթե այդքանը խելքս կտրում է, կնշանակե աստված իր անելիքն արդեն արել է...

Առանձնությունը և՛ վայրենացնում է մարդուն և՛ փրկիստփա է շինում: Արությունը չէր վայրենանում, նա կարող էր մի նորատեսակ փրկիստփա դառնալ, եթե թույլ տար նրան իր տաքարյուն խառնվածքը: Նա շափազանց դյուրագրգիռ, շափազանց դյուրազգաց էր փրկիստփայություն համար: Նրա բոլոր գատողություն մեջ փրկիստփայության հոտ ու նշան չկար: Նրա բոլոր ուղիղ կամ խելոք ասած բաները մի սրտի փղծուկ էին, կիրք դարձած զգացողության արտահայտություն: Այդպես էր կազմակերպված նրա անհատականությունը, նրա հոգու առանձնահատկությունը:

Արությունը սազը թաքցրեց քարայրի մեջ, իսկ ինքը զնաց մոտակա փռանքների գյուղը՝ Շարշաբետ: Գեղամիջովն անցնելիս՝ մի մարդ տեսավ, որ տան կտուրի վրա կանգնած՝ ծխում էր երկայնակս ծխամորճը (չիբուխ): Արությունը նրան մի քանի անգամ տեսել էր իրանց տանն իջանած և գիտեր, որ նա Բարսեղ քյահյան էր, մի պատվական և հյուրասեր մարդ, որ քառասուն տարի շարունակ քյահյայություն էր արել: Արությունը մոտեցավ նրան, և Բարսեղ քյահյան իսկույն ճանաչեց նրան: Նա չէր իմանում, որ Արությունն իրանց տանից խուսված էր, նստեցրեց մոտը և հարց-

րեց՝ թե «ինչպես էր Ավետիք եղբոր քեֆն ու հալը», և երբ խոսքը կազմ Արությունի մասին, նա պատասխանեց, որ այդ մասին հետո կխոսի նրա հետ:

Արդեն երեկոյան ժամասացության ժամանակն էր: Գյուղի ծխատեր քահանան դուրս եկավ տանից, երկայնակոթ շիբուխից մի թանձր ծուխ բարձրացնելով՝ նայեց արեգակին, տեսավ որ դեռ կարելի էր մի փոքր սպասել, քայլերն ուղղեց դեպի Բարսեղ քյահյան: Տեր հայրը դեռ շատ հեռու էր, որ Բարսեղ քյահյան ոտքի կանգնեց, մի փոքր ուշ՝ նրան հետևեց և Արությունը:

Տեր հայրը նստեց նրանց մոտ մի քարի վրա և Արությունին թուրք հովիվ, ուրեմն և գող կարծելով, ասաց Բարսեղ քյահյային.

— Ձո Փարսեղ, ասի՞ր ո՞րդից է, Քափանագու շորան է, հե՛... Ձո, ադամ, մեզի գիտն մը չե՞նե՛...

— Չէ՛, տեր խայր, խալ է, եաշնվա՛ է...

— Խոզարած է, հե՛.

— Ի՞նչ գրես ես գը, աղևկ կարդալ գի՞նա, մերին Ավետիք ախոր մանչն է...

— Ըղվո՛րտ գրես գը, ձո մանչի՛կս, ո՞ւր կերթաս գը...

— Ծս այստեղ եմ եկել, տեր հայր, ուրիշ տեղ չեմ գնալու: Ես լսել եմ, որ դուք ուզում եք ուսումնարան բանալ ձեր գյուղումը, բայց վարժապետ չունիք. ես կարող եմ վարժապետ լինել, եթե կկամենաք և կընդունեք:

— Աղանգ իշտե՛... էղնելու պան մը չըսի՛ր...

— Ինչո՞ւ համար:

— Քուզին միտքն ինդո՞ր է, դու խայ ես, մենք գաթուլի՞դ, աղիկ ի՞նչ ըսել է. «էզուր քըզի խայ ընեմ» դեյի ըսել չէ՞ մի... Ֆիռանգին ու իտայուն մեջ միապանութեն կեղնի՞ հեչ:

— Ինչպես թե՛ «էզուր խայ ընեմ քզի». միթե դուք հայ չե՞ք, նո՞ր պիտի հայացնեմ ես ձեզ. դուք որ ձեր անոնք փռանկ եք գըրել, հենց իմանում եք թե փռանգսուզ եք դառն՞լ, ո՞ր փռանգսուզը կհիմարանե՛ իր ազգությունը չճանաչել և իր ազգային կրոնը մի օտար կրոնի հողաթափ շինել: Վերջապես ես կրոնի վարժապետ չեմ, ձեր կրոնը դուք ինքնեքդ էլ կարող եք սովորեցնել. բայց եթե դուք ձեր ազգությունը չեք ուրանալ, ազգուրաց չեք լինիլ, ես կսովորեցնեմ ձեր որդեցը հայոց ազգի պատմությունը: Գիտություն էլ, որքան ես ունիմ, բոլորն էլ կհաղորդեմ նրանց դյուրին ոճով. վերջապես ուսում կտամ և գրե՛լ կարդալ կսովորեցնեմ...

— Խայոց բատմուտեն որի՞ն գրեսս գը. խին գոաբաշտներու խամ՛ր գըսես գը:

— Այո՛, հին կոապաշտների, բայց որոնք ավելի առաքինի, ավելի հայրենասեր և ազնիվ մարդիկ են եղել, քան թե այժմյան հայերից շատերը, որոնք թեպետ կոապաշտ չեն, բայց պապապաշտ են, որ կոապաշտությունից էլ ստոր բան է: Վերջապես հին հայերը հո միշտ կոապաշտ չեն եղել: Մեր Աբգար թագավորի ժամանակից սկսած հայերը խաշապաշտ դարձան Քաղեոս և Բարդուղիմեոս առաքյալների քարոզությունք և վերջը սուրբ Գրիգոր Լուսավորչի: Ես այդ բոլորը կպատմեմ: Ես այն կպատմեմ, թե ի՞նչ պատճառներից, ի՞նչ հանգամանքներից ստիպված՝ և որպիսի՞ որոմանացանների շնորհիվ միևնույն ազգի, միևնույն եկեղեցու հարազատ որդիքը բաժանվել են միմյանցից և այժմ՝ իրար խորթ եղբայր անգամ չեն համարում և փոխադարձաբար իրար ավելի են ատում, քան մի բոլորովին օտար և մինչև անգամ չքրիստոնյա ազգի: Այս բոպեխ դուք ամոթ եք համարում և մինչև անգամ մե՞ղք՝ ձեզ հայ անվանելու և շեք զգում, որ դա մի հայուրացություն է...

Տերտերը նկատեց, որ Արուսյունը վտանգավոր քարոզիչ չէ, որովհետև գիժ է, ու չդարձրեց այլևս նրա խոսքերին և մի ավելի խոհեմ մարդու դիրք բռնելով՝ վեր կացավ գնաց ժամ:

Բարսեղ քյահյան Արուսյունին տարավ իր տուն, ուր ներս մըտան թե չէ, աղջկեքն ու հարսները տանտիրոջ ակնարկությունք համբուրեցին Արուսյունի ձեռքը, կատարելով իրանց հյուրասիրական սովորությունը:

Ընթրիքից հետո Արուսյունը բարկացած լինելով տերտերի վրա՝ սկսեց հայ կաթողիկոսների մոլորության դեմ շատ բաներ ասել և քարոզել Բարսեղ քյահյանի ազգություն: Բարսեղ քյահյան, որ մոլեռանդ մարդ չէր և սերտ բարեկամություն ուներ շատ լուսավորչականների հետ, համակրում էր Արուսյունի բոլոր ասածներին՝ տաքարյունության վերադրելով նրա համարձակությունը, քան թե՛ գծություն, բայց ոչինչ շատեց, բացի այս մի խոսքից, թե՛

— Քուզին ըսածը բիյություն ջճմարտուտեն է մա՛ ինչ պիտ էնես օր՝ գարբավորնիս առաջնիս կփագեն գը, իշտե ինքդ ալ փղեսնես գը...

Արուսյունը մտքումը դրավ, որ էլ այնուհետև ոչ ոքի չհայտնե, որ ինքն այբբեն գիտե: Լավ համարեց, որ իրան՝ մի շոթան կամ ավազակ կարծեն, քան թե գիժ կարդացող: Բայց այսուամենայ-

նիվ նա չզգաց, որ ինքը մի նոր միտք քարոզելու կփայն ու ձևը չգիտե: Նա ոչ տեսել էր և ոչ լսել, թե ինչպես են վարվում և ինչպիսի ոճով խոսում նոր միտք, նոր ուսմունք վարդապետողները. գիտենար էլ՝ դարձյալ չէր նմանիլ նրանց՝ հակառակ լինելով այդպիսիներին թե՛ համոզմամբ և թե՛ բնավորությամբ: Նա մի շերմեռանդ աստվածասեր էր: Նա աստծուն ներկայացնում էր իրան՝ նարեկացու պես, անսահման բարի, անսահման ողորմած, և ոչ նախանձոտ, բարկացկոտ, ինչպես Մովսեսն էր ներկայացնում: Բայց շատ էր ցանկանում, որ աստված նախանձոտ և բարկացկոտ լիներ, վրեժխնդիր լիներ, իր փառքն ուրիշին չտար. սակայն խոր մտածելով՝ ասում էր. «Եթե այդպես լիներ, քար քարի վերա չէր կանգնիլ»:

Նրա բնավորությունն այնպես էր կազմակերպված, որ ինչ բովով էլ անցնելու լիներ նրա ուղեղը, նա կամեար մի շերմեռանդ աստվածապաշտ: Աստված նրա ամենաբարի հայրն էր, առանց ներան ինքը դիմքը որք կզգար, զուրկ այն անսահման սիրուց, որ խոքզկայողին մի անմահական կյանք է տալիս, նրա երեակայությունը մի արագ սլացումն դեպի վե՛ր, վե՛ր, դեպի անհունության ծայրի աշխարհը, «զոր ակն ոչ ետես, ունկն ոչ լվալ և սիրտ մարդո ոչ անկավ»: Զգացող սիրտը, երեակայող միտքը սնունդ է պահանջում, սնունդ է փնտրում և գտնում է միշտ՝ հիրավի՛՝ այնպիսի բաներ, որ ոչ աչքը կարող է տեսնել, և ոչ ակնջը՝ լսել...

Առավոտուն վաղ վեր կացավ Արուսյունը և մի տաք-տաք թանեսպաս խաշտելուց հետո, ճանասլարհ ընկավ դեպի Զալալօղլի: Այդտեղ ծախեց նա իր ձեռք բերած սազը և նրա գնով բավական գնդակ ու վառոց գնեց և ընկավ կոռվա ձորերը: Բայց ինչո՞ւ համար, ինչ նպատակով, ինչի՞ց ստիպված, այդ հարցմունքները նա ինքը իրան չէր առաջարկում, բայց կարծես մարդկանցից, աշխարհից փախչել էր ուզում և միայնության մեջ էր գտնում իր միակ մխիթարությունը, զվարճությունը: Յուրաքանչյուր քայլափոխում նա իր ուշադրությունը գրավող մի բան էր տեսնում, և այսպիսով նրա միտքն ու երեակայությունը անընդհատ զբաղված էր լինում, մանավանդ, երբ մի քոսի հետք էր գտնում և սկսում էր նրա հետքով գնալ, որսի հետքը նրան անց էր կացնում բավական մեծ տարածություն, առանց հոգնեցնելու, մինչև որ կամ գտնում, սպանում էր, կամ հետքը կորցնում և մի ուրիշը փնտրում: Որսորդությունը մի զարմանալի գրավող բան է, որ շատերի մեջ հարբեցու-

Թշան և թղթամուրեկյան պես մի բան է դառնում, էլ ձեռք վերց-
նելու հնար չի ունենում: Արուսթունի երազները արյունով լցվել էին,
նրա մկանունքները զարգացել, նա շարժունության կարիք էր
զգում: Այսպես մենակ մի բանի օր թափառելուց հետո, մի օր էլ
Մարցա անտառներումը հանդիպեց արտաքին կերպարանքով իր
նման մի որսորդի, կամեցավ մոտենալ նրան, բայց անծանոթը
հրացանը Արուսթունի դեմ բռնեցով, ասաց.

— Քի՞մ սան, յախըն գյա՛լմա (ո՞վ ես, մոտ մի՛ գար):

Արուսթունին որսորդների զբուռնությունը հայտնի էր. անծանո-
թի հայի կերպարանքը տեսնելով՝ ասաց.

— Ես թուրք հո շե՛մ, ի՞նչ ես թվանքըդ դեմ անում վրես, ես
հորսկան տղա եմ, հորսի եմ ման գալիս...

— Հա՛ա՛ դե որ հայ քրիստոնյա ես, լավ ա... ո՞րդրանցի ես,
անու՞մդ ի՞նչ ա՛, — հարցրեց անծանոթը մոտենալով Արուսթունին:

— Խաչնե՛ցի եմ, անո՞ւմս Արուսթին ա, դո՞ւ որդիանցի ես, քու
անո՞ւմդ ինչ ա...

— Ես էլ դսեկցի եմ, անումս Պողոս ա:

Մի բանի այսպիսի լակոնական հարց ու պատասխան իրար
տալուց հետո՝ մեր հայ սպարտազիբը մոտեցան միմյանց և նստե-
ցան իրար կողքի, որ հանգստանան:

Պողոսն Արուսթունի կատարյալ հակապատկերն էր. նա մի
մարմնացյալ կոպտություն էր՝ գազանի բնաբորությունը, բոլոր
զգացումները գազանային էին. նրա ապշությունը, զարմանքը, բա-
ցականչությունը, բաթկությունը, սգևորությունը, բոլորը, բոլորը,
գազանային էին. խելքի կառավարություն, տիրապետություն չկար
նրա զգացմունքների վրա: Բայց այսուամենայնիվ, իբրև ընկեր՝
շատ լավ ընկեր էր, որովհետև սրտոտ էր, քաջ էր: Նա ընկերոջ հա-
մար գլուխը մահու կառք, երբ տեսներ նրան նեղ տեղ ընկած: Երբ
որ տեսավ, որ Արուսթունը մի օտարական է, առաջարկեց նրան իր
մոտ գնալ, իր տանը մնալ որքան կամենում է և իր հետ գնալ որ-
սի: Արուսթունը հանձն առավ և տուն վերադառնալիս մի
եղնիկ սպանեց, սրով ցույց տվավ Պողոսին իր ճարակությունը և
բարձրացրեց նրա աչքումն իր հեղինակությունը, որովհետև փորա-
կը դիպցրել էր եզնիկի ճակատի ուղիղ մեջտեղը, սբ ամեն որսորդի
բան չէր...

Արուսթունը Պողոսի հետ ընկերություն արավ մի քանի ամիս:

Թե ինչի՞ց գրավված այդքան մնաց, այդ հանգամանքն ուրիշ բանի
կարելի չէ վերագրել, այլ միայն որսամուրեկյան: Մի քանի տեղ
թակարդ էին լարում ձմեռ ժամանակ և սպասում էին, որ նրանց
մեջ պիտի ընկներ մազավոր կենդանիք — աղվես, դալա, լիսան և
մինչև անգամ գայլ, խրամների անձատչելի քարածերպերում փե-
թակ էին դնում և սպասում էին, որ նրանց մեջ պիտի մտնեն տանը
ձագ տված փախած մեղուները. նրանց գնալ՝ մտիկ տալ կուզեր, և
գնում մտիկ էին տալիս, որ եթե հաջողված էր լինում, վեր էին
առնում, տանում տուն, իսկ եթե ոչ՝ ընկնում էին որսի հետևից եր-
բեմն միասին և երբեմն ջոկ-ջոկ:

Պողոսն անտառի մարդ էր, որովհետև որսորդությունը նրա
համար մի երբեմնական զվարճություն չէր, այլ արհեստ: Նրա բոլոր
հարստությունն էր իր մի հատիկ կովը, երեք հատ գամփո շները,
որոնցով շատ անգամ արջ և վարազ էին որսում, և երեսուն թե քա-
ռասուն փեթակ մեղուն: Նա չուներ ոչ հայր, ոչ քույր և ոչ եղբայր,
այլ մի մայր միայն, որ մի կատարյալ կմախք էր: Այդ չորությունը
առաջ էր եկել կակծից: Վեց որդի էր թաղել մին քան վմյուս գեղե-
ցիկ և քաջ. ամենքն էլ մեռել էին, որը՝ նոր նշանած, որը՝ նոր
սլտակված: Նա ամեն երեկո նախատում էր Պողոսին, որ ձեռք վերց-
նի որսորդությունից, վար ու ցանք անե, տավար պահե, բայց գա-
զանաբարձ Պողոսը սիրով պատասխանել կամ խոստումներով
սիրտ շահել չուներ, այլ խանչալով էր խոսում մոր հետ, ասելով՝

— Լեզվիդ մանի՛լ, թե չենա՛ էս սհաթիս փարչափարչա կա-
նեմ: Բայդուշ, հորս գլուխը կերար, ախպորցս գլուխը կերար՝ հե-
րիք չի՞, հիմի էլ իմ գլուխն ես ուզում ուտի՞...

Կսկծաշոր մայրը վախենալուց՝ ցածրացնում էր ձայնը և սր-
զում: Արուսթունի սիրտը թեև արյունով լցվում էր ամեն անգամ
այս տեսարանին ներկա լինելով՝ բայց ոչինչ չէր խոսում, չէր հան-
դիմանում Պողոսին, որ ըստ երևույթին, անգթության մեջ նրանից
ես չմտար: Սակայն առանձին եղած ժամանակ միշտ մխիթարում
էր պառավին և հույս էր տալիս, որ Պողոսը կլավանա, միշտ էնպես
կոպիտ չի մնալ: Պառավն էլ Արուսթունին համարելով յուր միակ
մխիթարիչը, Պողոսից առավել նրան էր մայրություն անում: Սա-
կայն մեկ օր էլ, երբ Պողոսն իր կոպտությունը ծայրահեղության
հասցրեց, և մայրն սկսեց երեխայի պես հեկեկալով լաց լինել,
Արուսթունի սրտի վրդովմունքն այնքան սաստկացավ, որ աչքերից
արտասուք եկավ: Զուգեհարով Պողոսին ցույց տալ իր սրտի քրքը-

Ջուրիւնը, դուրս եկավ տանից և արտասուքն աչքերին նստեց մեկ տեղ և արտահայտեց իր սրտի վիշտը հետագա խոսքերով.

Արցունքն աչքերին, կարկառած ձեռքով՝ մորս եմ տեսնում,
Թե երազիս մեջ, թե լույս ցերեկով, մտածմանց միշտմ,
Ո՛հ, մայր իմ, մայր իմ, մի՞թե արժեմ ես այդ կսկծանքին,
Այդ անշահի սիրուն և երանական պատրաստ գգվանքին,
Ես չե՞մ ուրեմն մի դժբախտ էակ մոռցված ամենքից,
Քանի որ ունեմ անսահման սիրով ինձ վիճակակից:
Թող ողջ աշխարհը ինձ արհամարհե, հոգ շունիմ բնավ,
Ինձ բավական է քո միակ սերը և գու՞թը անբավ,
Ո՛հ, թե ինչ հուսով և ինչ փափագով ինձ սնուցել ես,
Քանի՞ օրերով ծոմապահութիւնս կյանքդ մաշել ես,
Քանի՞ շաբաթներ պասով, աղոթքով աստված ես կանչել,
Քանի՞ սուրբի մոտ մոմով, մատաղով ուխտ ես գնացել,
Քանի՞ որբերի և աղքատների դու կերակրել ես,
Քանի՞ աղոթքներ և թիխամաններ վերաս կարել ես,
Քանի՞ցս անգամ դու իմ փոխանակ հարված ես ստացել
Անգութի ձեռքից և քանի՞ցս անգամ դառն արցունք թափել,
Որ ես բախտավոր մարդ դառնամ մի օր և շնորհալի,
Որ լինիմ պարծանք ազգակիցներիս և քեզ սիրելի.
Բայց ես... մթնապաշտ հորս շնորհիվ ընկա սարե սար,
Վերադառնալու, նորից ապրելու փնտրում եմ հնար.
Բայց իմ հույսն արդյոք աստված...
Ո՛վ... աստված իմ, աստված, դու բարի՛ ես, դու միշտ ողորմած.
Շատ ժամանակ է, որ քո գթութունդ երբեք չեմ հիշած.
Ների՛ր ինձ, ների՛ր, հայր իմ արարիչ, ես մեղավոր եմ,
Դու ինձ շնորհել ես ուժ ու զորութուն, ես մոռացել եմ,
Դու հրամայել ես լինել գործունյա, ես նոր իմ հիշում,
Ես այսուհետև գործող կդառնամ իմ բոլոր կյանքում,
Գործունեութիւնս իմ մեջ կգտնեմ ես ինձ բարերար,
Գործունեութեան դեմ չկա ոչինչ անհաս և դժվար.
Թող այս ձեռներս, որ այժմ քաջառողջ՝ պարապեն գործով,
Թող այս ճակատը, որ այժմ լայնացած՝ ճոխանա մտքով,
Թող այս ոտներս, որ այժմ ամրացած՝ ուղիղ ընթանան,
Թող այս աչքերս, որ այժմ բացված՝ նոր փայլ ստանան.
Հոժա՛ր եմ, հոժա՛ր, ամենայն անձամբ գործունյա լինել:

Հաստատուն հուսով, անվեհեր սրտով միշտ հառաջ դիմել,
Գեպի նպատակ—դեպի կատարյալն և դեպի բարին,
Որին ձգտելը մի անհրաժեշտ պարտք է մարդկային...
Դու մի հաստատուն, ով իմ արարիչ, կամք տուր ինձ միայն,
Իսկ քեզ վայել է միայն փառք, պատիվ այժմ և հավիտյան...

Մեկ անգամ Արուսիյունն ու Պողոսը մի եղջերու սպանեցին, երկուսի գնդակն էլ դիպել էր: Արդեն երեկո էր, և տունը հեռու, և իրանք էլ հոգնած, այս պատճառով նույն գիշերը մնացին մի ավերակ եկեղեցում: Կրակ վառեցին եկեղեցու մեջտեղը և սկսեցին եղջերվի մսի փափուկ տեղերից փայտե շամփուրներով խորովել, ուտել և միևնույն ժամանակ խոսել որսորդութեան, այս և այն վայրենի կենդանու բնավորութեան մասին, թե ինչպես որձ եղջերուները սեպտեմբերից սկսած ցլագոռ տալով դրմբացնում են բոլոր անտառները և կանչում են կովերին, թե ինչպես կատաղութունից կուրանում, անխելքանում են, թե ինչ կատաղի կռիվ է սկսվում բոլոր որձերի մեջ և կովերն ընկնում են հաղթողի ճանկը: Սբանց այս տեսակ նկարագրութունից երևում էր, որ որսորդները թեև կոպիտ, խիստ նուրբ կերպով ուսումնասիրում են վայրենի կենդանիների ամեն մի շարժումը, նրանց բնավորութունը:—Այս ժամանակները,—ասում էր Պողոսը, որ ավելի փորձված էր այդ բանում, քան թե Արուսիյունը,—բոլոր որձերը գնդակահար կլինին, եթե կովերը շաղատեն նրանց: Որձերի աչքերը արյունով լցված են լինում, ոչինչ չեն տեսնում, բայց կովերն իսկույն նրանց քսվելով, իմաց են տալիս վերահաս վտանգը և փախչելով փախցնում իրանց հետևից հարբած որձերին՝ բուռններին... Այս տեսակ խոսակցութունը բնականապես հասցնում էր մինչև աղջկերթը, որոնք նույնքան զգույշ են, ինչքան վայրենի պախրի երինջները և խոսում էին այս և այն աղջկա վերա:

Լսենք, տեսնենք ի՞նչ են խոսում մեր քաջ Հայկա թոռնիկները:
— Արուսիյն, ասում են պախրա սպանիլը մեղք ա. զորդ ա, ես միսն ուտում եմ, ամմա սիրտս ասում ա՛ լավ չես արել...

«Ամենա՛յն տեղ նախապաշարմունք», ասում է Արուսիյունն ինքն իրան, բայց չըմգիտելը դնելով՝ հարցնում է.

— Ի՞նչի ա մեղք, Պո՛ղոս:

— Ասում են Քարամն անիծել ա:

— Հա՛... դե հրմի ոնց անենք, սպանել ենք պրծել, էլ հո չի սաղանալ: Ես շատ եմ սպանել, Պողոս, իսկի մեղքս չի եկել...

— Տո ես քի՛չ եմ սպանե՛լ... Որ գալիս ա՛ գյուլլիդ աղաքին կաղնում, Քարամն էլ ես մոռանում, բանն էլ. հենց որ սպանում ես պրծնում, նոր ա Քարամի անեծքը միտքըդ ընկնում...

— Պողոս, ես էդ Քարամի անեծքը գիտեմ...

— Ի՞նչ ա ասում... Քե՛ մատաղ, Արուսիին ջան, հլա մի ասա տեսնեմ ի՞նչ ա ասել:

— Ասել ա՛

Սաֆար այրն ծնդորթնդա, բեշնգա
Բու դաղդա բիր մարալ սըզլդաթ, աղլար,
Ուզախ դալի, բու դըր Բին-գյու բաշընգա
Բու դաղդա բիր մարալ ա՛խ էդար, աղլար...

— Քե մատաղ, Արուսիին ջան, մի ձենով ասա, ձե՛նով...

— Դե ականջ դիր.

Օվլի՛ գյուրըմ՝ զուտիաթընի արթմա՛սըն,
Քիփրիդ զուլուփ քիփրիդ ուստա շաթմասը՛ն...
Ը՛... Ը՛... Ը՛ն...
Ղասար օլան մարալ աթի սաթմասըն,
Բու դաղդա բիր մարալ սըզլդաթ, աղլա...
ա՛... ա՛... ա՛ր...
ա՛... է՛... յարալի ջանը՛... Ը՛... Ը՛ն...
Ա՛խ ազիլը... Ը՛... Ը՛... Ը՛մ...

— Բա՛հ, ձենիդ մատաղ, Արուսիին, լացս էկալի... Յանի էլ բն- չի՞ էր անըծում էդ օրհնվածը...

— Քարամը Ասլու հետեկց գնալիս՝ երբ որ հասել ա Բինգյուլի սարը, ընտեղ տեսել ա մի յարալու (վիրավորված) պախրակով՝ հորթերը կշտին տխուր, տըտում կանգնած: Էդ բանը Քարամի սըտին շատ դիպել ա, ինքն էլ նստել ա նրանց կշտին ու նրանց սուգն արնի:

— Խե՛ղճ, — բացականչեց Պողոսը... — Արուսիին, ես էդ Քարամի անումն իմացել եմ, ամմա իսկի չեմ գիտում, թե դա ով ա ըլել, ինչ ա ըլել: Դու էգ էլ կգիտենա...

— Ականջ դիր, ես քեզ ասեմ: Մի տեղաեր ա մեկ մուլա են ըլել, էրկունն էլ էրեխա շեն ունեցել: Սրանք մեկ մեկու խոսք են տվել, որ թե իրանց էրեխա ըլի, ու մեկին տղա, մեկին աղջիկ, նրանք իրար ուզեն: Պատահում ա որ տերտերին աղջիկ ա ըլում, մուլին տղա: Աղջկա անումը դնում են Ասլի, տղի անումը՝ Քյարամ: Ով որ տարով կմեծանա, սրանք օրով են մեծանում. ժամանակը որ հասնում ա, մուլեն գնում ա տերտերի մոտ, որ աղջիկն ուզի — տերտերը նրան խոսք ա տալի ճամիու դնում, հետո ինքն աղջիկը վեր ա կալնում փախչում: Մուլեն էդ չի իմանում, տղին ուզարկում ա, թե՛ դե գնա նշանածդ վեր կալ բեր: Քյարամը գնում ա տերտերի տունը, տեսնում ա, որ ոչ տերտեր կա, ոչ Ասլի: Էդ որ իմանում ա, ջուճուն ա դառնում, աղջկա էշրու սիրով վառվում ա, աշըղ դառնում, ընկնում նրանց հետեկցը: Ճանապարհին ինչ որ պատահում ա, մարդ, ծառ, ջուր, անձրև, ձյուն, քար, սար, ամենքին էլ խաղով հարցնում ա, թե իր Ասլին շեն տեսե՞լ... Ամենքն էլ նրան պատասխան են տալիս ու տեղը նշանց տալիս. մենակ մի շինարի ծառ չի խոսում, պատասխան չի տալիս: Քյարամը խաղով նրան անիծում ա, շինարին էն սահաթին շորանում ա: Մեկ էլ մի քյալլա յա պատահում, մեռած մարդու մի շոր գլուխ, սարնըվեր գլորվելիս ա ըլում: Քյարամը խաղով կաղնացնում ա նրան. «Էաղնիր, ասում ա, դու մարդու գլուխ ես, դահա լավ կիմանաս, ո՛ւր ա գնացել իմ Ասլին»: Քյալլեն ասում ա՛ դու կգտնես նրան, ամմա մուրազիդ շես հասնիլ. դու էլ կէրլես կփոթոթկվիս... ասըմ ա՛ «Յա՛նը Քյարամ, թութո՛ւ Քյարամ, յա՛ն Քյարամ»... Վերջը, էլ ի՛նչ գլուխդ ցավացնեմ, գթնում ա Ասլուն: Սրանք իրար որ տեսնում են, ավելի են գծվում մեկմեկու սիրով: Ասլին էլ Քյարամին ա ուզում. մի սագ էլ նա ա ձեռքն առնում, իրա սերը խաղով իմաց տալիս Քյարամին: Տերտերը որ տեսնում ա՛ էլ ճար չկա, Քյարամին ասում ա. «Թե որ դու խաղերովը բաց կանես իմ աղջկա կուրծքի մեր տված արծաթի կոճակին, ես նրան քեզ կտամ».— Քյարամը փոսք ա տալիս, սագն առնում ա, շքում ա աղջկա առաջին: Տերտերած, ինչե՛ր ա ասում, փնչե՛ր, փնչե՛ր... Կոճակին սկսում են բացվիլ, հենց որ մնում ա մեկը, էն էլ ուզում ա թե բացվի, մեկ էլ ծիրիցը մեկ էլ կոճակին էլի մեր են ղեկնում, կոճակում են... Էսպն ա՛ խեղճ Քյարամը մի կողմից բաց ա անում իրան փողովը, մեկ էլ կողմիցը կոճակին մեր ղեկնում, ջանքի տեղադրը թղամ ա

ըլում արած, որ չբացվին: Էսպես՝ խեղճ Քյարամը ասում ա, ասո՛ւմ, ասո՛ւմ, ասո՛ւմ, մեկ էլ սազը կրակ ա ընկնում, վառվում, էդ կրակը դիպչում ա իրան, ինքն էլ ա սկսում էրվիլ: Ասլին ուզում ա թե հանգցնի, կշտին մի փարչ ա ըլում, վրա ա բերում, ածում վրեն. հենց իմանում ա, թե շուր ա, դու մի ասիլ նոթ ա... էդ նոթն էլ որ վրեն չի ածում, խեղճ Քյարամը տեղն ու տեղը էրվում ա, դառնում մի անձղակոթ: Նրան տանում են թաղում: Ասլին էլ չի հեռանում նրա գերեզմանիցը: Սազը ձեռքին էնքան ածում ա, սըգում, լաց ըլում, որ մեկ օր էլ գերեզմանիցը կրակ ա դուրս գալիս, նրան էլ էնտեղ էրում... Նրանց գերեզմանի վրա հետո երկու վարդի թփեր են բսնում, երկուսի մեջտեղն էլ մի փշի ծառ: Վարդերն իրանց ձղերը մեկնում են, որ իրար փաթաթվին, մեջտեղի փշի ծառը չի թողնում...

Կոպիտ Պողոսի սիրտն այնքան քնքշացավ այդ պատմությանից, որ աչքերն արտասուքով լցվեցան:

— Խեղճներն իրանց մուրազին չեն հաւել, վերջն էլ էրվել են... Արուսթին, էրնեկ ասած շըլեիր, սրտումս դարդ դառավ:

— Դու շատ անխելք ես, Պողոս... Ադա, էդ դրուստ էլած բան խոմ չի՞, էդ հեքիաթ ա, մոգոնած բան ա, մարդը ո՞նց կէրվի, մեռած մարդու գլուխը, յա ծառը, քարը ո՞նց կխոսին...

— Ի՞նչ ա ասում... Ամմա ի՞նչ զուլում տերտեր ա ըլել. աղջիկը թուրքի չի տվել... Չէ՛, որ մոգոնովի բան ա, էլ ես նրա անըծքին չեմ հավատալ: Ախր էդ թուրքերը հորսկանություն անելու շնորհք չունին, էնդուր ա անըծել հորսկաններին... Ուզեցել ա հայի աղջիկ առնի, էն էլ տերտերի... Իսկի մեր տերտերն իր աղջիկը ինձ չի տալիս, ասում ա՛՛ ես հորսկանին աղջիկ չեմ տալ... Ես հիմի կտեսնեմ, թե ո՞նց չի տալ: Ես Քյարամի նման աշըղ չեմ դառնալ, որ ասի՛՛ արի աղջկաս կոճակնին բաց արա, մի գիշեր վեր կառնեմ ու հայդե...

— Պողոս, էդ թողնենք,— խոսքը կտրեց Արուսթունը:— Ես քեզ հետ խոսելու բան շատ ունեմ, տեղը չի եկել, որ ասեմ: Դու լավ տղա ես, քու սիրտը շար չի, ամա շատ ես անտաշ: Ադա, մորդ խաթրն ինչի՞ չես պահում. պառավ կնիկ ա, կսկիծից էրված, խորոված:

Արուսթունը, որ ծածկվել էր մի կեղծ դիմակով և խոսում ու դատում էր Պողոսի հայացքով, այժմ սկսել էր իր դիմակը ետ քաշել, որովհետև էլ միտք չուներ նրա հետ ընկերություն անելու: Մի

կողմից իր առաջվա վիճակը, մյուս կողմից իր մոր կարոտը անհրեւութապես քաշում: Երանում էր Արուսթունին, որի մեջ վառ ու պայծառ լինելով սիրո զգացմունքը, չէր կարողանում կարծրացնել մի այնպիսի սիրտ, որ ի բնե չէր ստեղծված կարծր լինելու... Արուսթունի առաջարկությունը՝ մոր վերաբերությամբ, Պողոսի սիրտը բնավ չշարժեց, այդ զգացմունքը նրա համար խորթ բան էր, ոչ զգալի էր, ոչ էլ հասկանալի:

— Բա՛հ, նրա քավթառ իմանը...— պատասխանեց Պողոսը:— Տո մի թող կորչի, բան չունե՛ս: Պառավ մարդ հո չե՛ս, որ խրատ ես տալիս... Արուսթին, հլա ինձ ականջ դի... Ես խաչնեցոց անումը իմ պապերիցն եմ լսել... Թե որ դու նրանցից ես, հունարդ նշանց տուր...

— Ի՞նչ ես ասում, ի՞նչ ես ուզում անես...

— Ինձ քոմագ արա, Արուսթին ջան...

— Ի՞նչ ա, ուզում ես տերտերի աղջկանը փախցնես...

— Ինձ հետ արի, քու արևին դուրբան, Արուսթին...

— Չեմ գալ, ես դավի չունիմ, ինչ ուզում ես արա...

— Չը՛մ... Չես գալ հա՞... էն տղի հերն անիծած, ով քեզ չըսպանի... Մի գալ... էլ ձեր տան երեսը չես տեսնիլ...

— Է՛յ, կուվա արջ, բերանդ քեզ պահի, թե չէ՛, տեսնում ե՞ս էս խանչալը, սրանով իմ հերը շատ զղբաշի գլուխ ա կտրել, հիմի էլ իմ ձեռքն ա ընկել... Ախմախ, տերտերը քեզ համար ա աղջիկ պահել, որ դու քաշ տաս չուկչուլ գցե՞ս... Թե որ նա քեզ սիրում ա, ինչի՞ էն օրը ջրի ճամփին քեզ բիաբուռ արավ, թե՛ «խնչեմ վրեդ, դու ո՞վ ես, որ քեզ ուզեմ»... Քու տունը ծակվի ոչ, մարդը մարդ ա, խողը՝ խող, արջն՝ արջ: Ես էնքան հորսկաններ եմ տեսել, որ քու գլխի մազի համբարքովը մին: Նրանք որ մարդամեջ են մտնում, ոչով չի իմանում, որ քուի մարդիկ են, ամմա դու ամեն տեղ էլ քու արջությունը նշանց ես տալիս: Ախր ես քեզ ի՞նչ եմ ասում, դու ինձ ի՞նչ: Մորդ հետ ինչի՞ ես խանչալով խոսում, ա՛յ ես քեզ ինչ եմ հարցնում...

— Դե որ ըտենց ու ըտենց, իմ աղ ու հացը քու աչքերը քոռացնի...

— Ես քու աղ ու հացը չեմ կերել, որ իմ աչքերը քոռացնի: Բա էնքան խողի ու պախրի մսերով առած աղ ու ալրիցն ինձ փայ չունի՛մ: Մեկ օր էլ ա դարտակ ետ չեմ դառնալ, քեզ նման չեմ ասել, որսս կապվել ա... Կկարմրես, հա՛ պա, ա՛րջ...

— Ես արջ չեմ, ամմա դու էջ ես: Ղորդ ա, լեզուդ փոխել ես, ամմա էլի Ղարաբաղի էջերիցն ես...

Պողոսի այս պատասխանը Արուսյունի ցեղական ցավագար առեղին դիպչելով, նրան գծվացրեց: Նա ձեռքը դրավ խանչալի կտթի վրա և մոռանալով Պողոսի բարբառը, իր բարբառով արտահայտեց բարկությունը, ասելով.

— Սերտս ասմա՛ ե՛րկաց էս սհաթմա ընի դամագ կոխե էս լըկասեան փորը... Այ գյադա, քոթեթ, էդ հյո՛ւրըս էջ ասըմ...

— Բա՛... սա քաջքեր ա ունեցել, ես նոր իմացա: Ախր ես էլ եմ ասում, ինչի՞ իրանց քոլերը թողած՝ եկել ա մեր հանդերումն ա հորսկանություն անում: Ախպեր, ես քաջքոտ մարդի հետ դավի շունիմ. վեր կենամ ըռադ ըլիմ ըստեղանց: Էս ո՞րդիանց ո՞րդի էկավ գլխովս ընկավ: Էնդուր են ասել՝ «սատանեն նադարաթ կըլի» է՛... Վեր գցես, սպանես, ով իմանա՛ ինչ կասի: Փուշը որ փուշ ա, մի ծտի դալգա ա անում. ես էն վախտը փշից էլ բեթար պիտի ըլիմ. սա էս սհաթս իմ դալղումն ա նստած: Ասած ա, «գոգումդ նստեմ, միրուքդ փետեմ»: դրուտ սրա բանն ա... Մի հետ սիլա տամ, օխտը հետ շուրդուբանի կտա, սա էլ ա ուզում մարդի վախացնի: Փա՛ռք քե՛զ գկեո... Վեր կենամ ըռադ ըլիմ, սրա արյունը չընկեմ... Ով գիտե՛ իրա մոր միևնուճարն ա... է՛հ, ես էլ ինչ եմ ասում... Ով գիդի ո՞ր թոկից ա փախել. թե լավ մարդ ա, ինչի՞ իրանց տանը չի կենում...

Այսպես ինքն իրան երկար մրմուռով՝ Պողոսը վեր առավ հրացանը և ուզեց դուրս գնալ, որ մի անակնկալ տարաբախտության պատճառ չդառնա, բայց Արուսյունը, որ արդեն զղջաց իր անհամբերության համար, շուգեց թույլ տալ նրան և կանչեց հետեից սպառնալով՝

— Է՛հ, ախմախ կոռի, արի նստի տեղդ, թե չէ՛ մի գյուլլա ա՛ քու ջանը...

— Հա՛-հա՛-հա՛... — քրքջաց Պողոսը:

— Տո քու գյուլլիցն ո՞վ ա վախենում, իմ գյուլլեն քոնիցը պակաս ա՛... քաջքերդ...

— Արի նստի, արի. ես քաջքեր չունեմ... Ես քեզ խոսք եմ ասում, քու լավությունն եմ ուզում, դու ինձ ասում ես՝ էջ ես...

— Բա ինչի՞ դու ինձ արջ ես ասում, դու որ ինձ չասես, ես էլ քե՛զ չեմ ասիլ: Քու աչքիդ գերանը դու շես տեսնում իսկի...

— Կա՛վ, լա՛վ, արի նստի: Քեզ հետ մարդ չի բարըշիլ: Էս ա

քանի ամիս ա մըտեղ հաց ենք ուտում, դեռ մին մինի շոռ չենք ասել. էդ քու հունարը չէր, իմ հունարն էր: Ես էլ որ քեզ նման ըլեի, պիտի ամեն օր ըսենց կոպեխնք: Ես չեմ ուզում ըստեղ մնալ. էգուց պիտի գնամ քաղաք: Դու մի ձի կքրեհես, կգաս պախրեն կըտանես:

— Քաղաք ինչի՞ ես գնում. ուզում ես մորթիքը տանես ընտեղ ծախե՞ս:

— Չէ՛, մորթիքը քեզ ըլին, դիփ էլ, ես քեզանից փայլ չեմ ուզում, փեթակնին էլ դիփ քեզ ըլին...

— Հը՛մ... Խոռովեցիր հա՛...

— Ի՞նչ խոռովելու բան ունիմ. բալքի դու ես խոռվել, էնդուր ես ըստեց ասում, արի բարըշենք, արի... Մին մինի բախշենք...

— Արի բարըշենք, ի՞նչի դու շես գալիս ինձ մոտ, թե որ բարըշիլ ուզում ես... Ուզում ես, որ ես գամ քո ոտքը՛... Դու ինքդ վեր կաց արի ինձ մոտ, ասա մեղա աստծու, հետո ես քեզ կասեմ...

— Դե որ ըստեց ա, ոչ դու արի ինձ մոտ, ոչ ես քեզ մոտ: Դու էլ վեր կաց, ես էլ: Դու դեպի ինձ արի, ես դեպի քեզ:

— Դե լավ, ըստեց անենք, դարաբաղցին անկոտրում կըլի: Էս մի ոտ... Դե մի ոտ էլ դու առաջ դիր... Էս երկու ոտ... Հիմի մեկէլ ոտըդ փոխի... Էս իրեք... դե ասա՛ մեղա աստծու...

— Ինչի՞ առաջ դու շես ասում...

— Չէ՛, առաջ դու պիտի ասես...

— Չէ՛, դու պիտի ասես...

— Ո՛չ դու, ոչ ես, մըտեղ ասենք...

— Մըտեղ ո՛չնց ասենք, դե դու ասա, ես էլ քեզ հետ կասեմ...

Վերջապես «մեղա աստծու» ասելը գլուխ չի գալիս: Սերտ սիրով գզվում են միմյանց և համբուրում իրար շրթունքից և հետո լուտ ու մունջ իրանց տեղերը նստում — մեկը խարույկի այս կողմին, մյուսն՝ այն, մի հոգեկան անդորրություն և երանական զվարճություն զգալով...

— Արուսի, քաղքումն ի՞նչ ունիս, որ ուզում ես գնաս, — խոսեց վերջապես Պողոսը:

— Ընտեղ ընկերների ունիմ, պիտի գնամ տեսնեմ:

— Ընկերնիդ ի՞նչ են շինում ընտեղ...

— Վարժապետ են, էրեխեք են կարդացնում:

— Բա ասում ես ընկերնի՞ ունիմ... Վարժապետ ... էրեխա...

— Զարմանում ես հա՞... Մի՛ գարմանալ: Ես էնքան կարդալ գիտեմ, որ ձեր տերտերը իմ կեսի կեսի ղաղամ չի գիրում...

— Հա՞ հա՞... Դե ըտենց կասեիր է՞... Հը՛մ...

— Ի՞նչի ես «հը՛մ» անում...

— Դե ասում են՝ շատ կարդացողը կգժվի, ես էլ...

— Մի հավատալ, շատ կարդացողը չի գժվիլ, քիչ կարդացողը կգժվի...

— Բա մեր տիրացուն ինչի՞ չի գժվում, ասում են քիչ ա կարդացել:

— Էնդուր չի գժվում, որ հենց իմանում ա, թե շատ ա կարդացել, որ գիտենար, թե քիչ ա կարդացել, կգժվեր...

— Յանի դրուստ ես ասո՞ւմ, դու գրի սեն ու սպիտակը ջուկում ե՞ս... ես չեմ հավատում...

— Ինչի՞ չես հավատում:

— Դե մեր գեղումն ով որ կարդալ գիտի, էլ մորթ չի անում, ասում ա՝ մեղք ա. շնահորսն էլ չեն ուտում, ասում են՝ հարամ ա...

— Դրանք սարսաղ են, ի՞նչ են գիտում մեղքը որն ա, վարձքը որը: Բա ինչի՞ ուրիշի մորթածն ուտում են. դիփ մեկ չի՞, թեկուզ գող: ցցած, թեկուզ գողի հետ մըտեղ կերած: Դրանց գլխումը խելք չկա, ինչ որ ըղորթ ա, էն դրանց համար սուտ ա, ինչ որ սուտ ա, էն ըղորթ...

— Դու շատ դրուստ ես ասում, Արութին... էլ դրանց խոսքին ես չեմ հավատալու:

— Ընչի՞, թե որ ըղորթ բան կասեն, յա մի խելքը կտրելու բան, հավատա:

— Դե ես ի՞նչ եմ գիտում ըղորթը ո՞րն ա, սուտը՝ որը: Երկու տարին, յա թե չէ՝ երեք տարին մի հետ անջախ եմ ժամ գնում: Գնաշած վախտս էլ՝ մնում եմ պլշած, զարմացած, մտքումս ասում եմ՝ յարաբ էս ի՞նչ են անում, ի՞նչ են ասում: Մտիկ եմ տալիս ուրիշներին, երբ որ նրանք ծունդր են դնում, ես էլ եմ ծունդր դնում, էրեսիս խելահանելն հո դրուստ չեմ գիտում... Աղոթքներին էլ մի էն եմ գիտում, մին էլ տեր ողորմյան: Էդ երկուսն էլ էնդուր եմ սովորել, որ դրանցից շատ են ասում:

— Տեր ողորմյան շատ կասեն՝ էն էլ մեծ պասին. կը շատ չեն ասիլ...

— Ի՞նչ ես ասում, Արութին, մեր տերտերը հենց է ա, որ ասում ա, է հա է, է հա է...

— Ում աչքերը որ գիրը տարած ա ըլում, նրա աչքին մենակ կերն են երևում: Հալքաթ ձեր տերտերի աչքերն էլա գիր տարել, չունքի շատ կըլի կարդացած...

— Հա՞... Նրա աչքերին չեղմակ էլ կա... Շատ շար տերտեր ա: Մի հետ մի լավ չափալախ տվավ տիրացվին. փուչ կենդանի, ասում ա, նշանն ո՞ւր ա, ինչի՞ ես հանել: Ախր գրքերի արանքներումը թղթի կտորներ են դնում, նրանց նշան են ասում, Արութին, դու էդ գիտե՞ս...

— Գիտեմ:

— Դու սուտ ես ասում, Արութին, չես գիտում: Թե որ դու կարդալ ես գիտում, ապա ասա, էն զադի անումն ի՞նչ ա, էն որ գիրը դնում են վրեն, կարթում...

— Նրան կասեն գրքակալ...

— Հա՞, գրքակալ, գրքակալ... Էդ գրքակալի անումն ոչով չի գիտում, ես էլ մեր տիրացվիցն եմ իմացել... Չէ՛, լավ գտար: Արութին, դու որ ըդենց լավ կարդացող ես, բա ինչի՞ մի օր մեր ժամը չես գնում:

— Մենք հենց ամեն քշեր էլ ժամերումը չենք ըլում. հրես էս ժամ չի՞: Պողոս, հիմի քու խելքովդ, աստոծ մեծ կըլի, թե՞ էս ժամը...

— Հալքաթ աստված մեծ կըլի...

— Աստված որ ժամիցը մեծ ըլի, էլ կկա՞րա ժամումը տեղավորվիլ...

— Բա դու չես տեսե՞լ ժամի աստվածը...

— Էն աստծու պատկերն ա, ինքը հո չի: Աստված շատ մեծ ա, շա՛տ է՛, շա՛տ... Նրա պատկերը ոնց որ ժամումն ենք դնում, որ ամեն մարդ տեսնի, ընենց էլ պետք ա մեր սրտումը, մեր մըտքումը ըլի: Մեր սրտումն ի՞նչքան մեծ բան ասես կտեղավորվի: Երբ որ աստված մեր սրտումը կըլի, նա միշտ մեզ հետ կըլի, էլ ոչ մենք նրան ման կգանք, ոչ էլ նա մեզ: Հիմի դու է՛ս ասա, մեկ մարդու սիրտը որ իստակ ըլի, էլ ընտեղ աստված կկենա՞:

— Դու էդ ինչե՞ր ես ասում, խոր-խոր տեղերից ես խոսում: Արութին, դու էն մեծ գիրը կարդացե՞լ ես, էն որ ասում են՝ ինչ ասես՝ միջին կա. ով որ, ասում են, էն դիփ կարդացած ըլի, կգժվի:

— Ես էն չիմ (դիփ) կարդացել եմ, Պողոս...

— Ի՞նչ ա ասո՞ւմ...

— Հավատա՛:

— Գու բալքի շես գիտում, թե ես ո՛ր գիրքն եմ ասում: Նա մեծ ա է՛, շատ մեծ: Մեր տիրացուն որ խտտում ա, անջախ ա տանում ժամ, էնքա՛ն ծանդր ա: Աշխարհքիս տակին ինչքան որ սրբերն են ըլել, բաներ են ըլել, չիմ էլ նրա միջին գրած ա:

— Գիտեմ, գիտեմ, ես էն դիփ կարդացել եմ:

— Բա որ կարդացել ես, ինչի՞ բա մի օր էջա նրա միջի սրբերիցը մի բան շասեցիր:

— Դե հիմի արի ասա էլի՛... Միտքս վրես չէր, թե չէ՛ քեզ շատ բան կպատմեի: Քո ուզած սրբերի տեղակ ես քեզ կպատմեի մեր զոչազ պապերիցը, որ իմանայիր, թե մենք ո՞վ ենք, ի՞նչ ազգ ենք ըլել ու հիմի ի՞նչ օր ենք ընկել:

— Դե հիմի ըլի, մի երկու բան էլա ասա, մտքումս պահեմ, էլ քեզ մտիցս չգցեմ:

— Հիմի ի՞նչ ասեմ, Պողոս: Հիմի միայն էնքան կասեմ, որ մենք հա՛յ ենք, հա՛յ: Ինչքան որ հայեր կանք, դիփ էլ ախպեր ենք, դիփ էլ մի հորից ու մի մորից ենք բհամ եկել: Մեր պապի պապի, նրա էլ պապուպապի անումը Հայկ ա՛ ըլել, էնդուր ենք մենք հայ ասվում:

«Մեր պապ Հայկը էնպես մի քաջ տղամարդ ա ըլել, որ իր որդոց ու թոռների հետ հազար հազար մարդի հետ ա ըլել կովկաս: Էնքան ջանով ա ըլել, որ նրա նետ ու աղեղը տասը մարդ կարալիս չի ըլել տեղից ժած տալ: Նա մի դուշման ա ունեցել, անումը Բել: Էս Բելն էլ էնքան աժդահա, էնքան ջանավար մի մարդ ա ըլել, որ էն ժամանակին ինչքան մարդիկ են ըլել աշխարհքիս վրա՝ չիմնին էլ իր ձեռքի տակն ա հավաքել, դիփունանքն էլ նրան գլուխ են վեր բերել, ասել են՝ «Մեր աստոծը դու ես որ կաս, ուրիշ աստոծ չենք ճանաչում»: Մեր պապ Հայկը նրան գլուխ չի վեր բերել, ասել ա՝ «Դու շուն ես, դու աղվես ես, դու ո՞վ ես, ի՞նչ ես, որ ես քեզ գլուխ վեր բերեմ»:

— «Բելը բարկացել ա, անհամբարք դոշուն ա հավաքել ու գնացել, որ մեր պապ Հայկին սպանի: Արեհ՛ն մատաղ մեր պապ Հայկի. ասել ա՝ «Տղերք ջան, զոչազ կացեք, իմ անումը չկտորեք, ես դրա ջամդաքը էսօր դուրդ ու դուշի փայ կշինեմ»: Հենց քանց էլ աքել ա: Հավաքել ա իրա տղոցն ու թոռներին, գնացել ա Բելի անհամբարք դոշունի առաջը կտրել: Իրա նետ ու աղեղը որ գչել ա, վրա արել, նետը գյուլի նման գժժալով Բելի սրտին ընկնց ա դիպել, որ պղնձով ծածկած դոշի միջովն անց ա կացել, մեջքովը դուրս

եկել: Աժդահա Բելը, պառաված աճարքու նման ճոճալով, գլորվել, վեր ա ընկել, սատկող հավի նման կլափին տալով շունչը փռել:

— «Դե՛, հիմի հասե՛ք, տղերք ջան,— ձեն ա տվել մեր պապ Հայկը,— դե հիմի հասեք էդ անիծածներին կտորեցեք, որ էլ մեր աշխարհքումը ոտը չդնեն»:

«Բելի դոշունը որ տեսնում են իրանց պաշտած աստծուն սատկացրած՝ դողում, սարսափում են: Հայկի ասլան տղերքն ու թոռները որ հասնում են, ընկնում նրանց մեջը, ոչխարների նման ջարդում, նրանք երեսները շուռ են տալիս փախչում: Էդ օրվանից դեսը էլ ոչով չի համարձակվում մեր աշխարհքի վրա կռիվ գալ, Հայկի անունն էլ մըհրվում ա մեզ վրա ու մեր աշխարհքի վրա, մենք ասվում ենք հայ, մեր աշխարհքն էլ Հայաստան»:

— Բա՛հ, նրա արեհն մատաղ, հրեն տղամարդն է՛: Մենք էլ պիտի ասենք մարդ ենք էլի, փափախ ունենք գլխներիս: Բա հիմի խի՞ ենք ըսենց վատացել, Արութին, բա չենք ամանչո՞ւմ:

— Էնդուր ենք վատացել, փչացել, կնիկ դառել, որ մեր պապին թողած, բելերին ենք պաշտում, ըզորթը թողած, մեզ սուտ բաներ են քարոզում: Ինչի՞դ ա պետք, դու հիմի իմացար, թե ինչ մարդ ա ըլել մեր պապը: Ով որ իր պապին չքաշի, նրա նման չըլնի, նա՛ պետք ա նրա հալալ թողը չըլի: Թե որ սաղ կմնամ, մեկ օր էլ կպատահենք մին մինի, էն վախտը էսպես բաների վրա շատ կխոսենք: Ասած ա՝ «Սար սարի չի ուստ գալ, մարդ մարդի ուստ կգա»: Դու զոչազ կաց, մենք հետո շատ բաներ կանենք:

— Քու բերանին մատաղ, Արութին: Ասած ա. «Առաջին տեսնելիս, ընկեր, վրա էրկուսին՝ ախպեր»: Մեկ էլ որ գաս, իմ ախպերը կըլես, իմ ախպորս անունն էլ էր Արութին, էնդուր ա իմ մերը քեզ որդու նման սիրում: Ողորմած հոգին հարյուր թուրքի չէր ասիլ, թե աստված ա ստեղծել. թե որ նրա անունը մտքիցս կընկնի, քու անունն էլ կընկնի: Հիմիկուց դենը դու իմ ախպեր Արութինն ես:

— Մենակ ես չեմ քո ախպերը, ինչքան որ հայեր կան, դիփ էլ մեր ախպերքն են, քու մերն էլ իմ մերն էլ ա, դիփունանց մերն էլ: Պողոս, դու նրա սիրտը մխիթարի, պատիվը պահի: Քու օրումը նրան մի քաղցր խոսք չես ասած, մի անգամ նրա սիրտը չես շահած, էդ լավ չի, Պողոս, լավ չի, աստված չի վեր կալնիլ, կբարկանա գլխիդ:

— Հավատա, Արութին ջան, հենց հիմի գնամ թե չէ, պիտի

մորս ծծերիցը պաշեմ, մեղա ասեմ: էլ իմ օրումը նրան չոռ շեմ
ասիլ. միշտ «չանով» կխոսեմ: Խեղճը կզարմանա, կասի՝ «էս ոնց
էլավ»: Հալալ ըլի քու կերած կաթը, Արութին ջան, իգիթ ես,
իգիթ...

— Դե լավ, շատ մի գովի: Էնքան խոսեցինք, որ լուսացավ:
Դե, մնաս բարով, ես գնում եմ:

— Գնաս բարով, քե մատաղ,— ասաց Պողոսը և նրա աչքերը
լցվեցին արտասուքով: Մեր տղեքը համբուրեցին միմյանց. Արու-
թյունը հեռացավ ուրախ, զվարթ, իսկ Պողոսն ընկավ խոր տխրու-
թյան և մտածության մեջ:

— Ո՞վ էր սա, ո՞րտեղից եկավ. ինչու եկավ. ինչո՞ւ բաժին
չստացավ մեր աշխատանքից. և սրա նման շատ հարցումներ արավ
ինքն իրան Պողոսը և վերջն այն եզրակացության եկավ, որ Արու-
թյունը մի անգին գյուտ էր իր համար, բայց ինքը չիմացավ նրա-
նից օգուտ քաղել բարոյապես: Այս դեպքից հետո Պողոսի մտա-
ծության եղանակը փոխվեց, նա սկսեց երևակայել իրան մի այլ
աշխարհ, և միշտ կարոտով սպասում էր Արությունին, որ նա փա
և մտցնե նրան այդ նոր աշխարհը: Արությունն այլևս չհանդիպեց
Պողոսին. բայց նրան հանդիպեցին Արությունի նման մարդիկ,
որոնք հետզհետե ծնունդ առան և ժամանակակից լուսավոր մտքերը
տարածեցին մեր երկրի մութ ու մոռացված խորշերում և ան-
կյուններում:

1886

ԵՐԿՈՒ ՔՈՒՅՐ

ՄԱՍՆ ԱՌԱՋԻՆ

Ա

Ես տասներկու տարեկան էի և կարդում էի Շամշուլդա (Սամշ-
վիլդո) գյուղի քահանայի մոտ: Մեկ ամառային շոգ օր էր: Երկու
հաստ տանձի ծառեր կային տան հետևը. նրանց մեկի ստվերում
տերտերն էր նստել և սաղմոս էր քաղում, իսկ մյուսի տակ ես՝
տերտերից հեռու նստած, որպես թե դաս էի սերտում. բայց երես
էր միայն գրքի դիմացը, իսկ աչքերս մի անբնական դիտքով աչ
կողմ այն կողմ էին նայում, մանավանդ դեպի տերտերը շուտ-շուտ
էի գցում, որ տեսնեմ արդյոք քունը շտարա՞վ շատ սաղմոս մրմը-
ջավով, որ վեր կենամ տեղիցս ու փախչեմ դեպի գետը և խառնը-
վիմ լողասեր երեխայոց հետ. բայց այդ ժամանակ ես բոլորովին
ուրիշ դեպքի հանդիպեցի, այնպիսի դեպքի, որ մինչև այսօր էլ չեմ
կարողանում առանց սարսափելու հիշել:

Նինջն արդեն սկսել էր բռնանալ տերտերիս վրա և հույս կտր,
որ մինչև նիրհման հասցնեմ, հանկարծ մի անծանոթ երիտասարդ
եկավ, և չգիտեմ ի՞նչ ասաց, ի՞նչ շասաց, տերտերս բոլորովին ք-
թափվեց և սկսեց գունափոխվել: Այս ժամանակ ես արդեն ոտքի էի
կանգնել ի պատիվ նորեկ հյուրին, բայց այնքան մոտիկ չէի, որ
հասկանայի նրանց ցածր ձայնով խոսիլը: Տերտերս հրամայեց
ինձ, որ երթամ տուն հաց ուտելու: Ես ճանապարհ ընկա, բայց հիշ-
յալ երիտասարդը այնպես գրավեց ինձ, որ մի անսովոր հետաքրք-
րություն ստիպեց ինձ հետամուտ լինել և իմանալ, թե ո՞վ է
արդյոք այդ պարոնը, և այդ պատճառով սկսեցի բախշի մեջը մը-
լու-մլուլ անել: Սրա վրա շատ ժամանակ շանցավ, երիտասարդը
տերտերիս աջը համբուրեց և ճանապարհ ընկավ այն կողմը,

որ կողմով որ և պետք է երթայի հաց ուտելու Ծս հասա նրա քամակից և երեխայական հետաքրքրութիամբ սկսեցի երեսին նայել, ոտքին նայել, և այսպես գրավվելու համար մի քանի անգամ էլ ոտքս քարին դիպելով վեր ընկա և կարմրեցի, բայց չընդհատեցի մի նկատողութիւնքս:

Մի վայելչակազմ երիտասարդ էր այս մարդը, նորաբույս բեղերով ու մորուքով, խոշոր աչքերով ու խիտ ունքերով: Մի գեղեցիկ հրացան ունեւր, որ արծաթաբանդ լինելով՝ վառվում էր, անդրադարձնելով արևի ճառագայթները: Արծաթաբանդ էր և ատրճանակը, որ խրած էր արծաթի քամարի տակ, որից կախ էր արած և արծաթապատ խանշալը: Այսպիսի զարդարանք չեն ունենում օրական աշխատանքով ապրող գյուղացի երիտասարդները, այլ նրանք միայն, որոնք հնձում են, առանց ցանելու կամ ոչ ցանում են, ոչ հնձում են, այլ «Յա՛ դամաթ» ասելով՝ մի գիշերային ճամփորդութիւն են անում իբրև զբոսանք և առատ գրպաններ որսում մութ անտառներում: Երիտասարդը ամենևին ուշք չէր դարձնում ինձ վրա և կարծես չէր տեսնում, որ ես որսկանի ջան պես իր չորս կողմովը պտուտ էի անում և քիչ էր մնում ոտքի տակն ընկնիմ: Այսպես շարունակվեց մեր ճանապարհորդութիւնը, և ես մոռացա, որ արդեն գյուղից դուրս ենք եկել: Այս ժամանակ նոր արդեն տեսավ ինձ երիտասարդը և սկսեց հարցնել:

— Դու ո՞ւր ես գնում, բա՛լա ջան:

Ես շփոթվեցի և նոր աչք բացի, տեսա որ հեռացել եմ ճանապարհից, սկսեցի կցկտուր կերպով պատասխանել, թե ես գնում եմ հաց ուտելու:

— Դու ո՞ւմ տղան ես,— հետո հարցրեցի:

Ես պատասխանեցի:

— Հա՛... մեր... տղան ես... Դե գնա՛, բալա՛ ջան, գնա՛ հաց կեր:

Մեր... ասելով, ի՞նչ ուզեց ասել, չհասկացա, բայց բնազդնեութիամբ ենթադրեցի, թե սա իմ ազգականը պետք է լինի, բայց ինչո՞ւ այսպես սառնութիամբ է վարվում ինձ հետ, իմանալով, որ ես այստեղ օտար եմ. պետք էր որ այստեղից զգվեր ինձ, ինչպես իմ մյուս բարեկամներս անում էին պատահած ժամանակը: Ես սկսեցի ավելի խոր նայել երեսին և անշարժ կանգնել: Նա դուրս եկավ ճանապարհից, վեր բերավ ուսից յուր արծաթաբանդ հրա-

ցանը, ազգաբուն՝ նայեց և դրավ կշտին: Նա նստած էր: Հանեց քամակից քաշ արած մաշկեկի միջից ատրճանակը և այն էլ դրավ մոտը: Հետո կրկին նայեց ինձ և մի խոր հառաչանք արձակեց կրծքից՝ քանի մի էջկտուր խոսքերի հետ, և ապա՝ դառնալով դեպի ինձ, ասաց.

— Բալա՛ ջան, գնա՛ տերտերիդ ասա, գա ինձ հաղորդի:

Ես սկսեցի զարմանալ և անշարժ մնալ: Այս մարդը հիվանդ չէ, մի բան չէ, ինչի՞ է ուզում հաղորդվի, ասացի ինձ: Բայց նա կրկինեց իր խնդիրը:

— Գնա՛, բա՛լա ջան, գնա՛: Ես հեռու տեղ պիտի գնամ, կարելի է ի՛նչ պատահի ճանապարհին, դրա համար սուզում եմ հաղորդվել:

Ես հնազանդեցա և հազիվ երկու-երեք քայլ հեռացել էի, հանկարծ թնդաց ատրճանակը և գլուղացիք դիմացին նկատելով, սկսեցին վազել դեպի իմ անծանոթ բարեկամս: Այս ժամանակ ես ետ նայեցա և երիտասարդի կուրծքը արյունաթաթախ տեսնելով, ուշագնաց ընկա վայր:

Բ

Աշունք էր: Մի անտառուտ ձորամիջում մեծ խաբույկ էին վառել ութ գիշերեղնարած, որոնք, մին քան զմյուսը, հաստաբազուկ և քաջաոդջ երիտասարդներ էին:

— Տղե՛ք, ի՞նչ սազ կզա էս կրակին,— ասաց նրանցից մինը, ընդհատելով հասարակաց խոսակցութիւնը:

— Լավ խո՞ղ,— պատասխանեցին մի քանի հոգի միաբերան:

— Գե՛, ո՞վ եք պատրաստ:

— Ե՛ս. ես է՛լ, ես է՛լ,— լսվեցին քանի մի ձայներ:

— Հենց ո՞ւմ որ կհրամայես,— ասաց մեկ ուրիշն էլ:

— Է՛դ լավ ասեցիր,— պատասխանեց առաջարկողը:— Ես

չ Ղզոթի, ազգոթի—հրացանի կայծքաբի մոտի նեղ անցքն է, ուր լցնում են վառողով. հրացանը լցնելուց հետո, այդ ազգոթու վառողը կայծից բռնկվելով, արագացնում է հրացանը

երկուսիդ կհրամայեմ, որ գնաք մեկ լիվ խոզ բերեք, երկուսիդ էլ, որ գնաք հաղող բերեք, երկուսիդ էլ, որ գնաք մեկ պղինձ, մեկ ջրաման, աղ, հաց բերեք. երկուսս էլ կմնանք էստեղ: Դե՛, վեր կացեք: Խոզի դնչիցը կբռնեք ուսուլով ու էն սահաթը դայիմ կկապեք, որ ձենձուն չհանի ու խոզարածնեքին զարթացնի: Հաղողը ճաղարանց բաղիցը կբերեք. ծոցնեքը քարով, հողով լցրեք, որ բաղմանչին պատահի, աչքերը հող ածեք: Դուք էլ պղինձի գնացողներ, էնպես պետք է մտնեք գեղը ու էնպես դուրս գաք, որ ոչով շտեսնի, ոչ մի շուն չհաչի: Հասկացա՞ք, թե չէ: Դե՛, աստված կանչեցեք, գնացեք:

Պարոն կարդացող, հավատալով կգա արդյոք, որ մեր քաջերը առանց փոքր-ինչ մտածելու և ձանձրանալու ուրիշների սեփականությունը կողպտելու գնացին և այն էլ աստված կանչելով: Եթե ես լինեի, ալարս կգար և ամենևին տեղիցս չէի շարժվիլ, բայց ներանք՝ որսորդի շունը քեզ օրինակ: Որսորդը հրացանը ուսն առնելուն պես, շան աստղը փայլում է, այնպես է ուրախանում ու իսկույն առաջ ընկնում, որ կարծում ես... Ի՞նչ կարծես, ոչինչ էլ չբարձես: Այսքանը ստույգ է, որ ջիրիդի սովոր ու թալիմ առած ձին գուռնի ձիահանգին որ լսում է, ոտքերը գետնին է դարկում, ուզում է կապը կտրել, դուրս ընկնել գոմից և շիկնքը ծոմոնելով օձապտուտ ձևի արշավանքով զվարճանալ: Այնպես չե՞ն միթե տանցի ու լեզգինկայի սովոր աղջկունք ու երիտասարդք, երբ այդ եղանակը հնչում է մուզիկան կամ գուռնան: Այսպես են և փահլեանները և կովասեր եզ ու գոմեշները, երբ հանում ես իրանց ախոյանի առջև: Քաջությունը ոչ խելք է և ոչ նյութ, այլ մի ոգեկան ույժ: Ում մեջը որ այդ գորությունը կա, գործադրելու հարկավոր դեպքերում ոգեվորում է նորան: Մի խոզի դունչ կապել, որ ձայն չհանի կամ այգեպանի աչքերը հող ածել, որ չճանաչի իր թշնամուն, ավազակների համար դոքա այնպիսի ուրախացուցիչ ու զվարճալի միջոցներ են, ինչպես մեզ համար մի հաջողակ հաճելի խոսք ասելը մի գեղեցկուհու:

— Ի՞նչ ես փիքը անում, Ա՛րզուման, — հարցրեց մնացողներից մեկը մյուսին՝ կրակի վրա նորանոր գերաններ դնելով, թեև առանց էն էլ ոչ թե մեկ, այլ քսան խոզ էլ կարող էր խանձել: Երբ որ վեց հոգին գնացին և մնացին այս երկուքը, դոքա սովոր լինելով այդպիսի բաների, ոչինչ մտածողություն մեջ չընկան, թե արդյոք իրանց ընկերքը հաջողությամբ կվերադառնա՞ն, թե՞

կընկնին թակարդի մեջ, և վաղը իրանց անունն էլ նրանց հետ կըխայտառակվի ջահիլությունը մոռացած ծերերի առջև:

— Ես ոչինչ բանի վրա փիքը չեմ անում, — պատասխանեց Արզումանը, — բայց էս գիշեր մեկ երազ եմ տեսել, էս սաղ օրը գրա վրա եմ միտք անում, թե յարաբ ի՞նչ պետք է պատահի:

— Խե՛ր ըլի, ասա տեսնեմ ի՞նչ ես տեսել:

— Մի սպիտակ ձիու վրա նստած էի: Էնպես մի ձի էր, որ աստղերի հետ էր ուզում խաղալ: Ես էլ յարազս կապել էի, ամեն սարքուկարգը վրաս էր: Գեղի առաջին խաղացնում էի ձիս, բոլոր գեղացիք ինձ էին մտիկ տալիս, ինձ էին թամաշա անում ու շատերն էլ կանչում էին — վե՛ր արի, վեր կընկնիս: Ես նրանց չէի լրսում, ես մտիկ էի տալիս, որ տեսնեմ Հերիքնազս էլ ինձ տեսնո՞ւմ է, թե չէ: Հենց էս փքրումն էի, մեկ էլ տեսնեմ մի քանի հարս ու աղջիկ, Հերիքնազս էլ նրանց միջին, ճանապարհի դրաղին կանգնել, ինձ են թամաշա անում: Էս որ տեսա, ավելի տաքացա ու ձիուս գլուխը բաց թողի: Ձին թռավ, էլ չկարացի թե գլուխը բռնել էի...

— Հետո՞, ո՞ւր գնաց ձին:

— Ձին քոռացավ, թե աչքերն արնով լցվեց, չեմ գիտա, ճամփեն ծոեց ու մի բաշ ընկավ էդ աղջկերանց մեջը: Էրկու հոգի ընկան ձիու տակը, ձին զլխի վրա տնկվեց, ես էլ բերանքավեր գետնին փովեցի: Դրա վրա զարթեցի: Ի՞նչ կասես, սա լա՛վ նշան չի: Ձիու տակ ընկնողը Մարիամն ու Հերիքնազն էին: Աշկարա երևում էր, որ Ես մուրազիս չպիտի հասնեմ:

— Ի՞նչ ասեմ, օրը գիտե: Շատ անգամ մարդ փիս երազ էլ տեսնում է, բայց թե օրը բարի է, երազն էլ բարին է կատարում: Դիփ սուտ, աստված ըզորդ: Օլաջաղա շարս յոխ: Ինչ որ լինելու է, կըլի, երազի ըոխին չի մտիկ տալ:

Այս միջոցին կաթսայի դնացողները եկան, Հացաղ (աղ), ջրբաման էլ էին բերել. ու մի ուրիշ կապոց էլ դրին Արզումանի առաջը: Արզումանը բաց արավ այդ ծրարը և նրա միջից հանեց մի եփած շաղ հավ ու մի քանի հատ գաթա: Արզումանը իսկույն իմացավ, թե ինչ տեղից պետք է լինի այդ, և թեև շատ ուրախացավ այդպիսի հուսո նշանների ընդունելով, բայց՝ այսուամենայնիվ, սաստիկ բարկացավ, որ իր հրամանը ճշտիվ չեն կատարել գնացողները:

— Տղե՛ք, դուք մեր անունը պետք է խայտառակեք, — ասաց Արզումանը բարկանալով: — Ես ձեզ ասեցի էնպես պետք է մտնեք

գեղը ու էնպես գուռ գաք, որ մի շուն, մի կատու էլա չիմանա. ձեզ ինչպե՞ս գտան, որ էս բաներն ուղարկեցին:

— Ա՛ստվա՛ծ, երկինք, Արզուման, մի հոգի էլա չի իմացել: Մենք ամեն բան վեր կալած նեսունց տան կշտովն անց էինք կենում, մեկ էլ տեսնենք մթնումը չափարի տակին մի շվաքի պես բան է երևում. մոտեցա, տեսնեմ մի հարս: Ծս ասի՝ հրես կփախչի որտեղ որ է, բայց նա փեշիցս բռնեց ու էդ տվավ լուռ ու մունջ, առանց մի խոսք ասելու: Հետո ես ճանաչեցի. ասի, դու Մարիամն ե՞ս. նա գլխով արավ ու փախավ:

Արզումանը գլուխը քաշ գցեց ու հառաչելով փնթփնթաց քթի տակին: «Երա՛զ, երա՛զ»:

Այս ժամանակ հրացանների ձայներ լսվեցին: Տղերքը հանկարծ վեր թռան տեղերիցը և սկսեցին կասկածել՝ թե չլինի՞ իրանց ընկերների վրա հարձակվեցին այդ մարդասպան գործիքները, բայց սրա վրա շատ շանցավ, հաղողի գնացողներն եկան: Շալվարների լին փոխկերքը հաղողով ու խնձորով լցրել ու խուրջինի պես ուսներին էին գցել: Բեռը ցած դրին ու կարմրած երեսներից քրտինքը գտակներով սրբելով՝ նստոտեցին կրակի դրաղին:

— Տղե՛ք, ոչով հո շտեսա՞վ ձեզ, — հարցրեց Արզումանը:

— Բաղվանչին տեսավ... վա՛յ էն տեսնելուն, որ տեսավ... իրան մահը տեսավ... աշխարհքը գլխին մթնեց, մեզ շճանաչեց, — ասաց զողերից մինը հոգնածությունից շնչարգելվելով:

— Տղե՛ք, չլինի խեղճի օրը սևացրիք:

— Չէ՛, չէ՛... մի ծիծաղ էր, ծիծաղ: Դեռ էսպես խելոք բան չէինք արած:

— Մտանք բաղը թե չէ, գնացինք բազմանշու դագին մտիկ արիճք, տեսանք էնտեղ չի: Դեռ ու դեն ընկանք, տեսանք վերի մեծ խնձորքի տակին քամակի վրա պառկած խումփացնում ա: Մենք էլ էս կուզեինք: Շալվարս հանեցի տվի Մագոյին, ասի դու գնա արխային հաղող քաղի, ես սրան կպահեմ: Մագոն գնաց, ես ուսուցով մոտեցա բաղվանչու, խանչալս հանեցի ու մահվան հրեշտակի նման գլխավերեք կանգնեցի: Մի խելիմ ժամանակ մեռածի պես խումփացնում էր, մեկ էլ էրազ տեսավ, խշխշոցն ականջ մտա՛վ, թե մոծակները զոռեցին, մեկ էլ տեսնեմ սա ժածումած ա գալի: Չէ՛, տեսա, որ սա գլուխն էլ ա ուզում քարձրացնի, ես խանչալս պոպկացրի: Բաղվանչիս մահն առաջին տեսավ, թե չէ, քաղցր քնի մեջ մտավ: Մագոն իրա բանը որ պրծավ, բաղիցը դուրս եկավ,

ինձ շվացրուց: Մենք կիսաճանապարհին էինք, որ բաղվանչին նոր վեկացավ, քամակներիցս թվանք պցեց. մեկէլներն էլ նրա ձենի վրա իրանց թվանքները դարդկեցին...

Խօզի գնացողները նույնպես եկան: Սրանք էլ իրենց արածները պատմեցին և շուտով կատարեցին խոզի «աուտոդաֆեն», այսինքն խանձեցին: Արզումանը ոչինչ բանի ձեռք չէր տալիս, ոչինչ չէր խոսում, միայն երբ որ խոզը մաքրեցին և կտրոտելու վրա էին, առաջարկեց, որ մի անդամը (ազդրը) կտրեն, տան իրան և թողնեն երթալու գյուղը: Տղեքը հասկացան նրա միտքը և իսկույն կատարեցին նրա խնդիրը: Արզումանն ամեն բանից իր բաժինն առնելով՝ ճանապարհ ընկավ ոտքով դեպի մի աննշան խրճիթ, իսկ երեւակայությամբ դեպի Մուհամմեդի չթներորդ երկինքը:

Գ

Գ... գեղի վերի թաղումը մի տուն կար բոլորովին կղզիացած մյուս տներից: Այդ տան շորս կողմովը բավականին բարձր չափար էր քաշած, որ պարսպի չափ ամրություն ուներ, և ինչպես ասում են հեքիաթներումը, դուռն իրա թևովն, օձն իրա փորովը չէր կարող դրա վրայով ներս թափանցել: Ժամանակով մեծ տուն էր այդ տունը: Մի անգամից ութ-ինն օրորոց էր օրորվում այդ տանը, շորս-հինգ թորոն հաց էր թխվում աստծու օրը: Երկու գուլթան էր դուրս գալի այդ տանիցը, վաթսուն գլուխ կով ու գոմեշ էր կթվում, սուրվով ոչխարներ, բոլուկներով խոզեր, իլխիններով ձիաներ էին պահում: Այդքան ապրանքի կառավարություն համար ոչ մի վարձկան ծառա չունեին: Տասն ախպեր էին, որոց ու թոռանց տեր, որոնց թիվը հասնում էր մինչև յոթանասունի: Բայց երբք չէր պատահում, որ դրանք ամենքը միասին երբեկեց մի սուփրի վրա գտնվին, միասին իրանց նահապետի շորս կողմը ժողովվին: Մի քանի հոգի տարվա մեծ մասը սարբրումն էին անցկացնում, ըստ որում ոչխարներ էին պահում. մի քանիսը, որպես տավարած՝ գոմերումն էին մնում, որ մի ալուր չափ հեռու էր գյուղիցը, մնացածներն էլ հեռավոր դաշտերում վարուցանքով էին պարապում: Այս հանգամանքը այն վատ կողմն ուներ, որ վայրենություն մեջ էր ձգում նրանց, հեռու պահելով տնական և հասարակական

կյանքից, բայց մյուս կողմանն այն լավությունն էլ ունի, որ տան բոլոր անդամները իրարմե հեռու մնալով, միշտ իրարու կարոտ էին քաշում և միմյանց հետ սիրով մնում: Ահագին մեծություն ունենր այդ տան շինությունը, և եթե այդպես շեն շինենր, մտնողի վրա սարսափ կբերեր, հիշեցնելով հեքիաթների մեջ եղած դևերի բնակարանները:

Հարյուր երեսուն տարեկան էր, որ մեռավ այս տան վերջին նահապետը, և ինքը Հոբ Երանելու պես ականատես էր յուր բոլոր ժառանգների և հարստության կարճ միջոցում ոչնչանալուն, և նրա պես աստծու փառքը իր բերնից չպակասացրեց մինչև մահը: Ես շատ անգամ եմ տեսել այդ նահապետին: Հակոբ էր նորա անունը և միշտ միտս էր գցում հրեից Հակոբ նահապետին: Շատ անգամ եմ համբուրել նրա ձեռքը և նա ինձ օրհնել է: Նրա օրհնությունը մեծ տպավորություն էր գործում իմ մանկական սրտի վերա: Սուրբ էր համարվում դրանց օջախը և սովորություն կար գյուղի մեջ, նորապսակ հարս ու փեսաներին եկեղեցուց դուրս բերելուց հետո կբերեին դրանց օջախը համբուրելու: Չոքում էին նորապսակները, օջախի քարից համբուրում և ծերունազարդ Հակոբի օրհնությունն ստանալով՝ գնում էին իրենց մուրազին հասնում:

Ահա այս տանից մնացել էին երկու աղջիկ միայն: Մեծի անունը Մարիամ էր, իսկ փոքրինը՝ Հերիքնազ: Մարիամին մի դարաբաղցի մարդ ուզել էր և տան փեսա դառել, Հերիքնազին էլ իրենց մոտ էին պահում: Հայտնի բան է, այն մեծ տանը չէին բնակում, այլ մի ուրիշ փոքր սենյակում: Մարիամը շատ սիրուն էր, Հերիքնազն անման էր. երկու հյուրիփարի: Մարիամն ուզում էր Հերիքնազին տալ Արզումանին, հետևելով յուր սիրելի քրոջ սրտի ընտրությունը: Արզումանը նույնպես մեծ օջախի որդի էր, բայց այժմ յուր մոր մինուճարն էր: Նա չունի ոչ հարստություն, ոչ մի ուրիշ բան, բայց միայն մի քաջություն, մի անվեհեր սիրտ, որ շատ անգամ ի շարն էր գործ դնում: Մի տեսակ ժառանգական հպարտություն կար նրա մեջ, որովհետև նա իր չքավոր տեղովը հարուստ ու կարող մարդու շինք չէր ծուռ և նրանց բոլորին իրան թշնամի, իր հայրական սեփականության հափշտակից համարելով՝ միշտ աշխատում էր վնասել նրանց, որքան որ իր ձեռքիցը կզար: Արզումանի ահից ոչ ոք չէր կարողանում մի լավ ձի պահել: Այս տղան ոչինչ բան չէր գողանում բացի ձիուց: Սրա պատճառը հոգեբաններն ավելի լավ կիմանան. միայն պետք է այս էլ ասեմ, որ այսուամենայն-

նիվ անհնարին բան էր, որ մի անգամ Արզումանին տեսնողը չսիրահարվեր նրա վրա. իր բարեկամ և կատարելատիպ հասակի հետ մի գրավող և քարշողական զորություն էլ ունենր այդ տղան: Այդ հատկությունները նա կախարհում էր իր բոլոր ընկերներին և ամեն մի խումբ կազմելիս միշտ նրան էին ընտրում իրենց գլխավոր, նա էր լինում տնօրենը, առաջնորդողը, հրամայողը: Նրան սիրում էին յուր թշնամիներն անգամ ու շատ անգամ տեղը եկած ժամանակ ասում էին. «Մի ձի չի, մենք գիտենք, որ դու ես տարել, բայց քու շարին փոխ ըլի»: Պետք է այս էլ գիտենալ, որ այս գեղացիքը այն գեղացիներիցը չեն, որոնց մեջ մի քաջ երիտասարդի երևիլը հազվագյուտ բան լինի, և այդպիսի մեկը երևելուն պես սարսափ պահեցր ամբողջ գյուղի վերա: Գող Եղիկը, որ սարսափեցնում էր ամբողջ Շիրակը, այս գյուղը մտած ժամանակ հավի պես կուշ էր դալիս, գիտեր, որ այս տեղի ամենահետինը անգամ իրան բանի տեղ չի դնիլ:

7

Կեսգիշերը մոտ էր լրանալու: Լուսնյակը մի ջիզաբոյ (նիզակաչափ) բարձրացել և արեգակի ճառագայթները գողանալով սրփոնել էր մի անկողնու վրա: Այդ անկողինը մի սրահի մեջ էր, որ ուղիղ դեպի արևելք էր նայում: Նախընթաց գլխում հիշված ցանկապատի մեջն էր այդ սրահը, և Մարիամն ու Հերիքնազն էին նույն անկողնու մեջ պառկած: Քնն հրեշտակը տարածել էր նրանց վրա իր թևերը և շատ քաղցր երազների մեջ էին նրանք այս բոպիս: Մարիամի մարդ Շամիրը, որ իր բոլոր կյանքը որսորդությանը անցկացնում, այժմ քաղաք էր գնացել յուր աշխատությանը պտուղը տնական կարիքների հետ փոխանակելու: Նա հրացանը երկու գնդակով լցրել, կախել էր կնոջ մոտ, խստիվ պատվիրելով, որ մի անհավատարիմ ոտք էդտեղ մտնելուն պես առանց երկար մտածություն զոհվի դրան: Հերիքնազն էլ իր համար մի ատրճանակ ունենր և դրա վրա միշտ փորձ անելով ուզում էր իր սիրածի ունեցածին հասցնել յուր ճարտարությունը: Երբ իմանում էր այսինչ նշանի խփելու խալաթը Արզումանը ստացավ, նա այդ օրը մի տասն

անգամ ափելի էր կրկնում իր փորձերը, որոնց ձայնը լսելով՝ դրա-
ջինները կարծում էին, թե Շամիրը կլինի անպատճառ: Թեև Հերիք-
նագից ամեն բան կհավատային, բայց այդ բանին ականատես չէին:
լինում: Շամիրը միշտ գանգատվում էր, թե բարութս պահանում է,
և չէր գլխի ընկնում, որ Հերիքնագն է նրա վառողի գողը:

Լուսնյակի շողջը ուղիղ Մարիամի երեսին ընկնելով՝ վար-
թացրեց նրան. հենց այդ ժամանակ մի ոստյունի ձայն հասավ
ականջին: Արզումանն էր այդ, որ շափարի վրայից թրոփաց: Մա-
րիամը փոքր-ինչ ահ զգաց և ձեռքը մեկնեց դեպի հրացանը, բայց
մեկ էլ մտածեց, որ անպատճառ Արզումանը կլինի, որին անհամ-
բեր սպասում էր, թեև չէր պատահած ոչ մի անգամ, որ գիշե-
րով նրան հյուրընկալած լինի: Ասում են՝ սիրտը սուրբ կըլի ու
նախազգալու զորություն ունի: Ղորթ է թե սուտ այս բանը, ես չը-
գիտեմ, միայն այս անգամ ճշմարտացավ Մարիամի նախազգաց-
մունքը: Շտապով հագավ նա իր շորերը և նստեց տեղի մեջ: Ար-
զումանն արդեն գիտեի Շամիրի բացակա լինելը, այդ պատճառով
համարձակ առաջ գնաց և Մարիամին տեսնելով՝ «բարի իրիկուն»
ասաց:

— Արզուման, դու ե՞ս,— հարցրեց Մարիամը, որպես թե լավ
չճանաչեցով:

— Ես եմ,— պատասխանեց Արզումանը:

— Էդ ի՞նչ կա ձեռիդ:

— Ոչինչ, մի քիչ միս է, մի քիչ էլ հաղող է ու խնձոր:

Մարիամը վեր կացավ իսկույն, ձեռքից առավ այդ բաները և
նրան համեցեք՝ արավ նստեցրեց, պատվիրեցով, որ Հերիքնագին
չզարթացնի:

Հերիքնագը վարթել էր և սուտ քունն էր դրել իրան, գլուխը
յորդանի մեջ թաղելով: Բայց Արզումանը, նայելով այդ յորդանին,
սաստիկ բարկանում ու նախանձում էր, որ իր սիրուհին իր աչքի
առաջ այդպես անգթությամբ փաթաթել, անջրպետել է իրանից: «Ես
դեռ մի վերմակի՞ չափ երջանկություն չունիմ», երևի ասում էր նա
իր մտքումը: Նրա երևակայության առաջ այս րոպեիս յորդանը,
դոշակը, բարձը, անկողնակալը, և մինչև անգամ շրջակա պատերն
ու քարերը ոգի ստացած՝ որն ուրախանում ու համակրություն էր
ցույց տալիս իրեն, որն էլ տնազ էր անում և խնդում Արզումանի
վրա: Նրա աչքում յորդանը այս վերջիններից էր անշուշտ:

Մարիամը Արզումանի բերածները տեղավորելուն պես ետ
քաշեց կրակի անթեղը և խանձողների ծայրերն իրար մոտեցնելով
կրակը վառեց: Ահի քանի րոպե շանցած՝ ձվածեղ շինեց և մի քանի
շամփուր խորոված: Արզումանը շատ ասաց, որ իշտահ չունեմ,
հաց եմ կերել, ջափա մի՛ քաշիլ, թեև սուտ էր ասում, և Մարիամն
էլ թեպետ հավատում էր նրա խոսքին, բայց անկարելի բան էր, որ
իր ուզածը չաներ:

— Դե որ էդպես է,— ասաց Արզումանը,— քրոջդ էլ վեր կաց-
րու, թող նա էլ գա հաց ուտի. մինչև նա չվեր կենա, ես թիքա չեմ
դնիլ բերանս:

Մարիամը համաձայնության ժպիտ ցույց տվավ ու գնաց, ներ-
սը շոր փոխեց, ճրագ վառեց, սուփրա գցեց, Արզումանին ներս կան-
չեց, նստացրեց ու դուրս եկավ, որ քրոջը զարթացնի:

Արզումանը ներս գնաց թե չէ, սուտ քնած Հերիքնագը գլուխը
բարձրացրեց և սկսեց չեմ-չեմ անել քրոջ առաջարկությանը և կա-
մակորովելով՝ շուգեց ներս գնալ: Մարիամը ներս գնաց ու ուղեց
սուտ ու մուտ պատճառներով քրոջ չգալը թույլատրել:

Արզումանը ավելի պարկեշտության վերագրելով այդ բանը,
լռեց, բայց հալալ հաց էլ չկերավ: Նա ավելի լավ էր համարում
Հերիքնագից մոտիկ քաղցած նստել, քան թե նրանից հեռու՝ առատ
սեղանին: Շուտով դուրս եկավ իր առաջվա տեղը նստեց: Մինչև
Մարիամը սուփրին կհավաքեր, ամեն բան իր տեղը կդներ, Ար-
զումանը աչքը գցել էր ճրագին ու տեսնում էր, ինչպես գիշերա-
թիթեռնիկը ճրագի շուրս կողմը պտտվելով՝ այրում էր իր թևերը,
որով վերջապես խեղացավ բոլորովին և ընկավ ճրագի վրա, այր-
վեց: Արզումանը, որի համար այդ րոպեն ամենայն բան սեր էր
շնչում, սկսեց կցկտուր խոսել— «ճրագին սիրում է փարվանան,
գլխովը պտտվում է, բայց անգուժ ճրագը նրան չխղճալով՝ էրում
է»:

Այս լսեց Հերիքնագն ու սկսեց փնթիփաթալ քթի տակ, թե՛
«փարվանան ճրագը չի սիրում, ուզում է հանգցնել նրան, նա էլ
չզրու էրում է»:

«Լեզվիդ մատաղ», ասաց Արզումանն իր մտքումը, «էդ քաղցր
լեզվովդ, որ դու անիծես էլ, ես օրհնենքի տեղ կընգունեմ»:— Ախչի,
էդ ի՞նչ ասացիր, մեկ է՛լ ասա,— ստիպեց Արզումանը:

— Ասեցի, որ հասկանաս, շասեցի, որ սովորես,— պատաս-
խանեց Հերիքնագը իր սովորական հեզնական ձևովը:

- Ծա հասկացա, ինչ որ ասացիր:
- Որ հասկացար, էլ ինչի՞ ես ասում «մեկ էլ ասա»:
- Հենց էնպես, ուզում եմ խոսացնեմ: Ինչ որ մեծացել ես, էլ քու խոսելը չեմ լսել, հենց իմանում էի, թե խոսելը մոռացել ես: Ամմա ինչ կմոռանաս, դուն էն պտուղն ես, որ... Մի՞տղ է, որ մի օր բաղիշը տուն գալիս, էնքան խոսեցիր, որ ես ասացի՝ «Ախի՛, քիչ խոսի, գլուխս տարար», դու էլ բարկացար վրես... Ո՞վ գիտեր, թե հետո դու էդպես...
- էդպես ի՞նչ:
- Հիմա էլ ես չեմ ասիլ քու ջգրու:
- Մի՛ ասիլ, ես էլ չեմ խոսիլ քեզ հետ, որ էլի շասես «գլուխս տարար»: Թե դու լավ մարդ ես, էս կեսգիշերին ինչի՞ ես եկել մեր տուն: Դու չէիր գիտում, որ Շամիրը տանը չի՞:
- Գիտում էի, էնդուր եկա:
- Որ եկար, ի՞նչ կարող ես անել, հրես դաբանչեն կշտիս դրած, ո՞վ կարա ինձ մոտենալ:
- Դաբանչեդ ինձ համար ես դրել կշտի՞ր... էլի էն գիծ աղջիկն ես, Հե՛րիքնազ, ես հենց իմացա, թե հմի խելոքացել ես... Ա՛խի, ա՛խըր...
- Ախր ի՞նչ...
- Ոչինչ... Դու ասում էիր չեմ խոսիլ, բա ինչի՞ ես էդքան խոսում:
- Ի՞նչ անեմ, զոռով խոսեցնում ես:
- Դե մի լավ բան խոսի, մի հեքիաթ ասա, ականջ դնենք:
- Ծա հեքիաթ չեմ գիտում, դո՛ւ ասա, ես ականջ կդնեմ:
- Վայ թե խաբես ինձ, դու քնես, ու ես հենց իմանամ թե ականջ ես դնո՞ւմ:
- Չեմ քնիլ, ասա՛:
- Դե ականջ դիր, ասեմ:
- Լսում եմ:
- էլե՛լ ա, չի էլե՛լ, մի աղջիկ ա էլե՛լ...
- Անումն էլե՛լ ա Հերիքնազ...
- Չէ՛, Հերիքնազ չէ, թող ասեմ:
- Լա՛վ, դե ասա՛:
- էդ աղջիկը ունեցել ա...
- Մի քույր, անումը Մարիամ. Լա՛վ, դե ասա:

- էդ աղջիկն ունեցել ա մի պառավ մեր...
- էդ Գյուլուզարն ու իրան աղջիկն են, իմացա, իմացա...
- էլ չեմ ասի, ականջ չես դնում, դու շարություն ես անում, քեզ պետք է պատժեմ...
- Հը՛... ձեռք շտաս, թե չէ, հրես լիքը դաբանչեն կշտիս դրած...
- Աբա տեսեմ, էդ ի՞նչ դաբանչա է...
- Այստեղ Արզումանը Հերիքնազի երկու՝ ձեռքը ճանկը զցեց ու սկսեց մի ձեռքով մի թուշին, մյուսով մյուս թուշին թեթե ասպտակներ տալ և ցավն ամոքել ջերմ համբույրներով...
- Դե հիմա խելոք կկենա՞ս թե չէ,— խոսեց վերջապես Արզումանը:
- Թող, թե չէ՝ ձեռքդ կկծեմ...
- Չեմ թողնիլ, մինչև շասես՝ սիրո՞ւմ ես ինձ, թե՞ չէ:
- Դե թո՛ղ, լավ:
- Չէ՛, պիտի ասես:
- Արզուման ջան, թո՛ղ, հո՛գուդ մատաղ:
- Ծ՛ս քեզ մատաղ, ե՛ս: Ասա մի անգամ, «քեզ սիրում եմ», էս սհաթիս թողնեմ:
- Ինչի՞, զոռով ե՞ս, չեմ սիրում:
- Բաս հիմի կթողնեմ, իմացա... տեսնում եմ, որ ինձ չես սիրում:— Արզումանը խռովածի պես եղավ և ուզեց թողնել Հերիքնազին: Բայց հիմի էլ Հերիքնազը իր հերթին չթողեց նրան և երկու ձեռքով փաթաթվեց շիշիքին: Արզումանի սիրտը այնպես շարժվեց, որ քիչ մնաց լաց լինի:
- էլ ինչի՞ ես հարցնում, դու չե՞ս գիտում, որ սիրում եմ քեզ: Սերը սրտումը կլինի, ոչ թե լեզվումը, որ չսիրեի, քեզ ո՞վ կարող էր էստեղ ներս թողնել,— ասաց Հերիքնազը և համբուրեց Արզումանի ճակատից:
- Բաս ինչի՞ չվեր կացար էլախտ, որ քեզ կանչեցինք:
- Ամանչեցի...
- Ամաչեցի՞ր, ա՛յ թե ամաչեցիր...
- Դե լավ, թո՛ղ հիմի...
- Մարիամը լսելով, որ սոքա իրարու մեջ խոսակցություն են բաց արել, գիտությամբ մուլ էր անում տանը, որ չգա և սրանց խոսակ-

ցությունը շխանգարի, բայց տեսնելով, որ ջահլըճերը շատ են շարություն անում, դուրս եկավ, որ խելոքացնի:

— էդ ի՞նչ քաղցր գրիցի մեջ եք, Արզուման:

— Ախշի, Հե՛րիքնազ, չես ամաչո՞ւմ, ինչի՞ հս խոսում:

— Բա ինչի՞ ա ինքը խոսում:

— Տղի ադաթն ա, կխոսի, աղջիկը պիտի շխոսկան կենա:

— Ինչի՞, ես ի՞նչ մեղավոր եմ, որ աստված ինձ ազգիկ է ստեղծել: Էլ էս լեզուն ինչի՞ համար է, որ շխոսեմ:

— Լսում ե՞ս, Արզուման, ինչե՞ր է ասում մեր աղջիկ պարոնը:

— Շատ ըզորթ է ասում, ես ու իմ աստվածը:

— Հիմի կղրստես, մարդոց խասիաթը էդպես է: Հիմա սա սուտ էլ որ ասի քեզ ըզդ... ,

Ցանկապատի դռան թխթխկոցը Մարիամի խոսքը դանակի պես կտրեց:

— Շամիրն է. Արզուման, շուտ արա՛ հեռացիր, թե չէ գլխնե-րիս փիս բան կգա:— Այս ասելով ճրագը հանգրեց Մարիամը: Մթնից օգուտ քաղելով՝ Արզումանը մի վերջին համբույր էլ տվավ իր Հերիքնազին ու իսկույն հեռացավ:

Ե

Մարիամը դեռևս դուրը բաց չարած, փեսացու այցելվի հետքերը աշխատեց ոչնչացնել: Հաղողը, միսը թաքցրեց քունջ ու պուճախներումը, կրակը անթեղեց և ճրագը հանգրեց: Վերջապես դուրը բացվեց, Շամիրը ներս մտավ, իջավ ձիուցը, վեր բերավ խուրջինը և սկսավ ձին ման ածել հայաթումը: Այդ երթևեկելու ժամանակ մի ոստյունի ձայն հասավ նրա ականջին: Չափարի փուշը ճրթճրթալով՝ իմացուց Շամիրին, որ մի ծանր ոտք նրան ճնշեց վերևից:

Աստված մի՛ արասցե, որ մարդ խայնության կրքով վարակված լինի: Չկա ոչինչ ցավ, ոչինչ ախտ, որ դրա շափ հալումաշող լինի մարդու հոգին: Ինչ ասես, որ այդ ըուպեին շատածեց Շամիրը: Մարդիկ սովորաբար արթուն ժամանակ շատ բան են ցնորում, երեվակայում, երազում, նայած թե ով ինչպիսի հոգեկամ տրամադրություն ունի, ինչ ձգտում, ինչ բաղձանք և վերջապես ի՞նչպիսի կիրք

և բնավորություն, ինչպիսի ճաշակ և հասկացողություն: Մարդիկ կան, որ միշտ ուրախ են, միշտ զվարթ: Սրա պատճառն այն է, որ նրանք բարի սիրտ ունին, հանգիստ խիղճ և մի վառ երևակայություն, որով իրական աշխարհից վերացած՝ միշտ իդեալական աշխարհումն են ապրում: Այդպիսիները, որքան էլ անբախտ լինին, դարձյալ ամենից երջանիկն են: Խելոք մարդը իր հոգու բոլոր հատկությունները իր բախտավորությանը կծառայեցնե, իսկ անխելքն իր անբախտությանը: Այս վերջին տեսակիցն էր Շամիրը, որ երևակայելու շնորհք ունենալով՝ միշտ վատ բան էր երևակայում, փոխանակ արքայություն երևակայելու, միշտ դժոխք էր երևակայում, փոխանակ բարի հրեշտակի՝ շար սատանա, փոխանակ բարեգործության՝ եղեռնագործություն, փոխանակ սիրո և փաղաքշանքի՝ ատելություն և կոպտություն: Շամիրը միշտ երևակայում է, որպես թե իր կինն իրեն անհավատարիմ է գտնվել, սկստմ էր պոռոչները կծոտել, ատամները կրճտացնել, կնոջ ննջարանը շերթալ, ինքն իրան խոռվել, մոռանալով՝ որ իրականի մեջ այդպիսի բան չկա, որ այդ իր ցնորքն է: Մի մարդ, որ առանց որևիցե պատճառի այսչափ կասկածոտ, այսչափ խային ու նախանձոտ լինի, ի՞նչ կլինի նրա դրությունը, եթե երբևիցե իր երևակայությունը իրականի փոխված տեսնի:

«Ճրագը վառված էր, ինչո՞ւ հանկարծ հանգավ, ո՞վ պիտի լինի յարաբ էս եկոցը: Ախմա՛խ, ախմա՛խ Շամիրս,— գլխին զարկելով՝ բացականչեց Շամիրը:— Ես ինչի՞ թխթխկացրի, ինչի՞ փախցրի որսս»: Այսպես շարունակ քանի մի ժամ սկսեց երթևեկել և մոթմոթալ ինքն իրան:

Մարիամն իմացավ, որ իր մարդը մի բանի հոտ է առել, և սկսեց հարց ու պատասխանով իր դատավճիռը հորինել: Հերիքնազը կատաղում էր ինքն իրան և անմեղությունը երևակայում էր, որ եթե բանը դեպի վատը երթա, ինքը կասի ճշմարիտը և կսպառնա անգամ Շամիրին, թե ինքը մի տղայի սիրել է և նրան է ուզում. ուրեմն նրա կասկածներն ու միջամտությունն այստեղ ավելորդ են բոլորովին:

Մարիամը տեսավ, որ մարդը շատ է ուշանում. մտածեց որ իր հարաբերությունը սովորականից չփոխի և ստիպի նրան ներս գալ: Գնաց ձին առավ ձեռքիցը, ասելով «քանի՞ ման ածես... Մարիամը ձին տարավ գոմը: Շամիրը մնաց միառժամանակ տեղն ու տեղը փիտացած:

Քարաքամի շունը քաղաք մտած ժամանակ պոչը փորի տակն է գցում և այնպես կուչ գալիս, որ տեսնողն ասում է սրա պես խեղճ ու վախկոտ արարած չկա աշխարհիս երեսին: Բայց եթե այս միևնույն շանը տեսնես իր սովորական տեղը, իր ոչխարի մոտ, իր տիրոջ տան առջև, բոլորովին այլ հասկացողություն կկազմես նրա մասին: Պոչը չամբար է անում, դնում մեջքին և այնպես է բոլթա տալիս վեհանձն առյուծի պես, որ թավադի որդին անգամ տեսնելիս կնախանձի նրա նազաշարժությունը: Փորձ փորձիր ահա այստեղ մոտենալ նրան և դու կտեսնես այնուհետև, թե ի՞նչ գազանի հետ գործ ունիս: Այն քաղաքացիք, որոնք քաղաքի մեջ են ճանաչում գյուղացոց, շատ սխալ գաղափար են կազմում նրանց մասին: Նրանք այստեղ միայն խեղճություն և հիմարություն են երևցնում, ուրիշ ոչինչ, և այդ են տեսնում միայն քաղաքացիք և ավելի խղճում կամ արհամարհում: Չեն կարծում, որ նրանք էլ են մարդիկ և իրենց ունեցած բոլոր կրթերը նրանց մեջ ևս կա և այն՝ չափազանցություն: Ո՞ր քաղաքացին կարող էր հասկանալ թե Շամիրն ի՞նչ գազան է. բայց նա այժմ իր տունն է հասել, քաղաքում ներս քաշած պոչը այստեղ՝ շոբանի շան պես չամբար է արել, ուզում է հասկացնել, որ ինքն է այս տան տերը, ուզում է իր տղամարդկությունը ցույց տալ:

Շամիրը Դիզակու արջերիցն էր: Եկել էր Վրաստան, որպես թե մարդ դառնալու, բայց այնպիսի մի գյուղի մեջ էր ընկել, որ իրանք կարոտ էին դեռևս մարդանալու: Մի բուղալ¹ տղա էր Շամիրը, երբ որ եկավ այս գյուղը և Մարիամենց տանը նոքարություն էր անում մի քանի տարի: Հանգամանքը այնպես բերավ, որ Հակոբի մեծ օջախը անշքացավ և Մարիամին խորհուրդ տվին Շամիրին ուզի, որ տան փեսա դառնա, իրանց օջախի ճրագը վառ պահի. և այլ այսպիսի պառնավական խրատներով Մարիամին պսակեցին Շամիրի վերա: Այս ամուսնությունը Մարիամի սրտովը չէր, բայց մի անգամ որ ասաց հնազանդ եմ, էլ այնուհետև ոչինչ կարող էր անել: Մի քանի ամիս որպես նորապսակ, սեր ցույց տվավ, և մեղբայրուհին անցնելուց հետո երբեմն՝ փորացավ, երբեմն՝ սրտացավ «ենիմ ասելով, չէր հոժարում իր ամուսնու հետ լինել: Շամիրը «կզբում հավատում էր իր կնոջ ասածներին, բայց հետզհետե՛ր գեպի ինքը սառնություն նշմարելով՝ սկսեց մտածել, թե՛ «իմ կինը

ինձ չի սիրում, ապա ուրեմն ուրիշին է սիրում անպատճառ: Այս անտեղի կասկածը հալում, մաշում էր Շամիրին: Նա սկսեց ամեն մի տեղ գնացած ժամանակը երկար միջոց նշանակել և ինքը միշտ վաղօրոք երևի՛լ՝ երբեմն մեջ գիշերին, երբեմն փոքր-ինչ ուշ կամ վաղ, որ իր կնոջ մոտ մարդ գտնի և կատարելապես համոզվի իր կասկածանաց մեջ, բայց երբեք չհաջողեցավ նրան այդպիսի մի բանի հետք նշմարել: Եվ այս անհաջողությանց համար փոխանակ ուրախանալու, փոխանակ խոստովանելու նրա անմեղությունը, բարկությունն ավելի էր գալիս, թե ինչո՞ւ իր բոլոր ճիգն ու աշխատանքը իզուր են անց կենում: Սրա համար միշտ առիթ էր փնտրում Մարիամին ծեծելու, և այդպիսի առիթներ քիչը՝ շաբաթը մի անգամ գտնում էր, բայց սրանով ոչ միայն շարավեց Մարիամի սերը, այլ ավելի ևս զզվեցրեց նրան և սաստկացրեց նրա ատելությունը: Այս անգամ ահա, որպես թե հաջողեցավ իրան վերջապես մի բան նշմարել, բայց ի՞նչպես սկսեր գործը, երբ ոչ ոքի երես շտեսավ: Մտածեց, որ լռե մի առժամանակ, և լռեց: Բայց վա՛յ այն լռելուն, որ սա լռեց: Միայն արտաբուստ էր այդ լռությունը, իսկ ի ներքուստ՝ տանջում, մաշում էր ինքն իրան զանազան ցնորքներով: Ներս գնաց վերջապես Շամիրը և լուռ ու մունջ շնթակեց իր համար գցած տեղում:

Չ

Արզումանը գնաց: Մյուս օրը հախսը իրանն էր, այսինքն իր համար պիտի վարեին: Տղայոց մոտ հասավ թե չէ, զարթեցրեց նրանց, թե եզնիքը վեր են կացել, կցրվեն, կկորչեն, առավոտյան ման կգանք, էլ չենք գտնիլ: Առավոտյան արշալույսը երևաց թե չէ, հավաքեցին եզները, ականեցին ու յուրաքանչյուր գութանի եզները ջոկջոկելով, տարան լծելու:

— Ա՛րզուման, ո՞ր տափդ պիտի գնանք, — հարցրեց մաճկալը այնպիսի ձայնով, որ կարծես Արզումանը իրանից մի վերստ հեռու լիներ:

Այս գյուղացիք սովորություն ունեին խիստ բարձրաձայն խոսելու: Նույնիսկ միոյանց կից, մի օջախի շորս կողմ նստած ժամանակ այնքան բարձր են խոսում, որ խամ մարդը կկարծի թե խո-

¹ Բուղալա — անտուն, անտեղ, միայնակ, սալթ:

սողի գրուցընկերը նրա կողքին չի նստած, այլ կամ կտրին է, կամ մի այլ սենյակում, միջնապատով անջրպետված իրանից: Իսկ հայերեն չիմացողը կկարծի, թե սրանք ոչ թե խոսում են սիրով, այլ կովում են, և մի մեծ վեճ կա իրանց մեջ: Ի՛նչ ասել կուզի, որ վեճ ու կռիվ եղած ժամանակ էլ խոսելու ձայնն այնքան է բարձրանում, այնպիսի բղավոց ու ճղավոց է լինում, որ ինչքան շփազանցանես, դարձյալ իսկականի սովերը կլինի:

— Վերի հողերը, Ճաղարանց տափը,— պատասխանեց Արզումանը ավելի մեղմ և տխուր եղանակով:

— Հը՛մ... գիշերս կովի երազ եմ տեսել...

— Երազ էլ որ տեսած չլինես, կոփվը լինելու է անպատճառ:

— Հիմի գնա՛նք, ինչ կլինի, կլինի...

— Գնա՛նք,— մաճկալը հրամայեց և գուլթանը ճըլվատալով գնաց դեպի Ճաղարանց Թաթոսի տափը:

Մենք մի առած ունինք, որ ասում է՝ «Խոփոք սուր է, բայց հանդը բաժանովի է»: Այս առածը խեղճեբն են ասել, իսկ իշխողներն ուրիշ առած են ունեցել, որ է՝ «Փաջերի սահմանը իրանց զենքն է»: Գյուղացիք սովորություն ունին վարելու հողը բաժանելու իրանց մեջ ամեն տասը կամ տասնհինգ տարին մեկ անգամ. բայց ամեն անգամ հեշտությունը չեն բաժանում, քիչ հողատերերը սկսում են կովել շատ բաժին ունեցողների հետ, և եթե մի կերպ բաժանում են, ավելի ուժեղները թույլ չեն տալիս իրանց հողին ուրիշը մոտենա: Նվազած օջախների հողերը վարում են զորեղները և նրանց վերջին միակ շառավիղը շփահաս դառնալով՝ հող չի ունենում վարելու: Այսպիսիներին քոթավան մի կերպով պահպանում է, ավելի հող ունեցողներից մի կտոր տալով, մինչև օրինավոր բաժին լինելը: Ճաղարանց Թաթոսը Արզումանի հոր բաժինը սեփականել էր, քոթավան էլ հրաման էր տվել Արզումանին, որ գնա նրա տափերից մեկը վարի: Հիմա տեսնե՞ք ի՛նչ է դուրս գալիս սրանից:

Գուլթանը տեղ հասցրին, և հագիվ հինգ վեց ակոս էին արել, հանկարծ գյուղի մեջ մի շփոթ ընկավ:

— Աղա՛, Մա՛րտիրոս, Կի՛րակոս, հա՛սեք, մեր տափը վարում են: Մեկ տեսեք էդ ո՛վ ա, էդ աչքերն արնով լքցվածը, մեծ թիբեն ականջը թողեցեք,— ասաց մի թեև ալևոր, բայց բավականին ժիր ու առույգ մարդ:

Սա ինքն էր Ճաղարանց տան նահապետը՝ Թաթոսը, որ տասը, տասնեքու տղա ուներ, մի այդքան էլ եղբորորդիք, երկու այդքան թոռներ...

— Էլ ո՛վ պիտի ըլի, Արզումանն ա: Բա չլսեցի՞ր երեկ, որ քոթավիցը տափ էր ուզում, նա էլ մեր հողը նշանց տվավ, թե՛ գնա՛ վարի:

Այդպես խոսեց Թաթոսի տղան, որով ուզեց ցույց տալ, որ քոթավեն էլ իր հորը մարդու տեղ չի դնում, նրանից չի վախենում, չնայած, որ Թաթոսն էր նրան քոթավա շինել, և երբ ուզենա, կարող է դուրս անել:

— Տո՛ ես քոթավի... Տո հա՛սեք, տղամարդիկ չե՞ք... Ես գող Արզումանի համար եմ փուշ կտրել, տակոի հանել, քարերը հավաքել, խամհատել, որ նա գա էս օրվան օրը իմ մուլքը ձեռքիցս խլի՛... Տո հա՛սեք, բա դուք տղամարդիկ չե՞ք, էլ ո՛ր օրվա համար եմ ձեզ հաց տվել, պահել:

Այսպես՝ ալևոր գազանը, որ իր կյանքումը արդարություն ու խղճի ձայն չէր լսած, ինչ որ բերանն եկավ, դուրս թողեց և տասը քսան բռի արջերի խրախույս տալով՝ ուղարկեց Արզումանի դեմ: Բույե շանցած, տեղ հասան, ըստ որում չէին քայլում, այլ վազում էին, կարծես առջևները փախչող կար, պիտի բռնեին:

— Հո՛... ո՛... հո՛: Ո՛տն արեք տղեք,— գուցե իր սովորական ձայնով մաճկալը:— Ա՛րզուման, էս արջերը մեղ վրա են գալիս, գլխիդ ճարը տե՛ս: Արի դուս գցենք գուլթանը, ասենք ա՛խպեր, ձեզ ըլի, չենք ուզում, թաք ըլի արուն շաննեք ըստեղ:

— Հետո՞, էլ էս փափախը գլխիս հարամ չի ըլի՞, էլ ի՛նչ երեսով պիտի մտնեմ գեղը, որ մի քանի թագի թուլա ինձ պետք է վախեցնեն: Տուր ինձ էդ սրբիչը,— ասաց Արզումանը բարկանալով և մաճկալի ձեռքից առնելով սրբիչը, որ մի հաստ դազանակ է ծայրը ակշաձև (չանգաձև) երկաթ հագցրած: Մի կատաղություն եկավ քաջ երիտասարդի վրա, ջանն սկսավ դողդողալ կպշող փահլեանի պես և այնպես էր զգում այս բույեին ինքն իրան, որ ոչ թե քսան, այլ հիսուն մարդ ևս չպիտի կարողանային հովություն տալ իր տաքությունը:

Տափատերերը հասան թե չէ, գուլթանը ակոսից հանելով, գցեցին քարերի ու փշերի մեջը: Հնար չեղավ այստեղ բան հասկացնելու, ամենքն էլ սկսեցին գոռալ, գոչել, մեկը մյուսի խոսքը

չէր լսում: Եղան էր, որ վրա էր գալիս սրա նրա գլխին, էլ բռնիր ասես, դագանակ ասես, շոմբաղ ասես, մահակ ասես, նորեկների կողմից իջնում էր սրա նրա գլխին, սրա նրա թիկունքին: Հոտաղ-ները մի-մի ճիպոտից ավելի բան չունեին, իսկ դրանով էլ ոչինչ չէին կարող անել, ճարահատյալ փախան, որ իրանց անգնն գլուխն ազատեն: Մահկալի գլուխը վաղուց արդեն կիսել էին և գցել ակոսի մեջը: Խեղճ կենդանիները, այն անբան եզ ու գոմեշներն անգամ չազատվեցան հաստ մահակների հարվածներից: Բայց ի՞նչ էր անում այդ միջոցին Արզումանը: Նա սկզբում սկսեց իր ձեռի սրբիչով միայն ինքզինքը պաշտպանել, աշխատելով հասկացնել նրանց, թե ի՞նչ իրավունքով է վարում այդ հողը. բայց տեսավ, որ աչքերն արնով լցված է, ոչինչ չեն ուզում լսել, մանավանդ երբ որ տեսավ իր մահկալի կիսաշունչ ընկնիլը, սրբիչի զորութունը պաշտպանողականից հարձակողականի դարձրուց և մի քանի բոպեի մեջ բոլոր կովոդները վեր թափվեցին. միայն մեկը կարողացավ իր գլուխը պրծացնել և գյուղը հարայի վազել: Գյուղից նոր մարդիկ եկան իբր կովի առաջն առնելու համար. բայց էլ ի՞նչ օգուտ, ինչ որ լինելու էր, եղել էր: Երեք մարմնի մեջ այլևս հոգի չկար, մեկն հոգեվարք էր և մյուսներն էլ վտանգավոր դրուժյան մեջ: Հայհոյանքն ու կոփվը սուգի ու շիվանի փոխվեց: Գեղից սայլեր բերին և իրանց քաջերին տարան, որին սաղացնելու, որին թաղելու:

Է

Կարելի՞ է արդյոք նկարագրել այն պառավ մոր դրությունը, որ այս բոպեին իմացավ, թե իր մինուճար որդին, իր ազիգ-մազիղ մուրազի վրա եղող Արզումանը այնպիսի մի փորձանքի է պատահել, որ նրա տեսողությունից հավիտյան պիտի զրկվի:

Խեղճ պառավը գութանավորի համար առավոտյան կերակուրը բերելիս ճանապարհին տեսավ, որ շատ մարդիկ են վազում դեպի իրենց գութանը, սկսեց կասկածել, թե էս ի՞նչ է պատահել արդյոք, չլինի՞ իր երեխայի գլխին մի վատ բան է եկել:

Պառավ Շողակաթը մի տարօրինակ կասկածոտ բնավորություն

ունեի: Ամեն մի անակնկալ փորձանք պատահած ժամանակ միշտ իր Արզումանին էր միտը բերում, թե նա էլ էնտեղ չէ՞ր արդյոք, չլինի՞ նրան էլ մի բան է պատահել: Երբ որ լսում է, թե այսինչ գյուղում մարդ են սպանել, այնինչ տեղը մարդ է խեղդվել, մեկը ձիուց կամ սառից վեր է ընկել, մեկը սելի տակովն է էլել, մեկին շունը կծել է, մեկը վարաղի բերանն է ընկել կամ արջի տակը և ինչեիցն այսպիսի մի բան, նա անդադար ախ ու վիշ էր անում, թե չլինի՞ իմ Արզումանն է, և այսպես վարանման մեջ էր լինում մինչև Արզումանի տուն գալը: Եվ ի՞նչ կլինեի, որ այսպես չլինեի:

Քանի՞-քանի անգամ խեղճին բոթու էին տվել դրացի կանայք խմբովին տուն լցվելով և մեկենիմեկ իրանց ոռնոցն սկսելով, որ շատ անգամ ողջ մնացողին անգամ մահվան պատճառ է լինում: Ութը որդի էր մեծացրել խեղճ պառավը, և դրանցից միայն միին ուներ այժմ: Մյուս յոթը եղբայրքը բուրբեքյան քսան-քսաներկու տարեկան ժամանակն էին մեռել՝ որը նշա՛հած, որը նշնելու, բայց բուրն էլ փորձանքի հանդիպելով, ոչ մեկը իր բնական մահով, կամ մի որևիցե տկարությամբ չէր մեռել, ոչ մեկին մի սառը ջուր չէր տվել վերջին անգամ իր մայրական ձեռքով, ոչ մեկի գերեզմանին չէր արժանացել...

Չարմանալի բան է արդարև: Միայն զինվորների կյանքը չէ վտանգի ենթակա պատերազմի ժամանակ: Այն մարդոց կյանքն ևս շարունակ ենթակա է վտանգի, որոնք հանդգնություն ունին մարտ մղելու կյանքի անիրավ ու անարդար հանգամանքների դեմ: Որքա՞ն անիրավություն և անարդարություն կա օրենքով ու աղաթով անվտանգ վիճակի մեջ դրված: Ո՞վ կարող է դրանց ձեռք տալ և անպատիժ մնալ: Արզումանի յոթը եղբայրներից երեքը բանտումն էին մեռել և երեքն աքսորանքում, և այս՝ իրանց անվեհեր և ազնիվ սիրտ ունենալու համար մե՛այն:

Խեղճ պառավը ճամփի մեջտեղը նստեց, որ խելքը գլուխը ժողովի և մեկ լավ իմանա, թե էս ի՞նչ բան է: Անցուդարձ անողներից ոչ ոք նրան պատասխան չտվավ, մինչև մոտեցան մեռելնե-րի սայլերը, որոնց շորս կողմը պատած մարդոց լաց ու կոծի աղաղակը դմբաբացնում էր մոտակա սարերն ու ձորերը: Մերունի մայրը որքան որ կասկածոտ էր, այսուամենայնիվ չէր կարող կարծել, որ երկու ժամու միջոցում այնպիսի մի դեպք լինի պատահած, որ իր մինուճար որդին զրկեր իրանից: Հուղարկավորներից մինը, որ Արզումանի ազգականներիցն էր, մոտեցավ պառավին և

սկսեց մի առ մի հասկացնել բանի էութունը ավելի խոհեմ կերպով, վերջումը ավելացնելով, որ Արզումանին շատիպի տուն գալու, ըստ որում եկածին պես կրճնվի:

— Բաս էլ չպիտի տեսնեմ ես իմ որդու երեսը,— հարցրեց պառավը:

— Կտեսնես, ո՞վ է ասում, որ չես տեսնի, բայց հիմա հարկավոր չի տեսնել: Սպասիր մութն ընկնի, էն ժամանակ...:

Շողակաթ նանի խելքը գլխիցը թռավ. նա սկսեց խենթի նըման զանազան ձևաշարժություններ անել պարելու նման և իր գիտցած երգերից մի խոնուրդ կազմելով մրմնջել և ձայնն աստիճան առ աստիճան բարձրացնելով՝ սկսեց բառաչել ու գոչել— «Արզումա՛ն, Արզումա՛ն, Արզումա՛ն»... Այս անունն այնքան կրկնեց, մինչև ուժից ընկավ բալորովին և մեկնվեց ճամփի մեջտեղը: Մտքը եղող երիտասարդը շալակեց կիսաշունչ պառավին և տարավ տուն:

Ը

Գյուղի մեջ տուն չկար, որ կամ սպանվածների կամ վիրավորվածների ազգական շիներ, այս պատճառով ամբողջ գյուղը սգի մեջ էր մտել: Բըռի գեղըցիք, անստնձ կրքերի տեր: Մի որևիցե կիրք երևացած ժամանակը մնացյալ բոլորը այնպես են անհայտանում, որ կարծես նոցա հետքն անգամ չի եղած իրանց մեջ:

Խելքն է, որ տիրում է մարդու կատաղի կրքերի վրա, բայց այդ տիրող խելքից զուրկ են գյուղացիք: Տեսել եմ աչքովս, որ մայրը որդու առաջը շոքած, հայրը ձեռները խաշած, աղաչում են եղել իրանց որդուն, որ կովից ետ կենա, բայց դրանով ավելի են կատաղացրել նրան: Անասունների մեջ միայն կարելի է սրա նմանը տեսնել: Երկու ցուլ, երկու գոմեշ, երկու շուն կովելիս՝ հնար չի լինում անջատելու. որքան խփում ես, անքան ավելի են կատաղում: Բայց՝ և անասունների նման էլ կովից հետո չափից դուրս խեղճանում են, գայլից դառնում ոչխար, և ահամա գալիս են այն եզրակացության, որ սրանք ֆիզիկապես հսկաներ լինելով, հոգով ու մաքով կատարյալ երեխաներ են, և չար երեխաներ:

Մեր գեղացիք թեև առհասարակ կոպիտ մարդիկ են, բայց

այսուամենայնիվ սոցա մեջ ևս կա սեր, բարեկամություն, հավատարմություն, մեծահոգություն և այսպիսի գովանի հատկությունք: Միայն երկու բաների համար խաթրապահություն չկա. այդ երկու բանն է՝ հողը և ջուրը. սոցա համար է լինում կոպիտ սաստիկ, և շատ հաճախ գործը հասնում է մարդասպանության: Բայց առայժմ այդ խնդիրների վրա չխոսենք, որ շատ չհեռանանք մեր բուն պատմությունից:

Մի շատ տխուր կերպարանք ստացավ Գ... գյուղը. ոչ մեկի բերնում ծալիտ չէր երևում, ոչ մեկի երեսին ծիծաղ չէր գալիս: Մարիամն ու Հերիքնազը նույնպես մասնակից էին հասարակաց տխրությանը: Մի կողմանն թեև ուրախ էին, որ Արզումանը հաղթող էր հանդիսացել և ոչ հաղթվող, բայց... մյուս կողմանն էլ լավ գիտենալով, որ այդպիսի հաղթության մրցանակը աքսոր է ու մահ, սաստիկ տխրում էին:

Շամիրը դեպի ոչ ոք համակրություն չէր ցույց տալիս, այլ միայն նախանձում էր, որ ինքը մասնակից չի եղել այդ կովին, որ իրա վրա էլ խոսեին: Նա կարծում էր, թե ինքը հաղթող կհանդիսանար և այնուհետև՝ ոչ ոք չէր համարձակիլ անհավատարմությամբ նայել իր տան վրա: Սպանվածներից երեքը Ճաղարանց տանիցն էին: Թեպետ սրանք քան զշուն շատ էին, քան զգեղ առավել, բայց այսուամենայնիվ երեք մեռել միանգամից տանը գտնվելով, քարացրել էին Թաթոսին և չէր իմանում որի վրա սգա, որի գլուխը լա: Նրա խղճմտանքը տանջում էր: Նա սպանությանց մասնակից էր համարում ինքն իրան, ըստ որում ինքն եղավ նըրանց զրգոողը, ինքն ուղարկեց նրանց: Բայց իր անձը գերդաստանի մեջ արդարացնելու մտոք Արզումանին անիծում էր և հրամաններ էր հանում, որ նրան բռնեն անպատճառ և արդարադատության մատնեն: Քյոխվան վաղուց արդեն այդ մասին տնօրենություն էր արել: Մարդիկ էր ուղարկել տեղական իշխանությանը իմաց տալու, որ գան ահանատես լինին գործի հանգամանքին և վաղը մյուս օրը իրեն շմեղադրեն: Կասկած չկար, որ իշխանությունը գալուն պես պիտի բռնել տալ Արզումանին: Արզումանի բարեկամներն այդ գիտեին, նրան աղաչեցին, որ փախչի: Այդ տեղից մոտիկ էր Նրամը, որ հազարավոր փախստական կարող էր պատսպարել: Մինչև իր թշնամիքը բռնելու մասին կմտածեին, նա արդեն Նրամի զառիվայրից ցած էր իջել, և ո՞վ կարող էր այլևս իմանալ, թե ո՞ր քարափի, կամ ո՞ր քարայրի մեջ է գտնվում:

Արզումանն իր անձի ապահովությանը համար երկյուղ չուներ ամենևին: Նա առանց այս էլ տարվա մեծ մասը թափառելով էր անց կացելու, երբեմն որսորդությամբ և երբեմն գողերի հետ: Որտեղ մի ընկերություն կար գողերի, նրան հայտնի էր, որտեղ մի փախստական կար, նրա ծանոթն էր: Քանի որ այս փորձանքին չէր հանդիպել, նա փախստականների հետ ընկերություն անելիս կասկածում էր, թե մի՞ գուցե սրանք իրանց ավելի քաջ են համարում, և իրան բանի տեղ չեն դնում, ըստ որում կարողացել են իշխանության ուշադրությունը գրավել և իրանց անունը հռչակել ամբողջ նահանգի մեջ: «Ես ի՞նչ եմ արել,— ասում էր ինքն իրան,— մի քանի ձի եմ գողացել ջգրու, էն էլ հաստատը չգիտեն, որ ես եմ գողացել»: Այսպես էր մտածում Արզումանը և նախանձով նայում նշանավոր փախստականներին. բայց հիմա, երբ որ ճարահատյալ փախստականի տիտղոսը կամա-ակամա իր վրա առավ, տեսավ, որ սա լավ բան չի, մանավանդ այն ժամանակ, երբ սիրել և սիրվել էր սկսել: Քնած թե արթուն միշտ Հերիքնազին էր տեսնում, որ արտասովալից աչքերով ասում էր նրան— «էդ ի՞նչ արիր, Արզուման, նրա համար խլեցիր իմ սերը, որ ինքդ չվայելես և ուրիշներին չթույլ տաս վայելելու»:

Յոթն օր կարողացավ Արզումանը հեռու մնալ գյուղից և ոչ ոքի աչքումը չերևալ: Նա գնաց իր ծանոթ դաշաղների մոտ, որոնց պատմելով իր գլխի անցքը, ավելի գրավեց նրանց սերն ու համարմունքը, բայց այս հանգամանքը ամենևին չմխիթարեց իր տխրած սիրտը, չկատարեց իր սրտի պահանջունքը, չհագեցրեց իր սիրո քաղցը...

Մի գիշեր մեր փախստականներն իջան Խրամի Նախշուն անվանված ավերակ վանքում անձրևի պատճառով և ուզում էին գիշերը այնտեղ անցկացնել: Արզումանը ուզեց օգուտ քաղել գյուղի մոտավորությունից և գնալ իր Հերիքնազին տեսնելու: Սրա համար հրաման ուզեց ավազակապետից:

— Դեռ վա՛ղ է, էդպես շուտ մի՛ գնալ,— պատասխանեց ավազակապետը:— Թող փոքր-ինչ հանկարտվեն գեղըցիք, մեռելներին մոռանան, սաղերի հոգսը քաշեն, էն ժամանակը գնա՛, բան չեմ

ասիլ: Բայց հիմա ճաղարանց Թաթոսը ո՛վ գիտե գեղի ամեն քնչու-մը քա՛նի պահապան է դրել քեզ համար:

— Որ իմանամ թե կտոր-կտոր կանեն, ճար չկա, պետք է գնամ,— ահողեց Արզումանը:— էս էլ ասեմ ձեզ, որ ես մեր տունը չեմ գնալու: Պահապաններ որ լինին, մեր տան մոտերքին կլինին: — Լա՛վ, ինչպես ուզում ես, էնպես արա: Թե որ կուզես մեր տղերանցից էլ մի երկու ձիավոր թող գան գեղի տակին թաք կենան, թե որ բան է, մի փորձանք պատահելու լինի, օգնության հասնեն:

— Էդ էլ չի հարկավոր, ես մենակ կերթամ, միայն ձեր ո՛ր ձին որ լավն է, էն ինձ տվեք:

— Իմ սև ձին քեզ փեշքեշ,— ասաց ավազակապետը:— Սկը լավ է, գիշերն էլ մութն է, ոչով չի տեսնի: Միայն ձիով չմտնես գեղը, որ ոտի ձենը չլավի, շուն ու մարդ չհաչի վրեդ...

Այս խոսակցության ժամանակ հանկարծ մի մարդ ներս մտավ և մի խումբ մարդկանց հանդիպելով՝ տեղնուտեղը մեխվեց: Այս մարդը որքան որ ինքը վախեցավ, նույնքան էլ մեր քաջերին վախացրեց, որոնք իսկույն հրացանները ձեռք առան և ոտքի կանգնելով գոչեցին՝

— Թարփա՛նմա, վուրդըխ (չշարժվիս խփեցինք):

Նորեկը ութ-ինը հրացանների խողովակների պսպղալը իր դիմաց տեսնելով, քիչ մնաց պիտի համրանար, բայց մեկ էլ խելքը գլուխը ժողովելով հասկացրեց, թե ինքը մի որսորդ մարդ է և բուրդովին անգիտությամբ մտավ այստեղ: Սրա ձայնից Արզումանը ճանաչեց, որ Շամիրն է: Ավազակապետին հասկացրեց, որ Շամիրին դուրս չթողեն մինչև առավոտ: Բավականին մութն էր, և անհնարին էր կերպարանքից ճանաչելը: Շամիրին հրավիրեցին նրստել և ասացին իրան, որ չեն կարող թողնել մինչև առավոտ, ըստ որում չեն կարող հավատալ նրան, որպես անծանոթ մարդու: Շամիրը ասաց, որ ինքը ևս միտք չունի մինչև առավոտ երթալու և ավելացրեց, թե ես մի քարեծ եմ սպանել և բավականին միս ունեմ պարկիս մեջ, եթե կամենաք կրակ վառեցեք, խորոված անենք:

Շամիրի փորը ավելի նրա համար էր ցավում, որ այս մարդոց երեսը լուսով տեսնի և խիստ փափագում էր Արզումանին սրանց մեջ տեսնել, որ մյուս օրը երթա գյուղումը պարծենա, թե ինչպես ինքը մի գիշեր կարողացել է ավազակների հետ անցկացնել և նրանց մեջ տեսնել Արզումանին:

Ավագակները հրամայեցին Շամիրի առաջարկութունը կատարել, նրանք առանց այն էլ մտադիր էին կրակ վառելու, բայց որում բավականին թրջվել էին, հարկավոր էր իրանց շորերը ցամաքացնել: Բայց Շամիրը իր նպատակին չհասավ: Արզումանն արգեն գնացել էր և այնպես գնաց, որ Շամիրն ամենևին չիմացավ, որ նրանց միջից մի մարդ պակասեց:

Ասած է, «գողն ի՞նչ կուզի — մութ գիշեր», բայց մեր Արզումանին որ հարցնեիր այս բոպեիս, թե ի՞նչ կուզես, կասեր — Շամիրի բանտարկվելը: Մութը գիշերովը նա այնքան շէր ուրախ, որքան այդ հաջող դեպքովը: Նա յոթ օր սպասել էր միմիայն Շամիրի երկյուղից, թե ինչպես գնա Հերիքնազի մոտ և շատ մտածելուց այս միակ հնարքը գտավ միայն, որ երթա ուղղակի Շամիրի մոտ և նրա պաշտպանությունը խնդրի գլուղ մտած ժամանակը, որով և միշտ միջոց կունենա իր Հերիքնազին տեսնելու: Բայց հիմի բանն այնպես եղավ, որ իր առաջվա մտադրությունն ուրիշ օրվան թողնելով՝ լավ համարեց օգուտ քաղել բարեպատեհ դիպվածքից:

Քանի որ այս փորձանքին շէր հանդիպել Արզումանը, մտքովը դրել էր Շամիրին մոտենալ և նրա հետ քանի մի օր օրսորդության երթալով բարեկամանալ ու խնդրել նրանից Հերիքնազի ձեռքը. բայց հիմա, երբ հանգամանքը ուրիշ կերպարանք ստացավ, էլ ի՞նչ առաջարկություն կարող էր անել:

Մարիամը նույնպես հուսով էր, որ մոտ օրերս նշանդրություն կլինի, և ինքն էլ ազատված կլինի իր ամուսնու անտեղի կասկածներից. բայց հիմա կարո՞ղ էր ասել միթե, որ երբևիցե ունեցել է այդ մտադրությունը և մինչև անգամ պատիվ է ունեցել մի անգամ գիշեր ժամանակ հյուրընկալել Արզումանին: Մի կողմանն ուրախ էր Մարիամը, թե լավ է, որ նշանված կամ պսակված ժամանակ շհանդիպեց այդ փորձանքը. ուրեմն հիմա կարելի է ուրիշ փեսա գտնել Հերիքնազի համար, բայց մյուս կողմանն իր սերը այնքան շատ էր դեպի Արզումանը, որ լավ էր համարում նա անունով միայն փեսա համարվի, քան թե մի ուրիշը ստուգապես, Հերիքնազն էլ այս համոզումն ուներ: Նա Արզումանին պատահած գիշերից սկսյալ, ձեռները ստեպ-ստեպ շրթունքներին էր մոտեցնում, կարծելով որ միայն իրան է զգալի, թե որքան քաղցր են սիրականի շրթունքների դիպած տեղերը: Նա համբուրում էր իր ձեռները,

համբուրում էր նրա բերած խնձորները և այնպես անարատ պահպանում: Չէր ուզում ուտել, որ իր սիրեկանի հիշատակը աչքից չհեռանա:

Ծ

Երկու քույրերը դարձյալ գզվել էին միմյանց այն միևնույն սրահի անկողնումը, որի մեջ պատահել էր առաջին անգամ Արզումանը:

Երկուսն էլ իբր թե քնած էին, բայց ոչ մեկի քունը չէր տանում:

— Հերիքնա՞գ:

— Հը՛:

— Ա՛խշի, շես քնե՞լ:

— Քունս չի տանում:

— Ինչի՞ չի տանում:

— Տանում չի էլի՞. համ զարթուն եմ, համ աչքերս խփած երազներ եմ տեսնում:

— Ի՞նչ ես տեսնո՞ւմ:

— Ինչ եմ տեսնո՞ւմ:

— Հա, ի՞նչ ես տեսնում:

— Ո՞վ գիտե, ինչ ասես տեսնում եմ: Միթամ ես տղի շորեր եմ հագել, յարազ, ասպար կապել վրես ու մի թուչկան ձիու վրա նստել եմ: Մի սարի գլխի շորսզաթանի մի քոշկուսարայի եմ շինել տվել, մի մեծ երկաթե դուռն եմ անել տվել վրեն. երկու ասյան էլ կապել տվել գռանը, որ իսկի մի մարդ էլ ա չկարենա ինձ մոտ գալ... հետո շատ բաներ եմ անում, սաղ աշխարհքը դողում է իմ ձեռքին...

— Ո՞վ որ գալիս է քեզ ուզելու, գլուխը կտրել ես տալիս, էնպես չի՞:

— Մենակ էդ չեմ անում. էլի ուրիշ շատ բաներ եմ անում:

— Արզումանին տանում ես քեզ մոտ...

— Տանում եմ, բայց ի՞նչպես:

— Չգիտեմ, դո՛ւ ասա, ի՞նչպես ես տանում:

— Արզումանին բռնում են: Մի մեյքան տեղ սենդ են կանգ-

նեցնում, կախաղան են պատրաստել, ուզում են կախ տալ, ինչպես Ահմեդին կախեցին: Մարդիկը կիտվել են շորս կողմը, դիփ էլ թամաշա են անում. ոչով սիրտ չի անում ձեն հանի, ուզում չի օգնի խեղճին: Ծս նստում եմ իմ թուշկան ձիուն, մի ձեռիս դալխանս եմ բռնում, մեկէլ ձեռիս թուրս. ասլաններին էլ առայ եմ գցում. ընկնում եմ էդ մարդկերանց մեջը. որին ես, որին իմ ասլանները, դիփունանցն էլ շարդում, կոտորում ենք: Ազատվում են միայն առաջուց մախշողները: Ծաղարանց՝ Քաթուն էլ է ուզում փախել, բայց քշալի միջին որ խփում եմ թրովս, ոչխարի պես շաղկում եմ, կեսը մի ասլանի բերանն է ընկնում, կեսը մեկէլի...

— Հե՛տո, մնում է մենակ Արզումա՛նը:

— Հա՛: Նրա համար մի ուրիշ ձի եմ ըլում տարած, յարազ ասպարով, Արզումանց նստում է իր ձիուն, հետո թռչում ենք մեր քոշկուսարային...

— Ով գիտի, երազումդ հենց միշտ Արզումանին ես տեսնում:

— Ի՞նչպես չեմ տեսնում: Բայց տեսնում եմ թե չէ, էնպես ուրախանում եմ, որ էն սահաթը զարթնում եմ, էլ չենք կարում իրար հետ խոսել:

— Քու բանը շատ դժվար է, Հերիքնազ:

— Վրաս ծիծաղում ես, հա՛:

— Չէ՛, չեմ ծիծաղում, բայց Արզումանը քու նշանածդ չի, մի բանդ չի, նրա համար ինչի՞ ես քեզ տանջում: Աղջկա աղաթն է, հազար տղի համար ասեն, մեկին կտան: Հիմա նա որ չեկավ, ուրիշին չպիտի ուզե՛ս:

— Մարիամ ջան, որ մի բան ասեմ, հո չե՞ս ծիծաղի վրաս:

— Ինչի՞ եմ ծիծաղում, ա՛սա:

— Գիտե՞ս ինչ կա. ես մարդ չեմ ուզում, ես սիրել եմ ուզում: Սերը շատ քաղցր բան է, բայց մարդն առելի: Դու քու օրումը լավ մարդ տեսած կա՞ս, մեկը մեկէլից վատթար արարածներ են: Ծս որ տեսնում եմ Շամիրի կոպտությունը, դա որ իրեն շահ ու սուլթան է համարում, էնպես բարկանում է վրեղ, էնպես ծեծում, որ կասենաս դու նրա եսիրն ըլիս, իմ ջիգրն էնպես է գալիս, որ ըսկըսում եմ ատել մարդկերանցն էլ, կնկդերանցն էլ: Մարդկերանց էնդուր համար եմ ատում, որ էդպես կոպիտ արջեր են, մի անգամ դրանց երեսին ծիծաղ շես տեսնի, մի անգամ մի քաղցր խոսք շես լսի...

— Կնկդերանցն ինչի՞ ես ատում:

— Կնկդերանցն էնդուր եմ ատում, որ իրանք իրանց բանի տեղ շեն դնում: Կասենաս իրանք էլ են ուրախանում, որ էդպես ծեծվում են ամեն օր: Էն օրը չէ՞ր ասում Հոռոմը, թե էն մարդը ի՞նչ մարդ ա, որ կնկա գլխիցը մահակը պակասցնի: Հիմի հախը չի՞, որ դրան օրը քսան անգամ ծեծե՞ն: Ի՞նչպես շատի մարդ էնպես կնկանը, որ միշտ ծեծվել է ուզում...

— Հիմի դիփ էլ հո Հոռոմի պես շեն: Շատերը շեն էլ ուզում ծեծվել, բայց ամենից շատ նրանք են ծեծվում: Դեռ լաված չի, որ Հոռոմին իրա մարդը ծեծած ըլի, դրա համար է, որ դա էդպես մեծ-մեծ է բրթում: Թող մի քանի անգամ թրխկացնեն դրա գլխին, եղանը գլխին կոտրատեն, ոտի տակ գցեն՝ թաղջի պես հարեն. էն ժամանակ էլ չի ասիլ էդ խոսքը: Հիմի ասելովդ ինձ էլ չպիտի սիրես, նրա համար, որ ուրիշ կնկդերանց պես ես էլ չեմ ձեն հանո՞ւմ:

— Չէ. քեզ ի՞նչպես չսիրեմ, որ Շամիրը զոռով է, դու շես կարող նրան հաղթել:

— Մի՛ վախի. դիփունանց մարդիկն էլ Շամիրի պես զոռով են: Բայց որ դու բոլոր մարդկերանցն ատում ես, Արզումանին ինչի՞ ես սիրում. նա էլ մեր մարդկերանցիցը չի՞, դեռ նրանից էլ բեթար է: Մեր մարդիկը մարդ շեն սպանում, բայց տեսա՞ր նա մեկ օրումը երեք-չորս մարդ սպանեց:

— Արզումանը որ նրանց չսպաներ, նրանք պիտի սպանեին նրան: Ծաղարանք քան զշուն շատ են, քան զգել առավել: Նրանցից երեքը սատկեցին: Տեղն էլի քսաներեքը կա, բայց նա իր մոր միևուճարն է: Դրանք աղքատ կոխող որ կասեն, նրանցից են: Ինչի՞ էին գնում կոփվ, նա հո զոռով չէր վարում նրանց տափը: Ա՛խ, թե ես կլինեի Արզումանի տեղա՛կ, նրանցից մեկին էլ ա սաղ չէի թողնիլ: Մենք քառասուն օրավար տափ ենք ունեցել, ինչի՞ են խել մեր ձեռիցը: Մեր տափերի շատ փայլը հիմի ծաղարանք են վարում: Ինչի՞ խեղճացանք, հը՞: Մեր Շամիրն ինչի՞ պիտի ամեն օր սար ու քոլ ընկնի, ինչի՞ մեր տափերիցը մի քանի օրավար էլ նրա՛ն շեն տալիս, որ նա էլ վարուցանքով պարապի, իրա տանը նստի, էդպես սար ու ձորերում շեծանա, որ արջ ա կտրվել, էլ հետը չի խոսվում, բայց որ մարդամեջ ա մտնում, չի կարում երկու խոսք խոսի, նրանք մարդավարի բաների վրա են խոսում, սա իրա ձորերիցն ա խաբար տալիս: Էնդուր է ասում խեղճ Հոռոմն է՞, թե մարդամիջի մարդս ըլի, հարիր թուման պարտքս ըլի... Ա՛խ, թե ես մո՛ղրով կըլեի՞, ես եմ գիտում, թե փիս մարդկերանց հա-

խիցն ի՛նչպես կգայի: Բայց հիմի մի խեղճ ազդիկ եմ, ինձ ո՞վ մարդու տեղ կգնի:

— Ինչի՞, հենց հիմա էլ, ով ասես քեզանից վախենում է: Էն օրը Շամիրն ինձ ուզում էր ծեծի. բայց դու որ աչքերդ վրեն չը-
ռեցիր, նա քու ահու դուրս գնաց տանիցը:

— Ես մտքումս շատ բան եմ դրել. դու համբերի: Ճաղարանց հախիցը ես պիտի գամ, դրանց քոքը ես պիտի կտրեմ: Թաթուհին պիտի թողնեմ մենակ, որ իրա աչքովը տեսնի, թե ինչպե՞ս են իրա տղերքը մեկը մեկելի հետևից գյուլլախորով ըլում:

— Դու էդե՛նց ասա: Ճաղարանց Թաթուսը մտքումը դրել է, որ քեզ իրա տղի համար ուզի:

— Ո՞ր տղի:

— Մագոյի:

— Խնչեմ Մագոյի վրեն, նա ի՞նչ շուն է, որ ես նրան մարդու տեղ դնեմ:

— Բաս միտքդ ի՞նչ է: Դու հենց ըզորդ-ըզորդ մտքումդ դրել ես, որ ուրիշ մարդ չուզե՞ս:

— Աստված ողորմած է, ոնց որ ըլի, գլուխս կպահեմ:

— Կա՛վ, մի՛ բեղամաղ ըլի, ես հանաք եմ անում: Ո՞վ կա-
րող է քեզ ասել՝ աչքիդ վրա ունք կա: Քանի որ ես սաղ եմ, մի՛ վախի. ում որ կուզես, ում որ կսիրես, նրան կտամ: Բայց ես զար-
մանում եմ, որ դու էդպես շուտ սիրեցիր Արզումանին: Ես չեմ փտնում Արզումանին. նա լավ սրտի տեր է, նրա բոյ ու բուսաթը հազար Մագոյի արժի, բայց հիմա նրա աստղը թռավ, էլ նա լավ օր չի ունենալ: Կարելի է թե հենց նա ինքը քեզ ասի՝ էլ չեմ կարող քեզ առնել, ուրիշ մարդ գտիր քեզ համար:

— Նա ի՛նքը քեզ կասի...— կրկնեց Հերիքնազը հառաչե-
լով:— էդ չեմ հավատում: Մենք նոր չենք սիրում մեկմեկու: Ինչ որ խելքի եմ եկել, էն օրվանից դեսը ես միշտ վարավորդ եմ արել, նա մի օր էլա աչքն ինձանից չի հեռացրել: Ըզորթ է, չենք խոսա-
ցել իրարու հետ, բայց մեր սրտերը միշտ մեկմեկու հետ են էլել: Կուզես հավատա՞, կուզես չէ, Մա՛րիամ, շատ անգամ բազի կամ ջրի ճամփին մտքովս անց է կացել, թե հիմի որ ետ մտիկ տամ, Արզումանին կտեսնեմ: Ետ եմ մտիկ տվել: Երկուսս էլ կարմրել ենք երես երեսի գալով: Հիմի փորձանք էր, պատահեց, կամ կբռնեն, կամ կբաշխեն: Քանի որ նա սաղ է, ես էլ կապրեմ, երբ

որ նա, աստված մի՛ արասցե, կմեռնի, ես էլ կմեռնեմ: Աշխարհիս երեսին ոչ ոք չի մնալու, մի օր էլել ենք, մի օր պիտի մեռնենք, լավն էն չի՞ որ արդար մեռնենք, անթառամ պսակին արժանա-
նա՞նք...

— Դե որ էնքան շատ է ձեր սերը, որ մեկմեկու սիրտ, մեկ-
մեկու տեղ իմանում եք, ապա իմացիր, հիմի որտեղ կըլի Արզու-
մանը:

— Դու ծիծաղում ես ինձ վրա, ես գիտեմ...

— Չեմ ծիծաղում, քո ա՛զիզ ա՛րևը, ես հավատում եմ քու խոսքին: Ես հիմի նրա համար եմ հարցնում քեզ, որ իմ սիրտն ասում է՝ հիմի որտեղ որ է Արզումանը կգա, դու ինչպե՞ս ես կար-
ծում:

— Երանի քեզ, որ էդպես լավ բան ես մտածում: Ո՞վ գիտե
նա հիմա որտեղ է, կամ ողջ առո՞ղջ է: Ինչպե՞ս էլավ, որ էդ կրո-
վումը նա սնվնաս դուրս եկավ, կամ կուտը չկտորվեց, կամ գլուխը
չպատռեցին, անկարելի է, որ մի բան պատահած չլինի: Ինչ էլ որ
լինի, դժվար թե նա հիմի սիրտ անի գա:

— Խեղճ ազդիկ, ինչի՞ ես հուսահատվել: Արզումանն էն պտու-
ղը չի, որ էդպես շուտ կորչի: Թե որ քու մտքով նա էդքան վախ-
կոտ է, էլ ինչի՞ ես սիրում նրան:

— Չէ՛, նա վախկոտ չի, բայց ո՞վ գիտի: Ճաղարանց տղերքը
մի-մի թվանք առած նրա բուսունն են պահում, նա ինչպե՞ս պի-
տի գեղը մտնի:

— Մի՛ վախենար, Ճաղարանց տղերքը գեղիցն են էդպես
հարբով դուրս գալիս, որ խալխին հավատացնեն, Գե իրանք շատ
ղոչաղ են. բայց մի քիչ հեռանում են թե չէ, շուտ-շուտ դես ու դեն
են մտիկ տալիս, օր իրանք շսպանվեն մի բաշ: Քնի՛, քնի՛, շատ
մի փիքը անի: Էրազումդ կտեսնես Արզումանին, նա քեզ կասի հի-
մի ս՛րբանդ է:

— Բաս ասում էիր՝ հիմի կգա որտեղ որ է՞:

— Ես ի՛նչ գիտեմ, բալքի չեկա՞վ,— ասաց Մարիամը և բարձ-
րաձայն հորանջեց: Այս հորանջումը ազդելով Հերիքնազի վրա,
նա էլ իր բերանը բաց արավ և օդի առատ հոսանք ներս քաշեց:
Քնի հրեշտակը մոտեցավ վերջապես և իր թևերի տակն առավ
ճյուղի փաթիլներին:

Մարիամն ու Հերիքնազը քաղցր քնի մեջ էին, երբ որ մոտեցավ նրանց Արզումանը: Լուռ ու մունջ նստեց անկողնակալի մոտ և շղիմիշեց նրանց զարթացնել: «Մի քիչ կնստեմ ու կերթամ», ասաց ինքն իրեն. «չզարթացնեմ սրանց, մեղք են: Բայց ի՛նչպես բան անեմ, որ սրանք էգուց իմանան, որ ես եկած եմ էլել»: Մտածեց, որ մի թել կապի Հերիքնազի մատին: Տրխի թելի ծայրիցը կտրեց և անցավ Հերիքնազի կողմը: Հերիքնազը կիսով չափ բացվել էր, ձեռքերը կուրծքին դարսել:

Արզումանը ձեռքը մեկնեց, բայց ձեռքը էլեկտրական հարված ստացածի պես սկսեց դողդողալ: Նա ետ քաշեց իր կոշտացած ձեռքը և գլուխը մոտեցրեց, որ լեզվով կամ շրթունքներով վերջին Հերիքնազի քնքուշ ձեռնիկը: Բերանը բաց արավ Արզումանը ու կամացուկ դրավ Հերիքնազի թաթիկին: Նրա գլուխը ծանրացավ, էլ չկարաց բարձրացնել: Հերիքնազի երազը այդ ժամանակ փոխեց իր կերպարանքը. նրան թվում էր, որպես թե մի ծառի տակ պառկած է մեջքի վրա և փոքրիկ երեխայի իր կրծքին բռնած խաղացնում է: Երեխան թրթռում է յուր կուրծքի վրա և ինքն էլ «պապա՛ր-պապա՛ր» է երգում: Բայց հետզհետե սկսեց բեզարել, շքնշառուիցունը ծանրացավ: Ուզում էր թողնել երեխային և գլուխը բարձրացնել, բայց չէր կարողանում: Նրա երազական տեսությունները սկսան փուլթ առ փուլթ փոխվիլ. նրան ճնշում են, խեղդել են ուզում: Վերջապես կարողացավ բղավել Հերիքնազը: Արզումանը կայծակի արագությամբ բարձրացրեց գլուխը և տեղը հանդարտ նստեց: Նա անկողնակալի գլխի կողմն էր, նրան շնչմարեցին:

— Ա՛խշի, էդ ի՛նչ էր, ինչի՞ ծիկա տվիր,— ասաց Մարիամը զարթնելով:

— Ոչինչ, երազումս էի,— պատասխանեց Հերիքնազը, երեսը շրջելով քրոջ կողմը:

— Երեսիդ խաչ հանի:

— Անուն հոր և որդո, և հոգուն սրբուն, ամեն. խաչ օգնյա՛ ինձ. Ամենակալ տեր. թող զմեղս իմ:

Այսպես, ինչքան աղոթք գիտեր, մրմնջաց Հերիքնազը և ամբարայն գգվելով իր քրոջը, կրկին քնի մեջ մտավ: Մարիամի քունը փախավ. էլ չկարացավ քնել:

— Մարիա՛մ, քնած ես, թե չարթուն:
— Արզուման, դու ե՛ս,— ասաց Մարիամը:
— Ես եմ, հո չեք բարկանալ իմ գալուս համար:
— Քոռանամ ես, էդ ի՛նչ ես ասում, Արզուման: Դու ի՛նչ գիտեիր, որ Շամիրը տանը չի:

— Ես նրան տեսա:
— Նա էլ քեզ տեսա՞վ:
— Չէ՛, նա ինձ չկարաց տեսնի, էս գիշերը նա չի գա, մնաց Նախշուն վանքումը:

Այս որ լսեց Մարիամը, միամտվեց և իսկույն վեր կացավ տեղիցը, որ Արզումանի համար ընթրիք պատրաստի:

Հերիքնազը լսելով սրանց խոսակցությունը, իսկույն զարթնեց, բայց փոխանակ խնդալու և ուրախանաչու, մի խոր տխրություն մեջ մտավ:

— Հե՛րիքնազ, քնած ե՛ս:

Հերիքնազը գլուխը բարձրացրեց:

— Ինչի՞ շեռ խոսում,— ասաց Արզումանը, գլուխը դնելով Հերիքնազի կրծքին, որի անուշ հոտն առել էր մի քանի րոպե առաջ:

— Ի՛նչ խոսեմ,— ասաց Հե՛րիքնազը և սկսավ հեկեկալ:

— Ա՛խշի, լաց ես ըլո՞ւմ:

— Ասում են քեզ պիտի բռնեն, ուղարկեն Սիբիր: Ա՛խ, ե... ե... ես կը... կը... կը մե՛ռնեմ...

— Լաց մի՛ լինիր, հոգիս, ինձ ոչով չի կարող բռնի,— ասաց Արզումանը և սկսեց գլուխը շոյելով, ճակատից համբուրել:— Մի՛ վախիր, հո՛գիս, ինձ չեն բռնի: Մի քանի ամիս անցնի, ամեն բան կհանդարտվի:

— Վա՛յ թե էդպես չըլի:

— Որ էդպես չըլի, էն ժամանակ էլ ուրիշ բան կմտածենք, հիմիկվանից ի՛նչ հարկավոր է դարդ անիլ: Էն ժամանակ քեզ վեր կառնեմ, կերթանք Օսմանլու էնտեղ հայ քրիստոնեք շատ կան. մի քաղաքում, մի գեղում կկենանք, մեր գլուխը կը պահենք: Թե որ բանն էդպես պատահի, կգա՛ս, որ տանեմ քեզ:

— Քեզ հետ Սիբիր էլ կերթամ, չէ թե Օսմանլու: Կերթանք Ստամբուլ: Մարիամին էլ կտանենք:

— Ի՛նչ ենք անում Ստամբուլը. կերթանք Ղարս, Արզում, էս մոտիկ տեղերը: Բայց, Հերիքնազ, մի բան եմ ուզում ասել քեզ:

— Ասա՛:

— Ո՞վ գիտի. աշխարհք է, էսօր մարդ չի իմանում թե էգուց ի՞նչ կգա գլխին: Թե որ բանն էնպես պատահի, որ երկար ժամանակ էլ չտեսնենք մեկմեկու, խոսք կտա՞ս ինձ, որ մինչև իմ մահը չլսես, ուրիշ մարդու չգնաս: Էս նրա համար եմ ասում, որ դու աղջիկ ես, թեկուզ շատ էլ սիրելիս լինիս ինձ, էդ չեն հարցնի քեզ, դոռով կտան մի տղի: Շատ էլ որ հակառակվիս, կփախցնեն, ի՞նչ պետք է անես: Ես տղա եմ, ինձ ոչով չի կարող դոռով աղջիկ տալ: Դու գիտես, որ ես քեզ սիրում եմ, գիտես, որ վաղուց եմ սկսել քեզ սիրել, բայց հույս չունեի, որ դու էլ ինձ ես սիրում: Մտքումս ասում էի, մեծ օջախի աղջիկ է, հպարտ կլինի, կարելի է թե լայաղ շանի ինձ ուզի, ասի՝ մին մենակ տղա է, անումն էլ վեր էլած, թե՛ գող է: Բայց հիմի տեսնում եմ, որ դու լավ սիրտ ունես: Իմ կյանքը, իմ ապրացնողը հիմի դու ես: Հենց որ իմանամ թե դու ուրիշի ես գնացել, էն օրը ես գլխիցս ձեռք կվերցնեմ. էլ ո՞ւմ համար, ինչու համար պիտի ապրեմ: Մի մեր ունեմ, նա էլ էսօր կա, էգուց չկա, ոտի մեկը գերեզմանումն է:

— Ասում ես՝ «դու աղջիկ ես, քեզ դոռով մարդու կտան, դոռով կփախցնեն»: Մեկ որ, խելոք տղան էդ չի անիլ, պետք է առաջ աղջկա կամքը իմանա, տեսնի՞ նա էլ իրան հավանում է՞, թե չէ: Ամեն աղջիկ հո մեկ չի՞ ըլի, էնպեսն էլ կըլի, որ էդպես մարդու գլուխ կկտրի: Հիմի ինձ ո՞վ կարա փախցնի, մինչև ես ինքս չուզենամ և երբ որ ուղենամ, էլ ի՞նչ հարկավոր կլինի փախցնի: Դու տեսնո՞ւմ ես, որ մեր Մարիամը ինձ իրա աչքի լսի պես է պահում, նա իրա գլուխը ետ է դրել ինձ համար: Դրա համար իսկի՞ մի՛ միտք անիլ: Լավ իմանաս, որ ինչ որ ե՛ս եմ քեզ համար, էն էլ դու ես ինձ համար: Երբ որ իմանամ, մեկի ապրացնողն եմ, կյանքն եմ, էլ իսկի կգնամ ուրիշի: Երբ որ դու ինձ ես սիրում, ես քեզ, էլ ուրիշ ի՞նչ հարկավոր է մեզ: Ես իմ աչքովը տեսնում եմ, որ շատերի սերը մինչև պսակն է քաշում: Պսակվում են թե չէ՝ մարդ ու կնիկ շուն ու կատու են դառնում, էլ չեն սիրում մեկմեկու: Հենց սրա համար մտքումս դրել էի, որ քեզ ասեմ—էսպես մնանք միշտ, որ սիրենք մեկմեկու: Ես հենց իմանում եմ, թե աշխարհումս ինձ նման բախտավոր ոչով չկա. սառ աշխարհքը չեմ փոխի քո սիրո հետ...

Արզումանը լսելով Հերիքնազի այս դյուցազնական խոսքերը, շիմացավ ի՞նչ պատասխան տա, ինչպես շնորհակալ լինի նրանից: Մինչև այսօր նա սիրում էր Հերիքնազին, որովհետև Հերիքնազը

մի հատիկ էր այդ դյուցազնը իր գեղեցկությամբ, իր արիությամբ: Այն աղջկերանցից էր Հերիքնազը, որին սովորաբար զրգօղչա անուն են տալիս գեղըցիք: Կանացի քնքշության և Վեղեցկության հետ նա ուներ և այրահանություն, որ հարկավոր դեպքերում գործ էր դնում և զարմացնում կտրիճներին: Երբ որ նա լինում էր մի խումբ աղջկերանց մեջ իրանց սովորական խաղերի ժամանակ, ոչ մի տղա նրա ահուց չէր համարձակվի նրանց մոտենալ: Երբ որ ձի էր նստում սար կամ ուխտ գնալիս, շատ անգամ տղի գդակ էր դնում գլխին և վարժ հեծնողի պես շին խաղացնում և զարմացնում ամենքին: Բոլոր նշնվելու տղերքը նրա աչքում ճանճեր էին թվում, նա ինքզինքը Արաբի-Չանգի էր համարում և Շահ-Իսամայի էր փնտրում: Արզումանն էր միայն նրան գրավում, միայն նրանից էր ամաչում և նրա սերն էր ուզում գրավել: Ահա այս հառապությանց համար Արզումանը նրան սիրում էր, բայց չէր կարծում, որ նրա մեջ կհանդիպի և սիրո, նրա մեջ կգտնի խելք, դատողություն: Եվ ճշմարիտն ասել՝ Հերիքնազը մինչև հիմա կարծես թե չուներ էլ այդ հատկությունքը: Այդ կայծերը նրա սրտի և ուղեղի մեջ թաք էին կացել մինչև այսօր և բարեպատեհ հանգամանքի էին սպասում արտափայլելու: Հերիքնազը սիրել էր մտածել, մտածում էր իր վրա, իր ապագայի վրա, իր սիրած մարդոց վրա, շրջապատ հանգամանքների վրա և որովհետև դրանց մեծ մասի վրա չուներ ոչ մի կանխակալ կարծիք, չուներ նախապաշարյալ խրատատու, այդ պատճառով իր պարզ և բնական դատողությամբ միշտ կամ համարյա միշտ անսխալ եզրակացություն էր գալիս և համոզվում իր կարծյաց մեջ: Արզումանը, որ ի բնե մարդու հոգու մեջ թափանցել գիտեր, և իր շրջակա մաշտկերուցը անխելահաս արարածներ էր համարում, որ փնտրում էր այնպիսի մարդիկ, որ ավելի սզնիվ, ավելի վսեմ բաների վրա խոսեին, այժմ տեսնելով Հերիքնազի մեջ այդ հերոսական վճռակառնությունը, սկսեց փոխել իր կարծիքը ինչ որ ուներ Հերիքնազի վրա և նրան նայել ոչ միայն որպես սիրականի, այլև որպես հավատարիմ ընկերուհու և իմաստուն բարեկամուհու վրա: Այս կարծրասիրտ երիտասարդի հոգին կարծես տեղըճան էլավ, և նրա աչքերը, որ միայն իր եղբարց մահվան ժամանակն էին թաց էլել, այժմ նորեն սկսան ազբուրանալ: Բունց Հերիքնազի երկու ձեռքը և դրավ իր շրթունքներին ու ասաց.

— Հերիքնազ, Հերիքնազ, իմ աննման Հերիքնազ, քու էդ խոս-

քերը կենդանացրին իմ օխտն ախպորցը: Հենց իմանում եմ, թե հիմի օխտն էլ կշտիս կանգնել, ինձ մխիթարում, ինձ սիրտ են տալիս, թե՛ մի՛ վախենալ, քամակիդ կանգնած ենք: Իմ սիրուն, յո՛ւ աննման՝ Հերիքնազ, երբ որ ձեր օջախն ու մեր օջախը վառ էին, մեր տներին էսպես փորձանքներ չէին գալիս: Գեղի մեջ մենակ լինելը աշխարհքիս ամեն անբախտություններիցը վատն է: էսպես չէր լինի, եթե մեր մեջ արդար օրենք, արդար դատաստան ըլներ: Բայց վնաս չունի, ես այսուհետև մենակ չեմ, դու իմ օգնականն ես, դու իմ մխիթարուն ես: Մինչև հիմա դու իմ նշանացուն էիր, այսուհետև երկու բանով էլ ավելի ես՝ համ քույրս ես, համ ախպերս...

Հերիքնազը փաթաթվեց Արզումանի շնքովը ու սկսավ նրան մխիթարել: «Մի, վախենալ, աստված ողորմած է», միայն կարողացավ ասել Հերիքնազը և Արզումանի ճակատից համբուրեց: Նոքա երկոթյան լռեցին և այս լռության մեջ երջանիկ էին:

ԺԲ

Վերջապես Մարիամը դուրս եկավ և Արզումանին ներս հրավիրեց հացի:

— Դե, դու է՛լ վեր կաց, Հերիքնա՛զ շան,— ասաց Արզումանը և ինքը ներս գնաց: Հերիքնազը երկար սպասել չտվավ. իսկույն հագավ շորերը և գնաց Արզումանի մոտ, նստեց նրա վրա թիկն տվածի պես:

Ասում են մթնի մեջ ավելի վառ է լինում մարդու երևակայությունը, քան թե լուսի. գիշերը ավելի, քան թե ցերեկը: Բայց արի ասենք. այս երևույթը եթե ճշմարիտ էլ է, մեզ նման մաշված ու մեռած մարդոց համար է: Անարատ հոգոց մեջ երևակայությունը միայն վառ է, թե ցերեկ լինի, թե գիշեր. թե լույս լինի, թե մութը: Բայց թողնենք այս փիլիսոփայությունը...

Արզումանը սաստիկ քաղցած էր և առավոտյան էր կերել մի կտոր թուրքի սաշահաց, բայց Հերիքնազին տեսավ թե չէ, ստամոքսն իր պահանջից ետ կացավ:

— Զարմանալի՛ բան է. ես ամենևին իշտահ չունիմ,— ասաց նա,— բայց միտս է, որ էսօր սիրսս թրթռում էր սաստիկ քաղցածութենիցս:

Մարիամը գիտեր, որ ուրախությունը իշտահ փակել գիտե, բայց ախորժակ բանալու հնարքը նույնպես գիտեր: Մի քյոռօղլու բաժակ արաղով լցրեց տվավ Արզումանին, ասելով՝ «Իմ ու Հերիքնազի կենացը մի ստաքանով պիտի դարդկես»: Արզումանը ոչ օղի և ոչ գինի ի մեկու սովորություն չուներ, բայց այդ խոսքի համար թույն էլ որ լիներ, կխմեր: Մի շաղ հավ էր եփել Մարի. մը և մի քանի ձու խաշել: Լավ ախորժակով կերավ Արզումանը. բայց հիմի էլ կշտանալու զգացմունքն անհայտացավ: Մարիա՛ր տեսավ, որ Արզումանի ծամելիքները դադար առնելու մտադրություն չունին, վեր կացավ մի մեծ աման սալ-սալ մածնով լցրեց դրավ առջևը: Այս էլ սրբեց մեր հերոսը և հետո ասավ՝ շանես բեզարեց, էլ ոչինչ չեմ ուզում: Ութ օր կա, ինչ որ էսպես իշտահալի հաց չեմ կերել:

Այս միջոցին աքաղաղը կանչեց:

— Ա՛յ զահրեմա՛ր... — ասաց Արզումանը համարյա աքաղաղի շափ բարձր ձայնով:— Էրնակ մութն ընկներ աշխարհքի վրա, էլ մեկ սաղ տարի չլուսանար: էս ի՞նչ է, էս սահաթս մթնեց, հիմի ուզում է լուսանա՞:

— Կուզե՛ս, մի սաղ տարի քեզ մի էնպես մութը տեղ գցեմ, որ սատանեն էլ չգտնի,— ասաց Հերիքնազը:

— Որտե՞ղ կգցես:

— Մեր մեծ տան ներսի օթախը: Օխտը տարի կըլի էդ օթախը մարդ ոտք չի դրել: Կուզե՛ս, արի գնանք տե՛ս:

Արզումանի հետաքրքրությունը շարժեցավ և իսկույն վեր կացավ տեղիցը, որ առանց ժամանակ կորցնելու տեսնի՝ ի՞նչ օթախ է այդ: Արզումանը լսել էր սրանց մեծ տան համբավը, բայց ինքը չէր տեսել: Մի անվառ ճրագ ու լուցկի վել առան և մեծ տունը մտնելով ճրագ վառեցին: Դիմացի պատերը Արզումանի աչքումը չերևացին և կարծեց թե տան մեջ չի:

— Ա՛խչի, էս ո՞ւր բերիք ինձ,— հարցրեց Հերիքնազին:

— Ա՛ռաջ արի, մի՛ վախենալ,— ասաց Հերիքնազը:

Արզումանը մի քանի քայլ առաջ գնալով ճրագը բարձրացրեց և սկսավ իր շորս կողմը նայել: Ահագին մեծություն, կոնաձև մի շինություն էր այս տունը, և վերև նայողին թվում էր, թե ուր որ է, պիտի փլի վրան: Ութ սարսափելի հաստություն սյուների վրա էին դարսված առաստաղի հաստ ու երկար գերանները, որոնք արդեն կիսով չափ փտել էին և մոտ էին կործանվելու: Այդ իսկ պատճա-

ոով ոչինչ բանի հումար գործ չէին դնում այս տունը, բայց չէին էլ ուզում քանդել այդ հայրենավանդ հարկը, որ միշտ միտները պցի իրանց նահանջաց մեծությունը:

Հերիքնազը առաջնորդեց Արզումանին դեպի իր ասած սենյակը, որ թեև ներսի օթախ անունն էր կրում, բայց կրիաձև, կորաքամակ մի մեծ շինություն էր, բավականին երկար և ընդարձակ:

— Ահա՛ քեզ տուն,— ասաց Հերիքնազը:— Ժամանակով մեր հարսները էստեղ են էլել կենալիս. մի տարի էլ դու հարսնություն արա: Իստակ կավլեմ, լավ կսրբեմ, կշինեմ քեզ համար, ամեն օր հացդ, շուրդ կբերեմ, շատ վախտ էլ մորդ կկանչեմ, կգա էստեղ քեզ կտեսնի, մինչև կտեսնենք բանն ինչպես է ուզում վերջանա: Հը, ի՞նչ կասես:

— Չէ՛, Հերիքնազ ջան, դու մի՛ վախիլ, ես առանց էստեղ մնալու էլ քեզ շուտ-շուտ կտեսնեմ, էլ ի՞նչ հարկավոր է, որ ինքս ինձ բանտի մեջ պցեմ: Բայց էստեղ մի բան միտս ընկավ: Մի ժամանակ նորապսակներին բերում էին էստեղ համբուրելու, ո՞ր է էն օջախը:

— Էս մեծ տան օջախն է, արի տանեմ նշանց տամ:

Երբ որ դնացին օջախի մոտ, որ մեծ տան կենտրոնումն էր, Արզումանն ասաց.

— Հերիքնազ, դու հո հավատում ես, որ էս օջախը զորավոր է:

— Էդ ի՞նչ խոսք է: Մեռնիմ սրա ողորմութենին: Ես ամեն կիրակշտեքի, ահա տեսնում ես, էս քարի վրա մոմ եմ վառում: Երբ որ իմ հորն ու մորը տեսնում եմ էրազումս, իմ հերը էստեղ է ըլում նստած, իմ մերն էլ էստեղ, իրարու դիմաց: Նրանք սաղ վախտն էլ միշտ էդտեղ էին նստում: Երբ որ իմ հերը տանը չէր ըլում, ոչով չէր կարող նրա տեղը նստել. բազի վախտ էրեխեքը թե կնստեին, էդ էր, թե չէ ուրիշ մարդ չէր կարու: Հարսներն էլ երբ որ բան չէին ունենում, ներսի օթախումն էին նստում. հացի վախտըն էլ կգային էսպես շարքով կկանգնեին:

— Ձարմացք բան է, ինչպե՛ս էլավ, որ էս շեն օջախը էդպես մի բաշ հանգավ:

— Բա դու որտեղացի՞ ես, իսկի շես իմացե՛լ:

— Ո՞նց շեմ իմացել: Իմացել եմ, որ խուրբի տարին ձեր տանիցը շատ մեռնող է էլել, իմացել եմ, որ խուրբից հետո տա՛լարի ազարն եկավ, ինչպես շեմ իմացել, գիփ էլ գիտեմ, ես էս եմ

ասում, թե... մախլասի, բաստըծու փառքը շատ ըլի, ինքը տալիս է, ինքն առնում...

— Շատ անգամ, երբ որ մորս տեսնում եմ էստեղ նստած, ես իմանում եմ, թե նա սաղ է, մեռած չի, գլուխս դնում եմ մորս գոգումը, նա էլ ձեռքն է քսում գլխիս, երեսիցս պաշում, բայց իսկի բան չի ասում, բան չի խոսում. ինչքան մտքումս դնում եմ, թե մի անգամ էլ որ երազիս մեջ տեսնեմ, հարցնեմ, ասեմ՝ «նանի ջան, ինչի շես խոսում», հենց ուրախանում եմ ու գնում կշտին նստում: Բայց էն գիշերը, որ դու եկար մեր տուն, էն գիշերը տեսա էլի մորս, շատ տխուր, վրես բարկացածի պես էր երևում:

— Հետո ի՞նչ մտածեցիր, ինչի՞ պետք է էդպես բարկացածի պես ըլներ:

— Ո՞վ գիտի, կարելի է թե նրա համար ըլներ, որ ես...

— Որ դու նշանված շես ու ինձ սիրում ես, էդ շե՛ս ուզում ասել:

— Հա՛:

— Հերիքնա՛զ ջան, գիտե՞ս ինչ կա: Ես ուզում էի օրինավոր նշանավեք անեմ, բայց բանն էսպես եկավ: Ես ինձ մոտ մի խաշ մանեթ ունեմ: Էսօր խանշալի ծերով ծակեցի դաստի քեզ համար, որ շլնքիդ կապես:

Այս ասելով Արզումանը հանեց քիսիցը մի խաշ մանեթ:

— Ահա՛ քեզ նշան: Թե որ կուղես, դու էլ քու մատն: քներիցդ մինն ինձ տուր: Արի՛, իմ հոգի, շոքենք էս օջախի դրառին, սրա քարիցը համբուրենք, թո՛ղ քու հերն ու մերը տեսնեն, մեր նշանն օրհնեն:

Հերիքնազը հնազանդվեց: Արզումանի ձեռքից առավ խաշ մանեթը, իր մատից մի մատանի հանեց, տվավ Արզումանին: Չոքեցին, համբուրեցին օջախի քարիցը և հետո իրանք համբուրվեցին: Որքա՛ն սեր, որքա՛ն սրբություն կար այդ համբուրյի մեջ...

Մարիամը տեսավ, որ ջահիլներն ուշանում են, շուտով գնաց նրանց հետքից, և մեծ տան մութը անկյունում կանգնած՝ ականատես վկա էր այդ բոլոր անցքին: Նա ձայն չէր հանում և չէր ուզում խանգարել նրանց արարողությունը, որ ի սուրբ սրտանց էր: Երբ որ իբար համբուրեցին, հետո շոքեցին օջախի քարից համբուրեցին, նա այդ ժամանակ միայն մոտեցավ և ասաց.

— Ուխտներդ ընդունելի ըլի, աստված մուրազներիդ հասցնի:

— Ամեն, ամեն,— ասացին միաձայն Հերիքնազն ու Արզումանը այնպիսի եղանակով, որից հասկացվում էր, թե սոքա ավելի նշանավոր ուխտ ունեին, քան թե քարերից համբուրելն էր:

Այդ միջոցին աքաղաղը երրորդ անգամ կանչեց և մեր փախած Պետրոսին իմաց տվավ, որ ժամանակ է ապաշխարելու երթալ:

Ա

Ամառն էր: Դ... գյուղի ժողովուրդը սովորութուն ուներ ամեն ամառ սար գնալու:

Գեղամա լճի հյուսիսային ծայրից սկսյալ, ուր ընկած են Դիլիջանու սարերը, մինչև Փարվանա լիճը, որ Ախալքալաքի և Ալեքսանդրապոլի մեջտեղն է գտնվում, բազմաթիվ լեռանց գոտիներ ու խումբեր կան, որոնց մեջ թեև չկա երևելի մեծության մի սար, որ գրաված լինի ճամփորդների ուշադրությունը, բայց իրենց ծաղկափթիթ դազաթներով և ականակիտ աղբյուրներովը երևելի են մեծամեծ լեռներեն անգամ:

Ահա այս սարերը, որ ձմեռ ժամանակ անմարդաբնակ են լինում և անհյուրընկալ իրանց բուք ու բորանով, ամառ ժամանակը կատարյալ դրախտի են փոխարկվում, հյուրասիրելով իրանց ստորտներում և լանջերի ու գազաթների վրա անթիվ ոշխարներ ու տավարներ:

Որքան երևելի է Արագածը իր պատվական արտատեղիներով ու անմահական ջրերովը (որո համար իսկ թարաքափեքը Ալա-յաղ անուն են տալիս), որքան երևելի են Արցախի և Սյունիքի սարերը, նույնքան և ավելի ևս երևելի են Գուգարաց աշխարհի սարերը— Լավարը, Լոքը, Ղարախաչը, Ագրիղառը, Թելիղաղը և ուրիշ անթիվ սարեր, որոնք կարծել են տալիս սարեցուն, որ եղեմական դրախտն այստեղ է եղել, ուր Ադամն ամառը բնակելով՝ ձմեռն արտաքսվել գնացել է Ղարախաչ:

Այս սարերի մի քանիսի ստորոտում անտառներ էլ կան. այս կողմանե երևելի են մանավանդ Լոքի և Լավարա հյուսիսային ստորոտները, որոնց շատ տեղերում, իրանց անթափանցելի է դժվարամատչելի լինելովը, կացնի ձայն չի լսված դեռևս: Այս անտառների մեջ կա որսերի առատություն: Այստեղ բոլոկներով խո-

գեր, թաբունով եղջերուներ են ման գալիս. ժամանակ-ժամանակ եղջերուներն իրանց գոռոցով դրմբացնում են այդ ձորերը: Այս սարերումը կան և անմատչելի ձորեր ու հովիտներ, որոնք միայն ավազակաց են լինում պատսպարան: Սրանց մեջ ամենանշանավորը Ղարանլըխ-Ռարա ասվածն է, որ նշանակում է Մթին ձոր, պակաս չի և Շեյթանլուն, որ կնշանակե Սատանի բույն, ինչպես և Գյուլի Մամաղը, որ մի նշանավոր ավազակի անուն է կրում:

Այս տեղը մոտիկ լինելով Տաճկաստանից, երկու կողմի ավազակների հաղորդակցությունը հեշտանում է, մի կողմից մյուս կողմն են փոխադրում իրանց կողոպուտը:

Սարեցիք ամբողջ ամառը մի տեղ անշարժ չեն մնում, այլ երկու կամ երեք շաբաթը մի անգամ տեղերը փոխում են, որ տավարների համար խամ արոտատեղիներ ունենան: Այս տեղափոխությունը մի առանձին անհարմարություն չի պատճառում. դժվար չէ իրանց շարժական տները, որոնք կամ վրան են լինում, կամ ալաշուխի քեշա հյուսած եղեգնապատով, հավաքել մեկ տեղից և մեկ ուրիշ տեղ տանել: Այդ բնակարաններին մեր հայերն ասում են դագա, իսկ դարաբաղցիք՝ կոկալ: Իրենց բնակելու տեղերին ասում են ուրդ, թուրքերեն՝ յուրթ, գուցե օրդու լինի իսկը, որ բանակ ասել է: Հայերի ուրդերը բոլորն էլ մի հատուկ անուն ունեն, որոցմե երեկիններն են՝ Քամի ուրդ, Լանջիվեր ուրդ, Ներքի ուրդ, Վերի ուրդ, Մեջի ուրդ, Ցեխի ուրդ, Մելիք Ասլովի ուրդ, Պետի (Պետրոս), Պուղի (Պողոս) և այլ շատ ուրդեր:

Երբ որ ուրդը կամ մի հովիտ, մի ձոր, մի սար մարդու անուն է կրում, այդ ցույց է տալիս, որ այն մարդը մի նշանավոր գործ է կատարել այնտեղ:

Այսպես պատմում են, որ Մելիք Ասլովը այժմ իր անվանը նվիրված ուրդումը յոթը մարդու գլուխ է կտրել, երեքին էլ սաղասող մաշկել, միայն երկուսին է ազատություն տվել, որ երթան իրենց աշխարհքումը իմաց տան: Ասում են այս դեպքից հետո էլ լեզգու երես շտեսանք: Պողոսի համար նույնպես պատմում են, թե ինքն ու իր նշանածը (հարսնացուն) իրարու կուռ բռնած՝ էդ ուրդովը անց կենալիս են էլել, որ զնան սարու յալ, իրանց դագեքը: Հանկարծ լեզգիքը շրջապատում են և ուզում են իրա նշանածը ձեռնիցը խլեն: Քաջասիրտ Պողոսը խանշալը տալիս է իր նշանածին, ինքը թուրը հանում է ընկնում նրանց մեջ. վեցի գլուխն է կտրում, չորսի միջիցն է կիսում, բայց ավազակները շատ ժամանակ չեն

տալիս. ութ-ինը հրացան մեկեն արձակելով, գյուլախորով են անում արի երիտասարդին: Իր սիրելու մահը տեսնելով, Պողոսի նշանածը՝ Զառին՝ ընկնում է խանշալի վրա և ինքն իրան սպանում: Եվ այսպես երկու անարատ հոգիք անթառամ պսակին են արժանանում: Եվ ամեն անգամ, այնտեղով անցնելիս, մեծերը պատմում են փոքրերին այս անցքը, որ մեծ տպավորություն է գործում լսողների վրա:

Բ

Վարդավառի շաբաթ օրն էր: Սարու յալը, որ վարդի կոկոնի նմանություն բերող մի սար է, հեռվից նայողին այնպես է թվում, թե ահագին մեծություն մի ծաղկափունջ է: Ի՛նչ գույնի ծաղիկ ասես, որ նրա վրա չկար, մին քան զմյուսը պայծառ, մին քան զմյուսը հոտավետ: Հարս ու աղջիկ զուգվել, զարդարվել էին այդ օրը և այդ սարը ծաղիկ քաղելու էին գնացել, որ մյուս օրը կատարեն վիճակախաղի հանդեսը:

Զգվածն ինչիցն է, ամեն տեղ վիճակախաղի հանդեսը Համբարձման տոնին են կատարում, իսկ Ղարաբաղ և նույն տեղից գաղթածները՝ Վարդավառին: Այս էլ պետք է ասել, որ ոչ մի տեղ Վարդավառը այնպես փառավոր կերպով չի տոնվում, ինչպես Ղարաբաղում: Նրանք չեն ասում Վարդավառ, այլ Վրթաուր, որ կնշանակե վարդավոր, և այս է հենց այս տոնի էլ պատմական նշանակությունը, որովհետև Վարդավորը Անահիտն էր, որ ուներ վարդի մատ և ասվում էլ էր Վարդամատն:

Մաղիկ քաղողների մեջն էր և մեր Հերիքնազը, որ ամեն ծաղիկ պոկելիս, ամեն մի խոտի դիպչելիս խղճահարվում էր, թե մեղք չե՞ն այս ծաղիկները, որ այսպես անգթություն կտրում, հեռացնում ենք իրանց արմատից. սրանք էլ հոգի ունեն, սրանք էլ մուրազը փորնհրումն են թողում: Արդյո՞ք սերն էր նրան այս աստիճան ընքշացրել: Որ ծաղիկը որ ավելի դալար, ավելի պայծառ էր լինում, նրանց չէր դմբում ձեռ տալ, աշխատում էր այնպես քայլել, ոտներն այնպես փոխել, որ ոչ մի խոտ չճխլի, չթառամեցնի: Այս մտքի հետ ընկած՝ ի՛նչ ասես երևակայում էր Հերիքնազը: Մի ծաղիկ նրան թվում էր որպես նորահարս, մյուսը որպես նորափեսա, մեկը նորահարս, մյուսը գեռ մանուկ, մեկին պաշտում էր,

մեկ էլի կշտին նստում, նայում էր, զմայլում, հիանում էր նրանց ձևերի կանոնավորության և համաչափության վրա և այնպիսի բաներ ու հատկություններ էր նշմարում, որ մինչև այսօր իր աչքին չէին զարնվել, իր ուշադրությունը չէին գրավել: Մինչև այսօր նրանք անշունչ բաներ էին, որոնց պոկել և հոտ առնել կարելի էր միայն առանց զննելու. բայց հիմի բոլորն էլ շունչ, բոլորն էլ հոգի առած իրա հետ խոսում էին: Այնպես էր թվում Հերիքնազին, որ այս ծաղիկները իրան լավ ճանաչում են, գիտեն նորա անցյալը, ներկան — ու ապագան, միայն լեզու չունին, որ հայտնեն իրան, մխիթարեն նրա տխրած սիրտը: Մյուս աղջկեքը ուրախ ու զվարթ երգելով, իրարու տակ ու զուգու ընկնելով, գլորվելով վազվզում էին մեկ թուփից մյուս թուփը, մեկ ծաղկից դեպի մյուսը, աւում էին՝ «տեսնե՛նք ո՛վ շուտ կհասնի էն բարձր աղնթափի ծաղկին, ո՛վ շատ կքաղի, ո՛վ ավելի շատ գույն ծաղիկներ կունենա», և այսպես վազվզելով բավականին հեռանում էին, իսկ Հերիքնազը չէր մասնակցում նրանց զվարճությունը, չէր վազում նրանց հետ, նա կարծես գիտություն բտ էր մնում, որ մենակ մնա և շատ էր սիրում այդ մենակությունը: Մյուս աղջկեքը հասել էին սարի գագաթը, բայց ինքը դեռ նոր ստորոտումն էր և չէր էլ ուզում նրանց հետեւից հասնել, որ շղկվի իր քաղցր ցնորքներից:

Արդեն հինգ ամիս էր անցել, ինչ որ Արզումանին չէր տեսել, նրանից ոչ մի համբավ չուներ: Այդ հինգ ամիսը հինգ տարուց ավելի էր թվում Հերիքնազին: Հինգ ամսվա մեջ բավական կերպարանափոխվել էր Հերիքնազը: Նրա աչքերը, որ առաջ էլ հայկուհու աչքեր էին՝ թուփ-թուփ, խոշոր ու վառվռուն, բայց մի տեսակ ապշույթուն ունեին, որ բնական է անկիրթներին, այժմ այդ աչքերի փայլն ու հայեցողությունը մի նոր կերպարանք, մի նոր զորություն էին ստացել, որով թափանցում էր նա դիտելի առարկայի մեջ, թափանցում էր մարդու սրտի և հոգու խորքերը: Նրա դեմքի գծագրությունը առաջ էլ գեղեցիկ էր, բայց այժմ փոխվել էր արտահայտությունը, որ ավելի վսեմ, ավելի սքանչելի էր: Առաջ նա մի գեղեցկության կուտակություն էր, ինչպես վարդը կոկոնի մեջ, իսկ այժմ բացվել էր իր բոլոր շքեղությամբ: Առաջ նա մի գեղեցկուհի էր, իսկ այժմ մի աստվածուհի արամազդյան գերդաստանից, որ Հելիկոնյան լեռներից տեղափոխվել էր Սարիյալ, որ մի քիչ ժամանակ անցկացնի հողեղենների հետ: Զքնաղատիպ, աննման արարած, պաշտելի Հերիքնազ...

Վաղուց արդեն ազապ տղերանց երևակայության միակ նյութը Հերիքնազն էր: Անհարմար էին համարում Հերիքնազ անունը տալ նրան, Դունյա գյուղալի էին ասում, Արաբի-Ջանգի, Ասլի ու Մեհրի, Գյուլլուզար, և առհասարակ աշխատում էին իրենց սիրած վեպերի հերոսուհիների անունը տալ նրան, բայց ոչ մեկը չէր կալում, նա մնում էր դարձյալ Հերիքնազ: Շատերը խաղ էին կապում նրա վրա և կամենում էին Արզումանի արկածքներին նախապատճառ շինել նրան, բայց չէին կարողանում հաջողացնել, չէր ընդհանրանում: Մի բեծ, մի արատ չէին կարողանում դնել նրա վրա, որովհետև նա զորավոր օջախի զավակ էր, ժողովուրդը պատկառանքով էր նայում նրան և համոզված էին, որ մի որևիցե անտեղի ակնարկություն դեպի նա անպատիժ չի մնալ:

Շատերը խնամախոս եկան հարուստ և շեն տներից, շատ հեռավոր գյուղերից և քաղաքից, բայց ամենքն էլ մերժվեցին: Շատերը փորձ արին փախցնելու, բայց տեսան, որ Հերիքնազի փախցնելը դժվարին գործ է և անհնարին, քանի որ նա ինքն իրան պաշտպանելու և քաջություն ունի, և զենք:

Ոչ ոք, բացի Մարիամից, չգիտեր, որ Հերիքնազը նշանված է: Շունչ կար միայն, որ Հերիքնազը սիրահարված է Արզումանի վրա, բայց ձեռներին ոչ մի փաստ չունեին: Շամիրը շատերին էր խոսք տալիս, շատերից ընծաներ առնում, որից մի ձի, որից մի հրացան, բայց նպատակին չհասնելով՝ ընծաները ետ էր դարձնում: Մի մեծ պատերազմ էր այս, բայց Հերիքնազը այս պատերազմից հաղթող դուրս եկավ և հաստատ մնաց իր սիրո մեջ:

Հերիքնազը տեսավ, որ իր ընկերները շատ են հեռացել, էլ շուգեց նրանց հետևից հասնել: Նստեց տեղնուտեղը և սկսեց իր քաղած ծաղիկները երգելով փնջել: Առաջ «ջանգյուլում» երգեց մեղմ ձայնով, հետո սկսեց բայաթի: Բայաթին նրա սիրտը այնպես շարժեց, որ արտասուք եկավ աչքերից: Կաց էլավ Հերիքնազը, առաջ կամաց, բայց քիչ-քիչ ձայնը բարձրացրեց և սկսեց բոլոր ուժովը գոռալ, որ մեկ անգամից դուրս վիժե բոլոր կսկիծը:

Հինգ ամսվա մեջ շատ բան էր զգացել Հերիքնազը, շատ էր տխրել, բայց ոչ մի անգամ չէր լաց էլել: Նրա սիրտը քարացածի պես էր: Բայց հիմա, երբ աչքը ձգեց իր շորս կողմի սարերի վրա, երբ երևաց Ղարաւլըխ-Պարան, որ մութ անդունդի նման երկարումեկ ձգվել էր երկու ահագին լեռների միջով, Հերիքնազի սիրտն ուռավ և ուզեց կուրծքը պատռել: Ահա՛ էդ ձորն է Արզումանի

բնակարանը, ասում էր նրա սիրտը և ուզում էր թուշել դեպի այն կողմը:

Հերիքնազը երկար, երկար ժամանակ նայեց դեպի Մթին ձորը և մի տխուր տպավորություն ստանալով, աչքը ձգեց մյուս բլուրների և սարերի վրա, որոնք նույնպես տխրությամբ էին նայում իր վրա: Մի տխուր նախազգացմունք դրդեց նրան, թե այս վերջին անգամն է, որ գմայլվում է իր ծնեդարանի շքեղ տեսարաններով, էլ Կաթնաղբրի ջրիցը չպիտի խմի, էլ Բոխտտ սարի հաղարջիցն ու մոռիցը չպիտի ուտի, էլ Զուխտակ աճարքու վրա կարմիր թել չպիտի կապի, որ հիշատակ մնա, մյուս տարին գա մի նոր թել քվեկացնի, էլ Մարի-յալի վրա ծաղիկ քաղելու չպիտի գա... Այսպիսի տխուր մտածմունքներից հետո մի թալկություն եկավ վրան, պառկեց ցողաթաթափի ծաղիկների մեջ և քունը տարավ:

Մարիամը եռնավ, որ Հերիքնազը բավական հեռու է մնացել, վախեցավ, թե մի փորձանք չպատահի, մանավանդ նկատելով՝ որ հեռվից ձիավորներ են գալիս այնպիսի արագությամբ, որ կարծես Հերիքնազին փախցնելու են գալիս: Իր հետ մի խումբ աղջիկ առավ և սկսեց սարիցը վայր իջնել դեպի Հերիքնազը: Զիավորները Հերիքնազին չնկատելով՝ ուղղակի դիմեցին դեպի Մարիամի խումբը: Նրանցից մինը վայր իջավ ձիուցը. Մարիամը ճանաչեց, որ նա Արզումանն էր, և իսկույն մոտ գնաց բարեկեց: Արզումանը մի քանի խոսք ասաց Մարիամին և իսկույն ձին հեծավ ու կայծակի արագությամբ հեռացավ իր ընկերների հետ: Աղջիկերքը ուրդ հասան թե չէ՝ չավ արին ամեն տեղ, թե՛ Արզումանին տեսանք, Մարիամը նրա հետ երկար խոսեց, բայց մենք չիմացանք, թե ինչ խոսեցին:

Գ

Այս շաբաթ երեկոյին մի առանձին ուրախություն և դավաճություն էր երևում սարեցոց մեջ, մանավանդ ջտհել աղջիկների և տղաների: Միակարգ շարված գագեթի առջև խարույկները ավելի էին թե՛ ծաղրելու: Կարմրաթուշիկ հարսն ու աղջիկերք պատել էին կրակների շորս կողմը: Մի տեղ շվի էին ածում, մի տեղ երգում, բայց ամենից շատ հավաքվել էին արտավ Հոռոմի մաս, որ սկիս-

րություն և մայրություն էր անում ամենքին, և առանց նրա հրամանի ոչինչ անել չէին կարող մյուսները:

Երկինքը բավականին պարզ էր այս գիշեր: Թեպետ լուսինն արդեն անցել էր արևմտյան սարերի քամակը, բայց այնտեղից դարձյալ օդնում էր երկնքի պայծառ աստղերին և լուսավորում մոտակա սարերն ու ձորերը: Բաղումք աստեղատունը բավական բարձրացել էր և ցույց էր տալիս, որ մոտ է կեսգիշերը, բայց այս գիշեր կարծես ոչ ոք մտադրություն չունեի քնելու: Սրա պատճառն այն էր, որ առավոտյան արշալույսին աղջիկերք իրանց քաղած ծաղիկը պետք է տանեին յոթն աղբյուրի ջրով ցողեին. իսկ տավարածները պիտի աշխատեին նրանցից այդ ծաղիկը խլելու: Սա մի կոնիվ էր, որ կատարվում էր տղայոց և աղջկերանց մեջ, որից առաջ է եկել և կավաճաղիկ բառը: Եթե աղջիկերք ծաղիկը խլել տան, պետք է տղաներին ընծաներ տալով՝ ետ առնեն: Ընծան լինում է մի քանի ջուխտ նախշուն գուլպա և զանազան ուտելիք— ձվածեղ, սեր, գաթա: Տղերը այնքան ընծաների համար չէին աշխատում, որքան ազատվելու համար այն ամոթահարությունից, որ պիտի կրեն աղջիկներից, նրանց ծաղր ու ծանակը պիտի դառնան, ե՛լ չկարողանան խլել: Իրավունք ունին և գողանալու ծաղիկը, որ մի բղուղի մեջ թաքցրած են պահում այս գիշեր:

— Ա՛յ տղեք, քի՛չ խխրահաչի տվեք, գնացե՛ք շնթուկեցե՛ք: Առավոտները ձեզ վեր կացնել չի ըլում, օրը կեսօր է ըլում, որ կովերն արոտ եք տանում,— ասաց պառավ Հոռոմը բարկանալով տավարածների վրա:

— Հը՛մ, էդ քու բանը չի. ուզում եք մեզ քնացնեք, որ ձեր բանը լավ տեսնեք հա՛. Տղե՛րք, սուտ է ասում, խաբում է մեզ, չքնեք,— ասաց տավարածների զխավորը:

— Զքնեք էլ, ոչինչ չեք կարող անել, անմեղ եք անուշ քուններդ կտորում,— ասաց մի աղջիկ հեղնելով:

— Դուք մազ մանեցեք, առավոտը ձեզ կծկիլ կտանք ձեր մանածը,— սրախոսեց մի տավարած:

— Հաչեցեք ինչքան կուզեք, մենք էնքան շատ ենք, որ մեզ ոչինչ չեք կարող անել:

— Ինչքան էլ շատ ըլիք, էլի տակի զուր ձերն է...

— Վո՛ւյ, գետինը մտնես...

— Քեզ հետ կմանեմ թեկուզ դժոխքը...

— Քու խրատողի երեսփցը կպչե՛ս:

— Դո՛ւ ես իմ խրատողը:
— Թաղեմ արևդ, ես քեզ ե՛րբ եմ խրատել:
— Գիշերս կխրատես, ես էլ խելոք կկենամ:
— Ես գիտեմ, քեզ ինչպես կխրատեմ:— Այս ասելով աղջիկը մի խնձոր վեր առավ, որ տղայի գլխին խփի. նա փախավ, գլուխը պրծացրեց:

— Ախլի, թողեք էդ շներին, ի՞նչ եք հաշացնում,— ասաց Հոռոմը:— Դուք քաշվեցեք ձեր տեղերը, թող դրանք էնքան կենան, որ ջանները դուրս գա: Թե որ ղոշաղ տղեք են, առավոտը կերևա:

— Կերևա, հալբա՛թ կերևա: Մի Հերիքնազ ունիք, նա էլ հրեն տեղումը պառկած դելն է տալիս. էլ ո՛վ ունիք, որ ձեր երեսը պարզ անի,— ասաց տավարածների գլխավորը, որ մողորովից ավելի իշխանություն ուներ ամեն տավարածների վրա: Սա վեր կացավ տեղիցը և մյուսների հետ հեռանալով՝ կարգադրություն արավ: Ամեն աղբյուրի մոտ շորս-հինգ հոգի ուղարկեց, որ պահպանեն մինչև լույս:

Հերիքնազն այս նախատոններին ներկա չէր: Ծաղկաքաղից տուն հասավ թե չէ՝ Հերիքնազի ջանն սկսեց կոտրատվիլ և ծնոտի-լըն իրար զարկվելով իմացրին նրան, որ այս է ահա դող ասած լանը, որ ունեցած չէր երբեք: Արդեն տասնութ տարեկան էր Հերիքնազը, բայց դեռևս ոչ մի անգամ հիվանդացած չէր: Երկու տարեկան ժամանակն էր ծաղիկն ու կարմրուկը հանել և այն էլ շատ բեթև, և չէր էլ հիշում ինքը: Իսկ այժմ ընկել էր դողի անգութ ճան-վերը, որ բավական դողացնելուց հետո, ձգեց մի անտանելի տաքու-թյան մեջ, և Հերիքնազն սկսեց դելը տալ:

Արզումանն այսօր Մարիամին տեսնելով Մարի-յալումը, ժամադիր էր եղել վերի աղբյուրի մոտ տեսնելու Մարիամին այս գիշեր: Մարիամը գնաց նշանակած տեղը և գտավ Արզումանին, որ այնտեղ թաք կացած սպասում էր:

— Ասա տեսնեմ ի՞նչ ունես ասելու,— ասաց Մարիամը:

— Էն եմ ուզում ասել, որ էս քանի ամիսը էն կողմումն էի (սահմանից դուրս): Էնտեղ մի քանի ծանոթներ գտա. նրանք խոսք տվեցին ինձ, որ լավ կընդունեն և լավ կպահպանեն, եթե գնամ իրանց մոտ բնակվեմ: Հիմա ուզում եմ Հերիքնազին առնել, էն կողմն անց կենալ. էնտեղ, ինչպես մեր օրենքն է, կպսակվենք և մեզ համար հանդարտ կապրենք:

— Ես համաձայն եմ, Արզուման. թեպետ շատ դժվար է ինձ

համար մի հատիկ քրոշիցս գրկվիլը, բայց լավ է էդպես անել, քան թե սաղ աշխարհքս մեզ վրա հաշացնել: Բայց գիտե՛ս, Հերիքնազը հիմա հիվանդ պառկած է, դողացնում է. պետք է մի քիչ համբերես: Էգուց չէ էլօր կերթանք Ներքին ուրղը՝ էնտեղ շորս կողմն անտառ է. կարող ես մթնով գալ Զուխտակ աճարքու մոտերքը, ես էլ կգամ էնտեղ, երբ որ լավացած կլինի Հերիքնազը, քեզ իմաց կտամ...

Հենց այս միջոցին մի քանի տավարածներ շրջապատեցին Արզումանին և Մարիամին: Արզումանը դրանց տեսնելով՝ հեռացավ, իսկ Մարիամին բռնեցին:

— Ծաղիկը մոտդ է, տո՛ւր,— բղավեցին երեք-չորս տավարած:

— Ի՞նչ ծաղիկ, ի՞նչ եք ասում,— ասաց Մարիամը շփոթվելով:

— Թողեք, թողեք,— ասացին մյուս տավարածները, որոնք ճանաչեցին Արզումանին,— դրանց ծաղիկը ուրիշ կովածաղիկ է, մեր ուզած ծաղիկը չի:— Եվ սկսեցին մեկ մեկի ականջում փրս-փրսալ—տեսա՞ր, տեսա՞ր, Արզումանն էր, Արզումանն էր...

Գ

Մյուս օրը սովորական հանդեսը շատ փառավոր կերպով կատարեցին աղջկերքը: Ծաղիկը կիսել էին և տվել երկու խմբի ձեռքը: Առաջին խումբի ձեռիցը խլեցին տավարածները և ուրախությունից գժվածի պես փախան: Իսկ մյուս կեսը աղջկեքը տարան ցողեցին իրանց ուզածի պես և վերադարձան ուրախ-ուրախ: Տավարածները երբ որ իմացան իրանց խաբված լինելը, խլած ծաղիկները խաչաձև փնջեցին և կախեցին կովերի ճակատներից: Այսպիսով համ կովերը զարդարվեցին ծաղիկներով, համ աղջկեքը կատարեցին իրանց հանդեսը առանց տղաներին հարկ վճարելու: Բայց տղեքը մտածեցին, որ այս խորամանկության վրեժը մյուս տարի առնեն և սրանով մխիթարեցին իրանք իրանց:

Առավոտը վաղ վեր կացավ Հերիքնազը և ուզում էր հանդեսին մասնակցել, բայց Մարիամը թույլ չտվավ, թե՛ կմրեսս, դողդ կկրկնվի, տաք կաց, որ լավանաս շուտով: Նա չպատմեց իր գիշերային այցելութունը, շասաց որ Արզումանին տեսել է, որ Հերիքնազին մի նոր մտածմունքի մեջ չձգի:

Հերիքնազը երկու մատանի ուղարկեց Մարիամի ձեռով, որ գցի բոլորի մեջ: Մատանիքներից մեկն իր համար էր, իսկ մյուսն Արզումանի: Այդ մատանիքները հանեցին թե չէ, նրանց հարևանի աղջիկը բերավ Հերիքնազին տվավ և պատմեց, թե որի համար ինչ վիճակ դուրս եկավ:

— Դե աստ տեսնեմ, Մազթաղ ջան, սրա համար ի՞նչ դուրս եկավ,— ասաց Հերիքնազը իր մատնիքի համար:

— Դրա համար Դախունց Թելլուն ասաց.

Միրել եմ սերն էրեսին,
Հոնհան թերն էրեսին,
Ով իմ սիրածն ինձ շտա,
Աստծու կրակն էրեսին:

— Ամե՛ն,— ասաց Հերիքնազն ուրախանալով:— Դե հիմի էլ է՛ս ասա, սրա համար ինչ դուրս եկավ:

— Դրա համար էլ Գյուլջըհանն ասաց.

Այ տղա, բաղովն արի,
Ոտներդ շաղովն արի,
Էս թաղը դաւադաւ ա,
Ման տուր, էն թաղովն արի:

— Արի՛, հոգիս, արի,— մոմուաց Հերիքնազը:— Խո սուտ չե՞ս ասում, Մազթաղ, ըզորդ էդպես դուրս եկա՞վ:

— Սուտ չեմ ասում, իմ ախպոր ազիդ արեւը: Ում համար ինչ դուրս է եկել, բոլորն էլ միտս է: Ձեր Մարիամի համար տես ինչ դուրս եկավ:

Մի ծառ ունիմ թրբըզի՛
Պտուղն է օձի լըզի՛.
Իմ հորն ու մորն ի՞նչ ասեմ,
Ինձ տըվին զարիբ տըզի՛:

— Խե՛ղճ Մարիամ, բայց հերն ու մերն ի՞նչ ասեն, նրանք հո չեն տվել: Ես որ լինեի, կասեի՛

Գնացի գետը լըվացք,
Սապոնս ոսկեջրած,
Իմ հերն ու մերն ի՞նչ ասեն,
Ճակտիս էս էր գրած:

— Դե հիմի Շամիրինն ասա, թե որ միտդ է:

— Շամիրինը դեռ չէր դուրս եկել, որ ես եկա, Մարիամը կգա կասի: Ինձ շթողեց, թե մինչև վերջը մնացել էի. գնա՛ ասաց, Հերիքնազը մենակ է, սիրտը կնեղանա: Ինքը պառավ կնիկ է դառել, պառավների հետ էր նստել:

— Ի՞նչ պառավ:

— Ինքն ու Արզումանի մերը մի կողմն էին քաշվել, քիթ քթի տված քշիչում էին, շիմացա ի՞նչ էին խոսում:

— Բա քեզ համար ի՞նչ դուրս եկավ, Մազթաղ:

— Ինձ համար էնպես բան դուրս եկավ, որ ամենքն էլ ծիծաղեցին: Քրքրվի՛ խանումի ջանը,— ասաց.

Գյուլըմ, գյուլըմ, գյուլ շիշակ,
Ես ու դու մտնենք մի փըշակ,
Մինչև լուսը քըշփըշանք,
Որ լուսանա — կըշկըշանք:

— էլ ո՞ր ես նեղանում, ուրախ բան է դուրս եկել:

— է՛հ, դրանից ինչի՞ պիտի նեղանամ, ինչ կուզի՛ թող դուրս գա: Ես մի մատանի էլ Արզումանի համար էի գցել, տես՝ ինչ դուրս եկավ:

Դարըվեր ջուր է գնում,
Հարցրեք՝ ո՞ր է գնում,
Քենուն մահանա արած՝
Իր յարին հյուր է գնում:

— Դու Արզումանի համար ինչի՞ էիր վիճակ գցում.— հարցրեց Հերիքնազը նախանձեռով:

— է՛հ, հենց էնպես: Մտքումս ասացի՛ խեղճ տղա է, քույր շունի, բան շունի, մի մատանի էլ նրա համար կգցեմ. տեսնեմ ի՞նչ է դուրս գալիս: Էդ որ դուրս եկավ, ամենքն էլ հարցրին. «էդ ո՞ւմն

էր, էդ ո՞ւմն էր», ես շասացի: Հետո իմացա, որ նրա քեռակիներն էլ է մի մատանի գցել, մերն էլ մի սաղափ խաչ էր գցել: Քեռակնկա գցածն էլ էս դուրս եկավ:

Կանցնեմ գետի էն կուռը,
Կքաղեմ դաստով նուռը,
Քե որ սիրածս ինձ շրտան
Կըքաշեմ խանի դուռը:

Մորն էլ էս դուրս եկավ:

Գետը նի մըտա, խոր ա,
Քաթան շապիկըս նոր ա,
Իմ նանին խաբար արեք,
Ես օլքա օլքա կորա:

— Խեղճ նանի, ով գիտե՛ լաց էլավ, էդ որ լսեց:

— Չէ, նա ինքը շիմացավ, հեռու նստած ձեր Մարիամի հետ խոսում էր. նրան խաբեցին, ուրիշ բան ասացին. ա՛յ ինչ ասացին:

Դու նստել ես գոշակին,
Ուշքող, միտքող փեշակին,
Խըմել ես նրոան գինին,
Հոտ կանես մանիշակին:

— Ո՛ւր էր էդպես լիներ, խեղճ նանի:

Հերիքնազը շատ սիրում էր Արզումանի մորը: Մինչև այս տարվա սար գալը նրա հետ մոտիկ հարաբերություն չունեիր. մեծ էր իրանց գյուղը, իրանք գյուղի մի ծայրումն էին կենում, նրանք՝ մյուս: Բայց այստեղ՝ սարումը, դրկից էին: Գյուղացիք երբ որ սար են գնում, սովորաբար նոր դրացիներ են գտնում: Այստեղ մի քանի դագա միասին մեկ տան պես են լինում. այստեղ ավելի լավ է երևում, թե որ տներն են միմյանց ավելի սիրելի կամ որոնք են ուզում նոր բարեկամություն հաստատել, նոր խրանամություն անել, որո՞նք են ուզում միմյանց ավելի մոտիկից ճանաչել:

Մարիամը օգուտ քաղելով այս սովորությունից, աշխատեց բանն այնպես բերել, որ դրկից դառնա Արզումանի մորը և ձեռ-

քից եկած օգնությունն անե նրան և մխիթարած պահե: Հերիքնազի էլ ուզածն այդ էր: Նա ամեն օր պառավի ոտներն էր լվանում, շաբաթը երկու անգամ գլուխը, երկու շաբաթը մեկ անգամ լողացնում էր, ջուրը բերում էր, կովը կթում, կերակուրն եփում, շորերը լվանում, կարկատում, ամեն ազիզ կերակուրից նրա բաժինը պահում, ուտեցնում, ամեն երեկո տեղը շինում, քնացնում: Շատ անգամ էլ՝ Շամիրը տանը եղած ժամանակը, ինքը գնում էր պառավի մոտ քնում, նրան գզվում, համբուրում, իր սիրելու կարոտը նրանից առնում: Երբ որդուն միտն էր բերում, ուզում էր լաց լինի, Հերիքնազը չէր թողնում, այնպես էր հույս տալիս նրան, մրխիթարում, որ խեղճը սուս էր կենում: Խեղճ պառավը չէր իմանում ինչպես շնորհակալ լինի այս երկնային հրեշտակից: Նա չէր իմանում, որ սրանք որևիցէ հարաբերություն են ունեցել կամ ունեն իր որդու հետ: Որտեղ նստում էր, Մարիամի ու Հերիքնազի գովասանքն էր անում, նրանց օրհնում:

— Ախլի Հերիքնազ, հանաքը դենը կենա, ասում են դու Արզումանին սիրում ես, ըղձ՞րդ է,— հարցրեց Մագթաղը պարզասրտությամբ:

— Ի՞նչ կլինի, որ ըղձորդ լինի,— պատասխանեց Հերիքնազը:

— Ի՞նչ պիտի լինի. է՛ն կլինի, ինչ որ էլել է Քարամուն ու Ասլուն. նրանց պես կէրվիք, ձեր մուրագին շեք հասնիլ:

— Ես լավ կհամարեմ նրա սիրովն էրվեմ, քան թե մի ուրիշի սիրովը կանանչեմ, էդ էլ գիտե՞ս:

— Դու լավ կհամարես, բայց թե քեզ թողնեն է՛... Ես էլ ուզում եմ Գրիգորի սիրովն էրվեմ, բայց իմ հերն ու մերն ասում են. «Ուզես, չուզես, քեզ պիտի Կիրակոսին տանք»... Է՛, Հերիքնազ ջան, ես էլ դարդեր ունիմ քեզ նման. շատ անգամ որ ինձ ու ինձ միտք եմ անում, ասում եմ, մենք էլ ինչացո՞ւ ենք, որ իսկի մարդու տեղ չեն դնում, հենց ում ասես՝ տալիս են, ուր ասես՝ շարտում են. էլ ոչ հարցնել կա, ոչ դես, ոչ դեն: Բայց էլի քո բանն իմիցը դժվար է: Ես որ ուզեմամ Գրիգորին կսովորեցնեմ, մի գիշեր կգա կփախցնի կտանի: Մի քիչ ղալմաղալ կանեն, հետո կհաշտվեն: Բայց քեզ որ փախցնեն, պիտի օլքա-օլքա կորցնեն, էլ ոչ դու կրտեսնես մեզ, ոչ մենք՝ քեզ: Դու էդ կանե՞ս:

— Ինչի՞ չեմ անիլ, երբ տեսնեմ ուրիշ հնար չկա: Ինձ համար էնտեղ է լավ, որտեղ որ ինձ սիրում են:

— Մի՞թե մենք չենք սիրում քեզ. ումնի՞ց ես մի դառը, մի

կծու խոսք լսել, ո՞վ է մեկ անգամ քեզ ասել՝ «տեղդ ծուռ է, դեմը նստիր»։ մենք ամենքս էլ քեզ սիրում ենք։ Մեզ պիտի թողնես, ընկնես սարեսար, գնաս դարիբ դուրբաթ տեղ, կմեռնիս, վրադ սզող չի լինիլ... Օ՛, շատ դժվար է, ասելն է միայն հեշտ. մեր սարերի պես սարեր, մեր ջրերի պես ջրեր, մեր բաղերի պես բաղեր, մեր քուլերի ու հանդերի նմանը ոչ մի տեղ չես գտնիլ...

— Քրքրվե՛ս դու, Մագթաղ, հիմիկվանից լացս բերում ես Ախչի, մեկ թող դեռ լավանամ. հետո աստված ողորմած է, նա իր ստեղծածին չի կորցնիլ։ Ինչ որ մարդիս ճակատին գրված է, է՛ն կլինի, հազար դու էլ ասա, ես էլ, մեր խելքն ի՞նչ է կտրում։ Հիմի ջանս սկսում է կոտորովել երեկվա պես, ով գիտե էլի պիտի դուլացնեմ...

— Օ՛, դրան դող կասեն, դեռ որտե՞ղ ես. ամեն օր կեսօրից հետո պիտի բռնի։

— Բա սրան մի դեղ, մի ճար չկա՞։

— Դրա ճարն էն է, որ դողդ բռնի թե չէ՝ գնաս վրադ սառը ջուր ածես. էնքան պիտի ածես, որ ջանդ սկսի զնգր զնգր դողալ։

— Ասում են՝ վախն էլ կպրծացնի, դու մեկ օր ինձ վախացրու. թաքուն սառը ջուր ածա վրաս, որ ես վեր թռչեմ...

— էդ չէ, ասում են նունիա մի տերտեր կա, նա աղոթում է թե չէ՝ իսկույն կտրվում է դողը։

— Դե էդ տերտերին որտե՞ղ գտնենք հիմի։ Արի մի ջրաման վերցնենք, գնանք ձորի աղբյուրը, էնտեղ դու ինձ վրա ջուր ածա՝ ինչքան որ գիտես։ Շուտ արա գնանք, քանի որ Մարիամը չի եկել. նա որ գա, էլ չի թողնիլ. միշտ ասում է՝ տաք պահիր քեզ, չմրսես։ Ըղորդ է ասում, էն օրը որ էն թաց տեղը քնած չլինեի, էս օրը չէի ընկնիլ։ Արի գնանք, հիմի ինչ կլինի կլինի, կամ դեռ կկտրի, կամ գեն, ես մեռնելուց չեմ վախում, երանի շուտով մեռնեմ, էս աշխարհքիցս պրծնեմ. ի՞նչ աշխարհք է, որ սրան թամահ ենք անում, ապրում. գնանք, գնանք։

Ե

Վարդավառից հետո սարեցիք լեռների գագաթներից վայր եկան և իրանց դագեքը սարքեցին մի անտառոտ հովտի մեջ։ Մինչև այս ուրգը փոխվելը շատերը դեռևս արանումն էին, բայց

հիմա որ հունձն ավարտել, խուրձը կրել էին կալերի մոտ դիզել, ամենքն էլ եկել էին սար, որ մի քանի շաբաթ սառը ջրերի վրա, լեռնային զովաշունչ օդի մեջ հովանան։ Գյուղացոց այս սովորությունը ամենայն տարի կրկնվում է միակերպ։ Մայիսին ուղարկում են տավարը և ընտանիքը, իսկ տղամարդիկն սպասում են մինչև հունձի ավարտը։ Շատ անգամ ամբողջ ուրդի մեջ շաբաթներով տղամարդի երես չի տեսնվում, կնանիքը կարողանում են պաշտպանվել զանազան ավազակային և սիրային հարձակմունքներից, բայց սովորաբար միշտ ահ ու դողի մեջ են լինում։ Թայց երբ հավաքվում են տղամարդիկը, սկսվում է մի նոր կյանք։ Շատերը միայն հանգստանալու համար են գալիս, իսկ շատերն էլ մի նոր աշխատություն սկսելու մտքով։ Այստեղ են շինում սովորաբար իրանց տան գործածական փայտե գործիքները, ինչպես՝ սայլ, գութան, լուծ, կամն, հորսլի, թի, խնոցի, մրդան, խոնչա, տաշտ, տաշտակ, խփի, բողին (հավանգ), զանազան կոթեր, գդալներ և շերեփներ։

Մի քանի հսկայական կաղնի և աճարթի ծառերի տակ իրանց համար գործատեղի էին արել մինչև երեսուն-քառասուն տղամարդ և որն ուրագով, որը կացնով տաշ էին անում, իսկ անգործներից ոմանք պառկոտել քնել էին բերանքսիվայր, ոմանք նստած թամաշա էին անում և զանազան խորհուրդներ տալիս շինողներին իբրև գյոգ-ուստասի, այսինքն՝ աչքով միայն վարպետ և ոչ գործով։ Այսպիսիները ոչ մի բան շինելու շնորհք չեն ունենում։ Այս անշնորհներիցն էր և Շամիրը, որ միայն գդալ շինել գիտեր և ուրիշ ոչինչ։ Սա անցյալ երեկոյին էր եկել արանիցը։ Առավոտը վաղ վեր կացավ և իր փոքր ուրագն ու կեռկտուցը վեր առավ գրնաց հասարակաց գործատեղին, որ գդալներ շինե։ Շամիրը դեռ նստած-չնստած, ճաղարանց Քաթոսը ամբոխի մյուս ծայրից կանչեց.

— Հե՛ հե՛, հե՛ ա՛ Շամ, Շամիր, հե՛յ... — բղավեց Քաթոսը մի քանի անգամ կրկնելով Շամիրի անունը, որովհետև բաղամաթիվ կացիներին և ուրագների ձայնը թույլ չէր տալիս լսելու մի խոսք, թեև առանց այս էլ՝ բղավելով խոսելու սովորությունից զուրկ չէր Քաթոսը։

— Հի՞նչ ա, ա՛խպեր, հի՞նչ ըս ասում։

— Արանիցն ի՞նչ խաբար ունես։

— Խն՛ր խաբար, լոխ էլ լավ ըն, ձեր տղեքը թխվալ ըն, սրբտնեն մածուն ա օգում:

Թաթոսը գլուխը տմբամբացրեց, որով ուղեց ասել՝ պետք է մածուն հասցնել տղերանցը:

— Շամիր, ասում են՝ Ճաղարանց տղեքը Հանեսի գլուխը պատռել են, ըզորդ է՞, — հարցրեց մեկը:

— Ի՞նձ հարցրու էդ բանը, Շամիրն ի՞նչ գիտե: Ճաղարանց տղեքն ինչ ասես՝ կանեն, իրանք օխթն-ութ հոգի, Հանեսը մեն-մենակ: Գցում են արխի մեջը, բահով էնքան խփում են գլխին, որ քիչ է մնում մեռնի, — ասաց տաշ անողններից մեկը Վարդան անու-նով, ուրազն ուսին դնելով և դառնալով դեպի Թաթոսը, գոչեց բարձրաձայն:

— Ա՛հ հըլիվոր, ինչի՞ քու շնքրի կապը շես քաշում, մարդ պետք է Արզումանի նման գլխիցը ձեռք վերցնի, որ ձեր հետ խօսի՞: էլ ոչ ջուրվարի եք մտիկ տալիս, ոչ քյոխվի եք ականջ դնում, էդ ի՞նչ անասովածություն է, որ դուք անում եք: Ասում եմ ջուրը նորաթով է, նորաթն իմն է, ջուրավարն ինձ է տվել ջուրը, նրանք կատաղած շնքրի նման վրաս թափվեցին, քիչ էր մնում սպանել: Ասած է. «Խոփըդ սուր է, հանդը բաժանովի: է»»: ասենք՝ ես մի մենակ տղա եմ, քոմակ շունիմ, հենց պիտի ինձ ոտի տակ զցե՞ք: էնպես բան արեք, որ ասոված վեր կալնի, թե չէ՞ Սուրբ Սարգսի անունը վկա, մի օր էլ ես ձեռք կվերցնեմ գլխիցս, էն ժամանակը կտեսնենք ո՞ւմ մերը տղա կբերի:

Այս խոսքերի վրա ամենքն էլ իրանց գործիքները դադարեց-րին և տեղնուտեղը լսողություն դառան:

— Ա՛յ տղա, ի՞նչ ես հաշում, ի՞նչ ես գլխիցդ սարսաղ-ւար-սաղ դուրս տալիս, — ասաց Թաթոսը և շարունակեց ավելի բար-կանալով և սպառնալով, — Արզումանի նման շանի՞ցն ես օրինակ առնում: Մարդասպանը դու ես, որ մարդասպանին ես պաշտպա-նում: Համբերիր, մեկ մողղովը գա՛, տես քու կաշին ինչպես նմ մաշկել տալիս:

— Ես ու իմ ասովածը, Արզումանն էնպես անմեղ էր, ինչ-պես աստըծու գառը: Քյոխվեն նրան տափ էր տվել, նա էլ գնացել էր վարելու: Ձեր բաղի տակի հողը, ներքի հողերի քյոնդալանը, վերի հողերի դիքավարը, քոլաբերանքի սպիտակ հողը, Գամիլի շորս օրավար տեղը, որ ունիք հիմի, ո՞ւմն են էդ տափերը, Արզու-մանի հորը չէ՞ր, ինչի՞ գցեցիք ձեր ճանգը. բա դու շես ամանշո՞ւմ,

սաղ գեղը քանդում, տակն ու վրա ես անում, բա դու ասոված չու՞ նե՞ս...

— Տեսնում ե՞ք, ա՛յ խալխ, տեսնո՞ւմ եք էս շունն ինչեր է հաշո՞ւմ...

— Վարդան, մի՛ վախիր, մեկ լավ վեր ածա դրա աբուռը՝ քանի որ մենակ է, — շնջաց Վարդանին մի երիտասարդ, բայց Թաթոսը կարծեց թե նա ասում է՝ «սո՛ւս կաց, ամոթ է, ձեր մարդ է, էդպես բաներ մի՛ ասիր», և սկսեց ավելի կատաղել:

— Կա՛ց, ես քու բլբլան լեզուն կկտրեմ տակիցը: Գիշերս Արզումանն ի՞նչ էր շինում քու կշտին. ասա՛ տեսնեմ, դու ի՞նչ իրավունքով ես մարդասպանին տեղ տալիս, ասա՛ տեսնեմ:

— Մոզոնիր, մոզոնիր, որքան կարաս, շառեր մոզոնիր, ես քու հնարած սուտերիցը վախող չեմ: Արզումանին ո՞վ է տեսել ինձ մոտ, վկա ունի՞ս, դե հիմի դո՛ւ ասա տեսնեմ:

— էս սաղ խալխը քոռ հո չե՞ն, բոլորն էլ վկա չե՞ն:

— Խալխին ո՞ւր ես վկա կանչում, Թաթոս բիձա. խալխիցը մեկն էլ ես եմ: Արզումանի երեսը չեմ տեսել, — ասաց մեկը, գլու-խը բարձրացնելով և կոշտացած ձեռքով ճակատի քրտինքը սրբե-լով:

— Ա՛յ խալխ, ա՛յ ջամհաթ, չեք լսե՛լ, որ Արզումանին թե օրը ցերեկով, թե կես գիշերին տեսել ե՞ն, — բղավեց Թաթոսը:

— Լա՛վ, որ տեսել են, Վարդանի մոտ հո չեն տեսել, — ասաց Մինաս անունով մեկը: — Արզումանին աղջկեքն են տեսել ծաղկա-բաղին. Շամիրի կնկա հետ է խոսեցել. գիշերն էլ վերի աղբյուրի մոտ են տեսել, էլի Մարիամի հետ:

— «Կես գիշերին, Մարիամի հետ», — շնջաց Շամիրը, չհա-վատալով իր ականչներին: — Մինաս, տյու ինքըդ հըսկանում ը՞ս, էդ հինչ ըս ասո՞ւմ, — հարցրեց Շամիրը:

— Ինչպես թե «հըսկանում ըս», խուլ հո չե՛մ, Արզումանին տեսել են քու կնկա հետ խոսելիս, ուրիշ մարդի մոտ չեն տեսել:

Շամիրի ջանը դող ընկավ, ձեռքերն սկսեցին դողողալ, էլ բան չկարաց շինել, վեր կացավ փրնթփրնթալով գնաց: Շատերն այդ նկատեցին և կասկածի մեջ ընկնելով՝ գլխները քաշ գցեցին: Նրա քամակից հեռացավ և Թաթոսը:

— էս ճաղար քոփակիցը մարդու խեր չի հասնիլ. սիրտս ասում է՝ էլի մեկ արյուն պիտի պատահի: Մինաս, դու էլ որ մի

քիչ լեզուդ բերանուդ պահիր, չէր լինի՞լ: Շամիրը որ կա՝ բրոն
արջ է. հիմա պիտի գնա կնկանը ոտի տակը գցի, տրորի, ես գի-
տեմ նրա խային խասյաթը:

Այս խոսողը հաշատուրն էր, Արզումանի երբեմնի սրտակից
բարեկամը: Հիմա էլ Արզումանի հետ միայն սա ունեի հարաբերու-
թյուն, բայց ոչ ոք չգիտեր:

— Ես Մարիամի մասին բան չեմ մտածել և վատ բան էլ չա-
սեցի, — պատասխանեց Մինասը: — Շատ կարելի է, որ Մարիամին
Արզումանի մերը լինի ուղարկած, ինքը չի կարում տեղիցը ժած
գալ:

— Դե էդպես էլ պիտի ասեիր, բայց դու էնպես ասեցիր, որ
եա ուրիշ բան հասկացավ:

— Նա որ շիտակ բանը ծուռ հասկանա, ես ի՞նչ մեղավոր եմ:
էդ քյոփագ շունը որ շիներ, ես էն է՛լ չէի ասիլ:

Այս միջոցին Սաբգիս քյոխվան եկավ, և նստածները տեղե-
րիցը վեր կացան:

— Բարի հաջողո՞ւմ, տղե՛ք, ասաված զվաթ տա, — ասաց
քյոխվան և նստեց մի գերանի վրա:

ՄԻՋԱՆԿՅԱԼ ՊԱՏՄՈՒԹՅՈՒՆ

(Ով շուգեճա, կարող է շկարդալ)

Սարգիս քյոխվան մոտ վաթսուն տարեկան մարդ էր: Նրա
գեմքի գծագրությունը և հայացքը ցույց էին տալիս, որ բավական
չար ու բարի տեսած մարդ էր: Ոչ ոք գեղի հավատարմությունն
այնպես գրաված չէր, որքան սա: Գյուղացոց շահերը պաշտպա-
նելու համար ամենայն ինչ զոհ բերելու պատրաստ էր:

Գյուղ ասածդ (եթե ոչ հիմա, գոնե շատ առաջ) մի ջոկ աշ-
խարհ, կղզիացած երկիր է, և ունի իր կախումն ու անկախութե-
անը, իր մատնիչն ու պաշտպանը, իր վասակն ու վարդանը: Գյու-
ղացիք որտեղ որ բնակվում են, ինչքան տեղ որ բռնում են, ասում
են՝ էս տեղերը մերն է: Այստեղից հառաջ է գալիս սեփականության

մասին մի ջոկ գաղափար, որ նման չէ այն սեփականությանը, որ
տիրող օրենքն է ստեղծում: Հետևյալ խոսակցությունից կերևա,
թե որպիսի գաղափար ունին գյուղացիք սեփականության մասին:

— Տղե՛ք, Թաթոսն էստեղ էր, ի՞նչ ելավ, — հարցրեց քյոխ-
վան:

— Նա տեսավ որ դու գալիս ես, ինքն ըսագ էլավ, — պատաս-
խանեցին մի քանիսը:

— Ա՛յ, ճաղար շուն...

— Սարգիս բեճա, էդ անիրավի ձեռին մենք մինչև ե՞րբ պիտի
տանջվենք, — գանգատվեց Վարդանը:

— Մինչև լավ իմանանք, թե ի՞նչ գաղտն է դա:

— Ո՞վ չի ճանաչում էդ քոփագին... մեղա քեզ աստված, ի՞ն-
չեր է գալիս քերանս:

— Գուք էն եք տեսնում, ինչ որ հիմի է անում, բայց էն չեք
տեսել, ինչ որ մինչև հիմի արել է: էս տեղիցը որ հիմի մենք սա-
բալախի (խոտահարի) ենք տալիս, առաջ ո՞վ էր իմացել էդպես
բան. էդ-էդ-էդ գնաց մեր պապական տեղերը մի թավադի վրա
ժախեց:

— Լավ, ի՞նչպես է ծախում, իրանը հո չի՞, որ ծախի:

— Էդ ես էլ չէի իմանում, թե ինչպես են ծախում, բայց հիմի
քիչ ու միչ հասկանում եմ: Գիտեք ինչ կա, գեղըցին մի տեղ թե-
կուզ հարյուր տարի կենա, կարող չի տեսլ, որ էս տեղն իրանն է,
բայց նթե թավադը մի տեղ տասը տարի կենա, էն տեղը կմնա
իրան: Բայց թավադն ինչի՞ համար է կենում. նա վար չի անում,
ցան չի անում, գեղըցին է վարում, ցանում, նրան բահրա տալիս:
Հիմի լավ ականջ դրեք: Թավադը նրանով է հաստատում տեղն
իրանը լինելը, եբք որ հաստատում է, որ էդ տեղիցը նա բահրա է
առել կամ սաբալախի, կա: իջարա: էդ էլ ինչո՞վ պիտի հաստատի,
երբ որ՝ ես, գու, առ. նա ասենք՝ «բղորդ է ասում. մենք էստեղ
կացել ենք, բայց դրան միշտ բահրա ենք տվել»: հասկանո՞ւմ եք,
թեկուզ ոչինչ էլ տված չլինինք, միայն թե ասենք՝ «տվել ենք»: էդ
խոսքն ասելու համար թավադը սրան նրան փող է տալիս, պատիվ
է տալիս, որ քննության ժամանակը գնան ասեն, բղորդ է, մենք
բահրա ենք տվել»: Ա՛յ, էդ ճաղար շունը քանի՞ քանխից է փող
առել, սուտ երդում կերել, վկայություն տվել, թե՛՝ «մենք սաբալա-
խի ենք տվել, բահրա ենք տվել»: Դա՛, մեկ էլ Մաթոսն ու Մարկո-
սը, — ողորձի նրանց կշախ մեռելնեդին — մեր բոլոր հանգերը

տվին թավադներին: Առաջ ո՞վ էր թավադի անուն իմացել, ո՞վ էր նրանց երեսը տեսել: Մի քսան տարի չկա, ինչ որ դրանք եկան մեկմեկու հետևից. մարդ իմանա՝ մինչև էդ ժամանակը ո՞րտեղ էին. հալբաթ առաջ էդպես օրենք չկար: Հենց որ հանդերն սկսեցին շափել, որտեղ մի քաղցած թավադ կար, ձեռքը մեկնեց, թե՛ էս իմն է. միտս է, մեկ անգամ եկողները երեսնից ավելի էին, մեջերումը սուտ թավադներ էլ շատ կային: Շատերի անունը հիմի էլ միտս է, ա՛յ, ասեմ մի քանիսիներ:

Սարգիս քյոխվան այստեղ տերողորմյան գրպանից հանեց և սկսեց թավադների անունը տալով հատիկները ձգել, որ տեսնի քանիսի անունն է միտքը:— Օրբելյա՛նով, Մուխրա՛նսկի, Չախ՛կով, Բարա՛թով, Թուրքեստանո՛վ, Սուլխա՛նով, Շա՛նշիով, Մելի՛քով, Փիրա՛ղով, Փերշա՛նգով, Մուրթուլա՛ծե... է՛հ էլ ո՞ւմ միտն է, քան զշուն շատ էին: Մեկ տեղից քսան մարդ բռնում էր, ամենքն էլ ասում էին «իմն է», իսկնի մարդն ասում էր՝ թագավորական է, Միոնի տերտերն էլ ասում էր՝ վանքական է: Բայց էս երկուսը աչքերն էս ու էն թավադի վրա էին գցում, որ տեսնեն որից կարող են շատ փող առնել, որ իրանք ձեռք վերցնեն: Ի՛րանք, թավանդներն էլ էին մեկմեկու համար վկայություն տալիս, խոսք մեկ էին անում, իրար մեջ բաժանում. չափողներն էլ ջոկ էին շահվում: Կեղըցոց վկայությունն էլ հազիր էր, որ կողմն ուզում էին, էն կողմն էին շուռ տալիս նրանց. ուղիղ խոսողներին հեռացնում էին, կամ ասածը ծուռ գրում և իրանց ձեռք քաշել տալիս: Ահա էսպես մեր բոլոր տեղերը մնաց դրանց. մենք էլ ոչինչ չունինք, ո՛չ հող, ո՛չ ջուր, ո՛չ ծառ, ո՛չ խոտ, ամենի համար էլ փող ենք տալիս, էն էլ մեկն երկուսով, ամեն տարի թանկացնում են:

— Որ գիտեիք էդպես է, ինչի՞ շէիք արգա տալիս, ինչի՞ շէիք գանգատվում:

— Բա քիչ ենք արգա տվե՞լ, քիչ ենք գանգատ արե՞լ. էլ դիվանխանա շենք թողել, ամեն տեղ էլ արգա ենք տվել: Ծս հիմի եմ հասկանում, որ մեր բոլոր աշխատանքը զուր էր: Մենք արգա էինք տալիս, թե՛ «էդ տեղերը մերն է». չէինք իմանում, որ թագավորական տեղը խազնինն է: Դավին խազնենն պիտի քաշեր, նա պիտի իր ունեցածի տերը դառնար. մենք մեր փողով նրա իրավունքն էինք պաշտպանում, բայց նա մեզ չէր օգնում: Խազնենն է՛լ էր թավադների ձեռք, դիվանխանքն էլ, մեր խոսքին ո՞վ պիտի ականջ դներ: Շատ անգամ ծեծում է՛լ էինք թավադներին. երբ որ գալիս

էին բահրա ուզելու, չէինք տալիս: Բայց դրա պատիժն էլ քաշում էինք:

— Թուլաձեհին ի՞նչպես ծեծեցիր, Սա՛րգիս բիձա, մեկ դու է՛դ ասա:

Սարգիս քյոխվան միտը բերավ իր շահելությունը, մի քթահազ տվավ ու սկսեց.

— Էդ Թուլաձեհն մի երկու անգամ եկավ մեր բաղերի տակի հողերին դավի տվավ, թե՛ «իմն է, պիտի բահրա տաք»: Մենք չտվինք: Սա գնաց մողղովին գանգատ արավ, նրանից մի հրաման բերավ, օխտն-ուլթը մարդ էլ հետը: Բահրա առնելը շատ էին հեշտացնում մողղովները, բայց էդ կենա դեռ: Մեր քեթխուղեքը հավաքվեցին, խորհուրդ արին, թե ի՞նչ անենք, տա՛նք, թե չտանք: Վճռեցին, որ չտանք. եթե տանք, էդ տեղերն իրա վրա կհաստատի, հիմի իր ուզածը մի ոչինչ բան է, բայց հետո կգա տասնից մեկը կառնի, հետո էլ չորսից ու երեքից մեկը. մի քանի վախուկ մարդիկ էլ, սրտները դող ընկած՝ ասում էին՝ «ուզենք-չուզենք՝ պիտի տանք, մողղովիցը հրաման է բերել, նրա հրամանին ո՞վ կարա ընդդեմ կենալ»: Քյոխվան լու. ահոգի Լեկոբն էր, նա սասաց. «մողղովի հրամանն ինձ վրա է, ես նրա պատասխանը կտամ. նա ի՞նչ գիտե, թե էս տեղերը սրանն է, որ հրաման է տվել: Չպիտի տանք, թող ուր ուզում է գնա»: Թուլաձեհն Թաթոսի տանն էր վեր եկել, էլի էս անիծածն էր նրա օգնականը: Սա սովորեցնում է, թե «առավոտը հորթերը գալու ժամանակը քու մարդկանցով գնա առաջը կտրիր, տար տուն արա մի աղալում ու դուրս շանես, մինչև բահրեդ չտան: Նա էլ հենց էսպես էլ արավ. հորթերը հավաքեց տարավ մի աղալի մեջ արավ, թե՛ չեմ թողնիլ մինչև իմ բահրեն չտաք:

Կովերն արոտատեղից եկան: Հորթ չկա, որ կթեն. հիմի դու տե՛ս սրանց բառանչելը, կովերը դռներին են բառանչում, հորթերն աղալումը: էս անիծած ճաղարը դուրս է եկել, իրանց կտրին կանգնել ու պարծենալով ասում է. «Ծս որ ասում եմ՝ եկեք բահրան տանք, ինձ չեք ականջ դնում, դե հիմի գնացեք ձեր հորթերը բերեք, տեսնե՛: ինչպե՛ս եք բերում»:

Լուսահոգի մերս ասաց. «Ա՛յ տղա, քնա մեր հորթերը բեր, թե չէ էլ հաց չեմ տալ, որ ուտես»: Ծս էլ հենց էդ էի ուզում: Չափարիցը մի բըճիր հանեցի, վազեցի, դեպի հորթերը: Թուլաձեհն ինձ որ տեսավ, թուրը հանեց. մի ափիցեր էր, ապելատներ էլ

ուներ ուսին, խաշ էլ ուներ կուրծքին: ԲՏիրս վրա բերի թի շէ՛
թուրն երկու կտոր էլավ. մեկ էլ որ հասցրի, տեղն ու տեղը փառվեց,
ու «վայմե՛, միշվելիթ» (ո՛հ, օգնեցեք) կանչեց: Ո՞վ պիտի օգներ,
մինչև իր մարդիկը կօղնեին, իմ ջգնականներն ափելի էին շատա-
ցել: Լուսահոգի Ղուկասը նրա բճերին աղցան էր արել: Մեր քյոխ-
վեն հենց տեսնում է, որ ես գնում եմ, քամակիցս մինչև քսան
տղա է ուղարկում: Հսպես մի լավ ջարդ ու բուրդ արինք, և հեշտ
էլ պրծանք. էն գնալն էր, որ նրանք գնացին, էլ չիմացանք՝ կո-
տորվեցին, թե սաղ մնացին:

— Ա՛յ լավ դատաստան,— ասաց քյոխվին հառակակից մե-
կը:— Ա՛խպե՛ր, գնում ես գանգատ, տանում են բերում, բերում
են տանում, մարդու հոգի է դուրս գալիս, դրանց «զավթրին» չի
հատնում: Սրան մեղրահացեր տար, նրան գառը տար, մեկէլին
թաղարներով ալյուր տար, մի ուրիշին փող տուր, մեկի ոտներն
ընկիր-աղաչիր... Ո՞վ է գեղըցու ռեխին մտիկ տալիս: Տասնով-քը-
սանով գնում ենք դիվանխանի պատերի տակին շարվում արե-
զուն արած խոզերի նման, ո՞վ է մեզ մարդու տեղ դնում, գիր շենք
գիտում, օրենք շենք գիտում. մի քիչ էլ որ երեսներս պնդացնում,
ներս ենք մտնում, ստորոժը շինքներե՛ս խփելով դուրս է անում:
Հսպես քաշ արի, հետո եկ տանդ վեր ընկիր: Գեղըցիք էլ ասում են՝
մեր փողերը տարաք կերաք, ոչինչ էլ չշինեցիք: Տո, ձեր փողերը
զահրումա՛ր ըլի ուտողի գլխին, մենք ենք ուտո՞ւմ...

— Էդ լավ դատաստան է, Պետրոս, բայց ամեն անգամ չի
մարսվում: Դրանից սիրտ առած՝ Սուլխանովին էլ ծեծեցինք, բայց
քիչ մնաց Սիբիր էին ուղարկում: Ուղարկելն էլ, ո՞վ պիտի ասեր՝
ինչի՞ եք ուղարկում:

— Էդ ի՞նչպես էլավ, Սարգիս բիձա, մեկ էդ էլ պատմիք,—
խնդրեցին շահլեները, և իրանց գործը թօղնելով՝ որպես թե հան-
գրատանալու համար, շարվեցին քյոխվի շորս կողմը: Քյոխվան
չիբուխը լցրեց և շախմախին խփելով՝ սկսեց իր պատմությունը:

— Ա՛յ ինչպես էլավ: Լուսահոգի Ղուկասը— Այդումանի: հե-
րը—մի առավոտ եկավ ինձ մոտ: Ծս ու նա ընկեր էինք, ուր էլ որ
գնայինք, մհասին կերթայինք: Մի աղամարդ էր, որ քսան մարդու
չէր ասիլ՝ աստված է ստեղծել... Ե՛հնչ ես նստել, ասաց, արի
գնանք կահալ թափ տալու: Ասում եմ՝ ո՛րտեղ. նա թե՛ «Մեր տա-
փի կշտի կահալնին կտարաստվում են, էնքան բռնել են. ոչով չի
գնում թափ տալու, Սուլխանովիցը վախենում են, նա չի թողնում:

ասում է՝ «իմ բաղի կշտին են, ի՛նչ են»: Ասում եմ՝ «էդ ի՞նչ խոսք
է, հենց ինչ որ իր բաղի կշտին ըլի, իրանը կըլի»: Իր տեղը շափա-
րած է, շափարից դուրս նա ոչինչ չունի»: Նա թե՛ «ես էլ հենց էդ
եմ ասում: Արի գնանք, թող ով զոչաղ տղա է, գա մեր առաջը
կտրի»:

Մեկ-մեկ էրկեն կակալթափի առանք, գնացինք: Հենց նոր էինք
ծառը բարձրացել, մեկ-մեկ ճյուղ դեռ շէինք թափ տվել, մեկ էլ
տեսանք հրես օխտն-ուժ հոգի ծառի տակը կտրեցին: Սուլխանովի
բճերն էին: «Չամողիթ, թքվենի ոչուլի» (վայր իջեք, ձեր հավա-
տը...) որ շասացին, մեր Ղուկասի աչքերն արնով լցվեց: «Կացեք,
ասաց, ես ոչուլի նշանց կտամ»: Վեր եկավ երկեն ձողին ձեռին,
դրազ կանգնեց ու մեկ թե երկու սրանց, էլ իսկի չթողեց, որ մոտե-
նան, մինչև ես էլ վրա հասա ու էս փորերին ուտած բաղվանչինե-
րին կալմեջ արինք, մինչև փախան, գլխները պրծացրին: Ասացինք
էս է, պրծանք, բայց մեկ էլ տեսանք, հրես ինքը Սուլխանովն է
գալիս, մի քսան մարդ էլ հետը: Ասացի՝ «Ղուկաս, սրանց հետ
կովիլ չի ըլիլ, կամ փախչենք, գլխներս ազատենք, կամ թե չէ
ասենք՝ աղա, էս ծառերը քոնը չի, դու ինչո՞ւ համար ես արգելում»: Եկավ թե չէ՝
փափախնիս վեր կալանք, առաջին կանգնեցինք, որ
տեսնենք ի՞նչ է ասում, պատասխանը տանք: Բայց անիրավն
էկավ թե չէ՝ «Չահկալիթ (կապտեցեք), ասաց, մագիթի ոչուլի»
(դրանց հավատք): Մեր հավատին գիպտն թե չէ, Ղուկասի փափա-
խը ձեռքիցը վեր ընկավ: Կատաղած ասլանի նման ընկավ Սուլխա-
նովի վրա ու տեղն ու տեղը վեր կոխեց, սրտին շոքեց: Բճերն իս-
կույն վրա թափվեցին, ես էլ ուզեցի օգնել, բայց գլխիս էնպես
խփեցին, որ շճած վեր ընկա: Աչքս մեկ էլ էնտեղ բաց արի, որ
տեսա երկուսիս էլ կապտել են:

— Էլ ինչ գլխներդ ցավացնեմ. մեզ տարան քաղաք. գցեցին
Մետեխի բերդը, դուգազի շորեր հագցրին, ամեն օր ջուր էին կը-
րել աալիս, ճամգեքը սրբել տալիս, սև հաց էին ուտացնում... Հս-
պես պահեցին մինչև վեց ամիս. վեց ամսից հետո դուրս բերին,
տարան մի դիվանխանա: Էդ դիվանխանի գլխավորը ինքը Սուլ-
խանովն էր: Նա ինքը վեր դցել տվավ մեզ, ռոզգի խփել տվավ,
քամակներս կաշին մաշկել տվավ, հետո բաց թողեց. «Գե հիմի
գնացեք, ասաց, խելոք կացեք, իմացեք ում հետ գործ ունիք»: Մեր
շորերը մեզ տվին, հազանք, եկանք մեր տները, երեք ամիս տեղու-
մը պառնեցինք: Գեղըցիք քանի անգամ եկել արգա էին տվել մեզ

համար, որ մենք անմեղ ենք, բայց արզան հենց իրեն Սուլխանովի ձեռքն է ընկնում. նա պիտի լիներ գեղըցոց խնդիրքի կատարողը, բայց նա այն թղթերը կամ կէրեր, կամ դեն կզցեր: Հիմի էլ որ միտքս է գալիս, ջանքս փշաքաղվում է: Ախրը երբ որ պատժողդ ու ազատողդ քու թշնամին է, էլ ի՞նչ կարող ես անել նրան:

— Մախլասի, գեղըցու բանը մի դարդ ու բալա է,— ասաց Վարդանը:— Մենք որ կանք, էրեխի պես բան ենք: Էրեխեն որ պահող շունենա, ջուրն էլ կընկնի, կրակն էլ, ինչ ասես կպատահի. մենք որ մեր գլուխը չպահենք, ոչով մեզ իշի տեղ էլ չի դնիլ: Մարդ իմանա, ինչ է մեր մեղքը, որ էս օրին ենք...

— Գառների մեղքն ի՞նչ է, որ գայլերն ուտում են: Մեր մեղքն էն է, որ մենք ոչխար ենք՝ գայլերը մի կողմից պիտի ուտեն, մարդիկը մեկ էլ կողմից կթեն ու խուզեն: Իսկի տեսած կա՞ք, որ մեկը գա մեզ համար մի բան բերի, մի բան տա. դիպի էլ տանում են ու տանում: Էսօր գնա ճամփա շինի, էգուց գնա մորեխ կոտորի, էսօր էս տար, էգուց էն, իշի պես բանեցնում են, ոչխարի պես խուզում, ո՞վ է մեր տերն ու տիրականը: Գող ու ավազակ մի կողմից են թալանում, մողորով ու յասաուլ մեկ էլ կողմից ծեծում, ջարդում, թավաղեն են էլ ջոկ են մի միսն ուտում, արյունը ծծում, որը գոռով, որն էլ խաբելով: Ի՞նչ սատանություն ապես, որ դրանք շեն անում, ո՞չ աստծուն են հավատում, ո՞չ թագավորից վախում, ո՞չ ամոթ ունեն, ո՞չ երկյուղ: Ա՛յ էդ Շաքարոն, որ էդքան տեղեր զավթել ուտում է, գիտե՞ք ինչպես խաբեց մեզ: Դա մի խեղճ մարդ էր, մի խեղճ սելապան, աղքատը սելապանություն է անում, շիրաջիների համար Կախեթից գրիտ էր կլում. ձկնապանները: համար Սալյանից՝ ձուկը: Մի ձուկն ալափ շուներ, որ եղինքը պահել էր, դիպի էլ կոտորվեցին, մնաց խեղճ: Քաղթիցը վեր կացավ եկավ մեր գեղը, մի բոստանի տեղ ուղեց մեր խալխիցը, նրանք էլ ուվին, թե՛ խեղճ մարդ է, թող իրա համար մի բան սերմը, սի բան աշխատի. սանի իրա օղուշաղը պահի: Շաքարոն դառավ բոստանչի. ամեն տեսակ կանաչեղեն ցանեց—լոբի, սիսեռ, սոխ, սխտոր, բակլա դում, քալամ, կարտոփիլ, թամբաքու. մի խոսքով ինչ ասես—խիար, խարբուզակ, ձմերուկ, տակ, գազար: Կշտին էլ մի դագա էր շինել, էնտեղ էր կենում գիշեր-ցերեկ: Մեկ-երկու տարի անցկացավ, մի քանի շահի աշխատեց, մեր տերտերի հետ ընկեր դառավ ու նրա հետ բոստանը շափարեց բաղ շինեց, կշտին էլ մի ջաղաց: Մեկ-երկու տարի էլ անցկացավ, տերտերը մեռավ, բաղն էլ, ջաղացն էլ մնաց

Շաքարոյին: Էսպես քաշ տվավ, մինչև տասը տարին լրացավ. տասը տարուց հետո գնաց մի թավաղի փող տվավ, նրա ազգականը գրվեց, դառավ թավաղ, հետո եկավ բաղն ու ջաղացն էլ հաստատեց վրան, մի երկու հարյուր օրավար էլ ուրիշ տեղ խլեց մեզանից, թե՛ էս էլ է իմը: Մի սիրուն էլ հարսն ուներ, ինքը բացերեսս է լեզվանի, միշտ մողորովների ու նաշալնիկների հետն էր ժամանակ անցկացնում, նրանց հետ սարերումն ու ձորերումը քեփ քաշում, էլ ո՞վ կարող էր նրան մի բան ասել: Շատ էլ գանգատ արինք, արգա տվինք, կոխվ էլ արինք, թակեցինք դուրս արինք, տունը, ջաղացը քանդեցինք. ոչինչ չկարացինք անել, մեր խոսքն անց չկացավ ոչ մի տեղ:

Փիրագովն էլ Շաքարոյի նման արավ: Նա էլ խեղճ ճոն էր՝ փափախչի: Էկավ մեր գեղի մոտ, ֆավանաքչի մի թուրք բեկի հետ ջաղաց ու բոստան շինեց, էդտեղ համ ճոնություն էր անում, համ ջաղացպանություն: Լավ փող աշխատեց, մեկ տղին լավ ուտում տվավ: Տղան էնպես մի ղուլլուղի մեջ մտավ, էնպես մի նաշալնիկ ունեցավ, որ խոսքն ամեն տեղ անց էր կենում: Սա վեճ բաց արավ գեղացոց հետ, վերջը բոլոր գեղը զավթեց, հիմի իրանն է թե՛ գեղը, թե՛ նրա երկու հազար դեսետին ջրովի հողը: Հիմի մեր թուրքերը կիսովի են վարում նրա համար, խոտահարկն էլ ջոկ են տալիս. տներիցն էլ ջոկ են հարկ տալիս, թագավորի խարջն էլ ջոկ են քաշում, խեղճերն աղքատությունից քաղցած կոտորվում են. գողությունով են ապրում, ուրիշ ապրուստ չունեն: Ուրիշ տեղ էլ չեն ճարում, որ էդտեղից դուրս գան հեռանան:

— Սարգիս բիձա, մեկ անգամ ասա մեր աշխարհքն անտեր է ու պրծիր. էլ ի՞նչ ես գլուխդ ցավեցնում,— ասաց Պետրոս բիձան, որ քոյովի բոլոր պատմածներին ականատես էր և մասնակից:

— Անտեր որ ըլի, էլի լավ է, շների ու գելերի ձեռքին է:

Իմ խոսքը մեր ճաղար շան մասին էր, ես հեռու գնացի: էլ մի թավաղ չկա, որ դա նրա համար վկայություն չլինի տված. թե՛ մեր գեղի, թե՛ մեր հարևան գեղերի բոլոր թավաղների համար էլ դա սուտ երգում է կերել, սոստ վկայություն տվել. մեր գեղը դա է քանդել...

— Դե ի՞նչ անենք, աստված էլ դրա տունը քանդի...

— Ամմեն, ամմեն,— ձայն տվին ամեն կողմից...

Աղբյուրի սառը շուրը ոչ միայն չափացրեց Հերիքնազին, այլև ավելի սաստկացրեց նրա տկարութիւնը. բոլորովին տաքութեան փոխելով՝ ձգեց անկողնի մեջ:

Շամիրը երբ որ քաշվեց դեպի դագն, այդ ժամանակ Հերիքնազը սաստիկ տաքութեան մեջ դելն էր տալիս և վերմակը վրայից շարտում: Մարիամը կշտին նստել էր տխուր ու տրտում և ծածկում էր շուտ-շուտ Հերիքնազին, որ շմբտի: Շամիրը ներս մըտավ և լուռ ու մունջ հրացանն առավ, դուրս գնաց:

Այս վերջին օրերը Մարիամը բավական փոխվել էր և սկսել էր սեր ցույց տալ մարդին. հետը խոսում, ծիծաղում էր, հանաքներ էր անում, ոտ ու գլուխը շուտ-շուտ լվանում: Չորս ամիս էր, որ Մարիամը արդեն հղի էր, և երեխան արդեն սկսել էր փորումը պրպըտալ և ուրախացնել մորը: Մարիամի քաղցր վարմունքն ու հարաբերութիւնը բավական կակղացրել էր Շամիրին, և նա սկսել էր մեղմացնել իր կասկածները, բայց այժմ, երբ լսեց նրա գիշերային հարաբերութիւնը Արզումանի հետ, նրա քաղցր վարմունքը բշտրովին ուրիշ կերպարանք ստացավ իր աչքում:

«Օ... ես հիմի ամեն բան իմացա: Իմ կնիկը ինձ ասեց, ուրիշին ձեռք բերավ, բայց այդ բանն ինձանից ծածկելու համար, երևի սիրողի խորհրդով սկսեց սեր ցույց տալով՝ ինձ քնացնել: Ծս էլ ասում եմ, հիմա բախտավոր եմ, կնիկս ինձ շատ է սիրում, վաղը մյուս օրը զավակի տեր կդառնամ, նա ինձ «հայր» կասի, ես էլ նրան իմ որդիս կհամարեմ... Ախմա՛խ, ախմա՛խ Շամիր, մի անուն ունիիր խալխի մեջ, էլ ուրիշ ոչինչ. էլ այսուհետև ինչո՞ւ համար ես ապրում, երբ որ էդ անունը ցեխի մեջ ընկալով»: Այսպես ինքն իրան փնթփնթալով՝ բավական հեռացավ Շամիրը և անհայտացավ անտառի խորքումը:

Ամբողջ երեք օր չերեաց Շամիրը: Մարիամը կարծում էր, թե կամ արան վլիների գնացած, կամ որսի, այս օրատճառով մի առանձին կասկած և մտատանջութիւն չուներ այդ մասին: Արզումանը օգուտ քաղելով անտառի խոտութիւնից, ամեն գիշեր գալիս էր նըշանակած տեղը, ուր տեսնում էր նրան Մարիամը և Հերիքնազի առողջութեան մասին տեղեկութիւն հաղորդում:

Մի ամպոս և մութ երեկո էր: Մարիամը կտվեր կթելուց հետո կրկու փափուկ հաց, մի քանի կտոր պանիր մի աղլուխի մեջ կապեց ու ճանապարհ ընկավ դեպի Զուխտակ աճարքին: Ծանապարհին նրա դեմը ելավ Շամիրը: Մարիամը մարդուն տեսավ թե չէ՝ տեղն ու տեղը մեխվեց:

— Ո՛ւր, առաջ բարի,— հարցրեց Շամիրը հեզնելով:

Մարիամն այնպես շփոթվեց, որ ոչ մի պատճառ չկարաց հրնարել, իսկ ճշմարիտն էլ վախեցավ խոստովանել:

— Քեզ եմ հարցնում, ա՛յ կնիկ, ո՛ւր ես գնում էս կես գիշերին քոլեքով ընկած,— պնդեց Շամիրը սպառնողական ձայնով:

Պատասխան չկա:

— Սիրողիդ մոտ ես գնում, էնպես չի՞, արի՛, ես քեզ կտննեմ նրա մոտ:— Այս ասելով՝ Մարիամի ձեռքից բռնեց և քաշ տնջով տարավ անտառի խորքը: Մարիամն ամոթուց աղաղակ չբարձրացրեց, որ մարդ չիմանա, բայց ընկավ Շամիրի ոտները և սկսեց աղի արտասուքով թաց անել:

— Դու ուրիշ բան մի՛ մտածիր, Շամիր ջան, ա՛ստված, երկինք, ծով, ցամաք, ես անմեղ եմ:

— Տեսնում եմ, տեսնում, ա՛յ լիրբ, աներես, ես ջոռ չեմ, դու որ անմեղ ես, էլ ո՞վ է մեղավորը: Կես գիշերին Արզումանի հետ ի՞նչ գործ ունիիր դու, ո՛ւր ես գնում հիմի, ո՞ւմ համար ես տանում էդ աղլուխը, ա՛սա:

— Աստված, երկինք, Շամիր ջան, ես անմեղ եմ, ի՛նչ որ լսել ես, հետո կիմանաս դրա պատճառը. հիմի ինձ հավատա, աստծուն հավատա, ես անմեղ եմ:

Մարիամը կարծում էր, թե իր երդումով մարդի մտքի մեջ մի երկմտութիւն կծգի, ժամանակ կվաստակի արդարանալու համար և մահից կազատվի. բայց անզուժ Շամիրի հոգին սեպեկ էր, խիղճը քարացել, աչքերն արնով լցվել, ջանք դող ընդել, ազանջները խլացել. նա Մարիամին այս բուպեխ համացում էր իր որսերից մինը, որի քամակին օրերով ման է դարձա և տեսնելուն պես՝ գետին տապալում հրացանի գնդակով: Մարիամը, որ նրա տեսնելը ընկած աղիողորմ արտասուք էր թափում, և ամեն սուբբի, ամեն խաչի և Ավետարանի անունով երդվումէ, մեկ էլ լսեց Կան-

կարծ. «հոգիդ տո՛ւր, դանշըդ...»: Մարիամն սկսեց երեսը խաշակնքել ինչպես անմեղ նահատակ և աչքերը դեպի երկինք ձգել, բայց դեռ խաշի նշանը ամբողջութամբ չէր դրոշմել կրծքին, հանկարծ կծկվեց Շամիրի ոտքի տակին: Եղեռնագործը մի աքացիով անշնչացրեց այն անմեղ, այն միամիտ, այն սուրբ Մարիամին, որ իր կյանքի մեջ ամուսնական ուխտի դեմ մի ցնորք անգամ իր մտքից չէր անցկացրել:

Խեղճ կանայք, արդյոք զգում ե՞ք դուք ձեր գերությունը, ձեր ստրկությունը: Իհարկե, ո՛չ: Կարծում եք, թե այդ է ձեր վիճակն ու ճակատագիր, որ դուք պիտի գառը լինիք, իսկ ձեր մարդիկը՝ գայլ: Մարդիկն էլ կարծում են, որ իրավունք ունեն ձեր կյանքի վրա, մոռանալով՝ որ ինչպես կյանք տալ կարելի չէ, և ոչ առնել կարելի է:

Եղեռնագործը տեսավ, որ իր գոհի շնչառությունը ալլես չի լսվում, մի ժամի շափ մնաց քարացած: Հետո շարագործությունը ծածկելու համար իր հայրենավանդ բարբարոսական հնարքը գործ դրավ: Արձակեց անմեղ նահատակի գոտին և սնուր շինելով գցեց շլինքը և կախեց մի ծառի ճղնից, որ այնպես կարծվի, թե ինքն իրան է կախել...

Ը

Շամիրն իր շարագործությունից հետո վերադարձավ դագեքը: Հարբած մարդու պես այս և այն կողմն էր ընկնում, ճանապարհը կորցնում. կես գիշերին հազիվ կարողացավ տեղ հասնել:

Հերիքնազը թեև պակաս էր, բայց անհամբեր սպասում էր Մարիամի վերադարձին և սաստիկ վարանման մեջ էր նրա ուշանալու համար:

— Ախի՛, ո՛ւր է քույրդ, — հարցրեց Շամիրը Հերիքնազին:

— Չգիտեմ, դուրսը կլինի, հիմի կգա:

Մի ժամի շափ անցավ սրա վրա, Մարիամը չերևաց:

— Ախի՛, ո՛ւր է քույրդ, — կրկնեց Շամիրը շարկությունը:

— Ես ի՞նչ գիտեմ ո՛ւր է, — ասաց Հերիքնազը նույնպիսի բարկանալով, և իսկույն վեր կացավ տեղից՝ կարծես մի շարագուշակ ազդուներից դրվելով:

Շամիրն սկսեց հարևաններին զարթեցնել, իմաց տալով՝ որ Մարիամը կորել է, ման են գալիս, չեն գտնում:

Հարևանները զարթնեցին և ամենքն էլ սկսեցին այս ու այն կողմն ընկնել, կանչել, բղավել անունը տալով՝ բայց ոչ մի տեղից ձայն չլսվեց: Հերիքնազն այնքան ուժ չուներ, որ կանչեր, բայց ամենից լավ նա էր իմանում, թե ո՛ր կողմը կլինի գնացած, և այնպես էլ գնաց, բայց սաստիկ մութը լինելով՝ ոչինչ չէր տեսնում:

Շատ փնտրեց, ոչինչ չգտավ և սաստիկ հոգնելով, մեկ տեղ վայր ընկավ թուլացած, տխուր և տրտում: Չէր իմանում, թե ինչպես մեկնե Մարիամի այս անակնկալ անհայտանալը: Այսպես հուսահատ դրություն մեջ, հանկարծ մի ոտքի ձայն լսեց:

— Էդ ո՞վ ես, Մարիամ, դու ե՞ս, — լալով կանչեց Հերիքնազը:

Արզումանն էր նույն տեղը պտտվողը: Սա լսելով Հերիքնազի ձայնը, իսկույն մոտեցավ և հարցրեց.

— Ախի՛, ի՞նչ ես շինում էստեղ:

— Ա՛խ, Արզուման, դու ե՞ս: Մեր Մարիամը կորել է, ման ենք գալիս, չենք գտնում, դու չե՞ս տեսել. նա կարծեմ քեզ մոտ պիտի գար, թեպետ ինձ ոչինչ չասաց:

— Ի՞նչ ես ասում, ո՛ւր է կորել. նա երեխա հո չի՞: Ես նորան էի մնում էստեղ, շատ սպասեցի, չերևաց. իմ քունս էլ տարավ, նոր զարթեցի, ուզում էի գալ ձեզ մոտ: Չի կորչիլ, մի՛ վախիր: Ի՞նչ ի՞նչպես ես, դո՛ւ, լավացել ե՞ս, թե չէ:

— Ե՞ս, ես լավ եմ... ա՛խ, կունիցս բռնիր վեր կենամ, շատ եմ բեզարել: Ով գիտե՞ քեզ նման նրա քունն էլ է տարել, հիմի լուսը կբացվի, կերևա, չեմ կարում ձեռն տամ, ջան չկա:

— Հերիքնազ ջան, դու հիվանդ ես, ինձ խաբում ես, թե՛ լավ եմ:

— Ա՛խ չէ՛, չէ՛, ես լավ եմ, կլավանամ, հավատա՛... Նստեմք էստեղ: Ես չեմ կարում ման գալ: Իմանում ե՞ս, խոսելու ձեռն է գալիս. դիփ էլ Մարիամին են ման գալիս: Գնա՛, գնա՛, քեզ շտենեն: Տուր ձեռքդ. ինձ համար դարդ չանես, Արզուման ջան: — Այս ասելով Հերիքնազը համբուռեց Արզումանի ձեռքը:

Արզումանն այնպես շփոթվեց, որ չիմացավ ի՛նչ խոսի: Մնաց ապուշ կանգնած ինչպես փետացած, մինչև բավական մոտեցան խուղները, երբ Հերիքնազի ստիպելովը հազիվ կարողացավ անշատվիլ նրանից և հեռանալ:

Երբ որ հարևաններն այս ու այն կողմ տարածվեցին, Շամիրն էլ դն սց իբր թե նույնպես փնտրելու: Սրա հետ գնաց և մեզ ծանոթ հաշատուրը:

— Ախպեր, շատ բան էինք լսել, բայց կնկա կորչիլ չէինք լսել, յարար ո՞ւր պիտի լինի գնացած,— ասաց հաշատուրը:

— Խաշատուր, մի կնիկ, որ մտքումը ծուռ բան գիտի, ոտքը թեթևացնի, ուր ասես՝ կկորչի:

— Ինչի՞ ես էգպես ասում, Շամիր՛ր. դու քու կնկանը չե՞ս հավատում: Նա որ ծուռ մաքանի կնիկ լիներ, քեզանից առաջ մե՞ք կիմանայինք, ինչպես ուրիշները կիմանան:

— Ուրիշները մի՞թե չեն խոսում իմ կնկա վրա: Էն օրը դու շքեցի՞ր, որ ասում էին՝ կին գիշերին տեսել են Արզումանի կըշտին... Ես էլի շատ բուն եմ ինքս իմ աչքովս տեսել. ես հաստատ գիտեմ, որ նա վատ բանի է:

— Շամիր, էն օր ես էլ լսեցի, ինչ որ ասացին. ես էլի շատ բան լսեցի, բայց դու չմնացիր, որ ինքդ էլ լսես. սատանեն սիրտդ կրակ գցեց, վեր կացար, որ գնաս հանգցնես: Գե հիմի ինձ լսիր, տես քեզ ի՞նչ եմ ասում: Ես վաղուց մտքումս գրել էի, որ քեզ հետ խոսեմ բայց ոչ մի անգամ հանգումը չեկավ: Հիմի լավ պատահեցանք, պետք է իմաց տամ քեզ ամեն բան: Խայի մարդու աչքը քոն կլինի, Շասիր, դու շատ բան ես վարավորդ արել, բայց գիտի էլ ծուռ ես հա: կացել: Հիմի ինձ ականջ դիր, տես: սուս եմ ասում թե ըզորք: Արզումանը քանի՞ որ էդ փորձանքին չէր հանդիպել, մտքումը գրել էր, որ գա քեզ խնդրի, որ Հերիքնազին իրան տաս: Հերիքնազն ու Արզումանը սիրում են Գեկ մեկու, էդ սաղ աշխարհքին հայտնի է: Մի գիշեր, քու քուզաք գնացած ժամանակդ՝ նա իմ կշտիցս գնաց ձեր տուն: Գնացել էր Մարիամից ու Հերիքնազից խոսք առել, էքսի օրը պիտի օրինալոր նշան ուղարկեր քեզ մոտ, նշանն էլ հագրել էր. էդ փոձանքը որ պատահեց, ամեն բուն խափանվեց: Հիմի Մարիամն, ինչպես ասի՞ քեզ, խոսք է տվել, առանց քեզ տուն է թողել: Նա ի՞նչ գիտեր, թե բանն էսպես կգա: Փու քոն հո չե՞ս, չե՞ս տեսնում, որ Հերիքնազը մարդի չի գնում: Ինչի՞ չի գնում, կարո՞ղ ես ասել: Նրա համար չի գնում, որ Արզումանից ձեռք չի ուզում վերցնել. ասում է՝ ռուր որ նա կլինի, ես էլ

էնտեղ կլինիմա: Հենց լավն էլ էն է, որ դու զուր տեղը վատամարդի շրտնաս, հենց քու ձեռքովը վերցնես տաս իրան, թող ուր ուղում է ասանի, քան թե պիտի քեզանից թաքուն փախցնի: Արզումանը հիմի էստեղիբանք որ պատվում է, Հերիքնազի համար է պտտվում, բայց դու էնպես ես կարծում, թե քու կնկա համար է: Ինչ քու կնկանը լավ չես ճանաչում, Շամիր, նրա պատիվը չես իմանում, նրա լավությունը չես տեսնում: Ո՞վ կա մեր գեղումը դրա պես հալալ ծծկեր, դրա պես ամոթով, արուտով, դրա պես սուրբ սրտի տեր, դրա պես անմեղ, անարատ:

Խաշատուրը չէր նկատում, որ իր խոսքերը մի-մի նետի պես ցցվում էին Շամիրի սրտումը, որովհետև չգիտեր, որ բանը բանից անց է կացել: Շամիրի լեզուն կապվել էր՝ չէր կարողանում խոսել. մտքումն էր աւում միայն, թե՛ անիրա՞վ, էդ որ գիտեիր, ինչի՞ վաղ չէիր ասում ինձ: Նրա ոտները թուլացել էին, քիչ էր մնում վայր ընկնի: Մի կերպ խաշատուրի հետևից քաշ գալով՝ առաջ գնացին և ի՞նչ տեսնեն հանկարծ... Երկու քույր, միմը կախված, մյուսը նրա ոտների տակ անշնչացած...

Երբ որ Արզումանը հեռացավ, Հերիքնազը զոռով վեր կացավ տեղիցը և սկսեց այս ու այն կողմ թափառել: Կուսն ու մութը սկսեցին իրարից բաժանվիլ թե չէ՝ Հերիքնազի աչքումը մի բան երևաց. մինչև նրա խելքն այս մասին մի հաշիվ կտար, ահն ու հսկիծը իրար խառնվելով՝ կայծակնահար արին նրան: Հերիքնազը տեղն ու տեղը վայր ընկավ. այլևս չկարողացավ գգվել իր միակ սիրելի քրոջ սուրբ մարմինը:

Ծ

Շամիրը, անխելք ու անտաշ Շամիրը, երբ որ լուսով տեսավ իր գիշերային եղեռնադրժույթյան պատկերը, երբ որ բացվեց նրա մտքի ու խղճի աչքը, երբ տեսավ, որ կրկնապատկել է իր շարագործությունը— ինքը մեկին սպանել, բայց այստեղ երկուսն են ընկած,— մի սարսափելի, մի կատաղի գոռում-գոչում քարձրացրեց, գլուխը ծառերին զարկեց, ամբողջ մարմնով գետնե-գետին զարկվեց այսահարվածի նման: Նրա աչքերումն արտասուք չկար, գլխի մազերը գլխում էր և կարծես ցավի զգացումը կորցրել էր: Մարդիկ ժողովվեցին շուտով և ուզեցին նրան կապտել, որ ինք-

նասպանութիւն չգործե, բայց նա իրան բռնել ուզողներին ձեռքերը կծոտեց, դուրս փախաւ ինչպես մի վայրենի գազան և ընկաւ ձորերը: Մարդիկ վազեցին հետևից, բայց հասնել չկարողացան: Նա մի ահագին քարածայրից անդունդ գլորվեց, ուր և գտաւ իր դժոխքը: Նրան հենց այդտեղ էլ թաղեցին:

Հերիքնագի և Մարիամի համար «Ծրկու հոգիս» անվանված կաղնի ծառի տակը փորեցին և երկոքին քույրերին մի գերեզմանում դրին իրանց շորերովը: Ասողներ եղան, թե հարկավոր է գյուղից քահանա կանչել, բայց ծերերը թույլ չտվին, ասելով— անհաղորդ էլածներին, խեղդվածներին, իրանք իրանց սպանածներին տերտերով չեն թաղիլ: Սրա համար ոչ մի աղոթք չասվեց նրանց վրա, ոչ մի հոգեհանգիստ չկատարվեց նրանց համար:

Այս անսովոր և սարսափելի դեպքի լուրը շուտով տարածվեց ամենայն տեղ, բայց ո՛ւմ սիրտն այնքան կկսկծար, որքան Արզումանինը: Արզումանը եկաւ աշկարա, օրը ցերեկով, շոքեց նորաթաղ գերեզմանի վրա և իր ուզածի չափ արտասովեց: Բայց այդ արտասուքը չթեթևացրեց նրա սրտի կսկիծը: Նա զգում էր, որ իր պատճառով են զոհվել այս անմեղ գառնուկները. և այդ զգացումը նրան մղում էր, որ ետ չմնա իր սիրելիներից, շուտով հասնի Հերիքնագի հետևից և հոգով միանա նրա հետ: Եվ այդպես էլ արավ: Ինքն իրեն սպանող երիտասարդը, որի մասին պատմեցինք առաջին գլխումը, այս Արզումանն էր: Նա եկաւ Շամշուղա գյուղի քահանային խնդրեց, որ երթա այն անմեղ զոհերի գերեզմանի վրա թաղման կարգ կատարե և իրեն էլ հաղորդե: Քահանան հանձնառու չեղավ, ասելով, որ նրանք իր ժողովուրդը չեն. իրեն էլ չհաղորդեց, պատվիրելով, որ գնա իր քահանայիցը հաղորդմի, բայց երբ հրացանի ձայնի վրա գյուղացիք հավաքվեցին և Արզումանին մերձիմահ գտան, քահանան էլ իսկույն եկաւ և հաղորդեց: Գյուղացիք լավ էին ճանաչում Արզումանին, ամենքն էլ ցավելով հարցնում էին, թե ի՞նչն ստիպեց քեզ այդպես հուսահատվել:

— Ո՛հ, թողեք ինձ հանգիստ, աստված սիրեք, իմ ցավն ինձ բավական է: Աշխարհը մարդիկը շատ անգութ են. միայն մեռնելուց հետո են ափսոսում մարդու:— Մասց Արզումանը և անմահ հոգին ուղարկեց անմահին:

Շամշուղեցիք մի սայլի մեջ դրին Արզումանի մարմինը և տարան իր պապական գերեզմանաւունը:

ԲԱԺԱՆՈՒԹՅՈՒՆ

1

— Համբո՛, լսե՛լ ես, մեր աղեքը բաժանվում են,— ասում է ծառաներից մեկը մյուսին, սրահը ցախավլով ավելիս, և միևնույն ժամանակ ավելի կոթը դիմհար է տալիս ծնոտի տակ: Իսկ մյուս ծառան, որ թիով էր քերում, թխակի կոթի վրա է կոթնում և զարմացած ասում է.

— Բաժանվում ե՛ն... ասում ես՝ բաժանվում ե՛ն... հետո՛:

— Էլ ի՞նչ հետո, բաժանվում են էլի՛:

— Բաժանվում ե՛ն... հը՛մ...

— Դու ո՛ւմ մոտ կմնաս, որ բաժանվին, Համբո՛:

— Ե-ե՛ս, Աշթին:

— Հա՛, դո՛ւ, Համբո՛:

— Ես ո՛ւմ մոտ կմնամ, ասում ե՛ս:

— Հա՛, դու ո՛րի մոտ կմնաս. էլ քա՛նի հարցնես, խուլ խոմ շե՛ս...

— Ախր մի կա՛ց միտք անեմ է՛, օ՛րհնած, ի՞նչ ես շտապում: Որի մոտ կմնա՛մ... դու ի՞նչ կասես. ո՛րի մոտ մնամ, որ լավ լինի: Բայց սպասի՛ր, դու ինքդ ո՛րի մոտ կմնաս:

— Ե-ե՛ս...

— Հրամե՛լ ես, դու ինքդ:

— Առաջ դո՛ւ ասա, ես եմ հարցրել առաջ:

— Զէ, դո՛ւ ասա:

— Չէ, ես ոչինչ չեմ ասիլ:

— Ինչո՞ւ չես ասիլ:

— Էնդուր չեմ ասիլ, որ եթե նրանցից մեկն իմանա, որ ես իրան չեմ ուզում, կաշիս կմաշկե: Ինչի՞ս է պետք: Բայց գիտե՞ս, մեր բանը շատ վատ կլինի, եթե բաժանվին:

— Ինչո՞ւ:

— Նրա համար, որ հիմա ոչ մեկի սիրտը չի ցավում, հորական աշխատանքի վրա են նստած. ուտող ուտողի է, թափող թափողի: Բայց երբ որ բաժանվին, ամեն մեկն իր ունեցածի վրա կդողդողա, մեր բերաններն էլ ավելի պատառ չի ընկնիլ:

— Քո խելքն այդպես է կտրում: Ինձ որ հարցնես, որ բաժանվին, մեզ համար լավ կլինի:

— Ի՞նչպես:

— Այնպես որ, հիմա շորս եղբայր են, շորսն էլ կնիկ ունին, մի քանի շորս տղա կա, մի քանի շորս էլ աղջիկ. իսկ համբեր՞ել ես, գիտե՞ս քանի հոգի են: Հիմա դրանց եկող-գնացողը հաշվի՞ր: Ի՞նչ տուն, քարվանսարա է. մարդ ո՞ր մեկին ծառայե. ամենքն էլ հրամայող են՝ մեծից սկսած մինչև փոքրը: Բայց երբ որ մեկը կլինի, մեր ծառայությունը կթեթևանա:

— Չէ՞, այդքան տղերքը, այդքան աղջկերքն ու հարսները, շորս տղամարդ էլ հետները, ամենքն էլ բան շինող են: Այնքան բան չկա, ինչքան բան շինող: Բայց երբ որ բաժանվին, բան շինողները կքշանան, այն ժամանակ մեր բանն էլ կծանրանա:

— Ղորդ է, բան շինողները կքշանան, բայց չէ՞ որ շինելու բանն էլ կքշանա: Հիմա ինչքան որ այգի ունի, առեն մեկին նրա քառորդը կընկնի: Հողերի՞ նույնպես քառորդը: Մի՞թե միևնույն է այժմյան ահագին այգին մշակել, թե նրա շորս բաժնից մեկը. քսան օրավար վարել, ցանե՞լ, թե՞ հինգ:

— Համբո, դու շատ հիմար ես. քո խելքը ոչինչ չի կտրում: Այդ մարդկանցից ամեն մեկը մի աժդահա է. բայց միասին լինելով ծուլություն են անում: Երբ որ բաժնավին, ամեն մեկն աշխատելու է ավելի ունենալ, քան թե միասին եղած ժամանակ: Շատի սովոր մարդը, երբ որ գլխումն էլ խելք կա, ձեռքումն ուժ, քշով ինչի՞ կբավականանա: Ամեն մեկն իր համար մի առանձին սարայի պիտի շինի, մի ջուկ ամարաթ. հիմա դո՞ւ ասա, կալ ասա, մարագ ասա. նոր այգի պիտի գցի, նոր խամհատ պիտի բաց անի, ո՞վ գիտե էլի ինչե՞ր պետք է շինի, ինչ որ հիմա չի կարող, որովհետև

հիմա խոսքները մեկ չի գալիս. մեկը դեսն է քաշում, մյուսը դեն. սեր, միաբանություն չկա: Ամեն մեկն ուզում է հանգիստ ապրել, ջանին օսփա չի տալիս. շինելու բանն իրար վրա են գցում, քեզ նման բանից փախչում: Ես որ նրանց տեղը լինիմ, քեզ հացափոր էլ չեմ պահիլ: Գնա՛, ձին տար ջուրը, գնա՛, ի՞նչ քո խելքի բանն է:

— Ինչո՞ւ դու չես ձին տանում ջուրը. առավոտը ես եմ տարել, հիմա է՛լ դու տար. բանը նոբաթով կանեն. դու էլ խո՞ւ իմ աղան չե՞ս, որ հրամայում ես:

— Գնա՛, ասում եմ, թե չէ՛ տեսնո՞ւմ ես այս ցախավելը. այնպես կհասցնե՞մ գլխիդ, որ...

— Ապա խփի՛ր, խփի՛ր էլի՛, խփի՛ր:

— Ա՛յ թե չեմ խփիլ...

— Ա՛յ թե կխփես...

— Ա՛յ թե չեմ խփիլ...

— Ա՛յ թե կխփես...

Այսպես՝ ծառաները քաղցր զրույցից հետո, երբ բանը հասավ գործ կատարելուն, հանկարծ սկսեցին իրար բերան կրծել և իրար հարվածել: Այս տուրուղմբոցի ժամանակ վրա հասավ աղաներից մեկը մի հյուրի հետ և ասաց բարկանալով.

— Ի՞նչ եք անում, այ տղեք. այս ի՞նչ բան է:

Ծառաները հեռացան, օձիքները գլխած:

— Ահա մեր տան, մեր կեցության պատկերը,— ասաց աղան իր հյուրին:— Ինչ որ բաժանության խոսք ու զրույց է եղել մեր տան մեջ, էլ ոչ մի օր հանգիստ չունինք: Ծղբայրքս իրար հետ են կռվում, մեր կնանիքն իրար հետ, երեխեքն ու ծառաներն իրար հետ: Կհավատա՞ս, որ ասեմ, մեր շներն ու տավարներն էլ են սկսում կռվել իրար հետ, կարծես բաժանության հոտն առած լինին: Մեկ խոսքով՝ կռիվը, ծեծը, խռովությունը մեր տան մեջ դառել է մի վարակիչ հիվանդություն: Մեծ երկյուղ ունիմ, որ արյունով վերջանա այս ամենը, որովհետև շատ խռոված և անհանգիստ է հոգիս, սրտի թրթուց և քնահատություն է եկել վրաս, ոչ մեկին բան հասկացնել չի լինում, կարծես կախարդված լինին, կարծես մի նզովք, մի անեծք կա մեզ վրա և պիտի կատարվի...

— Ես զարմանում եմ,— ասաց հյուրը: Ձեր տունը միշտ եղել է մի օրինակելի գերդաստան: Չորս եղբայր եք, շորս էլ ուտում առած, կրթված, պատվավոր ծնողաց որդիք, անվան և համբավի տեր: Դ՞եմ հավատալս չի գալիս քո ասածը: Ուրիշներին էլ դուք եք

խրատում, այդ ի՞նչպես է, որ ինքներդ իրար խոսք չեք հասկանում: — Եղբայր, գիտե՞ս ինչ է: Ամեն մի աման այնքան կտանի, ինչքան որ իր ծավալն է. եթե մի փոքր ավելի ածես, կթափվի անշուշտ: Դու հիմա ասա՝ թե ամանը որ արծաթ լինի, շատ կտանի. այդ ի՞նչպես կարելի է: Մենք հիմա այնքան շատացել ենք, որ մի տան, մի սուփրի վրա շենք տեղավորվում, մեկն ուտում է, մյուսը քաղցած մնում, ինչպես կասեն՝ ով չուտ, նա կուշտ: Մեկն ասում է՝ քո երեխի բաժինը շատ է, իմինը քիչ, լավ պատառները քո՛ մարդին ես ուտեցնում: Մեկը բեզրել է շատ հաց թխելուց, մեկելի կոնքերի ցավը բռնում է, երբ խմոր հունցելու նոբաթն իրան է հասնում: Երբ որ տան մեջ ես ու դու էլավ, իմ ու քու էլավ, էլ այն տանն ի՞նչ համ պիտի լինի: Շարունակ քրթմնջուռն, շարունակ զանգատ: Գլխներով շաքար ենք առնում, մի շաքաթ շանցած հալվում է, էլ մի դեղապետ պահել չի լինում, մարդ հյուրերի մոտ էլ է մնում սեներես: Ի՞նչ հասկացնես անկիրթ ու տգետ կանանց, երես առած գոհհիկ երեխանց, որոնցից ամեն մեկը իր մոր անկրթության պատկերն է կրում:

Այս միջոցին տան վերի հարկում սարսափելի աղաղակներ լսվեցին: Վեր բարձրացան տեսան, որ մեծ ու փոքր տեղրակնանիքը իրար մազերից են բռնել քաշքշում, նրանց մարդիկն էլ իրար օձիքից: Պատճառը եղել էր այն, որ մեծի երեխան ծեծել էր փոքրի երեխային, սրա մայրն էլ ծեծող երեխային, ծեծողի մայրն էլ նրա մազերիցն էր բռնել, նա էլ նրա, և այսպես բարձրացել էր մի ահագին աղմուկ: Մյուս սենյակից դուրս էին եկել նրանց մարդիկը և կովին միջամտելով՝ իրար օձիքից բռնել. տան բոլոր երեխայքը վայնասուն էին բարձրացրել: Մյուս երկու եղբայրները հազիվ կարողացան անշատել նրանց միմյանցից: Սրա վրա բոլոր դրացիները հավաքվեցան հանդիսատես լինելու և ամենքն էլ շատ ուրախացան և մեծ հաճույք զգացին այս տեսարանից:

Նախընթաց գլխի գործողությունը կատարվում էր մի մեծ ավանում, որ իսկապես ոչ գյուղ էր, ոչ քաղաք, այլ երկուսից մի խառնուրդ, մի գյուղաֆաղաֆ: Այդտեղ միևնույն գերդաստանի անգամները և՛ երկրագործ էին և՛ այգեգործ, և՛ արհեստավոր էին,

և՛ վաճառական, և՛ ուտում առած կրթված էին, և՛ անուս գոհհիկ: Այսպիսի մի գյուղաքաղաք է Թիֆլիսից մոտիկ Շուլավերը, ուր կա զավառապետ և հաշտարար դատավոր, հեռագրատուն և փոստատուն, ուր ինչպես հոյակապ տներն ու նահապետական խրճիթներն են միախառնված, այնպես էլ մոթալ փափախն ու մոզնի շլապեքը, և այս՝ միևնույն տան մեջ: Այո, միևնույն տան մեջ դուք կտեսնեք աղա Մամուդ խանի, Վարանցովի և իշխան Դոնդուկովի ժամանակի տարազով հագուստներ: Ես օրինակ բերի Շուլավերը, բայց մեր վիպադրաման կատարվում է Քաջենք ավանում:

Բաժանվողները շորս եղբայր էին: Նրանք ֆիզիկական զարգացումով, դեմքով և հասակով իրար նման էին. քիչ թե շատ նման էին և բնավորությամբ. առհասարակ նման էին այն բաներով, որոնք ժառանգաբար ծնողներից որդուն են անցնում, թեև մեկի մեջ նվազ և մյուսի մեջ ավելի, մեկի մեջ՝ կրթության ազդեցությունը՝ փոփոխված, մյուսի մեջ՝ անկրթության շնորհիվ՝ պարզ ու անարատ մնացած: Բայց նման չէին մտավոր զարգացմամբ: Ամենքից փոքրը՝ Տիգրանը, սանձարձակ արմատական էր. նրանից մեծը՝ Արշակը, ավելի փորձառու էր և ճանաչում էր իր շափը. սրանից մեծը՝ Սմբատը, ամենից զարգացածն էր և իր հեղինակությունը ազդեցություն ուներ առաջին երկուսի վրա. սրանից և ամենից էլ մեծը՝ Ավագը, հին գաղափարի մարդ էր:

Ավագն ու Սմբատը արդեն տարիքով մարդիկ էին, մեկը հիսունհինգ և մյուսը հիսուն տարեկան: Դեռ մյուս երկուսը չեղած, սրանք մեծացել էին միասին, բայց այնպես, ինչպես Հակոբն ու Սսավը. մեկին հայրն է եղել սիրում և մյուսին՝ մայրը. մոր սիրածը հառաջ է գնացել, հոր սիրածը ետ մնացել, և այս պատճառով ինչքան Սմբատը սիրում էր Ավագին, Ավագը երբեք սիրո նշան չէր ցույց տալիս: Նա մանկության նախանձը շարունակում էր և հասակն առած ժամանակ: Եղբոր հառաջադիմությունը նրան չէր ուրախացնում, այլ տխրեցնում էր, մանավանդ որ վերջի ի վերջո հայրն էլ Սմբատին էր սիրել և օրհնությունը նրան էր տվել: Եթե ավելացնենք սրա վրա, որ գրեացն էլ ասել էր Ավագին, թե քո եղբորից քեզ օգուտ չկա, բացի վնասից, կարող ենք արդեն երևակայել: Թե այս բոլորը նախապաշարված մարդու վրա ի՞նչ ազդեցություն կանի:

Ավագը պարապմունքով երկրագործ էր, իսկ գութանի մաճը չէր բաց թողնում և միշտ ասում էր՝ ես որ չլինիմ, դուք բոլորդ

քաղցած կկոտորվիք: Արշակը այգին էր մշակում և արաղ ու գինի պատրաստում: Սրա պարապմունքն ավելի արդյունավետ էր, տարեկան երկու հազար մանեթի արաղ ու գինի էր ծախում, բայց սա չէր ասում, որ այդ իր աշխատանքն է: Տիրապետը, ամենքից փոքր լինելով՝ մանկութունից երես տված էր. սիրում էր ավելի ազատ կյանք վարել, «մեջ ուտում էր, դրաղ ման գալիս»: Սրա սիրած զբաղմունքը որսորդությունն էր: Շատ շնորհալի տակառագործ էր, սիրում էր և մեղվաբուծություն նորագույն ձևով. փեթակներն էլ ինքն էր շինում շրջանակներով: Բայց շատ չէր աշխատում, այլ գործ էր դնում այդ արհեստը իր զվարճության համար միայն: Այսուամենայնիվ տան համար պետք եղած բոլոր տակառներն ու շաները ինքն էր շինում: Սմբատը մեր թափառական, բայց ընդունակ և արդեն հեղինակություն ձեռք բերած վարժապետներից մեկն էր: Սա ինքն էր կրթել իր երկու եղբայրներին: Նրանց ուսում տալուց հետո տվել էր և արհեստի: Արշակը, որ նույնպես գիտեր Տիգրանի արհեստը և ամենից աշխատասերն էր և եռանդուտը, միշտ օգնում էր Տիրապետին և երբ սա գործը կիսատ թողնելով՝ որսի էր գնում, բանը մնում էր Արշակի վզին:

Տիրապետը չէր հաշտվում եզան ու գոմշի հետ.— ես ձի պետք է բանեցնեմ,— ասում էր: Նա սկսեց ձիան առնել, սայլի տեղ սկզբնային ֆուրգոն բանեցնել: Այսպես, միևնույն տան մեջ և՛ ֆուրգոն էին բանեցնում, և՛ սայլ, և՛ գոմեջ լծում, և՛ ձի: Մեծը չէր հաշտվում ձիանց հետ և վնասակար ու շոտություն էր համարում, չէր ուզում ձեռք վերցնել իր գոմշից. փոքրն էլ սրա հակառակ, ուզում էր ամբողջ գյուղի սովորությունը փոխել:

Սմբատը, նորություն բարեկամ լինելով՝ փոքրիկն էր պաշտպանում և խրախուսում, բայց մեծին հնությունից ձեռք վերցնել տալ չէր կարողանում: Այս հնի և նորի խառնուրդը տնտեսական վնաս էր հասցնում տանը, բայց հնար չկար դրա առաջն առնելու: Մեծը, ուզենար էք, կարող չէր ձի բանեցնել, դրա համար մեծ ջանք, մեծ ծառայություն էր պահանջվում, իսկ նա սովոր էր դանդաղ ու հանգիստ գործելու: Նոր գութանի հետ չէր հաշտվում, որովհետև գութան շինելում իրան հմուտ վարպետ էր համարում: Իսկ փոքրը նոր գութան էր բանեցնում իր ձեռքով:

Այսպիսի մի աններդաշնակ խառնուրդ էին ներկայացնում և նրանց կանայքը: Նրանց մեջ կային երես փաթաթածներ ու երեսբացներ, ինչպես կային շխտակներ և խոստղներ: Մեծը մշակու-

թյուն էր անում՝ շուր փրում, խժար հունցում, հաց թխում, բլացք անում, կերակուր եփում, տղամարդկանց օգնում կալ ու կուտի ժամանակ, կով կթում, խնոցի հաքում, հավ պահում, միով բանիվ ամեն բան, փնչ որ մեր ժրագլուխ օտտերն արել են իրանց ջահ-րայից սկսած և զուպայով վերջացրած. իսկ մյուսը նրան ձախ ձեռքով էր օգնում. երբուրդը ձախն էլ չէր բանի մոտեցնում, այլ միայն իր երեխանցն էր զուգում, զարգարում, շորորդը կար ու ձև էր անում ամենի համար. ամենի սիրտը շահում, որ իր վրա շխտեն, բայց ընդհանուր առմամբ ամենքն էլ ծուլ էին, ամենքն էլ սիրտպակաս. չկար գործի արգար բաժանմունք, չկար ներքին կարգ ու կանոն, ավլող, սրբող, մաքրող, տուն ու տեղը կարգի բերող: Այս միևնույն խայտաբղետությունը երևում էր և երեխանց մեջ՝ թե՛ հագուստի կողմից և թե՛ կրթության:

Այսպես չէր այս տունը, քանի որ կենդանի էր տան տիրուհին՝ լուսահոգի Եղիսաբեթ խանումը. հենց որ նա մեռավ, նրանից հետո տանտերն էլ՝ ծերունի Օհանես աղան, երկար չապրեց: Բայց սա աչքովը տեսավ իր տան անկարգությունը և վշտացած սրտով մտավ գերեզման:

3

Երբ որ բոլոր գյուղաքաղաքացիք իմացան Օհանես աղոնց տան խառնակությունը, այնուհետև ամենքն էլ՝ կովող եղբայրներին հանդիպելիս՝ ցույց էին տալիս իրանց ցավակցությունը. և ում հետ որ խոսում էին, նրան էին արդարացնում, իսկ բոլոր մյուսներին՝ դատադատում:

— Տան մեծը դու ես, աշխատավորը գու ես, մյուս եղբայրներիդ էլ դու ես մեծացրել,— ասում էր Մարպողոսը Ավագին հանդիպելիս,— դու որ ուզենաս, նրանց ոչ մեկին բաժին չես տալ:

Մարպողոսը գյուղաքաղաքում առաջին մարդն էր, առանց նրան ոչինչ չէր լինում, ինչ որ լինում էր: Ամենքն էլ ասում էին նրան և միևնույն ժամանակ առանց նրան ոչինչ չէին անում: Նա այն կարճահասակ մարդկանցից էր, որոնց համար ասում են «հասակի կեսը գետնի տակն է», որով ուզում են նրա խելքի խորությունը և խորամանկության բարձրությունը ցույց տալ: Նա մոտ վաթ-

սուն տարեկան մարդ էր, կարճ ու սպիտակ մորուքով, վառվռուն և անընդհատ շարժուն աչքերով, որոնք վատ տպավորություն էին գործում դուրազգաց մարդկանց վրա:

— Մեղա, կարծես սատանի աչքեր լինեին,— ասում էին նրանք, թեև սատանի աչքեր չէին տեսած: Մարպողոսը հին դպրոցի աշակերտ էր, այդ դպրոցի լավ ու վատ կողմերով օժտված: Երբ աշխարհային ուսումն ու գիտությունը չէր տարածված, նա իր վանական ուսումով, Այսմավորքով, Տաթևացու հատորներով, Սալլանթյան քերականությունով և՛ իբրև հավելված՝ իր դուրբությունն արվեստով մեծ փիլիսոփա էր համարվում: Ջահել ժամանակ այս ու այն եպիսկոպոսին ծառայելով թե՛ իբրև ծառա և թե՛ իբրև քարտուղար, ծանոթացել էր հոգևորական բարձր անձինքների և դառել էր նրանց մտերիմ գործակատարը, որ բավականին շահավետ պաշտոն էր և այնպիսի ծառայություն, որին կամա ակամա շատ շատերը պիտի դիմեին: Գիտեր ուտել և ուտեցնել, շահել և շահվել, բազի պես ընկղմում էր պղտոր լճերի մեջ և ցամաք դուրս գալիս: Միայն Սմբատն էր, որ սրան ատում էր ոչ միտյն սրտանց, այլ և երեսանց: Տեղը եկած ժամանակ միշտ խայթում էր հրապարակով և նույնիսկ տպագրությամբ և սրա ազդեցությունը վնասակար համարում ժողովրդի բարոյական վարդապետ համար: Այս հանգամանքից օգուտ էր քաղում Ավագը և միշտ Մարպողոսի պաշտպանությանն էր դիմում:

— Ինձ ասում են, որ ես բաժին չեմ տալիս իմ եղբայրներին, բայց այդպես չէ ամենևին,— ասում է Ավագը Մարպողոսին,— ես ոչ թե բաժին չեմ տալիս, այլ ընդդեմ եմ բաժանության: Իսկ մեր փիլիսոփան բաժանությունն է օգտակար համարում. նա մյուս երկուսին էլ իր կողմն է ձգել. ինչ որ ասում է, նրանք էլ հավատում են: Մեկ գնանք մեզ մոտ, գուցե կարողանաս դրանց գլխումը խելք դնել, որ մեր շեն օջախը չքանդեն. մեկ դրանց հասկացնես, որ բաժանությունը վնասակար է և ոչ օգտակար:

— Ի՞նչ կասկած, որ բաժանությունը վնասակար է,— ասաց Մարպողոսը, կարծես ինքն իրան, և քթախոտի տուփը բաց արավ, որ նրա հետ բաց անի նաև իր իմաստության տուփը:— Ի՞նչ կասկած, այո՛, որ բաժանությունը վնասակար է,— կրկնեց Մարպողոսը, և աչքը ձգելով Ավագի աչքերին՝ այնպես պատկերացրեց իր դեմքը, որ Ավագը այդ դեմքի վրա կարդա նրա ասածի շարունակությունը:

Ավագը գլուխը տմբամբացրեց ճանճով ընկած ձիու նման, որով ուզեց ասել Մարպողոսին, թե՛ «ինչ որ քու մտքումդ է, իմ էլ սրտումս է»: Այս լուռ պատասխանը հասկացավ Մարպողոսը և շարունակեց.— Ի՞նչ անեմ, Ավագ, քո խաթրը չլինի, ես գիտեմ, թե դրան ի՞նչ կանեմ. բայց քո ծնողաց արած բարերարությունը չեմ կարող ուրանալ: Թո՛ղ Սմբատը գնա նրանց գերեզմանին մոմ վառի,— ասաց Մարպողոսը, և իր ամենակարող գորությունը ցույց տալու համար՝ մի առանձին ուժով վեր քաշեց պտղունցը լցրած բոնոթին:

— Իսկ եթե ուղենաս, ի՞նչ վնաս կարող ես տալ,— հարցրեց Ավագը հետաքրքրությամբ, որ հարկավոր ժամանակ Մարպողոսին իբրև զենք ունենար իր ձեռին: Ինչ ասել կուզի, որ Մարպողոսը լավ հասկացավ Ավագի միտքը և նրան իր պատրաստակամությունը ցույց տալու համար ասաց.

— Մե՛ծ վնաս... կզրեմ ուր հարկն է, թե ձեր այսինչ վարժապետը վնասակար մտքեր է քարոզում ժողովրդին. ծաղրում է ծիսարանը, վնասակար է համարում պաս պահելը, նախապաշարմունք է համարում ուխտադնացությունը, որդին հորից և եղբայրը եղբորից բաժանում է, հավան չի ներկա ընտանեկան կազմակերպությանը, խզում է բոլոր սուրբ կապերը, որոնք առանց այն էլ թուլացել, կտրվել են... և էլի ուրիշ հազար ու մեկ բան: Քո թշնամին չընկնի իմ գրչի տակ, մեկ որ ընկավ, էլ փրկություն չկա, ինձ Մարպողոս կասեն: Ամենքն էլ դողում են իմ ձեռին, այդ անիրավն է, որ չի վախենում ինձանից:

— Նա ոչ թե քեզանից, այլ նույնիսկ աստվածածնիցն էլ չի վախենում: էլ պաս-ուտիս չկա տանը, ամենքին էլ ֆարիասոն է շինել: Մենակ ես եմ մնացել պաս պահող, մեկ էլ իմ կինս: Երեսխեքս էլ են նրան մտիկ տալիս, նրա օրինակին հետևում: Զէ՛, եթե դա շարունակե իր արարմունքը, եթե շարունակե ինձ հետ վիճել, մեր մեջ բաժան-բաժանություն գցել, այնուհետև, թեկուզ հոգուս մեղք լինի, քեզ մի գանգատ պիտի գրել տամ...

— Այդ մեղք չի լինիլ, պարոն Ավագ, այլ վարձք: Պաշտպանել մեր սուրբ կրոնը, մեր պապական սուրբ ավանդությունները, մեր ամենքիս սրբազան պարտականությունը պետք է լինի: Ասված է սուրբ Ավետարանի մեջ, թե «Եթե քո աչ աչքդ քեզ ճամփից հանե, հանի՛ր նրան և դե՛ն զցիր, որովհետև լավ է քեզ համար, եթե մեկ աչքով արքայություն ընկնես, քան թե երկուսով դժոխք»:

Այսպես Ավագն ու Մարպողոսը իրանց անսուրբ խզճի հետ սուրբ հոգվածներով պայման կապելով, հասան Ավագենց տուն, երեկոյան թեյի:

4

Քսան տարուց ավելի էր, որ Սմբատը հեռացել էր իրանց գյուղաքաղաքից: Իր ուսումն ավարտելուց հետո սկսել էր վարժապետություն անել ոչ իր ծննդավայրում, այլ ուրիշ քաղաքներում: Սրա պատճառն այն էր, որ ինչպես ասված է. «Տանուտերերին «օրհնյա տեր» չկա» և թե՛ «Մարգարեն իր գավառում պատիվ չի ունենալ»: Նա հոժար էր իր ծննդավայրում, իր հայրենական տանը նստած՝ ավելի էժան գնով ծառայել. բայց մինչդեռ ուրիշ տեղերում նրան տալիս էին տարեկան հազար մանեթ և ավելի ևս, իր դրացիները չէին հոժարում տարեկան երեք հարյուր մանեթ տալ, որով նա հոժար էր ծառայելու: Այսպիսի մի նախանձ կար մեր ոչ միայն գյուղերում ու գյուղաքաղաքներում, այլ նույնիսկ նշանավոր գավառական քաղաքներում, ուր իրանց տեղական ուժերից չէին ուզում օգուտ քաղել, չէին պատվում, չէին գնահատում նրանց: Նրանք էլ սովորաբար դրսից եկածների դեմ պատերազմ էին հայտնում և դպրոցական գործը միշտ տատանման և խռովության մեջ պահում:

Այսպես՝ Սմբատը դպրոցից դուրս գալով իր՞նև աշակերտ, կրկին դպրոց էր մտել իբրև վարժապետ և երկար ժամանակ այդ շրջանում ապրելով՝ անծանոթ էր մնացել կյանքի մյուս շրջաններին, որոնց մեջ եղած ահագին փոփոխությունը նա չէր նկատել: Նույնիսկ անցյալին էլ նա չավ չէր ծանոթ:

Մանկական հասակի մեջ երբ մեկը մեծանում է անհոգ ու երջանիկ, կարծում է թե ամենքն էլ իր նման են: Այս է պատճառը, որ մենք մեր մանկության օրերը միշտ ներկայացնում ենք մեզ իբրև դրախտ: Ասում ենք՝ այն ժամանակ մարդիկ լավ էին, սեր կար, մտերմություն կար, իսկ հիմա ամեն ինչ տանկնուվրա է եղել: Մինչդեռ մենք տեսնում ենք, որ մեր երևակայած երջանիկ ժամանակի մարդիկը ևս դժգոհ են եղել իրանց ժամանակից և ասել են.

Փշվի էսպես ժամանակը.

Հոյս ու հավատ, սեր չկա...

Այս է դարձյալ պատճառը, որ շատ ազնիվ և կրթված երիտասարդ ազնիվ է միայն կյանքից հեռու եղած ժամանակ. բայց երբ մտնում է կյանքի մեջ, գործ է ունենում խորամանկ և խարդախ մարդկանց հետ, զրկողություն և հալածանքի է ենթարկվում, ում բարեկամ է համարում, շարակամ է դուրս գալիս, ի շարն են գործ դնում իր հավատը և անձնվիրությունը, այնուհետև նա ցած է իջնում իր իդեալական բարձր գահից ու ասում է ինքն իրան.

«Եթե այս տխմարն իր տգետ տեղովը ինձ կխաբի և կխնդա վրաս, ինչո՞ւ ես սրա գլխին մի այնպիսի օջիւն շղնեմ, որ ինքն էլ զարմանա»: Եվ մի քանի այսպիսի փորձերից հետո երբեմն ազնիվ երիտասարդը դառնում է խարդախության տիպար:

Այսուամենայնիվ պետք է ասել, որ Սմբատի մանկության ժամանակ նրանց գյուղաքաղաքում նահապետական սեր և միություն կար: Չարություն եթե կար, գիտակցական չէր, այլ մանկական: Մեծ մարդիկը այնքան միամիտ էին, որ երբեմն մանկական շարություն էին անում: Մարդիկ չէին տարբերվում միմյանցից ոչ մի բանով, ամենքն էլ զաղափարակից էին միմյանց, մե՛կ հավատ ունեին, մե՛կ հույս և մե՛կ սեր: Չկար անհասական ազատություն, բայց նրա շղջությունն զգալի չէր ոչ ոքի: Կանաչը նոր ձևի հագուստ հագնելը իրանց համար անպատվություն էին համարում, մեծերի մոտ շխուսկան մնալը՝ փառք ու պարծանք: Մարդ անխղճություն էր համարում զրկել նրանց իրանց այդ միակ մխիթարությունից: Արտաքուստ ստրկություն երևացող վիճակն ստրկություն չէր զրոզի համար, այլ մի նահապետական սրբացած և բնատրույնը դառած սովորություն, և ըստովում էր ոչ բռնության, այլ հայրական սիրո հովանավորության տակ: Մեծերի առջև փոքրերի ձեռք սրտին դրած կանգնելը, ձայն-ծագտուն չհանելը, կուրորեն հնազանդիլը մի թշվառություն չէր նրանց համար, այլ մեծ բախտավորություն: Ազատ էին ջրերն ու անտառները, ազատ էին սարերն ու ձորերը, սակավ էին մարդիկ և շատ էր տեղը. և մարդիկ ապրում էին ինչպես Աբրահամու օրերում: Աղքատ էին մարդիկ քաղաքապետության պարագաներով, բայց գոհ էին իրանց վիճակից, ոչ մի բանի պակասություն չէին զգում, և ո՞վ է զգացել իր շտեռած բռնի պակասությունը, որ նրանք զգային:

Ստրկության ազատությունը և վերջն էլ դատական վերանորոգությունը, գյուղական ինքնապարտությունը, արտաքուստ լուսավորությունը, երկաթուղի, հեռագիր և այլն, միև միևի հետեից հան-

կարծ գալով՝ շլացրին ժողովրդին, մի հանկարծական փոփոխություն ձգեցին նրա նիստուկացի և վարք ու բարքի մեջ: Ժողովուրդն այնպես փոխվեցավ մի տասը տարվան մեջ, որքան փոխված չէր հարյուրավոր տարիների ընթացքում: Ինչ-որ մի շահի արժեք առաջ, դարձավ քսան շահի և ավելի ևս. փողը շատացավ, շոսյությունն էլ հետը. և այս վերջինը հաղթեց առաջինին: Առաջվան հարյուր մանեթով երջանիկ ապրողը էլ չկարողացավ հազար մանեթով ապրել: Մի նոր տեսակ գոյության կռիվ սկսվեց, անմիտները հանկարծ սատանայացան, խելոքները խորամանկացան, ազնիվները խարդախացան, հավատարմությունը կորավ, սերը սառավ, սեփականությունը ձեռքից ձեռք անցավ, և այլն այսպես:

Այս փոփոխությունների մասին զգալի հասկացողություն չունենր Սմբատը:

Գտնվելով միշտ մանկահասակ երեխաների շրջանի մեջ, իրան նվիրած լինելով բարոյական դաստիարակության, իդեալիստ լինելով, միևնույն ժամանակ ինքն էլ մի իդեալ էր իր աշակերտների համար և դրա մեջ էր գտնում իր մխիթարությունն ու սփոփանքը: Գործ չունենր հասարակության հետ, ոչ առուտուր, ոչ «հախ ու հեսար» և ինչ պակասություն որ նշմարում էր, հին վարժապետների պես անկրթության էր վերագրում, մինչդեռ տեսածը հակակրթության արդյունք էր և ո՛չ անկրթության:

Բայց ահա այժմ Սմբատն էլ է մասնակցել գոյության կռիվին, եղբայրաբաժին է ուզում, ուզում է ապահովել իր ծերության օրերը, իր որդոց վիճակը, և, ո՛վ դարմանք, եղբայրը եղբորն ուրանում է, չի ուզում նրան բաժին տալ: Այս բանը կյանքի հանգամանքների սովոր մի մարդու վրա առանձին տպավորություն չէր գործիլ: Ի՞նչ կա, կասեր, թող չտա, ես կառնեմ դատաստանով: Բայց այդպես չի մտածում Սմբատը: Նա դեռ պետք է երկար ժամանակ զարմանա, այդ բանն իր սրտի համար ցավ շինե, դեռ պետք է այդ խնդիրը լուծե հոգեբանական տեսակետից, պետք է իմանա, թե ի՞նչ է դրա պատճառը, ի՞նչպես կարելի է, որ եղբայրը բաժին չտա:

«Ուրեմն այսպես բան կա մեր կյանքումը,— ասում է նա,— ուրեմն պետք է որ շատ շատերը գտնվին իմ վիճակումը, ուրեմն մի բարոյական ցավ է այս և պետք է դարման տանել»: Լսում է, որ շատ եղբայրներ բաժանության առիթով իրար կոտորել են և անպատիժ մնացել: Նրա սիրտն սկսում է ահ ընկնիլ: «Մի՞ գուցե ինձ էլ սպանեն. բայց ավելի լավ չի՞ լինի, որ ես ինքս սպանեմ ինձ:

Բայց կի՛նս, երեխե՛քս. ի՛նչ առաքինություն կլինի իմ արածը, ո՛վ կպաշտպանե իմ դատը»...

Մինչդեռ Սմբատն այս մտածմունքի մեջ էր, ներս մտավ Մարպողոսը, նրա հետ և Ավագն ու մյուս եղբայրները:

Սմբատն իսկույն իմացավ, թե ինչո՞ւ համար կլինի եկած Մարպողոսը. տխուր բարևելուց հետո լուռ ու մունջ սպասեց մինչև նրա խոսիլը, ինչպես մի սգավոր, որ գլուխը քաշ գցած սպասում է, թե ինչ մխիթարական կխոսի տեսություն եկած հյուրը:

Մարպողոսը երկար սպասեցնել շտվավ: Հենց որ թեյի բաժակը վերցրեց դրավ առջևը, իսկույն հանեց բռնոթամանը և դեռ բաց չարած՝ սկսեց իր ճառը:

— Սմբատ, ո՛րդի, քեզ խրատ չի հարկավոր, ուրիշներին էլ դու ես խրատում: Ծս հույս ունեի, որ եթե քո մյուս եղբայրներդ բաժանության մասին մտածեին, դու արգելք կլինեիր, իսկ հիմա իմանում եմ, որ դու ինքդ ես առաջարկում բաժանություն: Այդ լավ բան չէ, որդի. բաժանությունը մի շարիք է, որից պետք է միշտ փախուստ տալ: Զուր չի ասված Ավետարանում, թե՛ «Ամենայն տուն բաժանյալ՝ ավերի»:

— Իհարկե սուտ չի ասված,— ընդհատեց Մարպողոսին Սմբատը:— Միայն այնպես չի ասված, ինչպես դուք եք ասում, և ոչ այն մտքով է ասված, ինչպես դուք եք հասկանում. Ասված է. «Ամենայն տուն բաժանյալ հանձն՝ ավերի»: Սրանով ուզում է ասել՝ ամեն տուն, որի անդամների մեջ միություն չկա, կքանդվի: Սրանից էլ ուղիղ հետևում է այն, որ տուն ասածդ պետք է այնպես լինի կաղամած, որ նրա անդամների մեջ միություն լինի: Արդ՝ այս նպատակին կհասնվի բաժանությամբ: Բաժանությամբ մի տանից, որի անդամների մեջ միություն չկա, կկազմվին առանձին-առանձին տներ, որոնց անդամների մեջ միություն կլինի: Եթե երկու տեղականներից տան անելիքը մեկմեկու վրա են՝ գցում, ու գործը մնում է անկատար, ինչ ասել կուզի, որ եթե նրանք ջոկ-ջոկ լինեն, այդպես վարվելու ոչ հնար կունենան և ոչ տեղիք. այսպես էլ եղբայրները: Ադամն էլ մի ժամանակ դրախտումն էր, բայց այնտեղից արտաքուսվեցավ և իր քրտինքով ապրելու դատապարտվեցավ: Գուցե մեր ընտանիքն էլ մի ժամանակ դրախտ է եղել, բայց այժմ չէ: Այն սերը, որ պիտի կապեր ընտանիքի բոլոր անդամներին մի շղթայով՝ արտաքսված է, ինչպես Ադամը դրախտից: Հայրը ինչպես իր չափահաս աղջկանը բաժին տալով՝ ճանապարհ է դնում, այնպես պետք

է վարժի և շափահաս տղայի վերաբերութեամբ: Չափահաս տղան պետք է հորից բաժանվի և ընդ ընտանիք կազմե: Եվ այս ընդդեմ չի լինիլ ամենևին ս. Գրքին, ուր պարզ ասված է. «Թողցն այր զհայր յուր և զմայր յուր և երթիցն զհետ կնոջ յուր»...:

— Սպասիր, Սմբատ,— խոսքը կտրեց Մարտիրոսը,— հիմա էլ ես պիտի ասեմ քեզ, որ ս. Գրքի խոսքն այդ չի նշանակում, ինչպես դու ես հասկանում: Քո ասածդ ընդդեմ է նույնիսկ աստվածային այն պատգամին, որ ասում է՝ «Պատվիր քո հարն ու մորը»:

— Շատ հեռու գնացիք: Ես ս. Գիրքը շատ ուղիղ եմ հասկանում, և կարոտ չեմ համարում սքոլաստիկական մեկնություն: Անբարոյական մարդը իր հորն ու մորը կանպատկի անբաժան ժամանակն էլ, և ընդհակառակը՝ բարոյական մարդը մեծ պատվով կմեծարե նրանց և բաժանված ժամանակը: Ասացեք խնդրեմ՝ ո՞րն եք լավ համարում դուք. երբ և՛ հայրն է ազատ ու անկախ և՛ որդին, թե՛ կամ որդին է հոր հպատակը և կամ հայրը սքոլոս: Քանի՞ օրինակ կուզես, որ այս րուպեիս ցույց տամ քեզ, օրինակ, որ որդին լավ է լինի ծերունի հորից ամենայն իրավունք, զրկած լինի նրան ժամոց տալուց, աղքատի ողորմելուց. ծերունին ամաշում է ձեռը դատարկ ժամ գնալ, վախում է մի աղքատի կանչել և հաց տալ: Որդին վայելում է հոր թողած մուլքերը, կարողությունը և նրան ծերության ժամանակ պահում է հետին թշվառության մեջ, ցնցոտիների և կեղտի մեջ: Ահա քեզ անբաժան որդի: Այսպես են վարվում և մայրերի վերաբերությամբ: Ուրեմն, հայրը հեռացնելով՝ նրան հնար է տալիս վաղօրոք իր գլխի հոգսը քաշելու համար իր ազդրուստն ապահովելու, միևնույն ժամանակ ինքն էլ է անկախություն ձեռք բերում, ինքն էլ է լինում իր ունեցածի տերը և մինչև իր մահը ուրիշի ձեռքի չի մտիկ տալիս:

— Սպասիր, եղբայր, ես էլ ունիմ բան ասելու,— ասաց Տիգրանը:— Մարտիրոս քիճան, ինչպես և գրա գաղափարի բոլոր մարդիկը առարկաները գլխավայր են տեսնում, գլխավայր էլ դատողություն են տալիս նրանց մասին: Դրանց ուղեղն ընդունակ չէ առարկաների տպավորությունը հակաշրջելու, ըստ սրում, ինչպես ասում էր իմ ֆիզիկայի վարժապետը, իրավ որ առարկաները քարս են տպավորվում մեր թե՛ աչքի և թե՛ ուղեղի վրա, և շատ քշերին է տված վերացական առարկաները հակաշրջելու և ուղիղ ըմբռնելու ընդունակությունը:

— Լավ, ի՞նչ ես ուզում ասել, դու ասելիքդ ասա. ի՞նչ քո խել-

քի բանն է ֆիզիկան,— ասաց Արշակը, որ միշտ դեպք էր փնտրում ծաղրելու իր փոքր եղբորը:

— Այն եմ ուզում ասել,— շարունակեց Տիգրանը,— որ Մարտիրոս քիճան նույն ժամանակներիցն է խոսում, բայց ինչպես երեւում է, այնքան էլ հմուտ չէ պատմություն: Մեր պատմության ուսուցիչն ասում էր, որ մեր աշխարհը լցված էր բաժանություն: Օրինակ, Հայկը Կաղմոսին թողնում է Ասորեստանի սահմանում, Արմենակին ուղարկում է Վրաստանի սահմանը, նրանք էլ իրանց որդոցն են ուղարկում այս ու այն կողմ, ինչպես Սիսակին՝ Սյունիք և Աղվանք, Շարային՝ Երրակ և մյուսներին էլ այսպես: Այսպես էին և Արշակունիք. մեկին իրանց մոտ էին պահում, մյուսներին դեռ ու դեռ ցրվում:

— Լավ, լավ,— ասաց Արշակը,— մենք չենք կարող առասպելական դարերում եղածը մեզ օրինակ առնել: Բաժանությունը գուցե և մի շարիք է, բայց այդ շարիքն այժմ անհրաժեշտ է: Հին ժամանակ եթե բաժանվել են, գուցե ուրիշ պատճառ են ունեցել, բայց տնտեսական տեսակետից նրանք հնար ունեին և չբաժանվելու, մինչդեռ այդ հնարը մենք այսօր չունինք: Հնար չունինք, որովհետև հող չունինք: Այսօր ահա մենք շորս եղբայր հնք և պետք է բավականանանք այնքանով, որքան մեր հայրը մեկնակ է ունեցել, իսկ նա էլ իր հոր ունեցածի երրորդ մասն է ունեցել, ինչպես մեր որդիքը պետք է մեր ամեն մեկիս ունեցածի չորրորդ մասն ունենան: Այնպես որ, եթե՛ պապն ունեցել է 20 օրավար հող, թո՛ղն ունենում է առ առավելն մի օրավար, բայց մեծ մասամբ այդ էլ չի ունենում: Ի՞նչ անի հիմա խեղճ թո՛ղը: Ես ճարահատյալ կերթա կամ մշակության կամ արդեատի, մյուս եղբայրներն էլ մի ուրիշ բանի: Այս է պատճառը, որ մեզանում հետզհետե շատանում է գյուղական «եկվորների» թիվը և մյուս կողմից՝ պանդխտությունը և պարապմունքի զանազանությունը: Քանի որ երկու եղբայր միեկնույն գործով չեն պարապած, ի՞նչ միտք ունի նրանց միասին ապրել: Քանի որ մեր կյանքի հանգամանքները եկել հասել են այս կետին, մեր ընտանեկան կյանքն էլ պետք է հարմարեցնենք այդ հանգամանքին: Սրա համար ես մի լավ օրինակ գիտեմ: Մեր քթի տակ եղած գերմանացիները գաղթականներ են: Ինչ ասել կուզի, որ հողի պակասությունն է ստիպել դրանց գաղթելու, ուրեմն և դրանք մեզանից լավ գիտեն հողի արժեքը. և տեսեք ինչ են անում: Դրանց մեջ հորական բաժին հողը ժառանգաբար անցնում է անդրանիկ

որդուն, իսկ մյուս որդիքը հողի փոխարեն փող են ստանում: Այս իսկ պատճառով միայն անդրանիկ որդին է լինում հոր օգնականը, իսկ մյուսներին տալիս են արհեստի: Սրա հետևանքը լինում է այն, որ ոչ մի պարապ և անգործ ձեռք չի լինում նրանցում, և երկրորդ էլ այն, որ փող ստացող եղբայրներն իրենց համար նոր հող են առնում: Այսպիսով այս մարդիկը տարեց-տարի նոր և նոր հողեր են գնում: Այսօր Եկատերինենֆելդը, որ երկու հարյուր տուն հազիվ կլինի, այնքան հող ունի, որի տասներորդի չափ հող չունի մոտ ութ հարյուր տուն ունեցող Շուլավերը: Մենք հայերս և թուրք ու վրացիք նրանց պես չենք աճում, չենք ճոխանում. ինչո՞ւ, որովհետև չունինք նրանց նման ընտանեկան կազմակերպություն, նրանց նման ընտանեկան կարգ ու կանոն, մենք բավականանալով մեր պապերի ունեցածով՝ նրա վրա թուխս ենք նստում, ձագ հանում, բայց բավականին սնունդ չունենալով՝ ոչնչանում ենք, սկսում ենք միմյանց միս ուտել, միմյանց հարստահարել, միմյանց կողոպտել: Ուրեմն ուղիղն ասաց մեծ եղբայրս, թե բաժանությունը պետք է ամուսնության պես մի սուրբ օրենք լինի, այլապես ամուսնության համար ասված օրհնությունը, թե՛ «Աճեցեք և բազմացարուք և լցեք զերկիր», կատարումն չի ստանալ:

— Ի՛նչ ասեմ, ամենքդ էլ ինձանից լավ եք իմանում գիրն էլ, գրի զորութունն էլ,— ասաց Մարպողոսը.— բայց դե, նեմեցը նեմեց է, հայը՝ հայ: Մենք մեր սուրբ հավատքը թողնենք գնանք նեմեց դառնա՞նք:

— Չեմ ասո՞ւմ, որ սրանց ուղեղը ամենայն բան թարս է ըմբռնում,— ասաց Տիգրանը:— Լսեցե՛ք, բիձա Մարպողոս, մի՞թե օրինավոր կարգ ու կանոնը հայկական կրոնին ընդդեմ է: Ես էլ եմ երբեմն կարծում, որ եթե չկա, երևի ընդդեմ է, բայց մեկ էլ ինձ ու ինձ միտք եմ անում, տեսնում եմ, որ մեղավորը մեր հիմարությունն է միայն, որ գիտենք թե ինչն է լավ և չենք անում: Մի՞թե վատ բաներ են ընկերական ոգին, հասարակական ոգին, համայնական ոգին: Ահա թե ինչով պետք է միացած լինին հասարակության բոլոր անդամները: Ամենքս պետք է եղբայր լինինք, և ոչ թե միայն մի հորից ու մորից ծնվածները: Իսկ այդ կարելի է ձեռք բերել միայն և միայն բաժանությամբ: Նախ, իմ բաժինն ինձ, քոնը՝ քեզ, հետո համեցեք ընկեր դառնանք, եթե կամենում ես:

— Լսիր, եղբայր,— ասաց Սմբատը,— սրանք որ թե չեն հասկանում մեր ասածը, այլ չեն ուզում հասկանալ, որովհետև իրանց

համար օգտակար չեն համարում: Եղբայրս ոչ թե բաժանության է հակառակ, այլ մեր բաժին ստանալուն: Սա շատ ուրախ կլինի, որ մենք ինչ ունինք, չունինք իրան տանք և ինքներս դատարկ ձեռքով դուրս գանք: Այնպես չէ՞, եղբայր, ուղի՞ղն ասա:

— Ես ոչինչ չունիմ ասելու,— պատասխանեց Ավագը.— ե՛ս ոչ ձեր չափ ուսում ունիմ, ոչ ձեզ նման ճարտար լեզու, ուրեմն դուք ձեր բաժինն արդեն ստացել եք, էլ ի՛նչ եք ուզում ինձանից:

— Ուրեմն, քո կարծիքով՝ ով որ ուսում չունի, պետք է հաց ունենա, իսկ ով որ ուսում ունի, պետք է քաղցած զկուտա: Այսօր իմ ուսումն էլ ինձ հաց չի տալիս, իսկ քանի որ տալիս էր, ես իմ հացը կիսում էի քեզ հետ: Ես քեզանից ոչինչ չեմ ուզում, այլ այն եմ ուզում, ինչ որ մնացել է մեր հորից:

— Մեր հայրը ոչինչ չի թողել, ինչ որ տեսնում եք, բոլորն էլ իմ աշխատանքն է: Ես վկաներ ունիմ, որոնցից մեկն էլ ահա Մարպողոսն է:

— Ա՛յ, նոր բան,— բացականչեց Սմբատը:— Ասա ինձ, Մարպողոս, ինչո՞վ ես հաստատում դու, որ մեր տուն ու տեղը, մեր շարժականն ու անշարժը մեր հոր թողածը չէ:

— Նրանով եմ հաստատում, որ հայրդ մեծ պարտք է թողել, և եղբայրդ է վճարել այդ պարտքը:

— Անաո՞նձ,— բացականչեց Տիգրանը,— տեսեք ինչե՛ր են հնարել...

— Չայնդ կտրիր, անպիտան, քեզ ո՞վ է խոսեցնում,— բղավեց Ավագը:

— Մարպողոս, հեռացի՛ր այստեղից,— ասաց Արշակը.— դու արյուն ես ուզում գցել մեր տունը, ով գիտե ի՛նչ ոխ ունիս հանելու:

— Մարպողոսն իմ հյուրն է. և այս տունն էլ իմն է. ո՞վ ունի իրավունք այստեղ հրամայելու: Դուրս եկեք ինքներդ, անպիտաններ,— ասաց Ավագը և ձեռքը տարավ դեպի խանչալը:

Տիգրանը, որ ամենից ուժեղն էր, վրա ընկավ եղբոր խանչալին, և դարթու տալով՝ պոկեց խանչալը քամարի հետ միասին և նրան զինաթափ արավ: Ավագն սկսեց օգնություն կանչել բղավելով. «Հա՛յ, հասեք, ինձ սպանում են»:

Սմբատը մնացել էր տեղն ու տեղը սառած. չգիտեր ինչ աներ: Բայց Ավագը մի կողմից օգնություն էր կանչում, մյուս կողմից երկու եղբայրներին հարվածներ տալիս: Նրանք էլ առանց զարկե-

լու ոտ ու գլխից բռնեցին և դուրս շարժեցին: Գուրա արին և Մար-
պողոսին և դուռը կողպեցին: Մարպողոսը փախավ. իսկ Ավագն
սկսեց դրսից ապակիները կոտրատել և բոլոր դրացիներին իր
գլխին հավաքել: Գտնվեցին շարերի մեջ և բարի մարդիկ, որոնք
հեռացրին Ավագին, որ դուռը կտրած և կացինը ձեռքին՝ սպա-
սում էր, որ դուրս եկողի գլուխը ջախջախե: Հավաքվածներին շա-
տերը երբ լսեցին, թե ոչ ոքի վնաս չի եղել, շատ տխրեցին:

5

ՄԻՋՆԱԴԵՊ

Ամառն էր: Քե՛ ուսուցիչ, թե՛ ուսանող ամառային արձակուրդ
էին ստացել: Նոանցից օտարության մեջ եղողները վերադարձել
էին իրենց ծննդարանը: Բավականաչափ զարգացածները՝ թափա-
ռելով հով ու զով տեղերում, ուսումնասիրում էին բնության կյանքի
երևույթները, հետազոտում էին անցած-գնացած ժամանակների
մնացորդները, պատմական տեղերի և շենքերի բեկորներն ու
նշմարները:

Շատերն իրանց ծննդարանի և պատած տեղերի վերաբերու-
թյամբ պատմական տեղեկություն չունեին, որովհետև պատմու-
թյունը շատ անցքերի տեղեր որոշակի հայտնած չէր, նոր հետա-
զոտություն և ստուգություն էլ եղած չէր:

Քաջենք գյուղաքաղաքի տեղագրության մասին ևս պատմական
տեղեկություն չունեին ոչ միայն տեղացի գրագետներն ու անգրա-
գետներն, այլև ոչ նույն ինքը Սմբատը, որ մեր վարժապետների
մեջ պատմության հմուտներից մեկն էր համարվում: Իր ծննդա-
վայրի պատմության երեսին քաջած խավար վարագույրը, համար-
յա դիպվածաբար, նրա առջև ետ քաշեց իր վաղեմի աշակերտակից
և մտերիմ ընկեր Արմենակ Ազատյանը, որ շատերի պես նա էլ էր
ըրջում գյուղեգյուղ և պատմական հնություններն ու ժողովրդի
ներքին կյանքն ուսումնասիրում:

Արմենակը մոտ քառասուն տարեկան, բարձրահասակ, թխ-

միրուք, բարձրաճակատ, կրակոտ ու խոշոր աչքերով ու համակրելի
նայվածքով մի անձնավորություն էր: Իդեալիստ էր Սմբատի նման,
բայց նրանից էլ դեռ վառ երևակայության տեր էր և ավելի շատ
ոգևորվող ու հափշտակվող: Բարի և սիրող սիրտ ունենալով, շա-
րությունն ու ատելությունը նրա համար մահացու ցավեր էին,
որոնցից միշտ փախս էր տալիս: Արմենակի գալուստը Սմբատի
մոտ, նրա հոգեպես հուզված ժամանակ, մեծ սփոփանք և ուրա-
խություն պատճառեց նրան: Նրա պատվի համար կովող եղբայր-
ները զինադադար տվին, և նա Սմբատի մոտ մնաց մինչև մի շա-
բաթ: Այդ օրերը նրանք զանազան զբոսանքների և արշավանքնե-
րի նվիրեցին, և Արմենակը, Սմբատի ուղեկցությամբ, հնար ունեցավ
մի ամբողջ գավառի նշանավոր հնություններն ուսումնասիրելու և գրի
առնելու: Այս զբոսանքների ժամանակ հոգեպես կազդուրվում
էր և Սմբատը, և նրա գրգռված նյարդերը հանգիստ էին առնում: Նա
չէր կարող թաքցնել իր մտերիմ ընկերից և բարեկամից իր ընտա-
նեկան խճճված հանգամանքները: Այս խնդրի վերաբերությամբ ևս
ընկերոջ կարեկցությունը վաստակելով՝ այնպես մխիթարվեց, որ
համարեց թե իր եղբայրաբաժինն արդեն ստացել է ամենայն քաղց-
րությամբ:

Երեկոյան դեմ պատշգամբի վրա նստած թեյ էին խմում: Ար-
մենակը դեռ այն օրն էր եկել: Հափշտակվելով գյուղի նկարչական
դիրքից և շատ հավանելով Սմբատենց հռահարկ քարաշեն տունը,
որ իր բարձր դիրքով իշխում էր ամբողջ գյուղի վրա, հարցրեց.

— Սմբա՛տ, չգիտե՞ս, արդյոք այս շինության ժամանակ, սրա
հիմքը փորելիս՝ որևէ հնության հետք գտնված չէ՞:

— Ինչո՞ւ համար ես հարցնում,— ասաց Սմբատը:

— Նրա համար եմ հարցնում, որ իմ նկատողությամբ և երևա-
կայությամբ այստեղ պիտի լինի եղած կամ սրա մոտակայքում
Աշուշա բղեշխի պալատը:

Սմբատը փոխանակ իսկույն պատասխանելու, գույն առավ ու
գույն տվավ և ասելիքը կոկորդումը մնաց: Նա մի կեղծ հազով իր
հուզմունքը զսպելով՝ պատասխանեց:

— Այս տանը հիմքը, ճշմարիտ որ, մի հին շենքի վրա է դրված:
Հայրս ասում էր, թե ինքը լսել է, որ այստեղ կուսպաշտ թագավորի
տուն է եղել: Մեզանում հնության հետքեր շատ կան, որոնք մինչև
այսօր չեն հետազոտված: Քո ասելուց դուրս է գալիս, որ ուրեմն
պե՞տք է այստեղ լինի եղած հին Յուրտավը:

— Անկասկած, այստեղ էր Աշուշա բղբղիւր, Վահան Մամիկոնյանի մորաքրոջ մարդը:

— Գիտե՛մ, գիտե՛մ, նա, որ պարսից Հազկերտից խնդրեց ազատել Վահանին և նրա եղբայրներին—Վասակին և Արտաշեսին, որոնք գերի էին այնտեղ և բերավ այստեղ իր մոտ պահեց:

— Այո՛, և երբ Հազկերտը նրա խնդիրքը կատարեց, Աշուշան փոխանակ սովորական երկրպագութիւն տալու, գլուխը գետնին դարկեց թագավորի առջև:

— Այդպես է: Թագավորն էլ ասաց.— Իշխան, այդ ի՞նչ անսովոր երկրպագութիւն է, որ անում ես:

— Ճշմարիտ է,— Աշուշան էլ պատասխանեց.— որովհետև դու անսովոր ողորմութիւն ցույց տվիր, պետք է որ ևս էլ անսովոր շնորհակալութիւն ցույց տամ...

— Շատ խելոք մարդ է եղել Աշուշան, Արմենակ:

— Եվ շա՛տ հեռատես: Միայն նա կարողացավ կոտրել Վարդանի համառութիւնը, ասելով, մի՞թե դու ավելի լավ քրիստոնյա ես, քան թե Պողոս առաքյալը, որ ասում էր. «Ուխտյուք խնդրեի ես ինքնին նդով լինել վասն փրկութեան եղբարց իմոց և ազգականաց ըստ մարմնոյ»: Սրա վրա նոր խելքի հկավ Վարդանը, և ինչ էլ որ հետո արավ, առանց Աշուշայի թելադրութեանը չէր:

— Ուրեմն Վահանն իր պատանեկութեան օրերն այստեղ անցնացրեց, մեր այս կախարդական սարերումն ու ձորերումը:

— Այո՛, այս ձորերումը շատ նշանավոր մարդիկ են կրթվել: Այստեղի օդն ու ջուրն է սնուցել և Սպասալարներին, Արղությաններին և Լոռու մելիքներին: Բայց դրանցից և ամեն հայից մեծն է եղել այստեղ մի ժամանակ, դեռ շորրորդ դարու վերջերում... կարո՞ղ ես իմանալ, ո՞վ կլինեիր այդ ամենամեծ հայը:

— Դու ինձ հանելուկ ես առաջարկում, Արմենակ: Քո ասած ժամանակ ամենամեծ հայը մեծ Սահակն էր. բայց նա դժվար թե այստեղ եղած լինի:

— Ո՛չ, ո՛չ, նրանից էլ բարձր:

— Չլինի՞ թե Մեսրոպին ես ասում. բայց մի՞թե նա մեծ է Սահակից:

— Իշխանութեամբ և դիրքով իհարկե ոչ. բայց հանճարով նմանը չի ծնված մեր աշխարհում մեծ քան զՄեսրոպ: Նա այստեղ հղացավ հայոց համար գրեթե գունելու միտքը, Վրաց և Աղվանից

գրեթե էլ այստեղ հնարեց և իրանց տվավ: Այստեղ են և նշանավոր հայ կանայք: Իմացի՛ր, ովքե՛ր էին:

— Նշանավոր էր Վահանի մայր Զվիկը, որ Ղազարի ասելով՝ հայ կանանց մեջ ամենից առաքինին և հանճարեղն էր: Նա այստեղ իր քրոջ մոտն էր, բղբղի կնոջ, երբ իր որդիքը դեռ գերի էին Պարսկաստան: Այստեղ կարոտակեզ մայրը գզվեց իր որդոցը, արժանացավ նրանց տեսութեանը և այստեղ կրթեց նրանց այն հոգովով, որ հետո արտափայլեց Վահանի հերոսական քաջութիւնների մեջ:

— Այդ ճշմարիտ է. գտիր և մյուս կինը, որ ընդմիջտ պիտի մնա իբրև օրինակ առաքինի հայ կնոջ. նա՛ որ իր հայրենի սուրբ կրոնին հավատարիմ մնալը վեր դասեց թագուհու թագից և ծիրանուց:

— Ասածդ պարզ է, Արմենակ, Շուշանիկի համար ես խոսում, բայց մի՞թե Յուրտավումն էր նա և ոչ Մցխեթ կամ Տփլիս:

— Այստեղ է հարսնացել և այստեղ նահատակվել նա: Ես ծանոթ չեմ ձեր ձորերին, բայց եթե ուղիղ է հավաքած տեղեկութիւններս, մեր դիմացի ձորում շատ հնուց մնացած մի բերդ պետք է լինի, ահա այնտեղ է եղել կալանավորված Շուշանիկը:

Մաքառ տեսնելով, որ ուղիղ է ընկերոջ նկատողութիւնը բերդի մասին, մնաց վեր քաշվածի պես: Նրա երևակայութիւնը թռավ դեպի հին անցյալը: Մտաբերելով, որ Մամիկոնյան ցեղից դեռ մի մնացորդ կա իրանց ձորերում, և տեսնելով, որ մի այդպիսի պատմական նշանավոր հողի վրա է ծնունդ ու սնունդ առել, այն օդն է ծծել, որ Վահանն է ծծել մի ժամանակ, այն հողի վրա է ման եկել, որին դիպել է Մեսրոպի ոտքերը և ողողվել Շուշանիկի արցունքով,— ինքն իր աչքում մի քանի կանգուն բարձրացավ և սաստիկ հուզված ու աչքերը ջրակալած բացականչեց.

— Արմենակ, դու ինձ գժվեցնում ես բոլորովին: Ես՛ էլ ես չեմ ուրեմն, այլ բոլորովին մի ուրիշ բան: Գիտե՞ս արդո՞ք, թե որքա՞ն մեծ է մարդու երևակայութեան ազդեցութիւնը նրա ամբողջ բնութեան վրա:

— Իսկ դու գիտե՞ս մի՞թե,— ասաց Արմենակը իր փնտրած մարդին գտնողի պես ուրախ ժպտով:— Ես հենց կարծում էի, թե միայն ես գիտեմ այդ բանը և դեռ չեմ պատահած մեկին, որ մարդու ոգեկան աշխարհին որևէ նշանակութիւն տար: Մեր նյութապաշտական ժամանակում իրական աշխարհից դուրս ոչինչ չեն ընդունում:

— Օ՛ր... և որքա՛ն սխալվում են: Ի՞նչ է ուրեմն միտքը: Կարո՞ղ ենք ասել, թե միտք չունինք, մտածելու շնորհք չունինք, գուրկ ենք հիշողութունից, երևակայութունից, ո՛չ տխրում ենք, ոչ ուրախանում, ո՛չ արտասվում ենք և ոչ ծիծաղում, ո՛չ սիրում ենք և ոչ փնտրում, չունինք ո՛չ հավատալ և ոչ հուսալ, և ուրիշ ո՞ր մեկն ասեմ: Իսկ այս բոլորը միասին առած ի՞նչ աշխարհ է: Եվ որքան գաղտնիքներ և ծածուկներ կան այս ոգեկան աշխարհում, որ եթե իրական աշխարհի շափ ուսումնասիրվեր, ով գիտե, թե ոգեկան ցերմութուն, լույս, էլեկտրականություն, մագնիսականություն և ուրիշ մեզ անհայտ գորություններ ևս չգտնվեին:

— Ես հավատացած եմ, որ այդպես էլ կլինի: Հին պեթրմիան, աստղաբաշխությունը և ուրիշ շատ ցնորական բաներ վերջ ի վերջո դիտություն դառան, ինչպես որ կոսպաշտությունը՝ աստվածապաշտություն: Ինչ ասել կուզի, որ մեր փալլիները ու ջագոթյարների արարքներն էլ հետագոտելով՝ ժամանակին դիտության կերպարանք կառնեն:

— Ինչ կուզես ասա, ամեն հրաշքի հավատում եմ, թեև բացատրել չեմ կարող: Այսքանը միայն գիտեմ, որ ոգին ոգիով է ոգիանում, և հրաշքը հրաշքով կատարվում: Ինչպես որ ֆիզիկական երևույթների մեջ մի անմիջական կապ կա, սլաունառ և հետևանք: Բոփոխակի հաջորդում են իրար, ճիշտ այսպես էլ ոգեկան երևույթներն են իրար կապակից:

— Շատ ուղիղ է նկատողությունդ, Սմբատ. ճշմարիտ որ՝ ոգի՛ ոգով է ոգիանում, և հրաշքը հրաշքով կատարվում: Գտի՞ր, օրինակ, մի ընկեցիկ, որ հրաշքով լինի մարդկային հասարակությունից, կորած, մոլորած, ընկճված, — հավատացրու նրան, որ նա հարազատ զավակն ու ժառանգն է Դավիթ մարգարեի, նա կերևակայի ինքն իրան մի արքայազն...

— Անշո՛ւշտ... Եվ ի՞նչ հրաշքներ, ի՞նչ քաջություն ասես, որ նա չգործե իր ժառանգությունը ձեռք բերելու համար: Եվ եթե չհասնի էլ իր նպատակին, այսուամենայնիվ ահագին ակոս կծբե մարդկային պատմության մեջ: Շեքսպիրը, այդ մարդկային հոգու խոր թափանցող մարդը, զուր չէ իր Մակբեթի ձգտման առիթը պառավ կախարհունիների նախագուշակությանը վերագրում: Եվ քանի՞ քանիսներն են եղել պատմության մեջ այսպիսիք: Ուրեմն մի նախագուշակություն մարդու հոգուն և՛ կենդանությունն է ապրիս, և՛

մահ: Ես չեմ կարողանում ինձ երևակայել այնպիսի ոգեկան ազգեցություններից ազատ մարդ:

— Ես է՛լ չեմ կարող: Մի՞թե կարելի է, որ մարդ իր սովերի մյուս կողմը ցատկե: Մարդու մարմինը հոգու անբաժան ստվերն է: Մարմնի բոլոր ձևափոխությունները հոգու շարժումների ստվերներն են: Ինչպես որ մարմնի վրա եղած արտաքին ներգործությունն էլ ազդում է մարմնի վրա, այսինքն նրա գործողությունների, նրա լավ կամ վատ արարքների վրա:

— Բայց իմ միտքն այդ չէր, Արմենակ, ես ուզեցա ասել, որ ինչ մարդ ուզում է թող լինի, նրան կարելի է ոգի տալ, ոգևորել, հուսահատության հասցնել, ինքնապատվությունը մեռցնել, հույս ու հավատ ներշնչել նրա մեջ, ուժ ու աշխույժ տալ նրա գործունեությանը, և սրա հակառակ՝ նրա սիրտը կտորել, մի խոսքով՝ կարելի է և՛ կյանք և՛ մահ տալ նրան: Եվ գիտե՞ս ինչու համար եմ ասում այս: Քո մի փոքրիկ նկատողությունդ, թե այստեղ են եղել Աշուշան, Մեսրոպը, Վահանի մայրն իր որդոց հետ, գուցե Ղազար Փարպեցին էլ նրանց հետ, Շուշանիկի նահատակությունը, — այդ բոլորը ինձ վրա այնպես ազդեցին, ինչպես կազդեին մի դյուրազգաց աշակերտի վրա: Արանից գալիս եմ ես այն եզրակացություն, որ գրական կրթությունը մեզանում ծուռ ճանապարհով է գնում: Նրա նպատակն է որպես թե ժողովրդին ինքնաճանաչության բերել, բայց այդ ինքնաճանաչությունը պետք է լինի լավ կողմից:

— Իհարկե. վա՛յ այն մարդին, որ ինքն իրան վատ կողմից է ճանաչում:

— Ահա՛, հենց այդ էի ուզում ասել: Ինքնաճանաչությունը կրթության գործում պետք է լինի լավ կողմից: Ում ուզում է լինի, ազգի թե անհատի, որքան վատարանես, այնքան կվատանա: Լավ դաստիարակը երեխայի աննշան վատ հատկությունները շտեմելու կզնն և նրան վերացնելու համար կգրգռե նրա լավ հատկությունները, որոնք զորանալով՝ կհեղզեն վատ հատկություններին. մինչդեռ եթե վատի վրա զարձեն ուշադրությունդ, միշտ վատը երեսովը տաս, հանդիմանես, կշտամբես, ասել պե՛տք է, որ նա բոլորովին կփչանա:

— Նկատողությունդ շատ ուղիղ է և շատ կարևոր, որ գիտենար ամեն մի ծնող, ամեն մի դաստիարակ և ամեն մի գրող...

— Գու հիշում կ'իմիս իհարկե, թե ի՞նչ էինք կարգում մենք մեք աշակերտության ժամանակ. — շարունակեց Սմբատը ընկերոջ

հավանությունից խրախուսված և ոգևորված, — մենք կարողում էինք և՛ զգասեր, և՛ Բանասեր, և՛ Նղբալրասեր, և՛ Նորդորակ մանկանց, և՛ Որոգայթ Փառաց, և՛ Հրավիրակներ Արարատյան և Ավետյաց երկրի, և՛ Նահապետի և Կոմիտասի երկերը և սրանց նման բաներ: Ինչ ասել կուզի, որ դրանց ոգովն էլ զարգանում էինք: Բայց մեկ էլ հանկարծ գոռացին, թե այդ չէ՞ ինքնաճանաչության ուղիղ ճանապարհը և ընկան մի այլ բոլորովին դարիվայր տանող ճանապարհ և սկսեցին զխապատառ գլորվել դեպի ցած և ցած: Խոստովանում եմ, որ առաջին ճանապարհը շատ էր դարիվեր և դարիդուրս, բայց երկրորդն էլ շատ է զլիճվայր: Կրթության ճանապարհն իր ուղիղ շավիղն ունի, որով կարելի է դնալ անսայթաք, առանց վերսկզբայր թռչկոտելու:

— Նկատողությունդ շատ ուղիղ է, Սմբատ, բայց մի բան չպետք է մոռանալ երբեք: Ինքզ ասացիր, որ ինչպես ֆիզիկական աշխարհի երևույթների մեջ պատճառ և հետևանք կապակից են միմյանց, նույն օրինքը կա և ոգեկան աշխարհում: Շոգեշարժը գտնելուց առաջ մարդիկ օգուտ էին քաղում քամու ուժից, բայց միշտ սպասելով, թե ե՛րբ կփչի քամին և դեպի ո՞ր կողմ: Բարոյական կյանքի նավի համար շոգեշարժ չի գտնված. նա դեռևս այս ու այն կողմից փչած հողմերի ձեռքին մի խաղալիք է: Ինչպես որ կան մարմնական համաճարակ ցավեր, նույնպես կան և ոգեկան ցավեր, որոնք քամու պես տարածվում են ժողովրդի մեջ ո՛վ գիտե՞ որտեղից և ինչպես, և այս բանը կրկնվում է պարբերաբար:

— Այդ ես լավ չեմ հասկանում, Արմենակ. դու ինձ բոլորովին նոր բան ես ասում: Ինչպե՞ս թե համաճարակ ոգեկան ցավեր...

— Այդ այն ցավերն են, որոնց ազդեցության տակ զանազան հեղաշրջումներ են լինում կյանքի մեջ: Ի՞նչ է նշանակում, օրինակ, բարկանալ, բորբոքվել, մոլորվել, անտարբեր գտնվել, ոգևորվել, սիրահարվել, ատելություն զգալ, շահասեր դառնալ, անձնվիրություն ստանալ և այլն: Եվ այս ամենը միևնույն անհատի մեջ պատահում է թե ոչ: Ինչ հեղաշրջում որ լինում է մի անհատի ոգեկան աշխարհում, նույնը պատահում է և մի հասարակության, մի ազգի և մինչև անգամ ընդհանուր մարդկության մեջ: Տեսնում են՝ հանկարծ հասարակական կյանքն ընդարմանում է և ոչինչ կյանքի նշան չի ցույց տալիս, մեկ էլ հանկարծ կենդանություն է ստանում գարունքահան եղած անասունի պես: Հանկարծ վարակվում են այս և այն մոլութունովը և մեկ էլ սթափվում և զգում իրանց հանցանքը: Նոյի ժամանակ մարդիկ այնքան անբարոյականանում են,

որ պետք է լինում նրանց ջրհեղեղով ջնջել: Սողոմն այրվում է, որ մյուս շաղաքները չվարակվին նրանից: Ուրեմն կատաղության հասած բարոյական ցավեր կան, որոնք խուլերի և շումի նման երևում են պարբերաբար: Բոլոր ասպատակությունները, կոիվները, պատերազմները, կրոնական և քաղաքական հեղաշրջումները ուրիշ բան չեն, բայց թե համաճարակ ոգեկան ցավերի արդյունք, թեկուզ իրանց ծագումը մարմնականից լինին առած: Այս երևույթները կյանքի և գիտակցության արդյունքներ չեն, այլ ընդհանուր հոգեկան տրամադրության:

— Քո այդ տեսությունից դուրս է գալիս, որ ուրեմն կրթության և ուսման ազդեցությունից դուրս մեզ անհայտ ուժեր կան, որոնք կրթությունից ալելի են ազդում: Էլ ինչո՞ւ են մեզանից պահանջում, որ մենք բարոյակիրթ սերունդ պատրաստենք, երբ դաստիարակությունն անզոր է անբարոյական հոսանքների առաջն առնելու և բարոյական ցավերից պատսպարելու:

— Այդ պահանջի մեջ մեծ սխալ և խռոտ հակասություն կա: Այսօր այս են պահանջում, վաղը մի ուրիշ բան, նայած թե մարդկանց ճաշակն ու հասկացողությունը որպիսի կերպարանք է ստացել է: Դ՛ր ընդհանուր ցավի տրամադրության տակ է գտնվում: Եթե կրթության խնդիր չլիներ մեջտեղը, այլ միայն առողջության, մարմնի առողջության, այն ժամանակ առողջապահիկ հնարների կդիմեին, և ինչպես մի որևէ համաճարակ մարմնական ցավից ազատ մնալու համար մաքրում են տները, փողոցները, ուտելիքներն ու խմելիքները, այդպես կվարվեին և բոլոր այն առարկաների վերաբերությամբ, որոնց ապականությունից ապականվում է և կրթվող սերնդի հոգին ու միտքը: Բարոյակիրթ սերունդ պահանջող հասարակությունը կամ ազգը պետք է նախ ինքը մաքրվի իր բարոյական ախտերից, այլապես ինքն էլ չի հասկանում, թե ի՞նչ է պահանջում, այսինքն, իր պահանջած առարկայի մասին ուղիղ և առողջ գաղափար չունի, այլ սխալ, թույլ և հիվանդոտ:

— Ես հիմա հասկանում եմ քո ասածը: Նկատողությունդ ուղիղ է: Բայց ի՞նչ ես կարծում, քո հայտնած մտքով մի՞թե միայն դու ես վարակված: Եվ մի՞՞հե կարելի չէ այդ մտքով վարակել և ավելի շատերին: Երևի հասել է ժամանակը, որ հիմա ավելի խոր նայենք մեզ վրա, քննենք բարոյական հակումների օրենքները, որպեսզի կարողանանք նրանց ազդեցությունը հօգուտ մեր բա-

բոյակրթութիւնը գործ դնելու Ավելի լավ, որ ոգեկան հակումները համաճարակ են և վարակիչ:

— Բանն էլ գործադրութիւնն է հենց, որ շատ դժվար է Ծնթադրենք, թե դու մի վիպասան ես, ի՞նչ ուղղութիւնով կգրես, որ ընթերցողներդ բարոյակրթվին:

— Դժվար հարց ես առաջարկում: Ես վիպասան չեմ և չգիտեմ մինչև անգամ, թե ինչպես են թիվում մեզանում վեպերը:

— Իսկ ես գիտեմ, այդ ցավիցը մի քիչ իմ մեջ կա: Վիպասան է եղել գրողը, թե հրապարակախոս կամ բանաստեղծ, ամենքն էլ միևնույն ընդհանուր տրամադրութիւն տակ են գտնվում. Ընդհանուր տրամադրութիւնը մի գործը հոսանք է, մի քամի, որ ով գիտե՞ որակից է փչել. ահա այդ հոսանքովն են վաղում ամենքն էլ, և վաղողներից ով որ ամենի առջևն է, նա ասվում է հառաջագիւտ, ով որ հետինը՝ հետադիւտ. ով որ չի մասնակցում ընդհանուր արշավանքին, ասվում է հետամնաց: Բայց այդ քամին հանկուրծ կփչի հակառակ կողմից, և այն ժամանակ վաղողների դերերը կփոխվին, ինչ որ առաջ հետադիւտութիւնն էր, այն կլինի հառաջագիւտութիւն: Ուրեմն կուզես գրող եղիր, կուզես վարժապետ, ընդհանուր տրամադրութիւնն դեմ ոչինչ չես կարող անել, կարող ես միայն սպասել, որ քամին դեպի քո ուղած կողմը փչն:

— Հիմա ինչպե՞ս ես նկատում, քամին մեր ուղած կողմն է փչում, թե՞ հակառակ:

— Ես հիմա նկատում եմ, որ մեր գրականութիւնն մեջ տիրապետող բազմապիսի ուղղութիւնը ջուխտ ոտքով ճահճի մեջ է ընկել: Թերթում ես այս, թերթում ես այն և կարծում ես, թե մի մեծ հիվանդանոցի մօտ ես պատում, սենյակից սենյակ ես մտնում և նորանոր ցավագարների հանդիպում:

— Ո՞հ, հազիվ հասար իմ ուղած կետին: Ուրե՛մն դու ինքդ էլ ես նկատում, որ բացասական ուղղութիւնը հասցնում է եսականութիւն, որ իրանից դուրս ոչ մի արժանավորութիւն չի ճանաչում:

— Այո՛, և այդ ուղղութիւնը շուտով կփոխվի անաչառ քննադատութիւն, լավին լավ ասելով, վատին վատ: Եվ ինչպես որ հիմա ամեն լավի համար աչք խփած շինծու և հրեշաքրած վատութիւններ են դուրս բերում, կսկսեն լավերը նկատել ու նրանց դուրս բերել իբրև օրինակելի անձնավորութիւններ:

— Եվ որ իմ ուղածը կլինի: Չէ՞ որ ես ուզում եմ, որ ինքնա-

ճանաչութիւնը լինի լավ կողմից: Բայց կգտնվի՞ն արդյոք լավ մարդիկ:

— Եթե մեր գրողները վատ տիպ ներկայացնելու համար մեծ ջանք են գործ դնում փնտրելու համար, և գտածներն էլ լինում են բացառիկ կամ շեղած հրեշներ, այդ արդեն ցույց է տալիս, որ մեզանում վատերի թիւը շատ քիչ է: Ի՞նչ ես կարծում, ես ու դու վա՞տ մարդիկ ենք:

— Բայց մենք հաշիվ չենք, մենք՝ վարժապետներս, առհասարակ լավ մարդիկ ենք:

— Մի՞թե մեր այն ընկերները, որոնք վարժապետ չեն, այլ քահանա, վա՞տ քահանայք են:

— Ընդհակառակն, շատ արժանավոր քահանայք են:

— Մի՞թե մեր այն ընկերները, որոնք ծառայող են, վա՞տ մարդիկ են:

— Նրանք էլ են լավ:

— Մի՞թե նրանք, որոնք վաճառական են կամ արհեստավոր, վա՞տ մարդիկ են:

— Նրանք էլ են լավ:

— Հավատացի՛ր, Սմբա՛տ, ամենքն էլ լավ են ջոկ-ջոկ վերցրած, միայն դրանց իրար հետ միացնող մի կապ, մի կարգ չկա: Խոստովանում եմ, որ մենք մի անկարգ և անկապ ժողովուրդ ենք, և այդպե՛ս ենք եղել նույնիսկ Վաղարշակի օրով, երբ նա գրում էր իր ելքորդ մեր անկարգութիւնն մասին, լավ միտս չէ, թե ինչ խոսքերով:

— Սպասի՛ր, ես հիշում եմ այդ կտորը. «Ո՛չ կարգ ինչ լեալ աստ յայտնի,— ասում է— և ոչ մեհենից պաշտամունք, ոչ զլխաւորաց աշխարհիս առաջինն յայտնի է և ոչ վերջինն, և ոչ այլ ինչ օրինաւոր, այլ խառնիխուռն ամենայն և վայրիվերոյ»:

— Հա՛, հենց այդ էի ուզում ասել, մի՞թե հենց հիմա էլ այնպես շե՞նք, ի՞նչ օրինավոր կարգ ու կանոն կա մեր ընտանիքի մեջ, մեր հասարակութիւնն մեջ, մեր դպրոցի ու գրականութիւնն մեջ, նույնիսկ մեր վարժապետների վերաբերութիւնով, որոնցից մեկն ստանում է մի քանի հազար, չգիտես իր ո՞ր արժանիքի համար, իսկ մյուսն այնքան չի ստանում, որ իր գրական ու կոշիկը նորոգելու ժամանակ ասած, ես շատ էլ ընդդեմ չեմ անկարգութիւնը. այս ցույց է տալիս, որ մենք դեռ կիսավայրենի և կիսակիրթ ենք, որ ասել է, դեռ չենք ծերացել, ուրեմն կարող ենք լավ կարգերի և լավ ապագա-

յի հույս ունենալ: Քեզ օրինակ մեկ: նոր լեզվի անկարգութունը, որ իր աչքում թերութուն չի ամենեկին, այլ տհաճութուն, համբակութուն. և զարգանում է արձակ համարձակ, առանց ենթարկվելու որևէ կարգ ու կանոնի:

— Երանի՜ քեզ, Արմենակ, որ այդքան լավատես ես ու լայնասիրտ. դու ներողամիտ աչքով ես նայում մեր այն թերութունների վրա, որոնցից վրդովվում են շատերը գծվելու շափ: Այս երեկ նրանից է, որ քո կաշին դեռ չի դաղվել: Ի՞նչ ևս կարծում, ուրեմն մեր Ավագն է՛լ է լավ մարդ:

— Իհարկե, լավ մարդ է, հապա ի՞նչ ես կարծում: Բա՛նը գործի արտաքին կողմին նայելը չէ, այլ ներքին դրդումին, որից հառաջ է գալիս արտաքինը: Ավագն այժմ մտտ հետուն տարեկան մարդ է: Նա մտածում է այսպես. եթե ես սրանից երեսուն տարի առաջ լինեի բաժանված, այժմ ես ինձ համար ապահով վիճակի տեր կլինեի: Այսուհետև էլ հույս չկա, որ ես կարենամ մի բան շինել: Մեր նյութականը հավասար բաժանելով, բարոյականը մնում է անբաժան: Ջահել եղբայրս իր ջահելութունից ինձ բաժին չի սալիս, ուժեղն իր ուժից ինձ բաժին չի տալու, ուսումնականն իր ուսումից ինձ բաժին չի տալու: Քանի որ այդ մարդիկը բարոյապես և ֆիզիկապես ինձանից հարուստ են, թո՛ղ երթան իրանց դրամազլիտով գործ տեսնեն, էլ ի՞նչ են ուզում ինձանից: Նա տեսնում է մեր հագին սերթուկ ու շապո, կարծում է, թե դրանով արդեն մենք մեզ ապահովացրել ենք. չգիտե խեղճը. թե ինչ թշվառ ապագա է սպասում մեզ՝ վարժապետներին: Բայց նա ի՞նչ մեղաւոր է: Եթե այսօր մեզ չի վարձատրում ազգը, որին երկար տարիներ ծառայել ենք ամենայն անձնավիրութամբ և զոհաբերութամբ, այդ վարձատրութունն ինչո՞ւ ենք պահանջում մեր եղբայրներից: Նրանք մի՞թե իրավունք չունին ասելու, թե մեր ցանածը մենք պիտի հնձենք, իսկ դուք էլ գնացեք այնտեղ հնձեցեք, ուր որ ցանել եք: Ահա թե ինչու է արդար Ավագը, բայց արդարանալու հնար չունենալով՝ նա պիտի դիմի կոպիտ ուժի, պիտի հարձակվի և պաշտպանվի բնազդամոր, ներքին դրդմամբ և ինչ էլ որ անե, մեղավոր չէ իմ կարծիքով...

Ջարմանալի մարդիկ են մեր իդեալիստ վարժապետները, ես իմ աստվածը՝ մեկ-մեկ պաշտելի անձնավորութուններ են: Սմբատը շատ գոհ է բավական մնաց Արմենակի պաշտպանողական ճառից: Նա պատրաստ էր բոլորովին զրկվելու հայրական ժառանգութունից, միայն թե այդ առիթով իր մեծ եղբայրն այնպիսի բան

չանի, որ : անպատվութուն բերի իրանց՝ օջախին: Քանի որ ծառն իր պտուղից է ճանաչվում և նախնյաց լավ ու վատ հատկութունները ժառանգաբար անցնում են որդոց որդի, ապա ուրեմն բարի ժառանգից կարելի է գուշակել, որ նա բարի ծնողաց և բարի նախնյաց արժանավոր զավակ է և բարի ժառանգների էլ նախահայր կդառնա: Այդ իսկ պատճառով Սմբատի համար եղբոր անունն անարատ պահելը օջախի և ազգի պատվի պաշտպանութան խնդիր էր:

Երբ որ Արմենակ Ազատյանը հեռացավ, Սմբատը վերացական և գաղափարական աշխարհից կրկին ընկավ զգայական և իրական աշխարհի մեջ:

Արմենակի ասածը, թե՛ «Մենք մի անկարգ ազգ ենք», Սմբատի համար դառավ մի նոր բնաբան, և այնուհետև ո՛ր կողմ նայում էր, միայն անկարգութուն էր տեսնում:

Մարդիկ կան, երբ մի նոր գաղափար են ստանում, մի նոր միտք ըմբռնում, բոլոր առաջվան գրոցածները մոռանում և ուրանում են, և մինչև անգամ սկսում են հարձակվել իրանց առաջվան ունեցած և փայտալուծ գաղափարների վրա:

Այս տեսակ մարդկանց զլխումը երկու գաղափար միասին հաշտ կերպով չեն տեղավորվում, այլ սկսում են միմյանց դուրս մղել ընդդիմահարության օրենքով:

Այս մի ընդհանուր պակասութուն էր Սմբատի ժամանակակից մտածողների մեջ, որոնց սիրտը շատ նեղ էր և մտավոր տեսութունը շատ կարճ: Այս պակասութունից ազատ չէր և ինքը Սմբատը:

«Մեզ հարկավոր է միայն բարեկարգութուն և ուրիշ ոչինչ», — ասում էր Սմբատը և այս բնաբանի վրա մի ինքնուրույն տեսութուն հիմնում, որ քարոզե սրան-նրան:

«Պիտի ասեն, որ բարեկարգութունը արդյունք է, հետևանք է և ոչ պատճառ: Առանց ուսման և գիտության ի՞նչ բարեկարգութուն կարելի է սպասել: Ինչո՞ւ շասել, թե ընդհակառակն՝ ուսումն է հետևանք բարեկարգության, թե բարեկարգութուն կարող է լինել և առանց գիտության, մինչդեռ ո՛չ մի գիտութուն կարող չէ

ծաղկիլ անկարգութեան մեջ: Մի՞թե մարդիկ, քանի որ շունեին ո՛չ գիտութիւն, ո՛չ ուսում, խո՞տ էին արածում, շունեի՞ն ոչինչ կարգ, ոչինչ կանոն, ոչ մի սրբազան սովորութիւն:

«Եվ ի՞նչ բան է ուսումը: Բացի գրաչարչիներից և մտքի փերեզակներից ո՛ւմ է մի օգուտ տվել այդ ուսումը: Ի՞նչ օգուտ է տալիս մեր այժմյան անկարգ ու անկանոն ուսումը, մարդու հոգին ու մարմինն ապականող ուսումը: Մի՞թե խելքի ու շնորհքի տեր լինելը ուսման գործ է. մի՞թե քիչ ուստմանականներ կան, որոնք բոլորովին մերկ են մարդկային բարոյական զարդերից և զուրկ բնութեան տված բոլոր ձիրքերից: Ի՞նչ ամբողջփեղ բան ասես, որ ուսման շարքը չի ընկել և դպրոց ասածդ շինել մի գոմ, ուր ամեն տեսակ գրաստ կարելի է համարվում կապել: Ի՞նչ անպետք լեզուներ, ի՞նչ սո՛ւտ ու սխալ պատմութիւններ, ի՞նչ հիմարութիւններ և այն էլ որքա՞ն, որքա՞ն: Եթե բոլորի կեսը բարձես մի ուղտի վրա, խելձ անասունի մեջքը կկոտրի, բայց որ այսուամենայնիվ ուսանողները տանում են այդ բեռը, դրա պատճառն այն է միայն, որ ավանդած նյութը նրանց ուղեղներն իրանց մեջ չեն պահում, չեն մարսում, որ անհնարին է, այլ նորից դուրս են վիժում ձայնագիր մեքենայի պես և ներս ածողներ երեսին զարկում: Ի՞նչ ուսում է այն ուսումը, որի ո՛չ հատկութիւնն է որոշած, ո՛չ քանակութիւնը, ո՛չ օգուտն է ապացուցված և ո՛չ վնասը հերքված:

«Բնութեան մեջ ո՛ր կողմ նայում ես՝ կարգ ես տեսնում. կարգով է կառավարվում ամբողջ տիեզերքը: Չկա ո՛չ մի անասուն, ո՛չ մի սողուն և թռչուն, որ անկարգ լինի: Եվ ինչի՞ցն է, որ միայն մարդն է անկարգ, եթե ոչ իր ստացած սուտ ու սխալ ուսումից, որից բարեբախտաբար ազատ են անբան անասունները»:

«Էլ ինչո՞ւ համար է տված աչքը, որ չկարողանա զանազանել ծառն ու շիտակը: Մի՞թե հայերն այնքան խելք չունին, որ իմանան, թե շիտակ և լայն փողոցը լավ է և հարմար իր անցուդարձի համար, քան նեղն ու ծուռնումուռը, որոնցով սալ անցկացնել չի լինում: Ինչո՞ւ կարգով չեն շինում տները, այլ խառնիխառն և միմյանց վրա դարսված: Մեր կենցաղավարութեան ո՛ր մասի մեջ է երևում մեր պապերի ուսման բարերար և բարեկարգող ազդեցութեանը: Ինչո՞ւ այդ դպրութիւնը ոչ մի բարեկարգութեան հետք չի թողած՝ բացի փլատակներից և ավերակներից:

«Եվ ինչպե՞ս կարելի է, որ տները կարգով լինին, քանի որ ամենայն ինչ անկարգ է. ինչպե՞ս կարելի է, որ փողոցները շիտակ

լինին, քանի որ ամենայն ինչ ծուռ է: Չէ՞ որ անկարգութեան և անհասկացիկութեան մեջ էլ կա ներդաշնակութիւն: Ուղտի միայն ջլխքը չէ ծուռ, այլ ամեն տեղը:

«Մեր պատմական անկարգութեան մասին Վաղարշակի նամակն է ապացույց բերում Արմենակը: Մոռացած նրան ասել, թե ն. կայսրն էլ որ եկավ. մեր մայր աթոռումն անգամ ոչինչ կարգ ու կանոն չգտավ: Մեր սահմանադրական վանքը ոչինչ սահմանադրութիւն չունի, այլ ամեն ինչ ավանդութիւնների և աղաթների վրա էր հիմնուս:

«Ո՞վ կարող է ասել, թե ինչպիսի՞ աղաթներ ունինք, և ո՛ր աղաթը ի՞նչ ծագումից է: Ամեն գյուղ, ամեն քաղաք իր համար մի ջոկ աղաթ ունի, — ո՛րը թաթարի է, ո՛րը թուրքի, ո՛րը պարսկի է, ո՛րը արաբի, ո՛րը հույնի է և ո՛րը հռոմայեցու, իսկ բուն հայկականը — աստված տա:

«Ինչո՞ւ բաժանութեան համար մի անխախտելի կարգ չկա սահմանած, որ այլևս ասել-խոսիլ չլինի, այլ ամեն մարդ իր բաժինն ստանա և մի կողմ քաշվի...»:

Չնայած, որ անկարգութիւնն այնքան դրավել էր Սմբատին, որ նրա մեջ գտնվում էր և ներդաշնակութիւն, որ ոչ ոք նշմարած չէր, բայց հենց որ հասնում էր բաժանութեան, այստեղ անկարգութեան առաջնութիւնը մոռանում էր և ամեն շարիք, նույնիսկ անկարգութիւնը անբաժանութեան և անարդար բաժանութեան արդունք համարում: Սմբատի համար կարգ թե անկարգութիւն, բոլորն էլ գալիս էին բաժանութեան վրա կոթնում, համարելով նրան մի այնպիսի ամուր հենարան, որի վրա պիտի հաստատվեին ամենայն տեսակ կարգ ու կանոն:

«Ամբողջի մեջ ներդաշնակութիւն կլինի, — մտածում էր Սմբատը, եթե մասերի մեջ արդար բաժանութիւն լինի»: Ամբողջի մեջ միութիւն կլինի, եթե մասերի մեջ արդար բաժանութիւնը լինի: Ամբողջն առողջ կլինի, եթե մասերի մեջ արդար բաժանութիւն չլինի: Ամբողջի մեջ կտիրեն ամենախիստ կարգ ու կանոն, եթե մասերի մեջ արդար բաժանութիւն լինի: Այս մի երկրաշփոխական բանաձև է, և ամենայն ամբողջութեան կվերաբերի, իբրև տիեզերական մի օրենք:

Սարգու հագու և մարմնի կանոնավոր դարգացման կարևորութիւնը ամեն բանից գերադասում էր Սմբատը և ամենից կարևոր

համարում: Այս խնդրի վերաբերությամբ առիթ չէր ունեցել իր միտքը հայտնելու ո՛ւմևեիցե, բայց այս անգամ բանն այնպես եկավ, որ պիտի հայտնեիր իր ամուսնուն:

Սմբատի կինը՝ Ոսկեհատը, քաղաքացի էր, քնքուշ մեծացած, ֆիզիկական կուպիտ աշխատությունից հեռու մնացած, և այն դադափարն ունեւր, թե այդ բոլորը մշակ կանանց գործ էր: Բավականաչափ ուսում ունեւր, և շատ գրքեր էլ կարդացել և կարդում էր շարունակ, բայց որովհետև մարդս սովորաբար իր կարդացածից այն է հավանում և սեփականում, ինչ որ իր սրտին ու խելքին համեմատ է գտնում, այս պատճառով շատ խելացի մտքեր իր կարդացած գրքերից թողել էր անուշադիր և շատ հիմարություններ սեփականել: Սմբատը հետամուտ չէր լինում նրա կարդացածին և չէր միջամտում կնոջ զարգացման գործին:

Գեղեցիկ էր Ոսկեհատը, և ինչպես ամեն գեղեցիկ կին, նա ևս մեծ նշանակություն էր տալիս իր գեղեցկությանը և վախենում էր այն բոլոր բաներից, որոնք կարող են նրա գեղեցկության վրա վատ ազդեցություն գործել, ինչպես են, օրինակ, արևը, ցուրտը, հնոցի և թոնրի կրակը, տաք ջուրը, լամպի լույսը, շատ ուտելը, երեխային ծիծ տալը: Չէր ուզում ո՛չ գիրանալ և ոչ նիհարել, բայց և այնպես՝ նա հետզհետե նիհարում էր, դալկանում:

Մարդ և կնիկ իրար շատ սիրում էին և շատ հարգում: Միմյանց սիրտ ու միտք հասկանում էին, միմյանց սրտի ուզածի պես շարժվում և այս պատճառով ոչ մի անպատիվ վարմունք մեկի կամ մյուսի կողմից տեղի չէր ունենում: Բայց հիմա նախապատրաստվելով այնպիսի մի վիճակի համար, որի մեջ մինչև այսօր եղած չէին, Սմբատն ուզում էր իրանց կենցաղավարությունն այնուհետև վարելիք կյանքին հարմարեցնել, որ իր վերաբերությամբ այնքան դժվար շպիտի լինեւր, ինչքան կնոջ:

— Գիտե՞ս Ավագն ի՛նչ է ասում, Սմբատ,— ասում է Ոսկեհատը:— Կարծես Արմենակը նրան խրատած լինի, թեև մեզ ոչինչ շատաց գնալիս: Նա այժմ փափկած է երևում և ուզում է բաժանվել, բայց տե՛ս ի՛նչ է ասում:— Դուք, ասում է, որ ջոկ լինիք, ինչպե՞ս կարող եք կառավարվել. ո՛չ դու ես պետք գյուղական պարապմունքի համար, ո՛չ քո մարդը: Թո՛ղ այն երկուսը ջոկ-ջոկ դուրս գան, իսկ դուք՝ ինձ հետ: Սմբատն էլի կշարունակի իր ուսուցչությունը, իսկ ես տունը կկառավարեմ: Դու էլ քո կարն ու գործը կանես, իսկ մյուս գործերը, որ քո բանը չէ, Եղսանը կանես, ինչպես

միշտ արել է: Եվ ճշմարիտ է ասում Ավագը, Սմբատ, եկ համաձայնիր:

— Ոչ, այդպես լավ չի լինի, հոգի՛ս,— պատասխանեց Սմբատը:— ով գիտե էլի ինչ կողմնակի նպատակ ունի Ավագը, որ ուզում է ինձ իր կողմը քաշել: Նա կարծում է, որ այդպիսով ինքը կշահվի, բայց երբ տեսնի, որ ինքը օգուտ չունի, էլ չի պահել ոչ ինձ, ոչ քեզ և պիտի մի նոր կոփվ սկսի: Նա իզուր էր կարծում, որ ես գյուղական կյանքին պետք չեմ: Ես վարն էլ լավ կանեմ նրանից, ցանքն էլ: Եվ այդ պետք է ֆիզիկական կազդուրվելու համար: Մի՞թե լավ բան է, որ հիմա չեմ կարողանում մեկ թիակ բանեցնել, իսկույն կոներս թուլանում են և սկսում ցավել: Կացին չեմ կարողանում բանեցնել, իսկույն ձեռներս փքփքոտում են, մեջքս ցավում: Այսպես էլ ահա մյուս թեթև բաներն անգամ չեմ կարողանում շինել: Բայց այս ի՛նչ է նշանակում, ի՛նչ բանի հետևանք է: Սա մի անբնական և միակողմանի մտավոր պարապմունքի հետևանք է, որ հիվանդության շափ վնասակար է մարդուս, և հարկավոր է առողջացնել: Իսկ այս կարելի է, փոքր առ փոքր ընտելանալով ֆիզիկական աշխատանքի:

— Իսկ ես ինչպե՞ս անեմ,— ասաց կինը:

— Դու էլ ինձ պես, դու էլ կսովորես աշխատելու: Մի՞թե չես տեսնում, թե որքա՛ն առողջ են մեր հարազատները և որքա՛ն տկար ես դու. մի՞թե նրանց թշերի կարմրությունը վատ է, իսկ քո թշերի դալկությունը լա՛վ:

— Բայց նրանք կուպիտ են ամեն բանում. ես է՛լ կուպտանամ ուրեմն:

— Ի՛նչ վնաս ունի, եթե մինչև անգամ կուպտանաս էլ: Կամ ի՛նչ ասել է կուպիտ: Գեղեցկությունը նրբություն մեջ չէ, այլ առողջություն: Հիվանդոտ վիճակը, հիվանդոտ կազմվածքը ճշմարիտ գեղեցկության հասնել չի կարող: Ես հիմա չեմ կարողանում մի հավ մորթել, մորթելիս էլ որ տեսնում եմ, վրդովվում եմ: Ի՛նչ է այս, եթե ոչ մի նյարդային հիվանդություն, ֆիզիկական թուլության հետևանք: Մի ժամանակ ես ճարպիկ որսորդ էի, անխնա կոտորում էի ամեն պատահած վայրենի, իսկ հիմա նույնիսկ ձուկը չեմ ուզում ջրիցը հանել, սրտիս ցավ է տալիս: Հիվանդություն չէ՞ սա, հապա ի՛նչ է: Ո՛չ, այսուհետև ես պետք է հավ էլ մորթեմ, ոչխար էլ, և տեղը եկած ժամանակ՝ շպիտի խղճամ այլևս և պիտի կոտորեմ բոլոր վնասակար կենդանիներին: Ենթադրիր, որ սայլը ցեխումն է

մնացել, և գոմեշները զուրս կքաշեն միայն այն ժամանակ, երբ մի քանի զորեղ հարվածներ կտաս նրանց: Հիմա ինչպե՞ս կհրամայես, գոմեշներին ծեծենք, որ սալը զուրս քաշե՞ն, թե՞ չծեծենք և սայլը թողենք ցեխումը:

— Իհարկե, եթե չծեծելը հիվանդությունն է, առողջանալու համար պետք է ծեծել... բայց գոմեշներին ծեծողը իր կնիկան էլ է ծեծում. վա՛յ թե դու այդ էլ սովորես և առողջանալու դեղ համարես, հետո ես ի՞նչ անեմ...

— Եթե դու էլ մեր տան կառավարութեան սալը ցեխումը կթողես, այն ժամանակ հարկ կլինի քեզ էլ ծեծել, որ առողջանաս,— ասաց Սմբատը ծիծաղելով և համբուրելով կնիքը...

— Լսի՛ր, Սմբա՛տ,— շարունակեց Ոսկեհատը,— դու հաճեցիր ես ուզում փոխվել, բայց ամեն մարդ կարող չէ հանկարծ փոխվել: Գոնե ես ինձանից այնքան հույս չունիմ, բայց երբ քեզ կտեսնեմ արօրի մաճը բռնած հերկ անելիս, այն ժամանակ ես էլ խոհանոցի շերեփը կառնեմ ձեռքս և քեզ համար խաշիլ կեփեմ. երբ որ քեզ կտեսնեմ բահով փորելիս, ես էլ կոճը կկթեմ և քեզ համար կաթնով ճաշ կեփեմ. երբ դու հունձ կանես, կալ կկալա՞նես, կքամես, ես էլ ցորենը կխախալեմ, աղուն կանեմ: Դու կտանես ջաղաց, կաղաս, կբերես, ես էլ խմոր կանեմ, քեզ համար գաթա կթեմ:

— Հոգի՛ս, դու ինձ սիրտ տուր, աստուծով ես կանեմ, ինչ որ ասում եմ, դու իզուր ես կասկածում:

— Հավատացիր, Սմբա՛տ, երբ որ մենք մեզ ու մեզ կլինենք ազատ և անկախ, տան բոլոր անելիքը ես ինքս կանեմ. իհարկե մի մշակ կին կունենանք միշտ, դու ինքդ էլ հո՛ առանց ծառայի շես լինիլ: Ես էլ եմ նկատում, որ Ֆիզիկական աշխատանքից փախչողը շարաշար վնասվում է, լինի նա տղամարդ, թե կինարմատ: Զկարդալով ու չգրելով՝ մարդուս միտքը չի բթանալ, որովհետև միշտ խոսում, դատում և մատածում է. գուցե տեղեկությունների պաշարը միայն քիչ լինի, բայց աշխատելուց փախչելով, թուլանում է նրա ամբողջ կազմվածքը:

— Անշուշտ: Մի՛ մոռանալ, որ ինչպես թռչերը, նույնպես և ուղեղը ամբողջ կազմվածքի մասերն են: Ֆիզիկական աշխատանքից զուրկ մարդու ուղեղն ի՞նչ ուժ կարող է ունենալ: Եվ միթե միայն ուղեղն ու թոքերն են գլխավորը: Մենք դեռ լավ չգիտենք մարդու կազմվածքի շեքը, նրա մասերի կառավարությունը, միմյանց վրա ունեցած ազդեցությունը, իրարից կախում ունենալը, նրա անկա-

թյան եռանդը, չափը: Ի՞նչ արժե, երբ որ մարդուս քունն անուշ է լինում, մարսողությունը կանոնավոր, ուժը եռ է գալիս ներսը և կրակոտ ձիու նման տեղը հանդարտ կանգնել չի կարողանում, ուզում է վազել, խաղալ, մի ծանրություն բարձրացնել, բանն այնպես է անում, որ կարծես մի անուշ կերակուր լինի ուտելիս մեծ ախորժակով:

— Իրավ որ: Այս քանի տարի է, ես դեռ ախորժակով հաց կերած չեի: Անցյալ օրը այգումը լվացք էինք անում, ես բավական աշխատեցի: Կերակուր չէինք տարել հետներս, այլ միայն ցամաք հաց: Բայց այնպես լավ թվաց, որ համը բերանումս մնաց: Քո նպատակն է ուրեմն ապրել այնպես, ինչպես որ պետք է ապրեր մարդ, որ չվնասվեր նրա ո՛չ հոգին, ո՛չ միտքը և ո՛չ մարմինը, որ ինձ քանի անգամ ասել ես:

— Ապրի՛ս, հոգի՛ս, հենց այդպես: Հեռու լինել քաղաքի գետն, անբնական և անբարոյական կյանքից, ապրիլ բնութեան ծոցումը պարզ և անարատ, հողի հետ գործ ունենալ, նրան համարել սննդարար մայր: Շահաստացություն տեսակետից էլ որ նայենք, մեր օգուտն այս է պահանջում: Ունենալ սեփական տուն, սեփական այգի, սեփական հող, անտուն անտեղ չթափառել մուրացկանի պես: Այսօր մի ծառ կտնկենք մեր ձեռքով, կխնամենք, կպահենք, մի երկու տարուց հետո նա պտուղ կտա. նոր այգի կգցենք, նորանոր պտղատու ծառեր: Այսպիսով, թե՛ միշտ գործ կունենանք անելու, և թե՛ արդյունք կստանանք մեր գործից:

— Լավ կովեր կպահենք. ես կպատրաստեմ յուղ, պանիր...

— Ինչո՞ւ չէ. մեղու էլ կարելի է պահել:

— Աբրեշումի որդ էլ... այդ էլ ես կանեմ...

— Եվ ամեն ինչ կատարյալ ձևով:

— Գյուղացոց էլ կսովորեցնենք...

— Իհարկե: Դեռ ուրիշ բան էլ շատ կարելի է անել:

— Ամառը սար կերթանք միշտ: Կոնային օդը շատ առողջարար է:

— Մանավանդ երեխանց համար: Այնտեղ ազատ կլինեն, նրանք խափ-խափ մրգեղեն ուտելուց. և եթե ուտեն էլ, կարող են մարսել:

— Զարմանալի բան է. իրավ որ: Սարումը մարդ քար էլ ո, ուտի, կմարսի:

— Առավոտ-առավոտ տաք-տաք թանե սպաս խփշտելը հազար շայ ու կոֆե արժե:

— Հապա քարե թոնրում թխած գաթան ու նազո՛ւքը... ուտելուց չի կշտանում մարդ: Հիշո՛ւմ ես, Սմբատ, որ մեկ օր ես ու դու յոթը հաց կերանք Կաթնաղբյուրի վրա:

— Հիշում եմ, որ այն ժամանակ այդ կյանքը քեզ դյուր չէր գալիս: Ե՛վ վայելում էիր բնության առատածիր շնորհքը և դժգոհ էիր միևնույն ժամանակ:

— Գիտե՛ս, Սմբատ, կանայք երբ որ մի բախտի մեջ են լինում, ուզում են, որ այդ բախտավորությունը տեսնեն իրենց ծանոթները: Մենք, քաղաքացիքս, սովորել ենք ապրել առ ի ցույց մարդկանց: Զուգվում, դարդարվում ենք և դուրս գալիս փողոց, որ ցույց տանք մեր արտաքին զարդ ու զարդարանքը: Ամենքս էլ գիտենք այդ, բայց դարձյալ շարունակում ենք միմյանց խաբել, միմյանց շլացնել մեր ունեցածով: Ես առաջ ասում էի՝ ի՞նչ օգուտ գյուղական երջանկությունը, քանի որ իմ ծանոթների համար այս երջանկություն չէ: Բայց հիմա ես կաշխատեմ այս նախապաշարմունքից ազատվել և գյուղական կյանքի հետ հաշտվել, մանաժամո՞ղ որ մեր երևխայց առողջությունն էլ այդ է պահանջում:

— Հոգի՛ս, դու այստեղ բանտարկվածի պես շես լինի կամ վանդակի մեջ: Քաղաքի ճանապարհը միշտ բաց է մեզ համար: Երբ ուզենանք, էլի կերթանք տեսնելու մեր ծանոթներին և մեզ էլ նրանց ցույց տալու: Զմեռը կարող ենք այնտեղ ամսով էլ մնալ, կերթանք թատրոն, կուր, զանազան պարահանդեսներ, եթե կլինին: Քո բարեկամներդ կպատմեն, թե քանի երեկույթ են ունեցել, ինչքան են տարել ու տարվել, իրանց աղջկերանց ո՛ւմ են տվել, ի՞նչ բաժինք են տվել կամ ի՞նչ բերել, ո՛ւմ կնիկն է մարդուց փախել և ո՛ւմ մարդը կնկանից. ո՛ւմ աղջիկն ո՛ւր է կորել և որտե՞ղ ընկել: ո՛վ է կոտր ընկել և ո՛վ հարստացել, ո՛վ է զժվել և ո՛վ կաթվածք ստացել, ո՛վ է իր տունը կրակ տվել և հարստացել և ո՛վ է անշնորհք գտնվել միևնույնն անելիս և բռնվել: Կամ ի՞նչն է մողա և ի՞նչն է մողից ընկած, ո՛վ է նոր ասպարեզ մտել և ո՛վ է դուրս մղվել նույն ասպարեզից, ովքե՛ր են դիմակները վերցրել և ովքե՛ր դիմակավորվել:

— Բայց ես մի բանից եմ վախենում, Սմբա՛տ:

— Ի՞նչ բանից, հոգի՛ս:

— Ես վախենում եմ, որ դու մի փոքր կազդուրվելուց հետո էլ գյուղումը շինաս. և բոլոր սկսածներդ կհաստ մնան:

— Այդ ինչպե՞ս, ես չեմ հասկանում:

— Գիտես ի՞նչ ասաց ինձ Արմենակը: Ես չեմ կարծում, ասաց, որ Սմբատը կարողանա գյուղումը մնալ: Կմնա մի առժամանակ միայն, քանի որ հոգնած է, հուսահատված ու ղղված: Բայց հենց որ կազդուրվի, ինքն իրան առողջ զգա, կսկսի ողևորվիլ. այդ ոգևորությունը նույնպես բավականություն կպահանջե: Սմբատը ֆիզիկական պարապմունքի համա՛ չի ստեղծված, այլ մտավոր և բարոյական: Ֆիզիկական պարապմունքը կավելացնե միայն նրա եռանդը և կմղե նրան դեպի իր իսկական կոչումը:

— Առավել լավ, հոգի՛ս, եթե այդպես կլինի: Աշխարհը որ կա, ծով է, իսկ մենք նավուղներ: Թող գյուղը լինի մեզ համար իբրև նավահանգիստ: Երբ քամին բարեհաջող կլինի, և մենք կտեսնենք, թե կարող ենք կրկին նավորդել, ինչո՞ւ հրաժարվենք: Ասած է՝ «լավ է գյուղումը առաջինը լինել, քան քաղաքում հետինը»: Եթե ես իմ մեջ այնքան ուժ կզգամ, որ կարող կլինիմ քաղաքում մի որևէ գործում օգտակար լինել և առաջինների կարգում լինել, ես ուսխությունում ինձ կնետեմ քաջամարտիկ զինվորները շարքը: Ես հավատում եմ մարդուս կոչումին և գիտեմ, որ նա ինչ բանի որ պետք է և հարմար, վերջ ի վերջո նույն բանին կծառայե և նրա համար էլ կմեռնի: Ո՛վ գիտե՛, գուցե Արմենակը մի գրական գործ սկսի քաղաքումը և հարկավոր համարե իրան իմ աջակցությունը. գուցե այդ ասպարիզում ես կարող կլինիմ մի բան անել, բայց առայժմ եմ զգում մտքի հանգստություն և ֆիզիկական աշխատություն: Մարդուս միտքը հարստահարվում է հողի պես, երբ շարունակ դուրս են ծծում նրա սննդարար տարերքը, առանց հանգիստ տալու: Եթե մի տարու շափ ես ո՛չ կարգամ և ոչ գրեմ, այդ հանգիստը իմ մտքին կարող է մի քանի տարվան բեղմնավորություն տալ: Սուտ է, որ ասում են՝ միտքը շարունակ աշխատեցնելով՝ կարվի: Ընդհակառակն՝ միտքն ունի և՛ սնանկանալ և՛ խոպանանալ: Շարունակ աշխատեցնելով՝ կսնանկանա, շարունակ անգործ թողնելով՝ կխոպանանա: Ուրեմն աշխատություն և հանգիստ պիտի շարունակ հաջորդեն միմյանց: Գյուղումը կարող ենք մեր մարմինն աշխատեցնել, իսկ քաղաքում՝ միտքը, այսպիսով եր-

կուսն էլ առողջ կմնան, որովհետև երկուսի մեջ էլ պարագայումս քի և գործի արդար բաժանություն կլինի:

— Արմենակի գալն ինձ վրա լավ ազդեցություն ունեցավ: Ավագին չի կարելի մեղադրել: Նա բաժանության մեջ արդարու-
բայում է որոնում և ոչ իրավունք: Մենք ժառանգության իրավունքով ենք պահանջում մեր բաժինը, իսկ նա բնազդաբար այդպիսի իրա-
վունք չի ճանաչում, այլ իբրև եղբայր մեզ պես ապրելու միջոց է պահանջում: Նա իմանում է, որ մենք առանց երկրագործ լինելու էլ կարող ենք ապրել, իսկ ինքը ապրելու ուրիշ միջոց չունի: Նա կհամոզեմ եղբայրներին, որ մեր ունեցածի ամբողջ կեսը նրան տանք, իսկ մյուս կեսը մենք երեք բաժին անենք: Բավական է մեզ մի երկու սենյակ՝ քնելու համար, մի կտոր այգի և մի կտոր հող, մնացածը աստված ողորմած է: Արդար բաժանություն անելու ո՛չ մի հնարավորություն չկա: Արդար բաժանություն որ լինի, էլ աշխարհումս ազքատ ու շարուստ չեն լինիլ, ամենքն էլ մի տան զավակների պես կլինին: Ավելի լավ է հաշտվել եղած հանգամանքի հետ: Քող ապքատ լինինք, միայն մենք մեզ համար ինքնուրույն և անկախ լինինք և ապրենք ընկերական համերաշխությամբ և ոչ եղբայրական սիրով, որ այլևս գոյություն չունի:

1890

Հ Ե Ք Ի Ա Թ Ն Ե Ր Ե Վ Զ Ր Ո Ւ Յ Յ Ն Ե Ր

ԱՆԱՀԻՏ

Ա

Մի ժամանակ Աղվանից աշխարհի թագավորանիստ քաչաքր Պարտազն էր, որ այժմ ավերակ է և ասվում է Բարդա: Դա գտնվում է այժմյան Գանձակի և Շուշվա մեջտեղը՝ Թարթառ գետի վրա: Այդտեղ էր Վաչե թագավորի հոյակապ ապարանքը իր ընդարձակ ծառաստանով՝ որ երկարումեկ ձգված էր Թարթառի ափովը: Այդ հինօրյա արհեստական անտառը բնականից գերազանցում էր իր հսկայական շինարներով ու բարդիներով, որոնց բարձրության ստվերի տակ ծածկվում էին քաղաքի նույնիսկ ամենաբարձր աշտարակները: Նրա շորս կողմով քաշված ամուր պարիսպը վանդակի պաշտոն չէր կատարում բնավ այն թեթևաշարժ ու արագավազ այծյամների ու եղջերուների համար, որոնք այնտեղ խմբերով զբոսնելու և խաղալու ազատ ասպարեզ ունեին:

Մեկ անգամ Վաչե թագավորի միամոր որդին՝ Վաչագանը, որ մի նորահաս երիտասարդ էր, պալատի պատշգամբի վրա կռթնած, նայում էր իրանց այդ ծառաստանին: Եղանակը գարնանային էր և առավոտյան արևաբացին: Աշխարհի բոլոր երգեցիկ թռչունները՝ կարծես խոսք մեկ արած՝ հավաքվել էին այդ ծառերի վրա, որ մի

ընդհանուր նվազահանդես սարքեն և իրար հետ մրցեն: Մինն իր սրինգն էր փչում, մյուսն իր փողը, բայց հագթասակը խոսողն էր տանում: Սոխակն էր այդ խոսողը՝ բյուլբյուլն Աղվանից, սիրահար սրտերի միակ մխիթարիչը: Նա որ սկսում էր նվագել իր բյուլբյուլի քնարը, իսկույն լուռ էին մյուսները, և ականջները սրած՝ նրան էին լսում և նրա դայլայլիկի բյուրավոր ելեղներից դաս առնում: Մինը սովորում էր նրա ծվլոցը, մյուսը նրա կլկոցը, մինը շվշվալը, մյուսը սուպելը, և մեկ էլ հանկարծ ամենքը միասին, միախառն ձայնով սերտում էին իրանց սովորած եղանակները:

Արդյոք սրանց էր ականջ դնում Վաչագանը այնպես լուռ, այնպես ակնապիշ: Ոչ... ուրիշ հոգս, ուրիշ ցաւ կար նրա սրտումը. սրանք միայն սաստկացնում էին նրա ցաւը և խոր տխրութեան մեջ ձգում նրան:

Այս տխուր մտմտութից հանեց Վաչագանին նրա մայրը՝ Աշխեն թագուհին, որ այդ պահուն մոտեցավ նրան և մոտը նստելով հարցրեց.

— Վաչիկ, ես տեսնում եմ, որ դու սրտումդ մի ցաւ ունիս, բայց թաքցնում ես մեզանից: Որդի, ասա ինձ, ինչո՞ւ համար ես այդպես տխուր:

— Մայր, ճշմարիտ ես ասում,— պատասխանեց որդին,— աշխարհիս փառքն ու վայելչութիւնը աշքիս շեն երևում: Ուզում եմ հեռանալ աշխարհիցս, գնալ անապատ: Ասում են՝ Մեսրոպ վարդապետը կրկին եկել է Հացիկ, իր շինած վանքումը միաբանութիւն է հաստատել, աշակերտներ ժողովել, ուզում եմ ես էլ գնալ այնտեղ: Մայր, դու չգիտես, թե ի՞նչքան լավ գյուղ է այդ Հացիկը: Այնտեղի թե՛ տղերքը և թե՛ աղջկերքը այնպես սրամիտ, այնպես գեղեցիկ են, որ եթե տեսնես՝ կմնաս հիացած:

— Ուրեմն նրա՞ համար ես գնում Հացիկ, որ այնտեղ տեսնես քո սրամիտ Անահիտին:

— Մայր, դու ո՞րտեղից գիտես նրա անունը:

— Մեր պարտեզի սոխակները բերին ինձ այդ համբավը: Սիրելի Վաչիկ, ինչո՞ւ ես մոռանում, որ դու Աղվանից թագավորի որդին ես: Թագավորի որդին կա՛մ թագավորի, կա՛մ մեծ իշխանի աղջիկ կուզի և ոչ թե մի գեղջկուհի: Վրաց թագավորը երեք աղջիկ ունի, կարող ես ընտրել նրանցից որին կամենաս: Գուգարանց Բղեշխն ունի մի շատ գեղեցիկ աղջիկ, որ իր միակ ժառանգն է, իր հարուստ կալվածների միակ տիրուհին: Սյունյաց իշխանն ունի

դարձյալ մի շատ սիրուն աղջիկ. վերջապես մեր հազարապետի Վարսենիկն ի՞նչ պակաս աղջիկ է,— մեր աչքի առջև մեծացած, մեր ձեռքով կրթված...

— Մայր, ես արդեն ասացի, որ պիտի երթամ վանք, բայց եթե դուք ուզում եք, որ ես անպատճառ ամուսնանամ, ապա գիտացեք, որ իմ ուզածը միայն Անահիտն է...

Այս ասաց Վաչագանը և ամոթից կարմրելով վազեց դեպի պարտեզ, ինչպես մի ծանր բեռնից ազատված փախստական գերի...

Բ

Վաչագանի քսան տարին նոր էր լրացել: Նա երկայնացել էր իրանց պարտեզի բարդինների նման, բայց շատ քնքուշ, դժգույն և վատառողջ էր: Մանկութիւնից կրոնական կրթութիւն ստանալով մեծն Մեսրոպի աշակերտների մոտ, մտադիր էր իր վարդապետների օրինակին հետեւել— քաշվել մի վանք, աշակերտներ պատրաստել և քարոզութեան նվիրվել: Բայց նրա այդ ձգտումը հակառակ էր իր ծնողաց կամքին, ըստ որում ինքն էր նրանց միակ զավակը, ինքն էր Աղվանից թագավորութեան միակ ժառանգը:

«Որդյակ իմ Վաչագան,— ասում էր հայրը շատ անգամ,— դու գիտես, որ իմ հույսը միայն դու ես, դո՛ւ պետք է մեր տան ճրագը վառ պահես, մեր օջախի հիշատակը՝ կենդանի: Պետք է ուրեմն ամուսնանաս, ինչպես որ աշխարհիս օրենքն է»:

Որդին միայն կարմրում էր հոր այդ առաջարկութիւնը լսելիս և չէր իմանում ի՞նչ պատասխան տա, ըստ որում ամուսնութեան վրա նա չէր մտածել և չէր էլ ուզում մտածել: Բայց հայրը նրան հանգիստ չէր տալիս և նույն առաջարկութիւնը, ավելի գրավիչ խոսքերով՝ նա անում էր շաբաթը մի քանի անգամ: Հոր այդ ստիպմունքներից ազատ մնալու և նրան ուշ-ուշ տեսնելու համար ինքն իրան որսորդութեան տվա՛վ Վաչագանը, թեև զրոսասեր չէր, այլ ավելի սիրում էր շարունակ տանը նստել և կարդալ: Այնուհետև առավոտները վեր էր կենում շատ վաղ և ընկնում սար ու ձոր և երեկոները շատ ուշ ետ դառնում: Երբեմն երեք շորս օրով ուշանում էր և ծնողացը տարակուսութեան մեջ ձգում: Շատ իշխանների որդիք ուզում էին նրան ընկերանալ և նրա հետ միասին ման գալ,

բայց ինքը չէր հոժարում: Նա հետը վերցնում էր միայն իր մտերիմ և քաջ ծառային՝ Վաղինակին, որ մի պնդակազմ և քաջառողջ տղամարդ էր, և իր հավատարիմ շունը՝ Զանգին, որ թեև դեռ լակոտ, բայց արդեն մի ահագին գամփռ էր: Սրանց հանդիպող մարդիկը չէին իմանում, որ մինը թագավորի որդին է և մյուսը նրա ծառան, ըստ որում երկուսն էլ միևնույն հասարակ ոլորտի հապուստն ունեին հագած, հրկուսն էլ միևնույն նետաղօղը ունեւորին և լայնաշեղք դաշույնը կախած գոտիկներին: Միայն պաշարի պարկը Վաղինակն էր կրում: Շատ անգամ իջնում էին զանազան գյուղերում և Վաչագանը, իբրև մի օտար մարդ, ծանոթանում էր գյուղացի կյանքին, տեսնում էր նրանց ամենօրյա հոգսերն ու կարիքները, նկատում էր, թե ովքե՞ր են բարու՛յնուն անում և ո՞վքեր անիրավություն: Հանկարծ շատ կաշառակեր դատավորներ հեռացվում էին իրանց պաշտոնից և նրանց տնդ լավերն էին նշանակվում, շատ գողեր բռնվում ու պատժվում էին, շատ նեղության մեջ ընկած տներ ու համայնքներ օգնություն էին ստանում թագավորից, առանց իրաց տալու նրան իրանց նեղությունը: Այսպես մի աներևույթ գորություն ամեն տեղ ամեն բան տեսնում էր և հողացողություն անում:

Այս տեսնելով՝ ժողովուրդն սկսեց հավատալ, որ Վաչե թագավորը աստծո պես իմանում է, թե ո՞ւմ ինչ է պետք և ո՞վ է պատժի կամ վարձատրության արժանի մի բան արել: Էլ ոչ մի տեղ ո՛չ գողություն էր լինում և ո՛չ մի ուրիշ անարդարություն: Բայց ոչ ոք չէր իմանում, որ այդ լավ փոփոխության միակն պատճառը թագավորի որդին էր:

Վաչագանի այս տեսակ թափառական ճանապարհորդությունը իր համար էլ ունեցավ լավ հետևանք: Նա ավելի զգարթացավ և առույգացավ: Նա սկսեց ավելի ուժեղանալ և ճարպիկանալ՝ քան թե առաջ էր: Մտախիչ տեսնելով ժողովրդի հոգսերը, նա զգաց, թե ինչքան բարիք կարող է անել մի թագավոր իր երկրի համար, և սկսեց փոքր առ փոքր ճգնվելու միտքը թողնել: Նրա սրտի սերն արդեն վառվելու հատկություն էր ստացել, հարկավոր էր միայն մի առիթ, մի շփոթան, որ ցույլին նրա լուսափայլ ճառագայթները այդ առիթը շուտով վրա հասավ:

Մեկ օր իրանց սովորական որսորդության ժամանակ Վաչագանն ու Վաղինակը հասան մի գյուղ և նատեցին նրա աղբյուրի մոտ, որ հանգստանալու Շատ դազրած ու քրտնած էին: Կյուղի

աղջկերքը եկել էին աղբյուրից ջուր տանելու և հերթով լցնում էին կուժերն ու փարչերը: Վաչագանը սաստիկ ծարավել էր: Նա ջուր ուզեց, և աղջիկներից մինը լցրեց փարչը և ուզեց Վաչագանին տալ, բայց մի ուրիշ աղջիկ նրա ձեռքից խլեց փարչը և դատարկեց: Ինքը նորից լցրեց, բայց էլի դատարկեց: Վաչագանի թուրք ցամաքել էր, և անհամբեր սպասում էր, թե երբ պետք է արդյոք նրան ջուր հասցընեն, բայց մեր անծանոթ աղջկա հոգը չէր այդ, նա կարծես խաղ էր անում: Եղևում դատարկում էր և այդ կրկնեց շորս, հինգ անգամ, միայն վեցերորդ անգամին տաբավ իրան անծանոթ սրսորդին տվավ:

Վաչագանը երբ որ խմեց և փարչը տվավ Վաղինակին, ինքն սկսեց խոսեցնել աղջկանը և հարցրեց, թե ինչո՞ւ նա խակույն չբերավ ջուրը: շինի՞ թե կատակ անել ուզեց կամ բարկացնել: Աղջիկը նրան պատասխանեց.

— Մենք սովորություն չունինք մի օտար երկրասարդի հետ կատակ անել, մանավանդ երբ նա ջուր է ուղում: Բայց ասա՛ ինչ էր իմ միտքը: Ես տեսա, որ դուք դադրած ու քրտնած եք, իսկ այդ վիճակի մեջ սառը ջուրը վնաս է մարդուն, դրա համար ես գիտությամբ ուշացրի, մինչև դուք մի փոքր հանգստանաք և հովանաք:

Աղջկա խելոք պատասխանը զարմացրեց Վաչագանին, բայց գեղեցկությունն ավելի ևս հիացրեց նրան: Նրա աչքերը խոշոր, թուխ-թուխ և վառվառուն էին, ունքերը կարծես վրձինով քաշած. գլուխը բաց էր և ծամերը փոված թիկունքի վրա, ճակատը լայն, քիթ ու պոռը նկարածի պես: Ոչինչ զարդ ու զարդարանք չուներ. հագուստը մի կարմիր մետաքս շապիկ էր, որ նրա վայելչակազմ հասակը ծածկում էր մինչև ոտները և մի ասեղնազործած բաճկոնակ, որով կոճկված էր նրա բարակ մեջքն ու լայն կուրծքը: Ոտքերը բոբիկ էին, բայց նոր լվացված կաթնաղբրի ջրով՝ բամբակի պես սպիտակին էին տալիս: Այսպես էր Անահիտի արտաքին կերպարանքը, բայց նրա դեմքի գծագրության, նրա աչքերի մեջ մի այնպիսի գրավիչ գորություն կար, որ իսկույն կախարդեց Վաչագանին և ապշեցրեց նրան:

— Անունդ ի՞նչ է, — հարցրեց Վաչագանը:

— Անահիտ, — պատասխանեց աղջիկը:

— Ո՞վ է քո հայրը:

— Իմ հայրը մեր գյուղի նախընթաց Առանն է: Բայց ինչո՞ւ ես ուզում իմանալ, թե իմ անունն ի՞նչ է կամ ով է իմ հայրը:

- Ոչինչ, հենց այնպես հարցնում եմ. հարցնելը հո մե՞ղք չէ:
- Եթե հարցնելը մեղք չէ, խնդրեմ դու էլ ինձ ասես, թե ինքդ ո՞վ ես, ո՞րտեղացի ես:
- Սո՛ւտ ասեմ, թե՞ ճշմարիտ:
- Ո՞րը քեզ արժան կհամարես:
- Իհարկե, ես արժան կհամարեմ ճշմարիտը, իսկ ճշմարիտն այս է, որ ես հիմա չեմ կարող ուղիղն ասել. թե ես ով եմ, բայց խոսք եմ տալիս մի քանի օրից հետո հայտնել:
- Շատ լավ: Շնորհեցեք ինձ փարչը, և եթե էլի ջուր եք կամենում, բերեմ:
- Ոչ, շնորհակալ եմք. դու լավ խրատ տվիր մեզ, այդ կհիշենք միշտ և քեզ չենք մոռանալ:
- Անահիտն առավ փարչը և հեռացավ:

Գ

- Երբ որ մեր որսորդները ճանապարհ ընկած գնում էին դեպի տուն, Վաչագանը հարցրեց Վաղինակին.
- Վաղինակ, դու մեր Բարդուղի տեսա՞ծ ես սրա պես գեղեցիկ աղջիկ:
 - Վաղինակը պատասխանեց.
 - Ես լավ չնկատեցի նրա գեղեցկությունը, իմացա միայն, որ իրանց գյուղի նախընտրյալ աղջիկն է:
 - Չես նկատել, բայց լավ ես լսել: Այդ նրանից է, որ քո ականջներն ավելի սուր են, քան թե աչքերդ, բայց քո սուր ականջները շատ սխալ են լսում:
 - Ո՛չ, սխալ չեն լսում, աղջիկն ինքն ասաց, որ իր հայրը իրանց գյուղի նախընտրյալն է:
 - Շատ լավ, բայց դրանից ի՞նչ դուրս եկավ. ես կարծում եմ, որ այդ հանգամանքը նրա հրաշալի գեղեցկությունից ոչ մի մազ չպակասեցրեց, և նրա արժանավորությունն ավելի ևս բարձրացրեց:
 - Ուրեմն դու երբ որ թագավոր դառնաս, մի նախընտրյալ շքանշան հնարիր և նրանով բարձրացրու քո իշխաններին:
 - Նախընտրյալն նշանն այնքան բարձր է, Վաղինակ, որ կարելի չէ տալ ոչ մի իշխանի: Այդ նշանը կարող են կրել միայն թագավորներն ու հայրապետները: Դու չգիտե՞ս միթե, որ այն գավա-

- գանր, որ տրվում է թագավորներին և հայրապետներին՝ հովվական նշան է:
- Հովվական, բայց ոչ թե նախընտրյալն:
- Հովվիվն ու նախընտրյալն ինչո՞վ են դանազանվում միմյանցից, եթե ոչ նրանով, որ հովիվը միայն այժ ու ոչխար է արածեցնում, իսկ նախընտրյալն՝ ամեն ինչ. ոչխար, այծ, տավար, գոմեշ, ձի, էջ, ջորի և մինչև անգամ ուղտ: Եվ թագավորի պաշտոնն ավելի նախընտրյալն է նման, քան թե հովիվի, ըստ որում նրա ժողովուրդը միայն ոչխարներից ու այծերից չէ բաղկացած, այլ շատ տեսակ կենդանիներից: Մի՞թե քեզ հայտնի չէ, որ աստված ամենից շատ նախընտրյալն է սիրելի. ի՞նչ են եղել Աբրահամ, Մոսես, Դավիթ, եթե ոչ մի-մի նախընտրյալ: Ո՞վ էր աստծուն ավելի սիրելի, Ծառ՝վը, որ մեզ նման որսորդ էր, թե՞ Հակոբը, որ նախընտրյալ էր: Իմ կարծիքով նախընտրյալն են եղել աշխարհիս բոլոր արդար մարդիկը, Աբելից սկսած մինչև այս գյուղի նախընտրյալն, որ այսքան գեղեցիկ ու խելոք աղջիկ ունի:
- Քեզ հետ վիճել կարելի չէ, իշխան. քիչ էլ որ խոսեցնեմ, դու Մեսրոպ վարդապետի քարոզները կկարդաս գլխիս: Թող գեղեցիկ լինի նախընտրյալ աղջիկը. ասած է՝ «աչքի սիրածը տգեղ չի լինիլ»: Բայց ես կարծում եմ, որ եթե այդ աղջիկը լիներ մի երկրագործի աղջիկ, դու չէիր ասիլ, որ կայենը երկրագործ էր, բայց կասեր «երկրագործ են եղել աշխարհիս բոլոր լավ մարդիկ, Ադամից սկսած մինչև այս գյուղի երկրագործը, որ միայն այսքան սիրուն աղջիկ ունի»:
- Վաղինակ, մի րոպե թող քո սրախոսությունդ և ինձ ուղիղն ասա: Անահիտն է գեղեցիկ, թե՞ մեր հազարապետի աղջիկ Վարսենիկը:
- Ես կարծում եմ, որ իբրև իշխանուհի՝ հազարապետի աղջիկն է գեղեցիկ, իսկ իբրև նախընտրյալ՝ այդ գեղեցկուհին. մինը մյուսի տեղը չի բռնիլ:
- Բայց ո՞րը կլինի ավելի խելոք, Անահիտը, թե՞ Վարսենիկը:
- Ես ոչ մեկի խելքը չեմ չափել, բայց կարծում եմ, թե Վարսենիկը շատ լավ գիտե, որ մեր Թարթառի ջուրը ոչ ոքի վնաս տված չէ՛, և այդ պատճառով՝ երբ որ դու նրանից ջուր ուզես, նա հարկ չի համարիլ քո Անահիտի պես նազ ու սազ անել և թուփ ցամաքած թողնել:

— Վաղինա՛կ...

— Հրամայի՛ր, իշխան...

— Վաղինա՛կ, դու ինձ չե՛ս սիրում...

— Իջխա՛ն, ես հասկանում եմ քո միտքը: Ես տեսա, որ այդ առասպելական Անահիտի թերթեւները նետերի պես ցցվեցան սրտիդ մեջ, բայց ցավում եմ, որ այդ վերքը քո մեջ պիտի անբժշկելի դառնա...

Վաչագանն այլևս շխտեց և ընկավ մի խոր մտածութեան, մի երևակայական աշխարհի մեջ: Լոեց և Վաղինակը: Միայն Զանգին սովորականից դուրս ավելի ուրախ էր թռչկոտում ու խաղում, կարծես մի նոր որսի հոտ լիներ առած:

Դ

Նախընթաց դեպքից մի քանի օր անցած թագավորն ու Վաղինակը երկար խոսակցություն ունեին: Խոսակցության առարկան Վաչագանն էր:

— Վաղինակ, — ասաց թագավորը, — դու մի փոքր երեխա ես եղել, որ մեր տունն ես եկել, ես քեզ հարազատ որդու պես եմ պահել: Այսօր դու ինքդ որդու տեր ես և կարող ես զգալ, թե ի՞նչ է որդեսիրությունը: Մեր Վաչագանը քեզ եղբորից չի զանազանում և միայն քեզ է հայտնում իր սրտի գաղտնիքը: Գու պետք է իմանաս նրա միտքը և հայտնես մեզ, որ մենք մեր ձեռքից եկած հնարը գործ դնենք:

Վաղինակը պատասխանեց.

— Հա՛յր թագավոր, Վաչագանն այնքան գաղտնապահ է, որ ինձ էլ չի բաց անում իր սիրտը. միայն այս վերջին օրերս ես նրա մեջ մեծ փոփոխություն եմ նշմարում: Ես կարծում եմ, որ նա սիրահարված է Անահիտ անունով մի աղջկա վրա:

— Ո՛վ է այդ Անահիտը:

— Գա Հացիկ գյուղի նախընտ աղջիկն է:

— Նախընտ՞ը...

— Այո՛:

— Այդ նախընտ Անահիտը մի աստվածուհի պետք է լինի ուրեմն, որ կարողացել է Վաչագանին այդպես կախարդել և կակղացնել նրա բարացած սիրտը:

— Հայր թագավոր, ես միշտ փանում եմ այդ աղջկանը, ծիծաղում եմ Վաչագանի վրա, բայց զուր է անցնում իմ աշխատությունը, և կարծում եմ, որ պիտի զուր էլ անցնի, ըստ որում այդ աղջիկը ճշմարիտ որ մի աստվածուհի է. նրա գեղեցկությունը մի հիացք է. իսկ խելքի մասին հրաշքներ են պատմում: Ասում են՝ գյուղի ծերերը նրա խորհրդին են դիմում ամեն դժվար հանգամանքներում: Ոչ մի երիտասարդ նրա քաջությունը չունի, ոչ մի օրիորդ՝ նրա ձեռքի ճարտարությունը: Նրան անվանում են «Անտանների թագուհի», ըստ որում իր հոր նախրից երբ որ մի ապրանք է կորչում կամ գողացվում, նա իսկույն՝ մի կրակոտ ձի հեծած՝ սար ու ձոր է ընկնում, և որտեղից լինի՝ գտնում բերում է: Այս տեղեկությունները ես հավաքել եմ Վաչագանից ծածուկ և ոչինչ չեմ հայտնել, որ ավելի ևս շտաքանա, բայց ինչպես ես տեսնում եմ, նա առանց այս էլ նրանից ձեռք վերցնողը չէ: Ես հույս ունիմ, որ ինքը եթե ձեզ շահայտնե, մայր թագուհուց չի թաքցնի:

— Եթե այդպես է, ես կհայտնեմ մորը: Շնորհակալ եմ, որ ինձ նախապատրաստեցիր քո տված տեղեկություններով:

Վաղինակը ճշմարիտ որ լավ նախապատրաստեց թագավորին: Նա Անահիտի գովասանքը՝ իր կարծիքով՝ չափազանցություն հասցրեց ավելի այն մտքով, թե՛ բան է, եթե որդու կողմից զիջում չլինի, գոնե ծնողաց կողմից լինի, որ Վաչագանի մտաբան անկատար չմնա: Ահա այս խոսակցությունից հետո էր, որ մայրն իմացավ որդու տխրության գաղտնիքը:

Ե

Թագուհին երբ որ իմացավ Վաչագանի վճռական խոսքը, թե նա միայն Անահիտին կուզի և ուրիշ ոչ ոքի, հայտնեց թագավորին, որ իրանց որդին Հացիկ գյուղի նախընտ աղջկանն է հավանել, և պատմեց բոլորը, ինչ որ ինքը լսել էր: Այս լուրը շուտով տարածվեց ամբողջ պալատի մեջ: Բոլոր ծառաներն ու նաժիշտներն իմացան: Մյուս օրը ամբողջ քաղաքը դղրդում էր այդ նոր համբավով: Գյուղացիք ուրախացան, որ թագուհին իրանցից կլինի և նրա օրով իրանք շատ բախտավոր կլինին: Մեծ-մեծ իշխանները տխրեցան, թե ինչո՞ւ թագավորի որդին ուսմիկ նախընտն իրանցից բարձր

համարեց: Վաճառականները ծիծաղում էին, թե երևի թագավորի որդին խելքը կորցրել է, որ փոխանակ հարուստ օժիտով աղջիկ ուզելու՝ մի աղքատի աղջիկ է ուզում: Պակաս չէին և սրախոս մարդիկ, որոնք այդ առիթով զանազան առասպելներ էին հնարում և պատմում սրան-նրան:

Ահա թե ինչ էին ասում այդ սրախոսները.

— Բարեկ, ասում են մեր թագավորի որդին նախընտրում աղջիկ է ուզում, լսե՛լ ես...

— Այդպես չէ, սիրելի Սաղոկ, դու սխալ ես լսել: Այդ նախընտրում իսկապես նախընտրում չէ, այլ թագավոր է, բայց որովհետև իր հպատակները բոլորն էլ անասուններ են, այդ պատճառով նրան նախընտրում են ասում: Հիմա մենք որ հիմար լինինք, մի՞թե դրա համար պետք է մեր թագավորին տավարած անվանեին: Մեր թագավորի խնամացումն մի շատ իմաստուն թագավոր է. նա իմանում է բոլոր անասունների լեզուն, այդպես մեկ էլ Սողոմոն իմաստունն է եղել:

— Ինչ ես ասում... մի՞թե անասուններն էլ ունին թագավոր:

— Ինչո՞ւ ես զարմանում: Հապա չե՞ս լսել, որ ասում են՝ մորեխների թագավորը, օձերի թագավորը, մրջյունների թագավորը, մեղունների թագուհին: Եվ մարդիկն էլ դեռ այն ժամանակն են սկսել թագավոր ունենալ, երբ նրանց խելքը անասունների խելքից բարձր չի եղել:

— Ես այդ գիտեմ, բայց չեմ լսած որ տավարներն էլ ունենան թագավոր: Մեկ էլ որ՝ ասենք՝ օձերի թագավորը օձ է, մորեխներինը՝ մորեխ, բայց տավարներինը մի՞թե մարդ է:

— Հապա մարդ որ չլիներ, էլ ինչպե՞ս աղջիկ կունենար, էլ ո՞ւմ կուզեր մեր թագավորի որդին, երևի մարդ է, որ աղջիկ ունի, և այն էլ գիտե՞ս, ինչպե՞ս աղջիկ, շատ գեղեցիկ և շատ իմաստուն: Ասում են՝ այդ աղջիկը մարդու չի գնում, և դեռ հայտնի չէ, թե արդյոք մեր թագավորի որդուն կուզի՞ թե ոչ:

— Ի՞նչ ես ասում:

— Հապա դու ի՞նչ ես կարծում...

2

Թագավորն ու թագուհին տեսան, որ չեն կարողանում վաչագանի միտքը փոխել, մի երեկո խորհուրդ արին և վճռեցին, որ ընդունեն նրա ընտրությունը:

Թագավորն ինքը շատ բարի մարդ էր, նա սրտով հակառակ չէր ամենևին որդու ընտրությունը: Նա միևնույն անգամ ուրախ էլ էր, որ իր որդին բոլոր հպատակների վրա հավասար աչքով է նայում և մեկը մյուսից բարձր չի դասում: Նա միայն վախենում էր, թե մի՞ գուցե դրանով գոռոզ իշխաններին գրգռե իր դեմ: Բայց երբ որ իմացավ թե գյուղացիք շատ ուրախ են այդ բանին և Անահիտն էլ բարձր համբավ է ստացել նրանց մեջ, ինքն սկսեց համոզել թագուհուն, որ հոժարի այդ բանին...

Մյուս օրը կանչեցին Վաղինակին, հայտնեցին իրանց հոժարությունը, և նրա հետ երկու պատվավոր և իշխան մարդ ևս դնելով՝ մեծամեծ ընծաներով ուղարկեցին Հացիկ՝ հարսնախոսություն:

Երբ որ դրանք հասան նախընտրում Առանի տունը, Առանը նրանց սիրով ընդունեց և շնորհավորեց նրանց գալը: Անահիտը տանը չէր: Հյուրերը նստեցին սրահումը՝ մի նոր գորգի վրա, որ Առանը փոքր իսկույն և ինքն էլ նստեց նրանց կշտին:

Խոսակցության նյութը ամենից առաջ դարձավ նոր գորգը, որ իր գեղեցիկ նախշերով, գույների պայծառությունով և գործվածքի նրբությունով գրավեց հյուրերի ուշադրությունը:

— Այս ի՞նչ հրաշալի գորգ է,— ասաց Վաղինակը,— տանտիկինդ կլինի գործած անշուշտ:

— Ո՛չ, ես կին չունիմ, ահա հինգ տարի է, որ կինս վախճանվել է: Այդ գորգը մեր Անահիտի գործածն է: Բայց ինքը չի հավանում. ասում է՝ իմ ուզածիս պես չդուրս եկավ: Մեկ նորը հինել է, ահա՛ այն ծածկված ոստայնն է, հույս ունի, որ այն պիտի իր ուզածի պես դուրս բերե:

— Մեր թագավորի պալատումն էլ չկա մի այսպիսի գորգ,— ասաց իշխաններից մինը, հետո դառնալով Առանին՝ ավելացրեց.— շատ ուրախ ենք, որ քո աղջիկն այսքան շնորհալի է: Քո Անահիտի համբավը միևնույն թագավորի ահանջն է հասել: Եվ ահա՛ մեզ ուղարկել է քեզ մոտ խնամախոսություն: Թագավորը կամենում է, որ քո Անահիտը տաս իր միևնույն որդուն՝ Վաչագանին, որ իր թագածառանդն է:

Իշխանն այս առաջարկությունն անելով՝ սպասում էր, թե Առանը կամ չի՞ հավատալ, կամ թե՞ սաստիկ ուրախանալուցը՝ վեր կթռչի տեղիցը: Բայց Առանը ո՛չ այս արավ և ոչ այն, այլ գլուխը քաշ գցեց և սկսեց ցուցամատը գորգի նախշերով սահեցնել: Նրան այդ մտածությունից հանեց Վաղինակը՝ ասելով.

— Ինչո՞ւ տխրեցիր, Առան եղբայր, մենք քեզ ուրախութիւն ենք բերել և ոչ տխրութիւն: Մենք քո աղջիկը բռնի տանելու չենք: Այդ կախովտն է քո միակ կամքից. եթէ կուզես՝ կառա, շեռ ուղի՝ շեռ տալ. մեզ հարկավոր է միայն, որ դու ուղիղն ասես, թե դու ինչպէս կկամենաս՝ տա՞լ, թե չտալ:

— Իմ պատվական հյուրեր, — պատասխանեց Առանը, — ես շատ շնորհակալ եմ, որ մեր տեր թագավորը իր ճոխ պալատի համար իր ծառայի աղքատիկ խրճիթից մի զարդ է ուզում տանել: Գուցէ այդպիսի մի զարդ, ինչպէս ասացիք գորգի համար, չկա Ծրա պալատի մեջ, բայց ճշմարիտն ասում եմ ձեզ, իմ ձեռին չի տալն ու շտալը: Ահա կգա ինքը, իրան կհարցնեք, եթէ կհամարի, ես ոչինչ չունիմ ասելու:

Հենց այս խոսակցութեան ժամանակ եկավ Անահիտը, որ իրանց այգումն էր եզել, ձեռին մի զամբյուղ խաղողով, գեղձով և տանձ ու խնձորով լիքը: Գլուխ տվա՞վ հյուրերին, սրտնց մասին իրան իմաց էին տվել, որ քաղաքից եկած իշխաններ են, զամբյուղը ներս տանելով՝ միջի եզածը դարսեց մի ճոր կլեկած մեծ սինու մեջ և բերով դրավ հյուրերի առջև: Ինքը գնաց իր օստայնի մոտ, վեր առավ նրա երեսից սաճանը և սկսեց շարունակել իր կիսատ թողած գործը: Իշխաններն սկսեցին նայել, որ տեսնեն ինչպի՞ս է գործում Անահիտը, և մնացին ապշած նրա արագաշարժ մասնների ճարպիկութեան վրա:

— Անահիտ, ինչո՞ւ ես մենակ գործում, — հարցրեց Վազի-նակը, — ես լսել եմ, որ դու աղջիկ աշակերտներ շատ ունիս:

— Այո՛, ունիմ մի քսան հոգի, — պատասխանեց Անահիտը, — բայց որովհետեւ հիմա այգեկութ է, արձակել եմ: Այստեղ էլ լինին, շեմ բանեցնիլ սրտ վրա: Այս մեկ հատը ես մենակ պետք է գործեմ:

— Լսել եմ, որ դու քո աշակերտներին կարգալ էլ ես սովորեցնում:

— Այո, սովորեցնում եմ: Հիմա մեզանում ամեն մարդ պարտական է կարգալ գիտենալ: Այս վերջին օրերս էլի եկավ ծերունի Մեսրոպը և սաստիկ պատվեր տվա՞վ, որ ամեն մարդ կարգալ սովորե, որ ամեն մարդ ինքը կարգալ պիտտարտեք և հասկանա: Հիմա մեր հովիվներն էլ գիտեն կարգալ և միմյանց սովորեցնում են իրանց հոտն արածացնելիս: Այժմ եթէ մեր անասունները պատես, բոլոր հոտն ծառերի կեղևները գրատած կտեսնես: Անցյալ օրը ես մի ծառի վրա տառ արեմ աղբոս կարգացի: Մեր քերդի պարիտը

ներք, ժայռերի ճակատները ածխագրերով լցրել են: Մեկը ավետարանից մի տուն գրում է կամ այնքան է գրում, ինչքան անգիր գիտե, հետո մյուսներն են շարունակում: Ահա այսպես սար ու ձոր լցվել է գրերով:

— Մեր մեջ ուսումն այդչափ տարածված չէ, ըստ որում մերոնք ծուլ են, բայց ես հույս ունիմ, որ հրե քեզ տաննք մեր քաղաքը, դու մեր ծուլերին արիազան կշինես: Մի բոպի թող քո գործը, Անահիտ, և եկ այստե՞ղ, քեզ բան ունինք ասելու: Տե՛ս, ահա քեզ համար ինչե՞ր է ուղարկել մեր թագավորը:

Վաղինակն այս ասելով՝ բաց արավ մի կապոց և նրա միջից հանեց ոսկի զարդարանքներ և մետաքսե հագուստներ:

Անահիտն այդ բաները տեսնելով՝ ամենեկին շահիշտակվեց և շտեսի նման շղարմացավ, այլ համեստ կերպով հարցրեց.

— Կարելի՞ է արդոք իմանալ, թե այդ պատիվն ինչո՞ւ համար է արել ինձ թագավորը:

— Մեր թագավորի որդին՝ Վաչագանը, քեզ տեսել է աղբյուրին. դու նրան շուր ես տվել, և ես քեզ շատ հավանել է: Հիմա թագավորը մեզ ուղարկել է, որ քեզ նշանենք իր որդու վրա: Ահա այս մատանի է, այս ապարանջան է, այս մանյակ է, սրանք կոճակներ են, մի խոսքով քեզ համար են այս ամենն էլ:

— Ուրեմն իմ տեսած որսորդը թագավորի որդին է եղել:

— Այո:

— Նա շատ լավ երիտասարդ էր: Բայց արդոք գիտե՞ մի որևիցե արհեստ:

— Նա թագավորի որդի է, Անահիտ, նրան ի՞նչ արհեստ է հարկավոր, ողջ աշխարհի տերը նա է, ամենքն էլ նրա ծառաներն են:

— Գիտեմ որ այդպես է, բայց ո՞վ գիտե, աշխարհք է, այսօրվան ծառաների տերը վաղը կարող է ինքը լինել ծառա, թեև ես թագավոր էլ լինի եղած: Արհեստը մի այնպիսի բան է, որ ամենայն մարդ պիտի գիտենա, թե ծառա լինի, թե տեր, թե թագավոր և թե իշխան:

Այսպես որ ասաց Անահիտը, իշխանները մնացին իրար երեսի մտիկ տալիս: Նայեցին Առանին, տեսան, որ ես շատ հավան է աղբոս ասածին: Հետո դարձան Անահիտին ու կրկին հարցրին.

— Ուրեմն դու թագավորի որդուն չգիտի ուզես միայն նրա՞ համար, որ նա արհեստ չգիտե:

— Այո, և այս ամենը, ինչ որ բերել եք, ետ կտանք և կասեք, որ ես իրան շատ հավանում եմ, միայն թող ներե ինձ, որ ես ուխտ եմ դրել արհեստ չգիտցող մարդու չգնալ: Եթե կամենոս է, որ ես իր ամուսինը լինիմ, թող նախ և առաջ մի արհեստ սովորի:

Իշխանները տեսան, որ Անահիտը հաստատ է իր ասածին, էլ շատիպեցին: Նույն գիշերը մնացին Առանի տանը: Անահիտը նրանց լավ հյուրասիրություն ցույց տվավ և մի թագավորի հեքիաթ պատեց, թե ինչպես նա շատ արհեստներ է սովորել, հետո իր ժողովրդին էլ սովորեցրել և դրանով իր երկիրը շատ հարստացրել: Իշխանները տեսնելով, որ ճշմարիտ է Անահիտի ասածը, ամաչում էին, որ իրանք ոչ մի արհեստ չգիտեն, միայն Վաղինակն սկսեց պարծանքով ասել, որ ինքը շատ լավ ոսկերչություն գիտե, թե նա այդ սովորել է Գազավորի պալատական վարպետից: Մյուս օրը վեր կացան գնացին և ինչ որ տեսել, լսել էին, մի առ մի պատմեցին թագավորին: Թագավորն ու թագուհին երբ լսեցին Անահիտի վճիռը, շատ ուրախացան, կարծելով թե Վաչագանը չի ընդունիլ նրա առաջարկությունը և ձեռք կվերցնե նրանից, բայց երբ կանչեցին իրան և հայտնեցին՝ նա ասաց.

— Շատ ուղիղ է ասել Անահիտը. ամենայն մարդ պետք է մի արհեստ գիտենա, թագավորն էլ մարդ է, նա էլ պետք է գիտենա մի արհեստ:

— Ուրեմն դու հոժար ես մի արհեստ սովորելու, — հարցրեց մայրը:

— Այո՛:

— Բայց ուղիղն ասա, ինչո՞ւ համար ես ուզում սովորել. արհեստի կարևորությունն զգալով, թե՞ Անահիտին արժանանալու համար:

— Երկուսն էլ... ինչո՞ւ թաքցնեմ, — պատասխանեց Վաչագանը և հեռացավ իսկույն, որ երեսի կարմիրը ծածկե իր ծնողներին...

Թագավորը տեսավ, որ որդին հոժար է մի արհեստ սովորելու, խորհրդի կանչեց իշխաններից մի քանիսին և նրանք միաձայն վճռեցին. թե նրան վաչելուչ արհեստը լավ դիպակ գործելն է, որ չկա իրենց երկրի մեջ և հեռավոր երկիրներից են բերել տալիս շատ թանկ գնով: Մարդիկ ուղարկեցին և խորին Պարսկաստանից մեկ հմուտ վարպետ բերել տվին Վաչագանի համար: Մի տարվա մեջ Վաչագանն այնպես սովորեց դիպակ գործելը, որ իր ձեռքով նուրբ

ոսկեթելից մի բաճկոնացու գործեց Անահիտի համար և Վաղինակի ձեռքով ուղարկեց նրան ընծա:

Անահիտը՝ ստանալով այդ ընծան՝ ասաց. — Հիմա ոչինչ չուրեմ ասելու.

Երբ կանճարանա,

Ջուհակ կըղտոնա:

Հայտնեցեք թագավորի որդուն իմ հոժարությունը և իմ կողմից էլ իմ նոր գործած գորգը տարեք նրան ընծա:

Վաղինակը վեր առավ գորգը և ձին հեծնելով շտապեց դեպի Բարդա, որ մի բոպն առաջ ավետե Վաչագանին Անահիտի հոժարությունը:

Սկսեցին հարսանիքի պատրաստություն տեսնել և յոթն օր յոթը գիշեր հարսանիք արին: Այդ հարսանիքը մի շտեմնված մեծ տոնակատարության պես եղավ բոլոր երկրի համար: Գյուղացոց ուրախությանն էլ չափ չկար: Նրանք ուրախանալու առիթներ շատ ունեին. նախ՝ որ շատ սիրում էին թագավորին և նրա որդուն. երկրորդ՝ որ Անահիտը նրանց մեջ մեծ համբավ էր ստացել, և նրա գթության վրա մեծ հույս ունեին. երրորդ՝ որ թագավորը հարսանիքի օրը հրաման էր հանել, որ երեք տարի ժամանակով գյուղացոց բոլոր հարկերը ընծայված լինին: Եվ դրա համար էլ գյուղացիք երկար ժամանակ երգում էին.

Անահիտի հարսանիքին ոսկի արև փայլեցավ.

Անահիտի հարսանիքին ոսկի անձրև թափվեցավ.

Մեր արտերը ոսկի գառան, մեր հողերը լցվեցան.

Մեր հարկերն անհետացան, մեր ցավերը վերացան.

Շատ ապրի Ոսկեծղին՝

Մեր մայր թագուհին...

Է

Անահիտի փառավոր հարսանիքին ներկա չէր Վաղինակը: Մեկ օր թագավորը նրան մի հանձնարարությունով ուղարկեց Պարոժ քաղաքը, որ շատ հեռու չէր Բարդայից և այն գնալն էր, որ

գնաց, էլ ետ չեկավ: Շատ հարց ու խնդիր եղան, ման եկան, որոնեցին, բայց Վաղինակը կորավ ու կորավ:

Վաղինակին որոնելու գնացող Քարդիկ լուր բերին թագավորին, թե անհայտ եղած մարդիկ շատ կան, և ոչ ոքի հայտնի չէ, թե ինչպես են անհետանում այդ մարդիկը և ո՛ր են կորչում:

Թագավորը կարծեց, թե երևի ավազակ գերեվաճառներ կան, նրանք են գալիս գողանում և տանում Կովկասյան լեռներում բնակող բարբարոս ազգերի մեջ վաճառում: Ճարպիկ լրտեսներ ուղարկեց այն երկրները, նրանք գնացին, գյուղե գյուղ, քաղաքե քաղաք ման եկան, բայց ոչ մի հետք չգտնելով՝ ետ դարձան հուսահատ:

Վաղինակի այդպես անհետ կորչելը մեծ ցավ պատճառեց թագավորին: Նա ցավում էր ոչ միայն նրա համար, որ նրան որդու պես էր սիրում, այլև նրա համար, որ իր երկրի մեջ մի այդպիսի անսովոր բան էր պատահում և ինքը չէր կարողանում հետքը գտնել:

Այս դեպքից հետո շատ շանցած՝ թագավորն ու թագուհին վախճանվեցան, խորին ծերութիան հասած: Բոլոր երկիրը սուգ պահեց նրանց համար մինչև քառասուն օր: Քառասուն օրից հետո հավաքվեցին բոլոր քաղաքացիք և Վաչագանին իր հոր տեղը նստեցրին:

Վաչագանը՝ իր նախնայաց գահը բարձրանալով՝ ուղեց իր երկիրը այնպես բարեկարգել, որ էլ ոչ մի հողի ոչ մի բանից դժգոհ չլինի, ամենքն էլ ուրախ լինին, ամենքն էլ բախտավոր: Իր ամենամոտիկ խորհրդակիցը Անահիտն էր: Առաջ նրա հետ էր խորհրդակցում միշտ և հետո ժողովրդից խելացի մարդկանց հրավիրում խորհրդի և նրանց հայտնում իր միտքը: Բայց Անահիտը այսքանը բավական չհամարեց և մեկ օր նրա հետ սկսեց այսպես խոսիլ.

— Տեր իմ թագավոր, ես տեսնում եմ, որ դու քո երկրիդ մասին մանրամասն ու ստույգ տեղեկություններ չունիս: Քո հրավիրած մարդիկը ամեն բան ուղիղը չեն ասում: Նրանք քեզ միամտացնելու և ուրախացնելու համար ասում են՝ ամեն բան լավ է և կարողին, ամենքն էլ գոհ են իրենց վիճակից: Ո՞վ գիտե, ինչե՞ր են լինում այս բոլորիս քո երկրիդ մեջ, որոնց մասին այդ մարդիկը ոչ մի տեղեկություն չեն տալիս քեզ: Դու ժամանակ առ ժամանակ պետք է զանազան հազուստով ու կերպարանքով ման գաս երկրիդ մեջ, երբեմն աղքատի ձևով մուրացկանություն պետք է անես, երբեմն մշակի հագուստով պիտի երթաս նրանց հետ մշակություն անես, երբեմն վաճառականություն, մի խոսքով ամեն վիճակի մեջ

էլ պետք է մտնես, որ ամեն վիճակի էլ մոտիկ ծանոթանաս: Աստված ամենի համար էլ քեզանից հաշիվ է պահանջելու, դու նրա փոխանորդն ես քո երկրիդ վրա, պետք է ամենայն ինչ տեսնես. և ըստ այնմ քո անելիքդ անես:

— Դու շատ ճշմարիտ ես ասում, Անահիտ, — ասաց թագավորը: — Հանգուցյալ հայրս այդ սովորությունն ուներ, ինչ որ գուստում ես, միայն ծերութիան ժամանակ էլ չէր կարողանում կատարել իր ուզածը: Ես իմ որսորդության ժամանակ համարյա միևնույնն էի անում, բայց հիմա ի՞նչպես անեմ. ես որ երթամ, ո՞վ կկառավարի իմ տեղս:

— Ես ինքս կկառավարեմ, և այնպես կանեմ, որ ոչ ոք չի իմանալ, որ դու բացակա ես:

— Շատ լավ. ես հենց վաղը կարող եմ ճանապարհ ընկնիլ: Քսան օր ժամանակ եմ դնում, երբ որ քսան օրն անցնի և ես չգամ, իմացիր, որ ես կենդանի չեմ կամ մի փորձանքի մեջ եմ ընկել:

Ը

Վաչագան թագավորը հասարակ շինականի հագուստով ծրպտած՝ ճանապարհ ընկավ դեպի իր երկրի հեռավոր կողմերը: Շատ բան տեսավ, շատ բան լսեց, բայց ամենից անցավ այն՝ ինչ որ նա տեսավ իր վերագարձին Պերոժ՝ քաղաքումը:

Պերոժ քաղաքը, որ այժմ անհետացած է, գտնվում էր Կուր գետի ափումը: Բնակիչները կոպակաշտ պարսիկներ էին: Կային և հայ քրիստոնյաներ, բայց շատ սակավ էին և չունեին ոչ քահանա և ոչ աղոթատուն:

Քաղաքի կենտրոնումը կար մի շատ ընդարձակ հրապարակ, որ քաղաքի շուկան էր. նրա շորս կողմն էին գտնվում բոլոր արհեստավորների և վաճառականների խանութները:

Մի օր այդ հրապարակումը նստած էր Վաչագանը, մեկ էլ տեսավ՝ ահա՛ մի խոմբ մարդիկ են գալիս և բերում են իրանց հետ մի փառավոր և սպիտակ մորուքով ծերունի՝ աչ ու ձախ բազուկները բարձրացրած: Մերունին շատ ծանր էր գալիս. նրա առջև սրբում էին ճանապարհը և ազյուաններ դնում ոտների տակին: Վաչագանը մտեցնեցավ մի մարդու և հարցրեց, թե ո՞վ է այդ ծերունին: Մարդը պատասխանեց.

— Սա մեր մեծ քրմապետն է, մի՞թե չես ճանաչում: Տես որ-քան սուրբ է, որ ոտը գետնին չի դնում, որ շիրնի թե մի որևիցե մի-շատ ընկնի ոտքի տակը և սպանվի:

Հրապարակի ծայրումը մի կապերտ փոեցին, և քրմապետը շո-քեց նրա վրա, որ հանգստանա: Վաչագանը գնաց նրա դիմացը կանգնեց, որ տեսնի ի՞նչ է խոսում այդ մարդը կամ ի՞նչ է անում: Քրմապետը շատ սրատես էր. նա էլ Վաչագանի վրա նայեց և նկա-տելով նրա օտարական լինելը և առաջին անգամ իրան տեսնիլը, ձեռով արավ, որ գնա մոտը: Վաչագանը մտաեցավ:

— Դու ո՞վ ես, ինչ գործի ես,— հարցրեց քրմապետը:

— Ես մի օտար բանվոր եմ,— պատասխանեց Վաչագանը,— եկել եմ այս քաղաքը մշակության:

— Շատ լավ, կգա՞ս ինձ հետ, ես քեզ գործ կտամ և լավ կվար-ձատրեմ:

Վաչագանը գլուխ տալով՝ հոժարություն ցույց տվավ և գնաց կանգնեց նրա հետ եղած մարդկանց մոտ:

Քրմապետն իր մոտ եղած քուրմերին մի քանի խոսք փսփսաց և նրանք ցրվեցան այս ու այն կողմ, և մի քանի բոպեից վերա-դարձան այլևայլ պաշարներով՝ մշակների շալակը տված:

Երբ որ բոլոր քուրմերը եկան, քրմապետը վեր կացավ և մի-կնույն հանդիսով ճանապարհ ընկավ դեպի իր բնակարանը: Վա-չագանն էլ լուռ ու մունջ հետևեց նրան ավելի հետաքրքրությունից շարժված, որ տեսնի ինչո՞վ են զբաղված այդ քուրմերը կամ ի՞նչ մարդ է քրմապետը, ի՞նչ բարեգործություններ ունի, որ այդպես սուրբի պես պաշտվում է: Այսպես գնացին մինչև քաղաքի ծայրը:

Այդտեղ քրմապետը՝ օրհնելով ճանապարհ ձգող ջերմեռանդ կռապաշտներին՝ ետ դարձրեց, մնացին միայն իր քուրմերը և բեռ-նակիր մշակներն ու Վաչագանը: Դրանք շարունակեցին իրանց ճա-նապարհը և հեռանալով քաղաքից՝ մոտ երկու վերստ, հասան մի պարսպապատ շենքի և կանգ առան նրա երկաթի դռան մոտ: Քրմա-պետն իր գրպանից հանեց մի ահագին բանալի, բաց արավ դուռը և ամենին ներս անելով՝ կրկին կողպեց: Այստեղ Վաչագանը մի անսովոր սարսուռ զգաց, տեսնելով, որ այստեղից իր կամքով դուրս գնալու հնար չի ունենալու: Վաչագանի հետ եղած մշակներն էլ առաջին անգամն էին մտնում այս շենքի մեջ: Նրանք ամենքն էլ իրար երեսի նայելով՝ սկսեցին փսփսալ, թե ո՞ւր բերին մեզ այս մարդիկը: Վերջապես պարսպի կամարակապ ճանապարհն անցնե-

լուց հետո, դրանց առջև բացվեց մի շատ ընդարձակ հրապարակ, որի մեջտեղը կար մի գմբեթահարկ մեհյան, մանր խուցերով շրջ-ջապատված: Մշակների բռնները ցած դնել տվին այն խուցերի մոտ, և նրանց՝ Վաչագանի հետ միասին՝ քրմապետը տարավ մեհյանի մյուս կողմը, այնտեղ բաց արավ մի նոր երկաթի դուռ և ասաց.

— Գնացե՛ք ներս, այդտեղ ձեզ գործ կտան: Նրանք մոլոր-վածի պես լուռ ու մունջ ներս մտան և քրմապետն այդ դուռն էլ փա-կեց նրանց քամակից: Այստեղ մեր օտարականները նոր ուշքի եկան, նոր աչք բաց արին և տեսան, որ մի ստ. բերկրյա ճանապարհի վրա են կանգնած:

Թ

— Տղե՛րք, ի՞նչ տեղ ենք մենք, չգիտե՞ք,— հարցրեց Վաչա-գանը:

— Ես գիտեմ, որ մենք թակարդի մեջ ենք ընկել, էլ այստեղից ազատվելու չենք,— ասաց մեկը:

— Բայց չէ՞ որ այս մարդը սուրբ մարդ է, մի՞թե այդպես բան կանի,— ասաց մի ուրիշը:

— Ինչո՞ւ չի անիլ. երևի այս սուրբ մարդը գիտե, որ մենք մեղավոր ենք, սրա համար մեզ բերավ ձգեց իր քավարանը, որ մեղքներս ապաշխարենք:

— Տղե՛րք, կատակի ժամանակ չէ,— ասաց Վաչագանը:— Ես կարծում եմ, որ այդ դաժան ծերունին սուրբի անուն առած մի զար-հուրելի դե է, և մենք կանգնած ենք այժմ նրա դժոխքի ճանապարհի վրա: Տեսե՛ք ինչպե՞ս խավար է, ինչպե՞ս մութ, և դեռ ով գիտե ի՞նչ տանջանքներ կան մեզ համար պատրաստված: Բայց ինչո՞ւ ենք քարացել կանգնել այստեղ. էլ հավիտյան բացվելու չէ՞ այս դուռը. եկե՛ք առաջ գնանք, տեսնենք ո՞ւր է տանում մեզ այս ան-դառնալի ճանապարհը:

Այդ ճանապարհով բավականին առաջ գնացին, և հանկարծ նրանց աչքին մի ճրագի աղոտ լույս երևաց: Գնացին դեպի ճրագը, և նրանց առջև բացվեց մի լայն քարահատակ, որի շորս կողմից լսվում էին խառնաշփոթ աղաղակներ: Վեր նայեցին և տեսան, որ մի արհեստական քարայրի մեջ են գտնվում: Դա շինված էր ցորենի

հորի պես. վերեկից սկսել էին փորել ժայռը և որքան ցած էին իջել, այնքան լայնացրել էին, և այս կերպով միապաղաղ քարի մեջ շինել էին մի ստորերկրյա գմբեթաձև ընդարձակ սրահ:

Մեր կայանավորները մի կողմից ապշած զննում էին անկալյաների բանտը, մյուս կողմից խլշած ալանջ էին դնում, որ տեսնեն ո՞րտեղից էին գալիս խառնաշփոթ ձայները: Հենց այս միջոցին նրանց գիմացը երևաց մի ստվեր, որ հետզհետե մոտենալով ու թանձրանալով՝ մարդու նմանություն առավ: Վաշազանն առաջ գնաց դեպի այդ ստվերը և բարձրաձայն կանչեց.

— Ո՞վ ես դու, սատանա՞ ես, թե մարդ. մոտեցիր մեզ և ասա՛, ո՞րտեղ ենք գտնվում մենք:

Ուրվականը մոտեցավ և դողդողալով կանգնեց նորեկների առջև: Դա մի մարդ էր, մեռելի կերպարանքով, աչքերը խոր ընկած, այտերը ցցված, մազերը թափված, մի մերկ կմախք, որի բոլոր ոսկորները համրվում էին: Այդ կենդանի մեռյալը՝ սրացած ծնոտիքը հազիվ շարժելով՝ հեկեկալով ու կակազելով՝ ասաց.

— Եկե՛ք իմ հետևիցս, ես ձեզ ցույց կտամ, թե ի՞նչ տեղ եք ընկել գուր:

Գնացին մի նեղ անցքով և մտան մի ուրիշ բույն. այնտեղ տեսան սառը գետնի վրա վայր թափված մերկ մարդիկ: Որոնք աղեկըտուր տնքոցով փչում էին իրանց վերջին շունչը: Այգտեղից անցան մի ուրիշ որջ և այնտեղ տեսան կարգով շարված ահազին կաթսաներ, որոնց մեջ կերակուր էին եփում մի քանի մեռելազույն մարդիկ: Վաշազանը մոտեցավ այդ կաթսաներին, որ տեսնել ի՞նչ է նրանցում եփվածը, և երբ տեսավ, քստմենելով ետ քաշվեց, և ընկերներին շասեց, թե ի՞նչ էր տեսածը: Այգտեղից մտան մի ավելի երկար սրահ և այգտեղ տեսան զանազան արհեստավորներ խառնիխուռն աշխատելիս. մի քանիսը մի-մի բան էին ասեղնազործում, մյուսները նրանց կողքին մի-մի բան էին հյուսում, մի քանիսը կար էին անում, մյուսները սակերչաթյուն: Այսպես հարյուրաչափ մարդիկ այստեղ աշխատում էին ազոտ լույսի տակ, ամենքն էլ մեռելի գույն առած:

Այս ամենը ցույց տալուց հետո առաջնորդող մարդը կրկին տարավ նրանց առաջվա սրահը և այնտեղ ասաց.

— Այն գիվական ծերունին, որ ձեզ խաբել է բերել է, մեզ ամենիս էլ նա է բերել այստեղ: Թե քանի ժամանակ է, որ ես այստեղ եմ, ինձ հայտնի չէ, որովհետև այստեղ օր ու գիշեր չկա, այլ կա

միայն մի անվերջ խավար: Այսքանը միայն գիտեմ, որ ինձանից առաջ և ինձ հետ եկող մարդիկը կոտորվել են ամենքն էլ: Այստեղ բերում են երկու տեսակ մարդիկ, արհեստավոր և անարհեստ: Արհեստավորներին աշխատեցնում են մինչև իրանց մահը, իսկ արհեստ չգիտողներին տանում են սպանդանոց, որ ես ձեզ ցույց չտվի, և այնտեղից բերում են այն խոհանոցը, որ դուք տեսաք: Ահա մի այսպիսի զարհուրելի տեղ է այս տեղը: Մերունի դեր մենակ չէ, նա ունի հարյուրավոր գործակիցներ, որոնք՝ ամենքն էլ թուրմեր են: Այս դժոխքի վրա է նրանց բնակարանը:

— Ի ու այս ասա, հիմա մեզ ի՞նչ են անելու, — հարցրեց Վաշազանը:

— Միևնույնը կանեն, ինչ որ մյուսներին: Ով որ ձեզանից արհեստ գիտե, կապրի մինչև մեռնիլը, իսկ ով որ չգիտե, նրան կտանեն սպանդանոց: Ես հիմա մեռելատանն եմ, ըստ որում հայտնեցի, որ է՛լ աշխատելու ուժ չունիմ: Բայց աստված հոգիս շի առնում, երևի ուզում է ինձ լույս աշխարհի արժանացնել. և գիտե՛ք, ես հավատում եմ, որովհետև երազումս ինձ երևաց մի կինարմատ՝ գլխին թագածև սաղավարտ, ձեռին երկսայրի սուր, մի հրեղեն ձիու վրա նստած և ասաց ինձ. «Մի՛ հուսահատվիր, Վաղինակ, ես կգամ շուտով և ձեզ առհենիդ կազատեմ»: Ես վաղուց մեռած կլինեի, եթե այդ հրաշագեղ թագուհին ինձ հույս տված չլինեի. երա տված հույսը իմ հոգուս առունդ է տալիս, և ինչքան թույլ եմ մարմնով, այնքան հուժեղ եմ հոգով: Ա՛խ, ի՛մ Վաշազան, ո՞րտեղ ես, ինչո՞ւ ես մոռացել քո Վաղինակին...

Վաշազանը, որ մինչև այս ժամանակ մի Ֆմրած վիճակի մեջ էր և պատմողի խոսքերը միայն դնգոնգացնում էին նրա ականջի թմբուկը առանց տպավորվելու մտքի վրա, վերջին խոսքերից սթափվեց նա իբրև մի խոր քնից, և սկսեց հիշել երազի նման «թագուհի», «Վաղինակ». «Վաշազան» բառերը: «Մերձե՛ն սա մեր Վաղինակի՛ է», մտածեց նա: Այս մտածելով՝ և ուղքի գալով, ուզում էր վրան ընկնիլ և ռզվիլ, ուզում էր հայտնել, թե ինքն է Վաշազանը, բայց մեկ էլ շահավատալով իր ականջին՝ կրկին հարցրեց, թե ո՞վ է նա և ի՞նչպես է ընկել այստեղ:

Վաղինակը իր պատմությունն սկսեց շատ հեռվից և Վաշազանին անձանոթ առաջդառնալից: Իսկ այդ միջոցին Վաշազանն ակնից մտածել, ո՞ր լավ չի լինիլ, եթե ինքը հանկարծ հայտնե իր ով լինիլը, ըստ որում մի այդպիսի հայտնություն՝ թե՛ ուրախություն և

թե՛ կսկիծ լինելով՝ կարող էր սրի պես կտրել նրա կյանքի բարակացած թելը: Այս պատճառով ընդհատեց նրա պատմութիւնը, ասելով.

— Քո անունդ, ինչպես լսեցի, Վաղինա՞ն է:

— Վաղինակ է, այո՛, Վաղինակ... ես մի ժամանակ...

— Եղբայր Վաղինակ, շատ խոսիլը քեզ շատ վնաս է: Ապրի՛ր մինչև քո երազը կատարվի: Ծս հավատում եմ քո երազին և շնորհակալ եմ, որ հայտնեցիր մեզ: Այսուհետև մենք էլ կապրինք այդ հույսովը: Լավ կանես, որ քո մյուս արհեստակիցներին էլ հայտնես քո երազը: Ծս ինքս երազ մեկնող եմ, հավատացնում եմ քեզ, որ երազդ պիտի կատարվի տեսածիդ պես: Բայց անհատ քո ձայն է գալիս, դու գնա քո տեղը:

Ժ

Վաչագանի հետ եկածները թվով վեց հոգի էին: Հարցրեց նրանց, թե արդյոք մի որևիցե արհեստ գիտե՞ն: Մինն ասաց, որ գիտե կտավ գործել, երկրորդը դերձակութիւն գիտեր, երրորդը մետաքսագործ էր, մյուս երեքը ոչ մի արհեստ չգիտեին:

— Վնաս չունի, որ դուք արհեստ չգիտեք, — ասաց Վաչագանը, — ես կասեմ, որ դուք ամենքդ ինձ արհեստակից եք, իսկ ես շատ լավ արհեստ գիտեմ:

Ոտնաձայնը արձագանք տալով, հետզհետե մոտեցավ և նրանց առջև կանգնեց մի դաժանատեսիլ գուրմ՝ հետև առած մի խումբ զինված մարդիկ:

— Դո՞ւք եք նոր եկածները, — հարցրեց քուրմը:

— Այո՛, ծառաներդ ե՛նք, — պառտախանեց Վաչագանը:

— Զեղանից ո՞վ է արհեստ իմանում:

— Մենք ամենքս էլ գիտենք, — ասաց Վաչագանը, — գիտենք շատ թանկագին դիպակ գործել: Մեր գործվածքի մի կշիռը հարյուր կշիռ ոսկի կարծե: Մենք մեծ գործարան ունեինք, բայց պատահմամբ կրակ ընկավ այրվեց, և մենք ընկանք պարտքի տակ և խեղճացանք: Եկանք քաղաք, որ մի գործ գտնենք մեզ հա՛ւար, հանդիպեցանք մեծ քրմապետին և նա մեզ բերավ այստեղ:

— Շատ լավ. բայց մի՞թե ճշմարիտ այդպիսի թա՛նկ կարծե ձեր գործվածքը:

— Մեր ասածի մեջ սուտ չկա, չե՞ որ պիտի ստուգեք:

— Իհարկե, ես շուտով կիմանամ, թե որքան ճշմարիտ է ձեր ասածը. հիմա ասացեք, ի՞նչ նյութեղեն և գործիքներ են հարկավոր, որ ես բերեմ:

Վաչագանը հայտնեց մի առ մի, թե ինչ ու ինչ է հարկավոր: Մի քանի ժամից հետո ամեն ինչ պատրաստ էր: Քուրմը պատվիրեց, որ երթան արհեստատունը, այնտեղ աշխատեն և նրանց հետ կերակրվին:

— Այնտեղ մեր գործը լավ չի հաջողիլ, — ասաց Վաչագանը: — Մեզ հարկավոր է ջուկ և ընդարձակ տեղ, և այս տեղը ամենից համար է: Մեր գործի նրբութիւնը պահանջում է առատ լույս, աղոտ լույսի տակ ոչինչ չենք կարող կատարել, իսկ ինչ վերաբերում է մեր կերակուրին, պետք է գիտենաք, որ մենք մսակեր չենք, սովոր չենք այդ կերակուրին. հենց որ միս ուտենք, իսկույն կմեռնինք, և դուք կզրկվիք այն մեծ օգուտից, որ մեզանից կարող եք ստանալ: Ըշմարիտն եմ ասում, որ մեր գործի մի քաշը հարյուր քաշ ոսկի կարծե...

— Շատ լավ, — ասաց քուրմը, — ես ձեզ համար կուղարկեմ հաց և բուսեղեն կերակուր, դուք կունենաք և առատ լույս, բայց եթե ձեր գործը այնպես չլինի, ինչպես խոստանում եք, ես ձեզ ամենիդ սպանդանոց կուղարկեմ, և սպանելուց առաջ՝ ենթարկել կտամ շարաշար տանջանքների:

— Մեր ասածի մեջ ոչինչ սուտ չկա. եթե ուզում եք մեր խոստացած շահն ստանալ, պետք է միայն կատարեք մեր ուզածը:

Քուրմը կատարեց իր խոստումը: Նրանց համար ուղարկում էր սպիտակ հաց, կանաչեղեն, կաթ, մածոն, պանիր և զանազան շոր ու թարմ մրգեր: Վաչինակն էլ մասնակցեց այդ սնունդին, մյուսներին էլ նշխարքի պես բաժանում էին ծածկաբար սպիտակ հացից, հաղորդութեան տեղ էր բռնում և կենաց հացի պես կենդանութիւն տալիս նրանց: Վաղինակը նոր սնունդի ազդեցութիւնով հետըզհետե կազդուրվեց և կենդանի մարդու կերպարանք առավ: Վաչագանն սկսեց իր գործը և իր ընկերներին էլ իրան օգնական շինեց: Կարճ միջոցում պատրաստեց մի կտոր շատ պատվական դիպակ այնպիսի նախշերով, որոնց եթե ուշադրութեամբ զննեին և իմանային նրանց խորհուրդը, նույն դժոխքի պատմութիւնը պիտի կարդային նրանց մեջ:

Քուրմը եկավ, տեսավ պատրաստած դիպակը և մնաց հիացած:

Վաչագանը ծախելով իր գործքը ինչպես պետք էր, և հանձնելով քուրմին, ասաց.

— Ես առաջ ասացի, որ մեր գործվածքի մի կշիռը հարյուր կշիռ ոսկի կարծես, բայց հիմա հարկավոր եմ համարում ասել, որ սա իմ ասածի կրկնապատիկը կարծես, քստ որում որտեղ կան այնպիսի թախամաններ, որ հազնողին միշտ զվարթ և ուրախ կպահեն: Այս կա միայն, որ հասարակ մարդիկը սրա գինը շեն իմանալ: Սրա գինը կիմանա միայն Անահիտ թագուհին, և բացի նրանից ոչ ոք չի էլ համարձակիլ հազնիլ մի այսպիսի թանկագին գործվածք:

Արծաթամուլ քուրմը աչքերը շորս բաց արավ, երբ որ իմացավ դիպակի իսկական արժեքը: Այս մասին նա խորաժանկ քրմագիտին ոչինչ չհայտնեց և մինչև անգամ ցույց չտվավ նրան: Ուզեց, որ թագուհու տեսութանը միայն ինքն արժանանա, և նրանից առած ազելի ոսկիքը ինքը վայելի...

ԺԱ

Անահիտը Վաչագանի բացակայության ժամանակ լավ էր կառավարում երկիրը, և ամենքն էլ գոհ էին, ասանց իմանալու, թե նա է կառավարողը, բայց ինքը սաստիկ մտատանջության մեջ էր ընկել, ըստ որում քսան օրից արդեն տասն օր էլ անցել էր, բայց թագավորը չէր գերադարձել: Նա գիշերը հանգիստ չուներ. սարսափելի երազներ էր տեսնում և հանկարծ վեր թռչում: Ամեն բան փոխվել էր նրա աչքումը և ամեն ինչ մի անսովոր հաակություն ստացել: Զանգին անպազար սանում ու վնգստում էր և թագուհու ոտներն ընկնելով աղիողորմ կերպով կլանչում ու նրան ազելի ևս մտատանջության մեջ ձգում: Վաչագանի ձին անընդհատ խրխրեղջում էր մայրը կորցրած քուսակի պես և իր ախորժակը կորցնելով օրեցօր նիհարում էր: Մարի հավերը կանչում էին աքաղաղի պես, իսկ աքաղաղները փոխանակ լուսաբացին կանչելու՝ երեկոյին էին ծկլթում փասխանի ձայնով: Պարտիզի սոխակներն ընդհատել էին իրանց ծվլոցը, և նրանց տեղ լավում էր գիշերները բուերի վայրենը: Այլևս չէին քըքում թարթառի կոհակները ուրախ-ուրախ թռչկոտելով, այլ վա՛շ-վի՛շ-վա՛շ-վի՛շ անելով՝ անցնում էին պարսպի տակով տխուր ու արտում: Արիասիրտ Անահիտը մի անսովոր երկ-

յուղի մեջ էր ընկել, և իր սովերը նրա առջև վիշապի պես էր ծրգվում: Մի հասարակ թխկոցից, մի սովորական գոչյանից նա վեր էր թռչում և սարսում: Երբեմն ուզում էր կանչել իշխաններին և հայտնել նրանց թագավորի բացակայությունը և անհայտանալը, բայց վախենում էր, թե մի գուցե դրա հետևանքը վատ լինի, մի ապստամբություն ծագի երկրի մեջ և խռովություն ընկնի:

Մեկ առավոտ էլ՝ սաստիկ սրտնեղած ման էր գալիս պարտիզումը, իր ծառաներից մինը ներս եկավ և հայտնեց նրան, թե մի օտար վաճառական է եկել և ասում է, որ մի երեկելի բան ունի վաճառելու թագուհուն: Անահիտի սիրտն սկսեց մի անսովոր կերպով տրոփել: Հրամայեց՝ որ շուտով ներս բերեն այն մարդուն:

Ներս եկավ մի դաժան կերպարանքով մարդ, խոր գլուխ տվավ թագուհուն և արծաթե սինու վրա դրած մի ոսկե դիպակ դրավ թագուհու առջև: Անահիտը վեր առավ քննեց դիպակը և ուշ չդարձնելով նախշերի վրա, հարցրեց գինը:

— Իր կշռովը երեք հարյուր կշիռ ոսկի կարծես, որորմած թագուհու: Ուզում եմ ասել, որ ինձ վրա այդքան է նստել միայն գործքն ու նյութը, իսկ աշխատանքն էլ թողնում եմ քո ողորմության կամքին:

— Մի՛ թե այդքան թանկ կարծես:

— Ողջ լինի թագուհին, դրա մեջ կա մի այնպիսի զորություն, որ անգնահատելի է: Դրա վրա եղած նկարները հասարակ նախշեր չեն, այլ թախամաններ են, իսկ այդ թախամանները այն զորություն ունին, որ դրա հազնողին միշտ զվարթ, միշտ ուրախ կպահեն: Դրա հազնողը կյանքի մեջ տխրություն չի տեսնիլ:

— Մի՛ թե այդպես, — ասաց Անահիտը և սկսեց բաց անել դիպակը և ուշ ուշով գննել նրա նկարները, որոնք ոչ թե թախամաններ, այլ ծաղկազրեր էին: Անահիտը լուռ ու մունջ կարդաց նրանց մեջ հետևալ խոսքերը.

«Իմ աննման Անահիտ, ես ընկել եմ մի սոսկալի դժոխքի մեջ: Այս դիպակ բերողը նույն դժոխքի վերակացուններից մեկն է: Ինձ մոտ է և Վ.ողինակը: Դժոխքը գտնվում է Պերոժ քաղաքից գեպի արևելք մի պարսպապատ մեհյանի հատակում: Եթե շուտ օգնություն չհասնես, մենք կորած ենք հավիտյան:

Անահիտը մեկ անգամ կարողանում չբավականացավ, հրկրորդ և երրորդ անգամ էլ կարողաց, ըստ որում իր աչքերին չէր հավատում. կարողաց և չորրորդ անգամ, միայն այս անգամ ոչ թե կարողում էր իսկապես, այլ մտածոմ էր, թե ինչ անելու է: Աչքը ձգած գրեթե՝ երկար մտածելուց հետո՝ դարձավ դեպի վաճառականի հագուստի մեջ ծպտած քուրմը և ուրախ դեմքով ասաց.

— Դու ճշմարիտ ես ասում. քո դիպակիդ նկարները ուրախացնելու զորութուն ունին: Ես այսօր շնա տխուր էի, բայց այս բուպեիս մի անպատմելի ուրախութուն եմ զգում: Դժ կարծիքով այս դիպակը անգնահատելի է: Եթե սրա համար իմ թագավորության կեսը պահանջեիր, ես խնայելու չէի: Բայց գիտե՞ս ինչ կա, իմ կարծիքով ոչ մի գործ կարող չէ իր գործողից ավելի զորավոր լինել: Այսպե՞ս է թե ոչ

— Թագուհին ո՞րչ լինի, քո կարծիքը շատ ճշմարիտ է. արարածը կարող չէ հավասարվիլ արարողին:

— Եթե դու էլ գիտես, որ այդպես է, պետք է բերես ինձ մոտ սրա գործողին, որ ես վարձատրեմ նրան նույնպես, ինչպես և քեզ: Դու էլ լսած կլինիս, որ ես արհեստին մեծ նշանակություն եմ տալիս, և պատրաստ եմ ամեն մի լավ արհեստավորին նույնպես վարձատրել, ինչպես իմ ամեն մի քաջ զորականին:

— Ողորմած թագուհի, ես տեսած չեմ դրա գործողին և չեմ ճանաչում: Ես մի վաճառական մարդ եմ, այս կտորը գնել եմ Հընդկաստանումը մի հրեայից, իսկ հրեան գնել էր մի արաբից, արաբն էլ ո՞վ գիտե ումից կամ ո՞ր աշխարհից:

— Բայց դու՞ կարծեմ՝ ասացիր, թե գործն ու նյութը այսքան կարժե, և շասացիր, թե ես այսքանով եմ գնել. դրանից երևաց, որ դու ինքդ ես գործել տվել:

— Ողորմած թագուհի, ինձ այդպես էին ասել Հնդկաստանումը, ես էլ...

— Սպասիր, որտե՞ղ է քո Հնդկաստանը. այստեղից մինչև Պերոժ կլինի՞:

— Ոչ, ողորմած տեր, Պերոժը մեր կշտին է, իսկ Հնդկաստանը երեք-չորս ամսվա ճանապարհ է:

— Բայց գիտե՞ս, եթե ես ուզենամ, կարող եմ քո Հնդկաստանը մինչև Պերոժ մոտեցնել: Կարո՞ղ ես ասել ինձ, թե դու՞ ո՞վ ես, ի՞նչ տեղացի ես, ի՞նչ ազգից ես, ի՞նչ կրոնի ես, որտե՞ղ ես ծնվել, որտե՞ղ ես կենում, այժմ ինչ գործի ես ծառայում:

— Ողորմած թագուհի...

— Լսի՛ր, ես քեզ ողորմելու չեմ. քո բերած թախամաներդ ինձ հայտնեցին քո ով լինելդ: Ծառանե՛ր, բռնեցեք այս մարդուն և ձգեցե՛ք մթին բանտի մեջ:

ԺԲ

Վաչագանն իր ազատվելու մասին էլ ոչ մի կասկած չունեի: Կամենալով ընկերների մեջն էլ ազատության հույսը սաստկացնել, դարձավ դեպի Վաղինակը և ասաց.

— Եղբա՛յր Վաղինակ, մի երազ էլ ես տեսա բոլորովին քո տեսածի նման: Ես այնպես եմ կարծում, թե մենք հենց այսօր, թե այս գիշեր պիտի ազատվինք: Բայց գիտե՞ս ինչ կա, Վաղինակ, մենք եթե այս խավարից հանկարծ լույս աշխարհ դուրս գանք, դրսի լույսը մեզ համար այնքան սաստիկ կլինի, որ մենք ոչինչ չենք տեսնիլ, և կարելի է թե մեր աչքերը վնասվին էլ: Այս բանը ես նրա համար եմ ասում, որ երբ դուրս գալու կլինինք, և կտեսնեք, որ լույսը ծակծկում է կամ ոչինչ չեք տեսնում, փակեցեք աչքներդ, մինչև քիչ-քիչ սովորեք: Ես շատ եմ տեսել մթին բանտից դուրս եկած մարդիկ, նրանցից եմ իմանում:

— Երանի՛ թե դուրս գանք միայն այս սպանդարանից, թեկուզ աչքներս կուրանա, վնաս չունի. բայց վարպետ եղբայր, քո այդ ասածդ մի բան ձգեց միտս, որ չեմ կարող շասել: Մի անգամ ես ու թագավորի որդին որսորդություն անելիս՝ իջանք մի աղբյուրի մոտ, շատ դադրած ու քրտնած: Մոտակա գյուղի աղջկերքը շրջապատել էին աղբյուրը և հերթով լցնում էին իրանց ամանները: Իշխանս ջուր ուզեց, աղջիկներից մինը լցրեց փարջը, որ բերի տա իրան, մի ուրիշ աղջիկ առավ նրա ձեռից փարջը և դարտկեց: Հետո ինքն սկսեց նորից լցնել, բայց էլի դարտկեց, և այսպես կրկնեց նա քսան, թե երեսուն անգամ, սուտ չեմ կարող ասել, լավ միտս չէ, իմ բարկությունս սաստիկ եկավ, բայց իշխանիս շատ հաճելի թվաց աղջկա վարմունքը, մանավանդ երբ նա ջուր բերելուց հետո հայտնեց, թե իր միտքը շար չէր, այլ տեսնելով, որ հոգնած ու քրտնած ենք, հարկավոր համարեց ուղ հասցնել սառը քուրը, միեռն մենք փոքր-ինչ շունչ առնենք և հովանանք: Հիմա քո ասածն էլ նրա

ասածի նման է. և գիտե՞ք արդյոք, գուցե հենց այն շուր ավագ աղ-
ջիկն է այժմ մեր թագուհին: Վաշագանը նրան տեսնելուց հետո՝ էլ
ուրիշ աղջիկ չուզեց. վճաբար ասաց, հուզեք՝ նա՛ է, չեք ուզի՛լ՝ նա
է: Թագավորը ճարահատած՝ ինձ ուղարկեց նրա հոր մոտ հարսնա-
խոսության. բայց աղջիկը չհոժարեց, թե ես արհեստ չգիտցողին
չեմ ուզիլ: Ես այն ժամանակ մտքումս ծիծաղեցի, բայց էլի իշխանս
իմացավ նրա խելացի միտքը և մի տարումը սովորեց շատ գեղեցիկ
դիպակ գործել՝ բոլորովին քո գործածիդ պես: Իսկ՝ ես, երբ որ ընկա
այդ դժոխքի մեջ, նոր իմացա նրա խոսքի նշանակությունը:

— Բայց դու ինձ ա՛յս ասա, եղբայր Վաղինակ, պատճառն
ի՞նչ է, որ մենք թագուհուն ենք տեսնում երազներումս և ոչ թե թա-
գավորին:

— Ո՞վ գիտե, այդ բանը դու ինձանից լավ կիմանաս, ըստ
որում երազի մեկնողը դու ես, և, ներիք ինձ, որ երեսիդ ասեմ,
ասածիս մեջ կեղծավորություն չկա. դու իմ աչքումս մի շատ իմաս-
տուն մարդ ես երեւում. դու որ կարողացար դժոխքի արբանյակներին
մարդու կերակուր ստանալ, դու էլի շատ բան կարող ես անել, և ես
դեռ զարմանում եմ, որ մի հրաշքով հանկարծ չես չքացնում այս
տարտարոսը և մեզ ամենիս փրկություն տալիս: Եթե աստված
տա, որ մենք այս դժոխքից ազատվենք, ես հավատացած եմ,
որ թագավորն իսկույն կկանչե քեզ և իր ամենամոտիկ խորհրդա-
կիցը կանե:

— Եվ այդ, իհարկե, քո շնորհիվ կլինի, ըստ որում թագավո-
րին ես ծանոթ չեմ: Բայց ով գիտե, թե ինքը թագավորն ինչ վիճա-
կի մեջ է այժմ, գուցե նա էլ մի ուրիշ դժոխքի մեջ է ընկել և ինձ
նման զարբաք է գործում: Բա՛ էլ որ օրվան համար է ջուլհակ դա-
ռել:

— Քո խոսքերդ խորհրդավոր են թվում ինձ... բայց չէ՞... ինչ-
պե՞ս կարելի է, որ իմ Վաշագանին քո օրն ընկած տեսնեմ, լավ է,
որ ես մեռնիմ այս բոպեհիս:

— Իմ խոսքերի մեջ ոչինչ խորհրդավոր բան չկա, եղբայր
Վաղինակ, ես այն եմ ասում, ինչ որ որտիս է: Իմ կաթծիքով թա-
գավորն էլ մեզ նման մի մահկանացու մարդ է, մեզ նման ամեն
փորձությունների ենթակա: Մենք հիվանդանում ենք, նա էլ է
հիվանդանում. մեզ սպանում են, գերի են տանում, նրան էլ են
այգպես անում: Նա էլ է ջուրն ընկած ժամանակ մեզ պես խեղդվում,

կրակն ընկած ժամանակ մեզ պես այրվում, նրա կերածն էլ է մի
փոր հաց, այն էլ գուցե ավելի գառն...

— Այդ շատ ճշմարիտ ես ասում, վարպետ եղբայր, բայց իմ
կարծիքով թագավորն այնքան խոհեմ պետք է լինի, որ ինձ նման
լուկ հետաքրքրությունից շարժված՝ քրոնպետի հետևից չերթա և
ընկնի նրա դժոխքի մեջ:

— Այդ մի փորձանք է, եղբայր Վաղինակ: Մի՞թե թագավորը
կարող է կարծել, որ սուրբ քրոնպետը մի զարհուրելի դե է. մի՞թե
նա կարող է կարծել, թե կան այնպիսի մարդիկ, որոնք քստմենելի
եղեռնագործությունը իրանց համար մի զվարճություն են համա-
րում: Չէ՛, Վաղինակ, աշխարհիս երեսին ոչ մի մահկանացու ազատ
չէ փորձանքից. այս օրվան բախտավորը կարող չէ իմանալ, թե
վաղե ի՞նչ անբախտություն մեջ պիտի ընկնի: Բայց ուրիշ բան
է, եթե վերահաս վտանգը առջևդ կանգնած երևում է իր իսկական
կերպարանքով: Խեղքը գլխին մարդը՝ երբ որ պատահում է մի վա-
րար պետի, գլխապատառ ներս չի ընկնում, այլ փնտրում է նրա
ծանծազուտը: Դու ինչ կուզես ասա՛, բայց մեր տեսած երազը
ցույց է տալիս, որ թագավորը նմանապես ընկած է մի փորձանքի
մեջ, և իմ սիրտն ասում է, որ նա կազաավի միայն այն ժամա-
նակ, երբ որ կազաավինք մենք ինքներս:

— Եվ իհարկե նա ինքը կլինի ազատած մեզ իր գիպակագոր-
ծություն շնորհիվ: Իմ սիրտս էլ ասում է, որ այս բոպեհիս ես լսում
եմ իմ թագավորի ձայնը. այդ ձայնը հենց առաջին անգամ լսելիս
թափանցել է սրտիս մեջ: Բայց արդյոք հավատա՞մ իմ ախանջին,
ի՞նչ կասես, ասա՛ ինձ կտրական:

— Ո՛չ, ո՛չ, մի հավատար. բայց հավատա՛ այն ձայնին, որ
դրսից կլսես: Ականջ դրեք, ահա՛ ձայներ են լսվում, կարծես դժոխ-
քի դուռն է դրոգում, երևի փրկիչն արդեն մոտեցել է. իմա՛ց տվեք
ամենքին, որ զան այստեղ պատրաստ կենան...

ԺԳ

Անահիտը երբ որ բանտարկեց ծպտած քուրմին, իսկույն փչել
ուլավ պատերազմական փողերը: Ահագին փողերի այդ հանկար-
ծական որոտալը հայտնի նշան էր, որ մի մեծ վտանգ է պատահել
աշխարհին: Մի ժամ շանցած՝ բոլոր քաղաքացիք թափվեցին պա-

լատի առջև և այդտեղ սկսեցին խոնիլ ու տատանիլ լճացած հողերի պես: Ոչ ոք չէր իմանում, թե ինչ է պատահել, ամենքը շնչասպառ միմյանց հին հարցնում և ոչ մեկից մի որոշ պատասխան չէին ստանում: Հանկարծ պատշգամբի վրա երևաց Անահիտը՝ ոտից մինչև գլուխ սպառազինված, և դեպի ժողովուրդը դառնալով՝ այսպես խոսեց.

«Զեր թագավորի կյանքը վտանգի մեջ է: Այս բուպեիս իմացա, թե ինչ տեղ է ընկել: Նա գնացել էր իր երկրի մեջ պտտելու, որ ժողովրդի կարիքներն ու հոգսերն աչքովը տեսնի: Չար մարդկանց է հանդիպել և ընկել է մի տարտարոսի մեջ: Էլ ուրիշ բան չունիմ հայտնելու ձեզ առայժմ: Ժամանակ չպետք է կորցնել: Ով որ սիրում էր թագավորին, ում համար թանկ է նրա կյանքը, շուտով ձիավորվի և գա իմ հետևից: Մենք պետք է կեսօր շեղած՝ հասնենք Պերոժ քաղաքը: Ես արդեն պատրաստ եմ և ձեզ եմ սպասում: Դե՛հ գնացե՛ք և շուտով պատրաստվեցե՛ք»:

Մի ակնթարթի մեջ ցրվեցավ ժողովուրդը՝ գոչելով՝ կեցցե՛ թագավորը, կեցցե՛ թագուհին, և մի ժամ լանցած, արդեն ամենքը զինված պատրաստ էին: Քաջասիրտ օրիորդներն ու տիկիներն էլ երբ որ իմացան, թե թագուհին պիտի առաջնորդե գորբին, նմանապես զրահավորվեցին ու ձիավորվելով շրջապատեցին թագուհուն:

Մի կատարյալ հիացք էր Անահիտը սպարապետի զգեստի մեջ: Կրակոտ ձիու վրա նստած, ոսկեզօծ զրահով պատած, մազերը սաղավարտի մեջ ամփոփած, լայնաշեղք թուրը կապած, վահանը թիկունքին կախած: Այս բոլորը նրա արեգնատիպ դեմքի և հրավառ աչքերի հետ մի ահեղ կերպարանք էին սովել նրան:

Երբ քաղաքից դուրս եկան տափարակ դաշտը, Անահիտը դարձրեց ձիու գլուխը և այս ու այն կողմ քշելով՝ հրամաններ արձակեց, և մի քանի բուպեի մեջ կարգավորելով՝ ամբողջ այրուծին, գոչեց բարձրաձայն «հառա՛ջ» և ինքն առաջ անցնելով ասպանդակեց ձին և մի վայրկյանի մեջ աներևութացավ: Հեռվից երևում էր մի ձիու բարձրացրած թանձր փողին, որ ամպի պես մինչև երկինք էր հասնում: Երկու ժամից հետո նա իր հրեղեն ձիով կանգնած էր Պերոժ քաղաքի հրապարակի մեջ մեն-մենակ: Կռապաշտ քաղաքացիք նրան երկնքից իջած մի նոր աստված համարելով՝ խուռն բազմությունով շոքեցին նրա առջև և զլխները մինչև գետին կորացրին:

— Ո՛ր է ձեր քաղաքապետը, — գոչեց Անահիտը սպառնալից ձայնով:

Մունկ շոքածներից մինը վեր կացավ և դողդողալով ասաց.

— Մառա՛դ եմ, այստեղի քաղաքապետը:

— Դո՛ւ ես ուրեմն, որ այնքան անհոգ ես, որ չգիտես թե ի՛նչ է գործվում քո աստվածների բնակարանում:

— Մառադ եմ, ես ոչի՛նչ չգիտեմ:

— Դու կարելի է թե չգիտես էլ թե որտե՞ղ է գտնվում ձեր տաճարը:

— Ինչպե՛ս չգիտեմ, ծառադ եմ, շատ լավ գիտեմ:

— Առա՛ջ անցիր ուրեմն...

Կես ժամ լանցած՝ ամբողջ քաղաքը զջլված գնում էր Անահիտի հետևից: Երբ որ մոտեցավ մեհյանի պարիսպներին, քուրմերը կարծեցին, թե ուխտավորների մեծ զազմություն է եկողը, շտապով բաց արին դուռը: Բայց երբ ներս խոնվեց ժողովուրդը, երբ տեսան զրահավորված հրաշազեղ ասպետի սպառնալից դեմքը և իրանց ուշ շղարձները, մի անսովոր սարսափի մեջ ընկան: Անահիտը մի բուպեի մեջ գտավ տարտարոսի դուռը և դառնալով քաղաքապետին՝ հրամայեց.

— Բաց արե՛ք ահա՛ այս դուռը:

Մինչդեռ քաղաքապետի հրամանով մի քանի անձինք պատրաստվում էին կոտրատել դուռը, ծերունի քրմապետը վերահաս վտանգը տեսնելով, դուրս եկավ իր մեհնական զգեստով, որ ժողովրդի վրա սարսափ ձգե և ետ մղե: Երբ որ իր սպիտակ շուրջսուր ձգած, քրմապետական երկճյուղ ու երկայն թագը զլխին դրած և գավազանը ձեռին դուրս եկավ ուռած ու փքված՝ ժողովուրդը ճանապարհ բաց արավ և ետ քաշվեց ահ ու դողով: Նա մոտեցավ Անահիտին և պատգամախոսի ձայնով աղաղակեց.

— Ի՞նչ ես ուզո՞ւմ, ինչ ես անո՞ւմ, ետ քաշվիր այդտեղից:

Անահիտը՝ բարկությունը հագիվ զսպելով, ասաց.

— Ես հրամայում եմ, որ այս դուռը բացվի:

— Ո՛վ է կարող հրամայել այստե՞ղ, բացի ինձանից: Այս դուռը մեր սրբարանի դո՛ւռն է. այստե՞ղ է գտնվում մեր նախնայաց փոշին, այստեղ է մեր անշեջ կրակարանը. տեսե՛ք ահա՛ այն ծո՛վսը, որ մինչև երկի՛նք է բարձրանո՞ւմ: Աստվածների բարկությունը մի՛ շարժեք: Յրվեցե՛ք, հեռացե՛ք, կորե՛ք, ինչպե՛ս եք համարձակվում ձեր պի՛ղծ ոտներով կոխոտե՛լ այս սո՛ւրբ վա՛յրը:

Քրմապետի ահեղագոչ սպառնալիքը սնապաշտ ժողովրդի վրա սարսափ բերավ, ամենքը կորագլուխ ետ քաշվեցին. բայց նրանց

մեջ կային և քրիստոնյաներ, որոնք պինդ կանգնեցին իրանց տեղերը, կասկածելով, որ այդ ծածկարանումը մի սարսափելի գաղտնիք պիտի լինի թաքնված: Նրանք միաբերան գոչեցին.

— Բացվի՛ր, բացվի՛ր այդ տարտարոսի դուռը:

Քրմապետը տեսավ, որ իր հրամանին ընդդիմացողներ կան, երեսը դարձրեց դեպի մեհյանը և ձեռքերը մեկնեցավ՝ աղաղակեց.

— Ո՛վ հզոր աստվածներ, ձեր սուրբ տաճարը պղծվե՛ւմ է, օգնութ՛յուն հասցրե՛ք...

Այս ձայնի վրա մեհյանի դուռը բացվեց և նրա միջից դուրս թափվեցին մի խումբ սպառազինված զաժանատեսիլ մարդիկ: Սրանք քուրմերն էին, որոնք վերահաս վտանգը տեսնելով՝ անձնապաշտպանութ՛յան էին պատրաստվել: Քրմապետը հրամայեց նրանց, որ դուռը պահպանեն և ոչ ոքի թույլ չտան մտնելու:

Անահիտի համբերութ՛յունը հատավ սաստիկ բարկութ՛յունիցը: Գարձրեց ձիու գլուխը և ետ նայելով՝ տեսավ, որ քաղաքի վրա ամպի պես փողի է բարձրացած, իմացավ, որ գործը մոտեցել է: Այդ հանգամանքից ավելի ևս սրտապնդվելով՝ ուղեց ինքը մեծակ վերջացնել ամեն՝ բան և մի բոպե առաջ տեսնել իր Վաչագանին: Ձախ ձեռքն առավ վահանը և աջով սուրբ հանելավ, դարձավ դեպի քուրմերը և գոչեց.

— Վերջի՛ն անգամ հրամայում եմ ձեզ դինամիտ՝ փ լինել և բանա՛լ այդ դժոխքի դուռը:

Քուրմերը պատրաստվեցին դիմադրելու Անահիտի իմաստուն ձին իմացափտիրուհու մտադրութ՛յունը. մի թեթև ասպանդառի հարված ստանալուն՝ պես՝ կոխկոտեց քավթա՛ն՝ քրմապետին և հարձակվեց քուրմերի վրա: Կայծակի աբաղութ՛յամբ երեքի գլուխը թոցրեց Անահիտը և իսկույն ետ մղեց ձին: Քուրմերը նրան շրջապատեցին և վերավորեցին ձին: Անահիտը պաշտպանադակառն դիրք բռնեց, բայց ձին իր հարձակումները շարունակեց և էր. նա միանգամից թե՛ առեկեց և թե՛ հետևեց էր հարձակվում և հարվածներ էր, որ տալիս էր աքաջիներով: Քուրմերը կռվում էին ամենահուսահատ և կատաղի կեղպով: Անահիտի կյանքը անխուսափելի վտանգի մեջ էր: Այդ որ նկատեցին քրիստոնյաները, քուրմերի քամակեց հարձակվեցին: Քուրմերը շփթվեցին և երեսները դարձրին, որ պաշտպանվին: Անահիտը՝ օգուտ քաղելով այդ հանգամանքից, կրկին հարձակվեց և էլի մի քանի գլուխ թոցրեց և մի շանխակն օտնատակ ավա՛ւմ: Կապաշտաները տեսան, որ քրիստոնյաներն

յաներն օգնում են Անահիտին, կարծեցին թե՛ կոխվը կրոնական է, իսկույն անցան քուրմերի կողմը և սկսեցին քարե կարկուտ թափել քրիստոնյաների վրա: Այդ միջոցին Անահիտի սաղավարտը վայր ընկավ մի քանի հարվածից, որ դիպավ նրա ծայրին: Նրա խիտ և երկայն մազերը փոճեցին և ծածկեցին ամբողջ կազմվածքը ամեն կողմից, բացի հրացայտ աչքերից: Նրա այդ տեսքը մի նոր սարսափ ձգեց ամբոխի վրա, որոնք իրանց քարե կարկուտը դադարեցրին իսկույն: Այդ հանգամանքից էլ օգուտ քաղեց Անահիտը. մի անգամ էլ հարձակվեց քուրմերի վրա և մի քանիսին մահացու վերք տալով գետին գլորեց: Հենց այդ ժամանակ վրա հասան գործի առաջապահ նիզակավորները օրիորդների և տիկիներին հետ և իրանց թագուհուն հուսահատ կռվի մեջ տեսնելով, միաձայն աղաղակեցին և հարձակվեցին քուրմերի վրա: Մի բոպե շանցած՝ կենդանի մնացած քուրմերը փախան. ամբոխը ետ քաշվեց և բաց հրապարակի վրա մնաց Անահիտը՝ շրջապատված քաջասիրտ օրիորդներով ու տիկիներով: Քրիստոնյաներից միներ բերավ նրա սաղավարտը, որ ազատել էր ամբոխի ձեռից: Անահիտն իջավ ձիուց ողջ առողջ, կարգավորեց իր մազերը՝ և սաղավարտը դրավ գլխին: Հրաման արձակեց, որ եկող գործը շրջապատե մեհյանը, որի մեջ պատասպարվել էին բուրք քուրմերը և ներսից դուռը փակել: Հետո դառնալով դեպի ամբոխը, ասաց. «Ե՛կեք այստեղ կարգով կանդնեցե՛ք հանդարտ, որ տեսնեք ինչ կա ձեր սուրբ քրմապետի սրբաբանումը», և հրամայեց դուռը կոտորել:

Մի զարհուրելի տեսարան բացվեց ժողովրդի առջև: Գծոխային որջից դուրս սողացին բավա՛թիվ հողիք, որոնք նոր գերեզմանից հանած դիակներին էին նմանում: Շատերը վերջին շնչումն էին և ոտքի վրա կանգնել չէին կարողանում: Նրանց ուրախութ՛յան լացն ու կոծը, ճիշն ու աղաղակը մարդու սիրտ էին կտրատում: Ամենից հետո դուրս եկան Վաչագանն ու Վաղինա՛լը գլխները քաշ գցած: Թագուհին ճանաչեց Վաչագանին և նշանացի արավ իր մարդկանցը, որ նրան տանեն իրան համար պատրաստելի վրանը: Վաչագանը գնաց Վաղինակի ձեռքից բռնած՝ որ աչքերը խփած կույր աղքատի պես հետևեց նրան: Մյուս բոլոր դուրս եկողներին հրապարակի վրա նստեցնելուց հետո, Անահիտը հրամայեց զինվորներին, որ ներս գնան և ամեն բան՝ ինչ կա շկա՝ դուրս ունե: Զինվորները մտան դժոխքի մեջ և այնտեղից դուրս բերին նոր մեռած մարդկանց դիակներ, նոր կտրած գլուխներ, կթոցներով լիքը

մարդկային լեռեր, մարդամտով լի՞քը կաթսաներ, զանազան արհեստի գործիքներ և պարագաներ...

Կռապաշտները, որ արդեն ամոթահարված և քստմնած էին, այդ ծայրահեղ եղեռնագործությունը տեսնելով՝ էլ շհամբերեցին, և բարձրաձայն աղաղակեցին. «Մե՛ծ է քրիստոնեից աստվածը, դժո՛խք է մեհչանը, դեհ՛ր են կուռքերը, սատանա՛յք են քուրմերը, կոտորե՛նք, ջնջենք, սատկացնենք սրանց...»:

— Ո՛չ, ո՛չ,— գոչեց թագուհին,— սպասեցե՛ք, շմոտենաք տաճարին, ձեռք շտա՛ք քուրմերին, նրանց պատժելու իրավունքն իմն է: Մեզ հարկավոր է նախ և առաջ այս թշվառների հոգսը քաշել: Եվ սկսեց հարցնել ամեն մեկին առանձին, թե նա ո՛վ է, ի՞նչ տեղացի է: Մեկն ասում էր՝ իմ անունս Առնակ է, ես Բարբիկի որդին եմ: Այդ անունը բարձր ձայնով կրկնում էր՝ քաղաքապետը, և ահա՛ մի ծերունի մարդ՝ դողդողալով մոտենում էր և հեկեկալով ասում. «Ուր է իմ որդիս»: Երկրորդի մայրն էր լույս ընկնում և ուշաթափ ընկնում իր մինուճար որդու վրա, երրորդի քույրը, չորրորդի եղբայրը: Շատ քչերը մնացին անտիրական, այդպիսիներին էլ թագուհին առավ իր խնամակալության տակ. դրանց թվումն էին և Վաչագանի արհեստակիցները:

Այդ թշվառներին տերվետեր անելուց հետո՝ թագուհին կամեցավ անձամբ զննել քուրմերի սպանդարանը: Քաղաքապետի և մի խումբ զինվորների հետ ներս գնաց և նավթավառ լուցիկներով զննեց նրա ամեն մի քունջ ու պուճախը: Ո՛ր կողմը նայում էր, մարդկային արյունի հետքեր էր նշմարում և անհամար ոսկրներ այս ու այն անկյունում թափած:

— Այս զարհուրելի տարտարոսը կարճ ժամանակում զուլփ բերված բան չէ,— ասաց նա քաղաքապետին.— սրա վրա շատ տարի և շատ մարդիկ պիտի լինին, աշխատած, իսկ այդ մարդիկը մի անգամ այստեղ ընկնելուց հետո՝ էլ լույս աշխարհք չեն տեսել:

— Ողորմած թագուհի, ես մեղավոր եմ, որ խիստ հսկողություն չեմ ունեցել, բայց մի այսպիսի բան իմանալու համար՝ քո խմաստությունն ունենալու է: Ամեն տարի միայն մեր քաղաքից՝ եթե քիչն ասեմ՝ հարյուր մարդ է անհայտացել, բայց ես միշտ կարծել եմ, թե լեռնեցիք են գերի տարել: Այդ գարշելի քուրմերին մենք ոչ միայն սուրբերի տեղ ենք ընդունել, այլև կարծել ենք, թե դրանք շատ ժրջան և արհեստասեր մարդիկ են, իրանց ձեռքի աշխատանքովն են ապրում և ոչ ժողովրդի հաշվով և արյունով: Ո՛վ

կկարծեր, թե այն թանկագին հյուսվածքներն ու գործվածքները, որ դրանք ամենայն օր բերում էին շուկա վաճառելու, իրանց ձեռքի գործը չի եղել, ո՛վ կկարծեր, որ մեր պաշտած քրմապետը մի կերպարանափոխված դե է եղել և անմեղ մարդկանց արյան ծարավի...:

Վերջապես դուրս եկան այդտեղից և գնացին դեպի տաճարը: Բախեցին տաճարի դուռը, որ քուրմերը բաց անեն և անձնատուր լինին, բայց ներսից ձայն հանող չեղավ: Դուռը կոտորեցին զինվորները և ներս գնացին, բայց ներսը մարդ չգտան. վերև նայեցին և մի նոր տեսարան բացվեց նրանց առջև. բոլոր քուրմերը և քրմապետը կախվել էին առաստաղից և դեռ ճոճվում էին իրենց պաշտած հեղկացի կուռքերի դիմաց: Երբ որ այդ մասին հայտնեցին թագուհուն, նա ասաց.

— Այդ մահը շատ թեթև է դրանց համար, բայց վնաս չունի, թողք այդպես մնան, միայն թո՛ւյլ տվեք ժողովրդին, որ ներս գնան և երկրպագություն տան իրանց սուրբերին:

Դրսումը ամբոխված և գրգռված մարդիկը հեղեղի պես ներս թափվեցին և կատաղի կերպով հարձակվեցին կուռքերի վրա և ջարդովիշուր արին իրանց երեկվան պաշտած աստվածներին: «Ի՞նչ հեշտ են ջարդվում այս գարշելիները, մինչդեռ մենք կարծում էինք, թե անհպելի և անմատչելի են», ասում էին շատերը: Դուրս տվին բոլոր անոթներն ու սպասները, քարուքանդ արին խորաններն ու ծածկարանները, անթիվ՝ ոսկի և աշծաթ գտան, բայց առանց մի բան հափշտակելու և գողանալու՝ ամեն ինչ տալան թափեցին հրապարակի մեջ թագուհու առջև, իսկ թագուհին կարգադրեց, որ քուրմերի բոլոր այդ ունեցածը բաժանվի դժոխքից ազատվածներին: Երբ որ մեհչանի մեջ էլ ոչինչ չմնաց, ամեն ինչ տակն ու վրա արին՝ իրանց արդար զայրույթի վերջին մրուրը թափեցին խեղդամահ եղած քուրմերի գլխին: Ցած բերին դժոխքի արբանյակներին և ամենքին կտոր-կտոր անելով դուրս նետեցին պարսպից, որ գազաններին լափ դառնան:

Մնացած անելիքը թագուհին հանձնեց իր հարյուրապետներից մեկին, իսկ ինքը գնաց իր վրանը, ուր նրան անհամբեր սպասում էր Վաչագանը: Երկու սիրելիները նստեցին իրար կողքի և միմյանց նայելուց չէին կշտանում: Վաղինակը մոտեցավ թագուհուն, համբուրեց նրա ձեռքը և մյուս կողքին նստելով՝ սկսեց հեկեկալ մորը գտած երեխայի պես:

— Դու ոչ թե այսօր ես փրկել մեզ, իմ աննման թագուհի, այլ շատ օրեր սրանից առաջ, երբ ես մեծաքեզ փրկաւումս, հենց այդ զգեստից մեջ:

— Դու սխալվում ես, Վաղինակ,— առաջ Վաչագանը,— թագուհին այն ժամանակը փրկեց մեզ, երբ որ քեզ ասաց. «Ձեր թագավորի որդին արհեստ գիտե՞»: Մի՛տղ է, որ դու էլ մի կուշտ ծիծաղել էիր:

— Ա՛խ, ճշմարիտ է. ի՞նչ ասեմ: Եվ ես, որ այն ժամանակը շատ անհավատ էի, միայն հիմա եմ սկսել հին լսածներին հավատալ: Մեսրոպ վարդապետը, որ մեզ քարոզում էր, թե ճիշտ Քրիստոս դժոխք չիջներ, դժոխքը չէր կործանվիլ, ես նրա ասածի վրա էլ էի ծիծաղում, բայց հիմա իմ թագավորն անձամբ ցույց տվավ, որ Մեսրոպը ճշմարիտ էր ասում:

— Հանգստացիր, Վաղինակ, այդ մասին մենք հետո շատ կխոսենք,— առաջ թագուհին, նոր արդեն զգալով, որ ինքն էլ է սաստիկ հոգնած:

— Ես ինչպես տեսնում եմ, քեզ նմանապես հարկավոր է հանգրստանալ,— առաջ Վաչագանը թագուհուն:— Դու հիմա հանգստացիր, մնացածը ես ինքս կհոգամ:

Թագուհին քաշվեց վրանի մյուս բաժինը, ուր նրա համար փափուկ փուլածք էին արել օրիորդներն ու տիկիները: Այդտեղ նա հանեց իր զինքն ու զրահը և ուղարկեց Վաչագանին, իսկ ինքը փուլածքի վրա թիկն տալով՝ ուզեց իբր հանգստանալ, բայց նրա երեսակայությունն այնպես զրգովաօ էր, նրա սիրտն այնպես վրդովված, որ հանգստանալ չէր կարողանում: Մեկ ուզում էր լիասիրտ ուրախանալ իր սիրելու ազատությունով, բայց մեկ էլ թվում էր նրան, թե դեռևս շրջապատված է կատաղի քուրմերով, և ինքը մերթ հարձակողական և մերթ պաշտպանողական գիրք է բռնում: Մերթ ուզում էր իր արգար վրեժը հագեցած համարել, հիշելով թե՛ ինչպես էին թավալվում լինում դաժան քուրմերի գլուխները, բայց հանկարծ նրա առջև պատկերանում էին մարդամտով լիքը կաթասները և նոր արդեն սկսում էր ամբողջ մարմնով գինահարվիլ և զարզանգիլ ու ստրասիլ... Ահա այս խառնիխառն տպավորությունները նրանից շուտ չհեռացան, իսկ այժմ ավելի շարշարոտ, քան թե հանգստություն էին տալիս:

Վաչագանը շատ լավ գիտեր, որ Անահիտը ինչքան որ քաջ էր, նույնքան փափկասիրտ էր: Գիտեր, որ նա կարող էր վրեժխնդրու-

թյան հոգվով վառված անխնա կոտորել իր թշնամիներին, բայց նրա քնքուշ սիրտը կարող չէր հեշտություն մտնել մի այդպիսի կոշտ գործողություն: Այս պատճառով շտապեց Անահիտից առնել իր զենքն ու զրահը: Նա լվացվեց, մաքրվեց, փոխեց իր հաղուտը, հագավ զրահը, կապեց արքայական թուրը՝ և դուրս գալով վրանից՝ երևաց զորքին, որ նրա տեսությունն սպանում էր անհամբեր: Հենց որ երևաց Վաչագանը և ողջույն տվավ, զորքն ուրախության աղաղակ բարձրացրեց: Թագավորը հայտնեց նրանց իր շնորհակալությունը: Այդ միջոցին քաղաքապետը եկավ թագավորի ոտներն ընկավ, շնորհավորեց նրա ազատությունը և հայտնեց, որ ճաշ էր պատրաստել կանաչ դաշտումը զորքի համար: Թագավորը հրաման տվավ զորականներին, որ երթան ճաշին և ուրախություն անեն. իսկ ինքը գնաց Անահիտի մոտ, ուր արդեն օրիորդներն ու տիկիները ձոխ սեղան էին սարքել և թագավորի զալուն էին սպասում, որ հացի նստեն: Այդտեղ էր Վաղինակը՝ փոխած իր հնոտիքը և գեղեցիկ հագուստով զուգված: Այդպես գեղեցիկ և ուրախ ճաշ չէր արած Վաչագանը իր բոլոր կյանքումը: Այն ուրախությունն ու զվարճությունը, որ անում էին օրիորդները, Վաղինակին էլ միայնպիսի հոգեկան զմայլանքի մեջ էին ձգել, որ նա կարծում էր, թե երանելիաց աշխարհի մեջ է և հրեշտակների հետ է խնդում, ուրախանում: Անահիտն էլ ազատվեց հոգեմաշ ցնորքներից և մի բաժակ զինուց հետո ինքն էր առանջնորդում օրիորդներին ու տիկիներին սրախոսություն անելիս:

Այսպես ուրախ ճաշելուց հետո փողերը նշան տվին, որ ժամանակ է ճանապարհ ընկնելու դեպի տուն: Առաջ ընկան թագավորն ու թագուհին, նրանց կողքին օրիորդներն ու տիկիները, իսկ հետևից բոլոր զինվորները, որոնք միաձայն երգում էին մի ազգային հաղթական երգ: Երբ որ հասան Պերոժ քաղաքի հրապարակը, բոլոր քաղաքացիք, մեծ ու փոքր, այր ու կին միաբերան աղաղակեցին:

— Կեցցե՛ թագավոր, կեցցե՛ թագուհին, կարգի՛ն քուրմերը, կործանվին կաատունները, քրիստոնյա՛, քրիստոնյա՛ կուզենք լինել:

Թագավորը նրանց պատասխանեց, որ շուտով կգա հայրապետը և նրանց կմկրտե (և հիրավի, երկու օրից հետո եկավ Աղվանից Շուպհաղիշե կաթողիկոսը շատ քահանաներով և եպիսկոպոսներով և բոլոր պեղծոցոց տարավ Կաբի եզրը, ուր մերկացան ամենքը և

սպիտակ սավանով սփածված մտան գետը, փոքր մանուկներին գրկերն առած: Կաթողիկոսը մկրտութեան համառոտ կարգը կատարեց և ամենքին հրամայեց երեք անգամ ընկղմվել ջրումը և դուրս գալ: Այսպես լուսավորվեցին պերճոցիք քրիստոնեական լուսով: Բայց մենք դառնանք մեր պատմութեանը):

ԺԴ

Երբ որ թագավորն ու Վաղինակը ողջ առողջ տուն հասան, դրանց դիմավորեց Զանգին, և մերթ մեկի, մերթ մյուսի ոտներին փաթաթվելով՝ այնպես էր վնգվնգում, որ կարծես ամեն բան գիտեր, ամեն բան լսել էր:

Մյուս օրը բանտից հանեցին դիպակավաճառ քուրմին, որ դատեն հրապարակով և դատապարտեն: Երբ որ դատավորները ժողովվեցին և ուզում էին դատել նրան թագավորի ներկայութեանը, Վաղինակը մոտեցավ և խնդրեց թագավորից, որ այդ դատան ծերի կյանքն ու մահը իրան հանձնեն:

— Դու ինչպե՞ս ես ուզում պատժել սրան— հարցրեց թագավորը:

— Այդ մասին ես ու Զանգին կմտածենք,— պատասխանեց Վաղինակը:— Դրա մահվան կերպովը միայն կարող եմ թեթևացնել հիշողութեանս մեջ իմ կրած կսկիծը: Այն գարշելիները հեշտ պրծան, նրանց բախտին չպիտի արժանացնեմ սրան:

— Բայց, Վաղինակ, դու մոռանում ես, որ քրիստոնեին անվայել է վրեժխնդրությունը: Ինչպես տեսնում եմ, դու սրան տանջել ես ուզում:

— Ո՛չ, ես ուզում եմ միայն, որ դրա սև հոգին Զանգուն հանձնեմ և թողնեմ նրա կամքին, որ ինչպես ուզենա, այնպես հանե...

— Տա՛ր, տա՛ր, շանսատա՛կ արա սրան,— ասացին միաբերան դատավորները: Թագավորն էլ շուգեց Վաղինակի խնդիրը մերժել: Վաղինակը քուրմի ձեռները կապոտած, տարավ մի ձորի մեջ և այնտեղ բաց թողնելով, ասաց Զանգուն.

— Զանգի՛, տե՛ս, սա է այն մարդը, որ ինձ քանի տարի տանջել է սոսկալի տանջանքով, ինձ այնպես բան է ուտեցրել, որ դու

չես տեսել քո օրոսը: Զանգի՛, տանջի՛ր այս մարդուն, որ մի քիչ սիրտս հովանա: Դե՛, գազա՛ն է սա, բռնի՛ր, կծի՛ր, պի՛նդ, պի՛նդ...

Զանգին մի ոստյունով հարձակվեց քուրմի վրա և մի ակրնթարթի մեջ բուկը հախռելով խեղդեց և մոմալով ետ քաշվեց իսկույն:

— Ա՛խ, Զանգի, այդ ի՞նչ հեշտ պրծացրիր դու այդ անիրավին: Մի՞թե ես քեզ այդպես ասացի: Այդպես հո ոչ մի բարեգութ գահիճ չէր անիլ, ինչպես որ դու արիր:

Վաղինակը շատ զղջաց, որ Զանգուն դահճի պաշտոն տվավ և թագավորին գանգատվեց, բայց թագավորը շատ ուրախացավ, որ Զանգին այնքան բարի է եղել:

Վաչագան թագավորի այս արկածքի լուրը տարածվեց բոլոր քաղաքներում և գյուղերում: Այդ մասին խոսում էին մինչև օտար երկրներում էլ և ամենայն տեղ Անահիտի և Վաչագանի գովասանքն էին անոթ: Ազգային երգիչները գյուղե հյուղ և քաղաքե քաղաք պատելով՝ այդ անցքի պատմությունն էին անում երգերով: Ափսո՛ս, որ այդ երգերը մեզ չեն հասել. բայց ինչ որ արել են Վաչագանն ու Անահիտը իրանց աշխարհի համար, այդ բանը հեքիաթի ձևով պատմում են մինչև այսօր էլ: Այդ հեքիաթի գլխավոր միտքը այն է, որ «թագավորի կյանքը արհեստն է փրկել»: Այս լավ միտք է, և ինչ ժողովրդի մեջ որ գտնվում է մի այսպիսի սրբացած ավանդություն, դա ցույց է տալիս, թե ուրեմն այն ժողովուրդը մեծ նշանակություն է տալիս արհեստներին, աշխատասիրությանը, որից գլխավորապես կախված է ժողովրդի բախտավորությունը: Այդ բախտավորությունը ևս առավել ապահովանում է, երբ որ երկրի թագավորն ինքն անձամբ օրինակ է տալիս ժողովրդին և հովավոր ու պաշտպան է դառնում արհեստին:

Սվ ճշմարիտ, մեր պապերը, որ շատ աշխատասեր և արհեստասեր էին, այդ անցքից հետո ևս առավել ուշադրություն դարձրին արհեստների վրա: Ամբողջ աշխարհում էլ ոչ մի՛ հոգի չէր գտնվում, որ մի որևիցե արհեստ շիմանար, և շատ արհեստներ մեր աշխարհում մինչև վերին կատարելագործության հասան: Աղջկերքը սովորում էին առհասարակ գործվածքներ անել. բրդյց գործում

էին գտնազան գորգեր և շաշեր. բամբակից՝ կապվեղեն, մետաքսից՝ եւրոպացիներու կաթ, ձև հյուսվածք ամենը գիտեին: Ամեն երկրագործ ինքն էր շինում իր բոլոր գործիքները, իր գովառն ու սալը, իր գենքն ու զրահը, իր պղնձեղեն ու կավեղեն ամանները, իր տունն ու կարասիքը: Ամառը երկիրն էր գործում, ձմեռն իր արհեստը բանեցնում: Եվ աշխատում էին ոչ թե շոկ-շոկ՝ այլ խմբովին, միասին: Տեսնելու բան էր, թե ինչպե՞ս գյուղի բոլոր առույգ երիտասարդները՝ ահագին կուսերները ձեռքներին՝ զարկ զարկի հետևից կարկուտի պես թափում էին մի կտոր երկաթի վրա, որից ուղտ էին մի խոփ շինել, կամ կացին, կամ թուր և այլն: Այսպես միասին էին հերկում իրանց դաշտերը և միասին հնձում արտերը:

Հոգևորականութունն այն ժամանակ մի ձրիակեր դասակարգ չէր: Բոլոր վանքերը մի-մի գործարան էին, ուր պատրաստում էին ազնիվ մագաղաթ, գրում էին, կազմում էին, և բացի սրանից, իրանց բոլոր հագուստներն ու կարասիքը իրանց ձեռքովն էին պատրաստում: Նրանք առում էին.

«Առումն ու արհեստը պետք է այնպես հյուսված լինեն միասին, ինչպես վաղաժամ քաղաքների դիպակը իր խորհրդավոր քաղաքաճանաչումը»:

Գարող եր ուրեմն երևակայել, թե ի՞նչ կլիներ մի ժողովուրդ այնպիսի հոգևորականների օրով, մանավանդ այնպիսի մի թագավորի, ինչպիսին Վաչագանն էր, որ ժողովրդի զավակն էր, նրա հայրն ու եղբայրը: Ի՞նչ կլիներ Անահիտի պես մի թագուհու օրով, որ երկրի համար դառա՞յ հարազատ ու սնուցիչ մայր, և ահա՛ ինչ էր ասում ժողովուրդը Անահիտի մասին:

«Նա մեր գետերը ծածկեց լաստերով ու կամուրջներով, մեր ծովերն ու լճերը՝ նավերով ու նավակներով. նա մեր դաշտերը ողողեց ջրանցքներով և առաններով, մեզ քաղաքներն ու գյուղերը՝ սառն աղբյուրներով: Նա մեր սայլերին հարթ ճանապարհներ տվավ, մեր գովառներին՝ ընդարձակ երկիր: Նա կործանեց գժխքը և մեր աշխարհը շինեց մի եղեմական դրախտ: Կեցցե՛ Անահիտը, կեցցե՛ հովիտյան»:

ԱՆՏԱՌԻ ՄԱՆՈՒԿԸ

1

Անտառի խորքում մի ճոճ կար կապած և նրա մեջ մի մանուկ դրած: Լաց էր լինում մոռուկը: Մայր չկար մոտը, որ ծիծ տար, հայր չկար, որ պահպաներ: Անտառում մարդ չկար:

Մի գթոտ պախրակով՝ կաթնալից կրծքով՝ եկավ ճոճի մոտ իր հորթուկի հետ և տխուր ձայնով երեխին ասաց.

Մի՞թուս երեխա, որք ես մտացել,
Քո անբախտ մորը գերի են տարել.
Նա գնա՛ց, կորա՛վ, էլ ես չի գալու,
էլ ոչ մի անգամ քեզ ծիծ չի տալու:
Նա քեզ փաթաթեց լայն տերևներով.
Ճոճի մեջ կապեց, «նանիկ» ասելով.
Նա լաց էր լինում աղի արցունքով,
Իր փրչին «հանիկն» ասում էր լարով.
«Նանա, բալիկս, նանա»,
«Մեծատերև թաթաղաբ»,
«Մանրատերև առաջաբ»,
«Քամին կտնի՛ ծած կըտա»,
«Պախրեն կըգա՛ ծիծ կըտա»,
«Նանա, գառնուկս, նանա...»
Ահա եկի՞ եմ, որ քեզ ծիծ առմ ես,
Պահե՛մ, պահպանե՛մ իմ հորթուկիս պես:

2

Պախրան ծիծ տվավ երեխին, երեխան կշտացավ ու քնեց: Պախրան իր հորթին թողեց երեխի մոտ. իսկ ինքը գնաց մոտերքում արածելու, որ կաթը շատացնի, և դա երկուսին էլ ծիծ տա: Հորթը մնաց երեխի մոտ, օրորեց նրան և նանիկ ասաց.

Նանա՛, մանկիկ, նանա՛,
Իմ մերը քո մոր նման չի,
Ամեն խոտից կծիլ չի,
Ամեն շրից խմիլ չի,
Ամեն տափին նստիլ չի.
Նա սարեսար ման կըգա,
Որք կըգտնի, ծիծ կըտա,
Նանա՛, մանկիկ, նանա՛...

Պախրան կուրծքը լիքը ետ դարձավ արոտատեղից և ծիծ տվավ երեխին էլ, հորթին էլ:

Ով որ տարով կ'մեծանա, մեր երեխան օրով մեծացավ: Շատ շանցավ, նա դուրս եկավ ճոճիցը, մեկ օր շորեթթաթ տվավ, մյուս օրը ոտքի կանգնեց, մի քանի անգամ սահեց, վայր ընկավ, բայց շուտով ամրացավ և սկսեց պախրի հետևից վազվրզել:

3

Մի թագավոր որդի չուներ. երազումն ասացին. «Թագավոր, աստված քեզ մի որդի պիտի տա անտառի խորքումը»:

Մի անգամ անզավակ թագավորը որսի գնաց իր որսորդների հետ: Շատ ման եկան, ոչինչ չգտան, բայց որ հասան անտառի խորքը, այնտեղ մի պախրի հետք գտան և նրա մոտ մի երեխի ոտնատեղեր:

Ամենքը մնացին զարմացած և չէին հավատում, որ երեխի կլինին ոտնատեղերը. բայց թագավորն իսկույն հիշեց իր երազը և հրամայեց որսորդներին, որ երեխի հետքը քշեն և ուր որ լինի՝ գտնեն նրան:

Որսորդները գնացին և երկու ժամ շանցած՝ մի սիրուն մերկ տղա բերին թագավորի մոտ և պատմեցին, թե ինչպես գտան նրան պախրի ծիծը ծծելիս:

Թագավորը շատ ուրախացավ, երեխին գրկեց, համբուրեց և անունը դրավ Պախրատուր: Պախրատուրը մեծացավ թագավորի պալատումը, լավ ուսում առավ, վերջը դառավ թագավոր և մեծ զորքով գնաց իր մորն ազատեց գերութունից:

ՕՁԱՄԱՆՈՒԿ ԵՎ ԱՐԵՎԱՀԱՍ

Ձմեռն էր: Հառակավոր մարդիկը հավաքվել էին օդեքը, այնտեղ էին զրույց անում, հեքիաթ ասում և իրանց առօրյա հոգսերի վրա խոսում, խորհրդածում: Գյուլնազ տատի թոռներն էլ՝ քուրսու շորս կողմովը բուրված՝ իրանց տատին էին հեքիաթ ասել տալիս՝ ականջ դնում:

Մի երեկո Գյուլնազ տատը մի քիչ «չիմ-չեմ» անելուց հետո՝ սկսեց Օձամանուկի ու Արևահաստի հեքիաթը, որ երեխեքը դեռ չէին լսած, և աչքերը շորս արած՝ ականջ էին դնում:

Ա

— Դե լսեցեք, երեխեք,— սկսեց Գյուլնազ տատը:

Շատ հին ժամանակներում, մի հեռու երկրում, Մասիս սարի մյուս երեսիցն էլ դեռ շատ դեմը, մի թագավոր էր կենում: Այդ թագավորը շատ հարուստ էր. ոսկին ու արծաթը անհամբարք, զորքն անթիվ, շատ ու շատ քաղաքների տեր. բայց զավակ չուներ, այդ պատճառով իր ունեցած անթիվ գանձն ու հարստությունը աչքին չէր երևում:

Ինչքան հեքիմ, ինչքան շառահ, ինչքան բժիշկներ են գալիս, դեղ ու դուղ անում, ոչինչ չի լինում: Հետո՝ էլ գրբաց ասես, փալչի ասես, դերվիշ ջադուբյար, ջինդար, ոչով ոչինչ չի կարողանում անել:

Թագավորը տեսնում է, որ մարդկանցից օգուտ չկա, հույսը դնում է աստուծո վրա: Ա՛հնայն օր մատաղ է անում, աղքատների և առատ ողորմություն է բաժանում, օրը յոթն անգամ աղոթք է անում, ծուր դնում, աղաչանք անում աստծուն: — չի լինում, չի լինում, չի լինում:

Մեկ օր էլ՝ իրա մտքի խորն ընկած, հույսը կուցրած, այդ թագավորը ման է գալիս իրա պարտեզումը տխուր ու տրտում, մեկ էլ տեսնում է՝ հրես մի սիրուն շահմար օձ՝ իր ճուտնը գլխին հավաքած՝ ինքն ապառաժի վրա մեկնվել, արևգուն է արել, ճուտերն էլ խաղ են անում իրանով. — որը մոր վզովն է փաթաթվում, որը փո-

բի տակն է մտնում, որը գլուխն է նրա բերանը կոխում կամ հոտոտում, լպստում:

Քաղաքները այդ որ տեսնում է, մնում է տեղն ու տեղը սառած փետաքած: Մտիկ է տալիս, մտիկ, հետո մի խոր հոգոց քաշելով ասում է.

— Փառքդ շատ լինի, արարիչ աստված, օձի սիրտն էլ ես սեր գցել, որ իրա ձագերին սիրի, գուրգուրի, բայց ինձանում, դու էլ գիտես, որ քո տված սերը կա ու կա. ինչու՞ չես ինձ էլ մի օձի ձագ տալիս, որ ես էլ նրան սիրեմ, նրան գուրգուրեմ, նրանով մխիթարվիմ»:

Դու մի՛ ասիլ, աստծու դռները՝ հենց այդ խոսքն ասելիս՝ բացված են լինում: Քաղաքների այդ խոսքը աստծու ականջն է հասնում:

Սրա վրա մի տարի անցած շանցած, թագավորի կնիկը ծնում է ու բերում—ի՛նչ եք կարծում, ի՛նչ—մի օձի ճուտ:

— Ի՛նչ ես ասում, տատի,— բացականչեցին մանուկները:

— Հապա՛, երեխե՛ք, մի օձի ճուտ: Բայց ի՛նչ ճուտ: Այդ ճուտը լինում է թե չէ՛՝ ամեն մի շունչն առնելիս, մեծանում է, դառնում մի ածղահա, մի ահագին վիշապ: Մննդկանը, տատմայրը և մյուսները ահ ու դողի մեջ ընկած՝ փախչում են, նրան թողնում տեղն ու տեղը վեր ընկած:

Օձի ճուտը երբ որ տեսնում է, որ մենակ է մնացել, սկսում է լաց լինել: Բայց ի՛նչ լաց, այնպես է ծվվում, ծկլժում, որ թագավորի բոլոր պալատը դողդում է:

Քաղաքներին չէին իմաց տալիս, թե նրա կինը օձ է ծնել, բայց երբ օձի ձայնը թագավորի ականջն է հասնում, և նա սկսում է հարց ու փորձ անել, նոր ընկնում են ոտներն ու հայտնում, թե՛ թագավորն ապրած կենա, բա չես ասիլ, թագուհին մի օձի ճուտ է ծնել, որ հիմա ահագին վիշապ է դառել, ու նա է, որ այդպես ծվծվում, ծղրտում է:

Քաղաքներն իսկույն միտն է բերում իր խնդիրը ու մատը կծում է. «Հը՛մ, ասում է, ես ինչ որ ուզել եմ աստվածունից, նա էլ այն է տվել»: Հետո իր մարդկերանցն ասում է.— Այդ վիշապն ի՛նչ մեծության կլինի, մի մարդու չափ կլինի: Ասում են՝ դեռ չկա մի մարդու չափ, բայց այնպես է մեծանում, որ մարդու: Ի՛ծուք յունիցն էլ կանցնի շուտով: Հետո թագավորն ասում է.— Հիմա ի՛նչ անենք, ինչ կա, կա: Աստծու տվածն այդ է: Օձ է թե վիշապ, ի՛մ

զավակն է. պե որ է պահենք, պետք է բան տանք ուտելու, որ քաղցած չմեռնի:

Մարդիկը գնում են երթկովը ուտելու բաներ են գտնում առաջը, բայց օձը չի մոտենում ոչ մեկ բանի, այլ հենց մի բերան ծվվում է:

Այդ որ իմանում է թագավորը, ժողովում է իր գիտուն մարդկանցը և հարցնում է նրանց, թե ինչ պիտի տանք այս օձին, որ ուսի, ես չեմ ուզում, որ դա քաղցած մեռնի: Նրանցից մինը, որ ամենից իմաստունն է լինում, ասում է՝ դա ոչ մի բան չի ուտիլ, բացի աղջկանից: Փորձե՛լիք և կտեսնեք, որ իմ ասածը ճշմարիտ է:

Քաղաքներն ասում է.— Ո՛ւմ վրա փորձենք: Դե բեր առաջ քո աղջիկդ տանք իրան, հետո ուրիշներինքը կուզենք:

Դրա վրա՝ մյուս խելոքներն ասում են.— Քաղաքներն ապրած կենա, թեպետ դուք ուղիղ դաւանցիք, որ վճռեցիք ամենից առաջ այդ խոսքն ասողի աղջիկը գցել վիշապի բերանը, բայց դրա հետևանքը շատ վատ կլինի քեզ համար: Մենք ամենքս էլ չենք խնայել մեր աղջկերքը, էտանք, բայց երբ որ հերթը հասնի ժողովրդին, ըստն ուրիշ տեսակ կփոխվի: Նրանք որ իմանան, թե իրենց աղջկերքը պիտի վիշապին տան, մեջները խոռվություն կընկնի, ամենքն էլ ոտքի կկանգնեն ու քեզ թագավորությունից կզցեն: Լավն այն է, որ մարդիկ ուղարկենք ուրիշ երկրներ, որ գնան նրանցից աղջկերք փախցնեն բերեն:

Քաղաքները տեսնում է, որ դրանց ասածը ուղիղ է, մարդիկ է ուղարկում Մասիսի այս երեսը, որ գան այնտեղից աղջկերք փախցնեն, տանեն:

Դե հիմա: Թողնենք վիշապին, որ դեռ մի քանի օր քաղցած մնա, մենք էլ այդ մարդկանց հետ դանք Մասիսի այս երեսը:

Մասիսի այս կողմումը մի մեծ գյուղ է լինում, անունը Արևան: Գյուղի բնակիչները բոլորն էլ հայեր են լինում, ինչպես հիմա մենք ենք:

Այդ գյուղումը մի մարդ ու կնիկ են լինում կենալիս. երկու աղջիկ են ունենում: Կինը մարդու հետևակինն է լինում: Աղջկերանց մեկն էլ մարդու առաջվա կնկանիցն է լինում, մյուսը հետվա կնկա հետ բերովի:

Մարդը իր հարազատ աղջկանը շատ էր սիրում, բայց խորթ աղջկանն էլ չէր ատում. իսկ ինչ որ կնիկն էր, նա ուրիշ տեսակ Բնություն ունեւր. շատ շար ու նախանձոտ սրտի տեր էր: Նա իր

աղջկանն էր սիրում, իսկ մյուսին ատելով ատում էր, նրա լույս արևը խավարեցրել էր:

Մարդու աղջկա անունը Արևահատ էր, կնոջ աղջկանը՝ Մամխի: Արևահատը հենց ուղիղ արևահատ էր. նրա երեսը արևի նման շափաղ-շափաղ էր անում, այնքան սիրուն էր. մյուսն էլ հենց ուղիղ մամխի էր—մամուխի պես սև, նրա թփի նման փշփշոտ ու կոթոռուճ:

Խորթ մոր բարկությունը շատ էր գալիս, թե ինչի իր աղջիկը այնքան տգեղ ու գեղ էր, իսկ Արևահատը այնքան սիրուն, այնքան գեղեցիկ: Ամբողջ օրերով աշխատեցնում էր Արևահատին—աթար էր շինել տալիս, կով էր կթել տալիս, հաց էր թխել տալիս, աման էր լվանալ տալիս, խոտ ու դարման էր կրել տալիս, որ նրա սպիտակ ձեռները կնճոռտվին, նրա շարմաղ երեսն այրվի, սևանա, նրա շիմշատ մեջքը կորանա, որ նրա ուժը պակասի, գունաթափվի, թառամի. բայց ընդհակառակն, նա ավելի էր ուժովանում ու գեղեցկանում, իսկ մյուս աղջիկը, որ աղջիկ-պարոնի պես էր մեծանում, օրեցօր ավելի էր նիհարում ու գեշանում:

Արևահատը աշխատելուց չէր նեղանում. նա այնպես էր սովորել աշխատանքին, որ առանց ստիպելու էլ ինքը մի րոպե հանգիստ չէր նստում: Հենց որ ծանր աշխատանքը վերջացնում էր, տղամարդի անելիքներն էլ ինքն անում, պրծնում էր, ձեռք էր զարկում իր մանածին ու գործքին: Տանը ջահրա էր մանում, ջուր գնալիս էլ՝ իլիկը կամ սկսած գուլպան էր հետը տանում, որ աղբրին, մինչև հերթն իրան կհասնի, մինչև կուժը կլցվի, ինքը պարապ չի կանգնի, լախոհաչի շտա, իր իլիկը մանի կամ գուլպան անի:

Ամեն բան Արևահատի ձեռիցը գալիս էր—հորագործ, գետնագործ, ոստանագործ, կար, ձև, եփել, թխել, կթել, հարել, շինել, սարքել: Մի խոսքով մի աղջիկ էր, որ հատը չկար. բայց ի՞նչ կանես, որ խորթ մոր ձեռք էր ընկել, իր արած բանը ինչքան լավ էր լինում, այնքան վատ էր թվում անգուժ մորը: Ամեն անգամ, շար գայլի նման, մի պատճառ էր փնտրում ու անմեղ Արևահատին ոտի տակը գցում, տրորում, մագերից քաշքաշում, քիթ ու պոռնկը արունջվա անում, մարդուն էլ հավատացնում, թե քո աղջիկը հոգիս բուկս է հասցնում իր շարությունով ու կամակորությունով: Արևահատը չէր կարողանում իրան արդարացնել. ուզում էր մի խոսք ասել, արտասուքը խեղդում էր նրան. հայրն էլ հավատում էր կնոջ խոսքին ու բարկանում աղջկա վրա:

Արևահատը իր սրտի ցավերը միշտ իր մոր գերեզմանի վրա

էր թափում: Շատ անգամ գնում էր գերեզմանատուն, մոր գերեզմանի վրա շոքում, աղի արտասուք թափում, գանգատվում, սիրտը հանգստացնում, էլ ետ գալիս տուն: Շատ անգամ մոր գերեզմանի վրա էր դնում զլուխն ու քնում, երազումը մորը տեսնում, վզովն ընկնում, փաթաթվում. նա էլ մխիթարում էր նրան ու խրատ էր տալիս, որ բարի լինի, բարի կենա, ամեն նեղություն համբերի: «Աստված չի կորցնիլ անմեղին,—ասում էր նա,—միայն դու այնպես կա՛ց, որ աստված քեզ հավանի, քեզ սիրի, այնուհետև նա իր պաշտպանությունը քեզանից չի խնայիլ, քեզ այդ նեղությունից կազատի»: Այս խոսքերը լսելով՝ Արևահատը նոր ուժ, նոր հոգի էր ստանում, մխիթարվում էր, ցավերը մոռանում, օրեցօր վարդի նման բացվում, մանիշակի պես փնջվում:

Այնքան արդար ու անմեղ էր նրա հոգին, որ ամեն առավոտ, երեկո աղոթք անելիս՝ նրան այնպես էր թվում, թե իր հոգին թրուշում, վերանում է մինչև երկինքը, հասնում աստուծո աթոռին, այնտեղ նրա հրեշտակների հետ փառաբանում նրա անունը:

Ողորմությունն այնպես էր տալիս, որ նրա տված շատ քիչն էլ աղքատի աչքումը այնքան շատ էր երևում, որ խեղճ մարդը աչքերը երկինքն էր գցում, ու արտասուքն աչքերին՝ Արևահատի համար արևշատություն խնդրում:

Թե աստված էլ շատ սիրում էր Արևահատին, այդ մասին ես կասկած չունիմ: Երբ որ մի մարդու աստված չսիրի, շարը նրան չի ատիլ ու բարին նրան չի սիրիլ: Բոլոր անմեղ արարածները նրան տեսնելիս ցնծում, խնդում էին, այնքան էին սիրում: Իրանց տանու բոլոր կենդանիները, կովը թե եզը, ոչխարը թե այծը, շունը թե կատուն՝ խորթ մորը տեսնելիս փախչում էին կամ վրան խեթ-խեթ մտիկ տալիս,—շունը հաշում էր վրան, կատուն ճանկում էր, կովը չէր թողնում իրան կթի, քացի-քացի էր անում, ձին խրտնում էր, եզը պլշում, այծ ու ոչխարը փախչում էին.—բայց այդ միևնույն կենդանիները, այդ անմեղ անասունները երբ Արևահատին էին տեսնում, շրջապատում էին նրան. փաղաքում, լիզ տալիս, մեկմեկու հարու տալով՝ իրար ձեռքից խլում: Կովը կթվելիս՝ երբ որ տեսնում էր թե Արևահատը լավ չի նստած՝ ինքն այնպես էր կանգնում, որ կթելը հարմար լինի: Զուրը կամ այգի գնալիս՝ շունը կշտիցը չէր հեռանում, որ նրան ամեն շարից, փորձանքից պահպանի, նրա հրամանին միշտ արթուն, միշտ պատրաստ լինի:

Ահա այսքան գեղեցիկ, այսքան բարի ու այսքան սիրելի էր

Արևահատը. բայց ինչ կանես, որ խորթ մոր սիրտը քարացել էր, խղճմտանքը մեռել, ամթթը կորել, խեղճ Արևահատի համար նոր-նոր տանջանքներ էր հնարում:

Հենց այդ օրերումը գյուղումը լուր է տարածվում, թե հանդ գնացող աղջկերբը էլ հտ չեն գալիս, մի վիշապ է լույս ընկել, նրանց կոչ է տալիս:

Այս լուրը շատ ուրախացնում է խորթ մորը:

Ասում է, այս լավ դառավ. այս հիմար աղջկանը կուղարկեմ հանդ, թող գնա վիշապի բերանն ընկնի:

Մի օր կով ու ոչխար Արևահատի առաջն է անում, թե տար հանդումն արածացրու: Մի հաց էլ տալիս է, թե այս էլ կտանես հետդ ման կածես, երեկոյին էլի հտ կբերես, որ ես ուտեմ: (Որովհետև հանդումը ման ածած հացը խիստ համով է լինում, ուզում է, որ այն համով հացը ինքն ուտի): Շատ էլ բուրդ է տալիս, թե այս էլ մինչև երեկո բոլորը բարակ կմանես, հետդ կբերես:

Արևահատը՝ կով ու ոչխար առաջն արած, քշում է նրանց, առանց իմանալու, թե մինչև ուր պիտի տանի: Վերջապես՝ երբ որ հասնում է մի լավ կանաչկոտ տեղի, որ դեռ արածացրած չէր, այնտեղ նստում է, իլիկը մանում, իր դառն օրը լալիս. անմեղ անասուններն էլ մշմշալով արածում են:

Իրիկնապահին, արևի մարեմար ժամանակը, հենց որ ուզում էր թե վեր կենա տավարն առաջն առնի, գնա տուն, մեկ էլ տեսնում է, որ ահա մի պառավ կնիկ կա կշտին կանգնած: Վեր է կենում, որ շան առաջին կանգնի, որ պառավին չկծի, պառավն ասում է. «Մի՛ վախենար, Արևահատ, շունն ինձ չի կծիլ. նա էլ է իմանում, որ ես շար պառավ լեմ. տեսնո՞ւմ ես՝ ինչպես ուրախ է, ինչպես է շարժում պոչը»:

— Բայց դու ո՞վ ես, նանե, ես քեզ չեմ տեսած, դու մեր գեղիցը չես, — հարցնում է Արևահատը:

— Ես ոչ մի գեղից չեմ, հոգիս, ես այս երկրիցը չեմ. ես Արևի մայրն եմ. եթե լսել ես, «Արևամայրը», որ ասում են՝ ես եմ: Քո դառն օրերը, քո անմեղությունը իմ գութս շարժեցին. ես եկել եմ, որ քո տարաբախտությունը վերջ տամ: Չոքիր առաջես, ես քեզ պիտի օրհնեմ, որ դու գնաս քո մուրազին հասնես:

Պառավի այս խոսքերը շատ դարմացնում են Արևահատին: Մեկ էլ լավ մտիկ է տալիս, տեսնում է, որ իր ծանոթ կանանց նման չէ: Այնպես էր շողշողում նրա ամբողջ հագուստը, որ կասես ու-

կուց էր ձուլած և ոչ թե սովորական պատճառներից կարած: Նրա աչքերը այնպես էին ցուլցում, փայլում, ինչպես արևի ճառագայթները: Նրա խոսելու ձևն այնքան քնքուշ էր, ձայնն այնքան անուշ, որ Արևահատին թվում էր, թե իր հարազատ մայրն է խոսում հետը: Հենց որ պառավն ասում է՝ չոքիր, նրա ծնկները թուլանում են. ընկնում է առաջը, ուզում է Արևամոր ոտները համբուրի. բայց նա Արևահատի զլուխը բարձրացնում է, ձեռքը դնում է վրան և հետևյալ օրհնանքը տալիս.

Ոտրիդ տակին վարդեր բացվին,

Չորս կողմդ փովի մանիշակ,

Բարով հասնես քո մուրազին,

Գլխիդ տեսնեմ թագ ու պսակ:

Քո ծպիտը վարդի նման,

Արտա:ուզդ մարդարիտի,

Ուր էր գնաս աստված քեզ հե՛տ,—

Օձ ու կարիճ քեզ չըխայճի:

Քո խրճիթը պալատ դառնա,

Ողջ սյունները անդին քարից,

Պատ ու հատակ ոսկի, արծաթ,

Առաստաղը գոհարներից...»

Այսպես օրհնում է Արևամայրը և էլի ուրիշ շատ բաներ է ասում, խրատներ է տալիս, գուշակում է նրա ապագան, ամեն բան առաջուց ասում է և զգուշացնում: Հետո ասում է՝ դե վեր կաց, սիրուն Արևահատ, ես քեզ սիրեցի, ես քեզ օրհնեցի, ես քեզ աղոթեցի, որ էլ այսուհետև քեզ մի վնաս չլինի, քո մեկ մազը չպակսի: Հետո համբուրում է Արևահատին ու ասում. — այս համբուրովս ես քո գեղեցկության վրա իմն էլ եմ ավելացնում. հետո տալիս է մի փոքրիկ կապոց: Այդ կապոցի մեջ լինում է մի ձեռք հագուստ: Բայց ի՞նչ հագուստ, բոլորը անդին քարերով զարդարված ու այնքան էլ նուրբ, այնքան բարակ է լինում, որ հենց իմանաս, ոչ բամբակից է, ոչ մետաքսից, այլ արևի ճառագայթներիցն է գործած: Ասում է՝ այս կապոցը ծոցումդ կպահես, մինչև քո հարսանիքի օրը, միայն այն օրը կհագնես: Ես հիմա գնում եմ, իմ որդին ինձ է ապաստում: Այս էլ ասելուց հետո՝ անհրաժեշտում է, արևն էլ մայր է մտնում:

Այս անցքն այնպես զարմացնում է Արևահատին, որ չի իմանում, քնած է, թե արթուն, երազումն է տեսնում, թե ճշգրիտ: Չեռքը ծոցն է տանում, տեսնում է, որ կապոցը տեղն է. ուրեմն երազումս չեմ, ասում է ինքն իրան և այնքան ուրախանում է, որ բոլոր տխրությունը փարատվում է, ունքերը բացվում, երեսը զվարթանում, քաղցածությունն անցնում:

Վեր է կենում, իրա կով ու ոչխարը առաջն անում, ճանապարհին նրանց ջոկ-ջոկ շփելով՝ իր ուրախությունը նրանց պատմելով՝ գնում:

Գնում է գնում, մեկ էլ տեսնում է, որ ահա մի քանի ձիավոր են գալիս զենք ու զրահում կողոված. Արևահատի սիրտն իմանում է, որ լավ մարդիկ չպիտի լինին. այդ բանը շունն էլ է իմանում և զանազան շարժումներով իր վախն իմաց է տալիս Արևահատին: Տեսնում է, որ դրանց ձեռքիցը փախչել չի կարող, իսկույն ցեխ է քսում երեսին, որ իր սիրունությունը նրանց աչքումը շերեւ, որ իր վրա ուշադրություն չդարձնեն:

Մարդիկը գալիս հասնում են և տեսնում մի գեշ աղջիկ: Հետո մեկմեկու իրանց լեզվով ասում են՝ մեզ համար մեկ է, սիրուն եղած, գեշ եղած, երկուսն էլ վիշապի փորը պիտի մտնին:

Հիմա դուք իմացաք, կարծեմ, թե դրանք ինչ մարդիկ պիտի լինին: Ասում են՝ «աղջիկ, էլ դես ու դեն չփախչես, արի մեզանից մեկի գավակին նստիր, քեզ պիտի տանենք»:

Արևահատը մնում է շվարած: Մտքումն ասում է՝ «էլ ի՞նչ կարող եմ անել, ուր տանում են՝ թող տանեն. մեր տանից խոմ վատ տեղ չեն տանելու, իմ խորթ մորիցը խոմ կազատվիմ»: Իրա կովի, ոչխարների աչքիցը պաշպչում է, նրանց մնաս բարով ասում ու նստում մեկի գավակին: Խեղճ անասունները կարծես իմանում են բանի էությունը, սկսում են հետևիցը բառաչել ու մայել, իսկ շունը չի բաժանվում նրանից, այլ վնգստալով ու սնգսրնգալով գնում է նրանց հետևիցը:

Այդ ավազակները գնում են մի քարափի դեմ ընկնում, այնտեղ վեր են գալիս, Արևահատին ներս տանում մի մաղարա: Հենց որ ներս է մտնում, տեսնում է որ ի՞նչ, մինչև երեսուն-քառասուն աղջկանից ավելի կան, շրջակա գյուղերից հավաքած այնտեղ: Այդ խեղճ աղջկերքը այնպես էին հեծկլտում, որ տեսնողի մազերը փշաքաղվում էր: Վախենում էին, թե բարձր ձայնով լաց լինին. ձայ-

ները փորներն էին պցել ու արտասուքի հեղեղ էր, որ թափում էին հեկեկալով:

Արևահատը նրանց սիրտ է տալիս, թե՛ մի՛ վախենաք, մեզ կտանեն կծախեն, մենք էլ կփախչենք կզանք էլի մեր աշխարհքը: Բայց շատերն իմանում էին, որ նրանց պիտի տանեն վիշապին տան, որովհետև նրա համբավը տարածվել էր ամեն տեղ:

Մուլը որ վրա է հասնում, դրանց դուրս են բերում քարափիցը, ու առաջներն արած՝ սարով ձորով քշում տանում օձահայր թագավորի մոտ:

Այստեղ Գյուլնազ տատն ասում է—երեխեք, ես բեզարեցի, քունս տանում է, մնացածն էլ էգուց իրիկունը կասեմ. բայց երեխեքը վրա են թափվում, քունը փախցնում, թե չի լինիլ, պետք է վերջացնես, որ տեսնենք վերջն ինչպես է լինում: Գյուլնազ տատը ճարահատած շարունակում է, բայց որովհետև քունը տանում էր, էլ շատ չի երկարացնում:

Բ

Աղջկերքը տեղ են հասնում: Քաղաքի մեծ ու փոքրը հավաքվում են, որ տեսնեն ինչ աղջկերք են եկողները. ու տեսնում են որ ի՞նչ, բոլորն էլ հայ աղջկերք, մինը քան մյուսը գեղեցիկ: Շատ ափսոսում են, որ այդ խեղճերը պիտի վիշապի կելակուր դառնան: Նրանց միջին միայն Արևահատն է ամենից տգեղ երևում, որովհետև և երեսին ցեխ ու մուր էր քսել, սիրունությունը չէր երևում: Թագավորը հրամայում է, որ դրանց լավ տան մեջ պահեն, լավ հագցրնեն, լավ ուտեցնեն, գիրացնեն և օրենը մեկը տան օձին: Առաջին օրը ընտրում են Արևահատին, թե՛ սա ամենից տգեղն է և չի էլ վախենում. առաջ սրան տանենք, որ մյուսներն էլ սիրտ առնեն:

Բռնում են Արևահատի կոնիցը, թե՛ դե արի գնանք, քեզ պիտի մարդու տանք, քո փեսացուն թագավորի որդին է, դու թագուհի կդառնաս: Այդպես խաբելով՝ կոնիցը բռնած՝ տանում են օձի բնակարանը, որ թագավորական պալատումը մի ընդարձակ տեղ էր բռնում իր առաջի պարտեզովն ու նրա միջի գեղեցիկ հավուզներով:

Երբ որ մտնում են պարտեզը և այնտեղից ուզում են դուրս

բաց անհն, նորս գրնն, Արևահատն ասում է.— որովհետև ինձ տանում եք թագավորի բարս մոտ, թողեք առաջ այս հավուզումը երեսս լվանամ, հագուստս շտկեմ, մազերս սանդղեմ, թե չէ՝ ամոթ է: Ասում են՝ շատ լավ, ինչ անում ես՝ արա, մենք կհեռանանք կշտիցդ, որ դու չսամաչես մեզանից:

Արևահատը որ մենակ է մնում, երեսը լվանում է, գլուխը սանդղում, Արևամոր տված հագուստը հագնում է: Այսպես զուգված, զարդարված որ դուրս շի գալիս, նրա տանող մարդիկը մնում են ապշած. այնպես են կարծում թե մի նոր արեգակ դուրս եկավ պարտեզիցը. չեն հավատում, որ նա իրանց տարած աղջիկն է, որ նա մի հողեղեն է. ասում են՝ սա երկնքից կլինի եկած խեղճ աղջկա կերպարանքով, բայց հիմա փոխվեց, իր սլատկերն առավ:

Արևահատը մոտենում է նրանց, ու էլ խեղճ-խեղճ չի խոսում, այլ հրամայում է, թե՛ ի՞նչ եք պլըշել տավարի պես, ցոլց տվեք ինձ ճանապարհը. ո՛ր պիտի գնամ: Այսպես որ հրամայում է նրանց, նրանք դողում, սարսափում են. չոքում են առաջին, ֆեղա գալիս, խնդրում են, որ իրանց հանցանքը ների: Ասում են՝ քեզ բերել ենք ոչ թե մարդու տալու, այլ վիշապին, որ ահա այս տան մեջն է: Եթե ուզում ես, մենք քեզ կազատենք, թեկուզ թագավորը դրա համար մեզ խեղդել տա:

Արևահատն ասում է՝ հարկավոր չէ. տվեք ինձ այս շուների բանալիքները, ես վիշապից շեմ վախենում:

Բանալիքներն առնում է, բաց է անում դուռը, սենյակից սենյակ անցնելով՝ մտնում է մի մեծ դարբաս. տեսնում է, որ ահա այստեղ, տախտակի վրա մի ահագին վիշապ է մեկնված: Արևահատը մի քիչ հեռու կանգնում է ու առում. — Բարով քեզ, թագավորի որդի Ծա Արևամոր կշտիցն եմ գալիս. նա շնորհավորում է քո ծնունդը ու քեզ սրեղատուֆյուն է ցանկանում:

Վիշապը գլուխը բարձրացնում է ու սուր աչքերով մտիկ է տալիս Արևահատին: Արևահատը սկսում է դողդողալ, բոլոր ջանք սարսուղ է, մազերը փշաքաղվում: Օձը տեսնում է, որ Արևահատը վախենում է, գլուխը շուտ է տալիս՝ տանում պոչի մոտ՝ բայց մեկ էլ էլի ետ է դառնում մտիկ տալիս. այսպես կրկնում է մի քանի անգամ և խեղճ աղջկանը հալ ու մաշ է անում: Հետո Արևահատի միտն է ընկնում Արևամոր տված խրատը. նոր սիրտ է առնում ու ասում է: — Թագավորի որդի, եթե ինձ ուտելու ես, միանգամից կառ տար, ես պրճեմ, էլ ինչու ես ինձ աչպես տանջամ. ի՞նչ եթե

ոչ՝ Արևամոր անունովը ես քեզ հրամայում եմ՝ դուրս արի քո խորխիցը:

Այս խոսքի ասելն ու վիշապի կծկվելը մին է դառնում: Կծկվում է, կծկվում, կոլուլում, դողդողում, ոլորվում ու մեկ էլ որ չի արտքվում, նրա ձայնից բոլոր պալատն այնպես է թնդում, որ թնգավորն ինքը տեղիցը վեր է թռչում:

Ամեն կողմից վազում գալիս են, որ տեսնեն ինչ պատահեց. ու գալիս տեսնում են որ ի՞նչ—վիշապի խորխը մի կողմ ընկած, ու նրա տեղ սպիտակ սավանում փաթաթված մի սիրուն տղա. մտան էլ խաս ու ղումաշում ծփալիս, արևի նման շարմաղ մի աղջիկ նստած՝ իրար հետ խոսում, ծիծաղում են: Իսկույն վազում են թագավորին ականջարձուկ. նրան աչքալույս են տալիս ու ասում՝ «բա չե: ասիլ, օձը մի սիրուն, շարձաղ տղա է դառել»: Թագավորը, թագուհին վազում են, իրանց ուղուն ջ կ, Արևահատին ջոկ գրկում, համբուրում: Տղային հագցնում են, գուգում, զարդարում, անունն էլ դնում են Օձամանուկ: Հետո Օձամա նուկին ու Արևահատին յոթն օր, յոթը գիշեր հարսանիք են անում. նրանք հասնում են իրանց մուրազին, դուր էլ հասնեք ձեր մուրաբ յնս:

1883

ԱՐԵՎԱՄԱՆՈՒԿ

ՄԱՍԵ ԱՌԱՋԻՆ

1

Մի գեղեցիկ, գարնանային առավոտ էր: Արևը նոր էր դուրս եկել ու փո բարի չափաբ տվե: Մասին սարինու Մասիսի ձյունապատ գագոթը սկսել էր այնպես փայլել, փայլափլիլ, այնպես կանաչ կարմրին տալ, որ տեսնողի խելքը գնում էր: Մի ժամից հետո սարի դանազան մտանդից քուլա-քուլա ամպեր բարձրացան, ու աչ ու ձախ վեր ու վազը շարժվելով, մեծա-

նալով ու փոքրանալով, փովելով ու խմբվելով, զանազան ձևեր ստացան:

Այս հիանալի պատկերները ամենայն առավոտ նկարվում էին Մասիսի վրա, բայց ոչ ոքի ուշադրություն չէին գրավում:

Ոչ ոք ժամանակ չունեիր նայելու: Ոչ ոք ճաշակ չունեիր հիանալու: Դա մի սովորական երևույթ էր ամենքի համար, մի հասարակ արևաբաց էր, որ շողշողալով՝ ամենքին իմաց էր տալիս, որ վեր կենան, իրանց գործին կենան, իւանց բանին զնան:

Այգեպանը շտապում էր, որ շուտով՝ այգին զնա ու անցած օրվա կիսատ թողածն ավարտի, տավարածը տավարն էր արոտ անում, աղջկերքն ու հարսները դեպի աղբյուրն էին վազում, պառավները կերակուրի պատրաստությունն էին տեսնում:

Բայց այս անգամ մեկը կար, որ Մասիսին էր նայում, նրա փայլուն տեսքից հիանում ու զվարճանում:

Այդ մեկը մի մանուկ էր:

Մի առույգ, զվարթ ու սիրուն մանուկ:

Մի ոսկեթել մազերով, նախշուն աչքերով մանուկ:

Նրա երեսը արևի նման լույս էր տալիս, ձյունի նման փայլում:

Նրա աչքերը արեգակի նման ճառագայթներ էին արձակում:

Նա կարծես հողեղեն չէր, այլ հրեղեն:

Նա հենց իմանաս Այեգակի ծնունդը լինեիր, Արևի որդիէջ

Եվ հենց անունն էլ Արևամանուկ էր:

2

Ամեն առավոտ, երբ արևի շողքն ընկնում էր Մասիսի վրա, Արևամանուկը պետք է վեր կացած լինեիր, որ մայր արևի առաջին ողջույնը, առաջին բարի լույսն ընդուներ:

Նա շատ էր սիրում ամպեղեն երևույթների, ամպեղեն ձևերի վրա նայել:

Առավոտյան արշալույսը, թե երեկոյան վերջալույսը—որ կրակե գույնով ներկում, նկարում են հորիզոնի վրա կուտակված ամպերը—հազարավոր պատկերներ էին ցույց տալիս նրան:

Ամպերի շարժումները, նրանց ձևափոխությունները գրավում, հափշտակում էին նրա ուշքն ու միտքը:

Առավոտ էր լինում՝ թե երեկո, խաղաղ էր լինում երկինքը՝ թե փոթորկալից, կուտակված էին լինում ամպերը՝ թե ցրված, մի ուղղությամբ էին շարժում՝ թե զանազան,— նա այդ ամեն ձևերին ու շարժումներին մի միտք, մի նշանակություն էր տալիս, ու ամեն ինչ, որ լսել էր հեքիաթներումը, տեսնում էր նրանց մեջ:

Այդ ամպերը շատ անգամ նրա աչքումը վիշապների կերպարանք էին տեսնում և մեկմեկու կուլ տալիս:

Երբեմն գազաններ էին դառնում ու իրար հետ կովում:

Երբեմն դառնում էին ոչխարի հոտեր ու մի լեռնաշափ հովիվ էլ՝ գերանաչափ մի սրինգ բերնին դրած՝ ածում էր:

Երբեմն դառնում էին մեծ-մեծ վրաններ ու նրանց մեջ ներս ու դուրս էին անում վիթխարի հսկաներ:

Երբեմն դառնում էին զորախումբեր ու իրար դեմ պատերազմում: Այդ լինում էր ավելի փոթորկի ժամանակ, երբ որոտում էր երկինքը, փայլատակում կայծակը, ու ամպերն իրար էին խփվում:

Արևամանուկը ոչ միայն չէր վախենում այդ որոտմունքներից, այլ բարձրանում էր մի քարի վրա ու ամպերին հրամաններ էր տալիս, գոչելով՝—հառա՛ջ, ետ՛, ա՛ջ, ձա՛խ, միասի՛ն, կարգո՛վ, արա՛գ...

Այսպես բղավում էր հեռվից, մինչև կարկուտը կամ տարափը վրա էր տալիս ու մեր մանուկ զորապետին փախցնում, ձգում քարայրների ու ծառախոռոչների մեջ:

Ինչպես տեսնում եք, մեր Արևամանուկը թեպետ դեռ փոքր էր, հազիվ տասը կամ տասներկու տարեկան կլինեիր, բայց շատ սրտոտ էր ու սրամիտ:

Երևում էր, որ ժամանակով մեծ ու երևելի մարդ պետք է դառնա: Այդպես էին ասում բախտ գուշակողները, այդպես հավատացած էին ամենքը:

Բայց նա այժմ դեռ մի գառնարած էր:

3

Այս ինչ որ ասում եմ, ով է իմանում, թե մեզանից քանի-քանի տարի առաջ է եղել: Եթե ասեմ հազար տարի, երկու հազար տարի, երեք հազար տարի, էլի քեզ կլինի:

Այդ հին ժամանակներումը Մասիսի ու Արագածի արանքումը, ուր որ հիմա Արարատյան մեծ դաշտն է, ուր որ մեր էջմիածինն է, Երևան քաղաքն է, Երասխ գետն է, Գեղամա ծովն է, ահա այդ գավառումը մի մեծ գյուղ է լինում, Արեւան, թե՛ Արմավան անու- նով, հաստատ չգիտեմ, և հատուկ տեղն էլ չեմ կարող ձեզ ասել:

Արմավանի օղն ու ջուրը շատ մաքուր էր ու տողջաբար: Նրա աղբյուրը քառասուն ակն ուներ, քառասուն տեղից բխում էր ու հետո միանում, դառնում մի այնպիսի գետ, որ յոթը ջրաղաց էր պտտեցնում: Բացի դրանից, գյուղի հանդերն էլ լիքն էին անմա- հական աղբյուրներով: Այդ աղբյուրներն ամենքն էլ մի-մի անուն ունեին իրանց հատկությունը հարմար տված: Որին ասում էին «կաթնաղբյուր», որին «սառնաղբյուր», որին «տղաբերուկ», որին «պարկակերի», որին «գառնակերի» և ուրիշ անուններ:

Կավ աղբյուրը շատ սիրելի բան է: Նա իր խմողի երեսին խըն- դում, ծիծաղում է, ականջին քշփչում, թաքուն բաներ ստում. մո- տը պառկողի միտքն օրորում է ու վրան անուշ քուն բերում: Երա- նի՛, հազար երանի այն մարդուն, որ իր մանկությունն ընդամենակ այդպիսի տեղերում է անց կացրել իր կյանքը, անմահական աղբյուրների ու ծաղկունքների ծոցումն է մեծացել...

Արմավանի հայերը, թե՛ մարդիկ և թե՛ կանայք, բոլորն էլ զեղեցկազեմ, վայելչակազմ, ուժեղ ու բարձրահասակ էին: Գլխա- ցավ, փորացավ, սրտացավ, բկացավ, ծաղիկ, կարմրուկ ու ուրիշ բոլոր մեր տեսած ցավերի անունը նրանք չէին լած: Մարդիկը հիվանդ էին լինում միայն այն ժամանակ, երբ վիրավորված էին լինում գազանից կամ թշնամուց և կամ ծառից վայր ընկած: Դրանց կյանքը շատ երկար էր, շատ էին ապրում: Այնքան ապրում էին, որ շատ ապրելուց բեզարում էին: Շատ քիչ ապրողը հարյուր տարի էր ապրում, բայց սովորաբար երկու և երեք հարյուր տարի էլ էին ապրում ու մի քանի անգամ ատամները փոխում, նոր ուժ ստա- նում:

Սերայած հայրը ունենում էր քսան, երեսուն զավակ, երեք- չորս այդ չափ թոռներ, մի այնքան էլ ծոռներ: Մի գերդաստանի, ընտանիքի մեջ մինչև երեք-չորս հարյուր հոգի էին լինում, բոլորն էլ իրար հնազանդ, ամեն փոքրը իրանից մեծին, և ամենքն ի մի- սին՝ մեծ հորը:

Մեծ հայրը մյուս բոլոր հայրերի գլխավորն էր, գլուխն էր, և

այդ պատճառով ասվում էր հայրապետ, այսինքն հայրերի գլուխ, կամ նահապետ, որ միևնույն նշանակությունն ունի:

Գերդաստանի բոլոր անդամները մի հարկի, մի ծածկարանի տակ չէին մնում, այլ ջոկ-ջոկ հարկերի ու ծածկոցների: Ամեն ան- գամ, երբ որ մեկին պսակում էին, նրա համար առաջուց մի վրան էին գործում բրդե կամ մազե թելից: Այսպիսով տարեցտարի շա- տանուս էր վրանների թիվը: Վրանների սյն հարմարությունն ունե- ին, որ շարժական էին, և ուր ուզում էին, տանում էին, ամառն ավե- լի բարձր ու լեռնային տեղեր, ձմեռը՝ ցածր ու դաշտային: Քարա- շեն տներ էլ ունեին, բայց հասարակ: Դրանք մի տեսակ ձմեռանոց- ներ էին, ավելի անասունների համար, քան թե մարդկանց: Միայն մեծ նահապետն էր ունենում լավ քարաշեն տուն:

Մեծ նահապետը որ վախճանվում էր, նրա մեծ որդիքը հեռա- նում էին միմյանցից, և դառնում էին ջոկ-ջոկ նահապետներ: Նրանք երեկոսն էլ էին բաժանում իրանց մեջ և ամեն մեկը մի ջոկ գավառում էր բնակում:

Ի՞նչ ասած ժամանակը նահապետների շատ կային, բայց ամ- բողջ Արարատյան դաշտը, Երասխի ափերը, Արագածի արևմտյան և Մասիսի հյուսիսային երեսները, Գեղամա ծովի արևմտյան ափերը, Գառնու և Հրազդան գետերի հովիտները իրանց շրջակա լեռներով մի նահապետի ձեռքի էին, և այդ նահապետն էր մեր Արե- վամանուկի հայրը:

Արևամանուկի հոր անունն էր Արևամանյակ, բայց նրա որ- դիքն ու թոռները դժվարանում էին ասել «Հայր Արևամանյակ», որովհետև շատ երկար էր, այդ պատճառով ասում էին «Հայր— Մանյակ» կամ «Հայրմա». իսկ նրա մոր անունն էր «Արևամատ», բայց նրան էլ փոխանակ ասելու «Մայր Արևամատ» ասում էին «Մայր-մա» կամ «Մամար»: Նույնիսկ Արևամանուկին չէին ասում «Արևամանուկ», այլ «Արմիկ» կամ «Արամիկ»:

Բայց թե ինչո՞ւ ամենի անունի մեջ էլ «արև» կա, այդ ես չգի- տեմ, միայն շատերն ասում են՝ այդ նրանից է, որ մենք՝ հայերս, մի ժամանակ արևապաշտ ենք եղել, մեր նահապետն էլ համար- վում է եղել Արևի փոխանորդ, նրա ազգական, ցեղ, ծնունդ, ահա այդ պատճառով նրանց մեծ մասի անունն էլ արևով էր սկսվում: Բայց այս տեսակ մութ բաները մենք հետո կմտածանք, հիմա մենք դառնանք մեր Արևամանուկին:

Ահա այսպես մեր սիրելի Արևամանուկը Արևամանյակ նա-
հապետի որդին էր:

Դեռ յոթը տարեկան հասակում նրա թիկունքն ու կուրծքը
այնքան լայն էին ու մեջքն այնքան բարակ, որից երևում էր, որ
նա մի փոքր առյուծ էր, որի պեսին մեր հեքիաթներումը ասում
են ասլան-բալասի, այսինքն «առյուծի ձագ», կորյուն առյուծի:
Նրա աչքերը խոշոր-խոշոր և կրակոտ էին. երկայն թերթևունք-
ները մինչև վարի կոպերն էին հասնում, գլխի մազերը խիտ ու
երկայն:

Հին ժամանակները մազ ածիլելու սովորություն չուներին,
բայց խուզում էին ուսերի հավասարությունը, սանրում էին դեպի
ետ ու կապում վարսակալով, այսինքն մի մազակապ ժապավե-
նով: Արևամանուկի մազերի գույնը հրաշեկ էր, այսինքն կրակի
գույն ուներ և փայլում էր ջուհարի նման: Նա համարվում էր
«հրահեր», այսինքն կրակե մազեր ունեցող: Այդ տեսակ մազեր
ունեցողին մեր հեքիաթներումը ասում են ոսկեբաբուլ, ոսկեբաբուր:

Արևամանուկի մազերը չէին խուզում: Այդ տեսակ մազեր ում
վրա էլ լինում էր, չէին կտրում: Նա իր մազերը երկու հյուս էր
անում և աջ բաժինը դեպի ձախ, ձախինը դեպի աջ տանում, բեկովը
երկու անգամ պատ տալիս, վզին կապում ու ծայրերը կախ գցում
մեջքին: Նրա համար էր այսպես անում, որ խաղալիս ու վազ-
վըզելիս մազերն իրան շխանգարեն:

Երբ որ Արևամանուկը ծնվում է, նրանից հետո նրա մայրը եր-
կար ժամանակ երեխա չի բերում, այդ պատճառով նրան յոթը
տարի շարունակ ծիծ է տալիս և ծծից չի կտրում: Ամբողջ օրը
խաղում էր Արևամանուկը, բայց հենց որ ճաշելու ժամանակը գա-
լիս էր, նա առաջ մի նախաճաշիկ էր անում մոր ծծովը ու հետո
ճաշն ուտում. մեկ էլ ճաշելուց հետո էր վրա ընկնում մոր ծծին ու
բերանը քաղցրացնում. գիշերն էլ մոր ծոցումն էր քնում և ամեն
զարթնելիս՝ ծիծը բերանն էր առնում:

— Բավական է, որդի, էլ ի՞նչ կա, որ ի՞նչ ծծես, ծծերս ցա-
մաքել են,— ասում էր շատ անգամ մայրը, բայց էլի ծիծը դնում
էր բերանը և գլուխը շփելով՝ քնացնում:

Արևամանուկը սիրում էր և կովի ծիծը ծծել: Շատ անգամ,
երբ որ հարսները կովերը կթելիս էին լինում, նա անցնում էր
մյուս կողմը և կովի ծծերից մեկը բերանն առնում, ծծում: Հարս-
ները քթին խփում էին, որ ետ քաշվի, բայց նա էլ ջգրու արձա-

կում էր հորթի կապը, խփում էր կովին և այսպիսով ինքը հաղ-
թում էր հարսներին և ուզածի շափ ծծում: Պատահում էր, որ մինչև
կովի կթելը՝ ինքն արդեն ցամաքեցրած էր լինում ծծերը և խեղճ
հորթին էլ չէր լինում բաժին թողած:

Կերակուրներից նա ամենից շատ սիրում էր յուղն ու մեղրը:
Յուղը նա կաթի պես էր խմում, իսկ մեղրաբլիթը գաթի պես
ձեռքն էր առնում կրծոտում:

Էլ ինչ ասել կուզի ուրեմն, որ ով տարով կմեծանա, մեր Արե-
վամանուկը օրով էր մեծանում ու զորանում: Դեռ տասը տարե-
կան հաղիվ կլինեիր, այնպես էր աճել, զարգացել, որ տեսնողը
կարծում էր, թե առնվազն տասնհինգ կամ տասնվեց տարեկան
կլինեիր, բայց երբ դառավ տասնհինգ տարեկան, արդեն մի կատար-
յալ շինարի ծառ էր և էլ իր հասակին վայել չէր համարում իր տա-
րիքն ունեցող մանուկների հետ խաղալ, այլ քսան, երեսուն տա-
րեկանների հետ էր խաղում, նրանց հետ կպչում, նրանց հետ
մրցում և ամեն տեսակ մարզմունքների մեջ հաղթում էր ամեն-
քին:

Միշտ հաղթելը և ոչ մի անգամ չհաղթվելը մեր Արևամանուկի
համար դառավ մի այնպիսի հատկություն, որ հաղթվելն ու մեռ-
նելը իրա համար միևնույն էր: Այդ բանը նկատել էին նրա խաղ-
ընկերները, և երբ պատահում էր իրանից ավելի ուժեղների, նրանք
խնայում էին Արևամանուկին և չէին ուզում հաղթել, որ նրա սիրտը
չկոտրվի: Այդ տեսակ վեհանձնական սովորություն ունեին ար-
մավանցիք. նրանք նշանավոր քաջին և ուժեղին միշտ խնայում
էին, նրան սիրում, պաշտում էին և իրանց պարծանքն էին հա-
մարում:

5

Արևամանուկն արդեն դառել էր տասնհինգ տարեկան, բայց
իր ծնողների հսկողությունիցը դեռ չէր ազատվել: Նրա ընկերնե-
րից որը տավարած էր, որը հովիվ, որը եզնարած էր, որը հոտաղ,
բայց նրան միայն գառներն էին պահ տալիս, այն էլ միայն գա-
րունքը, իսկ մնացած ժամանակ տանիցը չէին դուրս թողնում:
Չէին դուրս թողնում, որովհետև գիտեին, որ նա ոչ մի տեղ հան-
գիստ չի մնալ, իր ուժը կփորձի ամեն բանի վրա ու փորձանքի
մեջ կընկնի:

401

Բայց որքան շատ էին զսպում նրան ու հսկում վրան, նա այնքան ավելի էր ցանկանում վազել, ընկնել անտառները, ձորերը, բայն տեսնել, բան շինել, իր պարսատիկն ու նետազեղը փորձել:

— Մայրիկ, ինձ ուղարկեցեք տավար, — աղաչեց նա մեկ անգամ իր մորը: — Ես ավելի լավ տեղեր կտանեմ արածացնելու, կովերն էլ ավելի կաթ կտան և շուտ շեն ցամաքիլ:

— Ի՞նչ հարկավոր է, որդի, — պատասխանում է մայրը: — Մենք այնքան տավար չունինք, որքան պահողներ ունինք. նրանք էլ լավ գիտեն, թե որտեղ պետք է արածացնեն:

— Բայց ես, մայրիկ, մինչև ե՞րբ պետք է տանը պարապ մնամ ու երեխանց հետ խաղամ: Աղջիկ էլ չեմ, որ բուրդ գզեմ, գուլբա անեմ, իլիկ մանեմ: Չէ՞ որ ես տղա եմ: Իմ ընկեր տղայքը բոլորն էլ տավար են դնում, ես ինչո՞ւ չգնամ:

— Տավարածությունը հեշտ բան չէ, հոգիս: Տավարը շատ հեռու տեղեր են տանում: Գող է, գազան է, ամեն ինչ պատահում է տավարածներին:

— Ես էլ հենց դրա համար եմ ուզում տավար գնամ, որ մի քիչ հեռու տեղեր տեսնեմ: Ինձ ի՞նչ պիտի անեն գողերն ու գաղանները: Բա մեր շներն ինչացո՞ւ են: Մեր Կտրանն ու Խեղդանը որ մոտս լինին, էլ ի՞նչ գող, ի՞նչ գազան կմոտենա մեր տավարին: Չէ՞, մայրիկ, ես պիտի գնամ տավար: Բայց եթե շթողներ, ես կփախչեմ, կընկնեմ Մասիսի ձորերը, կերթամ քաջերին կգտնեմ, կասեմ՝ «Ճեկ եմ ձեզ մոտ, որ ինձ սովորեցնեք լավ ձի հեծնել, նետ ձգել, թուր ու նիզակ գործ ածել»:

— Արմիկ, Մասիսի քաջերը սուր ու թուր շունին, ոչ ձի հեծնել գիտեն, ոչ նետ ձգել:

— Բա էլ ինչի՞ քաջեր են, մայրիկ:

— Հենց նրա համար շունին, որ շատ քաջ են: Նրանք այնքան քաջ են, որ կարիք չունին զենք ու զրահի: Այնքան ուժով են, որ ահագին կաղնի ծառը արմատահան կանեն, և այդ կլինի նրանց համար ինչպես մի թեթև մահակ, բայց այդ մահակով նրանք հազար ձիավորի պատասխան կտան: Նրանք ի՞նչ կանեն նետ-աղեղը, քանի որ Մասիսի ստորոտից բլրաշափ ժայռերը այնպես են շարտում, որ սարի գլխովն անց են կացնում մշուս կողմը գցում:

— Այդ ի՞նչքան ուժով են, մայրիկ, ով գիտե իրանք էլ ինչ ահագին հսկաներ են:

— Իհարկե, այնքան մեծ-մեծ են, որ նրանց տակին ոչ թե ձի,

այլ ոչ ուղտ և ոչ փիղ կկարենա դիմանալ: Ամեն մինը մի սարի շափ կա: Երբ որ նրանք դուրս են գալիս իրանց խոր ու մութ այրերից ու որսի հետևից ընկնում, Մասիսի ձորերը դժբովբում են, ու դաշտերը դողդողում: Երբ որ նրանք կրակ են անում, որ ճաշ եփեն, ով գիտե քանի՞-քանի՞ գերան են դարձում իրար վրա: Նրանց խարույկի ծուխն ու ալիքը Մասիսի գագաթիցն է դուրս գալիս ու վրան ամպանում:

— Եթե այդպես է, մայրիկ, նրանց մոտ դնալ չի լինիլ, նրանք ով գիտե մարդ էլ են ուտում:

— Չէ՞, հողիս, նրանք մարդակեր չեն: Իմ պապը մեկ անգամ գնացել է նրանց մոտ: Ես այդ ժամանակը շատ փոքր եմ եղել, ինչ հետո են պատմել: Ասում են, իմ պապը եր գնացել է նրանց մոտ, առաջ հարցրել են, թե դու ո՞վ ես, նա էլ ասել է՝ ես Արևազանց ցեղիցն եմ: Այդ որ լսել են, ասել են. «Որովհետև դու Արևազանց ցեղիցն ես, քեզ վնաս չենք տալ, բայց եթե Վիշապազանց ցեղիցն լինեիր, մեծ կտորդ ականջդ կթողնեինք»:

— Ուրեմն նրանք մեր ցեղին սիրում են, մայրիկ, իսկ Վիշապազանց ցեղին ատո՞ւմ:

— Այո, մեր ու դրանց մեջ կարծեմ մի տեսակ աղբականություն կա: Այժմյան քաջերի մայրը մեր ցեղիցն է եղել:

— Որ այդպես է, ես կերթամ նրանց մոտ, կասեմ ես ձեզ պապոնց երեխան եմ, նրանք էլ ինձ լավ պատիվ կտան:

— Դու այդպես ես կարծում, բայց ո՞վ գիտե, վա՛յ թե քեզ այնտեղ պահեն, էլ բաց շթողեն: Կզցեն մի խոր ու մութ այրի մեջ, մի ահագին ժայռով էլ բերանը կփակեն, հետո դնա կաց այնտեղ ու սպասիր, թե քեզ երբ պետք է ազատեն:

— Դե որ այդպես է, ես էլ շեմ դնալ նրանց մոտ, բայց տավար պիտի գնամ, ինչ կուզեք արեք:

— Իհարկե, որդի, էլի լավ է տավար գնաս, քան թե քաջերի մոտ: Բայց, գիտե՞ս, սիրելի Արմիկ, քո հայրը քեզ ուրիշ տեսակ է ուզում պահել: Նա ուզում է, որ դու տուն պահել, տուն կառավարել սովորես, գնացող-եկողի հանդիպես, նրանցից խելք ու շնորհք վերցնես, մարդավարություն սովորես և ոչ թե ընկնիս ձորերն ու վայրենանաս: Ահա պատճառը, որ հայրդ քեզ տավար չի ուղարկում: Բայց նա ընդդեմ չի լինիլ, որ դու լավ գիտենաս ձի նստել, նետ ձգել, նիզակ ու վահան գործածել: Հասկացա՞ր. բայց որովհետև պիտոք շատ է ուզում տավար գնալը, վնաս չունի, մի

բանի ժամանակ էլ տավար գնաւ: Այդ քո առաջին փափակն է, թող կատարվի. թող կողքդ ու մեջքդ մի քիչ էլ տավարումը հաստանան:

6

Արմավանի երեխայքը շատ ուշ էին սկսում տնական հոգսերին մասնակցել: Մանուկները դառնում էին տասնհինգ, քսան տարեկան, բայց դեռ էլի համարվում էին տղա, այսինքն երեխա: Մինչև տասնչորս տասնհինգ տարեկան դառնալը ոչ մի պարապմունք չէին ունենում, բացի ուտելուց ու խաղալուց:

Նրանց սկզբնական ուսումնի ու կրթութունն էլ խաղն էր: Եվ պետք է ասենք, որ պակաս ուսում չէր և շատ էլ լավ էր: Լավ էր նրանով, որ մեզ նման վաղօրոք չորս պատի մեջ չէին փակվում ու կորցնում իրանց առողջութունը, մեկ էլ նրանով՝ որ նրանց խաղերը անմիտ ու անօգուտ խաղեր չէին: Նրանք իրանց խաղերով ավելի լավ էին պատրաստվում իրանց ապագա գործունեության, ապագա պարապմունքների համար, քան թե հիմա մենք:

Նրանց հարկավոր էր լինել ուժեղ, ճարպիկ, սրամիտ, հնարագետ, առաքինի. պետք է իմանային լավ ձի հեծնել, լավ վազել, լավ լողալ, ծառերի վրա մագլցել, պառակների ու ժայռերի վրա բարձրանալ, մեծ ուսույուններով ցատկել, սուր ու նիզակ գործածել, վահանով պաշտպանվիլ, ուղիղ պարաստիկ ու նետ ձգել, — պետք է իմանային անասնապահութուն, վար ու ցանք, փայտտաշութուն, քարտաշութուն, դարբնութուն... և այս բոլորը այն ժամանակվա երեխեքը սովորում էին խաղալով:

Մեծերը նրանց չէին ասում, թե ա՛յս արեք և ա՛յն շինեցեք. ա՛յս խաղացեք և այն մի՛ խաղաք: Երեխեքն իրանց կամքովն էին անում, ինչ որ անում էին. փոքրերը՝ փոքրն ու հեշտը, մեծերը՝ մեծն ու դժվարը, և այնքան սիրով և ուրախությամբ, այնքան ոգեվորված ու տաքացած, որ շատ անգամ հացն էլ էին մոռանում:

Նրանց գիշերվա խաղերն ուրիշ էին, ցերեկվանը ուրիշ, ամառվանը ուրիշ, ձմեռվանը ուրիշ, ուրիշ էր տղերանց խաղը և ուրիշ՝ աղջկերանցը: Ամեն տեղի, ամեն դեպքի, ամեն ժամանակի հարմար խաղեր ունեին:

Խաղում էին ամենախիստ կարգապահությամբ: Եթե խաղացողները լինում էին մինչև հարյուր հոգի, էլի այնպես կարգով էին

խաղում, որ ոչ մի անկարգություն չէր պատահում, և եթե պատահում էլ էր երբեմն, մեղավոր երեխային իսկույն հեռացնում էին իրանցից, որ մեծ պատիժ էր համարվում:

Խաղերի մեծ մասը երկու խմբով էին խաղում: Առաջ երկուսին մայր էին նստեցնում, մյուսները ձագեր դառնում: Ձագերը զույգ-զույգ էին դառնում և վիճակով ընկնում մեկը մեկ և մյուսը՝ մյուս մորը: Այսպիսով բոլոր խաղացողները դառնում էին երկու խումբ, ամեն մեկը իր մոր հովանավորության և պաշտպանության տակ:

Մայրը իր ձագերից ամեն մեկի պաշտոնն իրան հասկացնում էր, և նրանք պիտի կատարեին իրանց մոր պատվերը ամենայն ճշտությամբ և ճարպկությամբ: Այս խաղերի մեջ շատ լավ սովորում էին պաշտպանվելու և հարձակվելու կերպերը. սովորում էին շարքով կանգնել, շրջան կազմել, խմբվել, ցրվել, մեջք-մեջքի տալ, վայր թափվիլ, շորեթթաթ վազել, փորսող տալ, մի ոտքով վազել, ձեծի դիմանալ, հակառակ խմբի բոլոր շարժումները դիտել, նրա մտադրությունը նախագուշակել:

Այս խաղերի մասին էլ ես չեմ ուզում երկարացնել խոսքս: Դուք ինքներդ, եթե գյուղի երեխայք եք, կարող եք ասել, թե ինչ տեսակ խաղեր գիտեք. միայն պետք է գիտենաք, որ իմ ասած հին խաղերի կեսի կեսն էլ չկա հիմա, և ինչ էլ որ կա, այն ժամանակվա եղածի միայն սովերն է և ոչ իսկականը: Բայց ինչ որ լինին, դրանք էլ են հարկավոր և շատ բավական են մեզ:

Մեր Արևամանուկը խաղալ շատ էր սիրում: Պառավներն ասում էին: Որ նա մոր փորումն էլ խաղալիս է եղել, և սուտ չէին ասում: Բոլոր խաղերի մեջ նա այնպես շուտ ճարպիկացավ, որ էլ ձագ չէր դառնում, այլ իրանից մեծերի վրա էր մայր նստում, և ամեն երեխա աշխատում էր, որ նրան վիճակվի, նրան ընկնի, նրա զորեղ պաշտպանության տակը գտնվի:

7

Ահա այս աստիճան զորացած էր մեր Արևամանուկը, երբ որ սկսեց տավար գնալ: Տավարումն էլ երկու թե երեք օր միայն փոքրութուն արավ. շուտով տավարածապետ դառավ, այսինքն տավարածների գլխավոր: Տավարածապետ լինելը հեշտ բան չէ:

նա պետք է ամենից զորեղը լինի և ամենից ճարպիկն ու սրտոտրու ճշմարիտ է, նրա գործը հեշտ էր նրանով, որ պիտի նստեր սառն ազրյուրների մոտ, հով ու զով տեղերումը և մյուսներին հրամայեր, որ տավարը մակաղից դուրս անեն, գոմեշները՝ ցիխերից, այս կողմը քշեն, այն կողմ տանեն, ետ տան, ժողովին, ականեն, բայց և դժվար էր նրանով, որ եթե տավարներից մինը կորչեր, նա պիտի ման գար գտներ, գող ու գազանի ճանկերից նա պիտի փրկեր: Իսկ գազաններ այդ ժամանակ շատ ու շատ կային. հիմա այնքան գայլ ու աղվես չկա, ինչքան որ այն ժամանակ քավթառներ ու փալանդներ (վագրեր) կային: Արևամանուկը մի քանի շաբաթ շարունակ շատ լավ պահեց տավարը, այնպես որ ոչ մեկի քիթը չարնեց, բայց ասած է՝ «Տատն ամեն օր գաթա չի թխի»:

Մեկ անգամ մի եղբ կորցրեց. շատ ման եկավ, վերջը մի գոռոցի ձայն հասավ ականջը: Մինչև ինքը ականջ կղներ, որ տեսներ արտեղից է գալիս ձայնը, իր քաջ շները—տեղդանն ու Կտրանը—ավելի շուտ իմացան տեղը և նետի պես թռան դեպի ձայնը: Գոռոցը հասարակ բառանջ չէ. այդ ձայնը հանում են միայն գազանների ճանկ ընկած ժամանակը, և այդ գիտեն՝ ինչպես տավարներն ու մարդիկը, նույնպես և շները:

Արևամանուկը ոչ մի գենք շուներ, բացի մի հաստազուլիս մահակից: Մահակը ձեռին՝ վաղեց շների հետևից և նրանց գտավ մի ձորակի մեջ հաշիլիս: Հեռվից նկատեց, որ մի գազան վայր էր ձգել ահագին եզանը, թանթուլները դրել նրա մեջքին, իսկ գլուխը դեպի շները ծռած՝ այնպես կատաղի կերպով նայում է, որ աչքերից կրակ է թափվում: Շները հաշում էին հեռվից, պոչները ներս քաշած, և սիրտ չէին անում գազանին մոտենալ:

Արևամանուկը՝ էլ չմտածելով թե ինչ պետք է աներ արդյոք, սաստիկ բարկացավ շների վրա և գոռաց. «Խեղդա՛ն, խեղդի՛ր, Կտրա՛ն, կտրի՛ր», ու ինքը մի ճարպիկ ուստյունով թռավ ընկավ գազանի մեջքի վրա ու բռնեց նրա վզիցը: Այդ տեսնելով շները սիրտ առան ու հախոեցին գազանին: Գազանը բարկացավ և ցատկեց տեղիցը, բայց նրանից պոկ չեկան ոչ Արևամանուկը և ոչ շները: Գազանն ավելի կատաղեց, երեսը շրջեց, բաց արավ ահագին ըռեխը և ուզում էր Արևամանուկի գլուխը հախուել ու փշրել, բայց նա իսկույն ձեռքը ձգեց գազանի բերանը ու լեզվի տակիցը այնպես պինդ բռնեց քաշեց, որ գազանի թանթուլները թուլացան և նա սկսեց խոխոացնել: Գազանը որ խեղճացավ,— թուլացավ,

Արևամանուկը նրան իր տակն առավ, աչ ոտքը նույնպես կոխեց գազանի բերանը և երկու ձեռքով քաշեց նրա լեզվիցը: Այդ միջոցին խեղդանը հախոեց գազանի բկիցը, Կտրանն էլ փորատակերից: Այսպես միացած ուժով գազանին անշնչացրին, սատկացրին:

Քափ ու քրտինքի մեջ կորած՝ ետ քաշվեցավ Արևամանուկը, և նոր տեսավ, թե ինչ վիշապ էր իր սպանածը: Վագր էր, մի ահագին ու քավթառ վագր, որ բոլոր շրջակայքի վրա իշխում էր: Նրա երկյուղից ոչ ոք չէր համարձակվում տավար կամ ոչխար տանել այն տեղերը, ուր որ տարել էր Արևամանուկը: Ամբողջ գյուղերով աշխատում էին նրան սպանել, բայց չէին կարողանում:

Ելբ վաղուց արդեն շունչը փչել էր: Անիրավ գազանը մի հատ հարվածով կոտրել էր նրա մեջքի սեռը և մի ծվեն կաշի էր հանել:

Արևամանուկը մաշկեց գազանը ու մորթին քարշ տալով՝ դնաց տուն: Նրա այս քաջագործության համբավը շուտով տարածվեց ամեն տեղ: Տասնհինգ տարեկան հասակում վագր խեղդել, — հեշտ բան չէ: Բայց ով որ իմանում էր, թե այդ քաջությունը Արևամանուկն է արել, չէր դարձանում, ասում էին՝ նա կարող է առյուծի բերան էլ ձղել մեն-մենակ, առանց շների օջնության:

Արմավանցիք սույորություն ունենին, որ երբ մեկը մի քաջություն էր անում, նրա վրա գովասանական երգ էին շինում ու երգում ամեն տոնի օր: Երգում էին տղերքն ու աղջկերքը ձեռք ձեռքից բռնած, խմբով ու պարելով: Այս անցքից հետո Արևամանուկի վրա էլ շինեցին մի գովասանական երգ, որ ասում էին տղերքն ու աղջկերքը փոխ առ փոխ: Ահա՛ այդ երգը.

— Աղջկեք, պար բռնեցեք,

Արմիկի երես գովեցեք.

Ա՛յ երես, շարմաղ երես,

Գու մեզ չըթողնես սեբրես:

«Բարձր սարեն պաղ շուր կուգա,

Արմիկի երես կըլվա.

Ա՛յ երես, արև երես,

Քո շափաղով մեր սիրտ կերես»:

— Աղջկեք, պար բռնեցեք,

Պրմիկի աչքեր գովեցեք.

Ա՛յ աչքեր, սիրուն աչքեր,

Արևի պես փայլուն աչքեր:

«Արմիկի աշերն արեգակ,
Մեզի կուտա լույս ու կրակ.
Ա՛յ աշեր, վառ-վառ աշեր,
Մանուշակի թառ-թառ աշեր»:

— Աղջրկեք, պար բռնեցեք,
Արմիկի կոներ գովեցեք.
Ա՛յ կոներ, ուժեղ կոներ,
Դուք կըշարժեք մեծ-մեծ լեռներ»:

«Արմիկի կոներն է գերան,
Կրպատառի վագրի բերան.
Ա՛յ կոներ, գթոտ կոներ,
Դուք կըբանաք մեր փակ դռներ»:

— Աղջրկեք, պար բռնեցեք,
Արմիկի հասակ գովեցեք.
Ա՛յ հասակ, բարձր հասակ,
Քեզ կըվայելի դափնյա պսակ»:

«Արմիկի հասակն է սոսի,
Շուքը մեզնից շրպակասի.
Ա՛յ հասակ, շինար հասակ,
Ո՛վ չի տար քեզ դափնյա պսակ»:

Միասին և թռչկոտելով.

Ո՛վ պատանեց վագրի բերան,
Արմիկ պատանեց վագրի բերան.
Վագրի բերան—աճա՛ այսբան—
Ժանիքները մեկ-մեկ գերան...

Ապրի Արմիկ, ապրի շատ օր,
Իր թշնամին ընկնի գլոր...

ՄԱՍՆ ԵՐԿՐՈՐԳ

1

Երբ որ Արևամանուկը հասավ տուն, վագրի մորթին ուսովը
զցած, տանեցիք չհավատացին, որ այն ամենհի գազանը նա իր
ձեռքովն է սպանել, այն էլ սարափելի կովով: Վագրի հետ կովն
ու անվնաս մնալ, իրավ որ հավատալի բան չէր:

408

— Արմիկ,— ասաց հայրը,— ոչ մի տեղդ չի՞ ցավում արդյոք:
— Ոչ, հայրիկ, ոչինչ ցավ չեմ գգում, միայն կարծես թե սաս-
տիկ հոգնած լինիմ:

— Վնաս չունի, հոգիս, եթե միայն հոգնած լինիս. հապա ին-
չո՞ւ են պատուտրված շորերդ:

Այս խոսակցությունից մի կես ժամ շանցած՝ տեսան որ Արևա-
մանուկի երեսը դեղնում, սփրթնում է:

— Արմիկ ջան, գլուխդ չի՞ ցավում արդյոք,— հարցրեց մայրը,
որդու գլուխը շփելով:

Արևամանուկը այլևս չկարողացավ պատասխանել. նրա ուշքը
գնաց և նվաղեց:

Իսկույն վրա թափվեցան ամեն կողմից, երեսին ջուր սրսկե-
ցին, շորերը հանեցին — և ի՞նչ տեսան — մարմնի վրա էլ մի ողջ
տեղ չկա, բոլորն էլ կապտել էր: Շատ տեղ գազանի ճանկերը ցրց-
վել էին, և այնքան ուռած տեղեր կային, որ հենց իմանաս շնա-
ճանճեր են թափվել վրան ու խաթոտել: Միայն երեսն էր ազատ
մնացել հարվածներից:

Արևամանուկը այդ բոլոր հարվածներին դիմացել էր առանց
ցավ զգալու: Այդպես է լինում տաք կովի ժամանակը:

Բայց երբ որ քրտինքը ցամաքեց,— բոլոր մարմինն սկսեց
սարսռել: Ցավը մի տեղ չէր, երկու տեղ չէր, որ ասե՛ր՝ այսինչ կամ
այնինչ տեղս է ցավում: Այդ որ տեսան, էլ ժամանակ չկորցրին.
Իսկույն մի քանի այժ մորթեցին և նրանց տաք-տաք մորթիովը
փաթաթեցին Արևամանուկին: Հավաքվեցան դեղ ու դուղ իմացող
պառավներն էլ, և զանազան հոտավետ ծաղիկներ եփ տվին ու
ջուրը խմացրին Արևամանուկին: Նրանք շատ լավ էին իմանում
կտրածի, ջարդածի, կտորածի դեղերը, և հենց միայն այդ էր հար-
կավոր որ գիտենային, որովհետև ուրիշ ցավ չէր պատահում:

Արևամանուկը ուղորդ հիվանդացավ. պառկեց տեղումը ու էլ
շուտ չի վեր կացավ: Նա կարծես շատ էր ուրախացել, որ հիվան-
դացել է, որովհետև նրան այնպես ծառայում, պատիվ էին տալիս,
որ առողջ ժամանակը տեսած չէր: Նրան այնպես էին պահում,
պահպանում, որ ցավի սաստկությունը բնավ չէր գգում: Արթուն
ժամանակը պառավներն էին իրանց հին զրույցներովն ու հեքիաթ-
ներովը նրա ուշք ու միտքը գրավում, իսկ քնած ժամանակն էլ՝
քաղցր երազները: Այսրը հո՛ մի բոպե մոտիցը չէր հեռանում և
ինչ ազիզ կերակուրներ ասես, որ չէր եփում, ուտեցնում:

409

«Այս ի՞նչ լավ բան է եղել հիվանդ լինելը,— ասում էր Արևամանուկն ինքն իրան:— Առողջ ժամանակս ինչ որ ուզում էի՝ չէի տալիս. հիմա այնպես բաներ են ուտեցնում, որ կյանքիս մեջ առաջին անգամն եմ համը տեսնում: Եվ ի՞նչ լավ հեքիաթներ են ասում: Առաջ այնքան աղաչում էի, ոչինչ չէին ասում»:

Ճշմարիտ որ շատ լավ զրույցներ էին պատմում: Այդ զրույցները այնպիսի բովանդակություն էին ունենում, որ նրանով համարյա թե լրանում էր Արևամանուկի կրթության պակասը: Այդ զրույցներից նա ավելի փորձառություն էր ստանում և ինքն իրան ասում էր. «Ինչքա՞ն հիմարություն է՝ շիմանալ, թե մեզանից առաջ ապրող մարդիկը ինչպե՞ս են եղել ապրելիս, ինչի՞ց են վնասվել և ինչի՞ց օգուտ քաղել: Եթե այդ շիմանանք, էլ ինչպե՞ս կարող ենք խելոք կերպով ապրել աշխարհքիս երեսին: Օրինակ, ի՞նչ հիմարություն էր իմ արածը— առանց զենքի՝ ուղղակի ընկնել վագրի գիրկը— այդպես միայն խելագարը կանե: Ա՛խ, ինչքա՞ն հիմար եմ եղել, ես այդ նոր եմ հասկանում»:

Այսպես ահա ամեն մի զրույցից հետո՝ մեր Արևամանուկը մի նոր մտածմունքի մեջ էր ընկնում և նոր խելքի գալիս: Պետք է ասել, որ այդ այն զրույցների լավությունիցն էր, որ նրան պատմում էին:

2

Մեկ անգամ, երբ որ Արևամանուկն արդեն լավանալու վրա էր, նրան դուրս բերին տանիցը և տարան մի մեծ ծառի շվաքում պառկեցրին, որ ավելի մաքուր ու զով օդ շնչե: Մի հասարակ կապերտ փոնցին, վրան մի բարձ գրին. Արևամանուկը կռնեց նրա վրա, իսկ պառավները նստոտեցին նրա բոլորի շուրջ՝ կանաչ խոտի վրա: Մայրը որդու գլխավերևը նստած՝ շփում էր նրա գլուխը, շտկում, մաքրում էր նրա ոսկեթել մազերը, իսկ պառավները պատասխան էին տալիս Արևամանուկի ամեն մի առաջարկած հարցմունքին՝ երկար զրույցով:

— Ա՛խ, ինչպես ուրախ եմ, որ էլի տեսնում եմ Մասիսի երեսը,— ասաց Արևամանուկը և հարցրեց պառավներից մեկին.— Նանե՛, ինչի՞ցն է, որ Մասիսի գլխի ձյունը չի հալվում:

— Նրա համար չի հալվում, հոգիս, որ մեծ նավը չբացվի և արևից ու տեճրներից չփչանա:

— Այդ ի՞նչ նավ է, նանե, ես չեմ հասկանում:

— Դրա պատմությունը երկար է, հոգիս, կարճն այս է, որ մի ժամանակ արարած աշխարհքս ջրով ծածկվել է. միայն մեկ մարդ է ազատվել իրա որդկերանց, իրա կնոջ ու հարսների հետ, և ազատվել է այսպես: Մի մեծ, խիստ մեծ նավ է շինել. երբ որ ջրերը բարձրացել են, նավն էլ հետն է բարձրացել, մինչև հասել է Մասիսի գլուխը, նրա վրա նստել: Այնտեղ այնքան մնացել են, մինչև ջրերը ետ են քաշվել: Հետո դուրս են եկել նավիցը, վայր են իջել սարիցը և տեսել որ ի՞նչ, էլ երկրիս երեսին ոչ մի մարդ է մնացել, ոչ անասուն, ամենքին էլ ջուրը խեղդել, քշել, տարել է: Այնքան լավ է եղել, որ նա իր հետ վերցրած է եղել ամեն տեսակ օգտակար անասուններ: Դրանք սկսում են նոր մեկանց շատանալ, և էլի լրջվում է երկիրը թե՛ մարդկերանցով և թե՛ անասուններով: Ահա այդ ժամանակ, երբ որ սարիցն իջել են, իսկույն ձյուն է եկել և ծածկել մեծ նավը:

— Այն մարդի անունն ի՞նչ է եղել, նանե:

— Նրա անունը... սպասիր... նավ, նով, նո... ինչ որ է, այսպես մի բան է. լավ չէ միտս:

— Դե որ այդպես է, արի ասենք՝ շենքն ու շինողը իրար անվանակից են: Ինչ էլ լինի անունը, այդ ոչինչ, երևում է միայն, որ այդ մարդը ամենից խելոքն է եղել, որ կարողացել է իր գլուխն ազատել:

— Մենակ խելոքությունը բավական չէ, հոգիս. պետք է արդար էր լինի եղած, որ աստված միայն նրան է ազատել: Եվ ճշմարիտն էլ այս է: Ասում են, որ այդ ժամանակ մարդիկը շատ անիրավացել են, շատ մեղավոր են եղել, միայն նովն է եղել արդար: Ասում են, որ նավը նա ինքը չի շինել, այլ ուրիշին է շինել տվել: Նավը շինողը շատ խելոք, շատ իմաստուն ու ճարտար մարդ է եղել, բայց ինչ կանես, որ արդար չի եղել: Նա իր համար էլ մի առանձին սենյակ է շինել նավի մեջ, մտածելով, թե ես չեմ հավատում, որ ջրհեղեղ կլինի, բայց ով գիտե, բան է, եթե լինի, ես կմտնեմ իմ սենյակս: Եվ ի՞նչ ես կարծում: Գալիս է ջրհեղեղը, այդ մարդն էլ մտնում է իր սենյակը, բայց որովհետև արդար չի լինում, առաստաղը խորտակվում է անձրևներից և այնքան ջուր է Քափվում մեջը, որ նա իր շինած ամենից ամուր սենյակումը խեղդվում է: Նով նահապետը շատերին է ուզում ազատել. բայց ամենի սիրտն էլ քարանում է, ոչ ոք չի լսում նրան: Մի պառավ

կնկա ասում է. «Նանե, եկ մեր նավի մեջը մտիր, հիմա որտեղ որ է ջրհեղեղ կլինի»։ Իսկ նա պատասխանում է՝ «Դեռ սպասեցեք, ես հաց եմ թխում»։ Բայց ի՞նչ, դեռ հացը թոնրումը, մեկ էլ տեսնում է՝ հրեա թոնրի միջիցը ջուր է, որ քըլթըլթալի դուրս է գալիս։ Պառավն այնպես շշկվում է, որ գլխիվայր ընկնում է թոնրի մեջն ու խեղդվում։

— Ես հիմա հիշում եմ, նանե, որ դու մեկ անգամ ասացիր, որ այդ արդար մարդը մեր նախահայրն է, մեր մեծ պապը։

— Իհարկե, նա մեր նախահայրն է, մեր նահապետն է։ Նա մեր Մասիս սարի վրա է ազատվել ջրհեղեղիցը, մեր աշխարհումն է ապրել, մեր աշխարհումը թաղվել։ Բայց որովհետև աշխարհիս բոլոր մարդիկը, բոլոր ազգերն ու ցեղերը նույնպես նրանից են հառաջ եկել, այդ պատճառով նա ամենքի նախահայրն է, մենակ մերը չէ։ Միայն, իհարկե, մեծ բաժինը մերն է. որովհետև մեծ նավը մեր սարի վրան է, մեծ պապը մեր երկրումն է թաղված. ամենից մոտիկը մենք ենք։ Մենք նրա անբաժան զավակներն ենք, նրա տան բնակիչները, իսկ մյուսները՝ բաժանված, հեռացած։

— Ուրեմն մենք մի ուրիշ նախահայր էլ ունինք, որ միայն մերն է և ուրիշները նրանից բաժին չունին։

— Ինչպե՞ս չունինք։ Ամեն ցեղ իր սեփական նախահայրն ունի, մենք էլ ունինք, և մերն ամենից քաջն է, ամենից ճարտարը։

— Բա ինչու՞ ինձ չես պատմել, նանե։

— Ա՛յ, հիմա կպատմեմ, հոգիս, եթե ուզում ես. և պետք է ուզենաս, որովհետև դու նրանից շատ հեռու չես. շատ, շատ որ հեռու լինիս, պետք է նրա թոռան թոռի թոռը լինիս։ Ուրեմն նրանից մինչև քեզ միայն վեց պորտ է անց կացել։

— Այդ շատ լավ է։ Դե պատմիր տեսնեմ, նա ինչպե՞ս մարդ է եղել. տեսնեմ ես էլ կարող եմ նրա նման դառնա՞լ թե ոչ։

— Իհարկե, նրա նման պիտի լինիս, հոգիս. դեռ պետք է աշխատես՝ նրանից էլ անցնել. և կանցնես, եթե մյուս անգամ խելագարություն չանես, աչքերդ չխփես ու ընկնես վագրի գրկը։

— Այդ թող, նանե, մարդ որ գժություն չանե, բա ինչպե՞ս կխելոքանա։

— Դե լսիր, հոգիս։

Այստեղ պառավն սկսում է պատմել մեր Հայկ նահապետի պատմությունը՝ մոտավորապես հետևյալ կերպով։ Ասում եմ մո-

տավորապես, որովհետև պառավն այնքան գեղեցիկ էր պատմում, որ Արևամանուկին թվում էր, թե նրա ասածները բոլորն էլ իր աչքովը տեսնում է. իսկ ես այդ շնորհքը չունիմ։ Հուսով եմ միայն, սիրելի երեխայք, որ ինչքան էլ ձանձրալի լինի իմ պատմելուս ձևը, դուք սիրով կկարդաք և շատ անգամ կկարդաք, որովհետև մեր սիրելի նախահոր, մեր պապերի պատված ու պաշտած Հայկ նահապետի պատմությունն է, որ բոլորովին ճշմարիտ է և ոչ թե մի հնարովի հեքիաթ կամ պրուցց։

3

«Երբ որ Նոյ նահապետը իջնում է Մասիս սարիցը և բնակոս նրա ստորոտումը, այդտեղ նրա որդիքն ու թոռները սկսում են անչափ շատանալ։

Այսպես անցնում է մի հարյուր, երեք հարյուր, չորս հարյուր տարի. մի խոսքով՝ էլ հայտնի չէ թե ինչքան. Մասիսի շրջակայքը առաջվա նման մարդով լցվում է։

Ինչպես որ լճի մեջ՝ երբ որ մի քար ես գցում, ջրիցը բոլորակ-բոլորակ ալիքներ են բարձրանում ու մղվում դեպի ափերը, այսպես էլ մարդիկը երբ որ շատանալ են սկսում, Մասիսի բոլորի-շուրջ ալիքի բոլորակների նման տարածվում են։ Բայց քարը, որ լճի մեջն ես գցում, նրա բարձրացրած ալիքները վերջ ի վերջո ավելի դեպի այն կողմն են թեքվում, որ կողմը ցածր է։ Հենց այսպես էլ մեր շատացած մարդկանցն է պատահում։

Երբ Մասիսից բավական հեռանում են, նրանց համար ամեն տեղ ապրելը միակերպ հեշտ չի լինում։ Մարդիկն աշխատում են բարձր ու ցուրտ տեղերից փախչել ու դեպի ցածր ու տաք տեղերը գնալ, որ ապրելն ավելի հեշտ լինի։

Այնպես է պատահում, որ դեպի հարավ գնացողները նկատում են, որ քանի հեռանում են, այնքան իրանց համար լավ է լինում. երկիրն ավելի պտուղ է տալիս և ամեն ինչ առատ է։ Այդ լսում են և մյուս կողմեր գնացողները և սկսում են իրանց ցուրտ լեռներիցն իջնել ու հեղեղի նման թափվիլ դեպի հարավ։ Բռնում են երկու մեծ գետերի—Սփրատի ու Տիգրիսի—ընթացքը և նրանց հետ գնում։

Գնում են գնում—շատ ու քիչն աստված գիտե—մինչև նրանց

առջև երկարումեկ ձգվում է մի մեծ, շատ մեծ դաշտ: էլ ոչ մի սար, ոչ մի բլուր, ոչ մի քար—այլ հարթ, հավասար դաշտ, բայց ի՞նչ դաշտ. աստծու ամենայն բարությունովը լիքը: Այն ժամանակվա մարդիկն էլ հենց այդպիսի մի տեղ էին փնտրում, որ ոչ վարեն, ոչ մրսեն, բայց ամեն ինչ ուտեն:

Այս նոր երկրի համբավը տարածվում է ամեն տեղ: Ամեն տեղից մարդիկ են գնում, որ տեսնեն՝ ճշմարիտ այնպե՞ս է, ինչպես որ պատմում են. և երբ որ ստուգում են, գալիս են իրանց տունը տեղը քոչաջնում, չլնում նոր երկիրը:

Այդ ժամանակները մեր պապ Հայկը այստեղ է լինում կենալիս: Նա տեղիցը չի շարժվում, բայց գնացող-եկողները այնպես բաներ են պատմում, որ նա էլ է ցանկանում գնալ: Ասում են՝ «Այնպիսի երկիր է, որ լեզվով պատմել չի լինիլ: Ամենայն տարի նփրատն ու Տիգրիսը այնպես հորդանում, վարարում են, որ ամբերիցը դուրս են գալիս և ջրում ամբողջ դաշտը: Երբ որ ձտ են քաշվում, սերմը գցում են նբանց թողած ցեխի վրա. էլ ոչ հերկել, ոչ ցաքանել, բայց արտ է դառնում, որ զարմանալի: Յողուններն այնքան բարձրանում են, որ ուղտը միջին չի երևում. անբերքը թաթի պես լայն-լայն, հասկերը կռան չափ հաստ, երկու թղաչափ երկայն, մեջներին մինչև հարյուր, երկու հարյուր, երեք հարյուր հատիկ: Մեկ չափ ցանողը երեք հարյուր չափ է վերցնում: Ցանելու տեղն էլ այնքան շատ է, որ ինչքան կուզես՝ ցանիր: Ուրիշ էլ ինչ պտղեղենով, ինչ արմտիքով ասես՝ լիքն է: Հաղողի ճութերը այնքան մեծ-մեծ են, որ հեռվից նայողը կարծում է, թե սև-սև գոմեշներ են նստոտած վազան տակերին. ծիրանը մեր գեղծիցը խոշոր, նուրը մեր ձմերուկի չափ, բայց էլի այնպես պտուղներ կան, որոնցից մեր երկրումը չըկան»:

Ահա այս ամենը որ լսում է մեր պապ Հայկը՝ ինքն էլ է ուզում գնալ: Հավաքում է իր որդկերանցը և եղբայրներին, հայտնում է նրանց իր միտքը: Եղբայրները չեն հոժարում, ասում են՝ ինչո՞ւ թողնենք մեր երկիրը, մեր հողը, մեր ջուրը, մեր ժաղկապատ լեռները, մեր անմահական աղբյուրները, վերջապես, մեր հորն ու մոր, մեր նախնայաց սուրբ գերեզմանները:

Հայկն ասում է՝ «Այդ շատ լավ եք ասում: Դուք մնացեք այստեղ. այստեղ ապրեցեք, մեր երկիրը պահպանեցեք, իսկ ինձ թույլ տվեք գնամ, տեսնեմ այդ մարդիկն ո՞ւր են այդպես հեղեղ պես թափված գնում կամ ի՞նչ են շինում այնտեղ: Ես մեր երկրիցը

ձեռք չեմ վերցնիլ, նրա սահմանիցը շատ չեմ հեռանալ: Այնտեղ, ինչպես պատմում են, մի ուրիշ լավ բան չկա, բացի հացի առատությունից»:

Այստեղ պառավ տատն սկսում է հացի նշանակությունը հասկացնել Արևամանուկին:

— Հացը մի այնպիսի բան է, Արմիկ ջան,— ասում է սյառավը,— որ ինչ տարի նա չի լինում, բոլոր ուտելիքներն էլ նրա հետ պակասում են, և երբ որ հացն առատ է լինում, մյուս բոլոր բաներն էլ առատ են լինում: Օրինակի համար, երբ որ հաց չի լինում, եղ էլ չի լինում: Հիմա կասես՝ ինչո՞ւ նրա համար որ՝ արա՞ շեղած տարին խոտն էլ է պակաս լինում: Իսկ կո՞վը որ խոտ չուտի, լավ չարածի, որտեղի՞ց կաթ կտա, որ նրանից էլ մածոն, մածոնից էլ եղ շինեն: Խոտ չկա, մեղր էլ չկա. ինչո՞ւ, նրա համար որ՝ խոտ որ չլինի, ծաղիկ էլ չի լինի, իսկ ծաղիկ որ չլինի, էլ մեղուն ինչի՞ց կշինե մեղր: Ծաղիկ չկա, պտուղ էլ չի լինի: Կուտ չկա, ձու էլ չի լինիլ:

Երևում է, որ մեր պապը մի քանի անգամ սով տեսած է լինում: Սկսում է պատմել, թե սովն ինչից է հառաջ գալիս: Թե՛ երբ որ մի տարի, երկու տարի երկինքը կապվում է, գետինքն էլ շորանում է, էլ ոչինչ չի տալիս, էլ խոտ չի բանում, ծառը չի ծաղկում, աղբյուրը չի քլքում, մաշո, անասուն սովամահ են լինում: Ասում է՝ այդ նոր երկրումը դժվար թե սով պատահի, եթե ճշմարիտ է այն ամենը, ինչ որ ասում են: Լավ կլինի ուրեմն, որ եթե այդ երկրի միջուկը չլինիք, գոնե նրա սահմանի վրա լինիք, նրանից մտտիկ լինիք:

Մրա վրա որդիքն ասում են. «Հայր, դո՞ւ գիտես: Երբ որ դու կամենում ես, մենք ի՞նչ կարող ենք ասել»: Եղբայրներն էլ ասում են՝ մենք էլ կզանք քեզ անց կկացնենք: Մյուս օրը պատրաստություն են տեսնում. վրանները կարկատում, շինում են, աման, շաման, շորեղեն կապում են, մափոռաներում դարսում, կապոտում, էշերը, ջորիքը բարձում, ձիանոնց վրա էլ իրանք նստում, ուխար, տավար առաջներն անում, ճամփա ընկնում:

Երբ որ մեր պապը ճանապարհ է ընկնում, նրա հետ շատերն են քոչում: Ասում են՝ Հայկը խելոք մարդ է. եթե նոր երկիրը լավ չլինի, նա չի գնալ: Մի հարյուր հոգի հենց Հայկի տանը կլինե, մի քանի ուրիշ տուն էլ որ նրա հետ միանում են, ով գիտե՛ քանի հարյուր հոգի են դառնում:

Սրանք խումբ-խումբ, տավարը ջոկ, ոչխարը ջոկ, հորթերը ջոկ,— որ կովերին չծծեն— ձիավորները ջոկ, բեռնավորները ջոկ, կռունկների պես կարգով ճանապարհ են ընկնում ու կամաց-կամաց, այստեղ, այնտեղ իջնելով, գետերի, աղբյուրների ափերին, կամ արոտներում օրերով հանգստանալով՝ հասնում են մինչև նոր երկրի սահմանը: Այդ նոր երկիրն ասվում է «Միջագետք», այսինքն՝ գետերի մեջ եղած երկիր: Այսպես նրա համար է ասվում, որ այն մեծ դաշտը, ուր գնում էին, երկու մեծ գետերի—Տիգրիսի ու Եփրատի— արանքումն էր:

Ահա այդ դաշտի հյուսիսային սահմանի վրա եղած լեռների ստորոտումն են իջնում: Երկար ժամանակ այդտեղ մնալուց հետո՝ երբ որ լավ ծանոթանում են իրանց գնալու երկրին, վայր են իջնում լեռներից և մտնում են դաշտի մեջ:

4

Ճշմարիտ որ այդ դաշտը ամենայն բարությունով լիքն էր: Մարդիկն իրանց մի օրվա աշխատանքը մեկ ամիս հանգիստ նրատած վայելում էին: Բայց այդ հանգստության ժամերը զուր չէին անց կացնում, այլ լավ-լավ բաների վրա էին խոսում, մտածում, ուրախություն անում, զվարճանում: Զանազան տեղերից հավաքված մարդիկը այնքան սիրում էին միմյանց, ինչպես շատ տարի իրար շտեսած, իրար կարոտ քաշած հայր ու որդի, եղբայրներ, քույրեր: Այնքան միաբան, այնքան սիրով էին, որ՝ ինչպես կասեն՝ գառն ու գայլը միասին էին արածում: Մեր պապ Հայկին որ տեսնում են, այնպես են սիրահարվում վրան, որ սկսում են պաշտել: «Ինչպե՞ս կարելի է, ասում են, որ այս հրաշալի պատկերի ու հասակի տերը, այս զարմանալի ճարտարությունն ու քաջությունն ունեցողը մեզ նման մի հասարակ մահկանացու լինի»:

Եվ ճշմարիտ որ՝ մի հասարակ մահկանացու չէր մեր պապը: Արմիկ ջան, աստված պահի, դու որ մեծանաս, իսկ և իսկ նրա նման կլինիս: Ամեն քեզ տեսնելիս՝ իսկույն միտս է ընկնում այն բոլորը, ինչ որ լսել եմ մեր պապի գեղեցկության մասին: Հաստաբազուկ, լայնաթիկունք, բարձրահասակ, աչքերը քո աչքերի նման, մազերը քո մազերի: Նրա ձգած նետն ու պարսաքարը նշանից վրիպում չի եղել: Այնքան ուժով է եղել, որ նրա գործ դրած զենքն

ու զրահը ոչ ոք չի կարողանում եղել ոչ հագնել և ոչ գործածել: Նրա խելքն ու ճարտարությունն էլ հետո կտեսնես:

Այսպես, ինչպես ասացի, այդ ընդարձակ դաշտի մեջ տարածված բոլոր մարդիկը իրար հետ շատ և շատ սիրով էին ապրում:

Միշտ բոլոր ցեղերի նահապետները հաշվաբան էին, միասին խորհուրդ անում, և ինչ որ պետք է լինում իրանց օրկրի համար, շինում են: Օրինակ՝ տեսնում են, որ դաշտի ինքնիրան ջրվող մասը օրեցօր քչություն է անում,— որովհետև մարդիկ էլ այդ դաշտի մյուս բերքերի նման սկսում են խիստ առատանալ,— մեծ-մեծ ջրանցքներ ու լճեր են շինում, որ թե՛ ավելի հեռու տեղեր ջրեն և թե՛ երաշտ տարիներին ջրի պակասություն չկրեն, լճերի ջրովը ջրեն: Այսպես շատ անապատ ու անջրդի տեղեր են ջրովի շինում և նոր տեղերը՝ գեղեցիկ ծառաստաններ և այգիներ:

Տեսնում են, որ ճահճուտ տեղեր կան, ցամաքեցնում են, վնասակար գազանները կոտորում են, գետերի ու ջրանցքների վրա անթիվ կամուրջներ են շինում: Օր չի լինում, որ մի նոր գյուտ շանեն: Մեկը մի նոր ջրաղաց էր հնարում, մյուսը մի նոր տեսակ սայլ, մեկը գեղեցիկ կավի՝ ամաններ է շինում, մի ուրիշը՝ աղյուս, խողովակներ, ջրմուղներ: Կանայք իրանց տանու ձեռագործերն էին սկսում ավելի նրբացնել: Առաջ որ միայն բրդից ու մազից էին գործվածքներ անում, այստեղ դրանց վրա ավելացնում են բամբակն ու մետաքսը, որոնցից շատ բարակ գործվածքներ էին անում և բարակ էլ հագնում: Ամեն մի արհեստավոր, թե՛ դարբինը և թե՛ սակերիչը, թե՛ հյուսնը և թե՛ որմնագիրը, թե՛ գինեգործը և թե՛ երկրագործը օրեցօր կատարելագործում էին իրանց արհեստը, օրեցօր մի նոր բան էին հնարում, մի նոր բան ավելացնում: Այս պատճառով էլ քիչ ժամանակի մեջ անթիվ գյուղեր շինեցին գեղեցիկ աղյուսյա պատերով և ով գիտե ջանի-քանի էլ քաղաք—ամուր սլարիսպներով, բարձր աշտարակներով, լայն կամուրջներով:

5

Երբ որ մարդիկ այսպես սիրով, այսպես խաղաղ ու բախտավոր ապրում էին, մեկ էլ—ի՛նչ տեղից—մի շար քամի է փչում, բոլորի սիրտը, բոլորի միտքը պղտորում:

Առաջվան բարի ծերերը մեռնում են, նրանց տեղն անցնում են խոռվարար, գոռոզ և շար մարդիկ:

Այդ շարերի մեջ ամենից շարը լինում է Բել տնունով մի ահագին հսկա, մի գազան մարդ: Մյուսները թեպետ շար են լինում, բայց և շատ վախկոտ ու թուլասիրտ են լինում, բայց Բելը ոչ թե մարդուց, այլ աստվածանից էլ չի վախենում և կարծում է, թե ինքն էլ մի աստված է: Իրանից վախեցող մարդիկ նրան այդպես էին ասել, նա էլ հավատացել էր, և կարծում էր, թե ինքը եթե ճշմարիտ աստված չէ, անպատճառ աստծու սերունդիցն է:

Մեկ անգամ, երբ որ բոլոր ցեղերը նահապետները հավաքված են լինում, որ իրանց հոգսերի մասին խորհուրդ անեն, այդտեղ են լինում թե՛ մեր պապ Հայկը և թե՛ իմ ասած ածուհա Բելը: Խոսք խոսքի են գալիս, մեջները ահագին վեճ է բարձրանում, մեկն ասում է՝ այսպես լավ կլինի, մյուսը թե՛ չէ, իմ ասածն է լավը: Հայկը տեսնում է, որ առաջվա սերն ու համաձայնությունը վերացել է, սրտին ցավ շատ է լինում. վեր է կենում տեղիցը ու դառնալով դեպի խորհրդականները՝ ասում է.

— Հայրեր և եղբայրներ, ինձանից ձեզ խրատ չի հասնիլ, որովհետև ձեզանից շատերը այնպիսի պատկառելի տարիքի տեր են, որ ես նրանց որդու տեղ կհամարվիմ: Ես ուզում եմ ձեզ ասել միայն, որ թողնեք ձեր վեճերը: Մինք հիմա մի ուրիշ գործ ունինք կատարելու: Մեր մաքուր ու անարատ արտերի մեջ վնասակար բույսեր են բուսել, պետք է միացած ուժով այդ վնասակար բույսերը քաղհանենք, մի տեղ հավաքենք և կրակ տանք:

Այս խոսքի վրա այնպես են լռում ամենքը, որ կարծես համրանում են, և սկսում են իրար երեսի մտին տալ և ավելի նայում են Բելի երեսին, որ սկսել էր փրթնել: Այս խոսքով մեք պապը «արտերի» մասին չէր խոսում, այլ մարդկանց «արտերի»: Ուզում էր ասել՝ մեր մեջ շար մարդիկ են երևացել, որոնք պղտորում են մեր անարատ սրտերը: Երկրի խաղաղությունը պահանջում է, որ այդ մարդկանցը պատժենք: Բելը որ իրան վրա է առնում այս խոսքը, բարկություն զսպելով՝ սուր կերպով պատասխանում է.

— Ես կարծու՞ եմ, խոտերն այնքան վնաս չեն տալ մեր արտերին, որովհետև իրանց հողի վրա ե՛րբուսած՝ երկուսին էլ բավական նյութ կլինի. բայց եկովի մանգաղաթև թաշիկներ կան, որ շնա իմանում՝ որտեղի՞ց են թռել եկել, դրանք փշացնում են մեր ցորենի հասկերը:

Բեյն էլ է մեր Հայկի պես մութ խոսում: Նա մեր պապին և նրա հետ զնացածներին մանգաղաթև է անվանում, մանգաղն աղեղի նմանացնելով, որովհետև մերոնք հայտնի են լինում այնտեղ ինչպես քաջ նետաձիգ աղեղնավորներ: Նրանց համարում է եկովի, որովհետև ինքն այնտեղ է լինում ծնված, իսկ մերոնք ամենից հեռու են լինում զնացած: Այս էլ պետք է ասենք, որ այդ գոռոզ Բելը սուր ու աղեղ բանեցնելը Հայկիցն էր սովորել, նա մի ժամանակ շատ սիրում էր Հայկին և միշտ նրա հետ էր որսի գնում, որ ավելի լավ վարժվի:

— Մանգաղաթև թռչունները եթե չլրինին,— պատասխանում է Հայկը,— մորիխները իսպառ պփշացնեն մեր արտերը:

1883

ՀՆԱՐԱԳԵՏ ՋՈՒԼԱՎԷ

(Ավանդություն)

1

Շահ-Աբասի ժամանակ հեռու աշխարհից դերվիշի հագուստով մի մարդ է գալիս Սպահան քաղաքը: Քաղաքի ընդարձակ հրապարակի մեջ այդ դերվիշը մի մեծ շրջան է քաշում փայտով, ինքն էլ կշտին նստում լուռ ու մունջ: Անցուդարձ անողները նայում են, զարմանալով հարցնում, թե դու ո՞վ ես, այս ի՞նչ բան է, որ դու քաշել ես. արդյոք մի թալիսման չէ՞ սա, և մեզ համար բարե՞, թե՞ չար թալիսման է... Դերվիշը բնավ չի խոսում: Ամբողջ քաղաքը վարանման մեջ է ընկնում, թե սա ինչ կնշանակի արդյոք: Վերջը իմաց են սալիս Շահ-Աբասին, թե այսպիսի մի դերվիշ է եկել...

Շահ-Աբասը իր գիտնականներից մեկին ուղարկում է, որ տեսնե ի՞նչ բան է, ի՞նչ է դերվիշի ուղածը, ինչու է ժողովրդին սարսափի մեջ գցել:

Գիտնականը գնում է և ասում դերվիշին.

— Ո՛վ մարդ, ես հասկանում եմ քո միտքը: Քո շրջանը նշանակում է երկինք: Դատարկ է մեջը: Այդ նշանակում է, որ դու ուզում ես երկինքը կապել, որ ոչ մի ամպ չլինի այնտեղ, որ էլ անձրև չգա, սով ընկնի մեր աշխարհքը: Գիտեմ, գիտեմ, որ դու կարող ես այդ բոլորն անել. բայց խղճա մեզ, այդպես բան մի՛ անիլ, ինչ-որ ուզես, քեզ կտա թագավորը...

Դերվիշը բնավ չխոսեց և գիտնականի երեսին անգամ չնայեց: Բայց ժողովուրդը լսելով գիտնականի բացատրությունը ավելի մեծ երկյուղի մեջ ընկավ: էլ չէին ասում, թե գուցե սխալ էր գիտնականի բացատրությունը, այլ դրա հակառակ՝ լուծ ուղտ շինելով, պատմում էին իրար, թե՛ «Բա չե՞ք ասիլ, դերվիշը մի ամենազոր մարդ է, այսինչ երկրում հեղեղ և կարկուտ է թափել, բոլոր բնակիչներին կոտորել. այնինչ տեղ յոթը տարի շարունակ կապվել է երկինքը, ոչ մի կաթիլ անձրև չի եկել, սով է ընկել երկիրը, բոլորենքայնք կերել են միմյանց...» Մյուս օրը Շահ-Աբասն ուղարկեց մի ուրիշ գիտնական:

— Գիտեմ, գիտեմ ով ես դու, մարդ աստուծո, — ասում է գիտնականը: — Քո շրջանը նշանակում է երկիրս: Դատարկ է մեջը: Դրանով ուզում ես ասել, որ ժանտախտով պիտի դատարկես մեր երկիրը: Խնայի՛ր, մեզ. խնայի՛ր, ի սեր ամենակալին, այդպես բան մի՛ անիլ, ինչ որ ուզենաս, քեզ կտանք:

Դերվիշը դարձյալ մնաց լուռ: Ավելի ևս սաստկացավ ժողովրդի երկյուղը և նորանոր առասպելներ տարածվեցին քաղաքի մեջ:

Բոլոր գիտնականները հաջորդաբար գնացին դերվիշի մոտ և բոլորն էլ ունքը շինելու տեղ աչքն էլ հանեցին — փոխանակ ժողովրդի կասկածը փարատելու, նրան ավելի երկյուղի ու սնահավատության մեջ գցեցին:

2

Թագավորը կարծում էր, որ դերվիշի արածը մի հասարակ հանելուկ պիտի լինի, և իրան համար շատ ամոթ էր համարում, որ այդ հասարակ հանելուկը լուծող մի գիտնական չունի: Այդպիսի մտատանջությունով նա մեկ օր ծպտած ման էր գալիս Սպահանի Հայոց թաղումը, ուր հանդիպեցավ մի տարօրինակ բանի: Մի տա-

նիքի վրա ցորեն կար փռած աղունի համար. ոչ ոք չկար մոտը, բայց մի երկայն եղեգ կար ցցված, որ ինքն իրան անդադար տարուբերվելով զուռ էր ճնճողակներին: — Այս հրաշքի գաղտնիքը պետք է տան մեջ փնտրել, — ասաց թագավորն ու ներս գնաց տուն և այնտեղ տեսավ մի ջուլհակ, որ կտավ էր գործում:

Երբ որ թագավորը ներս մտավ, ողջունեց ջուլհակին. ջուլհակը նայեց նրա վրա, իսկույն ոտքի կանգնեց, խոր գլուխ տալով պատասխանեց նրա ողջույնին, հետո սկսեց շարունակել իր գործը: Ջուլհակի աչ ու ձախ կողմին մի-մի օրորոց կար դրված: Երբ որ նա սկսեց գործել, օրորոցներն էլ սկսեցին օրորվել տանիքի ինքնաշարժ եղեգի պես: Օրորոցում եղած երեխաները ծերունու թոռներն էին, որոնց մայրերը տան մի անկյունում նստած՝ ճախարակով բամբակ էին մանում կտավի համար: Իր հարսներին գործից շեղելու համար հնարագետ ջուլհակը տանիքի եղեգից մի թել էր կապել, թելի մեկ ծայրը փաթաթել կտավի սանդղին, որ իր տարուբերվելովը շարժում էր եղեգը: Օրորոցներից նմանապես թելեր ուներ կապած, որոնց հակառակ ծայրերը իր աչ ու ձախ մատներին էր փաթաթել: Աչ ձեռքով մաքուրը նետելիս, աչ կողմի օրորոցն էր օրորվում, ձախով նետելիս՝ ձախ կողմինը: Այսպիսով նա մեկ անգամից երեք գործ էր կատարում:

Թագավորն այդ ամենը նկատեց և գովեց իր մտքումը նրա հնարագիտությունը, միայն նրա ոտքի կանգնելով խոր գլուխ տալը թագավորի մեջ կասկած ձգեց, թե չլինի իրան ճանաչեց: Այս բանն ստուգելու համար թագավորը մի մութ հարցմունք արավ նրան.

— Չլինի՞մ, չլինի՞մ...

— Մի՞թե, մի՞թե... — պատասխանեց ջուլհակը:

Թագավորը «չլինիմ, չլինիմ» ասելով, ուզեց ասել ծերունուն. «եթե ինձ ճանաչեցիր, չլինի թե երեցնես այդ բանը, թող մեր մեջը մնա»: Իսկ ծերունին պատասխանեց «մի՞թե, մի՞թե». այսինքն՝ «մի՞թե ես հիմար եմ և այդքանը չգիտեմ»:

— Քանիսի՞ մեջն ես, վարպետ, — հետո հարցրեց թագավորը:

— Երկուսս լրացրել, երեքի մեջն եմ մտել, — պատասխանեց ջուլհակը:

Թագավորի այս հարցմունքը ջուլհակի հասակին էր վերաբերում: Ջուլհակը պատասխանեց, որ երկու ոտքով ման գալն արդեն

վերջացրել է, հիմա գավազան է գործ ածում, իբրև երրորդ ոտք, մեկ խոսքով ծերացել է:

Թագավորն այսպիսի շատ մութ հարցմունքնիր արավ և բուրի պատասխանն էլ ստացավ դարձյալ մութ կերպով: Տեսավ, որ ծերունի հայր մի հնարագետ և հանճարի տեր մարդ է թե՛ գործով և թե՛ խոսքով, մտածեց, որ միայն սա կարող է դերվիշի պատասխանը տալ:

— Դու որ այդչափ հնարագետ ես,— ասաց թագավորը,— եթե մի քանի սագ ուղարկեմ քեզ մոտ, կարո՞ղ ես փետրել նրանց:

— Դրա քաջ վարպետն եմ ես,— ասաց ջուհակը:

3

Այս պատասխանն ստանալուց հետո թագավորը գնաց: Շատ շանցավ, ջուհակի մոտ եկան թագավորի գիտնական նազիր-վեգիրները:

«Ահա եկան թագավորի սագերը. իրավ որ լավ փետրելու թուղուններ են», ասաց ջուհակը ինքն իրան:

Թագավորը տուն գնալով սաստիկ բարկացել էր գիտնականների վրա և սպառնացել էր, որ եթե գոնե մի մարդ չգտնեն, որ դերվիշին պատասխան տա. նրանց բոլորին էլ կաքսորե: Այսպես նեղի գալով՝ որոշեցին դիմել հնարագետ ջուհակին, որի համբավը նրանցից մեկը լսել էր:

— Վարպետ եղբայր, կարող չե՞ս արդյոք մի պատասխան տալ մեր տարօրինակ հյուրին, որ ժողովրդի վրա սարսափ է տարածել,— ասացին գիտնականները և պատմեցին դերվիշի դեպքը, որ արդեն հայտնի էր ջուհակին:

— Ինչո՞ւ չէ... կարող եմ... բայց մեծ ծախք կպահանջվի դրա համար: Պետք է ձեռք բերել մի կախարդական գավազան, մի անմահական սխտոր և մի ոսկի ձու ածող հավ:

Գիտնականները մնացին ապշած:

— Դրա ծախքը մենք կվճարենք,— ասացին նրանք ուշքի գալով,— միայն մենք չենք կարող գտնել այդ բաները, ինչ որ դու ես ասում:

— Ծրեք բան է իմ ուզածը, և ես ինքս կգտնեմ, միայն ամեն

բանի համար մի գլխարկ լիքը ոսկի է պետք: Ի՞նչք երեք հոգի եք, ամենքդ ձեր գլխարկովը մեկ ոսկի կբերեք, ես էլ կգամ դերվիշին պատասխան կտամ:

Գիտնականները ճարահատած համաձայնեցին: Գնացին երեք-երեք գլխարկ ոսկի բերին տվին ջուհակին: Այսպես փետրելով նրանց, ինչպես պատվիրել էր թագավորը, վեր կացավ առավ իր հոնի գավազանը, մի գլուխ հոտած սխտոր, ոտի մեկը կոտրած մի հավ և գնաց սարսափ տարածող դերվիշի մոտ:

Հավաքվեցին բոլոր քաղաքացիք, ներկա էր և թագավորը իր բոլոր իշխաններով:

Ջուհակը շխտեց դերվիշի հետ. նա լուռ ու մունջ իր գավազանի ծայրով մի խոր ակոս քաշեց շրջանի մեջտեղով ծայրե ի ծայր և այսպիսով դերվիշի շրջանը երկու հավասար մասի բաժանեց և նստեց նրա դեմ հանդիման:

Դերվիշը երկար մտածեց, գլուխը թափ տվավ. վերջը մի գլուխ սոխ հանեց դրավ առջևը:

Ջուհակը, առանց երկար մտածելու, իսկույն իր սխտորը հանեց գրավ իր առջևը:

Բարկացավ դերվիշը և իր ջեբից հանեց մի բուռ կորեկ և շաղ սվավ ամբողջ շրջանի մեջ:

Ջուհակը փեշի տակից հանեց իր հավը, որ իսկույն կտկտալով կերավ բոլոր կորեկը:

Դերվիշն էլ մինչև վերջը չսպասեց, իսկույն վեր կացավ և մոմալուղ հեռացավ գնաց...

Թագավորը մոտեցավ ջուհակին և խնդրեց, որ բացատրե այդ հանելուկի նշանակությունը:

— Ողջ լինի թագավորը,— ասաց ջուհակը:— Այս մարդը մի խելագար դերվիշ է: Երևակայել է, որ ինքը մի շատ զորեղ իմաստուն մարդ է և կարող է մեր ամբողջ աշխարհքին տիրել: Իր քաշած շրջանով ուզում էր մեզ հասկացնել, թե իրանն է բոլոր մեր երկիրը: Ես չուզեցա հասկացնել նրան, որ այդ խելագարություն է, այլ կես արի մեջտեղից, որով ուզեցա ասել, թե կեսն էլ իմն է: Նա բարկացավ և իր սոխով ինձ պատերազմ հայտնեց կամ ուզեց ասել, մեր մեջ դառնություն կծագի, կոխվ կլինի: Ես էլ իմ սխտորով հասկացրի նրան, որ ես փախչող չեմ, թեկուզ կովից էլ վատթար բան պատահի: Նա կորեկով ինձ սպառնաց, որ իր զորքերն

անհամար են: Ես էլ իմ հավով ցույց տվի, որ ահա այսպես կշարդեմ ես քո անհամար գործը: Դրա վրա նա տեսավ, որ էլ չի կարող մեզ վախեցնել, փախավ գնաց...

Քաղաքացիք շատ ուրախացան, որ վերջապես ազատվեցին դերվիշի տալիք երևակայական սովից ու մահից և ամենքը միաբերան գոչեցին՝ «Կեցցե՛ ջուհակը»:

Շահ-Աբասը, որ շատ արհեստասեր թագավոր էր, գովեց ջուհակին և հետո հարցրեց.

— Ի՞նչ արիր իմ սագերին, լավ փետրեցի՞ր, թե ոչ...

— Ողջ լինի թագավորը, այո՛, լավ փետրեցի, ահա նրանց փետուրները,— ասաց ջուհակը և թագավորի առջև դրավ մի պարկ ոսկի:

— Քեզ են արժանի այդ ոսկիքը,— ասաց թագավորը,— դու ավելի օգտակար գործադրություն կատես դրանց համար: Մի այդքան էլ իմ գանձարանից ստացիր և մի մեծ գործարան բաց արա. թող ծաղկի քո արհեստը իմ երկրիս մեջ: Այսուհետև իմ պալատի դռները միշտ բաց են քեզ համար. թող իմ հովանավորությունը լիովի տարածվի քո իմաստուն ժառանգների և քո ազգի վրա:

1886

ԱՐԵՎԱՏԱՆ
ԿԱՍ
ԿԱՆԱՐԴԱԿԱՆ ԱՇՆԱՐՀ

(Հայկական հին գրույցներից առած մի վեպիկ)

1

Շատ հին ժամանակ, երբ աշխարհքս լիքն էր հրաշքերով և երբ բարի ու չար ոգիները անընդհատ պատերազմ էին մղում իրար դեմ, ահա այդ ժամանակ Մասիսի ստորոտում կենում էր մի ծերունի իշխան՝ Արման անունով:

Արմանն ուներ երեք զավակ, մորից որը մնացած: Նրանցից

424

երկուսն աղջիկ էին՝ մինը քան զմյուսը գեղեցիկ, իսկ երրորդը ավելի ևս չքնաղ և շնաշխարհիկ, միայն բարի ոգիները նրա ինչ լինելը թաքցրել էին հողեղեններից: Այդպես էին կամեցել բարի ոգիները իրանց համար հայտնի նպատակով և մի ուրիշ ժամանակով, երբ որ ժամանակը լրանար, այնուհետև նա կամ աղջիկ և կամ տղա պիտի դառնար: Քայց Արմանը նրան չէր որոշում աղջիկներին, և երեքին էլ միաձև աղջկա հագուստով էր պահում:— «Թող սա էլ աղջիկ համարվի,— ասաց նա — մինչև բարի ոգիների կամքը կատարվի», և անունն էլ դրավ Արեգնազան՝ միատեսակության համար, որովհետև մեծի անունը դրել էր Զանազան, իսկ երկրորդինը՝ Զարմանազան:

Արեգնազանը մեծացավ աղջկա պես. և թեպետ հավատացած էր, որ ինքն աղջիկ է և աղջիկներից էլ ամենից գեղեցիկը, բայց ատելով ատում էր աղջկան վայել բաները: Նա չէր սիրում բուրդ գզել, թեև մանել, կար ու գործ անել, և դրա հակառակ՝ երբ մի լավ ձի կամ մի գենք էր տեսնում, խեղդ գնում էր: Մայր շուներ, որ նրան ստիպեց, տնարարություն սովորեցնեց, իսկ հայրը՝ կարծես գիտությունը՝ ոչ միայն այդ մասին ոչինչ հոգս չէր անում, այլև նրան իր հետ որսի էր տանում և ձի հեծնել ու գենք գործածել էր սովորեցնում:

Այսպես անցավ մի ժամանակ. մեկ օր Արմանը կանչեց իր զավակներին և ասաց.

— Ես ծառայում էի մեր բարի թագավորին և նա ինձ շատ սիրում էր: Ահա այս դաշտերն ու անտառները, այս սարերն ու ձորերը, որ հիմա մեր ձեռին է, բոլորը թագավորն էրնձայել ինձ իմ հավատարիմ ծառայության համար: Երբ որ ձեր մայրը վախճավ՝ վեց, սաստիկ տխրություն եկավ վրաս: Վեր առա ձեզ, քաշվեցի այս խաղաղ վայրերը, և տխրությունս փարատելու համար՝ գլուխս որսորդության տվի: Դուք հիմա մեծացել եք, իսկ ես ծերացել: Դուք այստեղ մեծանում եք, ինչպես վայրի եղջերուները: Ինչ կլինի ձեր վերջը, եթե այստեղ մնաք, իհարկե, շատ վատ: Ապագա թշվառությունից ձեզ ազատելու համար՝ ես մտածել եմ, որ ձեզանից մեկին, տղայի հագուստով, ուղարկեմ թագավորի մոտ ծառայելու: Թագավորը սիրով կընդունի և իմ տեղը ժամանակով նրան կտաս: Այդպիսով ձեզանից մեկը կարող է մյուսներից էլ տանել իր մոտ: Հիմա ո՞րդ կուզենաք գնալ:

425

— Ես կերթամ, հայրիկ,— ասաց մեծ աղջիկը:

— Ես էլ, հայրիկ, ես էլ,— մեջ ընկավ միջնակը:

Արեգնազանը լուռ էր:

— Իսկ դու, Նազանիկ, դու չե՞ս կամենալ,— հարցրեց հայրը Արեգնազանին. կարծես ուզում էր, որ գնացողը նա լիներ անպատճառ:

— Ինչո՞ւ չէ, հայրիկ. բայց երբ որ իմ մեծ քույրն ո գում է, ես ինչո՞ւ արգելք լինեմ նրան:

— Այստեղ արգելքի բան չկա, հագիս. ինձ համար դուք երեքդ էլ մեկ եք, միայն դեռ չգիտեմ, թե ձեզանից ո՞րն ավելի հարմար կլինի:

— Ես ամենից հարմարն եմ, հայրիկ,— ասաց մեծը,— որովհետև ես ամենից մեծն եմ:

— Շատ լավ, բայց ես առանց պայմանի ոչ մեկիդ չեմ ուղարկելու: Եթե դու կամենում ես, կերթաս ուրեմն, կփոխես հագուստդ, կընտրես զենք ու զրահ և առավոտը շատ վաղ քո ձիւն կհեծնես, կերթաս որսորդութեան. եթե դատարկ չվերադառնաս, քեզ կուղարկեմ թագավորի մոտ:

Մյուս առավոտուն մեծ աղջիկը, ինչպես պատվիրել էր հայրը, ճանապարհ ընկավ դեպի դաշտ՝ մի բան որսալու համար: Երբ որ մտավ մի խոր ձորի մեջ և ուզում էր անցնել մյուս կողմը, նրա առաջը կտրեց մի դիմակավորված ձիավոր՝ ոտից մինչև գլուխ զինավորված: Աղջիկը նրան որ տեսավ, այնպես վախեցավ, որ քիչ մնաց լեզուն կապվի. սաստիկ երկյուղից մնաց կաշկանդված, փախչիլ անգամ չկարողացավ: Զիավորը մոտեցավ նրան ու ասաց.

Ա՛յ տղա, սիրուն տղա,
Ո՞ւր ես գնում այդպես մենակ.
Ինչո՞ւ փափուկ անկողնիցդ
Դուրս ես եկել անժամանակ:

Աղջիկը պատասխանեց կամկատով.

— Ես... ես... գնում եմ...
Ոչ... ոչ... չեմ գնում.
Հա... հա... պիտի գնամ...
Ի՞նչ երեսով ես դառնամ...

Զիավորն ասաց սպառնալով.

— Դու գնում ես, ո՞ւր ես գնում.
Ո՞ւր ես հախշուս դու ձեր գեղից.
Ե՛տ դառ իսկույն, թե չես ուզում,
Որ գլուխդ թռչի տեղից...

Այս ասելով ձիավորը հանեց թուրը և բարձրացրեց, որ վարկե աղջկանը, բայց նա բղավեց.— Վա՛յ, վա՛յ, մի՛ վարկիր, մի՛ վարկիր, ես աղջիկ եմ, ես աղջիկ եմ. ահա՛, ահա՛, ետ եմ դառնում:

— Որ աղջիկ ես, ուրեմն գնա ձեր տուն, ձեր հավերժին կուտ տուր: Տղամարդի հագուստ ունենալը բավական չէ, պետք է տղամարդի սիրտ էլ ունենալ: Էլի լավ էր, որ ինձ պատահեցար և ոչ մի ուրիշին.— ասաց ձիավորը և անհայտացավ:

Աղջիկը դողդողալով վերադարձավ տուն:

— Է՛... ո՞ւր է բերած որսդ.— հարցրեց հայրը.— ինչո՞ւ այդպես շուտ վերադարձար:

— Ճանապահին ջերմս բռնեց, հայրիկ, գլուխս ցավում է,— պատասխանեց աղջիկը:

Մյուս օրը միջնակին ուղարկեց: Նա էլ մեծին պատահած փորձանքին հանդիպեց. նրա պես վախեցած վեղադարձավ տուն:

Երբորդ օրը Արեգնազանին ուղարկեց: Նրան ևս հանդիպեց միևնույն ձիավորը և ասաց.

Ա՛յ, տղա, սիրուն տղա,
Ո՞ւր ես գնում այդպես մենակ.
Ինչո՞ւ փափուկ անկողնիցդ
Դուրս ես եկել անժամանակ:

Արեգնազանը պատասխանեց բարկանալով.

Քեզ ի՞նչ, թե ես ուր եմ գնում.
Ուր գնում եմ. այդ ես գիտեմ.
Ես չեմ գնում, որ քեզ նման
Խաղաղ մարդոց, ճամփեն կտրեմ:
— Ուրեմն ես ավազակ եմ.
Դե՛ւ ես ասում ինձ այդ բանը.
Այս բոպիս դու գտանաս
Քո այդ խոսքիդ պատասխանը:

— Այո՛ թե դու ավազակ ես,
Ցույց է տալիս քո դիմակը.
Բայց թե ինչու ես տղամարդ ես,
Այդ թող տեսնե՛ իմ նիզակը...

Այս ասելով՝ Արեգնազանը հարձակվեց նրա վրա, ասելով.

— Դե՛ն ձգիր դիմակդ, տեսնեմ դու ի՞նչ մարդ ես, եթե ոչ՝
այս րուպեիս կթոցնեմ գլուխդ:

Ձիավորն ընդդիմացավ, վահանով պաշտպանվեց և թրով հարձակվեց Արեգնազանի վրա: Արեգնազանը նույնպես պաշտպանվում էր վահանով և հարձակվում թրով: Մի ժամ շարունակ տևեց նրանց կռիվը, և ոչ մեկը չկարողացավ զարկել մյուսին. զարկերը վահաններին էին դիպչում: Միայն Արեգնազանը հետզհետե զորանում էր, իսկ նրա հակառակորդը թուլանում: Վերջը Արեգնազանը մի ճարպիկ ոստյունով թռավ իր ձիուցը, հակառակորդի փողպատից բռնելով վայր գլորեց ձիուց և հենց այն է, ուզում էր, որ մի հարվածով գլուխը թոցներ, նա իսկույն վեր կայավ դիմակը...

— Ա՛խ, հայրի՛կ, հայրի՛կ,— բացականչեց Արեգնազանը.—
այս ի՞նչ փորձանքի մեջ էիր գցում դու ինձ... եթե մի փոքր ուշ վեր
կալնեիր դիմակդ, ինձ հայրասպան պիտի շինեիր:

Հայրը մոտը նստեցրեց Արեգնազանին և նրա վրան նայելուց
չէր կշտանում: Մի փոքր շունչ առնելուց հետո ասաց.

— Ապրի՛ս, ապրի՛ս, Արեգնազան,
Մլիս, ծաղկիս, գորանաս,
Հիմա գիտեմ, որ իմ տեղը
Դու անպատճառ կստանաս:

Իզուր չեմ քեզ սովորեցրել
Ձենք ու զրահ գործածել.
Ինքըզ գիտես, որ ամենքից
Քեզ եմ սիրել առավել:

Թող սա լինի, ասացի ես,
Արու զավակ ինձ համար,
Սրա անվախ, անահ սիրտը
Քաջ տղամարդի է հարմար:

էլ աղջիկ չես այսուհետև,
Ձմոռանաս այդ բնավ.

Դու աշխատիր, որ ստանաս
Բարի անուն, մեծ համբավ:

Արքայական ասարանքը
Մի մեծ բույն է փորձության.
Եթե սխալ մի քայլ անես,
Դու կոռած էս հավիտյան:

Ալմ զնա՛, դու իմ հոգյակ,
Ցոհնությունս քեզ հետ տար,
Եշի՛ր բարի, մեծահոգի,
Եղի՛ր անմեղ ու արդար...

2

Երբ որ Արեգնազանը ներկայացավ թագավորին և հայտնեց,
որ ինքը Արմանի որդին է, թագավորը շատ ուրախացավ:

— Ես այնպես էի կարծում,— ասաց թագավորը,— որ մեր Ար-
մանը հասած տղա չունի: Անունդ ի՞նչ է, տղա՛ս:

— Տերությանդ ծառա՛ Արեգ:

— Արե՛գ... շատ լավ անուն է և քեզ բոլորովին հարմար:
Ուրախ կաց, տղա՛ս. քեզ այստեղ լավ կպահան: Եթե մի նեղու-
թյուն, մի կարիք ունենաս, ինձ հայտնիր: Վաղը պիտի որսի եր-
թանք, դու էլ կգաս ինձ հետ:

Թագավորը մինուճար մեկ աղջիկ ուներ, նունուֆար անունով:
Այնքան զեղեցիկ էր նունուֆարը, որ արեգակին ասում էր՝ «դու մի
դուրս գա, ես եմ դուրս գալու»:

Երբ որ թագավորը խոսում էր Արեգնազանի հետ, նունուֆարը
վարագույրի հետևից թաքուն նայում էր նրա վրա և գմայլում:

«Մա իսկ և իսկ այն պատկերն է, որին քանի անգամ տեսել եմ
ևս երազումս», ասում էր նունուֆարն ինքն իրան...

Ե՛լուս առավոտը որսական փողերը հնչեցին:

Հազարից ավելի ձիավոր դուրս եկան, բոլորն էլ զինավորված
լայնակամար նետաղեղնեքով, երկայնակոթ նիզակներով և այլ
զենքերով: Իրանց հետ ունեին բազմաթիվ գամփոներ, բարակներ,
բազեններ... մի խոսքով որսի ամեն պատրաստությունով:

Անցան գնացին, հասան մի լայնատարած դաշտ, շորս կողմից

ահագրին անտառներով շրջապատված: Որսական շներով անտառներից դուրս փախցրին բոլոր էրեններին դեպի դաշտ, շղթայաձև շրջապատեցին ամբողջ դաշտը, և բոլոր որսերին կալմեջ արած՝ սկսեցին անխնա կոտորել:

Արեգնազանը թագավորի մոտից չէր հեռանում, և նրանից էլ քիչ չէր կոտորում. Որսասպանության այս թունդ միջոցին թագավորը մի եղջերվի հետևից ձին շափ զցելիս, ինչպես պատահեց, վայր ընկավ ձիուցը, թեև անվնաս, Ըրաչն ձին խրտոնեց, փախավ. թագավորը մնաց հետիոտն և խկույն ընկավ մի արջի առաջ: Արջը հետևի ոտների վրա կանգնեց, բերանը բաց արավ և հենց որ ուզում էր թագավորին իր գիրկն աննել, ջարդել, Արեգնազանը մի ակընթարթի մեջ նետի պես սլացավ իր ձիով և թրի մի հարվածով կես արավ արջի գլուխը և վայր գլորեց ամենհի գաղանին: Թագավորն ազատվեցավ, և Արեգը դարձավ նույն օրվա հերոսը:

— Ա՛յ քեզ բախտ... ինչո՞ւ ես չէի մոտիկ թագավորին... — ասում էին որսորդներից շատերը...

Թագավորին սույն օրվա պատահած դեպքի լուրը շուտով քաղաք հասավ, և պատանի որսորդի արած քաջության համբավը մի րոպեում տարածվեց ամբողջ քաղաքի մեջ:

Տեսնելու բան էր, թե ինչպիսի աղաղակ էին բարձրացնում քաղաքացիք որսորդների վերադարձին:

— Կեցցե՛ թագավորը, կեցցե՛ քաջ Արեգը, — գոռում էին միաբերան և երգում:

Ո՞վ է ազատել մեր թագավորին

Արջի ճանկերից, հա՛յ, արջի ճանկերից...

Մեր քաջ Արեգը, սիրուն պատանին:

Նա է ազատել արջի ճանկերից:

Արջի ճանկերից, հա՛յ, արջի ճանկերից...

Նրկայն նիզակը բերանն է կոխել,

Գլուխը թրով մեջտեղից կիսել:

Ամենհի գազանին գետին կործանել,

Մեր թագավորին անվնաս պահել

Արջի ճանկերից, հա՛յ, արջի ճանկերից:

Արեգն է սիրուն արեգակի պես,

Նոր է դուրս եկել որսական հանդես,

Արջի գլուխը արավ երկու կես,

Մեր թագավորին ազատեց այսպես

Արջի ճանկերից, հա՛յ, արջի ճանկերից...

Արեգն է դուրսացն, քաջ ու անվեհեր,

Կեցցե հավիտյան, կեցցե շատ օրեր:

Եթե նա այսօր այնտեղ շիկեր,

Մեր թագավորին էլ ո՞վ կազատեր

Արջի ճանկերից, հա՛յ արջի ճանկերից:

Արեգնազանն այս ցույցերը տեսնելով ասում էր ինքն իրան,

— Ա՛խ, ի՛նչ լավ բան է տղա լինելը. երանի հս ճամարիտ տղա լինելի: Աղջիկը որտեղի՞ց կարող էր այս պատվին արժանանալ...

— Դու այսօր ցույց տվիր ինձ քո շնորհքդ, Արեգ, — ասաց թագավորը, — այսուհետև դու ինձնից անբաժան կմնաս: Ապրի՛ս, տղա՛ս, ապրի՛ս: Դու մի հազվագյուտ էակ ես. գեղեցկության և ջահելության հետ շատ հաշտ չէ քաջությունը, բայց Նրկինքն ուղեցել է քեզ մի բացառություն համարել: Վաղը դու մեր ձիաններից կընտրես քեզ համար ամենալավը, իմ գեներ ու զրահներից՝ ամենից բնտիրները: Դու ժամանակով դյուցազանց կարգը կընկնիս և հենց այժմ էլ մի փոքրիկ դյուցազն ես...

Թագավորը շատ ուրախ էր, որ մի փոքրիկ դյուցազն է գտել, բայց Նունուֆարի ուրախությունը սահմանից անց էլ կացել:

— Սըան Նրկինքն է ուղարկել ինձ համար, — ասում էր Նունուֆարը ինքն իրան. — բանն այնպես է գնում, ինչպես որ պետք էր ցանկանալ: Բայց ես ե՞րբ պիտի տեսնեմ նրան երես առ երես, կամ նա ինձ ե՞րբ պիտի տեսնի: Ա՛խ, ինչքա՛ն ցանկանում եմ, որ հենց այս րոպեիս նա իմ մոտս լինի. մենք միասին կխոսինք, ես նրան կասեմ... նա ինձ կասե՛... Եվ ինչո՞ւ չկանչել, ինչո՞ւ չխոսել: Հայրս նրան որդու պես է սիրում, որովհետև իր բարեկամի որդին է. նա ազատ էլ ու մուսք ունի բոլոր պալատում: Ա՛յո՛, այո՛, պետք է կանչել: Է՛յ, ո՞վ կաք այդտեղ: — Կանչեց Նունուֆարը, և ներս մըտավ մի՛ աղախին:

— Այս րոպեիս կերթաս Արեգի մոտ և կասես, որ գա ինձ մոտ. ասա՛ «Ե՛կ, ինձ տես»...

Աղախինը գնաց և կանչեց Արեգին:

— Չեմ կարող գալ, — պատասխանեց Արեգը:

— Ինչո՞ւ չեք կարող, պարոն. նա հրամայել է, — պնդեց աղախինը:

— Ես նրա մոտ գործ չունիմ, հասկանո՞ւմ ես:

— Պարոն, նա ասում է. «Ե՛կ, ինձ տես»... հասկանո՞ւմ ես...

— Գնա ասա, «Ոչ կգամ և ոչ կտեսնեմ քեզ»...

Աղախինը գնաց:

Նունուֆարը Արեգի մերժումը լսելով՝ այնպես սառավ ու տաքացավ, այնպես կարմրեց ու սփրթնաց փոփոխակի, որ աղախինն այդ տեսնելով՝ սարսափի մեջ ընկավ:

Նունուֆարի սիրտն ուզում էր տրաքիլ, զլխի սկավառակն ուզում էր բարձրանալ: Նա անդադար այլ ու այն կողմն էր ընկնում, մերթ դուռն էր բաց անում, մերթ պատճահանը. նրա սենյակը դարձավ մի հնոց և նրան այրում, խորովում էր:

— Մերժո՞ւմ... արհամարհանք... Ի՞նձ, Ի՞նձ, օ՛հ, գլուխս, գլուխս, տրաքում է, տրաքում...

Աղախինը տեսնելով իր տիրուհու անսահման սրտնեղությունը, վստահացավ ասել.

— Տիրուհի, ես զարմանում եմ, որ դու մի այդպիսի դատարկ բանի համար սիրտդ շուռ ես բերում: Նա գուցե սաստիկ ամաչում է, և դրա համար է, որ չեկավ: Երբ որ լսեց, որ դու կանչում ես իրան, ամոթից կարմրեց, վարդ կտրեց, և ինչքա՞ն գեղեցիկ էր...

— Ասա՛, ասա՛, խոսիր, շարունակիր... ես չլսեցի քո բոլոր ասածները... Ո՛հ, որքա՞ն ստոր եմ ես հիմա նրա աչքումը, որքա՞ն ստոր... Բայց նա սխալվում է, այնպես չէ՞, նա սխալվում է...

Նունուֆարը երկար ժամանակ հոգեպես տանջվելով՝ թուլացավ և ընկավ անկողին: Թագավորին իմաց տվին. նա գնաց տեսավ, բժիշկներ կանչեց. հավաքվեցան բոլոր բժիշկները, հույս տվին թագավորին, թե հիվանդությունը վտանգավոր չէ և շուտով կբժըշկեն, բայց դրա հակառակ, քանի՛ գնաց՝ Նունուֆարի տկարությունը վտանգավոր դարձավ. բժիշկները հուսահատվեցան և ուղղակի հայտնեցին, որ չեն կարողանում իմանալ ոչ ցավի պատճառը և ոչ նրա բժշկելու հնարը:

Շատ տխրեց թագավորը: Նունուֆարը նրա միակ զավակն էր, միակ մխիթարությունը, իր թագազորության միակ ժառանգուհին: Ամբողջ պալատը և համարյա ամբողջ քաղաքը տխրության մեջ ընկավ: Արեգնազանն էր միայն անտարբեր մնացողը: Նրա հոգը չէր ամենևին, և չէր էլ երևակայում, որ ինքն է նրա տխրության միակ պատճառը:

Նունուֆարին փոքր ի շատե սփոփողը և ուրախ տրամադրու-

թյուն տվողը թագավորի ծաղրածուն էր, իսկ նրա վրա հսկողն ու խնամք տանողը վեզիրի կինն էր:

Վեզիրի այրի կինը մի հասած տղա ուներ: Նա կարծում էր, որ թագավորին արժանավոր փեսացու միայն իր տղան կարող է լինել և ոչ մի ուրիշը: Այս պատճառով նա գիշեր-ցերեկ շէր հեռանում Նունուֆարի մոտից. աշխատում էր նրան առողջացնել և միևնույն ժամանակ նրա սերը գրավել:

— Տիրուհի, Ի՞նչ կտաս, որ ես քեզ բժշկեմ,— ասաց մեկ երեկո ծաղրածուն:

— Ի՞նչ պիտի տամ, հիմար, եթե մի հնար գիտես, էլ ո՞ր օրվան համար ես պահում:

— Այդ լավ ասացիր. ինձ պես հիմարին ո՞վ բան կտա. ուրիշ բան է, եթե ես մի հիմար բժիշկ լինեի: Մպասիր, ես պիտի տեսնեմ քո խելքդ գլխո՞ւմդ է, թե քեզանից խոռովել է, դնացել է ուրիշի գլուխ մտել:

— Այդ ինչպե՞ս պիտի իմանաս:

— Ա՛յ ինչպես: Եթե տասնից երկու պակսեցնես, կարո՞ղ ես էլի նորմեկանց տասը շինել:

— Ինչո՞ւ չէ. տասնից կպակասեցնենք երկու, կդառնա ութ. ութի վրա երկու կավելացնենք, կդառնա էլի տասը:

— Այդ ինչպե՞ս կարելի է. տասնից որ երկու զջլես, էլ Ի՞նչպես կարող ես կպցնել նրան: Հիմա որ քո մի կուռը կտրենք, մեկ էլ նոր մեկանց տեղը դնենք, կկպչի՞...

— Այդպես չէ, հիմար: Եթե դու ունենաս տասը խնձոր, նրանցից երկուսն ուտես, տեղը չի՞ մնալ ութ: Հիմա այս տիկինը որ քեզ երկու խնձոր տա, կավելացնես մնացած ութի վրա, էլի կունենաս տասը խնձոր:

— Հա՛, հիմա հասկացա: Ուրեմն դու այնպես ես հաշվում, որ կերած խնձորների տեղը կարելի է ուրիշ խնձորներ դնել:

— Իհարկե, կարելի է:

— Իսկ ես այնպես էի կարծում, թե կերածը կերած է, կորածը՝ կորած, մեռածը՝ մեռած. էլ դրանք ետ չեն դառնալ: Ուրեմն այս տիկինն ինչո՞ւ է մեկ մնացել: Սա մեկ մարդ ուներ, մեռավ. առաջ սա և իր մարդը երկու էին. հիմա եթե սրա վրա ուրիշ մեկ մարդ ավելացնենք, խո՞ւմ էլի կդառնա՞ երկու: Բայց առաջվա մեկը վեզիր էր, ողորմի իրան, խելք մարդ էր կարծվում. երկրորդ մեկը թող լինի մեկ հիմար կարծվող ծաղրածու: Այս հանգամանքը խո՞ւմ

մեր հաշվին չի՞ դիպչել. տիկինը, որ հիմա մեկով պակաս է, առաջվա պես կդառնա երկու...

— Դու իմ հոգսը մի քաշիր, հիմար,— ասաց տիկինը.— դեղ գիտես, քո տիրուհուդ համար արա. թող ես մեկ մնամ...

— Տիկին, իմ տիրուհին մեկ է, սրան ուրիշ մեկ չի պակասիլ, բայց ուզում է երկու դառնա: Ես հիմա մտածում եմ, որ սրա համար մի այնպիսի «մեկ» գտնեմ, որ եթե սրա վրա ավելիցնենք, դառնա էլի մեր առաջվա նունուֆարը:

Ծաղրածուն մատը ճակատին դրավ և մի փոքր մտածելուց հետո բացականչեց.— Գտա՞, գտա՞... և սկսեց երգել.

Մե՛կ,— բե՛զ, մեր Արեգ,
Շորս,— մորս, գնաց որս.
Վեց,— նեց, ըսպանեց
Մի արջիկ, մի աղջիկ...
 Ես հաշվեցի և գտա
 Մեր պալատում մի տղա,
 Նրան տեսնող աղջիկը
 Խելքը հացով կուկ կբռա:
Ես հիմար եմ, միշտ հիմար,
Ինձ ո՞վ կասի, թե գտար
Իմ սիրելի տիրուհու
Ցավի համար դեղ ու ճար:
Յարալլալի, շարալլալի,
Հայդե, հիմար, դուրս արի...

Երգեց հիմարը և մի քանի ոստյուններ անելով՝ դուրս փախավ...

Վեզիրի կինը «մատը կծեց» և ընկավ մտատանջության մեջ: «Ես հիմա հասկացա ամեն բան, ասաց իր մտքումը: Հիմարն իմ հաշիվը տակնուվրա արավ: Շատ լավ. քո Արեգին մի այնպիսի տեղ ուղարկեմ, որ գնալն ըլի, գալը չըլի»...

— Մեր հիմարն այնքան հիմար չէ, ինչքան կարծվում է.— ասաց տիկինը նունուֆարին:

— Այո՞. բայց այս անգամ շատ հիմարացավ,— պատասխանեց նունուֆարը:

Մյուս առավոտը ամենից կանուխ վեզիրի կինը գնաց թագավորի մոտ:

— Ի՞նչ կա, ինչպե՞ս է աղջկանս առողջությունը.— հարցրեց թագավորը:

— էլի այնպես է, տեր թագավոր, ինչպես տեսել ես, բայց ես եկել եմ քեզ մի ուրախառիթ լուր հաղորդելու:

— Ի՞նչ լուր, ասա շուտով, գուցե իմ աղջկանն է վերաբերում. ուրիշ ոչ մի լուր ինձ չի կարող ուրախացնել:

— Այո՞, այո՞: Այս գիշեր երազումս երևաց մեր թագուհին և ասաց ինձ, որ նունուֆարի միակ դեղը «անմահական ջուրն է»:

— Ան-մահ-կան ջո՞ւր...— բացականչեց թագավորը.— բայց ո՞վ կարող է բերել այդ անմահական ջուրը, որի միայն անունն ենք լսած, իսկ իրան չենք տեսած:

— Ես հարցրի այդ մասին թագուհուն, և նա ասաց, որ միայն Արեգը կարող է բերել...

— Արեգը... լավ. ես կուղարկեմ Արեգին, թող երթա իր բախտը փորձե...

Թագավորը կանչեց Արեգին և առաջարկեց նրան գնալ անմահական ջրի:

— Գնա, տղաս, եթե կարողանաս այդ ջրից բերել և իմ աղջկանս առողջացնել, ես նրան քեզ կտամ և նրա հետ իմ թագավորությունը:

— Այդ խոստումն էլ որ չի՞նի, տեր արքա, ես պատրաստ եմ հնազանդիլ քո հրամանին,— ասաց Արեգը.— դու ինձ ասա միայն՝ որտե՞ղ է գտնվում այդ անմահական ջուրը:

— Նրա տեղն ո՞վ կիմանա, որդի, նա մի առանձին պարգև է, մի առանձին ողորմություն և շնորհք, որ բարի ոգիները միայն իրանց ընտրածին են տալիս: Թեպետ լսած ենք, թե նա մի աղբյուր է, թե նրա վրա հսկում են աներևույթ ոգիները, որ նա երբեմն բռնում և երբեմն անհայտանում է, բայց այդ ո՞վ գիտե: Դու երեսոց կդարձնես դեպի արևելք, կընկնես երկրե երկիր, աշխարհքե աշխարհք, ամեն տեղ հարցուփորձ կանես, կամ կգտնես, կամ չես գտնիլ. այդ քո ճակատագրից, քո բախտիցն է կախված. բայց ինչ էլ որ լինի, հաջողություն, թե անհաջողություն, դու շատ բան կցտեսնես և շատ բան կսովորես: Իմ գանձարանը բաց է քեզ համար. որքան կարող ես, հետդ ռսկի և ակնեղեն վերցրու. շատ տեղ հարկավոր կդա...

Արեգնազանը գնաց:

Զարմանալի մի էակ էր Արեգնազանը. միշտ աշխույժ ու զը-վարթ, միշտ անահ ու անհոգ. նեղութեան մեջ ընկած ժամանակ ևս իր ուրախ տրամադրութեանը չէր փոխում: Նա գնաց իր Բագիկ ձիով, որ երեք-չորս օրվան ճանապարհը մեկ օրում էր անցնում: Նա պտտեց մի քանի թագավորութեան, շատ տեղ հարցուփորձ արավ, շատ բան տեսավ, շատ նեղութեաններից ազատվեցավ, մինչև հասավ կախարդական աշխարհը, ուր ամեն մի քայլափոխում մի նոր հրաշք էր տեսնում, մի նոր դարմանալիք:

Մեկ օր սաստիկ արև էր: Շոգը որ շատ նեղեց Բագիկին, Արեգնազանը իջավ մի լճի մոտ, Բագիկին քաշեց կապեց մի խիտ ստվերի մեջ, ինքն էլ մոտը նստեց, հանեց իր ճամփի պաշարը և սկսեց ճաշել: Հենց այդ միջոցին մեկ էլ տեսավ, որ ահա մի խումբ աղավ-նիներ թռան եկան և իջան լճի ափին՝ իրանից շատ մոտիկ: Նետա-ղեղը լարեց, որ մի որս անի, մեկ էլ տեսավ, որ բոլոր աղավնիները հանեցին փետուրները և աղջկեք դառնալով՝ թափվեցան ջուրը լո-ղանալու:

Արեգնազանը մնաց ապշած մի բույե. հետո մտածեց նրանց հետ մի խաղ խաղալ և տեսնել ինչ կլինի հետևանքը: Կուղեկուզ մոտեցավ ափին, այնպես որ իրան շտեան, վերցրեց նրանց մեկի փետուրները: Երկու մեծ թև էր աղավնու, մնացած փետուրներն էլ վրան:

Չանցավ մի քանի բույե, բոլոր աղջկերքը դուրս եկան, հագան իրենց թևերն ու թռան, բայց մեկը, որ իր թևերը չգտավ, ամառեց մերկ կանգնել ջրի ափին, իսկույն իրան գցեց ջուրը: Արեգնազանը այդ նկատելով, թևերը ձեռին մոտեցավ աղջկանը: Աղջիկը ջրումն ընկղմված, միայն գլուխը դուրս հանած, մոտեցավ Արեգնազանին և սկսեց երգել.

Այ տղա, սիրուն տղա,
Թևերըս տուր, թևերըս,
Թևերըս տուր, թռչիմ գնամ,
Ինչ կամենաս, քեզ կըտամ:

Իմ օրումս չեմ տեսած
Քեզ պես սիրուն մի տղա,

Այդքան գեղեցկութեան մեջ,
Սիրտ չի լինիլ անզգա.

Խնայիր ինձ, աղաչում եմ,
Թևերըս տուր, թևերըս,
Թևերըս տուր, թռչիմ գնամ,
Ինչ կամենաս, քեզ կըտամ:

Եթե իրավ տղա ես,
Կուզեմ դառնաս դու աղջիկ,
Որ քո սեռում չլինի
Քեզ հավասար գեղեցիկ.

Տե՛ս, ահա ես քեզ օրհնում եմ.
Թևերըս տուր, թևերըս,
Թևերըս տուր, թռչիմ գնամ,
Ինչ կամենաս, քեզ կըտամ:

Աղավնի աղջիկը լռեց, և վիզը ծռած, մի ամենաքնքուշ ժպիտ բերանին՝ նայում էր Արեգնազանին և սպասում, որ իր թևերն ըս-տանա:

Արեգնազանին այնքան դուր եկավ Աղավնի աղջկա երգի եղա-նակը, որ ասում էր «ոչ ուտեմ, ոչ խմեմ, սա երգի, ես լսեմ»...

— Շարունակիր, շարունակիր, մի քիչ էլ երգիր,— խնդրեց Արեգնազանը: Քո երգն ինձ շատ է դուր գալիս. դեռ այդպես բան լսած չկամ կյանքումս: Միայն մի բան ես չհասկացա, սիրուն աղ-ջիկ: Դու ասում ես՝ «Եթե տղա ես, աղջիկ դառնաս». այդ ինչպե՛ս կարելի է:

Աղջիկը շարունակեց երգել.

Ամենայն ինչ կարելի է.
Ոչ մի դժվար բան չկա.
Եթե իրավ աղջիկ դառար,
Հիմա դարձիր քաջ տղա:
Թող երեսիդ մորուք բռնի
Թուխ ու երկայն բեղերով,
Թող կոշտանա սիրուն դեմքդ
Հաստ ջիղերի գծերով:
Ո՛հ, տեսնում եմ, դու փոխվում ես...
Թևերըս տուր, թևերըս,
Թևերըս տուր, թռչիմ գնամ,
Ինչ կամենաս, քեզ կըտամ:

Մի վայրկենական ուշաթափություն եկավ Արեգնադանի վրա, և նա զգաց մի անսովոր բան, բայց շատ հաճոյական: Նայեց ջրի երեսին, ուր՝ ինչպես հայելու մեջ՝ պատկերացավ մի դեմք, բոլորովին Արեգնադանին նման, միայն նորածիլ բնդերով ու մորուքով: Այդ պատկերն առաջ մի քիչ խորթ թվաց Արեգնադանին, բայց հետո այնքան զմայլելի եղավ, որ վրան նայելուց շէր կշտանում:— Այս ես կլինիմ անպատճառ,— ասաց ինքն իրան:— Ես հիմա ճշմարիտ որ Արեգ եմ:

— Միտուն աղջիկ, դու տվիր ինձ այն, ինչ որ իմ միակ ցանկությունս էր. այժմ դու ազատ ես, ես չէի սպասում քեզանից այսպես բան. ուրեմն դու ինձ կասես, դու անպատճառ կիմանաս, թե որտեղ է գտնվում անմահական ջուրը, որի համար ես ահա քանի ժամանակ է թափառում եմ: Աղջիկն սկսեց երգել.

Թող Նունուֆարդ ուրախանա,
Որ ճանկ գցեց քեզ պես փեսա,
Հիմա հասար քո մուրազին,
Եկար աղջիկ: կերթաս տղա:

Անմահական ջուր ես ուզում...
Թևերըս տուր, թևերըս,
Թևերըս տուր, թույլմ գնամ,
Եվ իմ կտցով բերեմ տամ:

Գնա օգնիր տկարներին,
Հողի ու շունչ տուր քարերին.
Թե որ կուզես, ինչպես հիմա,
Մնալ փոխված այդպես տղա,

Իսկ եթե ոչ, լավ գիտենաս,
Որ տղայից քար կըդառնաս,
Երբ քարացած քաղաքի մեջ
Կախարդ կընկան կըմոտենաս:

Թևերըս տուր, թևերըս
Թևերըս տուր, շատ հագնեմ,
Թույլմ գնամ և քեզ համար
Անմահական ջուր բերեմ...

Աղջկա վերջին խոսքերից շատ բան չհասկացավ Արեգը, բայց

չուզենալով այլևս ուշացնել նրան, թևերը տվավ իրան: Աղջիկը թևերը հագնելուն պես դարձավ աղավնյակ և թռավ գնաց: Մի քանի րոպե շանցած՝ մի փոքրիկ շիշ կտցին, անմահական ջրով լիքը՝ բերավ Արեգին տվավ և ինքը կրկին թռավ գնաց:

Արեգը ձին հեծավ և ճանապարհ ընկավ՝ ձիու հետ խոսելով.

— Բազիկ, ես հիմա տղա եմ, գիտե՞ս, էլ աղջիկ չեմ: Առաջ աղջիկ էի. այդ ոչ ոք չգիտեր, գուցե դու էլ չգիտեիր. հայրս սլատվիրել էր, որ ոչ ոքի չասեմ, թե ես աղջիկ եմ. բայց հիմա տղա դառա: Օ՛, որ գիտենաս, Բազիկ, ինչքան ուրախ եմ հիմա: Դու չես իմանում. թեպետ աղջիկն էլ լավ է, բայց տղային որտե՞ղ կհասնի: Ես հիմա չգիտեմ ուր եմ գնում: Բազիկ. դու ինքդ գնա՛ որ կողմ կուզես. այսուհետև ինձ համար միևնույն է... Բայց սպասիր, ես մի աշտարակի ծայր եմ նշմարում, նա անպատճառ մի քաղաք կլինի, գնանք դեպի այն կողմը: Զարմանալի անհոգ եմ ես, Բազիկ. մեկ չես ասում, թե ինչո՞ւ այդ իմաստուն աղջկանը չհարցրիր, թե՛ ո՞վ դու գեղեցիկ և իմաստուն աղջիկ, ո՞ր կողմով պիտի ետ դառնամ ես իմ աշխարհը: Դեռ լավ էր նա, առանց իմ ասելուն՝ ինձ տղա դարձրեց. որ բանն ինձ մնար, ես դեռ էլի աղջիկ կլինեի: Ի՞նչ կարող էի մտածել, որ այդպես բան կարող է պատահել: Բայց երբ որ տեսա, թե այդպես բան լինում է, ինչո՞ւ չասացի՝ սիրուն աղջիկ, ինձ որ տղա դարձրիր, մեր Բազիկին էլ մարդ դարձրու կամ եթե ոչ, գոնե խոսելու ձիքը տուր. հը՛, հինչ կասես, Բազիկ:— Ոչինչ, դու տղա դառար, ես էլի մնացի ձի:— Իրավ, իրավ, այդ լավ չեղավ: Մի բան տեսնելիս այնպես հափշտակվում եմ, որ բոլոր մնացած բաները մոռանում եմ. հետո միտս է գալիս, բայց ուշ է լինում...

Այսպես ձիու հետ խոսելով և նրա փոխանակ ինքը պատասխանելով՝ մեր վերանորոգված Արեգը դիմեց դեպի Երևայտը աշտարակը:

Երբ որ Արեգը մոտեցավ բարձր աշտարակին, հետզհետե երեկացին և ուրիշ շատ տներ, և նրա առջև բացվեց մի մեծ քաղաք: Մոտեցավ քաղաքադռանը, տեսավ մի քանի մարդիկ կանգնած, հարցրեց նրանց.

— Տղերք, ի՞նչ քաղաք է սա, և որտե՞ղ են իշնում օտարա-
կանները:

Մարդիկը ձայն շհանեցին:

— Ձեզ եմ ասում, տղերք, չե՞ք հասկանում:

Ձայն չկա:

Երևի խուլ են, մտածեց Արեգը և գնաց ձեռք դիպցրեց նրանց:

— Ո՞վ երկինք,— բացականչեց Արեգը,— այս ի՞նչ եմ տես-
նում. այս ի՞նչ հիանալի արձաններ են, իսկ ես կարծեցի, թե ուղիղ
մարդիկ են: Այս ինչքա՞ն ճարտար քանդակագործ է եղել սրանց
շինողը...

Արեգը կարծելով, թե իր տեսածներն ուղիղ շինովի արձաններ
են, ներս մտավ քաղաքը և նրա առջև բացվեցին նորանոր տեսա-
րաններ, բոլորն էլ քարեղեն:

Ահագին շուկա, կարդին խանութներ, թե կրպակ, թե տուն, թե
կատու, թե շուն, ուտելիք ու հագնելիք, գեղեցիկ գորգեր և ուրիշ
դարձեր... բոլորը, բոլորը քարացած: Ոչ ծուխ, ոչ կրակ, ոչ ձայն,
ոչ շունչ... կյանքի հետք ու նշույլ չկա...

— Ես հիմա՞ հասկացա. սա է Աղավնի աղջկա ասած քարի
քաղաքը,— ասաց Արեգը և սկսեց շրջել քաղաքի մեջ, ուր ամեն մի
քայլափոխում մի նոր տեսարանի էր հանդիպում:

Մի տեղ մի խումբ մարդիկ կանգնած՝ որպես թե իրար հետ
խոսում են. մեկի գեմքը բարկացած է և բերանը բաց, կարծես
մյուսին հայհոյում լինի. մեկը ծիծաղում է, մյուսը լաց է լինում.
մի կին՝ երեսան զրկած՝ ողորմություն է ուզում. մի տեղ հարսա-
նիքի հանդես է իր ամեն սարք ու կարգով. հարսին տանում են փե-
սայի տուն: Մեկ խոսքով՝ եթե շարժման մեջ եղած մի քաղաք մի
վայրկյանում տեղնուտեղը քարանա, ի՞նչ պատկեր կստանա, ահա
այդպիսի մի պատկեր էր ներկայացնում քարացած քաղաքը: Մրգա-
վաճառը միրգը քաշել է և կիսով չափ ածել առնողի դամբուղը,
մինչև մյուս կեսն ածելը՝ քարացել են՝ ինքն էլ, կշեռքն էլ, առնողն
էլ, միրգն էլ. ահա այսչափ արագ էր եղել քարանալը:

— Խե՞ղճ մարդիկ,— ասաց Արեգը,— հող դառնալու էլ չեք
արժանացել, այլ դառել եք ծախու ապրանք: Ճշմարիտ, եթե մեկին
այս անթիվ արձանները կարողանար տանել հեռու աշխարհքների
վաճառելու, անչափ հարստություն կդիզներ: Ահա այն նորապսակ
աղջկա արձանին՝ ով գիտե՞ իր քաղաքը մեկ ոսկի կտային: Բայց

ի՞նչ եմ մտածում ես էլ. այս թշվառությունն աշկարա տեսնողը՝ էլ
ի՞նչ կարող է հարստության վրա մտածել: Ահա հարստություն մեր
առջև պատկերացած իր իսկական կերպարանքով... Ա՛խ, երանի
թե սրանցից մեկը լեզվավորվեր և ինձ պատմեր իրանց գլխի անց-
քը: Արի մեկ բղավեմ, ինչ կլինի՞ կլինի:

— Ո՞վ քաղաքացի՞ք... ինչո՞ւ եք քարացել...— կանչեց
Արեգը:

— Քարացել...— արձագանք ավելին բոլոր քարերը:

— Ք...ա՛...ր...— հանկարծ մի նոր ձայն լավեցավ:

— Ահա ձայն լսեցի,— ասաց Արեգը և մեկ էլ բղավեց.— Ո՞վ
կա կենդանի՞...

— Ե...ե...ս...— պատասխանեց ձայնը:

Արեգը որոշ կերպով լսեց, թե որտեղից է գալիս ձայնը, գնաց
դեպի այն կողմը: Մի գեղեցիկ ապարանք էր, առջևն ընդարձակ
պարտեզ, բոլորն էլ քարացած: Մի փոքրիկ ծառկոցում նա գտավ
մի քարացած մարդու կենդանի գլուխ:

— Ո՞վ ես դու, ո՞վ մարդ,— հարցրեց Արեգը:

— Զո՛ւր... ջո՛ւր...— պատասխանեց գլուխը, հազիվ կարողա-
նալով խոսել:

— Զո՛ւր ես ուզում:

— Զո՛ւր... ջո՛ւր... տո՛ւր... տո՛ւր...

— Հայրիկ, ձեր քաղաքի ջուրն էլ է քարացել, ջուր չկա:

— Մի՛... մի՛... կա՛թ... կա՛թ...

— Մի կաթիլ ջուրը քեզ ինչ կօղեն. քո ծարավը մի կարաս
ջրով չի հագենալ: Ես ունիմ ինձ մոտ մի քանի կաթիլ ջուր, եթե կը-
բավականանաս, չեմ խնայիլ քեղանից:

— Հա՛... հա՛... հա՛...

Արեգը հանեց անմահական ջրի շիշը և նրանից մի քանի կա-
թիլ կաթացրեց կիսարձանի բերանը: Կենդանի գլուխը ոչ միա՛ն
կատալելապես զովացավ, այլև զգաց մի վերականգանություն
ցնցում իր բոլոր մարմնի մեջ և սկսեց պարզապես ասել:

Դու բարի՞ հրեշտակ,
Որտեղի՞ց եկար,
Փախիր, հեռացիր
Մի առ ծամանակ.

Բայց ոչ, սպասիր,
ես էլ եմ գալիս...
Այո՛, գալիս եմ,
Նայի՛ր, մեկ նայի՛ր...

Կիսարձանը կենդանացավ և սկսեց քայլել, առաջ մի փոքր դանդաղ, հետո ավելի շուտ-շուտ և սկսեց փախչիլ, իր հետևից կանչելով Արեգին.— Փախի՛ր, փախի՛ր, որդիս, եկ իմ հետևիցս, մեզ հարկավոր է թաքչիլ. հիմա ուր որ է, պիտի գա քարացնող պառավ հրեշտակ Արի, արի՛, մտնենք իմ ապարանքը, գոնե քեզ չգտնեն:

Արեգը մնացել էր շփոթված, չէր իմանում թե ինչ աներ, բայց վերջը հետևեց փախչող մարդուն: Ձին քաշեց ներս, վարի հարկումը մի մութ անկյունում կապեց, իսկ ինքը վերև բարձրացավ այն մարդու մոտ:

— Ես չեմ հասկանում, թե այդ ի՞նչ հրեշ է, որից այդքան վախենում ես դու,— ասաց Արեգը:

— Այդ հրեշը մի պառավ է, որդի, նա է քարացրել մեր քաղաքը. ամեն օր այս ժամանակին դալիս է նայում և զվարճանում իր շարուխան վրա. հիմա ուր որ է՝ պիտի գա, և եթե մեզ տեսնի կենդանի, իսկույն կքարացնեն:

— Հիմա հասկացա: Բայց ինչպե՞ս է եղել, որ քեզ բուրրովին չէր քարացրել:

— Ավելի տանջելու համար: Ես այս քաղաքի թագավորն եմ. ինձ կասեն Անդաս թագավոր: Քավթառ հրեշը զլուխս կենդանի թողեց, ասելով.— Աչքերդ բաց եմ թողնում, Անդաս, որ տեսնես քո թագավորության ոչնչությունը իմ գործության, իմ ուժի առջև:

— Ինչո՞ւմ է նրա գործությունը կամ ինչո՞ւմ է նա ուժեղ, չգիտե՞ք:

— Նրա գործությունը իր գավազանների մեջն է: Նրա գավազանները մահ են սփռում ամեն տեղ: Նա մի գործիք է շար ոգիների ձեռքում և նրանցով է անում, ինչ որ անում է: Կամ ով գիտե, գուցե հենց ինքը մի շար ոգի է, պառավի կերպարանք առած:

— Ի՞նչ ես կարծում, եթե դրա ձեռքից խլենք իր գավազանները...

— Բայց ինչպե՞ս կարելի է մոտենալ նրան. միայն բարի ոգիքը կարող են այդպիսի բան անել կամ այնպիսի մի մարդ, որ բարի ոգիների պաշտպանությունը իր կողմն ունի:

— Ինձ թվում է, որ բարի ոգիները կողաշուտունեն մեզ,— ասաց Արեգը և պատմեց Աղավնի աղջկա հետ հանդիպելը, նրա արածն ու ասածը...

— Օ՛... եթե այդպես է, ապա ուրեմն դու մի բարի ոգի ես, երկնքից ուղարկված,— բացականչեց թագավորը:— Ես կարող եմ այժմ համարձակ դուրս գալ նրա առաջը, իսկ դու ինձ մոտ թաք կկենաս, և երբ հարձակվի ինձ վրա, դու իսկույն կբռնես նրան և զինաթափ կանես: Ահա՛, ահա՛ երեւում է նա, տես, ամպերի մէջ՝ խնոցու վրա հեծած, օձե մտրակը ձեռքին, գալիս է:

— Տեսնում եմ, տեսնում... դու սիրտդ սլինդ պահիր, չվախենաս, ես նրա հոգին կհանեմ: Այս ասելով իջան պարտեզ: Արեգը թաք կացավ մի քարացած ծերունու քամակում:

Պառավը վայր իջավ թագավորի դիմացը, ձեռքն առավ իր հրեք գավազաններից մեկը և սպառնալով ասաց.

Այս ի՞նչ եմ տեսնո՞ւմ,
Այստեղ ո՞վ եկա՞ւ:
Այս կյանքն, այս հոգին
Սորան ո՞վ տվա՞ւ:

Հասեք, ոգիներ,
Հասեք, շուտ հասեք,
Ձեր խեղճ պառավին
Եկեք, օգնեցեք:

Իսկ դու, գավազան,
Ինչպե՞ս ես զարկել,
Որ նա նոր-մեկանց
Ոտքի է կանգնել:

Հա՛պտ, գավազան,
Հա՛պտ մեկ տեսնենք,
Քո գործությունը
Մեկ այժմ էլ փորձենք:

Գավազանը ձեռին՝ հարձակվում էր պառավը, որ զարկեր թագավորին, ասելով՝

Քա՛ր էիր, Անդա՛ս,
էլի քա՛ր դառնա՛ս.

այս միջոցին Արեգը բռնեց նրա մազերից և այնպես գետին փռեց, որ պառավը կիսաշունչ եղավ: Թագավորը, որ առանց ուղիղ քարանայու, այլ միայն երկյուղից մնացել էր քարացած, նոր սրտապընդեց և մոտեցավ պառավին: Գավազանները խլեցին և պառավի ձեռք ու ոտքը կապեցին:

— Հիմա ի՞նչ պատժով պատժենք քեզ, գարշելի պառավ,— ասաց թագավորը.

Պառավը պատասխանեց.

Ինչ պատիժ կուզեք, մե՛կ է ինձ համար,
Թող ձեր պատիժը ձե՛զ լինի հարմար:
Բայց այդ դու չէ՛ր, Անդաս թագավոր,
Այլ տղայացած աղջի՛կ զորավոր...
Գրվա՞ծ է արդևն իմ ճակատադրում,
Եվ ոգիների մատենագրում,
Թե երբ մի սղջիկ կըղառնա տղա՛,
Քո թշվառ կյանքին նա՛ վախճան կըտա:

— Օ՛... եթե այդպես է, ես պատրաստ եմ,— ասաց Արեգը.— միայն դու պետք է առաջ կենդանացնես այս քաղաքը:

— Թող այդպէս լինի, թո՛ղ կենդանանա՛,
Թող ամեն մեկը իր գործին կհնա.
Ուրիշ շարություն շատ ունիմ արած,
Թող Բելիարը նրանցով շատանա...
Ամպե՛ր, գոռացե՛ք,
Կայծակնե՛ր, զարկեք,
Աղբյուրք, բխեցեք,
Գետեր, վազեցե՛ք:
Մարդ և անասուն,
Գազան և թռչուն,
Հասավ ձեր ժամը,
Հիմա վե՛ր կացեք...

Պառավն իր խոսքն ավարտած-չավարտած, խորին լուսթյունը հանկարծ դղրդաց. քաղաքը մտքի արագությամբ կենդանացավ: Ամենքն էլ այնպես շարունակեցին իրանց կիսատ թողած գործերը, որ կարծես ոչ քարացած են եղել երբևիցե, ոչ բան: Աքաղաղը, որ իր կանչի կիսումն էր քարացել, մյուս կեսը հիմա ավարտեց. գուռնաչին, որ զուռնան բերանումն էր քարացել, շարունակեց ածելը. պար եկողն էլ, որ ձեռքերը բարձրացրած էր մնացել, շարունակեց

իր պարը. խոհարարը շարունակեց մսի քափը քաշելը, և բոլորն այսպես... Ո՛ր մի մարդ, բացի թագավորից, չիմացավ, որ նա երբեվիցե քարացած է եղել:

— Հիմա ի՞նչ անենք այս շար պառավին,— ասաց թագավորը:

— Գավազանները ձգենք ծովը,— պատասխանեց Արեգը,— իսկ պառավին թողենք երթա. դրա զուրությունը վերացած է այսուհետև:

Պառավը շուղեց կենդանի մնալ և ասաց նրանց.

— Ինձ է՛լ, ինձ է՛լ. ծովը ձգեցեք,
Այնտեղից մոտ է Մանդարամետը,
Մահացու կյանքից ինձ ապաստեցեք,
Թող ինձ ընդունի Սատանապետը:
Կրացավ արդևն մի հազար տարին,
Որ ես գործիչ եմ մեծ Բելիարի,
Միշտ շա՛ր գործեցի, չիմացա բարին,
Թող այժմ նորա կամքը կատարի:

Դեռ պառավն իր խոսքը չէր ավարտել, որ թագավորի մեծ վեզիրն ու սպարապետը եկան և խոր զլուխ տալով թագավորին՝ ասացին.

— Տե՛ր արքա, բոլոր զորքը պատրաստ է, քո մեծության հրամանին ենք սպասում:

— Ինչո՞ւ համար եք պատրաստել զորքը,— հարցրեց թագավորը զարմանալով:

— Մենք կատարեցինք քո հրամանը. թշնամու զորքը մոտենում է, պետք է նրա առաջքն առնել:

— Սպասեցե՛ք, սպասեցե՛ք... այո՛, այո՛, ես հիմա հիշում եմ... այդ մեզանից ուղի՛ղ քառասուն տարի առաջ էր, ինչ որ ասում եք. մեր քարանալու օրն էր... թշնամու զորքերը եկան և մեզ քարացած գտնելով՝ սարսափած փախան...

Վեզիրն ու սպարապետը իրար երես նայեցին և շշնջացին միմյանց.— Թագավորը խելագարվել է...— Այո՛, այո՛, զարմանալի՛ փոփոխություն. երեկ չէ՞ր, որ մոտն էինք. մեկ օրվա մեջ ծերացել է...

— Տեսնո՞ւմ եք դուք այս պառավին,— ասաց թագավորը,— սա է մեր քաղաքի քարացնողը: Քառասո՞ւն տարի շարունակ սա մեր քաղաքը քարացրած պահեց...

Վեզիրն ու սպարապետը թագավորին գլուխ տալով՝ համաձայնութուն ցույց տվին, որ իբր թե հաշտուում են նրա ասածին, բայց իրար հետ շնչալով՝ «հաստատ խելագարված է սա», ասացին:

— Եթե սա շիններ,— շարունակեց թագավորը,— ցույց տալով Արեգին,— եթե սա շիններ, մենք հավիտյան քարացած կմայի՞նք: Սա որ մի հրաշքով աղջկանից տղա էր դառել, և աղավնի դարձող աղջկանից անմահական ջուր էր ձեռք բերել, պատահամբ ասեմ, թե Երկնքի տնօրենությունով, եկավ և ինձ կենդանութուն տվավ իր ջրով. այս շար պատավին էլ բռնեց ու զինաթափ աշավ: Այժմ այս պատավին ձեզ եմ հանձնում. տարեք սրան ծովը ձգեցեք... ասա այս գավաղանները ևս ծովը ձգեցեք...

Վեզիրն ու սպարապետը դարձյալ սկսեցին շնչալ, դեպի մի կողմ քաշվելով:

— Հաստատ, հաստատ խելագարվել է,— պնդեց վեզիրը:

— Դրան ինչ կասկած,— կրկնեց սպարապետը: «Սա՛ ասում է, աղջիկ է եղել, տղա է դառել, մի աղջիկ էլ աղավնի է դառել, ինքն էլ անմահական ջուր է խմել, իսկ մենք՝ որպես թե քառասուն տարի է, որ քարացած ենք եղել...»: Խելքը գլխին մարդը մի՞թե այդպիսի բաներ կխոսի:

Այս մարդոց կասկածը շատ բնական էր: Վեզիրը քարանալուց առաջ ճաշի էր նստած և գդալը ձեռին՝ բերանը տանելիս՝ քարացել էր, իսկ այսօր գդալը տարել էր բերանը և իր ճաշը վերջացրել, եկել: Սպարապետը ոտքի մեկը ձիու ասպանդակումը դրած հեծնել ուղևիտ էր քարացել, և այսօր էր ոտը մյուս կողմն անց կացրել և հեծել ձին ու եկել. էլ ուրեմն ինչպե՞ս կարող էին երևակայել, որ երբևիցե քարացած են եղել:

— Գիտես ինչ կա, թագավոր,— ասաց Արեգը ծածուկ:— Այս մարդիկը քո խոսքերին չեն հավատում և քեզ խելագար են համարում: Այս շատ վտանգավոր բան է, կարող են քեզ ճշմարիտ խելագար համարել և թագադրությունից զրկել: Հիմա դու սպասիր, տես ինչ եմ անում, և ինձ հետևիր: Հետո դառնալով վեզիրին ու սպարապետին՝ ասաց.

Եվե՛ք, պարոններ, եկե՛ք,
Մի կասկածեք բնավին,
Տեսեք ինչպես եմ պատժում
Այս անբախտ պատավին:

Այս ասելուց հետո կախարդական գավազաններից մեկը ձեռին՝ մոտեցավ պատավին և ասաց.

Հրամանով
Բելխարի,
Ուրիելի,
Ս սդայելի,
Քա՛ր դառ, պառա՛վ, քա՛ր...

Ասաց ու զարկեց գավազանը: Պառավը դառավ մի քա՛ծ էլ և սկսեց խառանչել...

— Ա՛յ քեզ բան,— բացականչեց Արեգը.— երեի այս գավազաններից ամեն մեկը մի ջոկ զորութուն ունի կամ գուցե իմ անեծքս էր իշավարի և պատավն իր խառանչյունով ծիծաղում է ինձ վրա: Փորձենք երկրորդ գավազանը:

Սադայելի ահեղ սրով,
Տարտարոսի մեծ զնգանով,
Քեզ զարկում եմ, անիծում եմ,
Քա՛ր դառ, պառա՛վ, քա՛ր...

Պառավը դարձավ մի սև ագռավ և ուղեց թռչիլ, բայց ոտները կայած էին, չկարողացավ...

— Մպասեցեք, երրորդ գավազանը փորձենք:

Առավ երրորդ գավազանը և սկսեց ավելի թունդ անիծել, կարծելով, թե իր անեծքի թուլությունիցն է, որ պառավը քար չի դառնում:

Քարեկարկո՛ւտ,
Արյունանձրե՛կ,
Մե՛ղ, մառախո՛ւղ,
Քանձր մոռ՛յլ,
Խիտ աղքամո՛ւղջ,
Թունդ երկրաշա՛րժ,
Մահտարածա՛մ,
Որո՞տ, կայծա՛կ,
Հրդե՛հ, կրա՛կ,
Նավթա՞նդե՛ղ
Դժոխային
Քափվի գլխիգ,

Ո՛վ սև ազոավ,
Դահի՛ճ պառավ...
Քեզ զարկում եմ
Չա՛ր մահակով,
Դագանակո՛վ,
Որոտմունքի
Թո՛ւնդ մտրակով,
Կայծակների
Ահե՛ղ զարկով,
Անեծքս ա ու,
Դարձի՛ր լեռ քար...

Ասաց ու զարկեց գավադանը, և պառավը դարձավ մի դաժա-
նատեսիլ քարե արձան: Հետո դառնալով վեզիրին ու սպարապե-
տին, ասաց Արեզը.

Հիմա ամառն է, բայց դուք չըզիտեք.
Այս շոգ կրակին մուշտակ եք հագել,
Ձմեռն է եղել, երբ քարացել եք,
էնդուր եք հիմա այդ ձևով եկել:
Մարդ ուզարկեցեք մի ուրիշ քաղաք,
Որ գնա բերե ձեր տարեթիվը,
Նրանով կիմանաք ձեր գլխի անցքը,
Կուղղեք ձեր այժմյան սխալ հաշիվը:
Եթե ոչ՝ ես ձեզ էշեր կըշինեմ,
Կամ սև ազոավներ, երթաք կուկոսք,
Որ այնուհետև ձեր թագավորը
Ինչ որ ձեզ ասե՝ իսկույն հավատաք...

— Օ՛... ես հիմա հավատում եմ, հավատում,— ասաց վեզի-
րը,— այս բոլորը աչքովս տեսնելուց հետո՝ էլ չեմ կարող չհավա-
տալ... Ըջմարիտ որ ձմեռն է եղել, իսկ հիմա... ամառն է... այո՛,
ամառն է...

— Ես էլ եմ հավատում, ես էլ... չեմ ուզում ոչ էլ և ոչ ազոավ
դառնալ, իսկ քարանալու ախորժակ բնավ չունիմ... իրավ, ի՛նչ շոգ
է այսօր, քիչ է մնում, որ այրվիմ...

— Տեր արքա, ճաշը պատրաստ է, թագուհին ձեզ է սպա-
սում,— ասաց մի պալատական, խոր գլուխ տալով թագավորին:

— Երթա՛նք, երթա՛նք մի կտոր հաց ուտենք,— ասաց թագա-
վորը:— Ահա քառասուն տարի է, որ պատառ չեմ դրել բերանս,
բայց ուղիղն ասեմ, չեմ էլ քաղցել: Միայն ծարավս շատ էր տան-

ջում ինձ երբեմն և ավելի ևս սաստկացավ, երբ լսեցի Արեզի ձայ-
նը: Երևի իմ ծարավիլն էլ Երկնքի կամբովն էր, նրանով պիտի
գտնեի իմ փրկությունը... Երթա՛նք, երթա՛նք մի կտոր հաց
ուտենք...

Անդաս թագավորը լավ կշտացրեց թե՛ Արեզին և թե՛ նրա Բա-
զիկին: Արեզին պահեց թագավորը մինչև քսան օր. այդ քսան օր-
վան մեջ շատ թագավորներից դեսպաններ եկան և շնորհավորեցին
Անդասի և նրա քաղաքի վերակենդանությունը: Նույն քաղաքից
հազարավոր մարդիկ կային հեռավոր երկրներ գնացած՝ որոնք
իրանց քաղաքին պատահած պատուհասից վախենալով՝ չէին վե-
րադառնում. այժմ եկան ավելի բազմացած թվով, որդոց և թոռանց
տերեր դարձած, մինչդեռ քաղաքի աճելությունը՝ քարանալու պատ-
ճառով դադարել էր:

Նորեկները իմանալով՝ որ Արեզն է այն բարի հրեշտակը, որ
հաղթել է շարին և կյանք տարածել շարի մահ սփռած տեղը՝ նրան
աստվածավայել պատիվներ տվին ճոխ խնջույքներով: Թագավորն
ինքը մի մեծ խնջույք տվավ, ուր ներկա էին հազարավոր անձինք:
Ինքն էր բոլոր զվարճութուններին ընթացք տվողը, ինքն էր առա-
ջարկում կենաց թասերը: Երբ Արեզի կենաց բաժակը ձեռքն առավ,
սկսեց խոսիլ թագավորը և ասաց.

— Ի՛նչ էինք երեկ, և ի՛նչ ենք այսօր.
Դո՛ւ պատասխանիր, Անդա՛ս թագավոր.
— Քա՛ր էինք երեկ, քա՛ր անշունչ, կանգուն,
Իսկ այսօր՝ մարդիկ, կենդանի, շարժուն...
Ի՛նչ հեշտ պատասխան... բայց ո՛վ կըմբռնե,
Ո՛վ կըզգա, թե ի՛նչ սոսկալի բան է
Շարունակ տանջվիլ քա՛-ռա՛-սո՛ւն տարի,
Փշալի՛ց ձեռում մի անգույն շարի...
Եվ ահա այդ խիստ, շա՛ր կապանքներից,
Անխորտակելի այդ շղթաներից
Մեզ ազատում է մի չքնաղ ոգի,
Ամեն տեղ սփռում և՛ կյանք, և՛ հոգի...
Ո՛վ էր այդ Քաջը, այդ Առաքինին.
— Ահավասիկ նա—Արեզ պատանին.
Սա է, որ սրբեց իմ սուգն ու լացը.
Խմե՛նք Արեզի անգին կենացը...

Թագավորի այս առաջարկության վրա հազարավոր ձայներ
միասին «կեցցե՛ Արեզ» գոչելով՝ թնդացրին ամբողջ ապարանքը:

Աշրդներն էլ՝ որ թագավորի ակնարկելուն էին սպասում, խմբովին հնչեցրին հիսնադի քնարները և երգեցին միաձայն.

Արի բյուրյուլ, ուրախացիր,
Քո վարդն ահա բացվել է.
Վերադարձիր, էլ մի՛ վախի՛ր,
Քո թագուհին բացվել է:

Արեգն իշավ Երկնքիցը,
Ամենայն տեղ կյանք սփռեց,
Քարերն ամեն հողի առան,
Քո կարմիր վարդն էլ բացվեց:

Արի բյուրյուլ, ուրախացիր,
Քո վարդուհին բացվել է,
Արի երգիր, էլ մի՛ վախի՛ր,
Քո թագուհին բացվել է...

Արեգը մեկ Արեգակ է,
Քաջ պատանու կերպ առած,
Սա բարի է, առաքինի,
Արևի պես ողորմած:

Արի բյուրյուլ, ուրախացիր,
Քո վարդուհին բացվել է,
Արի երգիր, էլ մի՛ վախի՛ր,
Քո թագուհին բացվել է...

Աշրդները դեռ երկար կշարունակեին Արեգին դովասանել, եթե Արեգը՝ համեստությունից ստիպված՝ չընդհատեր նրանց իր հետևյալ պատասխանական ճառով.

Ես մի թույլ էակ, շնչին արարած,
Զգիտեմ արդյոք ի՞նչ ունիմ արած,
Որ ինձ տալիս եք այսքան փառք, պատիվ,
Այսքան գորովանք, մաղթանք անհաշիվ.
Ի՞նչ գտա՞լ արդյոք Նրկինքն ինձանում,
Ես այդ չգիտեմ և չեմ իմանում,
Որ ցույց է տալիս այսչափ սեր և գութ,
Հարթում է առջև ամեն խոչ ու խուժ —
Աւյուժն իմ առջև քծնում է շան պես,
Վիշապք դառնում մի վախկոտ մողես,
Աղբյուր է շխում ապառաժ տեղում,

Դարավոր ճահինն առաջիս ցամքում...
Եթե բոլորը, ինչ որ տեսել եմ,
Մի՞թ՝ մի առ մի ձեր առջև պատմեմ,
Կոտենե՞ք, որ սա մի բախտ է միայն
Յվ շնորհք Երկնքի միջամտության...
Ուտի մեներ նրան և միայն նրան
Պիտի համարենք պաշտելու արժան.
Նա՛ վերացրեց շարի գորովյուն,
Նորան պիտի տանք փառք և գոհություն...

Չնայած Արեգի համեստությանը՝ քաղաքացիք նրան դուրսագանց կարգը ձգեցին, որ երախտապարտ շմանն Երկնքի առջև: Եվ ահա ինչպես: Տեսան, որ պառավի սոսկալի արձանից վախենում են բոլոր երեխաները և շատ մեծեր էլ՝ նրան տարան ծովը նետեցին: Նա ընկավ ուղղակի դժոխքի վրա և իր ուժգին զարկովը ամբողջ դժոխքը իր միջի շար ոգիների անթիվ լեզեոններովը մի հազար մղոն էլ ցած գլորեց... Դրանից հետո հավաքվեցան քաղաքի բոլոր ճարտարապետներն ու կարիչները, քաշեցին Արեգի պատկերը՝ Բազիլիկ վրա հեծած. նրա ձևով շինեցին մի ոսկեծույլ արձան: Այդ արձանը կանգնեցրին քաղաքի կենտրոնում եղած մեծ պարտնպումը, որ զբոսավայր էր ամենի հասար, մանավանդ երեխայոց, որոնք այնուհետև միշտ նրա շուրս կողմումն էին խաղում և վրան նայելով՝ զմայլում: Արեգը շտեսավ իր արձանը. նա այդ ժամա՛ակ արդեն գնացել էր: Նա երազումը տեսավ, որ Նունուֆարը վերջին շնչումն է, շտապից վերադառնալ, որ գուցե կարողանա օգնություն հասցնել:

Նունուֆարը վերջին շնչումն է:
Էլ ոչ օադրածվի կատակները, ոչ վեզիրի կնոջ հոգատարությունը, ոչ հոր ազալանքն ու հառաչանքը չեն ազդում նրա վրա:
Լեզու չունի, որ խոսի, ուժ չունի, որ ձեռքը շարժի:
Ակնապիշ նայում է դեպի վեր, կարծես Երկնքից լինի սպասում իր փրկությունը կամ ուզում լինի շատով թուլի դեպի Երկինք:
Թագավորը և բոլոր պաշառականները՝ ձեռքները խալ արած, վիզները ծռած՝ նայում էին Նունուֆարի երեսին, և ախ ու վախ

քաշելով՝ խոստովանում իրանց անզորությունը Ամենակարողի կամքի առջև:

Այս աղեկատուր բոպեին մեկ էլ լսվեցավ, որ Արեգը եկել է:

Նունուֆարի աղախինը ամենից շուտ վազեց Արեգի մոտ և ըշտապեցրեց նրան, ասելով.

— Շո՛ւտ արա, եկ, տես, վերջին շնչումն է, աչքը քեզ է մնում...

— Ահա գալիս եմ,— պատասխանեց Արեգը.— հիմա կգամ և կտեսնեմ քո Նունուֆարին...

Լուռ հանդիսականների միջով լուռ ու մուռն անցավ Արեգը, մոտեցավ Նունուֆարի մահճին, հանեց անմահական ջրի շիշը, մի կաթիլ կաթեցրեց բամբակի վրա և քսեց Նունուֆարի մեռելատիպ շրթունքներին:

Նունուֆարի աչքերը պարզվեցան:

Արեգն այդ նկատեց և մի քանի կաթիլ կաթեցրեց ուղղակի բերանի մեջ:

Նունուֆարը երկու ձեռքով ծածկեց երեսը...

Նա տեսավ Արեգին և... ճանաչեց:

Նա մի նոր կյանք զգաց, կյանք աշխուժով լի, երևակայությանը ճոխացած...

Ձեռներով ծածկեց երեսը, որ երևակայությունն ամփոփե: Ամփոփե երևակայությունը, որ այդ բոպեի երկնային զվարճությունն ու զմայլմունքը լիովի վայելե:

— Արեգը եկել է,— ասում է նա ինքն իրան, երեսը ծածկած երկու ձեռքով, իբրև երկու վահանով, որ ուրիշ տպավորությունների տեղի չտան.— Արեգը եկել է,— կրկնում է Նունուֆարը,— և ես առողջ եմ. բոլորովին առողջ, շատ առողջ: Ես զգում եմ, զգում եմ, որ շատ առողջ եմ, և... Արեգն էլ եկել է... Ես տեսա. նա ինձ մոտ կանգնած է այս բոպեիս: Ես զգում եմ նրա ներկայության անմահական հոտը: Անմահական էր նրա տված դեղը: Հենց ինքն էլ մի անմահ Ոգի է: Ի՞նչպես մեծացել է, ինչպես առույզացել, ի՞նչ նորածիլ բեղեր ունի. ի՞նչ զանգուր մորուք... Բանամ երեսս, մեկ էլ նայեմ...

Նունուֆարը բաց արավ երեսը և նայեց Արեգի երեսին այնպիսի հայացքով, որ միայն մոր հայացքն է լինում իր երեսին «հագա՞» կամ «ճիտա՞» ասելիս... և կրկին փակեց երեսը:

Այդ հայացքը, որի մեջ ամփոփված էր կենդանության հրա-

փայլ ոգին, ամենքը տեսան, և ամենքն էլ, կարծես խոսք մեկ արած, միաձայն քրքիջ բարձրացրին՝ փա՛ռ-փա՛ռ ծիծաղելով: Այդ ծիծաղից անմասն չմնաց և ինքը Նունուֆարը: Նա էլ ծիծաղեց, կարծես ուրիշների տեղիք տալուն էր սպասում, որ մի կուշտ ծիծաղի:

Այս էլ որ տեսան մի վայրկյան առաջ սգավոր հանդիսականները, բոլորովին միամտվեցան. էլ ուշադրություն չդարձրին Նունուֆարի վրա և սկսեցին փոխ առ փոխ գգվել ու համբուրել Արեգին: Թագավորը իր գիրկն առավ Արեգին և սկսեց երեսայի նման հեկեկալ: Թագավորի ուրախության զգացումն անսահման էր: Նա մի վայրկյանում երկու որդի էր գտել, մինը կորած տեղից, մյուսը՝ մեռած տեղից: Ամենքի աչքերից ուրախության և զմայլմունքի արտասուք հոսեց:

Հանդիսականների այս տեսակ իրարանցումից օգուտ քաղելով՝ Նունուֆարը ծտի պես վեր թռավ տեղիցը, փախավ մտավ մի այլ սենյակ, այնտեղ շուտով հաղնվեցավ, զուգվեցավ թագուհու վայել զարդարանքներով և դուրս եկավ հանդիսականների մեջ այնպես ուրախ ու զվարթ և այնպես առողջ, որ հիացան ամենքը, բայց մանավանդ Արեգը, որի համար մի բոլորովին նոր արև ծագեցավ:

Եթե Արեգը մի վայրկյանում վերակենդանացրեց Նունուֆարին, հիմա էլ Նունուֆարը, իր գեղեցկության աղղեցություններ՝ Արեգի այնպիսի երակները շարժեց, որոնց միջով կարծես մինչև նույն բուպեն դեռ արյուն չէր խաղաքած: Արեգը մի նոր կյանք զգաց իր մեջ, մի նոր զգացմունք անսահման հաճույական, բայց ինքն իրան հաշիվ տալ չկարողանալով և միևնույն ժամանակ այդ իրան համար տալօրինակ զգացմունքը զսպել ուզենալով՝ սկսեց խոսիլ խելքը թոցրածի պես.

— Հիմա՞ եմ զգում, որ ես՝ էլ ես չեմ...
Բայց թե ես ո՞վ եմ,— այդ էլ չգիտեմ.
Ինձ հափշտակեց Աղջիկ Աղավնին,
Եվ տեղս դրավ այժմյան Արեգին.
Անիրավ աղջիկն իմ ուշքս տարավ,
Արեգնազանիս լճի մեջ առավ,
Իր քաղցր երգով ինձ քնացրեց,
Եվ իմ տեղս նա մի ուրիշ գրեց...

Հանդիսականները բերանբաց նայում էին և ոչ մի բան չէին հասկանում Արեգի ասածներից:

— Ափսոս տղա, երևի խելքը կորցրեց,— ասում էին շատերը
վերջը Նունուֆարը մոտեցավ Արեգին և խղճալի կեպով
ասաց.

— Արե՛գ, իմ հոգյա՛կ, ի՛նչ է այդ, ի՛նչ կա,
Գուցե իմ տեսքով քեզ դուր չի եկա.
Գու հանգիստ եղիր. ես կերթա՛մ, կերթա՛մ,
Որ ինձ շտեմես էլ ոչ մի անգամ...
Ծա սիրում եմ քեզ, գիտե՛ք Երկինքը.
Բայց այդ չի ուզում գուցե նա Ինքը,
Որ չի թույլ տալիս քեզ ինձ ճանաչել,
Եվ հնչպես որ կամ, ինձ այնպես տեսնել.
Երթամ ուրեմն իմ սև օրս լամ.
Քանի որ էլ քեզ պիտի չերեամ:
— Ո՛ւր, ո՛ւր, սպասիր, ես քեզ չեմ թողնի՛լ:
Առանց քեզ մի օր՝ էլ ես չեմ ապրիլ.
Թող երկինք գետինք իրար խառնըվին,
Դու կըպատկանիս միայն Արեգին.
Թող ամբողջ աշխարհք տակն ու վրա ըլի,
էլ քեզ ինձանից ո; ոք չի խլի.
Արարած աշխարհ ես պտրտվեցա,
Գեղեցիկ, սիրուն շատերին տեսա,
Բայց քեզ պես չքնաղ, անհատ, անմամն,
Քե՛զ է ստեղծել Երկինքը միայն.
Դու իմն ես, իմն ես, սիրուն Նունուֆար,
Իմ բոլոր կյանքս կըտամ քեզ համար.
Ինչ սիրտըդ ուզի, ինչ որ կամենաս,
Հրամայիր ինձ, իսկույն կ'ստանաս:
Իմ ասածներս դու չհասկացար,
Էնդուր ես կարծում, թե ինձ դուր չեկար.
Ես այն չե՛մ, այն չե՛մ, ում որ տեսել ես,
Նա գնա՛ց, կորա՛վ երևույթի պես.
Ես էլ եմ Արեգ, բայց ոչ առաջին,
Նրան գողացավ Աղջիկ աղալնին...
— Եթե այդպես է, ինձնից հեռացի՛ր,
Դու ինձ կյանք տվիր, վարձըդ ստացիր:
— Ես չեմ կյանք տվել, ի՛նչ վարձ կամ ի՛նչ գին,
Դու ինքդ ես իմ կյանքն, իմ սիրտն. իմ հոգին...
— էլ ես կյանք չունիմ և պիտի մեռնիմ,
Երբ չկա Արեգ, էլ ինչո՞ւ ապրիմ...
— Իդուր մի մեռնիլ, ես էլ եմ Արեգ,
Մի՛թե ես չունիմ նորա շափ արժեք...
— Բայց դու ուրիշ ես, ինքըդ ես ասում...
— Այդ ես ինքս էլ լա՛: չեմ հասկանում...

— Սպասեցեք, սպասեցե՛ք, ես վերջ կտամ ձեր վեճին,—
ասաց թագավորը:— Արեգ, ասա ինձ, հոգիս, դու ո՞ւմ որդին ես
— Արման իշխանի որդին էի մի ժամանակ, բայց հիմա չգի-
տեմ — էլի նրա ուղի՞ն եմ, թե՞ մի ուրիշի:

— Քու այդ պատասխանն է ահա, որ մենք չենք հասկանում,
բայց քեզ լավ ենք ճանաչում: Դու մեր Արեգն ես, միևնույն գեղե-
ցիկ Արեգը, միայն մորուքդ է ավելացել ու բեղերդ...
— Սպասի՛ր, սպասի՛ր, խնամի թագավոր,— մեջ ընկավ
ծաղրածուն:— Աչքդ լո՛ւյս, փևսադ եկել է, բայց ուրախությունից
ինքն իրան կորցրել է, հիմա ման է գալիս՝ չի գտնում: Արեգ եղ-
բայր, եկ՝ ես ու դու մի պայման անենք. ես դառնամ «դու», իսկ դու
դառ «ես». այնուհետև Նունուֆարը կդառնա «իմ», իսկ հիմարը՝
«քեզ». համաձա՛յն ես... — ասաց ծաղրածուն և սկսեց երգել.

Ա՛խ, ես հիմար եմ անչափ,
Բայց ոչ այս տղայի շափ,
Ծա որ մի աղջիկ գտնեմ,
էլ չեմ ասիլ—«ես» ես չեմ...»
Յարալլալ: շարալլալի,
Հայդե՛, հիմար, պար արի...

Մինչդեռ ծաղրածուն այսպես երգով ու պարով զվարճացնում
էր հանդիսականներին, ներս մտավ Արմանը:

Արեգն իր հուր տեսնելուն պես՝ վազեց գիրկն ընկավ և մի
քանի ուրախության բացականչությունից հետո՝ փսփոսաց ական-
ջումը:

— Գիտե՛ս, հայրիկ, ես հիմա տղա՛ եմ, տղա՛, իսկ և իսկ
տղա, ճշմարիտ տղա. կարո՞ղ ես երևակայել...

— Իհարկե, տղա ես, հոգիս, հապա ի՛նչ պետք է լինեիր...

— Բայց չե՞ որ, հայրիկ, բայց չե՞ որ... ախր...

— Դու առաջ էլ էիր տղա, հոգիս, բայց այդ չգիտեիր դու,
նոր ես սկսել ճանաչել քեզ. առաջ անմեղ էիր ինչպես հրեղեն, հի-
մա մարդ ես դառել հոգեղեն, բայց այդ վնաս չունի, հոգիս...

— Օ՛... եթե այդպես է, ուրեմն ես՝ ես եմ եղել. վազեմ Նու-
նուֆարին ասեմ...

Արմանը մոտեցավ թագավորին և սկսեց շշնջալ նրա ականջին
բանի էությունը, իսկ Արեգը վազեց Նունուֆարի մոտ:

Երբ որ Արեգը մոտեցավ Նունուֆարին ավելի ուրախ ու զվարթ

դեմքով, նունուֆարը բռնեց Արեգի ձեռքից մի այնպիսի քնքուշ ժպիտով, որ Արեգը քիչ մնաց նորից թոցներ խելքը:

— Դու մեր Արեգն ես, այնպես չէ՞, — ասաց նունուֆարը:

— Իհարկե, հոգիս, հապա ո՞վ պետք է լինիմ, — սլատասխանեց Արեգը:

— Ուրեմն մենք էլ շենք բաժանվիլ միմյանցից: Եթե գիտենաս ինչքա՞ն մաշվել եմ քո կարոտով... հիմա եկել ես և հանկարծ ասում ես՝ «Ծն՝ ես չեմ»։ հապա ո՞վ ես, որ դու չես:

— Ո՛չ, ո՛չ, հիմա ես՝ ես եմ. հիմարն ինձանից խելոք է.. Արի շոքենք թագավորի առջև. և նա օրհնե մեզ... Բայց, սպասիր, հայրիկիս շհարցրի, թե ո՞ր ես իմ քույրերը:

— Նրանք այստեղ են: Քո գնալուց հետո ես ձերոնց բերել տվի, որ քո կարոտը նրանցից առնեմ: Ես արդեն ուղարկեցի իմաց տալու, հիմա կգան ուր որ է...

— Ինչքա՞ն ռախտավոր եմ ես ուրեմն, որ այդքան բարի ես եղել դու... Ուրեմն դեռ չշտապենք. գնանք մի ր հագուստը փոխենք. հիմա՝ միտս ընկավ: Անդաս թագավորից ես քեզ համար էլ, ինձ համար էլ հարսանեկան հագուստ եմ բերել: Նա ընծայեց այդ հագուստները և խնդրեց, որ անպատճառ այդ ունենանք հագնեիրիս մեր հարսանիքին, որին՝ իր ասելով՝ ինքը հոգվով ներկա կլինի: Ես չէի ընդունում, որովհետև այս բոպեի քաղցրութունն այն ժամանակ երևակայել չէի կարող: Շատ բաներ եմ տեսել, հետո կպատմեմ քեզ: Չեմ տեսել միայն քեզ պես մի շքնաղ էակ... ինչքա՞ն գեղեցի՞կ ես դու, նունի՞կ...

Այսպես խոսելով, ձեռք-ձեռքի տված, դուրս եկան Արեգն ու նունուֆարը, բայց երկար սպասեցնել չտվին:

Մի քանի բոպեից հետո տեսարանը մի կախարդական ասեմ, թե երկնային, կերպարանք ստացավ:

Պալատի ընդարձակ դահլիճը լցվեցան թե՛ տղամարդիկ, թե՛ կանայք, շքեղ հագուստներով զարդարված: Այստեղ էին և Արեգի քույրերը:

Նրբ որ Արեգն ու նունուֆարը ներս մտան Անդասի ընծայած հագուստովը զարդարված, անթիվ անգին քարերի ճառագայթները՝ ծիրանի ծովից ծագող արեգակի պես՝ գույնգույն լուսով լուսավորեցին ամբողջ դահլիճը: Չոքեցին թագավորի առջև, որ օրհնե իրանց:

Թագավորը մի քանի բոպե չկարաց խոսիլ, հագվել էր կարո-

ղանում բռնել ուրախութան արտասուքը: Վերջապես սկսեց օրհնել մեր նորահարսներին՝ ասելով.

Ո՞վ Երկինք,
Ես մի հողեղեն,
Մի թույլ արարած,
Որ շարն ու բարին
Գեռ լավ չգիտե,
Իմ սրտին նայիր,
Եվ ո՛չ իմ լեզվին.
Եվ քո իսկ ձեռքով
Ինչ որ բարի է,
Դու այն տուր սրանց:

Ի՞նչ ունիս բարի,
Քո ծոցում պահած,
Որ և՛ինչև այսօր
Ոչ մի հողեղե՞հ,
Գեռ չի ստացած,
Դու այն տո՛ւր սրանց:

Դու մինչ այսօր էլ
Շատ բան ես տվել—
Արև վառվռուն,
Աստղեր շողողուն,
Ջեփյուռ անշըշունջ,
Այեր քաղցրաշունչ,
Անձրև հորդառատ,
Ց. դ մարգարտահատ.
Աղբյուրք զովարար,
Վտակներ վարար,
Գույն-գույն ծաղիկներ,
Մառեր մրգարեր,
Անտառներ մարմանդ,
Գաշտեր արգավանդ,
Լեռներ հովասուն,
Գետեր գալարուն,
Լճակներ վճիտ,
Սար, ձոր և հովիտ...
Այս ամեն բարիք,
Ո՞վ պայծառ Երկինք,
Թույլ տուր վայելեն,
Քեզ փառարանեն...

Թագավորի օրհնությունն ավարտած-չավարտած, մի նոր լուսով լուսավորվեց դահլիճը: Մի ծիածան կապվեց, ծիածան անտես, աննման, հրաշալի՜ այնքան, որ ամպերում կապվող աշեղը նրա մոտ մի մուսլ ամպ կարելի էր համարել... Ի՛նչ լեզու կարող է պատմել, ի՛նչ գրիչ կարող է գրել կամ ի՛նչ վրձին կարող է նկարել...

Ամենքն էլ նրան էին նայում և տեսնում էին, թե ինչպես էին կազմվում նրա գույները հետզհետե. կարծես աներևույթ ոգիք՝ արագ-արագ վազելով՝ երկնային մատներով մի նոր ծիածան լինձին հինում, և երկնքումը լինին ապրելիս Արեգի ու Նունուֆարի հարսանեկան Կանաչ-Կարմիրը: Հիրավի, այդ Կանաչ-Կարմիրը, թվում էր, թե դահլիճի առաստաղից շատ և շատ բարձր է և շատ հեռու:

Եվ ահա՛, երբ ծիածանն ամբողջապես պատրաստ էր, նրա վրայով, իբրև մի լուսեղեն սանդուղքով, ցած իջան մի խումբ երկնային թագուհիք՝ աստղերի ճառագայթներից և ձյունափայլ ամպերից գործած հագուստով մի-մի արեգակ... Բայց ի՛նչ արեգակ... Եթե ցերեկ լիներ՝ և արեգակը նրանց տեսներ, ամպեղեն մի քող կքաշեր երեսին, որ տեղի տար նրանց լույսին...

Բոլոր երկնային օրիորդները, որոնք թվով մինչև ինը հոգի էին, երկ-երկու պսակաձև փունջեր ունեին ձեռներին, ո՛րը ցողից, քաղած, ո՛րը ծաղիկների գույնից ու հոտից փնջած, որը վճիտ ալբյուրների բյուրեղացած գոհարներից հավաքած, որը քաղցրաշունչ զեփյուռից ու զովարար հովերից հյուսած, որն արևի շամանդաղի մեջ եղած գույնզգույն հյուլեններից կազմած... մի խոսքով՝ լուսեղեն մատներով բնության բոլոր զարդերի ոգին էին քաղել ու փրնջել: Այդ փունջերի անմահական բուրմունքով լցվեցավ բոլոր դահլիճը:

Ամենից առաջ մոտեցան Աղբյուրիկը, Ցողիկը և Մաղիկը և իրանց պսակները տալով Արեգին ու Նունուֆարին՝ ասացին.

ԱՂԲՅՈՒՐԻԿ

Ես կարկաշյունն եմ Աղբյուրիկ,
Եկել եմ ձեզ աչքաբուսիկ,
Բերել եմ ձեզ բյուրեղահյուս
Ականակիտ, վճիտ փնջիկ:

ՑՈՂԻԿ

Ես գոհարիկն եմ բույսերի,
Ես մարգարիտն եմ հովիտների,
Ահա իմ փունջ ցողից քաղած
Հաղարավոր կանաչների:

ՄԱՂԻԿ

Ես Մաղիկն եմ մշտադպար,
Ես անթառամն եմ բեղմնաբուսի,
Բոլոր ծաղիկանց գույնն ու հոտը
Ահա բերել եմ ձեզ համար...

Այսպես մոտեցան և մյուսները, և մի-մի բան ասելով, իրանց պսակները նվիրեցին Արեգին ու Նունուֆարին...

Այս տեսարանը մի տխրություն և թմրություն բերավ հանդիսականների վրա: Շատերը բոլորովին վերացան ապշույթյունից: Ամենից շատ տխրեցան աղջկերքը: Նրանց գեղեցկությունն աղոտացավ, թխացավ ու մզացավ հոեղենների գեղեցկության մոտ: Երիտասարդները դարձան մի տեսակ ապուշ վայրենիք, նրանց վրասահությունը բոլորովին անհետացավ...

Միայն Արեգն էր ուրախ, միայն նա էր ազատ այդ ընդհանուր ապշույթյունից: Այդ հոգեկան թմրությունից հանդիսականներին սթափելու համար՝ Արեգը դարձավ լուսեղեն հյուրերին և ասաց.

— Ո՛վ երկնային թագուհիք, դուք ձեր շնորհաբար այցելությունովը ինձ շափազանց ուրախացրիք: Բայց, նայեցեք, այս ի՛նչ ապշույթյուն է, այս ի՛նչ տխրություն, որի մեջ ընկղմվել են ամենքը: Մի՛ գարմանաք: Այսպե՛ս ենք մենք՝ տկար հողեղեններս, ի՛նչ որ շափազանց բարի է, շափազանց գեղեցիկ, նույնը վայելելու կարողությունը չունինք մենք՝ մահկանացուներս: Ըշմարիտ բարվոք և գեղեցիկ ճաշակից զուրկ արարածներ ենք մենք: Ներշնչեցեք մեր սրտերի մեջ վսեմ զգացմունք և բարձրագույն կարողություն, որ ձեր երկնային շնորհաբերությունը լիապես վայելի կարողանանք: Խնդրում եմ՝ ուրախածեք, խնդաք և զվարճանաք իմ հարսանյաց հանդեսին և ուրախացե՛ք ամենքին երկնային ուրախությամբ...

Բանից երևաց, որ մեր լուսեղեն օրիորդները, թեև մարմնացած՝ բայց շափազանց համեստ, շափազանց ամաթխած և երկյու-

ղած են եղել. պետք է եղել, որ նրանց ստիպեն: Արեգի խոսքերից խրախուսվելով՝ առաջ անցավ Մաղիկը և իբրև կարգադրիչ՝ մի պար սարքեց: Միածանի կամարը՝ իբրև մի երկնային բյուրեղի քնար՝ թրթռացրեց իր հազարերանգ թելերը և այնպիսի եղանակներ հընչեց, որ թե՛ հողեղենների և թե՛ հրեղենների մեջ ձգեց հրաբուրբոք մի աշխույժ: Ամեն ոք սկսավ թև առնել թռչել շահագնաց ուրախությունից: Մերերն անգամ թռչկոտում էին և ջահիլների դանդաղկոտություն վրա ծիծաղում: Հետզհետե այնքան տաքացան, որ էլ զվարճություն չմնաց, որ չանեն: Յողիկն ու Աղբյուրիկը այնքան զվարճացրին, որ էլ ոչ ոքի մեջ ուժ չմնաց շատ ծիծաղելուց: Մերթ Արեգի մորուքիցն էին բռնում, մերթ նունուֆարի թշերը կըսմըթում և զանազան հաճոյական բաներ փսփսում նրանց ականջին...

Արեգը Յողիկի հետ պարելիս՝ մի խոր հայացք ձգեց նրա երեսին և փսփսաց ականջին.

— Ո՛վ համեստափայլ օրիորդ, ես կարծեմ ճանաչում եմ քեզ... այո՛, ճանաչս գալիս ես, բայց չեմ վստահանում ասել, վախենում եմ, թե մի գուցե սխալված լինիմ:

— Մխալված չես, Արեգ,— պատասխանեց Յողիկը,— ես նա ինքն եմ:

— Աղավնի աղջիկ՞ըր:

— Այո՛: Սրանք էլ բոլորն իմ քույրերս են...

— Օ՛... դու իմ աստվածուհին ես... դու ինձ նորից ստեղծեցիր...

— Ո՛չ, Արեգ: Ես գիտեի միայն, որ դու ոչինչ չգիտես քո մասին: Այդ իմ մորս՝ Բարենանի կամքովն էր եղած: Նա ուրիշ հնար չունեւր այն շար պառավին վերացնել աշխարհից: Պետք էր քեզ պես մի անմեղ և արդար անձն, որ մինչև անգամ չիմանար իր ինչ լինելը և ավելի աղջիկ, քան տղա համարվեր: Դու երբ որ ինձ մոտ տեսար քո կերպարանքը, տեսար, որ տղա ես, այսուամենայնիվ դա քեզ համար մի խաղ էր, որ ես խաղացի, ինչպես որ դու իմ թևերս վերցնելով՝ ուզեցար մի խաղ խաղալ: Միայն այս երեկոյին զգացիր, որ տղամարդ ես: Դու մեղադրում էիր ինձ, մենք թաքուն նայում էինք քեզ վրա և ծիծաղում...

Յողիկի այս ակնարկությունից ամոթի զգացմունքը առաջին անգամ զգաց Արեգը, բայց այնքան սաստիկ էր, որ նա կարմրեց վարդի պես և ուզեց խոսակցության առարկան ուրիշ բանի վրա

դարձնել, հանկարծ մյուս կողմից մի այնպիսի ծիծաղ բարձրացավ, որ ամենքն էլ այն կողմը դարձրին իրանց ուշադրությունը:

Ձանազանը և Ջարմանազանը պարապում էին՝ մեկը վեզիրի տղայի հետ, մյուսը՝ սպարապետի: Մաղիկը լսել էր նրանց փսփսուտը, նկատել էր, որ նրանք վաղուց աչքադրել են միմյանց և այ՛մ էլ պսակվելու ցանկություն ունին, բայց ամաչում են ասելու:

— Նոր սե՛ր, նոր ուրախություն,— գոչեց Մաղիկը մի բարձրաձայն ծիծաղով և նորահարսներին քարշ տալով՝ տարավ թագավորի մոտ և ասաց.— Մի պսակով ի՞նչ պետք է լինի, երեքը միասին կատարեցեք:

Թագավորն ու Արմանը նրանց էլ օրհնեցին և սկսվեց պսակների հանդեսը: Յողիկը դարձավ իբր պսակադիր նունուֆարի, Մաղիկը՝ Ձանազանի, իսկ Աղբյուրիկը՝ Ջարմանազանի: Պսակի օլ նունությունը կատարեց թագավորը Միածանի կամարի տակ, որ այդ փառավոր հանդեսին ավելի ևս շքեղություն էր տալիս: Թագավորն իր թագն էլ դրավ Արեգի գլխին, որով պսակեց նրան և՛ թագավոր միանգամայն:

Դրանից հետո հրեղեն օրիորդները շնորհավորեցին նորապսակներին և պատրաստվեցան երթալու: Հազար տեսակ քաղցրեղեններ և մեղրաջրեր մոտ բերին, բայց հրեղենք նրանց համը չառան: Նրանք ուրիշ խմելիքներ ունեին իրանց հետ բերած, նրանից խմեցին և խմեցրին նաև նորապսակներին, որոնք ակամա խմեցին, առանց նրա համն զգալու, բացի Արեգից, որին միայն էր տված նրա երկնային ճաշակն առնելու շնորհքը: Վերջը մի շրջան կազմեցին երկրայինք, և մինչդեռ հրեղենք վերանում էին ծիածանի սանյուղքով, ասելով՝ մնացեք բարյա՛վ, բարյա՛վ... հողեղենք էլ նրանց բարի ճանապարհ էին մաղթում, երգելով.

Գնացեք բարյավ, սիրուն աղջիկներ,
Դուք մեր Դաշտերի Անմահ Ոգիներ...
Այս ի՞նչ շնորհք էր, ինչքա՛ն մեծ բարիք,
Որ դուք մարմնացած մեզ երևացիք...
Ա՛խ, երանի՛ թե միշտ մեզ մոտ մնաք,
Որ ձեր տեսության կարոտը չզգանք...
Գնացեք բարյավ, բարյավ, բարյավ...

Հրեղեն աղջիկերը վերացան թե չէ, մեջտեղ եկավ ծաղրածուն և սկսվեցավ մի նոր զվարճություն:

— Իննամի թագավոր, շեն կենա քո հոր օջախը... կերանք խը-
մեցինք, լիացանք... — ասաց ծաղրածուն և սկսեց երգել.

Ախ, թագավոր, թագավոր,
Ինչո՞վ ասեմ շնորհավոր...
Ոչ հաց ունիս, ոչ գինի,
Այսպես հարսնիք կըլնի...
Յարալլալի, յարալլալի,
Այսպես հարսնիք կըլնի...

— Իրա՞վ, մի՞թե հաց չպիտի ուտենք,— ասաց թագավորը:—
Մենք ամենքս էլ ամեն բան մոռացել ենք, որովհետև խելքներս
կորցրել ենք, բացի հիմարից, որ խելք չի ունեցել կորցնելու...

— Դու սխալվում ես, թագավոր,— պատասխանեց հիմարը,—
ես տեսա, որ դուք ամենքդ էլ իմ հացը կտրել եք, գնացի մի ճոխ
սեղան պատրաստել տվի, որ քաղցած շմնամ: Այս ասելով ծաղ-
րածուն վազեց բաց արավ սեղանատան դռները, ուր հիրավի,
ճոխ ընթրիք կար պատրաստված: Հյուրերն սկսեցին թագավորի
հետևից ջուխտ-ջուխտ մտնել սեղանատուն: Ծաղրածուն՝ տեսնե-
լով որ ինքը մենակ պիտի մնա՝ վազեց մեզ ծանոթ վեզիրի կնոջ
մոտ և գլուխ վեր բերելով՝ երգեց.

Ով խելք ունի,— սեր շունի,
Ով սեր ունի,— տեր շունի.
Խեղճն ամենից հիմարն է,
Որ ոչ մի ընկեր չունի:
Արի, տիկին, ես ու դու
Շիտակ խոսք տանք մեկմեկու,
Թե՛ «դու իմն ես, ես՝ քոնք».
Համաձա՞ն ես, ձեռքըդ տու...

Ասաց ծաղրածուն և տիկնոջ ձեռքից բռնելով՝ մյուսների հետ
մտավ սեղանատուն...

Մյուս առավոտուն սկսվեցավ հարսանիքի տոնախմբությունը
քաղաքացոց ու գյուղացոց համար և տևեց մինչև քառասուն օր և
քառասուն գիշեր: Ամեն մեկ օրը մի ընկեր պես էր անցնում, այն-
քա՞ն զվարճալի էին: Ի՞նչ խաղեր, ի՞նչ պարեր, ի՞նչ ծաղրածու-
թյուններ, մրցություններ և հազար ու մի տեսակ օյններ...

Կեր ու խումին բնա՛վ հաշիվ չկար: Տասը հազար միայն եզ ու
կով մորթեցին, քսան հազար ոչխար, թո՛ղ վայրի կենդանիները —
եղջերուները, եղնիկները, վարազները. թո՛ղ և թռչունները՝ թե՛
տանու և թե՛ վայրենի: Քառասուն հազար սոմար միայն բրինձ
գնաց փլավի համար, ինչքա՞ն եղ կերթար նրան, ինչքա՞ն շամիչ...
հիսուն հազար կարաս միայն գինի խմվեցավ, շահաված մյուս
քաղցրահամ և դառնահյութ խմիչքները...

Քառասուն օրից հետո Արեգը մի թեթև ճանապարհորդությամբ
արավ Նունուֆարի հետ վանա ծովի վրա: Երբ որ ծովի ամենա-
խոր տեղն էին հասել, Արեգը հանեց շար պառավի կախարդական
չալսուզանները, որոնք անհայտ մետաղից էին, դժոխքի կրակով
մխված, և ասաց.

Ո՞վ զավազաններ, գնացե՛ք անդունդ,
Որ էլ չերևաք աշխարհիս վրա.
Իշխանությունը շար ոգիների
Քողեք մեզանից խալառ վերանա:
Ո՞վ զավազաններ, գնացե՛ք անդունդ,
Որ ոչ մի մարդու էլ չիշացնեք.
Կորեք հավիտյան, որ էլ ոչ ոքի
Ազոավ չըինեք կամ քարացնեք,
Քող թագավորն բնության կարգը,
էլ այսուհետև նա շխանգարվի.
Քող միայն Երկինքն իշխե ամեն տեղ,
Ամեն արարած նորան խոնարհի...

Այս առիւուց հետո զավազանները նետեց ծովի խորքը և շար
ոգիները՝ ու նրանց արբանյակների իշխանությունն ու զորությունը
վերացրեց աշխարհից:

Ահա այս ժամանակն էր, որ Երկինքից իջավ

ԵՐԵՔ ԽՆՁՈՐ

Արեգի ձայնը Երկինքը լսեց,
Եվ իսկույն երեք խնձոր վայր գցեց,
Մեկը կանաչ էր այդ խնձորներից,
Կարծես նոր քաղած զարնան ոտերից.
Երկրորդը կարմիր՝ վարդի հաճուհուհու,
Երրորդն սպիտակ՝ ձյունի նմանակ:
Նունուֆարն ասաց. — Արե՛գ, ի՞նչ կասես,

Այս խնձորները ինչո՞ւ են պեսպես.
— Չգիտեմ, հոգիս, ճշմարիտն ասած.
Գուցե մեր կյանքն է ճիշտ օրինակված,
Տե՛ս, սա կանաչ է, իբր խակ մանուկ,
Իսկ սա՝ սպիտակ, ինչպես մի ծերուկ.
Ամենից սիրուն կարմիրն է միայն,
Դա է նշանը մեր հասունության:
— Բեր այդ կարմիրը հենց հիմա կտրենք,
Եվ այստեղ ևեթ միասին ուտենք...

Նունուֆարն ուզեց,
Արեգն էլ կտրեց.

Կարմիր խնձորը միասին կերան,
Եվ իրանց սրտի փափագին հասան:
Ձեզ էլ կցանկամ, սիրուն պատանիք,
Որ մուրաղներդ նրանց պես հասնիք.
Կըլնդրեմ միայն, որ ինձ էլ ներեք,
Եթե պատմածս ձանձրալի գտնեք.
Ձեր սիրո համար ես աշխատեցի,
Պատմեցի այնքան, ինչքան կարացի.
Կարծելով՝ որ դուք սիրով կըկարդաք,
Եվ խեղճ շախրիս ողորմի կըտաք...

1887

ՄԱՆԿԱԿԱՆ ԱՇԽԱՐՀԱՅԱՅՔ ԿԱՄ ԼՈՒՅՍ ԵՎ ՄՈՒԹ ԱՇԽԱՐՀՆԵՐԸ

«Ծրեխեք, նայեցեք այս վայր ընկած շինարի ծառին, տեսեք ինչպես մեկնվել է և արդեն սկսել է փտիլ: Մի ժամանակ սա դալար է եղել և ձեզ նման փոքր: Բայց երբ որ սկսել է բարձրանալ, շատ գոռոզացել է: Պտուղ չի ունեցել, որ ճղները կուացներ, գլուխը խոնարհեցներ: Աստված սրան բարձրանալու շնորհք է եղել տված, բայց սա իր գլխի պատիվը չի իմացել, աստուծո ողորմությունը չի հասկացել: Այս հիմարն ուզեցել է այնքան բարձրանալ, որ գլուխը երկինք հասցնե և իր ճղներով երկնքի սիրտը ծակծկե: Աստված բարկացել է սրա գոռոզ մտածություն վրա և ահագին բարձրությունից տապալել է»:

464

Այս խոսքն ասողը Գյուլնազ տատն էր, որի անունը դուք, իմ փոքրիկ ընթերցողներ, պետք է որ լսած լինիք: Լուսահոգին ամեն բան գիտցող մի պառավ էր և շատ երեխայասեր: Օրը ցերեկով բուրբ երեխեքս հավաքվել էինք մոտը, հոգնած լինելով շատ խաղալուց, որ տատիկը մի բան պատմի մեզ, որ մենք համ լսենք, համ հանգստանանք: Դուրսը, կանաչ խոտի վրա, մի տանձենու շվաքում էինք նստոտել: Եղանակը գարնանային էր:

— Մենակ ծառերը չեն, որ հիմարաբար գոռոզանալ գիտեն. մի ժամանակ մարդիկն էլ են այդպես եղել: Նրանք էլ մի աշտարակ են շինել այն մտքով, որ նրա ծայրը երկինք հասցնեն և այնտեղից աստուծո հետ կոխվ սկսեն: Աստված համբերել է միառժամանակ, մինչև նրանք աշտարակի ծայրը մոտեցրել են երկնքին և սկսել են ավելի գոռոզանալ: Դրա վրա աստուծո համբերությունը հատել է. նրանց աղմուկից ու աղաղակներից ձանձրացած, սաստիկ քամի է բարձրացրել և աշտարակի ամեն մի քարիչը ուրիշ-ուրիշ աշխարհք է գցել...

— Ո՛ւհ, ինչքա՛ն բարձր է եղել այդ աշտարակը, որ ծայրը մինչև երկինք է հասել,— բացականչեց երեխաներից մեկը:

— Աշտարակը չի եղել բարձր,— ծաղրեց նրան մի ուրիշը,— այլ երկինքն է եղել ցածր: Այնպես չէ՞, տատիկ, որ երկինքն առաջ մեզանից շատ մոտիկ է եղել:

— Այո՛, երկինքը մեզանից մոտիկ է եղել, բայց այդ եղել է աշտարակը շինելուց առաջ: Աշտարակը շինելիս երկինքը բարձր է եղել, և աշտարակն էլ այնքան բարձրացրած են եղել, որ նրա գլուխը գետնից երևալիս չի եղել. այնքան բարձր է եղել, որ ձմեռը նրա վրա բարձրացողը մինչև ամառը հաղիվ է եղել ցած դալիս... Բայց դրանից առաջ, ճշմարիտ է, երկինքը շատ մոտիկ է եղել մեզանից, այնքան մոտիկ, որ երեխերքը գնդակ խաղալիս շատ անգամ երկնքին է եղել դիպում գնդակը և այնտեղ էլ մնում:

— Ինչո՞ւ էր այնտեղ մնում գնդակը, տատիկ, թող դիպչեր, էլ ետ վայր ընկներ,— հարցնում էինք մենք և միևնույն ժամանակ ավելի մոտենում տատիկին, որ լավ լսենք նրա պատմությունը երկրնքի մոտիկություն մասին:

— Նրա համար էր այնտեղ մնում, որ երեխեքը մյուս անգամ երկնքին չսփեն և աստուծոն անհանգիստ շանեն: Հապա չե՞ք լսել, որ մեկ անգամ Արևամանուկը պատահմամբ իր նշող դիպցրել էր Արեգակին, նա էլ անիծել էր Արևամանուկին դրա համար և ասել.

465

«Այսուհետև ցերեկները չապրիս դու, որ իմ երեսը շտեմենաս»: Այնուհետև խեղճ Արևամանուկը ցերեկները մեռնում է եղել և գիշերը կենդանանում: Նրան այդ պատժից ազատում է Արևահատը՝ Օձամանուկի նշանածը: Բայց Արևահատի վերջը ձեզ չեմ պատմիք կարծեմ:

— Հիմա պատմիր, տատիկ, հիմա պատմիր, — աղաղակեցին հրեխաններից մի քանիսը, իսկ մյուսները զանազան հարցումներ արին երկնքի մոտիկություն մատին...



Գյուլնազը մի բան պատմելիս պարապ չէր նստում. նա կամ գուլպա էր անում, կամ իլիկ մանում և կամ ակնոցը քթին դրած հրեխանների պատուած շորերն էր կարկատում: Երբեմն էլ՝ ձեռքի գործը մի կողմ էր դնում և երեխաններից մեկի կամ մյուսի գլուխը քաշում դնում ծնկան վրա, որ տեսնի հարսները լա՞վ են լվացել երեխի գլուխը և մաքրել, թե ոչ: Նա միևնույն ժամանակ առանց ուշադրության չէր թողնում տան հոգսը. շատ անգամ միջահատում էր իր պատմությունը և զանազան հրամաններ տալիս այս և այն հարսին: Երեխեքս գիտեինք այդ և ամենայն զգուշությամբ փաղաքշում էինք նրան, փայփայում, որ նա ուրիշ ոչ մի բանի վրա ուշադրություն չգարձեն, այլ միայն մեզանով զբաղվի, մեր հետաքրքրությունը լցնեն:



«Այո, մի ժամանակ երկինքը շատ մոտիկ էր երկրից, — շարունակեց տատիկը: — Երկնքից լսվում էր աստուծո ձայնը: Նա այնտեղից խոսում էր մարդոց հետ և հայտնում էր նրանց իր կամքըն ու հրամանը. պատվերներ էր տալիս և հասկացնում էր, թե ինչ պետք է անեն և ինչ չպետք է անեն:

Ուղիղ կեսգիշերին լսվում էին հրեշտակների քաղցր մեղեդիքը: Աքաղաղներն ամենից առաջ էին լսում նրանց ձայնը և իրանց միաձայն կանչումով զարթեցնում էին մարդկերանցը, որ վեր կենան և հրեշտակների հետ միասին փառաբանեն Աստուծո հազար ու մեկ անունը...

Աքաղաղները հիմա էլ են լսում հրեշտակների ձայնը... — ավել-

լացնում էր տատիկը և խոր հոգոց քաշում մի այնպիսի ձևով, որ կարծես ինքն ապրած լիներ այն հին ժամանակումը, իր ականջովը լսած լիներ աստուծո ձայնը և հրեշտակների մեղեդիքը, և այժմ զրկված այն երջանկությունից»:



Զարմանալի մի աշխարհ է մանկակուն աշխարհը. փսո՞ս որ մարդ խելահաս եղած ժամանակ էլ չի կարողանում մտնել այդ աշխարհը, որ իր առաջվաճ լսածները մեկ անգամ էլ լսեն: Ամենայն ինչ, որ մանկություն ժամանակ մոտիկ էր, մեծացած ժամանակ հեռանում է, ինչ որ հեշտ էր, դժվարանում. ինչ որ պարզ և հասկանալի էր, խաղարում է և անըմբռնելի դառնում: Ինչքան հիմա ես հիշում եմ, մանկությունս ժամանակ մեղ համար ոչ մի վերացական բան չկար, ամենայն ինչ տեսանելի և շոշափելի էր:

«Առաջ Մութ աշխարհն էլ է եղել մեղանից մոտիկ, — ասում էր Գյուլնազ տատը: — Գատահել է, որ աղջկերքն իլիկ մանելիս՝ հանկարծ թելը կտրվել է, և իլիկը մի հորի միջով ընկել է Մութ աշխարհը: Եթե իլիկ մանող աղջիկը մի բարի աղջիկ է եղել, ներքի աշխարհի բարի պառավները նրա իլիկը վեր նետելով՝ ետ են դարձրել նրան: Բայց հիմա ներքի աշխարհն էլ է հեռացել մեզանից:

Գյուլնազ տատը մի երկար հեքիաթ էր պատմում, որի մեջ Մութ կամ ներքի աշխարհի մասին մի այսպիսի կտոր կար.

...Անտես-Աննամանին դեք փախցրեց: Բազավորազն Գուրգենը, որ Աննամանի փեսացուն էր, վեր առավ իր երկու եղբայրներին և գեղի հետքովը գնաց և գտավ նրան մի հորի մեջ: Դեք մրափած էր: Այդ երևում էր նրանից, որ հորի բերանից ծուխ ու բոց էր բխում: Այդ դեպքի արտաշնչությունն էր: Մեծ եղբորը կախեցին հորի մեջ, որ երթա ազատե Աննամանին. նա չկարողացավ կրակին գիմանալ և աղաղակեց — «վա՛յ, այրվեցա՛, այրվեցա՛...» Նրան դուրս քաշեցին և միջնակին կախեցին. նա էլ աղաղակեց. «վա՛յ, այրվեցա՛»: Նրան էլ դուրս հանեցին: Հետո Գուրգենն ասաց. «Հիմա ինձ կախեցեք, և ինչքան էլ աղաղակելու լինեմ, թե այրվեցա, վեր չհանեք»: Եվ ճշմարիտ՝ Գուրգենը գնաց մինչև հորի հատակը, առանց ձայն հանելու: Այնտեղ նա գտավ Անտես-Աննամանին: Նրա ծնկան վրա էր դրել հրեշ դեն իր գլուխը և քառասուն օրով մրափել: Այն-

տեղ կախած էր և դևի թուրը: Միայն այն թրովը կարելի էր կտրել նրա գլուխը և այն էլ մեկ զարկով միայն, եթե երկրորդ անգամ զարկեին, նա կրկին կկենդանանար:

Աննամանը ծունկը դուրս քաշեց թե չէ՝ դեռ զարթեցավ և իսկույն ոտքի կանգնեց, բայց և միևնույն ժամանակ թուրը պսպղաց, և դևի գլուխն ընկավ գետին:—«Մեկ էլ զարկիր, մեկ էլ, մեկ էլ...» ղլղլացրեց գլուխը, բայց Գուրգենը չբարկեց և ասաց. «Ես մեկ անգամ եմ ծնվել իմ մորից և ոչ թե երկու անգամ»:

Հրեշ դևին սպանելուց հետո Գուրգենն ու Աննամանը պտտեցին դևի ստորերկրյա ընդարձակ բնակարանը և ինչ որ գանձ ու հարստություն ուներ, բոլորն էլ ժողովեցին և վեր բարձրացնել տվին: Երբ որ մնացին միայն իրանք, սկսեցին երկար վիճել, թե ով իրանցից առաջ բարձրանա: Աղջիկը տեսավ, որ Գուրգենը համառություն մը չի ուզում ինքն առաջ բարձրանալ, ասաց նրան.— Ես շատ կասկածում եմ, թե միգուցե քո եղբայրներդ քեզ վեր չբարձրացնեն և դու մնաս հորի մեջ: Եթե իմ նախազգացմունքներս կատարվելու լինի, դու կերթաս դևի գոմը, այնտեղ քո առաջդ կգան մի սև այծ և մի սպիտակ ուխար. եթե կարողանաս ուխարի վրա նստել, նա քեզ վեր կհանն և ինչ որ քո կտանես, Մուլթ աշխարհ, որտեղից դու այլևս չես կարող: Այս ասելուց հետո Աննամանը վեր բարձրացավ, իսկ Գուրգենին նրա անիրավ և անգուլթ եղբայրները թողեցին հորի մեջ...

Գուրգենը շատ աղաչեց, պաղատեց և տեսավ, որ իր եղբայրների սիրտը քարացել է, ճարը կտրած՝ դնաց դեպի դևի գոմը, որ փորձե իր բախտը—նստե ուխարի վրա: Բայց անիրավ այծը այնքան ճարպիկ էր, որ ուխարին պողպատե զենքով մի կողմ ձգեց և ինքն ընկավ Գուրգենի տակը և տարավ ձգեց Մուլթ աշխարհը:

Այդ աշխարհն էլ մեր աշխարհի նման քաղաքներ և գյուղեր ուներ և մինչև անգամ գիշեր ու ցերեկ կար, թեև ասվում էր Մուլթ: Նա մի քաղաքում իջևանեցավ մի պառավի տան և նրանից իմացավ, որ քաղաքացիք ջրի պակասության համար շատ նեղության մեջ են: «Ամբողջ քաղաքում մի աղբյուր կա միայն, բայց նրանում էլ բույն է դրել մի ահագին վիշապ և ամենայն օր մեկ աղջիկ են տանում գցում նրա երախը, որ ապա թույլ է տալիս ջուր վերցնելու: Էգուց էլ հերթը մեր թագավորի միամոր աղջկանն է, նրան

պիտի տանեն ահեղի գազանի բերանը ձգեն»,— ասաց պառավը և սկսեց լալ:

Գուրգենը շատ ծարաված էր, այս օր լսեց, նրա ծարավն ավելի ևս սաստկացավ: Մյուս առավոտ, դեռ լույսը չբացված, վեր կացավ նա և պառավին էլ զարթեցրեց, որ տանե աղբյուրի տեղը ցույց տա իրան: Պառավը տարավ նրան և հեռվից ցույց տվավ աղբյուրը: Գուրգենը՝ դևի թուրը ձեռքին՝ մոտեցավ և տեսավ մի լիճ, որի մեջ մեկնվել էր վիշապը մի ահագին լեռնակղզու պես: Ամբողջ լիճը ժահահոտություն էր և ապականություն թունավորված էր: Վիշապի գլուխը գտնվում էր աղբյուրի ակնումը, որ բխում էր մի լայնաբերան քարայրից: Նա անշարժ էր, կարծես թմրած լիներ կամ մրափած:

Վիշապի գլխավերևը նոր արդեն մի ծառից կապել էին թագավորի աղջկանը, որին պիտի կուլ տար վիշապը մի քանի րոպեից հետո: Աղջիկն արդեն մեռելի գույն էր ստացել: Գուրգենը մոտեցավ նրան, կապերը արձակեց և սիրտ տվավ, որ չվախենա: Թուրը ձեռքին մոտեցավ վիշապին և այնպիսի մի հարված տվավ նրա վրդին, որ վիշապը երկու ահագին կտոր դարձավ, իսկ լիճն արյան ծով: Թագավորի աղջիկը ձեռքը թափախեց արյան մեջ և Գուրգենի մեջքին նշան դնելով, ինքը վազեց տուն, որ թագավորին հայտնե եղելությունը: Հավաքվեցան բոլոր քաղաքացիք և քառասուն ջուխտ գոմշով հազիվ կարողացան ամենի գազանի գեշը դուրս քաշել այնտեղից և մաքրել աղբյուրը:

Թագավորն ուղեց վարձատրել Գուրգենին և մունետիկ ձգեց քաղաքի մեջ, որ փնտրեն նրան և բերեն, և գտան նրան թագավորի աղջկա դրած նշանով:

Թագավորն ասաց Գուրգենին. «Դու որ փրկեցիր ինձ և իմ ժողովրդին շար վիշապի գերությունից, այսօր դու ես մեր տերը և թագավորը. ուզիր իմ աղջիկս և իմ տեղ թագավոր եղիր»:

Գուրգենը պատասխանեց. «Ես այս երկրիցը չեմ. ես ինչ որ աշխարհիցն եմ ընկել այստեղ». և սկսեց պատմել իր գլխի անցքը և հետո ավելացրեց. «Եթե կարողանաք ինձ ինչ որ աշխարհք գցել կրկին, ես ուրիշ բան չեմ ուզիլ ձեզանից»:

Թագավորն ասաց. «Այդ անհնարին բան է. ինչ որ աշխարհքը շատ և շատ բարձր է մեզանից. ո՞վ կարող է քեզ վեր թոցնել և տանել այնտեղ»:

Գուրգենը ասաց. «Ինչպես լինի, ես պետք է վեր բարձրանամ. քո առաջարկությունը ես ընդունել կարող չեմ»:

Թագավորն ասաց. «Դո՛ւ գիտես, բայց որ չկարծես, թե ես ընդդեմ եմ քո գնալուն, ես կժողովեմ իմ աշխարհի բոլոր գիտուններին, թող նրանք մեզ ասեն, թե արդյոք մի հնար կա՞ վեր բարձրանալու: Եվ մինչև այդ, իմ իշխանությունը և բոլոր հարստությունս քեզ եմ հանձնում...»

Թագավորը ժողովեց իր բոլոր աստղաբաշխներին, իմաստուններին և հայտնեց նրանց Գուրգենի ցանկությունը: Նրանք ասացին, թե հին ժամանակներում, ճշմարիտ է, ներքի և վերին աշխարհների մեջ սերտ հարաբերություն է եղել, բայց հետո մեր մեղքիցն է եղել, թե պատահամբ, մեր աշխարհը ցածրացել է, առաջ քիչ և հետո շատ: Լսած ենք, որ մեր հեռացած ժամանակն էլ մի սանդուղք է եղել և այդ սանդուղքով արդար մարդիկը վեր բարձրանալիս և վայր իջնելիս են եղել, բայց հիմա այդ սանդուղքն անհերկոթացել է, էլ չի երևում...»

Այսպես Գուրգենը մնաց Մութ աշխարհում մոլորված: Սկսեց պտտել զանազան տեղեր, հարցուփորձ անել և ոչ մի տեղից մի դուռը չգտավ վեր բարձրանալու:

Մեկ օր դուրս էր եկել որսորդության: Շատ ման գալուց հոգնելով՝ նստեց մի հսկայական ծառի տակ, որ փոքր-ինչ հանգրտանա, մեկ էլ մի ծվծվոց լսեց ծառի վրայից. նայեց և... ի՞նչ տեսնի... Մտռի վրայով սողում էր մի ահռելի սև վիշապ դեպի մի մեծ բույն, որի մեջ լիքն էին մեծ-մեծ թռչուններով, բայց դեռ չէին թևավորված: Երևում էր, որ դրանք ձագուկներ էին մի հսկայական թռչունի: Այդ ձագուկները օձին տեսնելով սարսափի մեջ էին ընկել և սկսել էին ծվծվալ: Այս որ տեսավ Գուրգենը, առավ իր նետաղիղը և ուղղակի շեշտեց վիշապի գլխին և վայր կործանեց: Հետո հանեց դեի թուրը և վիշապին կտոր-կտոր անելով, մի ահագին բլուր շինեց: Այս բարեգործությունից և քաջությունից սիրտը մխիթարված, պառկեց ծառի ստվերումը և խոր քնի մեջ մտավ:

Այս անցքից մի քիչ հետո թռչունների մայրը թռած եկավ և Գուրգենին տեսնելով այնտեղ պառկած, կարծեց, թե նա է իր թշնամին, որ ամենայն տարի կոտորում էր իր ձագերին: Նա իսկույն ետ դարձավ և իր ճանկերով մի ջաղացքար, թե ահագին ժայռ վերցրած բերավ, որ ձգե Գուրգենի վրա: Այս որ տեսան ձագուկները, մի սարսափելի ծվծվոցով և աղաղակով զգուշացրին իրանց

մորը և հասկացրին, որ Գուրգենը ոչ թե իրանց թշնամին, այլ իրանց ազատարարն է:

Ճնայիր, ասացին, մայրիկ, այդ բլրի վրա և տես ինչ գազան է. դա գալիս էր, որ մեզ ուտի, և այդ մարդն է, որ սպանեց դրան և մաս-մաս արավ»: Այս որ լսեց մայր թռչունը, երախտագիտական զգացմունքով լցված, ժայռը տարավ առաջվան տեղը դրավ և վերադարձավ իր ձագուկներին մոտ:

Գուրգենը դեռ քնած էր: Մտռի ստվերն անցել էր մյուս կողմը, և արևն ընկել էր Գուրգենի վրա: Օրը շատ շոգ էր: Մայր թռչունը, որ ասվում էր Զումրութ-Ղուշ, շուգեց Գուրգենին զարթեցնել. նա իր հսկայական թևերը փռեց ամպշուվանու պես և շվաք արավ Գուրգենի վրա, որ նա հով-հով քնե: Վերջը, Գուրգենը որ զարթեցավ, կարծեց, թե մթնել է արդեն, բայց թռչունը որ թևերը ետ քաշեց, կրկին լուսացավ, և Գուրգենը տեսավ հսկա Զումրութին, որ խոսեց Գուրգենի հետ և ասաց.

— Ով ազնիվ երիտասարդ, դու իմ փրկիչն ես երկնքից իջած. դու այնպիսի մի բարեբարություն ես արել ինձ, որ չգիտեմ ինչո՞վ կարող եմ վարձատրել քեզ: Ահա ուղիղ հարցուր տարի է, որ ես չէի կարողանում ազատել իմ ձագերին այդ անգութ գազանի ձեռքից: Այսօր դու փրկեցիր ինձ դրա ձեռքից, ազատեցիր իմ ամբողջ սերունդը: Օ... եթե դա գողի պես չհետամտեր, եթե ես կարողանայի գոնե մեկ անգամ տեսնել դրան, դրա գլուխը կջախջախեի... Ո՞վ պատվական և քաջ երիտասարդ, ի՞նչ ես կամենում, որ ես քեզ համար ձեռք բերեմ. ո՞ր թագավորությունն ես ուզում, որ քեզ տամ. ո՞ր թագավորի աղջիկն ես ուզում, որ գնամ բերեմ. որքա՞ն հարստություն ես ուզում, որ աշխարհիս ամեն ծայրից հավաքեմ բերեմ քեզ համար. ասա ինձ, և ամենայն ինչ մի ակնթարթի մեջ կկատարեմ ես:

— Ես ոչինչ չեմ ուզում,— պատասխանեց Գուրգենը քնաթաթախ, աչքերը տրորելով...— ես ոչինչ չեմ ուզում, այլ միայն լո՛ւյս, լույս աշխարհք, կարո՞ղ ես տանել ինձ լույս աշխարհք... — Լո՛ւյս աշխարհք...— բացականչեց Զումրութը:— Ուրեմն դու այնտեղի՞ց ես ընկել մեր աշխարհը, և ի՞նչ հրաշքով:

Գուրգենը պատմեց իր գլխի անցքը:

— Շատ լավ,— ասաց Զումրութը,— ես քեզ կտանեմ լույս աշխարհք, թեպետ դա մի շատ դժվար ճանապարհորդություն է ինձ համար և թե՛ քեզ համար: Բառասուն օր հագլիվ կարող ենք

հասնիլ: Միշտ թռած պիտի գնամ. իջնելու տեղ չկա: Մեզ հարկավոր է քառասուն օրվա պաշար վերցնել հետներս. քառասուն ոչխար և քառասուն տիկ ջուր: Գու կերթաս այդ տեղերն ու ոչխարները կբերես թագավորից, և մենք ճանապարհ կընկնինք տասն օրից հետո, երբ որ ձագուկներս թոցրած կլինին:

Գուրգենը ճանապարհ ընկնելու օրը քառասուն ոչխար մորթեց և ամեն մեկը շորս կտոր արավ և դարսեց պարկերումը, տեղերն էլ ջրով լցրեց, բոլորը դարսեց Զումրութի վրա և ինքն էլ նստեց վրան: Զումրութն ասաց. «Եթե գլուխս աչ կողմդ մեկնեմ, մի կտոր միս կգցես բերանս, իսկ եթե ձախ՝ տեղի բերանը կդնես բերանումըս»: Այս ասաց Զումրութն ու թռավ և ամպերը ձեղքելով բարձրացավ դեպի Լույս աշխարհը:

Քառասուն օրը լրացավ, բայց նրանք դեռ տեղ չէին հասել: Մսի պաշարը հատել էր: Զումրութը գլուխը մեկնեց դեպի աչ. Գուրգենը այլևս միս չունեիր, որ գցեր բերանը: Հանեց թուրը և իր ոտքից մի կտոր միս կտրեց և գցեց Զումրութի բերանը: Սրանից հետո մի ժամ շանցած, Զումրութն իջավ Լույս աշխարհի վրա: Գուրգենը վայր իջավ արյունաթաթախ և չկարաց ոտքի վրա ուղիղ կանգնել, ոտքի ջլերը կտրատել էր: Զումրութն ասաց. «Գուրգեն, ես քո միսը չկերա. հանի՛ր, ահա՛ բերանումս է, դիր տեղը և իմ թևս քսիր վրան, իսկույն կառողջանաս»: Գուրգենն էլ այնպես արավ և իսկույն առողջացավ:

Հետո Զումրութը Գուրգենին մի քանի խրատներ տվավ, թե որտեղ պիտի գտնի Աննամանին, իսկ ինքը, նոր պաշարով բեռնավորված՝ մնաս բարով ասաց Գուրգենին և դարձավ կրկին դեպի Ներքի աշխարհը...

Ահա թե ինչ էր պատմում Գյուլնազ տատը Մութ կամ Ներքի աշխարհի մասին: Երկինք գնալը այսքան դժվարություն չունեիր Արևահատը Արևամանուկին ցերեկվա մահից ազատելու համար մի ջուխտ երկաթե տրեխ է հագնում և մի երկաթե գավազան է բռնում ձեռին և ճանապարհ է ընկնում դեպի արևմուտք: (Այսպես էին անում առհասարակ, որոնք որ ուզում էին աստուծո մոտ գնալ: Այնքան գնում էին, որ տրեխները մաշվում էին, գավազանի ծայրը կտորվում: Այդ նշանն էր, որ արդեն աշխարհի ծայրն են հասել): Արևահատի տրեխները որ մաշվում են, նրա առջև բացվում է մի հրեղեն պալատ: Ներս է գնում և տեսնում է այնտեղ նստած Արևամորը, այսինքն Արեգակի մորը, որ մի շատ սիրուն պառավ է լի-

նում: Արևամայրը նրան սիրով ընդունում է, իմանում է գնալու պատճառը և թաքցնում է նրան, որ տղան՝ Արեգակը, շտեսնե նրան: Երեկոյին տղան ներս է մտնում, շատ շոգած ու քրտնած... Մայրը նրան աղաչում է, որ խնայե Արևամանուկին և ազատե նրան մահից: Տղան մոր խոսքը չի կտորում, վեր է առնում մի կտոր բամբակ, իր քրտինքը սրբում է նրանով և ասում է. ահա այս է նրա դեղը. եթե իմ քրտինքը քսեն նրա երեսին, նա կառողջանա, բայց ո՞վ կտանե: Այստեղ մայրը հայտնում է Արևահատի գալը, դուրս է բերում նրան թաքցրած տեղից: Արեգակը նրան սիրով ընդունում է և կարճ ճանապարհ է ցույց տալիս կրկին իր տեղը գնալու:



Գյուլնազ տատը, որ այս հեքիաթում արևի համար ասում էր, որ տղա է, նա ուրիշ անգամ ասում էր. Արեգակն ու Լուսինը քույր ու եղբայր են: Մոր մասին խոսք չկար: Նա ասում էր. որովհետև Արեգակն աղջիկ էր, գիշերը վախենում էր ման գալ, իսկ ցերեկը՝ ամաչում, Լուսինը նրան մի բուռը լիքն ասեղ տվավ և ասաց. «Ով որ քեզ մտիկ տա, դու այս ասեղներով կծակծկես նրա աչքերը»: Այնուհետև քույրն սկսեց ցերեկը ման գալ, իսկ եղբայրը՝ գիշերը:

Գյուլնազը շէր ասում, որ ցերեկի պատճառը Արեգակն է, որ առանց Արեգակի ցերեկ չի լինիլ: Ոչ. ցերեկն ինքն իր համար մի ջոկ բան է, գիշերը՝ ջոկ: Արեգակ լինի, չլինի, ցերեկ պիտի լինի: Նա ասում էր. ցերեկն ու գիշերը մի ծեր մարդու ձեռքում են գրտնըվում: Ծերունին նստած է մի բարձր սարի վրա և երկու կծիկ ունի ձեռին, մինը սև և մյուսն սպիտակ: Երբ որ գլորում է սև կծիկը, աշխարհը մթնում է, և երբ որ սպիտակն է գլորում, լուսանում է և ցերեկ դառնում: Այդ ծերունին՝ էլ մի ուրիշ բան չունի... շարունակ սպիտակը կծկում է, սևը բաց թողնում, սևը կծկում է, սպիտակը բաց թողնում...



Գյուլնազ տատիկը շատ անգամ խոր հոգոց քաշելով ասում էր.

— Էեհ՛յ, հե՛յ... դուք հենց կարծում եք, թե մեր աշխարհքն առաջ էլ այնպե՛ս է եղել... Ո՛չ: Հին ժամանակները, երբ որ աստ-

ված մոտիկ է եղել մեղանից, նրա ողորմութունն էլ անպակաս է եղել: Ամեն ձմեռ երկիրքը ձյունի տեղ ալյուր է եղել թափելիս, ձյունի պես սպիտակ, նրա պես մաքուր: Մարդիկ հավաքում են եղել երկնքի ալյուրը և իրանց ամբարները լցնում այնքան, որ բավականանար մինչև մյուս ձմեռը...

Մեկ անգամ, երբ տատիկն արդեն սկսել էր պատմել, թե հին ժամանակներումը մարդիկ ինչպես են եղել ապրելիս, երեխաներից մեկը, որ գլուխը տատիկի ծնկանը դրած քնել էր, հանկարծ զարթեցավ, և պատմությունը միջահատելով, հարցրեց տատիկին.

— Հետո՞, տատիկ, հետո՞...

— Ի՞նչ հետո, հոգիս,— հարցրեց տատիկը:

— Դու չասացիր, որ երկիրքն առաջ շատ մոտիկ էր մեզանից... հետո ի՞նչպես եղավ, որ նա այսքան բարձրացավ:

— Այնպես եղավ, որ երեխեքը երբ որ սկսեցին շատ շարություն անել, անդադար վազվզում, թռչկոտում էին և աստծուն չէին թողնում հանգիստ քնել, նա էլ բարձրացրեց երկիրքը, հեռացավ, առանձնացավ, որ երեխերքն իր քունը չխանդարեն:

— Այդպես չէ, տատիկ, այդպես չէ,— մեջ ընկավ մի սրամիտ երեխա, որ ուրիշ կերպ էր լսել այդ անցքը:

— Հապա ինչպե՞ս է եղել,— հարցրինք ամենքս միաբերան:

— Թող տատիկն ասի... Աստծուն խոռովեցնողը ոչ թե երեխերքն են եղել, այլ մի անգետ պառավ է եղել, որ երեխի...

— Այդ սուտ է, այդ սուտ է...— խնդալով ընդհատեց Գյուլնազ տատը, շուգնալով, որ պատճառը պառավները լինին եղած:

Այստեղ երեխերքս պաշտպան հանդիսացանք տատիկին և բարկացանք նոր զարթած երեխայի վրա, որ միջահատեց տատիկի պատմությունը: Գիտեինք առաջուց, որ եթե տատիկի պատմությունն թեև կտրեինք, էլ մյուս անգամ նա իր ասելիքի ծայրը չէր գտնիլ, այդպես էլ կխափանվեր գործը: Եվ ճշմարիտ այնպես էլ եղավ:

Տեսնելով, որ տատիկը էլ նոր բան պատմելու տրամադրություն չունի, սկսեցին խառն ի խուռն հարցեր առաջարկել: Աղջկերքը հարցնում էին, թե՞ այնպես չէ՞, տատիկ, որ եթե աղջիկը կանաչ-կարմրի տակովն անց կենա, տղա կգառնա. տղերքը հարցնում էին, թե՞ այնպես չէ՞, տատիկ, որ եթե մեկը կարենա իր արմունկիցը պաշել, ծիտ կգառնա, և ուրիշ այս տեսակ հարցումներ:

Եվ ամենքիս սիրով պատասխանում էր Գյուլնազ տատը:

Ողորմի իրան, շատ բարեսիրտ պառավ էր. նա խնայպես մի պառավ երեխա էր, որովհետև հավատում էր այն բաներին, ինչին որ միայն երեխաները կհավատան:

1887

ՔԻՉ Է՛Ն, ՔԻՉ Է՛Ն

Առասպելն ու իրականը

(Երկու հակապատկեր)

1

Մեկ աղքատ մարդ մեկ արդի ուներ մինուճար՝ Քաջիկ անունով: Քաջիկը շատ սրամիտ էր և շատ խելոք, միայն շատ դյուրազրգիտ էր և շուտ բարկացող: Նա չէր վերցնում ոչ մի դառը խոսք, ոչ մի կոպիտ վարմունք, և այս պատճառով էլ՝ ոչ մի վարպետի մոտ երկար չէր մնում մի արհեստ սովորելու համար: Հայրը մի վարպետից մյուսի մոտ էր տանում, մի արհեստից հանում, մյուս արհեստի էր տանում, բայց որովհետև բոլոր արհեստավորներն էլ միատեսակ կոպիտ վարվեցողություն ունեին, այդ պատճառով էլ Քաջիկը ոչ մեկի մոտ էլ երկար չէր մնում:

Մեկ օր էլ հայրն ասաց.— Ես որտե՞ղ գտնեմ քեզ համար այնպիսի վարպետ, որ քո բնությանդ հարմար լինի: Մեր աշխարհի օրենքն այնպես է, որ վարպետը պետք է աշակերտին խրատե, հանդիմանե, ծեծե, որ նա մարդ դառնա:

— Այդ շատ լավ ես ասում, հայր,— պատասխանեց Քաջիկը,— բայց ի՞նչ անեմ, ես չեմ կարողանում վերցնել: Երբ որ ինձ հետ մարդավարի չեն վարվում, գլուխս շժմում է, աչքերս մքթնում, էլ ոչինչ չեմ տեսնում, ոչինչ չեմ լսում: Իմ կոպիտ վարպետներս կարծում են, թե ես գիտությունս եմ կուրանում ու իպա-

նում, և ավելի են բարկանում ու ավելի ծեծում,— այս ասաց Քաջիկը և սկսեց լաց լինիլ:

Հայրը խելոք մարդ էր. գիտեր, որ Քաջիկի ասածն ուղիղ է, բայց ինչ աներ խեղճը, կոպիտ վարպետներին բարեկրթել չէր կարող, մնացել էր տարակուսած և չգիտեր ուր տաներ յուր որդին: Վերջը մտածեց, որ տանն ուրիշ քաղաք, գուցե կարողանա յուր որդու բնությանը հարմար մի վարպետ գտնել: Այսպես մտածելուց հետո՝ հայր ու որդի վճռեցին, պատրաստություն տեսան և ճանապարհ ընկան դեպի մի ուրիշ քաղաք: Շատ գնացին թե քիչ, աստված գիտե, մինչև հասան մի աղբյուրի. նստեցան աղբյուրի մոտ, որ ճաշեն, հանգստանան և հետո շարունակեն իրանց ճամփան: Մի փոքր որ հանգստացան, հայրը բերանքսիվայր ընկավ աղբյուրի վրա, մի կուշտ խմեց և ասաց.— Ուխա՛յ... Այս խոսքերի վրա հանկարծ մի մարդ դուրս եկավ աղբյուրից՝ երկար հասակով ու մորուքով և ասաց.

— Ե՛ս եմ Ուխա՛յը. ի՞նչ եք ուզում ինձանից:

Այս որ տեսան, հայր ու որդի մնացին իրար երեսի մտիկ տալիս, դարմացան, ապշեցան և չիմացան ինչ պատասխան տան: Վերջը հայրն ասաց.

— Ուխա՛յ ապեր, մենք քեզ չկանչեցինք և ոչինչ չենք ուզում քեզանից: Մենք ճանապարհորդ ենք. սա իմ որդին է, տանում եմ մի վարպետի տամ, որ մի արհեստ սովորի:

Ուխայն ասաց.— Տուր ինձ, ես դրան լավ արհեստ կսովորեցնեմ և լավ կպահան: Ես գիտեմ դրա բնությունը, դա ամեն մարդու մոտ չի կենալ, ամեն արհեստ չի սովորիլ, բայց ինձ մոտ կմնա:

Հայրը չիմացավ ինչ պատասխան տար խորհրդավոր Ուխային, որովհետև կարծում էր, թե գուցե նա մարդ չէ, այլ սատանա է կամ հրեշտակ, բայց Քաջիկն ասաց.— Հայր, ես կերթամ նրա մոտ, երևում է, որ սա մի հնարագետ մարդ պիտի լինի. ես սրա արհեստը կսովորեմ: Հայրն ասաց.— Թող քո կամքը լինի: Եվ որդին տվավ Ուխայ ապորը: Ուխայ ապերը մի քսակ ոսկի տվավ հորը և ասաց.— Մի տարուց հետո կգաս էլի այս աղբյուրի մոտ, կխմես և կասես՝ ուխա՛յ, ես էլի դուրս կգամ և քո որդին քեզ կհանձնեմ: Այս ասելուց հետո Քաջիկի ձեռքից բռնեց և անհայտացավ աղբյուրի մեջ...

Ուխայը մի ճարպիկ ձեռնածու էր, այսինքն՝ աչքակապ, ֆուկունիկ, և միևնույն ժամանակ մի շլաված և շտեմված կախարդ: Նրա բնակարանը մի առանձնացած տեղ էր. երկրի երեսի՞ն էր արդյոք, թե գետնի տակին՝ հայտնի չէ և այնքան հրաշալի մի շենք էր, որ լեզվով պատմել չի լինիլ: Բոլոր պատերը, սյուները, առաստաղը, վերնածածկը, գավիթը, պարիսպը, մի խոսքով ամբողջ շինությունը յուր բոլոր մասներով շինված էր արծաթից, ոսկուց, ադամանդից, յաղութից, զմրուխտից և ամեն դույնի գահարներից ու անգին քարերից, և շինված էր այնպիսի վարպետությամբ և ճաշակով, որ արեգակի ճառագայթները վրան ընկնելով ամբողջ տունը ամեն բոպեից հետո մի նոր ձև, մի նոր պատկեր էր ստանում, որ մարդ նայելիս չձանձրանա, չկշտանա:

Նա ուներ ընդարձակ այգի, ամեն տեսակ ծառ ու ծաղկով զարդարված, միշտ փթթած, միշտ դալար՝ թե՛ ամառ և թե՛ ձմեռ, բայց ոչ մի խոտ, ոչ մի թուփ, ոչ մի ծառ կամ ծաղիկ բուսեղեն չէր, իսկական, բնական բույս չէր, այլ ով գիտե ինչից էին շինված և ինչպես: Ավագաններ կային տեղ-տեղ, հրաշալի ավագաններ, մարջանից շինած խողովակներով և մարմարիոնից շինած հուրիների շքնաղ անդրիներով, որոնց գլուխների վրա դրած ոսկե սափորներից ականակիտ շատրվանները միշտ հիստուն կանգուն վեր էին խփում և ցնցողնած վայր թափվում ծիածանի բոլոր գույներովը զարդարված: Բայց... չուր չէր այդ թափվածք, այլ ով գիտե, գուցե ադամանդի, այսինքն բրիլյանտի ու լյմաստի հալվածք էր կամ մի այլ զարմանալի հեղուկ:

Թռչուններ կային տեսակ-տեսակ, ամեն ցեղի և ամեն գույնի, որոնք թևերը շարժելով՝ երգում էին հազար ձայնով, բայց... չէին թռչում, որովհետև նրանց թևերը փետուրից չէին, նրանք իսկական թռչուններ չէին, բայց այնպես էին շինված, որ մի մեղմ հով փչելիս՝ նրանց մեջ սարքած մեքենան շարժել էր տալիս նրանց թևերը, և նրանց կտուցից դուրս էր գալիս մի զմայլելի երգ, և թեպետ ամեն մեկը մի ջոկ ձայնով ու եղանակով էր երգում, բայց բոլորի ձայնը մեկ տեղ խառնվելով մի զարմանալի ներդաշնակություն էր հառաջ գալիս, դառնում էր մի սքանչելի մե-

դեղի, որ մարդ լսելուց չէր կշտանում: Այդ մեղեդին յուր եղանակը փոխում էր փչած քամու կամ հովի փոխվելու հետ...

Այսպես Ուխալը ամեն ինչ ունէր, բայց բոլորն էլ ճարտարութեան գործ էր և ոչ բնութեան: Մի կին ուներ միայն, որ ճշմարիտ, իսկական կին էր, շատ գեղեցիկ և խելոք, և հմուտ յուր մարդու բոլոր գիտութեանը և արվեստին: Նրանք շունեին ոչ խոհանոց, ոչ խոհարար և ոչ ծառայ: Ճաշելու ժամանակ սեղան էին նստում և ինչ որ ուզում էին, իսկույն դրվում էր սեղանի վրա ոսկեղեն ամաններով: Քաջիկը ոչ տեսած և ոչ էլ լսած էր, այնպիսի համազամ կերակուրներ կային: Եթէ նրա սիրտը երբեմն յուր թանապուրն էր ուզում կամ մախտիւր, իսկույն դրվում էր նրա առաջին: Երբ որ ծարաւում էին, վերցնում էին դատարկ բաժակը և նա իսկույն լցվում էր պարզ ու զովարար ջրով: Հագնել էին ուզում, իսկույն պատրաստ էր լինում հագուստը, ինչ ձևի և ինչ կտորից որ ուզենային: Եվ այսպես ամեն ցանկություն, ամեն փափագ կատարվում էր իսկույն և եթէ Քաջիկին սկզբում շատ տարօրինակ էր թվում այս ամենը, բայց հետզհետե ընտելացավ և հաշտվեցավ այս զարմանալի վիճակի հետ:

Այսպես մի քանի օր անցավ, Ուխայն ասաց Քաջիկին.

— Տես, ահա մենք որդի շունինք, եթէ դու լավ սովորես իմ արհեստը, ես քեզ կորդեզրեմ, դու կդառնաս իմ որդին և կպահպանես ինձ և իմ կնոջը մեր ծերութեան ժամանակ:

Այս հույսով Ուխայն սկսեց սովորեցնել Քաջիկին յուր կախարդութեան արհեստը: Նա սովորեցնում էր կերպարանափոխվելու հնարքը, թե ինչպես մարդը յուր ուղած բանը դառնա, օրինակ՝ ձի, թռչուն, քար, ծառ և ուրիշ բան, ինչ որ ուզենա:

Ամեն մի ջոկ բան դառնալու համար մի ջոկ ասելիք կար, այն ասելիքը որ սովորեիր և ասեր, իսկույն կդառնար յուր ուղած բանը:

Քաջիկն սկսեց սովորել և վարժութեան համար ինչ ասես դառնում էր— ձի էր դառնում և շափ ընկնում դետուղեն, մուկն էր դառնում, ծակուծուկ մտնում. կատու էր դառնում, մլավում. շուն էր դառնում, հաշում. թռչուն էր դառնում, թռչում. ծառ էր դառնում, ճղները տարածում դետուղեն. քար էր դառնում, մի տեղ ցցվում կամ վայր ընկնում. դերվիշ էր դառնում և շանազը ձեռքն առած երգում, փայ ուզում. աշըղ էր դառնում, սազ ածում և խաղ ասում կամ մի նոր մարաքա սարքում...

Ուխայի կինն ավելի շատ բան էր սովորեցնում Քաջիկին և շատ սիրում էր նրան: Նա սկսեց այնպիսի բաներ սովորեցնել, որ մարդուն հաճելի չէր: Թեպետ այդ բաները նա ծածուկ էր սովորեցնում, բայց սատանա և խորամանկ Ուխայից ինչ կծածկվեր: Ուխայն ամեն գաղտնիք չէր ուզում հայտնել Քաջիկին. այդ բանը դեռ վաղ էր համարում, չէր ուզում յուր հացը բոլորովին կտրել և տալ ուրիշին: Երբ որ գլխի ընկավ, որ Քաջիկն ավելի է հառաջ գնացել, քան թե պետք էր, սկսեց խեթ աչքով նայել նրա վրա և վերջը բանը մինչև այնտեղը հասավ, որ ուզեց սպանել նրան:

Բայց կինն էլ պակաս խորամանկ չէր: Նա էլ երբ որ իմացավ մարդու միտքը, ուզեց ազատել Քաջիկին, և ասաց նրան, որ խելագար ձևանա և այնպես ցույց տա, որ իբր թե էլ ոչինչ չի կարողանում սովորել և ինչ որ սովորել է, բոլորն էլ մոռացել է:

Քաջիկը ձևացրեց իրան իբրև խելագար՝ յուր սովորած արվեստի բոլոր ճարտարութեամբ, դեղնեց, սփրթնեց և սկսեց խենթ ու խելառ, ինչ ասես, դուրս տալ գլխիցը և այնպիսի վտանգավոր բաներ անել, որ միայն խելագարը և գլխից ձեռք վերցրած մարդը կաներ:

— Խեղճ տղա,— ասաց մեկ օր էլ կինը մարդուն,— շատ բան սովորելուց գժվեցավ...

Խորամանկ Ուխայը հեշտ և շուտ խաբվող չէր: Նա ամեն հնար գործ դրավ, որ իմանա, թե արդյոք Քաջիկն ստո՞ւյգ խելագար է, թե ձևանում է միայն, բայց ի վերջո բոլորովին համոզվեցավ, որ Քաջիկի խելագարութեան մեջ ոչինչ կեղծիք չկա...

Շենց այդ ժամանակները Քաջիկի հայրը ևկավ աղբուրից խմեց, ուխայ ասաց. Ուխայն իմացավ իսկույն և Քաջիկին տարավ տվավ հորը և ասաց.— Որդիդ հիվանդացավ, և ինչ որ սովորել էր մոռացավ: Տար տուն, երբ որ լավանա, էլի բեր ինձ մոտ: Այս ասելուց հետո նրան մի քսակ ոսկի տվավ և ինքն անհայտացավ:

Ուխայը շատաց, թե քո որդին խելագարվել է, և լավ էր, որ շատաց, եթէ ասեր, շատ վատ կլինէր Քաջիկի համար. նա այնուհետե ինչ խելոք բան էլ որ անէր, հորը խենթութեան պիտի թվար:

Ճանապարհին հայրն սկսեց հանդիմանել որդուն և ասել, որ նա կարողանալու չէ մարդ դառնալ:

— Մարդ որ չդառնամ,— պատասխանեց որդին,— մի՞թե մի ուրիշ կենդանի էլ չեմ կարող դառնալ, օրինակ՝ ձի, էջ, ուղտ...

— Ի՞նչ ասել կուզի որ կարող ես, ի՞նչ կա ավելի հեշտ, քան թե էջ դառնալը, դժվարը միայն մարդ դառնալն է...

— Այդպես չէ, հայր. մարդ դառնալու համար ոչինչ դժվարութուն չկա. մենք մարդ ենք ու մարդ, էլ ինչ հարկ կա մարդ դառնալ, բայց ուրիշ բան է, եթե մարդը կարողանա էջ դառնալ, ձի դառնալ, քար դառնալ, ծառ դառնալ...

— Այսպես չէ, որդի. ով որ օրինավոր մարդ չէ, նա մի որեւիցե կենդանու է նման, հապա շե՞ս լսել, որ ասում ենք՝ այսինչ մարդը հիմար էջ է, փլանը կոպիտ արջ է, փստանը անզգա խոզ է, այսինչը խաբեբա աղվես է, այնինչը գիժ գոմեջ է, Մարկոսը մի խորամանկ օձ է, Կիրակոսը վախկոտ նապաստակ է, Մաթոսը մի կատաղած շուն է...

— Ոչ, հայրիկ, ես ուրիշ բան եմ ասում, դու ուրիշ: Ախր ես ուսում եմ առել, շատ բան եմ սովորել, դու իմ ասածը, իմ լեզուն չես կարող հասկանալ:

— Ինչո՞ւ չեմ հասկանալ, որդի, եթե մարդավարի խոսես: Ես ասում եմ՝ մարդ դառնալն է դժվար, դու ասում ես՝ էջ դառնալն է դժվար. այստեղ ի՞նչ կա չհասկանալու. այդ ի՞նչ ուսում է...

— Այս այն ուսումն է, որ ես կարող եմ ուղտ դառնալ, բայց դու չես կարող...

— Աստված մի՛ արասցե. ես չեմ էլ ուզիլ ուղտ դառնալ: Ինչո՞ւ մարդ դառնալը թողած՝ ուղտ դառնալը սովորեցիր, մի՞թե մեզանում քիչ ուղտեր կան... Ով որ լսի, մեզ ի՞նչ կասի. չի՞ ասիլ՝ փլանը յուր տղին տարել է տվել ուսումի, որ մարդ դառնա, բայց նա ուղտ է դառել...

Այսպես հայր ու որդի վիճելով շարունակեցին իրանց ճանապարհը, մինչև հասան մի մացառուտ տեղ: Այնտեղ Քաջիկը ետ ընկավ և մի թուփի քամակ անցնելով՝ դառավ մի եղնիկ և վազելով գնաց հոր առաջը: Հայրն ուղեց բռնել, չկարողացավ: Եղնիկը չէր փախչում, այլ մինչև անգամ բռնել էր տալիս և մեկ էլ հանկարծ դուրս պրծնում: Հայրը կանչեց Քաջիկին, որ հասնի օգնե, բայց Քաջիկը չերևաց, մինչև եղնիկը փախավ ընկավ մացառուտը, նոր այնտեղից դուրս եկավ Քաջիկը: Հայրը բարկացավ որդու վրա, թե ինչո՞ւ շուտ չեկավ և սիրուն եղնիկը ձեռքից փախ-

ցրնել տվավ: Քաջիկը ծիծաղեց միայն և ոչինչ չասաց. մի քիչ որ առաջ գնացին, նա էլի ետ մնաց, դառավ մի ձիու քուռակ և գնաց հոր առաջին կանգնեց: Հայրն ուղեց բռնել, բայց քուռակը բռնել չէր տալիս: Կանչեց որդուն, որդին չերևաց, մինչև քուռակը փախավ անհայտացավ, նոր երևաց որդին, բայց ուշ էր: Հայրը դարձյալ հանդիմանեց որդուն, թե ինչո՞ւ ուշացավ, և սկսեց պատմել, թե ինչքան գեղեցիկ էր քուռակը, կասեիր մի քաշած պատկեր էր, և անպատճառ մի հրեղեն կամ ծովածիու քուռակ էր:

Այսպես՝ մինչև տուն հասնելը որդին շատ շարժարեց հորը՝ զանազան բաներ դառնալով: Հենց որ հայրը հոգնում էր և ուզում էր նստել, Քաջիկը մի առիթ էր գտնում. ծածկվում և ծածուկ մի բան դառնալով հոր առաջն ընկնում վազում, հայրն ընկնում էր հետևիցը և բավական տեղ վազում էր. և մինչև տուն համարյա վազելով գնաց խեղճը:

Երբ որ տուն հասան, մյուս օրը որդին պատմեց հորը, որ ճանապարհին պատահած բոլոր բաներն ինքն էր: Հետո ասաց.— Ես հիմա մի լավ ձի կդառնամ, դու ինձ տար ծախիր, միայն իմ սանձը չծախես: Այս ասելուց հետո՝ մտավ գոմը և այնտեղ դառավ մի կարմիր ձի և այնքան գեղեցիկ, որ տեսնողը կասեր՝ ոչ ուտեմ, ոչ խմեմ, միայն սրա շենք ու շնորհքին մտիկ տամ: Հայրը տարավ բազար և բոլոր տեսնողները մնացին հիացած: Հազար մանեթ գին դրավ և մեկը, առանց խոսելու՝ հանեց տվավ փողը ձին առավ տարավ: Հայրը սանձը չտվավ և փողի հետ տարավ տուն: Առնողը տարավ ձին և սկսեց խաղացնել, բայց չկարողացավ սանձահարել և հրաշալի կենդանին հրեղեն ձիու նման թե առած՝ թռավ՝ անհայտացավ: Մի ժամից հետո նա իրանց տանն էր և առաջվա Քաջիկն էր: Այսպես մեր Քաջիկը մի քանի անգամ ձի դառնալով և ամեն անգամ ուրիշ գույնով, ավելի թանկ գնով ծախվեցավ:

Մեկ օր էլ, երբ որ հայրը նրան բազար էր դուրս բերել, մի քոսակ մարդ մոտեցավ, ձեռքը քսեց ձիու բաշին, աչքերին, շատ հավանեց, գովեց և հարցրեց գինը: Հայրն ասաց, որ գինը տասը հազար մանեթ է, առանց սանձի:

— Իսկ սանձն ի՞նչ արժե,— հարցրեց Քոսակը:

— Սանձը ծախու չէ,— պատասխանեց հայրը:

— Սուտ ես ասում, կծախես,— ժպտալով ասաց քոսակը. երևի ուղում ես մի բան էլ սանձի համար գլչես: Ես առանց սան-

ձի շեմ առնիլ, որովհետև այս սանձն ինձ ավելի է դուր գալիս, քան թե ձին, և այս պատճառով ես մի հաղար մանեթ էլ սանձի համար կավելացնեմ:

— Զեմ կարող տալ, թեկուզ երկու հաղար մանեթ տաս...

— Ի՞նչ անխելք մարդ ես... դե լա՛վ, տասը հաղար էլ սանձի համար կտամ:

Այս որ ասաց քոսակը, բոլորի բերանը բաց մնաց. թե գիժ խոմ չէ այս մարդը, որ վեց շահանոց սանձին տասը հաղար մանեթ է տալիս:— Գիժն ավելի շտվողն է,— ասացին շատերը և սկսեցին մեղադրել ձիավաճառին, թե ինչո՞ւ այդպիսի մի առասպելական գնով չի ծախում սանձը: Ինքը հայրը մնաց զարմացած այդ գնից և շշկվելով՝ սանձն էլ հետը ծախեց. Քոսակը քսան հաղար մանեթ համրեց տվավ հորը և ձիու սանձն առավ ձեռքը:

Երբ որ քոսակը ձիու սա՛ճը ձեռքն առավ, ամենքն էլ նկատեցին, որ ձիու աչքերից արտասուքի խոշոր կաթիլներ թափվեցին: Հայրն էլ տեսավ և գղջաց. ուզեց ետ առնել ձին, բայց քոսակը ժամանակ չտվավ. նա հեծավ ձին և մի ակնթարթի մեջ անհայտացավ:

Այս քոսակը Ուխայն էր և ճանաչել էր Քաջիկին:

4

Ուխայր ձին տարավ յուր դռանը կապեց, ինքը մտավ տուն, առավ մեծ դանակը և սկսեց սրել, որ նրանով Քաջիկին մորթե: Կինը նայեց պատուհանից և ճանաչեց Քաջիկին: Մինչև մարդը դանակը կտրեր, կինը թաքուն վայր իջավ և սանձը վեր տռավ ձիու գլխից: Քաջիկն իսկույն մի աղավնի դառավ և թռավ դեպի տուն: Ուխայր դուրս եկավ և տեսավ, որ ձին չկա, աչքովն ընկավ աղավնին և իսկույն ինքն էլ մի բազե դառավ և ընկավ աղավնու հետևիցը: Աղավնին տեսավ, որ բազեն հետևիցն է ընկել, իսկույն իմացավ, որ Ուխայն է. յուր ուժը կրկնապատկեց, որ նրա ճանկը շքնկնի: Այսպես աղավնին փախավ, բազեն էլ նրա հետևից, մինչև հասան մի գյուղ, և հենց այն էր՝ քիչ էր մնում, որ բազեն բռներ աղավնուն և քրքրեր, աղավին իսկույն մի կարմիր խնձոր դառավ և վայր ընկավ մի տան հերթից: Այդ տանը հարսանիք կար: Ես-

րափեսան յուր մակարներով սեղան էին նստած և ուրախություն էին անում: Նորափեսի առաջին, ինչպես սովորություն է, շատ մրգեղեն կար, որ բերել էին բարեկամները իբրև թագավորի մագալ: Հերթից վայր ընկած կարմիր խնձորն էլ դրին թագավորի առաջին. էարծելով, թա բարեկամներից մեկը կլինի վայր ձգած զվարճության համար: Բայց շուտով ամենքի ուշադրությունը դարձավ այդ խնձորի վրա, ամենքը նկատեցին, որ այդ խնձորը հասարակ խնձոր չէ: Ամենքն էլ ձեռքներն առան խնձորը, հոտտեցին, հիացան և գովեցին, ամեն մեկը մի բան ասաց, և վերջում մեկն էլ ասաց, որ այս խնձորը հասարակ խնձոր չէ. սրան մարդ չի վայր գցել հերթիցը և ի՞նչ հարկ կար. սա անպատճառ երկնքից է վայր ընկել և այն խնձորներիցն է, որ հեքիաթների մեջ հարսանիքի վերջին երկնքից վայր է ընկնում:

Բազե դառած Ուխայր Քաջիկի խնձոր դառնալը որ տեսավ և իմացավ, որ նույն տանը հարսանիք կա, ինքն էլ աչքը դառավ և սազը ձեռքին մտավ հարսանքատուն: Աչքը պատվով ընդունեցին և նստեցրին փեսայի դեմուզեմը: Աչքը լարեց սազը և սկսեց այնպիսի երգեր երգել և այնպիսի եղանակներ ածել, որ բոլորովին մոռացնել տվավ խնձորի ներկայությունը, միայն ինքը աչքը խնձորից չէր հեռացնում: Վերջը երբ որ ուզում էին նրան մի լավ պարգև տալ, այսինքն նորահարսի գործած մի ջուխտ նախշուն գլուխ և մի ցուխտ կարճիք տրիսառան, աչքը վեր շառավ և խաղով հասկացրեց, որ յուր ուզածը միայն կարմիր խնձորն է...

Նորափեսան շուրջ աչքի խաթրը կտտրել, վեր առավ խնձորը, որ տա իրան, բայց խնձորը վայր ընկավ ձեռքիցը և մի բուռը կորեկ դառնալով փուկեց հատակի վրա: Ամենքը ետ-ետ քաշվեցան, որ տեսնեն այդ ինչ հրաշք էր, արդյոք խնձորն էր, որ կորեկ դառավ, թե՞ խնձորը մի աման էր կորեկով լիքը, այդ միջոցին հանկարծ մի հավ լույս ընկավ և սկսեց կտկտալով հավաքել կորեկը: Հենց որ բոլորն արդեն վերջացնելու վրա էր, կորեկի մեկն ասեղ դառավ և թռավ ցցվեց նորահարսի կրծկալի մեջ. հավն էլ իսկույն մի բարակ թել դառավ և թռավ անցավ ասեղի ծակը և ուզեց ասեղը յուր հետ թաքնել, բայց ասեղը հաղթեց թելին և թռավ ընկավ կրակի շեղի մեջ: Թելը կրակումն այրվեց իսկույն, իսկ ասեղը դուրս թռավ և դարձավ մեր Քաջիկը և զարսուցրեց հանդիսականներին:

Թեպետ Քաջիկն էլի՞ Քաջիկ դառավ և ազատվեց Ուխայից, որ արդեն մոխիր էր դարձել, բայց ինքն էլ այրվեցավ բավականին և ոչ միայն յուր առաջվա գեղեցկութիւնն ու թարմութիւնը կորցրեց, այլև իր ձեռք բերած շնորհքը, յուր սովորած արհեստը: Էլ չկարողացավ մի ուրիշ բան դառնալ. նրա բոլոր ասելիքները, բոլոր աղոթքներն ու թախամանները կորցրին իրանց զորութիւնը Ուխայի այրվելու հետ...

5

Շատ ցավում է մարդ, որ մի բան է կորցնում, թեկուզ այդ բանը շատ փոքր լինի: Երեխան, երբ որ երազումը դանակ է գրտնում և մշուս օրը տեսնում է, որ գտած դանակը չկա, սկսում է լաց լինել: Ուրեմն ինչքան կցավեր Քաջիկը, որ ոչ թե երազումը գտած դանակ էր կորցրել, այլ յուր շնորհքը, յուր բոլոր ուսումը, այն էլ այնպիսի ուսում, որ ոչ ոք չգիտեր բացի իրանից: Նա շատ դարդ արավ և վերջը մտածեց, որ գնա Ուխայի կնոջ մոտ, պատմե եղելութիւնը և նորից ձեռք բերե յուր գիտութիւնը: Այս մտքով ճանապարհ ընկավ դեպի Ուխայի բնակարանը, բայց... էլ ոչինչ չկար... ամեն ինչ ցնդել էր օդի մեջ, ոչ մի հետք, ոչ մի նշան անգամ չէր մնացել: Քաջիկին թվում էր, թե ուրեմն ամեն ինչ երազում էր տեսել, դանակը գտնող երեխայի նման, բայց չէ, նա աշկարա տեսնում էր յուր այրված կաշին, յուր շեշտոված և այլանդակված կերպն ու կերպարանքը:

Այսպես դարդ անելով՝ մեր Քաջիկը ճանապարհ ընկավ դեպի ուրիշ երկիր, որ գուցե կարողանա մի նոր արհեստ սովորել և յուր այրված կաշին առողջացնել: Շատ գնաց թե քիչ, աստված գիտե, վերջը հասավ մի ծովեզրյա քաղաք: Այս քաղաքումը նա լսեց, որ ծովումը մի կղզու վրա մի երևելի բժշկ է կենում և նա ամեն ցավի դեղ գիտե, ամեն ցավ բժշկում է: Նա շաբթեներ երկու անգամ դուրս է գալիս յուր նավակով և ամեն հիվանդի ասում է, թե ինչով պետք է բժշկվի. շատ անգամ դեղերն էլ ինքն է տալիս և ոչինչ չի առնում ոչ դեղի և ոչ բժշկութեան համար:

Այս լուրը շատ ուրախացրեց Քաջիկին: Մյուս օրը բժշկի դուրս գալու օրն էր: Քաջիկը գնաց ծովափ և մյուս հիվանդների հետ կանգնեց: Անթիվ հիվանդներ կային ոչ միայն մոտիկ տեղե-

րից, այլև շատ հեռավոր երկրներից: Շատերը մերձիմահ ընկած էին մահիճների մեջ, նրանց բերել էին պատգարակներով: Բժիշկը դուրս եկավ ափը և ամենից առաջ դժվար հիվանդների մոտ գնաց, նրանց ամենքին էլ դեղ տալով, իսկույն ոտքի կանգնեցրեց և մի քանի խորհուրդ տալով ճանապարհ ձգեց. պատգարակով բերածները վերադարձան իշանց ոտքով: Հետո մոտեցավ ավելի թեթև հիվանդներին և որչն դեղ տվավ, որին խորհուրդ. ամենից վերջը մոտեցավ Քաջիկին և ասաց.— Դու կգաս ինձ հետ, քեզ ինձ մոտ կբժշկեմ: Այս խոսքն այնպես քաղցրութամբ և մտերմաբար ասաց, որ կարծես նրա մոտիկ բարեկամը և ծանոթը լիներ: Քաջիկը բժշկի հետ նստեց նավակի մեջ և թիավարելով գնացին բժշկի բնակարանը:

Բժշկի կղզին մի փոքր կղզի էր, և բացի իրանից ոչ ոք չէր կենում այնտեղ: Նա էլ ուներ Ուխայի նման լավ տուն ու տեղ, լավ այգի, բայց բոլորն էլ հասարակ, բնական, ինչպես սովորաբար լինում են աշխարհի լավ տներն ու այգիները, միայն ավելի գեղեցիկ, ավելի ճաշակով էր շինված: Նրա սարտեղի մեջ ամեն սեսակ խոտ ու ծաղիկ կար, այդ բույսերը աճում, ծաղկում էին և անուշահոտութեամբ լցնում ամբողջ պարտեզը: Նրանք ամենքն էլ պետքական էին, ամեն մինը մի քանի ցավի դեղ էր: Նրա տունը զարդարած էր գեղեցիկ կահ-կարասիքով: Մի մեծ սենյակ գրքերով էր լիքը. մի քանիսը՝ հազար ու մեկ տեսակ բաներով: Այդտեղ կային զանազան հանքեր, շորացած բույսեր, հեղուկ և շորացրած դեղեր:

Բժիշկն սկսեց Քաջիկին հարցուփորձ անել, և երբ որ իմացավ նրա զխի անցքը, ասալ.— Ուրեմն դու կմնաս ինձ մոտ, ես քեզ այն բաները կսովորեցնեմ, ինչ որ վայել է մարդուն գիտենալ. քո առաջվա սովորած մի անբնական և ցնորական բան է եղել. և ցնորքի պես էլ ցնդել է օդի մեջ: Ես քեզ կսովորեցնեմ բժշկութիւն, բայց առաջ քեզ կբժշկեմ, որ դու հավատաս իմ դեղերի զորութեանը: Այս ասելուց հետո Քաջիկին մերկացրեց և մի տեսակ յուղ քսեց նրա բոլոր մարմնին և երեսին: Մյուս օրը մեր Քաջիկն այնպես էր, ինչպես մորից նոր ծնած. նա ոչ միայն բոլորովին լավացավ, առողջացավ, այլև ավելի թարմացավ, գեղեցկացավ, քան թե առաջ էր:

Բժիշկը, որքան որ նշանավոր բժիշկ էր, մի այնքան էլ շնորհալի դաստիարակ էր: Ինչ որ ուրիշը մի տարումը հազիվ

կարող էր սովորեցնել, նա մի քանի օրումն էր սովորեցնում: Քաջիկն էլ լավ աշակերտ էր և նրա ուշիմութունն էր, որ գրավում էր բժշկին, եթե ոչ՝ նա իզուր տեղը յուր անցավ գլուխը ցավի մեջ չէր գցիլ: Տեսավ որ մի շատ շնորհալի տղա է Քաջիկը, ուզեց մի հիշատակ թողնել իրանից հետո, որ յուր տեղը բռնող մեկը լինի: Քիչ ժամանակից հետո մեր Քաջիկը դարձավ բժշկի քաջ օգնականը, և ամեն անգամ, երբ բժիշկը դուրս էր գալիս ցամաք՝ հիվանդներին բժշկելու, Քաջիկին էլ հետն էր տանում, որ տեսնի, թե ո՞ր տեսակ հիվանդին ի՞նչ տեսակ դեղով է բժշկում: Դժվա՛հ հիվանդներին բերում էին կղզին և իրանց մոտ էին բժշկում: Դրանք այնպիսի հիվանդներ էին լինում, որոնց պետք էր լինում վիրահատություն: Պատահում էր, որ շատերի փորը կտրում էին, ներսի վերքերը մաքրում, վրան դեղ ածում, փորը նորմեկանց կարում, առողջացնում: Այսպես անցավ մի ժամանակ, շատն ու քիչը աստված գիտե, և Քաջիկը շատ բան սովորեց. բայց որքան շատ սովորեց, այնքան շատացավ սովորելու փափագը, և նրան այնպես էր թվում, որ դեռ ոչինչ չգիտե, որովհետև սկսեց իմանալ, թե ինչքան բաներ կան գիտենալու, որ ինքը դեռ չգիտե:

Բժիշկը որքան որ բարի մարդ էր և ամեն բան սովորեցնում էր Քաջիկին, բայց Քաջիկը կասկածում էր միշտ, թե նա էլի շատ բան պիտի գիտենա, բայց իրան չի հայտնում: Ծճմարիտ, որ բժիշկը շատ բան ծածկում էր նրանից և հենց յուր անձը, յուր կյանքը, յուր ուժ լինելը՝ նրանից ծածկած էր պահում, ոչ ոք չգիտեր նրա ուժ լինելը: Նրա մի քանի սենյակները միշտ կողպված էին, և Քաջիկը չգիտեր ի՞նչ կա նրանցում և ինչո՞ւ է ծածկած պահում: Քաջիկը յուր տարակույսները չէր հայտնում վարպետին, բայց ինքն էլ չէր բավականանում յուր սովորածով, միշտ փորձեր էր անում և շատ բժշկական գյուտեր էլ արավ, որոնց մասին հաշիվ չէր տալիս յուր վարպետին: Վարժապետի ու աշակերտի այս անհարմար հարաբերությունը վերջ ստացավ հետևյալ դեպքով:

Մեկ անգամ մի հիվանդ բերին իրանց հետ ձղզի: Բժիշկն այդ հիվանդին տարավ մի ջուր տուն, դուռը ներսից կողպեց, որ Քաջիկը ներս չգնա: Սրանով արդեն նրկացրեց որ շատ բան ծածկում է Քաջիկից: Քաջիկն այս տեսնելով, շատ նեղացավ, բայց և ուզեց տեսնել, թե ինչ է անում հիվանդին: Թաքուն բարձրացավ տանիքի վրա, նայեց լուսամուտից և տեսավ, որ հիվանդի գլխի

սկավառակը վերցրել է, ուղեղի վրա մի ինչ որ բզոճ կա, ուղում է մաշով վերցնել, բայց բզոճը շանգերը մեկնում է, ուղեղի փառի վրա, բժիշկը ետ է քաշում մաշան: Ետ քաշելու պատճառն այն էր, որ բժիշկն ուզում էր բզոճն այնպես վերցնել, որ նա յուր շանգերով ուղեղի փառը չպատռե: Քաջիկը երբ որ տեսավ, թե շատ է շարշարվում բժիշկը, և հնար չունի անվնաս վերցնելու բզոճը, էլ չգիմացավ և բղավեց տան հերթիկից.

— Մաշան տաքացրո՛ւ, վարպե՛տ, մաշան տաքացրո՛ւ...

Այս որ լսեց բժիշկը, ունեւին (մաշան) դեն գցեց և դուրս եկավ: Քաջիկն էլ տանիքից իջավ և փախավ, կաթձելով, թե վարպետը դուրս եկավ, որ բարկանա վրան կամ ծեծե: Մի ժամու չափ թաք կացած մնաց Քաջիկը, հետո կրկին սրտապնդեց և բարձրացավ տանիքի վրա, որ տեսնե, ի՞նչ արավ վարպետը: Նայեց տեսավ, որ վարպետը չկա, իսկ հիվանդը միևնույն դրության մեջ թմրած ընկած է: Այս որ տեսավ, իջավ տանիքից և ներս գնաց, մաշան տաքացրեց և բզոճի միջքին դրավ թե չէ՝ բզոճը շանչերը ներս քաշեց, կուշ եկավ, և Քաջիկը վեր առավ դեն ձգեց: Սկավառակը դրեց տեղը, դեղը քսեց, փաթաթեց, հոտ տվավ հիվանդի քթին, և նա իսկույն փոշտաց, վեր կացավ և ինքն իրան բոլորովին առողջ զգաց:

Հիվանդին բժշկելուց հետո՝ Քաջիկը գնաց յուր վարպետին փնտրելու: Շատ ման եկավ, և ամբողջ կղզին տակնուվրա արավ, բայց վարպետին չգտավ: Ետ դառնալիս Քաջիկը տեսավ մի արձանի վրա գրված հետևյալ ոտանավորը.

Մարդս ինչքան էլ լինի գիտնական,

նրա ուղեղը մաղի է նման,

Մի շնչին բանից մաղը կոկորտի,

եվ իմաստունը կրդառնա անբան:

Այս ոտանավորը կարդալուց հետո Քաջիկը մտածեց, թե չլինի՞ յուր վարպետը խելագարվել է և ինքն իրան ծովն է ձգել: Եվ ու՛ր գիտե, գուցե հենց այդպես էլ էր:

Բժշկի անհայտանալուց հետո Քաջիկն ընկավ խոր տխրության մեջ: Ինչ շարաքախտ աշակերտ եմ ես, ասում էր ինքն իրան. առաջին վարպետու կրակն ընկավ, սա էլ ընկավ ջուրը:

ով գիտե ինչպէս կլինի իմ էլ վախճանն: Ես էլ մահկանացու եմ, ես էլ պետք է մեռնիմ, բայց ինձանից հետո՝ էլ ո՞վ կիմանա, թե ո՞ր ցավն ինչպե՞ս էին բժշկում: Եվ ի՞նչ հարկ թաքցնելու: Գիտութունը թաքցնելը լավ բան չէ: Արի ես աշակերտներ կհավաքեմ ամեն երկրից և ամենքին էլ բժշկութուն կսովորեցնեմ...

Ճշմարիտ որ՝ Քաջիկի ժամանակ ով որ մի օգտակար բան գիտեր, ուրիշին չէր հայտնում, չէր սովորեցնում: Ամեն մի բան գիտցող հայր յուր որդուն էր սովորեցնում յուր գիտցածը, նրան էր հայտնում յուր արհեստի գաղտնիքը և այն էլ այն ժամանակ, երբ որ մեռնելիս էր լինում: Հանկարծ մեռնողներն ու ժառանգ շունչեղները իրանց գիտութունն էլ տանում էին մյուս աշխարհը...

Քաջիկը մնաց նույն կղզու վրա և շարունակեց յուր վարպետի գործը: Նա բաց արավ կողպած սենյակները և նրանցում գտավ շատ բժշկարաններ և այն գրքերից սովորեց այն բոլոր բաները, ինչ որ չէր սովորեցրել նրան յուր վարպետը: Հետո յուր մոտ ժողովեց ամեն կողմից շատ աշակերտներ և ամենքին էլ սովորեցրեց բժշկութան արվեստը: Նրա աշակերտներն էլ աշակերտներ ունեցան և այսպիսով բժշկութան արվեստը տարածվեցավ ամեն տեղ: Քաջիկի աշակերտները ամեն տեղ գովում էին իրանց վարպետին և ասում էին, որ նա կարող է մեռածներին էլ կենդանութուն տալ, բայց այդ բանը չի անում, որովհետև աստծո հրամանին ընդդեմ է համարում:

Ճշմարիտ որ Քաջիկը գտել էր մեռածին կենդանութուն տալու դեղը, բայց երկար ժամանակ գործ չէր դնում: Վերջը, ասած է՝ «Մեծ մարդիկների սխալն էլ մեծ կլինի», նա վաղ մի քանի փորձեր անել: Դրա համար բարկացավ Գաբրիել հրեշտակը և մտքումը դրեց պատժել Քաջիկին:

Մեկ անգամ Քաջիկը ժողովեց յուր աշակերտներից ավելի հըմուտներին և ասաց նրանց.— Ես շատ եմ ծերացել, էլ առաջվա ուժը չունիմ: Ուզում եմ վերանորոգվել, ջահիլանալ, բայց առանց ձեր օգնության կարող չեմ: Ես մի դեղ կիմեմ և կթմրեմ կամ կմեռնեմ, դուք կկտրեք իմ փորս և կուրծքս, այսինչ դեղերով կլվանաք բոլոր փորոտիքս ու թոքերս, կվերցնեք և գլխիս սկավառակը, ուղեղիս խորշերը կմաքրեք այսինչ դեղերով և կսրսկեք այսինչ դեղերը: հետո կմիացնեք ամեն բան ինչպէս գիտեք: Երբ ամեն բան կվերջաց-

նեք, ահա այս շիշի դեղը կածեք բերանս. սա մի կենարար հեղուկ է և իմ սեփական գյուտս է: Երբ որ կկատարեք ճշմարտությամբ բոլոր իմ ասածներս, ես կհայտնեմ ձեզ այս հեղուկի ձեռք բերելու հնարը:

Աշակերտները պատրաստակամութուն հայտնեցին և պատրաստեցին իրանց վիրահատության սուր-սուր դանակները: Քաջիկը մի դեղ խմեց, թմրեց, աշակերտները ճարտարությամբ կատարեցին ամեն բան: Մնաց վերջին կենարար հեղուկը, որ պիտի ածեին բերանը: Գաբրիել հրեշտակը աներևութապես կանգնած էր նրանց մոտ և նրանց արածը մի շոտակ օջինբազուկութուն համարելով ծիծաղում էր: Վերջին հեղուկը որ ուզեցան ածել Քաջիկի բերանը, հրեշտակը խփեց թևովը, և շիշը վայր ընկավ աշակերտի ձեռքիցը, և բոլոր հեղուկը վայր թափվեց ցնդեց, մի կաթիլ միայն ընկավ Քաջիկի բերանը: Այդ մի կաթիլը կես շունչ և կես կյանք տվավ Քաջիկին, և նա կանչեց.

— Քիչ է՛լ, քիչ է՛լ...

Ուզում էր ասել «էլի մի քանի կաթիլ կաթեցրեք», չիմանալով, թե ինչ փորձանք է պատահել շիշի գլխին:

Այսպես ահա խեղճ Քաջիկը մինչև այսօր էլ կա, ոչ մեռած և ոչ էլ կենդանի, և անդադար կանչում է— Քիչ է՛լ, քիչ է՛լ...

Այսպիսի մի վախճան է ունեցել և երևելի Լոխման հեթմը: Նա էլ յուր կյանքի վերջումը Քաջիկի նման մի փորձ է արել և մինչև այսօր կանչում է բարակ ձայնով— Բիշ ուզ... բիր ուզ: Բերանն անքան բաց չի լինում, որ կարենա ասել— բիր ազ, բիր ազ, որ նշանակում է՝ մի քիչ, մի քիչ, այսինքն՝ մի քիչ էլ, մի քիչ էլ...

ԱՅՅԱԹԻԷ

Հրեշտակ ջան, քիչ է՛լ, քիչ է՛լ.

Խնդրում եմ քիչ է՛լ, քիչ է՛լ.

Կյանքիս թելը մի՛ կտրիւ.

Թող ապրիմ քիչ է՛լ, քիչ է՛լ...

Ասում եմ քիչ է՛լ, քիչ է՛լ.

Խնդրում եմ, քիչ է՛լ, քիչ է՛լ.

Քաջիկի օրն եմ ընկել.

Կանչում եմ՝ քիչ է՛լ, քիչ է՛լ...

1887

489

ՎԻՇԱՊԻՆ ՀԱՂՈՒՐԸ

(Գյուղագնական աշխարհից)

1

Ինչ որ ձեզ ասեցու եմ սիրելի մանուկներ, պատահել է մեզանից՝ ով գիտե՛ք քանի-քանի հազար տարի առաջ...

Եվ առհասարակ բոլոր հրաշալիքները, որ ես ձեզ պատմել եմ, պատահել են շատ վաղվանից, ո՛վ գիտե՛ք ո՛ր ժամանակ:

Էլլադայի հրաշալի աշխարհում, մի բարձր սարի տակից բխում էր մի պատվական աղբյուր: Պրքա՛ն տարի է անցկացել, բայց այն աղբյուրը դեռ մինչև այսօր էլ կա և բխում է միևնույն տեղից:

Օրը մթնելու վրա էր, արեգակն անց էր կենում սարերի քամակը և իր վերջին ճառագայթներով ոսկեզօծում էր մեր ասած լեռնային աղբյուրը, երբ մի երիտասարդ՝ Բելլերոֆոնն անունով, մոտեցավ նրան: Երիտասարդը մի սանձ ուներ ձեռքին, մի սանձ անգին գոհարներ հաղցրած և ոսկենկար փորագրություններով զարդարած: Նա աղբյուրի մոտ տեսավ մի ծերունի, նրա մոտ միջահասակ մի գյուղացի, մի սիրուն գանգուրիկ տղա և մի մատաղահաս աղջիկ, որ ուզում էր ջուր տանել աղբյուրից: Երիտասարդը կանգ առավ այդտեղ և խմելու ջուր ուզեց աղջկանից:

— Ինչ հրաշալի ջուր է,— ասաց նա, երբ որ խմեց և ետ դարձրեց փարշը: Աղջիկը փարշը ողողեց և նորից լցրեց:

— Սիրուն աղջիկ,— ասաց երիտասարդը,— խնդրում եմ ասա ինձ, այս աղբյուրը շունի՞ մի որևիցե անուն:

— Ինչպե՛ս չէ,— պատասխանեց ջահել աղջիկը,— սա Պիրենայի աղբյուրն է: Ես իմ տատիկիցս լսել եմ, որ Պիրենան մի սիրուն կնիկ՝ է եղել: Երբ որ նրա որդուն նետով սպանել է որսորդուհի Անահիտը, Պիրենան այնքան է լաց եղել. այնքան ողբացել, արտասվել, որ ինքը տեղն ու տեղը աղբյուր է կտրվել: Սրանից է, որ այսօր անուշ է այս աղբյուրը. սրա կաթիլները որդեսեր մոր սրտի կաթիլներն են:

— Ես չէի կարծիլ երբեք, որ այսպիսի մի պայծառ, ուրախ և խաղացկուն աղբյուր արտասուքի՛ց լիներ առած իր ծագումը: Սրա կարկաչունն այնքան ուրախ է և այնքան գեղեցիկ է փայլում արևի տակ: Ուրեմն սա ի՞նքն է Պիրենայի աղբյուրը: Սիրո՛ւն աղջիկ, շատ շնորհակալ եմ տված տեղեկությանդ համար: Ես շատ հեռու տեղից եմ գալիս, հենց սրան էի Ֆան գալիս, սրան էի փնտրում:

Միջահասակ գյուղացին, որ իր կովը բերել էր ջուր տալու աղբյուրից, աչքերը հառած բոլոր ժամանակ Բելլերոֆոնին էր մտիկ տալիս և նրա ձեռքում եղած հրաշալի սանձին:

— Բարեկամ, երևում է, որ ձեր կողմերում լեռնային աղբյուրները մի շտեմված հրաշալի բան են,— ասաց նա երիտասարդին,— և դրա համար է, որ ալարդ չի եկել և այնքան հեռու տեղից եկել ես Պիրենայի աղբյուրը գտնելու: Եվ այդ ի՞նչ է պատահել քեզ, բարեկամ, երևի ձիդ կորցրել ես: Մանձն ինչո՞, համար ես բռնել ձեռիդ: Եվ ի՞նչ սիրուն զուգու ունի, ի՞նչ սիրուն զարդարանք: Երկու շարք, բոյորն էլ անգին քարեր: Եթե ձիդ էլ սանձիդ նման է եղել, դրան հարմար, ուրեմն շա՛տ ափսոս, եթե կորել է:

— Իմ ձին չի կորել,— ասաց երիտասարդը փայտալով:— Ես դեռ նոր պիտի գտնեմ այն երևելի ձին, որ իմաստուն մարդկանց ասելով՝ պետք է որ ձեր կողմերումը լինի անպատճառ: Բարեկամ, դու ինքդ լսած չկա՞ս, Պեգաս անունով թևավոր ձին հիմա էլ գալի՞ս է արդյոք Պիրենայի աղբյուրից ջուր խմելու, ինչպես որ սովորություն է ունեցել այն հին ժամանակները, երբ դեռ կենդանի է եղել քո ապուպասի ապուպասը:

Գյուղացին ուրախ-ուրախ խնդիխնդաց երիտասարդի այս ասածի վրա:

Իսկ դուք, իմ սիրելի ընթերցողներ, բռնե՛ք արդյոք, որ Պեգաս անունով մի ձի է եղել, հրեղեն ձի, ձյանի նման ապուպակ,

արծաթափայլ շքեղ թևերով: Նա կենալիս է եղել Հելիկոն սարի գագաթի վրա: Պեզասը եղել է շատ կայտառ և աշխույժ, արագ-ընթաց և թեթևազնայց. նա բարձրանալիս է Էդել մինչև ամպերը և այնքան բարձր, ուր արծիվն անգամ չէր կարող հասնիլ: Նրա նման էլի մի ուրիշ ձի չի եղել աշխարհքում. նա չի ունեցել իրա հատը: Ոչ ոք նրան չի թամբած, ոչ ոք չի սանձած, չի պայտած, և նա շատ տարիներ ապրել է Հելիկոնի սարի գագաթին մեն-մենակ, ազատ և բախտավոր:

Եվ ինչքան ուրախ էր անցկացնում իր կյանքը թևավոր ձին: Գիշերները քնում էր անուշ քնով, բաց-բացահար, ուրևիցե մի լեռնային հարթ տափարակի վրա, իսկ ցերեկվա մեծ մասն անց էր կացնում այս և այն կողմ թռչելով: Պեզասը ոչ մի բանով նման չէր մեր ձիերին: Մեկ էլ էր տեսնում, անց էր կենում ահա մարդկանց գլխներով, թռած բարձր, բարձր, և արևը պսակում էր նրա արծաթափայլ թևերի վրա. այնպես էր թվում, թե նա մի մեծ, սպիտակ թռչուն է, մոլորվել է ամպերի մեջ և ճանապարհ է փնտրում դեպի պարզ և կապուտակ երկինքը: Մարդ չէր ուզում աչքերը հեռացնել, երբ մտիկ էր տալիս և տեսնում, թե ինչպես է նա սուզվում բամբակի նման բարդ-բարդ կուտակված ամպերի մեջ: Սուզվում է, անհետանում մի երկու րոպե, մեկ էլ տեսնում ես, որ թռչում է նա ամպերի մյուս կողմով: Հավաքվում, կուտակվում են մրրկալից ամպեր, երկինքը սևանում է. գետնքի վրա շաշում-շառաշում է փոթորիկը, բայց Պեզասն իսկի այնու՛մը չի գցում. նրա հոգը չէ բնավ, սլանում, սավառնում է մի տեղից դեպի մյուսը, և հրաշեկ թեժ փայլակը լուսավորում էր նրան ծիրանագույն լույսով: Թաքում էր փայլակը, և Պեզասն անհետանում էր թանձր խավարի մեջ: Մարդկանց մեջ այսպիսի մի հավատ չար որ իբր թե՛ ով որ արժանանար մեկ անգամ նայելու այս հրաշալի տեսարանին, այնուհետև նա ամբողջ օրերով կզգար մի ան-ձին հոգեկան ուրախ տրամադրություն:

Ամառը՝ լավ եղանակ ունեցող օրերին, Պեզասն իջնում էր ամուր գետնի վրա և իր արծաթափայլ թևերը ծալելով՝ շափ ընկնում դեռ ու դեն, և սար ու ձոր ոտքի տակ տալիս. և այդ անում էր հենց այնպես, իր զվարճության համար: Ամենից շատ տեսել են նրան Պիրենայի աղբյուրի մոտ, ուր նա անհագոթյամբ խմելիս է եղել նույն աղբյուրի ջրից կամ թավալելիս փափուկ կանաչկուտի վրա: Պատահել է և այնպես, որ Պեզասը զջլում է եղել

մի քանի ծաղիկ սպիտակ կամ կարմիր առվույտից, նրանցից էլ ընտրելով ավելի քաղցրերը: (Նա շատ զգույշ է եղել արածելիս, շատ չմահավան, ամեն խոտ չէր արածիլ):

Սեղանից մի քանի հարյուր տարի առաջ շատ մարդիկ էին գնում Պիրենայի աղբյուրի մոտ և շատ անգամ, այն հուսով, որ ինչպես լինի՝ գոնե մեկ անգամ նայեն Պեզասի վրա: Իսկ գնացողներն ավելի ջահիլ մարդիկ էին լինում՝ երիտասարդ և պատանի, որոնք ամենից շատ էին հավատում, թե կան թևավոր և հրեղեն ձիաներ: Բայց վերջին ժամանակները Պեզասը շատ հազիվ էր երևում: Աղբյուրից մի կես ժամու շափ հեռու եղած գյուղացիք իրանց օրումը տեսած չէին Պեզասին և ոչ էլ հավատում էին, թե կարող է լինել այնպիսի մի հրաշալի ձի: Այժմ Բելլերոֆոնի հետ խոսող գյուղացին նույն չհավատացողներից էր, սրա համար էլ շատ խնդաց, երբ ասացին, որ իբր թե Պեզասը գալիս է Պիրենայի աղբյուրից ջուր խմում:

— Ա՛յ քեզ բա՛ն... ինչե՛ր են հնարել,— բացականչեց նա, տափակ քիթը վեր ցցելով և սկսեց քրքշալ:— Պեզաս ձի, և այն էլ թևավոր... Բարեկամ, երևում է, որ խելքդ կորցրել ես,— ասաց նա երիտասարդին:— Թևերն ի՞նչ հարկավոր են ձիուն: Մի՞թե թևավոր ձին ավելի լավ բեռը կկրե: Ճշմարիտ, էլ պայտելու ծախս չէր ունենալ նրա տերը, բայց ինչ օգուտ դրանից: Կերթար գոմը, որ Պեզասին դուրս քաշեր այնտեղից, բայց մեկ էլ տեսար քո Պեզասդ... Թը՛ռոտ... այսօր ես կորել թե էգուց: Դե հիմա հետևիցն ընկիր, տեսնեմ որտե՞ղ պիտի գտնես նրան: Մի օր կհեծնի, որ երթա ջաղաց, մեկ էլ տեսար քո Պեզասդ թը՛ռ, թը՛ռ... դեպի երկինք, և այնտեղից իր տիրոջը թը՛րրա՛խկ... դեպի գետին, այն է գլխիվայր, կլտիպո՛ւղ, գլխիկոնծի... Զէ, չէ, եղբայր, մի հավատար, պեզաս-մեզաս չկա: Աշխարհքումս թըռչնա՞ծի չի եղել և չի էլ լինիլ երբեք:

— Ես պատճառ ունիմ բոլորովին ուրիշ կերպ մտածելու,— ասաց երիտասարդը առանց վրդովվելու, և իսկույն երեսը դարձրեց դեպի ծերունին, որ կանգնած էր նրանից երկու քայլաշափ հեռու և իր գավազանի վրա հենված, ուշադրությամբ ականջ էր դնում նրանց ասածներին. նա մինչև անգամ դրա համար գլուխը փոքր-ինչ թեքել էր դեպի նրանց և ձեռքով ականջի մի կողմը ծածկել վահանի պես, որ լսել կարողանա: Վերջին քսան տարին ծերունին համարյա թե խլացել էր բոլորովին:

— Դու ի՞նչ կասես, պապի՛,— հարցրեց երիտասարդը.— դու քո ջահել ժամանակդ անպատճառ տեսած կլինես թեև վոր ձին և շատ անգամ:

— Ես, հոգի ջան, հիշողութունս կորցրել եմ բոլորովին: Միտս է գալիս միայն, որ ջահել ժամանակս հավատում էի, որ կա թեև վոր ձի. այսպես հավատում էին և նույն ժամանակի բույր ջահիլները: Իսկ հիմա միտք էլ չի մնացել գլխումս, էլ իմ ի՞նչ ժամանակն է թեև վոր ձիու մասին մտածելու: Եթե պատահած էլ լինիմ Պեգասին, այդ հիմա ով գիտե՞ քանի՞ ժամանակվա բան կլինի, վաղուց, շատ վաղուց կըլինիմ պատահած: Իսկ հիմա, ուղիղն ասեմ, դժվարանում եմ հավատալ, որ երբեից տեսած էլ լինիմ Պեգասին: Միտս է գալիս հրազի նման, որ երբիս ժամանակս ահա այստեղ՝ աղբյուրի մոտ՝ մեկ անգամ կարծես թե նկատեցի ձիու հետք: Կարելի է թե Պեգասի հետքը լիներ կամ ով գիտե՞ գուցե նրա հետքը չէր, այլ մի ուրիշ ձիու:

— Իսկ դո՞ւ, սիրուն աղջիկ,— հարցրեց ջահիլ աղջկանը, որ կուժն ուսին՝ կանգնած էր նրանց կշտին ու ականջ էր դնում ծերունու ասածներին,— դու անպատճառ տեսած կլինիս. այ՛ո՛, դու այդպիսի սուր-սուր աչքեր ունիս:

— Ինձ այնպես է թվում, որ մեկ անգամ տեսած պիտի լինիմ նրան,— պատասխանեց ջահիլ աղջիկը՝ ժպտալով և կարմրելով:— Ուղիղ իմ գլխի վրայով՝ բարձր, շատ բարձր՝ օդի մեջ սավառնում էր մի բան. թե ասեմ Պեգասն էր, Պեգասը չէր. թե ասեմ մի ահագին սպիտակ թռչուն էր, թռչուն չէր: Բայց մի ուրիշ անգամ էլի եկա այստեղ կուժն ուսիս և հանկարծ ձիու վրնջուն լսեցի: Միրտս այնպես ուրախացավ, որ շեմ կարող ասեմ. այնպես մի քաղցր, այնպես մի աշխույժ վրնջուն էր: Բայց այնուամենայնիվ ես վախեցա, չգիտեմ ինչից, և վազեցի տուն՝ առանց ջրի, դատարկ կժով:

— Ափսո՛ս,— ասաց պատանին և երեսը դարձրեց դեպի փողբիկ տղան, որ նրա մոտ կանգնած էր և նայում էր Բելլերոֆոնի վրա վարդանման բերանը լայն բաց արած: Մանուկները միշտ այդպես են նայում անծանոթ մարդկանց վրա:

— Դու ի՞նչ կասես, սիրուն մանկիկ,— հարցրեց Բելլերոֆոնը ծիծաղելով և շոյելով երեխայի գանգրիկ մազերը:— Դու շատ անգամ տեսած կլինիս այստեղ թեև վոր ձի:

— Շատ անգամ, այ՛ո՛,— վստահաբար պատասխանեց մա-

նուկը:— Հեռու չէ, հենց երեկ, ես տեսա նրան. առաջ էլ ես միշտ տեսել եմ նրան:

— Ապրի՛ս, ապրի՛ս,— բացականչեց երիտասարդը, մոտ քաշելով երեխային.— Հասա՛, եղբայր, մեկ լավ մոտեցիր և պատմիր ինձ, տեսեմ ինչպե՞ս ես տեսել:

— Ահա թե ինչպես: Մեկ անգամ գալիս եմ այստեղ, աղբյուրը, որ նավակներ ձգեմ ջրի վրա և նախշուն քարեր հավաքեմ: Շատ անգամ աչքս ջրի մեջ եմ գցում, մտիկ տալիս և տեսնում եմ նրանում, որ երկնքովը թռչում է մեկ սպիտակ թեև վոր ձի: Միրտըս միշտ ուզում է. որ նա իջնի երկրի վրա, ինձ վերցնի հետը և տանն լուսնի վրա դնե: Բայց հենց որ վեր եմ կենում կանգնում, որ ուղղակի ձիուն մտիկ տամ, մեկ էլ տեսնում եմ՝ էլ ձի չըկա՛, անհետանում է իսկույն ամպերի մեջ:

Բելլերոֆոնն ավելի երեխային հավատաց, որ թեև վոր Պեգասի պատկերը տեսել էր աղբյուրի մեջ անդրադարձած, մեկ էլ մատաղահաս աղջկանը, որ լսել էր Պեգասի քաղցր ձայնով վրնջալը, ու մեկ էլ ծերունուն: Բայց ոչ գյուղացուն, որ միայն լծկան սւբեռնակիր ձիաների գոյությանն էր հավատում և ոչ թեև վոր:

2

Բելլերոֆոնը մի քանի օր շարունակ թափառեց Պիրենայի աղբյուրի մոտերքում և թեև վոր ձիու հետքը պահեց: Նայում էր փոփոխակի՝ երբեմն երկնքին և երբեմն ջրին՝ միշտ հուսալով, որ մեկնում եկում կտեսնի կամ իրան՝ Պեգասին և կամ նրա անդրադարձութունը: Թանկագին սանձը միշտ պատրաստ ուներ ձեռին: Մոտակա գյուղացիք շատ անգամ իրանց տավարը ջուր տալու բերելիս ծիծաղում էին երիտասարդի վրա և երբեմն նրան խրատ էին տալիս, ասելով. «Այդ ի՞նչ դատարկաշրջիկ տղա ես դու. զուր ժամանակ ես անցկացնում միայն. ավելի լավ չէ՞ր լինիլ, որ մի որևիցե գործով զբաղվեիր: Զի՞ ես ուզում ասնել,— առ, մենք ծախու ձիաներ շատ ունինք»: Երբ որ Բելլերոֆոնը չէր քնդունում նրանց ասածը, նրանք առաջարկում էին, որ ծախս իր սանձը:

Գյուղի մանուկները նրան խենթ էին համարում, ծաղրում

էին, փեշերից ձգձգում էին, ծամածոտիթյուններ էին անում, գանազան փուտ անուններ էին կպցնում: Երևիայքն իրանց ծաղրածու-թյունը մինչև այնտեղ հասցրին, որ նրանցից մեկը, հինգ ւարեկան մի լախոտ, ինքն իրան Պեգաս ձեացրեց, սկսեց լոբ-լոբ անել, ոստոտալ, վազվզել, այս ու այն կողմ շափ ընկնել, տրտիկ տալ, ծառս կենալ, կոները թափահարելով, իցր թև իր կոներն էլ Պեգասի թևերն են, իսկ նրանից մեծ մի ուրիշ երեխա մի փունջ խոտ ձեռին՝ մոտենում էր նրան և անասնական բացականչություններով մոտ կանչում Պեգասին: Բոլոր այս ծաղրածուիթյունները սարքել էին, որ տնազ անեն Բելլերոֆոնին և ջգրացնեն նրան: Բայց նրանց հակառակ՝ այն գանգոտիկ և կայտառ մանուկը, որին առաջին օրը հանդիպեց Բելլերոֆոնը, շէր հետևում նրանց օրինակին և շատ սիրում էր Բելլերոֆոնին: Նա լուռ ու մունջ նստում էր Բելլերոֆոնի մոտ, լուռ ու մունջ նայում ջրի վրա անընդհատ, սըրտանց հավատալով, որ իր տեսածն ուղիղ էր: Երեխայի այս հաստատուն հավատը մեծ հույս էր տալիս և խրախուսում Բելլերոֆոնին:

Բայց, դուք, սիրելի ընթերցողներս, գուցե կհարցնեք ինձ, թե Բելլերոֆոնն ինչո՞ւ համար էր ման գալիս Պեգասին, ի՞նչ առիթ ուներ, ո՞վ էր ստիպում նրան: Այս մի երկար պատմություն է, և ես կաշխատեմ պատմել ձեզ՝ մինչև Պեգասի երևալը:

Եթե Բելլերոֆոնի բոլոր արկածները պատմեմ նրա մանկու-թյունից սկսած, այդ շատ երկար կլինի և ձեզ ձանձրալի, մեր քաջ երիտասարդի կյանքից ես կպատմեմ ձեզ միայն մեկ կտոր:

Աշխարհի այն մասում, որ կոչվում է Ասիա, մի զարհուրելի հրեշ էր լույս ընկել, որին ասում էին Քիմեո կամ Խիմերա. մենք կասենք Օշափ, որ լսած կլինիք շատ անգամ: Բայց այս հրեշը մի ուրիշ տեսակ վիշապ է լինում: Թե որքան վնաս էր հասցնում մարդկանց Օշափը, անկարելի էր հաշվել: Նա մի այնպիսի զարհուրելի բան է լինում, որ նրա նման մի ուրիշ բան չենք կարող ցույց տալ աշխարհիս երեսին: Նա լինում է օձի մարմնով, մեծ վիշապ-օձի նման. ունենում է երեք գլուխ՝ մեկն առյուծի, մեկն այծի, և մեկն էլ օձի: Նրա բաց ունիներից՝ երեքիցն էլ, կրակ էր դուրս թափվում: Այս հրեշը թեպետ թևեր չունեի, բայց վազում էր առյուծի նման, ցատկում էր այծի նման և սողում օձի նման, ուրեմն նա շարժվում էր միանգամից երեք կենդանու արագությամբ, որ ասել է՝ ավելի արագ, քան թե թռչունը:

Թե որքան վնաս էր հասցնում այս զզվելի արարածը, ինչպես ասացի, անկարելի է հաշվել: Երեք երախներից կրակ էր դուրս թռչում և բոլոր անտառները խանձխնձում, արտերն այրում, ամբողջ գյուղեր՝ իրանց պարտեզներով, այգիներով, ամբարներով, կալ ու մարագով, մի խոսքով՝ բոլոր ունեցած-չունեցածով մոխիր էր դարձնում: Բաց էր անում երեք երախները և սկսում էր լափել ամեն պատահած բան. մարդ, կենդանի և թռչուն: Լափելուց հետո շնթուկում, մրափում էր, մինչև ողջ-ողջ կուլ տված ողորմելի կենդանիները կմարսվեին նրա թոնրանման ստամոքսում:

Մեկ անգամ, պատահամբ, Բելլերոֆոնը գալիս է Ասիա, այնտեղի թագավորին տեսնելու, հենց այն ժամանակ, երբ որ ամբողջ ժողովուրդը հեծում, տնքում էր Օշափի հասցրած վնասներից: Այդ երկրի թագավորի անունը Հոբաթ էր, նա կենում էր Հայաստանին սահմանակից մի երկրում, որ ասվում էր Լիկիա: Բելլերոֆոնը մի շատ անվեհեր երիտասարդ էր: Նա իրան անձը նվիրել էր քաջագործության և այնպիսի մեծագործությունների, որոնցով կարող էր օգուտ բերել մարդկությանը, ծառայել մարդկանց բախտավորությանը: Այն ժամանակներում երիտասարդ մարդկանց միակ փառք ու պատիվն այն էր, որ մասնակցեն բոլոր պատերազմներին. կամ կովելով հայրենիքի թշնամու դեմ, կամ շար դեերի, զարհուրելի վիշապների և վերջապես վայրենի գազանների դեմ, այս էլ այն ժամանակ, երբ ուրիշ ավելի շար բան չէր լինում, որի դեմ կովեին: Հոբաթ թագավորը երբ որ Բելլերոֆոնին տեսավ, իսկույն նշմարեց, որ իր հյուրն անվեհեր երիտասարդ է, սրա համար էլ ա՛հա առաջարկեց նրան, որ գտնի շար Օշափին և սպանե: Ոչ ոք սիրտ չէր անում ձեռք զարկել այսպիսի մի քաջագործության, որովհետև ամենքն էլ նրա միայն անունը լսելով՝ դողում էին, իսկ եթե չսպանեին, նա պիտի ամբողջ Լիկիան անշեն անապատ դարձներ: Բելլերոֆոնը թագավորի այս առաջարկության վրա մի րոպե մտածելուց մեջ ընկավ, բայց հետո վճռական խոսք տվավ թագավորին, որ կերթա, կսպանե Օշափին, իսկ եթե չկարողանա, իր ոսկորները նրա մոտ կթողնե:

Լսած լինելով, որ երեքգլխանի Օշափը շատ արագաշարժ և ճարպիկ է, այն մտքին եկավ, որ անկարելի է այնպիսի մի հրեշի դեմ հետևակ կովել, այլ դրա համար հարկավոր է անպատ-

ճառ ձեռք բերել ամենաքաջ և ամենազորեղ ձև: Իսկ այս կողմից աշխարհիս երեսին ի՞նչ ձի կարող է հավասարվել Պեղասին, որ համ ոտքեր ուներ, համ թևեր և օդի մեջ ավելի ևս արագ էր թռչում, քան վազում երկրի երևաին: Ինչ ասել կուզի, որ Բելլերոֆոնին ամեն կողմից սկսեցին հավատացնել, որ թևավոր ձի չկա ոչ մի տեղ, և ինչ որ սլատմում են թևավոր ձիերի մասին, բոլորն էլ դատարկ դառանցանքներ են միայն և անմիտ ցնորքներ: Բայց այնուամենայնիվ, Բելլերոֆոնը հաստատ համոզված էր, որ Պեղասը հնարովի բան չէ, այլ նա կա և ուշ թե վաղ՝ իր ձեռքը կրնկնի, որ նրան կսանձե ինքը և վրան հեծնելով՝ կերթա Օշափի հետ կովելու:

Այս նպատակով ահա նա կիկիայից ճանապարհ ընկավ դեպի էլլադա: ուր և ձեռք բերավ իր ձեռքում եղած թանկագին սանձը: Այդ սանձը աղոթած էր, այսինքն՝ կախարհա՛յ, դուրթած էր: Հենց որ կարողանար սանձի ոսկեզօծ երասանը Պեղասի բերանը դնել, թևավոր ձին իսկույն կհպատակեր նրան, նա էլ իսկույն կթռչեր, վրան կնստեր և որ կողմ ուզենար, այն կողմը կբշեր:

Ինչ ասել կուզի, որ քաջ երիտասարդը հուզված սրտով սպասում ու մնում էր, թե երբ կգա արդյոք Պեղասը Պիրենայի աղբյուրից ջուր խմելու: Նա շատ էր մտառանջվում, թե միգուցե Հոբաթ թագավորը կարծիք տաներ, թե նա փախել է՝ վախենալով Օշափից: Շատ էր վշտանում, երբ որ միտն էր բերում, թե ինչ ահագին վնասներ է հասցնում երկրին այն դարհուրելի հրեշքը, իսկ ինքը, փոխանակ նրա դեմ պատերազմելու, ձեռները ծոցին՝ նստել է սառնորակ աղբյուրի մոտ և նայում է, թե ինչպես է բխում նա սարից, թափվում ավազանի մեջ և նրա հատակը ծածկում պսպղուն ավազի շերտով: Լսում էր, որ իբր թե վերջին սարիններում Պեղասը շատ հազիվ էր երևում աղբյուրի մոտ և թե նա իր բոլոր կյանքում միայն մեկ անգամ է երևացել մարդու նա շատ էր վախենում, թե միգուցե այստեղ սպասելով, մինչև ծերության հասնի, երբ այլևս չի կարողանալ տիրել թևավոր ձիուն, եթե գալու էլ լինի, որովհետև ծերությունից իր ձեռքերն արդեն թուլացած կլինին, քաջությունը կորցրած: Ավա՛ղ, ինչքա՛ն տխուր ու դատարկ է անցնում ժամանակը, երբ որ եռանդալից երիտասարդությունը ձգտում է հասնել իր ցանկացած նպատակին, երևակայած փառք ու պատվին: Համբերել և սպասել շա՛տ ծանր է: Մեր կյանքը՝ առանց այս էլ՝ այնքան կարճ է, բայց

էլի ինչքան դատարկ տարիներ ենք անցկացնում համբերության շնորհիվ:

Բելլերոֆոնի բախտից՝ աղբյուրի մոտ եղած գանգուրիկ երեսան այնպես կպել էր նրան, որ մոտիցը չէր հեռանում համարյա: Ամեն բարիլուսի Բելլերոֆոնին ասում էր ուրախ-ուրախ:— Ի՞նչ ես կարծում Բելլերոֆոն, շա՛տ կարելի է, որ այսօր մենք Պեղասին տեսնե՛նք:

Եվ այս «շատ կարելին» էր, որ հուսադրում էր Բելլերոֆոնին: Եթե այս հույսը չլիներ, նա վաղուց արդեն վերադարձած կլիներ լիկիա և գնացած կովելու Օշափի հետ առանց թևավոր ձիու օգնության: Ինչ ասել կուզի, որ հրեշք մի շնչով կայրեր և մի քանի վայրկյանի մեջ կլափեր նրան:

3

Մի առավոտ գանգուրիկ տղան սկսեց Պեղասի մասին խոսել սովորականից դուրս անկասկած սրտով:

— Զգիտեմ ինչու,— ասաց նա ուրախությունից թռչկոտելով,— ինձ այնպես է թվում, որ այսօր մենք անպատճառ կտեսնենք Պեղասին:

Ամբողջ օրը մանուկը շհեռացավ Բելլերոֆոնից. նրանք միասին հաց կերան, միասին խմեցին աղբյուրից և կեսօրից հետո նստեցին շվաքումը, ջրի ափին: Բելլերոֆոնը մի ձեռքն իր փոքրիկ բարեկամի ուսին դրած, իսկ մյուսն իր ծնոտի տակ դիմնար տված, խորասուզված մտքով՝ մտիկ էր տալիս ջրի վրա կուսացած պառաված ծառերին և նրանց ճղների վրա կախստված վայրենի խաղողի ճութերին: Իսկ մանուկն անընդհատ նայում էր միայն ջրին, բայց շատ տխուր, որովհետև շատ էր ցավում, որ Բելլերոֆոնի երկար օրերով սպասելիս ապարդյուն է անցնում: Մբա վրա շատ տխրեց երեխան, մինչև այն աստիճան, որ հանկարծ լաց եղավ հեկեկալով: Նրա արտասուքներից մի քանի կաթիլ գլորվելով՝ ընկան աղբյուրի մեջ և խառնվեցան Պիրենայի արտասուքների հետ:

Հանկարծ Բելլերոֆոնն զգաց, որ երեխայի թափվելը, որ իր

ձեռքումն էր, դողդողում է: Եվ տղան շնչաց հանկարծ մանկական շնչոյնով:

— Բեյլերոֆոն, Բեյլերոֆոն, նայիր, մեկ նայիր ջրի վրա...

Բեյլերոֆոնը կոացավ շուտով, նայեց հայելու նման պարզ աղբյուրի՝ երեսին, և այնպես թվաց, որ տեսնում է նրանում սլափերացած մի ահագին, սպիտակ թռչնի կերպարանք. թռչում է բարձր, շատ բարձր, և արեգակը շողշողում է նրա արծաթափայլ թևերի վրա:

— Ի՛նչ հրաշալի, ի՛նչ փառավոր թռչուն է,— բացականչեց նա:— Եվ ինչքան մեծ է: Եվ գիտե՞ս, շատ էլ հեռու չպետք է լինի. սավառնում է ամպերից ցած:

— Ես դողում եմ ամբողջ մարմնով,— ասաց մանուկը:— Վախենում եմ դեպի վեր նայել: Ինչքա՞ն հրաշալի է: Բայց ես չեմ վստահում ուղղակի նրա վրա նայել, այլ միայն ջրի միջով: Մի՞թե չես տեսնում, Բեյլերոֆոն, որ սա թռչուն չէ, այլ թևավոր ձի, նույն ինքը Պեգասն է սա:

Բեյլերոֆոնի սիրտը գնաց: Նայեց դեպի վեր, բայց չկարողացավ լավ նշմարել, թե նա ինչ է արդյոք, թռչո՞ւն, թե ձի, որովհետև նա անհայտացավ բարդ-բարդ կուտակված սպիտակ ամպերի մեջ: Մի րոպե շանցած թռչողի կերպարանքը կրկին երևաց. նա իջնում էր դեպի գետին ալեծածան թոփշով: Այս միջոցին Բեյլերոֆոնն իսկույն ճանկը ձգեց տղային և նրա հետ թաք կացավ իր խիտ թփերի մեջ, որոնցով՝ պարսպի պես՝ շրջապատված էր աղբյուրը: Նա Պեգասից երկյուղ չունեք, այլ վախենում էր միայն, թե միգուցե ի՛նչանց նկատե և սկսե ավելի բարձր, անալ դեպի վեր: Այս թռչողը ճշմարիտ որ թևավոր ձին էր: Երկար սպասեցին նրան, և ահա վերջապես նա ուզեց իր ծարավը հագեցնել Պիրենայի աղբյուրից:

Օղեղեն հյուրն սկսեց իջնել ավելի ցածր և ցածր: Թռչելիս ավելի մեծ շրջաններ և պտույտներ էր անում, ինչպես աղավնին է անում թռչելու պատրաստվելիս: Որքան ցածրանում էր, այնքան փոքրացնում էր իր շրջանները, մինչև՝ վերջապես շփվեց գետնին՝ փափուկ բմբյլի պես: Նա իր շորս ոտները դրավ ավազի վրա այնքան մեղմ և անզգալի կերպով, որ ոչ մի խոտ չխշխշաց: Հրաշալի թևավոր ձին մեկնեց իր վեհապանծ զուլբը և սկսեց խմել: Նա մեծ դմայլմունքով էր ներս ծծում բերանով պայծառ հեղուկը, ուրախ փռնչում ու զինքը թափահարում. խմում է

խմում, մեկ էլ հանկարծ կանգ առնում: Ոչ գետնի վրա, ոչ ամպերում և ոչ մի ուրիշ տեղ Պեգասը չէր սիրում այնպես հագեցնել իր ծարավը, ինչպես Պիրենայի աղբյուրից: Կուշտ խմելուց հետո, թևավոր ձին հոտավետ առվույտներից մի քանի ծաղիկ գլխեց, բայց միայն գլխեց ու ծամծմեց և ոչ թե արածեց կամ կերավ. նրա արածելիքը Հելիկոն սարի բուն գագաթի վրա եղած անուշահոտ խոտերն էին:

Վերջապես, երբ որ աղբյուրի պարզ ջրիցն այնքան խմեց, որ կշտացավ, մի քիչ խաղ արավ առվույտի ծաղիկների հետ այնուհետև խայտալ սկսեց կշտացած երեսայի նման: Սկսեց վազվզել հտ ու առաջ, տրտինգ տալ, կամացուկ վրնջալ: Մեկ այս կողմն էր շափ ընկնում, մեկ այն, մեկ էլ թռչում էր դեպի վեր, մի քիչ պտտվում և նորից իջնում ու վազվզում փափուկ կանաչկուտի վրա: Բեյլերոֆոնը՝ տղայի ձեռքից բռնած՝ թփուտի միջից նայում էր այս տեսարանի վրա, որի պես գեղեցիկ բան նա իր կյանքումը տեսած չէր: Պեգասի ողջ կազմվածքը, նրա բարակ-բարակ ոտները, նրա բարեկազմ զուլբը, թավամտ ու պոչը, ալեծածան բաշը, ձյունի նման սպիտակ, արծաթի պես փայլուն, այս բոլորը հիացրել, զարմացրել էին Բեյլերոֆոնին: Իսկ նրա խելոք և վառվռուն աչքերի նմանը ոչ մի ձիում տեսած չէր: Նրան հանցանք էր թվում այսպիսի մի հիանալի ձիու վրա թամբ դնելը, և առավել ևս՝ նրա վրա ցատկել նստելը:

Մեկ թե երկու անգամ Պեգասը կարծես թե թալկացավ, թուլացավ. կանգնում էր հանկարծ, ալանջները խլշում, հոտ բաշում, գլուխն այս ու այն կողմ ձգում, կարծես զգալով, որ իր մոտ դարանամուտ եղած մարդիկ կան: Բայց երբ որ շտեսավ և շլսեց ոչինչ վտանգավոր բան, նորից սկսեց իր առաջվան խաղերը:

Բայց ահա որպես թե հոգնեց վերջապես, թևերը ծալեց և նստեց փափուկ կանաչկուտի վրա: Թեթև օդի զավակ լինելով՝ նա չէր կարողանում քիչ ժամանակ հանգիստ կենալ, շրջվեց քամակի վրա և ոտքերը վեր ցցած՝ սկսեց սահել մեջքի վրա: Ինքը թևավոր, մեն-մենակ ամբողջ աշխարհում. անհիշելի ժամանակներից ի վեր ապրած, ոչ մի ընկեր չունեցած երբեք, այժմ զվարճանում էր ինչպես բոլոր էակներից ամենաբախտավորը: Սա մի հետաքրքրական տեսարան չէ՞ր միթե: Բեյլերոֆոնն ու մանուկը չէին կարողանում աչքները Պեգասից հեռացնել: Նրանք մտաամբ

համույթից և մասամբ երկյուզից շունչները պահել էին, ըստ որում աննշան մի շշուկից ու շշունջից կխրտնեք Պեգասը և նետի պես կալանար դեպի երկինք: Բավականաչափ թավալգոր գալուց հետո՝ վերջապես Պեգասը շտկվեց և հասարակ ձիու պես դանդաղ կերպով առաջին ոտները ձգեց, որ վեր կենա, Բելլերոֆոնն իսկույն գլխի ընկավ, որ ձին վեր կենալուն պես՝ պիտի ճանապարհ ընկնի, նա մի ակնթարթում դուրս ընալ թփուտից և մի ճարպիկ ոստյունով թռավ նստեց ձիու քամակին:

Այո՛, նստեց թևավոր ձիու վրա...

Երևակայել պետք է, թե ինչպես վեր թռավ Պեգասը, իր կյանքում առաջին անգամ զգալով իր վրա հողեղեն մարդու ծանրություն: Վեր թռչել եմ ասում, բայց չկարծեք, որ մի հասարակ ոստյուն էր, ու: արավ Պեգասը: Բելլերոֆոնը դեռ խելքը գլուխը չէր հավաքել, որ Պեգասի հետ արդեն գետնից բարձրացել էին մինչև հինգ հարյուր ոտնաչափ և սլանում էին նետի արագությանը: Թևավոր ձին նրա տակին փռնչում էր և երկյուզից ու զայրույթից դողում, սարսափում: Թռան գծացին միշտ բարձր ու բարձր, մինչև հասան ամպալից օդի ցուրտ շերտերը, որոնց վրա մի քանի րոպե առաջ Բելլերոֆոնը գետնին պտուկած նայում էր և սքանչանում: Այդ բարձրությունից ձին ուղղակի ցած նետեց ինքզինքը, որ մի ժայռի կամ ուրիշ բանի դիպչելով ջարդուխորդ անի իր հեծյալին: Բայց այսպիսի բան չպատահեց. Բելլերոֆոնն այնպես շէր կպել նրան, որ բաց թողներ կամ վայր ընկներ. բայց սրա վրա ի՞նչ բաներ արավ շարացած թևավոր ձին, ի՞նչ ճարպիկություններ բանեցրեց. ցիրկում խաղացող ակրորատներն այն շեն անում, ինչ որ մեր Պեգասն արավ օդի մեջ. ի՞նչ վեր-վեր թռչել, ի՞նչ օրորվել, ի՞նչ աքացիք շպոտոտել դեռ ու դեն, ինչ տրտինգներ տալ: Գլուխը գցում էր առաջի ոտների արանքը, թևերը վեր ցցում և սկսում, մեկ թև երկու, գլուխկոնծի տալ կապիկի նման: Շուտ էր գալիս մեջքի վրա և ոտները վեր ցցելով՝ թափահարում ինքզինքը կամ գլուխը դեպի պոչն արած՝ երկուտակվում էր և սկսում պտտվել շարխի պես: Վերջապես շատ բաներ արավ, տեսավ որ հնար չի լինում, չի կարողանում վաղ գլորել Բելլերոֆոնին, վիզը թեքեց և կրակոտ աչքերը վրան ձգելով, դունչը մեկնեց, որ կծի: Նա այնքան թափ տվավ իր թևերը, որ նրանցից մի արծաթագույն փետուր գջրվեց և քնկավ հենց այնտեղ, ուր կանգնած էր գանգուրիկ տղան: Նա իսկույն վեր

առավ պահեց՝ իբրև Պեգասից և Բելլերոֆոնից մնացած հիշատակ:

Սրբ որ Պեգասը, ինչպես ասացինք, ատամները սրած, դունչը մեկնեց, որ մեկ լավ կծի, Բելլերոֆոնը նրա այս դրուժյունից օգուտ քաղեց և կախարդված սանձի երասանակը ձգեց իսկույն թևավոր ձիու բերանը: Եվ, ո՛վ հրաշք, Պեգասն իսկույն հանդարտվեց և դարձավ բոլորովին ձեռնասովոր մի ձի: Ուղիղն ասեմ, ես շատ կախոստայի և կցավեի, տեսնելով մարդուն հպատակած այնպիսի ազատ թռչնածին, ինչպիսին Պեգասն էր: Այս հանկարծակի փոփոխությունը, ազատությունից դեպի ստորկույթան, անգուշի չէր Պեգասի համար: Նրա դեպի Բելլերոֆոնն ուղղած խելքը աչքերի մեջ արտասուքի պես բան երևացին: Բայց երբ սր երիտասարդն սկսեց փաղաքշելով շփել նրա գլուխը և մի քանի քաղցր ախաղաղացնող խոսքեր ասել, թեև տիրողի եղանակով, — այն ժամանակ թևավոր ձին ուրախության վրնջուն բարձրացրեց: Նա կարծես բավական մնաց իր ներկա վիճակից, որ նա, այնքան դարերից հետո վերջապես մի ընկեր ու հրամայող ունեցավ: Երևի այսպես է որոշված բոլոր թևավոր ձիաների ճակատագիրը, և առհասարակ բոլոր վայրենի կենդանիների: Հենց որ մի անգամ նվաճեցիր նրանց և տերը դարձար, նրանք այնուհետև կհպատակվեն քեզ և կընտանենան քեզ հետ:

Պեգասն ու Բելլերոֆոնը իրար հետ կովելիս աննկատելի կերպով շատ հեռու էին թռել, մինչև հասել էին մի բարձր սարի: Բելլերոֆոնն առաջ էլ էր տեսել այն սարը, գիտեր, որ նրա անունը Հելիկոն էր, գիտեր նմանապես, որ Պեգասը սովորաբար նրա գագաթի վրա էր արածում: Բայց ձեռնասովոր դարձած թևավոր ձին այժմ զրկված էր իր ազատ կամքից. նա չէր համարձակվում թռչել դեպի իր ուղած կողմերը և շարունակ ևս էր մտիկ տալիս, կարծես կանգ առնելու հրաման լիներ ուղելիս: Վերջապես նա հանդարտ կերպով թռչքն ուղղեց դեպի գետինը, անհամբեր սպասելով, թե ե՞րբ կիջնի արդյոք իրանից հեծյալը: Բելլերոֆոնը ցած թռավ նրա մեջքիցը, բայց ձեռքից շթողեց նրա սանձը, որ պինդ փաթաթել էր ձիու ձեռքի դաստակին: Պեգասն անընդհատ նայում էր իր նոր տիրոջ վրա: Նրա սիրուն և ազդու աչքերի մեջ երևում էր այնպիսի հեզություն, որ Բելլերոֆոնի խելքը տանում էր: Նա սկսեց խղճալ գիրի ընկած Պեգասին, որ դարերով ազատ էր աչրել, և վճռեց արձակել նրան և ազատ թողնել: Մեծահոգություն

զգացմունքով սաստիկ ոգևորված, նա կախարդական սանձը ձգեց նրա վզովը և բերանից հանեց երասանը:

— Գնա՛, Պեգաս,— ասաց նա:— Դու ինձ հարկավոր չես, եթե ես սիրելի և հաճելի չեմ քեզ:

Քևավոր ձին մի ականթարթում անհայտացավ նրա աչքից: Նա Հելիկոնի գագաթից դեպի վեր սլացավ բազեի նման շեշտակի: Արևն արդեն վաղուց էր մայր մտել. ներքևում, երկրի վրա մութն էր, իսկ սարի վրա՝ դեռ վերջալույս: Պեգասը թռավ ամպերից էլ բարձր և կարծես դողում էր այնտեղ արևի վերջին ճառագայթներից անդրադարձած ծիրանեգույն լույսի անաղոտ ալիքների մեջ: Դեպի վեր թռչելով՝ ներքևից երևում էր նա մի պսպղուն կետի շափ և վերջապես բոլորովին անհետացավ երկնքի անհատակ կապտուժյան մեջ: Բելլերոֆոնն ընկավ երկյուղի մեջ. նա շատ վախեցավ, թե շլինի, հիրավի՝ Քևավոր ձին այլևս չերևա ոչ մի անգամ: Նա արդեն սկսեց զղջալ իր արարածների վրա. «Այս ի՞նչ խելք էր, որ ես բանեցրի», ասում էր նա ինքն իրան: Բայց մեկ էլ տեսավ, որ պսպղուն կետը նորից երևաց երկնքի վրա և սկսեց կամաց-կամաց իջնել դեպի ցած և ցած մինչև վերջապես իջավ իր տիրոջ առջև: Այս փորձից հետո այլևս տեղիք չկար կարծելու, որ Քևավոր ձին կփախչի երբեիցե: Զին և իր տերը մտերմացան իրար և այնուհետև հավատում էին միմյանց առանց կասկածելու:

Այս գիշեր մեր երկու բարեկամները տեղավորվեցին մի ժայռի խոռոչում և քնեցին իրար կողքի: Բելլերոֆոնը բոլոր գիշերը ձեռքը շնոացրեց Պեգասի վզից, ոչ թե զգուշության, այլ շատ սիրելուն համար: Վաղ առավոտվա բարիլուսին վեր կացան և միմյանց ողջունեցին ամեն մեկն իր լեզվով:

4

Բելլերոֆոնը մի քանի օր կացավ Հելիկոնի վրա Պեգասի հետ. այս միջոցին նրանք ավելի մոտեցան միմյանց և ավելի մտերմացան: Շատ անգամ միասին օդային ճանապարհորդութուն էին անում և երբեմն այնքան էին բարձրանում, որ գետինը նրանց աչքում լուսնի շափ էր երևում: Նրանք գնացին մի քանի երկրներ. ամեն տեղ նրանց տեսնող մարդիկը զարմանում էին և

կարծում էին, որ Քևավոր ձիով ճանապարհորդող սիրուն երիտասարդը Ոլիմպոսից կլինի իրանց մոտ հյուր եկած: Պեգասի համար մեծ բան չէր օրական մի քանի հազար մղոն տեղ թռչելը: Բելլերոֆոնը հափշտակվել էր այս տեսակ կյանք վարելուց. նա բոլոր կյանքն ուրախությամբ անց կկացներ մթնոլորտի վերին խավերում, ուր ամեն ժամանակ, ինչ տեսակ եղանակ էլ լիներ երկրի վրա, միշտ պարզ էր և տաք: Բայց նա չէր կարող մոռանալ իր տված խոստումը Հոբաթի թագավորին Քիմեո-Օշափին սպանելու մասին: Երբ որ փոքր-ինչ ընտելացավ օդային արշավանքներին և սովորեց Պեգասի հետ վարվել այնպես, որ նա իր տիրոջ ձեռքի տակ աննշան շարժումից և հազիվ լսելի ձայնից հասկանում էր նրա միտքը, այն ժամանակ մտքում վճռեց ձեռնարկել մտադրված վտանգավոր քաջագործությունը:

Եվ ահա մի առավոտ վաղ զարթնելով՝ թեթև կերպով կամթեց Պեգասի ականջից, որ զարթեցնի նրան: Սրա վրա Պեգասն իսկույն վեր կացավ տեղիցը և քառորդ մղոնաչափ մի ոստյուն արավ դեպի վեր, մի ականթարթում պտտեց Հելիկոնի ամբողջ գագաթը, որ ցույց տա տիրոջը, թե ինքը բոլորովին սթափված է, թարմ է և պատրաստ՝ ուր, ուզես թռչելու: Այսպես ահա առավել ևս թարմանալով և ուրախ-ուրախ խրխնջալով՝ եկավ իր տիրոջ մոտ, բայց այնքան թեթև, որ կարծես ճնճուկ լինի ոստից ոստ թռչկոտելիս:

— Շա՛տ լավ ես շափ ընկնում, սիրելի Պեգաս, հիանալի են թռիչքներդ,— գռչեց Բելլերոֆոնը և գուրգուրելով շփեց Քևավոր ձիու գեղեցիկ պարանոցը:— Ժամանակ է կարծեմ, որ քեզ հետ գնանք մեր գործին: Այսօր ևեթ գնանք պատերազմելու Քիմեո-Օշափի հետ:

Նախաճաշելուց և Իպոկրենայի պաղ աղբյուրի ջրից խմելուց հետո Պեգասս ինքը մեկնեց իր գլուխը սանձելու համար: Մինչև Բելլերոֆոնը կզրահավորվեր, թուրը կկապեր կողքին, վահանը կկախեր, առհասարակ կզինավորվեր կովի համար, Պեգասն անհամբերությամբ ոտքով դոփում էր գետինը, խայտում, խաղում և ոստոստում: Երբ ամեն ինչ պատրաստ էր, Բելլերոֆոնը հեծավ ձին՝ ըստ սովորության՝ շեշտակի դեպի վեր սլացավ մինչև հինգ մղոնաչափ, որ բարձրից մեկ լավ նայե ամեն կողմ, որոշե գնալու տեղը և դեպի նույն կողմն ուղղե իր թռիչքը: Նա Պեգասի գլուխը թեքեց դեպի արևելք և սլացավ ուղղակի դեպի Լիկիա:

Ճանապարհին նրանք հասան մի արծվի հետեից, որ քիչ էր մնում Պեգասի ոտքի տակն ընկնելու, եթե շուտով մի կողմ չբաշտվեր. Բելլերոֆոնը կարող էր բռնել նրան, բայց շուտեց ժամանակ կորցնել: Նրանք թռչում էին թունդ մորիկի արագությամբ և հենց նույն առավոտը տեսան Լիկիայի բարձր լեռներն ու խոր-խոր ձորերը, որոնք հազիվ էին նշմարվում իրանց պատող թանձր մառախուղի միջից: Բելլերոֆոնը լսած էր, որ զազրելի Օշափը այդ խավար ձորերից մեկումն էր բույն դրել:

Երբ որ հասան իրանց մտադրյալ տեղը, թևավոր ձին սկսեց իջնել դեպի ներքև, օգուտ քաղելով լեռների վրա եղած մի քանի կտոր ամպերից, որոնք մեր ճանապարհորդներին ծածկելով, անտեսանելի էին կացուցանում նրանց գետնի երեսից: Մի խիտ ամպի վրա կանգնած՝ Բելլերոֆոնը քիչ առաջ թեքվելով՝ կարողացավ պարզ տեսողել Լիկիայի լեռնային մասը և նրա մուժ հովիտները: Առաջ առանձին մի բան շնշմարեց. նրա տակ երկարումեկ ձգված էին չոր պառակներ և փլփլված ապառաժներ, բայց ահա նրանց հետեից սեխն էին տալիս նոր այրված տնատեղեր, սպիտակին էին տալիս շատ տեղեր կույտ-կույտ ոսկորներ, կարծես այս տեղերում արածող տավարների կմախքները լինեին:

«Այս ամենը Օշափի թողած հետքերը պետք է լինեն,— մտածեց Բելլերոֆոնը:— Բայց այս զազրելին ինքը որտե՞ղ պետք է լինի թաք կացած արդյոք»:

Նա սկսեց ավելի ուշի ուշով նայել լեռների մեջ սեխն տվող ծերպերը, խոռոչներն ու անտառները. բայց ուր որ նայում է, ամեն կողմ տեսնում է մեռելութուն, չոր անապատ, միայն մի քարայրից դուրս է բխում երեք զոլ սև ծուխ և կեռումեռ գալարվելով օձի պես՝ սողում է դեպի վեր, և դեռ լեռան գագաթին չհասած՝ սև ծուխի այդ երեք զոլերը միանում են և դառնում մի կենտ սյուն: Քարայրը գտնվում էր ուղիղ իրանց ոտքի տակին միայն մի հազար ոտնաչափ հեռավորության վրա: Գարշահոտ և թանձր ծծմբային ծուխն արդեն հասնում էր մինչև Պեգասի ու Բելլերոֆոնի ռունդները: Պեգասը փռնչում էր զզվանքից և գլուխը այս ու այն կողմ թեքում. այդ օդի զավակին, որ սովոր էր ծծել միայն լեռնագագաթների մաքուր օդը, գարշելի էր թվում երկրային հոտը: Իսկ Բելլերոֆոնը ժնգոնում էր ու փռչում՝ խեղդվելով այդ ծանր ու հեղձուցիչ ծծմբային հոտից: Զայրացած Պեգասը

սաստիկ թափ տվավ թևերը և մղոն ու կես ետ թռավ այդ գարշահոտ տեղից:

Բայց Բելլերոֆոնը հանկարծ ետ մտիկ տվավ և այնպիսի բան ընկավ աչքովը, որ իսկույն սանձը դրեց և ետ շրջեց ձիու գլուխը: Պեգասն այս նշանից իսկույն իմացավ տիրոջ միտքը և սկսեց կամաց-կամաց ցած իջնել, մինչև մոտենալ նույն քարայրին, որտեղից որ դուրս էր գալիս երեք զոլ ծուխը: Եվ ի՞նչ տեսնի այնտեղ Բելլերոֆոնը—մի տարբերակ դեպ՝ իբար վրա կուտակված հրեշներ:

Հրեշի իբար վրա բսած մարմինները միմյանց այնքան մոտիկ էին ընկած, որ միայն գլխներիցը կարելի էր ճանաչել, թե ինչ կենդանիներ են նրանք: Թվով երեք էին նրանք՝ մի ահռելի վիշապ-օձ, մի ահարկու դորեղ առյուծ և մի գարշելի այծ: Այժմ ու առյուծը քնած էին, իսկ օձը՝ ոչ. նա իր կարմիր աչքերը շոկ էր Բելլերոֆոնի վրա: Բայց վարմանալին այս էր, որ գարշահոտ սև ծուխը ոչ մի բույն չէր կտրվում, այլ անընդհատ դուրս էր գալիս երեքի էլ ռունդներից: Այս տեսակ մի հրեշի տեսիլն այնքան նոր և անակնկալ էր Բելլերոֆոնի համար, որ նա իսկույն ևեթ գլխի ընկավ, որ նա ինքն էր Քիմառ-Օշափը, և այդ էր նրա որջը: Առյուծը, օձը և այժմ միևնույն սարսափելի հրեշի լրացուցիչ մասերն էին: Զզվելի՜ Օշափ...

Կիսամրափ Օշափը (որովհետև նրա միայն երկու գլուխներն էին մրափած) իր ճանկերից բաց չէր թողնում նոր որսած զոհի արյունոտ մնացորդները. բայց ի՞նչ բանի մնացորդներ էին, լավ չէր նշմարվում. գառա՞ն մնացորդ էին արդյոք, թե՞... ուզում էի ասել՝ մի փոքրիկ երեխայի... բայց ո՞վ գիտե, գուցե հենց այդպես էլ լինեք, թեև այսպես մտածելը սարսափ է բերում մեզ վրա: Երևում էր, նոր էր վերջացրել իր ընթրիքը:

Բելլերոֆոնը վերջապես ուշքի եկավ և գլխի ընկավ, թե ինչ բան էր տեսածը: Պեգասն ավելի շուտ իմացավ բանի էությունը և միայն այնպիսի ահեղագոչ վրնջուն բարձրացրեց, որ սար ու ձոր դրամբ դրամբաց: Սրա վրա՝ մրափած գլուխներն էլ զարթնեցին և երեքն էլ միասին կրակի ահեղ ալիքներ վիժեցին: Բելլերոֆոնը դեռ իր պատրաստությունը չէր տեսել կավի համար, որ հրեշը դուրս պրծավ իր որջից և իր թանթուլների ահագին ճիրաններն արձակելով՝ վրա վազեց ուղղակի խիզախ երիտասարդի վրա, ավազ ու հող բարձրացնելով: Եթև Պեգասը թեթևա-

շարժ շիններ թռչնի պես, հրեշն իր այդ հանկարծական հարձակմունքով կուզ կտար երկուսին էլ և դրանով կվերջանար կռիվը։ Բայց անկարելի էր թեևս ձուլու ձուլու անզգուշ և անպատրաստ գտնել։

Մի ականթարթում Պեգասն ու իր հեծյալը սավառնում էին արդեն բարձր երկնքում։ Բարկությունից խամփում էր Պեգասը և բոլոր մարմնով դողում էր, իհարկե ոչ երկյուղից, այլ եռազուխ գարշելի սողունից զզվելով։

Օշափի կատաղությունն էլ շափ շկար։ Նա ձգվել էր իր բուր երկայնությունամբ և կոթնելով իր օձային պոչի վրա, ճիրանավոր թանթուլները օդի մեջ այս ու այն կողմ էր հածում և ետ ձգելով իր երեք գլուխները՝ կրակի հեղեղ էր վիժում դեպի վեր, որ այրե Պեգասին և նրա հեծյալին։ Ի՞նչպես մանչում էր, ի՞նչպես վստամ ու մկկում։ Մինչ այս, մինչ այն, Բելլերոֆոնը ձախ ձեռքն առավ վահանը և աջով թուրը հանեց պատյանից։

— Հապա՛ քե՛զ տեսնեմ, Պեգաս ջան,— շնչաց նա թևավոր ձիու ականջին,— ինձ շամաչեցնես. օգնի՛ր ինձ, որ չբացնենք այս երկրային հրեշը, եթե ոչ՝ դու կթռչես դեպի Հելիկոն առանց քո մտերիմ բարեկամիդ։ Կամ կկործանվի Օշափը, կամ նրա բուր երեք ուսերը կլափեն ինձ մի քանի րոպեի մեջ։

Պեգասը սիրով վրնջաց, և գլուխը թևքելով՝ իր վարդագույն ունգները տիրոջ թշերին քսեց։ Սրանով ուղեց ասել նա, որ թեպետ ինքը թևեր ունի և մինչև այսօր անմահ է եղել, բայց այսուամենայնիվ ավելի հոժար կլինի ինքը մեռնել, քան թե թույլ կտա, որ Բելլերոֆոնն ընկնի հրեշի ճանկը։

— Շնորհակալ եմ քեզանից, հոգյակս,— ասաց Բելլերոֆոնը, պարզ իմանալով իր բարեկամի համր խոսակցությունը։ — Հիմա եկ հարձակվենք Օշափի վրա. դու վրա թռի, ինչպես գիտես...

Այս խոսքերով նա շարժեց սանձը. Պեգասը նետի պես սլացավ ուղղակի դեպի եռազուխ Քիմեոսը, որ բոլոր ժամանակ գալարվելով՝ ձգվում էր դեպի նրանց։ Բելլերոֆոնը հասնելն ու թրով զարկելը մեկ արավ. նա միայն մեկ անգամ դարկեց ինչքան որ կոտմն ուժ ուներ, բայց Պեգասը նրան այնպես շուտ թոցրեց դեպի երկինք, որ էլ հնար չունեցավ նայելու, թե հարվածը հաջող էր արդյոք, թե՞ ոչ։ Պեգասի օղային արշավանքը երկար շտեկեց. նա կրկնեց իր հարձակմունքը։ Այս անգամ միայն համոզվեց Բելլերոֆոնը, որ առաջին զարկով թոցրել էր հրեշի այծային գլուխը,

որ արդեն մի բարակ մորթով կախված՝ ճոճվում էր հրեշի վրա։

Բայց հենց սրա համար էլ ողջ մնացած երկու գլուխները՝ օձինն ու առյուծինը՝ կրկնապատկեցին իրենց կատաղությունը և ճիգ էին թափում, որ իրանց երրորդ գլխի վրեժն առնեն։ Նրանց ահեղագուշ մանչունից և վստացից մարդու ականջ էր խլանում։

— Զվախենաս, Պեգաս,— աղաղակեց Բելլերոֆոնը.— էլի մեկ հարված, և մենք կկտրենք երկրորդ գլուխը։ Հառաջ, բարեկամ, սիրտդ պինդ պահիր...

Նա կրկին շարժեց սանձը։ Թևավոր ձին նորից սլացավ նետի պես դեպի վայր, և Բելլերոֆոնն իր բոլոր ուժով նորից հասցրեց թուրը ողջ մնացած գլուխներին։ Բայց այս անգամ թե՛ նրան և թե՛ Պեգասին ձրի չնստեց այդ։ Օշափն իր թանթուլների ճանկերով մի քիչ շանկոտեց Պեգասի ձախ թևը և բավական խոր վիրավորեց Բելլերոֆոնի ուսը։ Բայց Բելլերոֆոնն էլ փոքր հարված չէր տվել։ Այս անգամ նա կտրել էր հրեշի առյուծային գլուխը, որ արդեն կախ էր ընկել վրան և ուխը լաց ու խուփ անելով՝ թանձր ծուխ էր դուրս վիժում։ Միայն ստեղծալի դարձավ այժմ Օշափի ողջ մնացած միակ օձային գլուխը։ Նա հիմա հրահեղեղ էր դուրս վիժում և մինչև հինգ հարյուր գրկաշափ հեռավորության հասցնում։ Եվ սկսեց այնքան ահեղ ոռնալ, վնգստալ, սուլել, որ Հոբաթ թագավորը լսեց այդ գոչյունը հինգ հարյուր մղոնաչափ հեռավորությունից և երկյուղից սկսեց այնպես դողալ, որ գահն իր տակին սկսեց երերալ և տատանվել։

— Վայն եկել է մեզ տարել,— ասաց նա.— այս Օշափի ձայնն է. նա երևի գալիս է մեզ լափելու։

Այդ միջոցին Պեգասը մի կողմ թռչելով՝ սկսեց բարկությունից վրնջալ, իսկ նրա աչքերը կայծեր էին ցայտում։

— Պեգաս, վիրավորված ես,— բացականչեց Բելլերոֆոնը, նկատելով որ սիրական ձիու արծաթափայլ թևից արյուն է հոսում։ — Նզովյալ Օշափը իր այս շարագործության համար իր վերջին գլուխը պետք է տա ինձ. ինչպե՛ս, նա համարաձակվի՞ վիրավորել անմահ և հրեղեն ձիուն...

Պեգասն էլ այդ էր ուզում. նա մի ականթարթում շրջեց գլուխը և կայծակի արագությամբ սլացավ դեպի ցած։ Քիմեոսը կատաղությունից կասկարմիր կտրած մեկ գալարվում, կծկվում էր քարայրի արյունաթաթախ ավազի վրա, մեկ ձգվում, ցցվում էր սյունի պես և կրճատում բաց ուխը։ Իսկ այդ գարշելու ուխն էլ

այնքան մեծ էր, որ Պեգասն իր տիրոջ հետ միասին, առանց իր երկար թևերը ծալելու, կարող էր ներս թռչել նրա միջով և անցնել կոկորդովը դեպի նրա անհազ, անհատակ որկորը:

Երբ որ նկատեց հրեշը, որ իր թշնամին հարձակվելու վրա է, սկսեց բառանչել և գետաշափ հրահեղեղ վիժել, որով խանձխընձեց Պեգասի քնքուշ թևերը և Բելլերոֆոնի բոլոր ձախ կողմի ոսկեմազ գանգուրները: Բայց սրտնով դեռ շանցավ վտանգը:

Առաջ թույլ տվավ, որ թևավոր ձին իր հեծյալով մի քիչ իրան մտանա, ու հետո՝ մի հանկարծական ոստյունով ընկավ Պեգասի գավառը և իր բոլոր անճոռնի կաղմվածքով կայավ նրանից ու սկսեց իր ճապուռկ ու ջղային պոչը շվանի պես բոլորիչուրջ փաթաթել Պեգասին: Այս գարշելի բեռով բարձված՝ ձին և ձիավորը թռան դեպի վեր և՛ վեր. նրանց ներքևում պսպղում էին արդեն լեռներն ու ամպերը, բայց նրանք էլի շարունակում էին իրանց թռիչքը: Օշափը նրանցից չէր գջլվում և ավելի խոր էր ցցում իր գարշելի ձիրանները խեղճ Պեգասի մեջքին: Այս միջոցին Բելլերոֆոնն շրջվեց և իր կուրծքն ու երեսի կեսը վահանով պատսպարելով, աչքն անակնբարձ ձգեց հրեշի աչքը: Մարդկային աչքի հայացքը կարող չէր տանել Օշափը. նա խփեց աչքերը և առաջի թանթուլները մեկնեց, որ վահանի վրայից բռնե Բելլերոֆոնի գլուխը, բայց՝ բաց արավ իր կուրծքը, և Բելլերոֆոնը ներս ցցեց իր սուրը նրա կրծքի մեջ մինչև կոթը: Հենց որ այս մահացու վերքն ստացավ Օշափը, նրա պոչն արձակվեցավ, և գարշելի հրեշը իր բոլոր թեփամորթ ջանդակով վայր կործանվելով՝ ընկավ մի բարձր ժայռի վրա. նրա փորոտիքից մի նոր կրակ բորբոքվեց և Քիմեոսի բոլոր մարմինն սկսեց այրվել: Երկրի վրայից՝ արևի մայր մանկուց հետո՝ շատ մարդիկ նայեցան և տեսնեցին, որ երկնքից գալարվելով՝ ներքև է թռչում մի գունդուկձիկ եղած անուխի հրեղեն բան՝ երկար պոչով, շատ վախեցան և կարծեցին, թե միջուցե մի օգերևույթ կլինի կամ պոչավոր աստղ, բայց մյուս օրը՝ վաղ առավոտյան, մի քանի երկրագործ գնացին ախատելու իրանց ազարակում և այնտեղ սարսափելով տեսան, որ իրանց բոլոր արտերը սև մոխիրով են ծածկվել, իսկ արտերի մեջտեղը ոսկորների մի կույտ կա, մեծությամբ մի անհազիս դեզի շափ: Այդ օրվանից մինչև օրս ոչ մի մարդ այլևս տեսած չէ Օշափին:

Այս փայլուն և փառավոր հաղթանակը տանելուց հետո Բել-

լերոֆոնը քնքուշ սիրով համբուրեց Պեգասի գլուխը: Ուրախությունից նրա աչքերը ջրակալեցին:

— Սո գնանք, սիրելիդ իմ,— ասաց,— գնանք Պիրենայի աղբյուրը: Ծնորհակալ եմ կատարած բաջադործությանդ համար:

Պեգասը՝ օդի մեջ ծածանելով՝ սկսեց թևավարել, և մի քանի րոպե հազիվ անցած՝ նա արդեն մեղ ծանոթ Պիրենայի աղբյուրի ափին էր: Այնտեղ ամեն ինչ մնացել էր անփոփոխ.— հիշողությունը կորցրած ծերունին եկավ վայրի պտուղներով, տավարած գլուղացին կովերը բերավ ջուր տալու, ջահիլ աղջիկն կուժն ուսին եկավ ջրի:

— Հիմա միտս է գալիս,— ասաց ծերունին նայելով Պեգասի վրա,— որ այս թևավոր ձին ես տեսել եմ մեկ անգամ երեսա ժամանակս: Բայց այն ժամանակները սա տասը հազար անգամ ավելի գեղեցիկ էր, քան թե հիմա:

— Սրա նման երեք հատը ուրախությամբ կիոխի մի հատ բռնակիր ձիու հետ,— ասաց կովարածը:— Այդ թևավոր ձին եթե իմ լիներ, ես նախ և առաջ արմատից կխուղեի սրա թևերը:

Իսկ ջահիլ սղջելը ոչինչ չասաց. նա միշտ վախենում էր անտեղի, հիմա էլ նույնպես: Նա Պեգասին տեսավ թե չէ՝ ետ փախավ դեպի տուն: Վազելիս էլ ոտքը սահեց, կուժը վայր ձգեց կոտրեց:

— Հապա ո՞ր է մեր գանգուրիկ տղան,— հարցրեց Բելլերոֆոնը, ձին մոտ քշելով դեպի գլուղացիները:— Նա իմ մշտական ընկերս էր այստեղ. նա հաստատ հավատացած էր, որ Պեգասը կգա և միշտ նայում էր ջրին՝ սպասելով նրա գալուն:

— Ըս այստեղ եմ, սիրելի Բելլերոֆոն,— կամացուկ կանչեց տղան:

Այս աշխույժ և կայտառ երեխան օրերով սպասել էր Պիրենայի աղբյուրի մոտ, հուսալով թե անհա ուր որ է՝ կգա իր բարեկամը. բայց հենց որ տեսավ Բելլերոֆոնին Պեգասի վրա նստած ամպերից վայր է իջնում դեպի աղբյուրը, նա թաք կացավ թուփերի մեջ, որ ալեորն ու տավարածը շտեսնեն նրա ուրախության արտասուքը:

— Դու տարար հաղթությունը,— բացականչեց նա վազելով Բելլերոֆոնի մոտ, որ դեռ նստած էր Պեգասի վրա:— Ըս հավատացած էի, որ դու կհաղթես անպատճառ:

— Այո՛, մանկիկս, ես հաղթեցի Քիմեո-Օշափին,— պատասխանեց Բելլերոֆոնը:— Բայց եթե քո հավատալը չլիներ, ես եր-

բեք չէի սպասիլ Պեգասին. երբեք չէի թռչիլ ամպերում և երբեք չէի մեռցնիլ Օշափին: Այս բոլորի համար ես միայն քեզ եմ պարտական: Բա՛ց թողնենք այժմ Պեգասին և ազատութիւն տանք նրան. թող երթա իր համար, ինչպես եղել է միշտ:

Այս ասելով՝ Բեւլերոֆոնը աղոթած սանձը վեր առավ Պեգասի գլխից:

— Գնա՛, իմ Պեգաս, դու այժմ ազատ ես միշտ և հավիտյան, — ասաց նա տխուր ձայնով:

Արծաթափայլ թևերով ձին դուրսը դրեց իր տիրոջ ուսին և շարժվեց տեղիցը:

— Դու չե՞ս ուզում ինձանից հեռանալ, — հարցրեց Բեւլերոֆոնը շփելով նրա վիզը. — ուրեմն կա՛ց, որքան ժամանակ որ կամենաս: Հիմա գնանք, ուրեմն, Նոբաթ թագավորի մոտ՝ նրան աչքալույս, որ Քիմեո-Օշափն այլևս գոյութիւն չունի:

Բեւլերոֆոնը համբուրեց գանգուրիկ տղային, նրան մնաս բարով ասաց, խոսք տվավ, որ էլի շուտ ետ կդառնա, և գնաց:

Անցան շատ և շատ տարիներ. գանգուրիկ տղան մեծացավ և սկսեց թռչնլ ամպերից վերև, ավելի և ավելի բարձր, քան թե Բեւլերոֆոնը, և հաղթութիւնների համար ավելի մեծ փառքի հասավ, քան թե Օշափի հաղթողը:

Այս փոքրիկ տղան դառավ մե՛ծ բանաստեղծ...

1888

ԱՅԾԱՏՈՒՐ

1

էլել է չի էլե՛լ մի հարուստ սովորաբար: Այս սովորաբարը իր քարավանով իջնում է մեկ գիշեր մի գյուղի մոտ: Կես գիշերին վեր է կենում, որ պատի քարավանի շորս կողմով և պատվեր տա պահապաններին, որ արթուն մնան, մեկ էլ տեսնում է՝ երկու մարդ դուրս եկան գյուղից, նրանց առաջը եկավ մի ուրիշ մարդ և հարցրեց.

512

— Ի՞նչ բախտ գրեցիք նորածին մանուկի համար:

Մարդիկը պատասխանեցին:

— Այստեղ իջած սովորաբարի բախտը նրան տվինք:

Այս ասացին մարդիկը և իսկույն աներևութ եղան:

Սովորաբարն իսկույն իմացավ, որ նրանք երեխանց ճակատի վրա նրանց բախտը գրող հրեշտակներ էին. շատ տխրեց, որ իր բախտը տվել են մի նորածին մանուկի. էլ նրա բունը շտարավ այն գիշերը:

Լուսացավ թե չէ, սովորաբարը գնաց գյուղ և հարցուփորձ անելով իմացավ, թե ում տանն է երեխա ծնվել այն գիշերը: Գնաց տեսավ բարուրի մեջ մի սիրուն փափլիկ տղա և առաջարկեց նրա հորն ու մորը, որ երեխան իրան տան:

— Ես մեծ կարողութեան տեր եմ, — ասաց, — բայց որդի չունեմ: Ես դրան կորդեզ եմ. բոլոր ունեցած-չունեցածս դրան կտամ, ձեր ապրուստն էլ կհոգամ:

Մտողաց համար շատ դժվար էր համաձայնվել մի այսպիսի առաջարկութեան, մանավանդ ծննդկան մոր համար, բայց որովհետև իրանք աղքատ էին, չգիտեին ինչ անեն. տան, թե չտան: Հավաքվեցին դրացիները և ամեն կողմից սկսեցին համոզել ծրնողացը, որ իրանց որդու բախտավորութեանը արգելք չլինեն: Առանց դրան էլ զավակներ չստանա՞նք, — ասացին նրանք, — և էլի կունենաք. դուք հազիվ նրանց կարող եք պահել. այդ մեկն էլ տվեք այս պարոնին, թող գնա. հարուստ մարդ կդառնա, ձեզ էլ կհարստացնեն:

Սրա վրա ծնողքը հոժարեցան և երեխային մի քանի ոսկով տվին սովորաբարին:

Սովորաբարը տարավ երեխային իր քարավանը և ճանապարհ ընկավ դեպի իր գնալու աշխարհը: Շատ գնաց թե քիչ, աստված գիտե, երբ որ հասան մի ջրառատ և գեղեցիկ հովիտ, այդտեղ իջան հանգստանալու:

— Սրանից էլ թաքուն տեղ չի լինիլ, — մտածեց սովորաբարը. — հիմա ես սրան թողել կտամ այս հովտումը, տեսնեմ՝ այնուհետև էլ ինչպե՞ս պետք է խլել ինձանից իմ բախտը:

Կանչեց իր հավատարիմ ծառային և ասաց. — «Առ այս երեխային և տար մատաղ արա ինձ համար. միայն սիրտն ու թոքը բեր ինձ»:

513

Սովզաքարը կարծում էր, որ երեխայի սիրտն ու թոքը կը վերադարձնեն իր բախտը:

2

Եղանակը ամառային էր, և տարին երաշտ: Բայց չրարբի և դալարագեղ հովիտը մի լեռնային տեղ էր և շատ գեղեցիկ ամառանոց խաշնարած ժողովրդի համար:

Սովզաքարի ծառան երբ որ երեխային բոլորովին հեռացրեց քարավանից և անցավ մի բլրակի քամակ, այստեղ տեսավ հոտերով ոչխարներ և սկսեց մտածել ինքն իրան...

— Ո՛չ, անիրավ աղաս, ես քո անգութ հաճույքը կատարել չեմ կարող:

Այսպես մտածեց ծառան, և երեխային մի թփի տակ դնելով նրա պահպանությունը հանձնեց վերին նախախնամության:

Ոչխարի հոտը հեռու չէր: Ծառան դիմեց հովիվներին, գնեց մի փոքրիկ ուլ, մորթեց և սիրտն ու թոքը հանելով տարավ իր աղաչին: Սովզաքարը խորովեց, կերավ և միամտվելով շարունակեց ճանապարհը:

3

Ոչխարի հոտը կամաց-կամաց սփռվելով հովտի մեջ, հասավ այն թփին, ուր դրված էր երեխան: Մի կթի այծի ծծեր այնքան լցվել էին, որ քիչ էր մնում տրաքվելին. մի ծծկեր կենդանի էր փնտրում, որ թեթևացնել տար իր ծանրությունը: Նա որ տեսավ երեխային թփի տակ ուլի պես հեկեկալիս, իսկույն մոտեցավ և ծիծը դրավ բերանին: Քաջառողջ և ուժեղ մանուկը սկսեց ծծել այնքան, որ բոլորովին դատարկեց այծի ծծերը: Թե այծը և թե մանուկը հավասարապես գոհ մնացին այս անակնկալ դեպքից: Այս բանը սովորություն դարձավ այծի համար. ամենայն օր միևնույն ժամին, ուր էլ որ լիներ հոտը, նա շոկվում էր և վազում դեպի մանուկը, որ ծիծ տա նրան:

Այս կթի այծը պատկանում էր մի պառավի: Պառավը մի քանի օր վրա-վրա զրկվեց կաթից. այծը գնում էր տուն դատարկ կրծքով: Շատ նեղացավ պառավը և գնաց հովիվների հետ կովեց:

— Դուք եք կթում իմ այծը,—ասում է պառավը և մեղադրում հովիվներին: Իսկ հովիվները պատասխանում են.

— Երկի՛նք, գետի՛նք, մենք տեղեկություն չունինք: Մենք որ կթելու լինինք, քո միակ այծը չենք կթիլ, այլ նրանցը կկթենք, բրոնք մեկի տեղ մի քանիսն ունին: Բայց քո այծը սովորություն է արել հանկարծ անհայտանալու: Մեկ էլ նայում ենք, որ՝ չկա. ուր է գնում՝ չգիտենք: Կուզես, մեկ օր եկ, դու ինքդ տես աչքովդ, որ հավատաս:

Պառավը մեկ օր այծի հետ գնաց ոչխարը և աչքը շահացրեց նրանից: Կեսօրի մոտ ժամանակը, երբ այծի կուրծքն արդեն լցվել էր, սուս ու փուս քաշվեց դեպի մանուկը: Պառավն սկսեց հետևել նրան. Այծը կանգ առավ մի թփի տակ և նրկար մնալուց հետո վերադարձավ դատարկ կրծքով: Պառավը մոտեցավ թփին և տեսավ մի հրաշալի երեխա. Պառավի ուրախությունն էլ շափ չկար:

— Այս լավ դառավ,— ասաց նա,— եթե մի քանի օր կաթից զրկվեցա, որա փոխարեն աստված ինձ մի որդի տվավ. կտանեմ, կպահեմ, կմեծանա, ինքն էլ ինձ կպահի: Գրկեց երեխային, տարավ մոտիկ վտակում խշխշալի լողացրեց, փաթաթեց իր շարսավում ու ստեպ-ստեպ համբուրելով տարավ տուն: Տղան մեծացավ և իրավի, դառավ պառավի ժերություն նեցուկը, նրա պահպանը: Եվ որովհետև սկզբում այծն էր պահպանել նրան, այդ պատճառով նրա անունը դրին Այծատուր, ասում էին և «Այծի տղա» մականունով:

4

Այծատուրը դառել էր արդեն տասնըվեց-տասնըրորթ տարեկան և մի հրաշագեղ, խելոք, ժլաջան և ամենքին սիրելի նրիտասարդ էր: Այս միջոցին սովզաքարը մեծ քարավանով եկավ իջավ այս գյուղումը: Հյուրասեր գյուղացիք շրջապատեցին սովզաքարին և մեծ պատվով ընդունեցին: Ամենից առաջ նրա ձիու կապը բռնեց Այծատուրը, օգնեց նրան իջնել ձիուց և ինքն

սկսեց ձին ման ածել, որ հանգստացնե հոգնածությունից: Երբ որ ձին կապեց և խոտ տվավ, սկսեց իրան՝ սովորաբարին ծառայել և կերակուր պատրաստել: Սովորաբարին շատ դուր եկավ Այծատուրը. նրա քաղաքավարի խոսք ու գրույցը, շարժումները, ճարպիկությունը սովորաբարի ուշադրությունն այնպես գրավեցին, որ ուզեց նրան իր մոտ վերցնել: Սկսեց հարցուփորձ անել և տղան պարզամտությամբ պատմեց իր ծագումը, ինչպես որ լսել էր, և իբրև ապացույց իր ասածի ճշմարտության, վկա բերավ իր Այծատուր անունը:

Սովորաբարն իսկույն մատը կծեց.— Շըմ,—ասաց իր մըտքումը,— սա իմ վերցրած մանուկը պետք է լինի, և հենց այստեղ էլ հրամայեցի, որ սպանեն նրան, բայց բանից դուրս է գալիս, որ ծառան չի կատարել իմ հրամանը, և հենց տարիքն էլ համապատասխանում է նույն տարվան:

— Այծատուր որդի,— ասաց սովորաբարը,— կուզե՞ս ինձ մոտ մնալ. ես քեզ կնշանակեմ զլխավոր վերակացու իմ բոլոր ունեցած-չունեցածի վրա. դու խելոք տղա ես երևում, լավ ապագա կունենաս:

— Ես այդպիսի բախտից փախչող չեմ,— ասաց Այծատուրը.— երբ որ դուք այդպիսի ողորմած և բարի կլինեք դեպի ինձ, ես էլ կաշխատեմ երախտահատույց լինել և հույս ունեմ, որ ամոթով չեմ մնալ ձեզ մոտ:

Ինչ ասել կուզի, որ սովորաբարի նպատակը չար էր: Նա ոչ թե Այծատուրի բախտը, այլ նրա անբախտությունն ու մահն էր ուզում:

Այծատուրը հուսադրելով իր խնամակալ պառավին, որ շուտով ետ կդառնա և նրան մենակ չի թողնիլ, մնաս բարև արավ, գնաց սովորաբարի հետ:

Մեծ հարստության տեր էր սովորաբարը: Երբ որ նրա քարավանի ծայրը բացվում էր, էլ վերջը շէր կտրվում: Հազարավոր ուղտեր, ձիանք և ջորիք միայն նրա վաճառքն էին մի քաղաքից մյուս քաղաք տեղափոխում: Ի՞նչ ճոթեղեն, ի՞նչ ակնեղեն, ինչ մրգեղեն ու համեմունք ասես, որ նա շուներ: Ով ինչ ուներ ծա-

խելու, նրա առնելուն էր սպասում, ով ինչ գնելու ուներ, նրա ապրանքի գալուն էր սպասում: Երբ որ տանից դուրս էր գալիս, էլ տարիներով չէր վերադառնում. պատահում էր, որ ամիսներով ճանապարհ էր գնում, օրինակ, Հնոստանից մինչև Խորասան, Խորասանից մինչև Թիֆլիս, Թիֆլիսից մինչև Հաշտարխան: Տուն ուներ ինչպես թագավորական պալատ. շահերն ու սուլթանները նրանից էին փող պարտք անում. նրա թանկագին ընծաներին սպասում:

Նա կին ուներ, բայց արու զավակ չունեց, այլ մի աղջիկ միայն, որ ինչքան գեղեցիկ էր, նույնքան և բարի ու խելոք: Գոհարիկ էր անունը և արդեն տասներհինգ տարի լրացրած մի նախանձելի հարսնացու էր:

Սովորաբարն այժմ իր քարավանով դեպի տուն էր վերադառնում և հինգ օրից հետո պիտի հասներ: Մի նամակ գրեց, տվավ Այծատուրին և մի լավ ձի տուր՝ ասաց.

— Այս նամակը կհասցնես մեր տուն և քո ձեռքովը կտաս իմ կնոջը:

Այծատուրը, որ մի առիթ էր որոնում իր պարոնի հրամանը մտելուց մյուս և անհապաղ կատարելու, նամակը ծոցումը դրավ և ձին նստեց թե չէ՝ թև առավ թռավ դեպի սովորաբարի տունը:

Մյուս օրը ճաշի ծամանակ հասավ սովորաբարի տունը: Ամառն էր. բավական շոգ օր էր: Իջավ ձիուցը, ձին կապեց մի ծառի ստվերում, իսկ ինքը մտեցավ տան դռան: Տեսավ դուռը կողպած է, էլ չուզեցավ անհանգստացնել ներսը եղողներին. թեք ընկավ պատի տակին և սաստիկ հոգնածությունից ու անքնությունից իսկույն քունը տարավ:

Մեր Այծատուրը այսպես քնի մեջ ով գիտե ինչ էր տեսնում երազումը, բայց արեգակի այրող ճառագայթների տակ կարմրել էր և քրտնեղ այնպես, ինչպես մայիսի կարմիր վարդը մարգարտյա ցողի կաթիլներով: Իր այս պատկերով նա ուղիղ Գոհարիկի սենյակի պատուհանի դիմացն էր: Ով գիտե, ինչ անհայտ դրողմից ստիպված, Գոհարիկը բաց արավ սենյակի պատուհանը և հանկարծ որ շտեսավ Այծատուրի ցողաթաթախ վարդագեղ ղեմքը, մնաց տեղն ու տեղը մեխված, իր կյանքումը տեսած չէր մի այդպիսի հրաշագեղ պատկեր: Էլ աչքը չհեռացրեց. հանգամանքը հաջող էր, որովհետև իրան գրավող երիտասարդը քնած էր և կարող չէր տեսնել նրան: Այսպես որ շատ նայեց Գոհարիկը, մի

նամակի ծայր նշմարեց տղայի ծոցից դուրս եկած, հետո էլ տեսավ ձին և ճանաչեց:

— Սրան անպատճառ իմ հայրս կլինի ուղարկած իր գալուստն իմաց տալու, — ասաց աղջիկն իր մտքումը և առանց երկար մտածելու՝ իջավ վերևից և Այծատուրի ծոցից նամակը կամացուկ դուրս քաշեց ու կրկին թռավ դիպի վեր՝ իր սենյակը:

Գոհարիկը բաց արավ նամակը և կարդաց հետևյալը.

«ԻՄ ՍԻՐԵԼԻ ԱՄՈՒՍԻՆ»

Այս գրաբեր երիտասարդը քեզ մոտ հասնի թե չէ, սիրով կընդունես, որ ոչ մի կասկած չտանես, և սրով կլինի թե հրով, թույնով կլինի. թե պարանով, անհապաղ վերջ կտաս դրս կյանքին: Ես հինգ օրից այդտեղ կլինիմ և դրան չպիտի տեսնեմ կենդանի:

Քո ամուսին:

Գոհարիկը կարդաց այս նամակը և իր ոչ աչքերին և ոչ ականջին չհավատաց: Ո՛չ, երևի հայրս ուզեցել է գրել ահա ինչ և սկսեց գրել հետևյալը.

«ԻՄ ՍԻՐԵԼԻ ԱՄՈՒՍԻՆ»

Այս գրաբեր երիտասարդը քեզ մոտ հասնի թե չէ, իսկույն իմ Գոհարիկին դրան կտաս և կպսակես, այնպես որ մինչև իմ գալստ՝ ամեն ինչ վերջացած լինի:

Քո ամուսին:

Գոհարիկն այս նամակը գրեց կարծես անգիտակցաբար, առանց իրան որևէ հաշիվ տալու և տաքավ դրավ Այծատուրի ծոցումը: Այս գործողությունը կատարելուց հետո Գոհարիկը ստա

ու փուս վեր բարձրացավ, այրեց իր հոր նամակը և որպեսզի Այծատուրին երկար շթողնե արևի տակ, ուրախ-ուրախ ներս մտավ մոր բնչակը՝ ասաց.

— Մայրիկ, նայիր, մեր դռանը մի անծանոթ երիտասարդ կա քնած: Նա ձիով է եկել, իսկ ձին հայրիկինն է. ուրեմն նա մի լրաբեր պետք է լինի: Հարկավոր է նրան զարթեցնել և վեր կանչել:

Ծառաները ուրիշ տեղ էին գնացել, տանը ոչ ոք չկար, բացի մորը: Ու աղջկանից: Մայրը իջավ ներքև և Այծատուրին զարթեցրեց:

Այծատուրը ներողություն խնդրեց տիրուհուց և ծոցիցը նամակը հանելով տվավ իրան:

Տիրուհին նամակը կարդաց և տղայի երեսին նայելով՝ մի առանձին ուրախություն և հաճույք զգաց:

— Ինչ գիտե՞ս՝ այս նամակումն ի՞նչ է գրած, — հարցրեց տիրուհին:

— Ո՛չ ինձ հայտնի չէ, տիրուհի:

— Երևում է, որ հայտնի չէ, եթե ոչ՝ էլ ի՞նչ կտաներ քուռը: Քնանք վերև, ես այնտեղ քեզ կհայտնեմ, թե ինչ է գրած:

Տիրուհու նպատակն էր տեսնել, թե ինչ ներգործություն կանե աղջկա վրա հոր կամքը:

Տիրուհու սիրալիր ընդունելությունը բավական քաջություն տվավ Այծատուրին, թեև նա առանց այս էլ իր հոգեկան անմեղ վիճակից դուրս չէր կարող գալ. նա ոչ ամոթխած էր և ոչ հանդուգըն. ազատ էր երկու ծայրերից էլ, իբրև բնության անարատ զավակ:

Երբ որ վերև բարձրացան, նրանց դիմավորեց Գոհարիկը և սկսեց հարցուփորձ անել հոր մասին, նրա առողջության, իսկ մորից հարցրեց, թե ի՞նչ է գրել հայրը:

Այծատուրը միայն հեքիաթներում էր լսած Գոհարիկի նման գեղեցկուհիների մասին, և ինքն իրան շատ երջանիկ զգաց, որ այնպիսի մի դիցուհու նվաստ ծառան պիտի լինի: Նա չէր կարող մտքովն անգամ անցկացնել, որ կարող է ծառայից էլ ավելի բարձր լինել և նրան իրան կողակից և լծակից համարել:

— Անունդ ի՞նչ է, որդի, — հարցրեց տիրուհին:

— Այծատուր է, — պատասխանեց տղան, Այծատուր անունից ամաչելով:

— Աստվածատու՛ր... Գիտե՛ս, Աստվածատուր, իմ ամուսինըս գրել է, որ դու գաս թե չէ՝ իմ աղջիկը քեզ տամ. սա է ահա իմ աղջիկը: Ես չեմ կարող ընդդեմ կենալ նրա կամքին և իմ կողմից արգելք չկա. բայց եթե դու կամ սա հոժար չեք լինիլ, այդ բանումը ես մեղավոր չեմ լինի, պատասխանատուն դուք կլինեք:

Այս ասելով տիրուհին նամակը տվավ աղջկանը:

Այծատուրը այնպես կարծեց, թե երազումն է տեսնում այս անցքը, մնաց լուռ և վեր քաշված, ոչինչ չկարաց խոսել: Իսկ Գոհարիկն ասաց.

— Ես հնազանդ եմ իմ հոր կամքին, բայց չեմ կարող բռնությամբ տիրել մի երիտասարդի սրտի վրա. գուցե նա համաձայն չէ:

Այծատուրը տեսավ, որ իր տեսածը երազ չէ և ոչ հանաք են անում իր հետ, բոլոր ուժը մի տեղ հավաքելով՝ ասաց.

— Ես ոչ պակաս հնազանդ եմ իմ տիրոջ կամքին. նա որ ինձ հրամայե, թե գնա ջուրն ընկիր, կընկնիմ, ուր մնաց որ նա ինձ ջուրը չի ձգում, այլ հանում է ջրից:

— Ուրեմն ամեն ինչ վերջացած է,— ասաց տիրուհին և կանչեց ծխատեր հոգևորականին, որին ցույց տալով իր ամուսնու նամակը՝ խնդրեց, որ շուտով պսակի ծեսը կատարե:

6

Հինգ օրից հետո սովորաբար եկավ: Հենց որ տան գավիթը մտավ, տեսավ Այծատուրին իր աղջկա հետ ուրախ-զվարթ ճեմելիս իր հոյակապ տան պատշգամբի վրա:

— Այս ի՞նչ խաղ է,— մտածեց նա.— երևում է, որ իմ գրածի հակառակ սա ամուսնացել է իմ աղջկա վրա: Ուրեմն ես էլ ինձ այնպես ցույց կտամ, որ իբր թե իմ կամքն էլ այդպես է եղել: Երբ մտավ ուրախ-զվարթ, բարևեց ամենքին և դառնալով տղային ու աղջկան՝ հարցրեց կնոջը՝ արդյոք կարո՞ղ եմ շնորհավորել:

— Այո՛, այո՛,— ասաց կինը.— ինչպես որ գրել էիր, թե մինչև իմ գալս պսակված պրծած լինին, ես էլ անհապաղ կատարեցի քո կամքը:

520

Մյուտեղ մարդը զլխի ընկավ, որ իր նամակի բովանդակությունը փոխված է, և կասկած տարավ Այծատուրի վրա, թե նա ինքը կլնեի փոխած, և մտածեց վրեժխնդիր լինել:

Մյուս օրը գնաց իր այգին, այգեպանին պատվիրեց մի խոր հոր փորել և ամբողջ գիշեր կրակ վառել նրանում. իսկ վաղը առավոտյան,— ասաց,— մի մարդ կուղարկեմ այստեղ. հենց որ մտնի թե չէ, բռնեցեք և ձգեցեք նույն հորի մեջ և վրան նոր ցախ ածեցեք և այրեցեք:

Սովորաբարն ինչպես ասաց, այգեպաններն էլ այնպես պատրաստեցին:

Երկուշաբթի ընթրիքի ժամանակ սովորաբարը դառնալով Այծատուրին՝ ասաց.

— Ես թեպետ գրեցի, որ պսակն առանց ինձ կատարվի, բայց հիմա տեսնում եմ, որ շատ եմ շտապել: Այդ նրա համար արի, որ ինձ շատ դուր եկար: Ի՞նչ կասեն քաղաքացիք. չե՞ն ասիլ, թե ինչո՞ւ ժլատություն արավ և պսակն առանց հրավերքի կատարեց: Վաղը պետք է մեծ հրավերք սարքեմ և ես ինքս կտեսնեմ բոլոր պատրաստությունը: Քեզ կխնդրեմ միայն, որ գնաս այգին և այնտեղ թարմ մրգեղենի պատրաստությունը ինքդ տեսնես, չմոռանաս նաև թարմ ծաղիկներից բազմաթիվ փունջեր շինել տալ:

Մյուս օրը Այծատուրը վեր կացավ, պատրաստվեց, որ գնա այգի: Ճանապարհին, աղոթատան մոտովն անցնելիս, միտն ընկավ, որ օրը կյուրակե է, և ամբողջ ժողովուրդը աղոթքի է կանգնած:— Գնամ, ես էլ կատարեմ իմ աղոթքը, աստծուն փառաբանություն տամ. դեռ վաղ է, չեմ ուշանալ ճաշվա համար հարկավոր եղածը պատրաստել:

Այծատուրը մտավ աղոթատուն և երկար մնաց այնտեղ:

Սովորաբարի սիրտը տրեփում էր անհանգստությունից. նրա համար մի ժամը տարու շափ երկարանում էր: Մի երկու ժամից հետո շտապեց դեպի այգին, որ տեսնե՛ իր հրամանը կատարվա՞ծ է արդյոք: Այգին մտավ թե չէ՝ նրան ցիմ-ցիմ վերցրին այգեպանները և ձգեցին հրաբորբոք հորի մեջ և իսկույն նորանոր ցախ ու փայտ թափեցին մեջը: Դեռ հորը չընկած՝ շատ աղաղակեց, թե ես ձեր տերն եմ, ձեր աղան եմ, բայց ոչ ոք չլսեց, կարծես ամենքն էլ խլացել ու կուրացել էին:

Այս դեպքից երկու ժամ շանցած՝ Այծատուրը գնաց: Նրան ընդունեցին իբրև իրանց տիրոջը և հայտնեցին, որ նրա հրամանք

521

կատարված է:—Ի՞նչ հրաման,—հարցրեց Այծատուրը և իմացավ, որ սովորաբարն ընկել է ուրիշի համար փորել տված հորը:

Այստեղ հեքիաթաբաններն ասում են, թե այգեպանների աշքումը Այծատուրն իրանց տիրոջ նման է. իսկ սովորաբար՝ մի ուրիշի: Ասում էլ են, թե ճակատի գրածը չի ջնջվի, և ուրիշի համար հոր փորողը ինքը կընկնի նրա մեջ:

1889

ԵՂԵԳՆՈՒՎ

1

Մի թագավոր է էլել: Այս թագավորը մի որդի է ունեցել միևնուճար: Տղան որ հասել է, հայրն ասել է.—Որդի, ժամանակ է քեզ ամուսնանալու. ո՞ւմ ևս աչքադրել, ասա, գնանք նրան ուզենք կամ թե չէ մեզ կա՞ք տուր, մենք ինքներս կընտրենք քեզ հարմար մի աղջիկ:

Որդին ասաց.—Հայր, ես միտք չունիմ աղջիկ ուզելու, իսկ եթե ուզելու լինիմ, պետք է այնպեսն ուզեմ, որ հոր ու մոր ծնունդ չլինի:

Ջարմանում է հայրը և ասում է.—Այդպես բան անկարելի է:

Որդին ասում է.—Անկարելի բան չկա, հայր. աստուծո ձեռին ամեն ինչ հնչոտ է, նա կարող է քարերից էլ մարդ շինել:

Քանի անգամ որ հայրն առաջարկում է որդուն ամուսնանալ, որդին միշտ այս է ասում, թե հոր ու մոր ծնունդ ուզելու չէ:

Շատ որ ասում է որդին, և ասում է հավատարմով և ոչ թե գիտությամբ բանը դժվարացնելու համար, թագավորն էլ է հավատում, որ կարելի բան է այդ, սկսում է փնտրել որդու ուզածի նման մի աղջիկ: Շատ է հարց ու փորձ անում, շատերն ասում են, որ լսել են, թե եղած է այդպես բան, բայց իրանց աչքով տեսած չեն և չգիտեն, թե որտե՞ղ կարող են մարդիկ ծառի պես բանն և չունենալ ոչ հայր և ոչ մայր:

Թագավորն իր որդու սիրույն համար ընկավ աշխարհքն աշ-

խարհք և շուք շուք, շատ անգամ ևս եկավ, շատ անգամ հարցումքով արավ, և ոչինչ չգտավ: Վերադարձի՛ մի անտառի մեջ պատահեց նրան մի ծեղու՛ի. նրան էլ հայտնեց Քաղավորը, թե ինչի՞ է մասն գտլիս: Սերունդին ասաց.—Դրա համար հարկավոր չէ հեռու ելթալ. քո քաղաքի մոտ մի մեծ գետ կա, նրա ափին մի եղեղնուտ կա, որ մարդի ոտք ընկած չէ դեռևս, որովհետև այն տեղը սուրբ է անմատչելի է համարվում, իսկ շատերն էլ կարծում են, որ այնտեղ աներևութ ոգիք կան: Կերթաս այնտեղ, կընտրես եղեղնուտ ամենից գեղեցիկը, կկտրես, չքանակցած դանակով, կձգես ջուրը, և նա իսկույն կդառնա աղջիկ չո տու հավանած:

Թագավորն ինչպես որ լսեց, այնպես էլ արավ: Աղեղնուտը քաղավ և մնաց ջրի մեջ ընկղմված, դուրս գալ ամառեց, որովհետև մերկ էր: Թագավորն ասաց.—Սպասիր այստեղ, ես քեզ համար հարուստ և աղաքիներ կտալաքեմ. որև իմ հարսնացումն ես քեզ պիտի ուզեմ իմ որդու համար: Այդ ասաց թագավորը, և նրա անունն էլ դրավ Եղեղնու՛հի, որ այնշանակե եղեղն աղջիկ:

2

Գետի մոտերքում ընկվում էին թափառական սևադեմ բռշաներ: Թագավորը որ հեռացավ, մի բռշա աղջիկ գնաց նույն տեղը, ուր որ թագավորն էր, և տեսավ այնտեղ մի հրաշալի գեղեցկության աղջիկ: Հարցրեց նրա ով լինելը, աղջիկն էլ ասաց, որ թագավորի հարսնացուն է, հիմա պիտի գան տանն իրան:

Բռշան տեսավ, որ Եղեղնու՛հին շատ միամիտ է. ուզեց ինքը բռնել նրա տեղը:—Դուրս եկ,—ասաց,—ջրիցը, ինձնից մի քաշվիր:

Աղջիկը դուրս եկավ ափը թե չէ, բռշան նրան խեղդեց ու գցեց գետը, իսկ ինքը մերկացավ և ընկղմվեց ջրի մեջ, որ կարծեն, թե նա է Եղեղնու՛հին:

Թագավորի աղախիները եկան փառավոր հազարատով և տեսան ի՞նչ... մի սև, այլանդակ բռշա աղջիկ:—Դո՞ւ ես,—ասացին,—Եղեղնու՛հին:—Այո՛,—պատասխանեց աղջիկը:—Հարա ինչո՞ւ ևս սև ու տգեղ, նա շատ շքեղ և աննման պետք է լինի:—Գիտե՞ք,—ասաց բռշան.—դուք շատ ուղացաք, արևն այրեց ինձ և փոխեց կերպարանքս: Բայց այս վնաս չունի. եթե ինձ պահեն շուշա-

բանդ պալատում, մի քանի օրից կրկին կատանամ իմ առաջվան գեղեցկությունը:

Հավատացին նաժիշտները, թագուհու հագուստ հագցրին և տարան ապարանք: Թագավորը որ տեսավ, մնաց՝ զարմաշած:— Սա իմ տեսած աղջիկը չէ, ասաց: Թագավորի որդին էլ որ տեսավ, ետ քաշվեցավ զզվանքով:— Սա չէ,— ասաց,— իմ ուզածը: Նա սպիտակ պետք է լինի, ինչպես հրեշտակ, իսկ սա սև է, ինչպես սատանա:

Խոսեցրին աղջկանը. նա միևնույնն աւաց, ինչ որ նաժիշտներին:— Լավ,— ասացին, և տառան դրին մի շուշաբանդ սենյակում, որ այնտեղ գեղեցկանա, և սկսեցին մեծ պաշտով սպասել: Միայն տղան մոտ շէր գնում. նա զգում էր, որ բանի մեջ շարի մատը կու խառնված, որ այստեղ մի խարդախություն կա, բայց ինչպե՞ս իմանա եղելության որպիսությունը:

3

Շատ տխուր է թագավորի որդին: Օրեր են անցնում, բայց նորահարսի գեղեցկանալու մասին լուր չկա. ինչքան լավ են պահում, այնքան ավելի է պլպլում նա, ինչպես սև սաթ, և գիրաւում ու հաստանում է խոզի պես:

Թագավորի որդին իր մտատանջությունն ու սրտնեղությունը փարատելու համար գնաց դեպի գետի ափն զբոսնելու: Այնտեղ նա ձկնորսներ տեսավ, որոնք ուռկանով ձուկն էին որսում: Կանչեց նրանց իր մոտ և ասաց.— Ուռկաններդ ձգեցեք ահա այսինչ տեղը. ուզում եմ բախտս փորձել, ինչ որ դուրս գա, իմս է:

Ուռկանը ձգեցին, և դուրս եկավ մի հրաշալի ձուկն, ինքն արծաթի, իսկ թևերը ոսկի: Զարմացան որսորդները. այնպիսի ձուկն նրանք ոչ լսած և ոչ տեսած էին:

— Քեզ միայն ալժանի է այս ձուկը,— ասացին նրանք թագավորի որդուն,— եթե առանց քեզ էլ բռնած լինեինք, պիտի բերեինք քեզ ընծա:

— Շնորհակալ եմ,— ասաց թագավորի որդին և նրանց լավ վարձատրեց: Ձուկը տարավ և ձգեց իր ծաղկանոցի ավազանը. և այնուհետև էլ նրա մոտից չէր հեռանում. նրան նայելուց չէր կշտանում, նրա մոտ էր ուտում, խմում և ննջում:

524

Բոշա աղջիկն իմացավ, որ մի հրաշալի ձուկ է բռնել թագավորի որդին, և իսկույն հասկացավ, որ նա ինքն է Եղեգնունուհին, որ սպանվելուց հետո ձկան կերպարանք է ստացել, էլ քունը շտարավ: Եվ մեկ օր ասաց նաժիշտներին.— Ի՞նչ կարող եմ գեղեցկանալ, քանի որ թագավորի որդին խորշում է ինձանից և իր սերը մի ձկան է տվել: Եթե այդ գեղեցիկ ձուկը մորթեն և ուտեցնեն ինձ, իմ գեղեցկությունը կրկին վրաս կգա:

Այս բանը շատ որ ասաց և հավատացրեց սմենդին, ճարահատյալ ձուկը մորթեցին և ուտեցրին բոշային, բայց նա էլի մնաց բոշա ու բոշա:

4

Ձուկը որ կերավ աղջիկը, փշերը տվավ նաժիշտներին և հրամայեց, որ ուտեն: Նաժիշտները գեղեցկանալու հույսով կերան ձկան փշերը, բայց մեկ փուշ ազատվեց նրանց բերանից և աղբի հետ պարտեզ ընկնելով մի ծառ դառավ, մի զարմանալի և հրաշալի ծառ, մշտադալար և մշտաբեր: Նրա ծաղիկների հոտից մարդ չէր կշտանում, իսկ պտուղն էր փունջ մարդարիտ: Թագավորի որդին հիմա էլ այդ ծառի վրա սիրահարվեց, նրա հովանու տակ հաստատեց իր բնակությունը և գիշեր-ցերեկ այնտեղից չէր հեռանում:

Բոշան գլխի ընկավ, որ այդ ծառը ձկան մնացորդից է առաջ եկել, շատ տխրեց և ամհնայն հնարք գործ դնելով՝ խաբեց թագավորին, թե մինչև ծառը չկտրե, որդին իրան չի սիրի, և քանի որ նա չի սիրի, ինքը միշտ տգեղ կմնա:

Հավասաց թագավորը և կտրել տվավ ծառը: Բոշան այրեց ծառի բոլոր մասերը և ինքն իր մեջ հանգստացավ:

Բայց ծառը կտրելիս մի կոկ տաշեղ թռավ և մի խեղճ պառավի տան հերթովն ընկավ ներս: Այս բանը ընկատեց բոշան, շնայած որ ամեն զգուշություն գործ էր դրել, որ մի շուտ անգամ շագատվի ձեռքիցը:

Պառավը երբ տեսավ տաշեղը, շատ հավանեց. այս ի՞նչ լավ խուփ է, ասաց և վեր առավ նրանով ծածկեց մի բզուղի բերան:

525

Պատւովը շատ աղքատ էր և իր ձեռքի աշխատանքովն էր ապրում: Առավոտը կանուխ դուրս էր գալիս տանից, գնում էր օրա նրա մոտ ջահրա մանում, գործ անում, երեկոյին գալիս էր տուն: Այսպես մյուս առավոտը հենց որ գնաց իր բանին, բոլորի խոսից տեղիցը թռավ և դառավ մի սիրուն աղջիկ, այսինքն՝ էլի դառավ առաջման Եղեգնուհին, միայն այս անգամ պարզ և սիրուն հագուստով վարդարված:

Եղեգնուհին վեր առավ ավելը, տունը-տեղը մաքուր սրբեց, կրակ արավ, կերակուր եփեց և իրիկնաբնմին, պառավի գալու ժամանակը, թաք կացավ մի անկյունում: Պատվը ներս մտավ և տեսնելով ամեն ինչ սառած, կարգած, տունն ավլած, կերակուրը եփած, մնաց զարմացած:— Ո՞վ պիտի լինի արած այս բանը,— ասաց.— դուռը կողպած էր, ոչ ոք էլ կառող չէր գալ, կարելի է հերթովը լինի մտած: Բայց ով որ է, ինձ լավություն է արել. վատություն չի արել. երանի միշտ այսպես անի:

Եղեգնուհին լսեց պառավի խոսքերը, տեսավ որ գոհ է, սկսեց հազալ ու կամաց-կամաց դուրս եկավ մութ անկյունից: Պատվը որ տեսավ Եղեգնուհուն, մնաց հիացած: Աղջիկը փաթաթվեց պառավին, համբուրեց նրա կուրծքից և ասաց.— Դու ինձ մայր, ես քեզ աղջիկ...

— Շատ ուրախ կլինիմ,— ասաց պառավը,— բայց դու այնքան զեղեցիկ ես, որ կարծես հողեղեն չլինիս, երեսիցդ լույս է թափվում. քանի որ դու կլինիս, էլ մեր տանը հարկավոր չի լինիլ ոչ ճրագ և ոչ կրակ: Այս ասաց պառավը և սկսեց համբուրիլ աղջկանը, ինչպես մի սրբուհու, և հարցրեց թե ո՞վ է նա:

— Իմ ով լինելը մի՞ հարցնիր. ժամանակ կգա կիմանաս. իսկ մինչև այն ժամանակը ոչ ոքի մի՞ էլ ասիլ, որ ինձ նման մի աղջիկ ունիս. իմ երեսը ոչով չպիտի տեսնի, բացի քեզանից: Դու կշարունակես քո պարապմունքը, ես տանը կմնամ, ինձ համար կար ու գործ կբերես, ես կանեմ:

Եղեգնուհու հրաշալի կար ու գործի համբավը հասավ մինչև թագավորի ապարանքը: Թագավորի որդին կառնեց պառավին և զանազան կար ու գործի պատվեց, ներ տվավ նրան: Պատվը շու-

տով հասցրեց այդ ամենը. տղան նայեց, մնաց զարմացած, կարծես ձեռք ու ասեղ չէր դիպած:

— Ա՛յ սլառավ,— ասաց թագավորի որդին,— ո՞վ է կարել այս, պետք է ինձ ուղիղն ասես:

Պատվը չկարողացավ թաքցնել և ասաց, թե այսպես ու այսպես մի աղջիկ ունիմ, նա է անում այս աշենը: Թագավորի որդին ասաց.— Ես պիտի տեսնեմ նրան: Պատվին ասաց.— Շատ լավ, բայց թույլ տուր, առաջ իրանից հրաման անեմ, թող իր կամքովը լինի: Տղան ասաց.— Շատ լավ, բայց շուշացնես:

Պատվին ասաց աղջկանը, որ թագավորի որդին ուզում է նրա տեսությունը: Աղջիկն ասաց.— Շատ լավ. կասես իրան, որ մենակ չգա, այլ թող հետը բերե իր հորն ու մորը և իր նորահարսին: Դու ճաշի հրավիրիր նրանց, մի վախենար. ես ամեն պատրաստություն կտեսնեմ, նրանց քաջած չենք թողնիլ:

Պատվը հայտնեց թագավորի որդուն, և նա էլ նշպես ասել էր աղջիկը, վեր առավ հորն ու մորը և հարնացվին ու գնաց պառավին հյուր:

Եղեգնուհին դռան մոտ դիմավորեց նրանց և թագավորավայել ձևերով ու պատվով ներս հրավիրեց հյուրերին: Ամենքը մնային հիացած: Ի՞նչ զեղեցկություն, ի՞նչ շարժմունք, ի՞նչ խոսք ու զրույց: Եղեգնուհու հասակը իսկ և իսկ եղեգնի նման ճկուն ու ճոճուն. երբ խոսում էր՝ կարծես բերանից մարգարիտ էր թափվում. երբ ժպտում էր, երեսին վարդամանիշակ էր փոփում: Թագավորն իսկույն ճանաչեց, որ իր տեսած աղջիկը սա էր, բայց ձայն չհանեց. թագավորի որդին էլ թեպետ չէր տեսել, բայց սրտով իմացավ, որ սա պիտի լինի իր հարսնացուն. իսկ բոշա աղջիկը ամենից շուտ ճանաչեց և ավելի ևս սկսեց ասել: Տուն մտան թե չէ, սկսեց սրտնեղիլ.— Ա՛խ, այս ո՞ւր բերիք ինձ,— ասաց,— մի՞թե մեզ կվայելե այսպիսի մի խրճիթ մտնել ու այս սատանայի երեսը տեսնել:

Բայց նրա խոսքերին ոչ ոք ուշադրություն չդարձրեց, ամենքի ուշք ու միտքը գրավել էր Եղեգնուհին: Պատվի ուրախությանն էլ չափ չկար. տեսնելով իր աղջկա արած ազդեցությունը, տեսնելով, որ թագավորն ու թագուհին պատրաստ են իրանք ծառայելու նրան, բոլորովին ջահելացել էր և թե էր առել, թռչում. մեթ թագավորի ակաջին էր քշվում մի բան, մերթ թագուհու: Պատվին այն էր ասում, որ իր աղջիկը հողեղեն չէ, այլ երկնից

իջած մի շնաշխարհիկ էակ է, որ նրա ձեռքին ամեն ինչ հնարավոր է, և այլ այսպիսի գովութուն ու փառաբանութուն: Վերջը թագավորն ասաց.

— Միրուն աղջիկ, մենք քեզ հետ խոսելուց շենք կշտանալ. քեզ հետ ապրողի համար տարին մեկ ժամվան պես կանցնի. լավ կլինի, ուրեմն, որ շուտ ասես մեզ, թե ո՞վ ես, ի՞նչ տեղից ես ընկել այստեղ, ովքե՞ր են քո հայրն ու մայրը և որտե՞ղ են կենում:

Աղջիկն ասաց.— Ողջ լինի թագավորը, ես իմ մասին ոչինչ չեմ կարող ասել, բայց եթե թույլ կտաք ձեր աղախնին, և ձանձրութուն չի լինի ձեր մեծությանը, և ես մի համառոտ հեքիաթ կասեմ:

— Շատ ուրախ կլինինք,— ասաց թագավորը,— ինչ որ ասես, մենք ուրախությամբ կլսենք:

Եղեգնուհին մեջ բերավ մի վազան շոր ճյուղ և տնկեց սուփրի մեջտեղը, մի մորթված ու մաքրած հում կաքավ էլ շամփուրը քաշած՝ բերավ, դրավ սուփրի վրա և ասաց.

— Այն, ինչ որ ասելու եմ, եթե ստույգ լինի, թող այս կաքավը անկրակ խորովվի և այս վազան շոր ճյուղը դալարի:

Ամենքն էլ աչք ու ականջ դառան, որ տեսնեն՝ աղջիկն ի՞նչ պիտի պատմե: Աղջիկն սկսեց.

«Մի թագավոր մի որդի ուներ մինուճար: Երբ որ որդին հասավ, և թագավորն ուզեց նրան ամուսնացնել, նա ասաց. «Հայր, ես կամուսնանամ, բայց իմ ամուսինս պետք է հոր ու մոր ծնունդ չլինի»:

Այս ասաց աղջիկը և դառնալով կաքավին՝ հարցրեց.

— Այսպես չէ՞, կաքավ:

Կաքավը պատասխանեց.

— Այդպե՛ս, տիրուհի:

Հետո աղջիկը դարձավ վազանը և ասաց.

— Վա՛զն, ուրախացիր, խաղող վեր կալ:

Վազը դալարեց և սկսեց ծաղկել: Կաքավն էլ սկսեց թշթշալ ու խորովվել, ինչպես կրակի վրա: Աղջիկը շարունակեց.

«Ճար չկար. թագավորը շատ ման եկավ, որ իր որդու ուզած մի աղջիկ գտնե, վերջը մի ձերունու խորհրդով նա մի եղեգն կտրեց, ձգեց գետը. եղեգն իսկույն աղջիկ դառավ և ընկղմվեց գետի մեջ»:

• — Այդպես չէ՞, կաքավ:

— Այդպե՛ս, տիրուհի:

— Վա՛զն, ուրախացիր, խաղող վեր կալ:

Կաքավն սկսեց խորովվել, իսկ վազը խաղող վեր կալավ: Բոշա աղջիկը գլխի ընկավ, որ հիմա իր շարագործութունը պիտի պատմե, սկսեց սրտնեղիլ, տրտնջալ, թե՛ շող է, չի կարող նստիլ, տուն է ուղում գնալ:

— Շատ ես շտապում,— ասաց թագավորը,— հիմա կտանենք քեզ ուր որ հարկավոր է:

Աղջիկը շարունակեց.

«Աղջիկը մերկ էր, չէր կարող ջրիցը դուրս գալ: Թագավորն ասաց. «Այստեղ սպասիր, ես քեզ համար հագուստ կուղարկեմ, կհագնես ու կգաս: Թագավորը գնաց թե չէ, որտեղից որ էր՝ մի աղջիկ դուրս եկավ, դեմքն այլանդակ ու սև, արաբ էր արդյոք, թե՛ խափշիկ, բոշա էր, թե՛ դարաչի, խաբեց աղջկանը, դուրս քաշեց ջրիցը, խեղդեց, գցեց ջուրը և ինքն ընկղմվեց նրա տեղը: Եկան նաժիշտները և նրան տարան թագավորին հարսնացու»:

— Այդպես չէ՞, կաքավ:

— Այդպե՛ս, տիրուհի:

— Վա՛զն, ուրախացիր, խաղող վեր կալ:

Բոշա աղջիկը տեղից վեր կացավ, էլ շկարաց դիմանալ:

— Դա սատանա է,— ասաց,— և ինչ որ ասում է, բոլորն էլ սուտ է. դա ուզում է հիմա իմ տեղը բռնել և հնարում է այդ բանը. դա կախարդ է:

— Լավ,— ասաց թագավորը,— դու կարող ես գնալ տուն: Նաժիշտնե՛ր, սրան տարեք տուն և լավ պահպանեցեք մինչև մեր գալը:

Եղեգնուհին պատմեց բոլորը, մինչև կաքավը խորովվեց ու խաղողն էլ հասավ: Խորովածը կերան և վրան էլ խաղողը: Եղեգնուհուն տարան պալատը, յոթն օր յոթը գիշեր հարսանիք արին, իսկ բոշային կապեցին մի ձիու պոչից և քարեքար տալով՝ սատակեցրին: Չարն այնտեղ՝ բարին այստեղ:

Մարդ ու կնիկ մի տղա ու մի աղջիկ են ունենում. տղան հասած է լինում արդեն, իսկ աղջիկը դեռ բարոբուրումն է լինում: Այս աղջիկը դեռ հագիվ հինգ ամսական եղած, սրանց տանը սարորինակ բաներ են պատահում: Երբ ոչ ոք չի լինում տանը, բացի ծծկեր աղջկանից, գալիս տեսնում են, որ շատ ուտելու բաներ կան պակասած: Բաղիով կաթն է լինում դրած, տեսնում են չափազանց քանակաբարձ. մածոն է լինում,— նույնպես: տաշտումն էլ հաց չի մնում, բղուղներումը՝ յուղ. այսպես և ուրիշ շատ բաներ: Կարծում են, որ գող պիտի մտած լինի տուն, բայց տղան ուրիշ բան է մտածում և ոչ ոքի բան չի ասում:

Մեկ անգամ, երբ ոչ ոք չի լինում տանը, տղան թաք է կենում մի մութ քնջում և տեսնում է որ ի՞նչ.— ահա՛ իր ծծկեր քույրը վեր կացավ, թողած բաժինը կուլ տվավ, ընկավ տաշտի վրա, տեսավ հաց չկա, այլ միայն խմոր է հունցած, ընկավ խմորի վրա և տաշտը մաքուր սրբեց. հետո ընկավ դեռուղեն, շատ հոտոտեց, տեսավ էլ բան չկա, սուս ու փուս գնաց իր տեղը պառկեց, ինչպես մի անմեղ երեխա:

Մայրը դուրս էր գնացել թոնիրը վառելու. երբ որ եկավ որ խմորը գնդե, տեսավ խմոր չկա: Տղան դուրս եկավ մի անկյունից, մորը դուրս կանչեց և պատմեց նրան, ինչ որ տեսել էր աչքովը:

Մայրը չհավատաց, թե ինչպե՞ս կարելի է, այդպես բան չի լինի:

Տղան ասաց.— Ուրեմն դո՛ւք գիտեք. այդ դուք, այդ ձեր աղջիկը. ինչ կուզեք՝ արեք. ես այս տանը չեմ կարող մնալ. դա որ մի քիչ էլ մեծանա, մեզ ամենքիս էլ կուտի. դա դե է, դա վիշապ է և ոչ թե աղջիկ:

Այս ասաց տղան և հեռացավ իրանց տանից: Քիչ որ հեռացավ իրանց տանից, ճանապարհին նստեց: Քաղցած էր, ուտելու հաց չուներ, մի քանի հատ շորացած ծիրան ուներ ջերումը, հանեց կերավ և կորիզները թաղեց այնտեղ: Այդ կորիզներից հետո երեք ծիրանի ծառեր դուրս եկան:

Տղայի անունը Թաթուխ էր: Թաթուխը գնաց ընկավ շուկա, որ դուրս գա մի ուրիշ աշխարհ, բայց ոչ քաղաք գտավ, ոչ գյուղ. տեսավ՝ մի հովտի մեջ ոչխարներ են արածում, գնաց դեպի այն կողմը: Գնաց տեսավ, որ ոչխարների մոտ հովիվ չկա: Երեկոյան դեմ, երբ ոչխարի հոտը թեքվեց դեպի իր փարախը, Թաթուխն էլ նրանց հետ գնաց: Երբ որ հոտը փարախ հասավ, մեկ շարդ ու կնիկ դուրս եկան մի քարայրից, երկուսն էլ կուլը, կթեցին իրանց ոչխարները շոշափելով, իրանց ուտելու բաժինը վերցրին մի ջուկ ամանում, տարան հաց բրդեցին մեջը և սկսեցին ուտել: Թաթուխը կամաց մոտեցավ բրդած ամանին և մի կողմից էլ ինքն սկսեց ուտել: Կույրերը չիմացան, որ մի նոր հացընկեր ունեին, և թեև չկշտացան այս անգամ, բայց ձայն շհանեցին: Այս բանը կրկնվեց մի քանի անգամ: Մեկ օր էլ մարդն ասաց կնկանը.

— Ա՛յ կնիկ, այս քանի օր է, ես քաղցած եմ մնում, կաթն ամեն օրվա շափ է լինում, բայց ես չեմ կշտանում:

Կնիկն էլ ասաց.

— Այ մարդ, ես կարծում էի, թե դու սովորականից շատ ես ուտում, էնդուր եմ ես քաղցած մնում. ուրեմն մենք երկուսս էլ քաղցած ենք մնում. չլինի՞ թե մի ուրիշ մարդ մասնակից է լինում մեր սեղանին:

— Շատ հավանական է, որ այդպես լինի: Ես մի ուրիշ բան էլ եմ նկատել: Մինչև հիմա ոչխարները մենք էինք տուն քշում, բայց հիմա իրանք իրանց են ներս գնում. երևի մի քշող կա նրանց: Գիտե՞ս ի՞նչ է. հաց ուտելիս, երբ որ ես կհաղամ, դու իսկույն ձեռքդ մեկնիր, ես էլ մյուս կողմից կպարզեմ, և այսպիսով, եթե մեր կողքին մարդ լինի, կգրկենք նրան:

Երեկոյին հաց ուտելիս մարդ ու կնիկ կատարեցին իրանց պայմանը և մեր Թաթուխին իրանց ճանկը պցեցին:

— Ո՞վ ես դու,— ասացին,— ինչո՞ւ ես քեզ թաքցնում մեզանից:

Թաթուխն ասաց.— Ես մի օտարական մարդ եմ, եկել եմ ձեր օջախն եմ չընկել, դուք եղեք ինձ հայր ու մայր, ես կլինիմ ձեզ որդի, հովվութուն կանեմ և ձեզ կպահպանեմ:

— Շատ լավ,— ասացին,— ուրեմն քեզ հենց աստված է ուղարկել մեզ համար. մենք զավակ շունինք, դու եղիր մեզ որդի:

3

Մյուս օրը հայրը Քաթուխին պատվեր տվավ և ասաց.

— Լսիր, որդի. երբ ոչխարը կտանես արածացնելու, ոչ ձախ կողմի սարը կտանես և ոչ աջ, այլ ուղիղ մեր դեմուղեմի սարը կտանես:

— Շատ լավ.— ասաց Քաթուխը, բայց հոր պատվերը չկատարեց: Երկրորդ օրը հոտը քշեց ձախակողմյան սարը և հանդիպեցավ այնտեղ մի դիվական հարսանիքի: Հավաքվել էին բոլոր քաջքերը և զուռնով ու դափով հարսանիք էին անում: Սրանք որ տեսան Քաթուխին, գնացին բռնեցին և քաջ տվին տարան իրանց խնջույքը: Ասացին:— Տեսնում ես հարսանիք է, մենք ամենքս զբաղված ենք, պետք է մեզ համար փայտ կոտրես:

Քաթուխը հոժարեցավ, և կացինը ձեռքն առած՝ սկսեց ճեղքել մի ահագին գերան: Հենց որ գերանի ճեղքը բաց արավ մի քանի սեպով, կանչեց բոլոր քաջքերին, թե՛ եկեք, ձկեք, շուտ արեք, ձեզ մի նոր օյին ցույց տամ, որ ձեր հարսանիքի խնդությունը ավելի կատարյալ լինի: Հավաքվեցան բոլոր քաջքերը, նույնիսկ փեսացուն ու հարսնացուն էլ:— Աբա՛,— ասացին,— ի՞նչ օյին պիտի ցույց տաս:

Քաթուխն ասաց.— Ձեռքներդ դրեք այս ճեղքումը, ես հետո ցույց կտամ:

Ամենքն էլ շտապելով ձեռքները դրին գերանի ճեղքումը, որ շուտով տեսնեն օյինը:

Քաթուխն իսկույն սեպերը հանեց, և բոլոր քաջքերը միաբերան սկսեցին աղիողորմ ոռնալ:

— Վա՛յ, վա՛յ, կոտորվեցինք, այս ի՞նչ արավ այս մարդը. մի՞թե այսպես օյին կլինի:

Քաթուխն ասաց.— Այդ դեռ առաջարանն է, օյինը հետո պետք է լինի:— Ասացեք, դո՞ւք եք հանել իմ հորն ու մոր աչքերը

և որտե՞ղ եք պահել... Մինչև նրանց աչքերը շտաք, ձեզ փրկություն չկա:

— Այո՛, այո՛, վա՛յ, վա՛յ,— ասաց մեկը, որի սիրտը ամենից շատ էր կսկծում ցավից...— Ահա այնտեղ է, այնտեղ, այն թփի տակին, գնա՛՛ վերցրու և ազատիր մեզ:

Քաթուխը գնաց վերցրեց աչքերը և եկավ հարցրեց.

— Աչքերը գտա, բայց ինչպե՞ս պետք է սաղացնեմ:

— Աչքերը կղնես իրանց տեղը և մեր նորահարսի աղլուխովը կշփես, իսկույն կառողջանան:

Քաթուխը գնաց վերցրեց նորահարսի աղլուխը:

— Դե հիմա ազատիր մեզ,— աղաղակեցին ամենքը:

— Կազատեի, բայց ո՞վ է երաշխավոր, որ դուք ձեր վրեժը չեք լուծի և մեծ պատասուս ականջս չեք թողնիլ: Չէ՛, այդ հույսը մի՛ ունենաք ինձանից, ձեզ փրկություն չկա, լացեք ձեր սև օրը:

Դեբրի հարսանիքը սուգի փոխվեցավ: Աղաչանք, պաղատանք չազդեցին նրա վրա, ու ի՞նչ խելք կլիներ, եթե փրկեր: Կացինը ձեռն առավ մեր Քաթուխը և մեծից սկսած մինչև փոքրի գլուխները ջախջախեց, և այն սարը սրբեց դարանագործ դեբրից:

4

Երեկոյին, երբ որ տուն դարձավ, կույրերի աչքերը դրավ իրանց տնդը, շփեց քաջբուհու աղլուխովը, և նրանք իսկույն առողջացան: Փաթաթվեցին Քաթուխին և փոխ առ փոխ համբուրելով, չգիտեին՝ ինչպես հայտնեն իրանց շնորհակալությունը և սրտների ուրախության անչափությունը:

Այս դեպքից սիրտ առած, մյուս օրը Քաթուխն իր հոտը քշեց դեպի աջակողմյան սարը: Հենց որ սարի գագաթը հասավ, մի ահագին մոնչուուն լսեց. նույնը լսեցին և ոչխարները և դողդողալով սկսեցին ետ-ետ քաշվիլ: Քաթուխը չկտրեց նրանց առաջը, բայց ուզեց ինքն աչքովը տեսնել, թե ինչ գագան էր այդ մոնչուղը:

Գնաց ձայնի ուղղությամբ, մինչև հասավ մի քարայրի, որի դռանը նստած մոնչուում էր իրան անծանոթ մի գազան: Եթե ասեր՝ առյուծ է, առյուծ չէր. եթե ասեր՝ վագր է, վագր չէր, եթե ասեր՝

վարազ է, վարազ չէր, բայց ինչ որ էր՝ մի սարսափելի գազան էր և իր կազմվածքովը ավելի շան նմանություն ուներ, միայն շանից տասնապատիկ մեծ:

Մինչդեռ Քաթուխը, մի քարի տակ թաք կացած, գազանին էր մոտիկ տալիս, գազանն արդեն վազուց էր նկատել նրան:

— Է՛յ, մարդ,— կանչեց գազանը մարդկային լեզվով,— ես ծնունդի վրա եմ, կարող չեմ տեղիցս շարժվիլ, եկ ինձ ծնեցրու, մի՛ վախենար, քեզ մի վնաս չի լինիլ:

Երբ որ գազանը մարդու լեզվով խոսեց, Քաթուխը սիրո առավ, ասելով մտքումը. «Մարդու լեզվով խոսողը մարդու խղճմբտանք էլ կունենա, գնամ ազատեմ»:

Քաթուխը երբ որ մոտեցավ գազանին, գազանն ասեց.— Եթե ջուխտ ծնեմ, քեզ ուտելու եմ, իսկ եթե կենտ, կյանքդ քեզ կընծայեմ:

— Դո՛ւ գիտես,— ասաց Քաթուխը,— յա՛ բախտ, ինչ կլինի, կլինի:

Գազանի ցնկնած առաջին կորյունը Քաթուխը ձգեց իր հով վական պարկի մեջ, երկրորդը նմանապես, երրորդից հետո ասավ, որ էլ չկա, այն դրավ գազանի առաջին և ասաց.

— Ահա այս մեկն ես ցնկնել, և կարժե՛ր միթե սրա համար այդչափ մոնչալ:

Գազանն ամաչեց իր գազանությունից.— Գնա,— ասաց,— կյանքդ քեզ եմ նվիրել, և եթե հոտն այս կողմը բերես, կարող ես ապահով լինել իմ կողմից, քեզ մի վնաս չի լինիլ:

5

Քաթուխը տուն տարավ նորածին լակոտները, որոնց աչքերը դեռ խփած էին, ու նրանց կերակրեց ոչխարի կաթով: Այդ լակոտները մեծացան ու դառան իբրև ամենահավատարիմ շներ իր համար:

Քաթուխը նրանց մեկի անունը դրավ Զանգի, իսկ մյուսինը Զրանգի: Երբ որ մի տեղ էր գնում, տանում էր հետը, իսկ տանը հղած ժամանակ նրանց պահում էր շղթայակապ:

Սրա վրա անցավ տասը տարի կամ մի քիչ ավելի կամ պա-

կաս, այդ աստված գիտե. Քաթուխն ուղեց գնալ դեպի իր ծնընդարանը, որ տեսնե՛ ի՞նչ վիճակի մեջ են այժմ իր ծնողները: Իր այս միտքը հայտնեց իր նոր հորն ու մորը, նրանք էլ կամք տվին այն հռաով, որ շուտով կվերադառնա: Քաթուխը մի աման կաթով ցրեց, դրեց թարեքին, հորն ու մորն ասաց.— Նայեցեք այս կաթին. երբ որ տեսնեք՝ գույնը փոխել է, կարմրել է կամ սևացել, իմացեք, որ ես մի նեղություն մեջ եմ, իսկույն կարձակեք իմ Զանգին և Զրանգին, նրանք ինձ օգնության կհասնեն:

Քաթուխը գնաց և հասավ երեք ծիրանի ծառերին, որոնք արդեն շատ բարձրացել և ահագին կոկ ծառեր էին դառել: Իջավ այդտեղ, փոքր-ինչ հանգստացավ և հետո գնաց իր ծննդարանը: Ի՞նչ ծննդարան... էլ ոչ մի շունչ չկար կենդանի. ամբողջ գյուղը մնացել էր կանգուն, բայց մեջը բնակիչ չկար: Քաթուխը ձիով էր գնում, հեռն էլ մի խուրջին ունեց ճամփի պաշարով լիքը: Զին քշեց ուղղակի դեպի իրանց տուն և իջավ դռանը: Մտավ ներս, և ո՛վ հրաջք, տեսավ իր քույրը նստած իրանց օջախի առջև, և ուրիշ ոչ ոք: Քույրը վեր կացավ, փաթաթվեց եղբոր շնչըն, ասելով.

— Դու բարո՛ւ ես եկել, հազա՛ր բարով, իմ եղբայր, իմ աչքի լույս, ո՛ւր էիր, ինչո՞ւ ուշացար այսքան: Այս ասաց քույրը և շտապով դուրս եկավ դուռը:

Տեսավ ձին կապած, խուրջինը վրան: Խուրջինն ամբողջ կով տվավ և ներս գնաց եղբոր մոտ ու հարցրեց.

— Եղբայր ջան, քեզ մատաղ, առանց խուրջինի ես եկե՞լ:

— Այո՛,— պատասխանեց Քաթուխը և իսկույն հասկացավ, որ խուրջինը կուլ է տվել:

Քույրը մեկ էլ դուրս եկավ և ձիու մեկ ոտը կերավ ու ներս գալով հարցրեց.

— Եղբայր ջան, քեզ մատաղ, ձիդ երեք ոտով ես բերե՞լ:

— Այո,— պատասխանեց Քաթուխը:

Քույրը դուրս գնաց և ձիու երկրորդ ոտն էլ կերավ և ներս գալով հարցրեց:

— Եղբայր ջան, քույրդ քեզ մատաղ, ձիդ երկու՞ ոտով ես բերել...

— Այո՛,— պատասխանեց եղբայրը:

Քույրն շտապով դուրս գնաց և երրորդ ոտը կերավ, էլի ներս գալով հարցրեց.

— Եղբայր ջան, ձիդ մի՞ ոտով ես բերել:

— Այո՛,— ասաց Քաթուխը, որի սիրտն արդեն սկսել էր գողգողալ: «Ձին ուտելուց հետո պիտի ինձ էլ ուտի. ի՞նչ պիտի անեմ, ես ինչպե՞ս պիտի ազատվեմ», մտածում էր նա:

Քույրը դուրս գնաց, շորորոզ ոտքն էլ կերավ, էլի ներս եկավ և հարցրեց.

— Եղբայր ջան, ոտքո՞ւ վ ես եկել:

— Այո, քույրիկ ջան, ոտքով եմ եկել, ոտքով էլ պիտի գնամ, բայց չգիտեմ, պիտի թողնե՞ս, թե ոչ:

— Վույ. քոռանամ ես. եղբայր ջան, ինչպես կթողնեմ, ահա քանի տարի է աչքս քո ճանապարհին է, թե երբ պիտի եղբայրս գա, որ սրտիս մեջ տեղ տամ նրան: Ով գիտե քաղցած ես, սպասիր, ես գնամ քեզ համար հաց բերեմ:

Քույրը դուրս գնաց թե չէ, տան անկյունից մի աքաղաղ դուրս եկավ և ասաց Քաթուխին.

— Ա՛յ տղա, քույրդ գնաց ատամները սրելու, որ գա քեզ ստի. ճար ունես, տես:

— Ի՞նչ ճար անեմ, չգիտեմ,— ասաց տղան:

Աքաղաղն ասաց.— Մուշտակդ հանիր, մեջը մոխրով լցրու, հերթիցը կախ արա, ինքդ դուրս եկ, փախիր: Նա կգա՝ կընկնի մուշտակիդ վրա, աչքերը մոխրով կլցվեն. մինչև նա աչքերը կմաքրե, դու բավականին տեղ գնացած կլինիս:

Ինչպես ասավ աքաղաղը, տղան էլ այնպես արավ ու փախավ:

Աղջիկը եկավ, տեսավ՝ եղբայրը չկա, մուշտակն ընկավ աչքովը, կարծեց՝ նա ինքն է եղբայրը. գազանի պես վրա ընկավ. քրքրեց, մոխիրը թափվեց վրան և աչք ու բերան լցրեց: Տեսավ որ խաբված է, սաստիկ կատաղեց, շուտով թափ տվավ մոխիրը, աչքերը սրբեց ու վաղեց եղբոր հետևից:

Քաթուխը բավական հեռացել էր. ետ մտիկ տվավ, տեսավ քույրն արդեն հասվեհաս է, ինքն էլ ջանք արավ, հասավ ծիրանի ծառերին և մագլցեց մեկի վրա:

Քույրը հասավ, փորձեց ինքն էլ բարձրանալ ծառի վրա, չկարողացավ. սկսեց ատամներով կրծել ծառի բունը և այնքան կրծեց, որ բոլորովին կտրեց: Կտրած ծառն ընկավ երկրորդ ծառի վրա, տղան էլ նույն ծառի ծայրին նստեց: Աղջիկն սկսեց կրծել երկրորդ ծառը: Սա էլ կտրվեց, ընկավ երրորդ ծառի վրա: Աղջիկն սկսեց կրծել երրորդ ծառը:

Այս միջոցին Քաթուխի հայրագիրն ու մայրագիրը նայեցին նշան դրած կաթին, տեսան որ կուրմրել է, իսկույն արձակեցին Ջանգի-Ջրանգին: Մտերիմ գազաններն իսկույն գտան իրանց տիրոջ հետքը, տեսան թե ո՞ր կողմն է գնացել և ի՞նչ ճամփով, հսկայական ուստյուններ անելով մի ակնթարթում հաւան իրանց տիրոջը: Վերջին ծառն արդեն ընկնելու վրա էր, երբ որ նրանք հասան: Քաթուխը նրանց տեսավ թե չէ՝ կանչեց վերևից.

— Ջանգի-Ջրանգի, հենց հուփ տվեք, հենց կույ տվեք, որ մի պուտ արյուն կաթի:

Նրանք էլ այնպես հախոռեցին աղջկանը և այնպես կույ տվին, որ միայն մի պուտ արյուն կաթեց մի տերևի վրա:

Տղան իջավ ծառիցը, Ջանգի-Ջրանգին փաթաթվեցին նրա ոտներին և կաղկանձելով հայտնեցին իրանց ուրախությունը տիրոջ ազատության համար: Քաթուխն էլ նրանց գլխները շփեց և հայտնեց իր շնորհակալությունը. հետո արյունոտ տերևը վերցրեց, ծալեց, դրավ ծոցումը և ընկան ճամփա:

Շատ գնացին թե քիչ, սրանք հանդիպեցին մի քարավանի: Քարավանի տերը որ տեսավ Քաթուխի շները, շատ հավանեց և ասաց մտքումը.— Եթե այս առյուծանման շներն իմս լինին, էլ հարամուց երկյուղ չեմ ունենալ, հարյուր հարամի (քարավան կտրող ավազակ) էլ որ լինին, սրանք երկուսով ամենի պատասխանն էլ կտան:

Հետո դառնալով Քաթուխին՝ ասաց.

— Ա՛յ տղա, եկ այդ շները տուր ինձ. քանի ջորի որ ուզես, իմ քարավանից վերցրու իրանց բեռներով:

— Բոլոր քարավանդ էլ որ տաս, էլի չեմ տա,— ասաց Քաթուխը:

— Ուրեմն դու քո երկու շներով ավելի՞ հարուստ ես, քան թե ես իմ ահագին քարավանով:

— Կարծեմ որ այդպես է,— պատասխանեց Քաթուխը:— Քո ահագին քարավանը քո կյանքը չի փրկիլ, դեռ կարող է քո մահվանդ էլ պատճառը լինել, որովհետև եթե հարամիքը գան, առաջ քեզ կսպանեն, հետո ապրանքդ կտանեն. իսկ իմ կյանքս ապահով է, քանի որ սրանք կան: Ուզենամ՝ այս բոպեխս քո բոլոր քարավանդ ձեռիցդ կխլեմ սրանց օգնությամբ, բայց ես հարամի չեմ, որ այդպես անեմ:

Այսպես խոսելով բավական տեղ գնացին, հետո քարավանի տերն ասաց.

— Որովհետև շներդ ինձ չես տալիս ոչ մի գնով, եկ ես քեզ մեկ հեշտ բան կասեմ. եթե իմանաս, իմ քարավանը քեզ, իսկ եթե ոչ՝ քո շներն ինձ:

Թաթուխն ասաց.— Համաձայն եմ. ասա՛, տեսնեմ՝ ի՞նչ պիտի ասես:

— Ահա՛, տես իմ այս ձեռքս գավազանը. եթե իմանաս, թե սա ինչի՞ է, իմ քարավանը քեզ, իսկ եթե չիմանաս, քո շներն ինձ:

— Շատ բարի,— ասաց Թաթուխը և սկսեց իր գիտեցած բոլոր ծառերի անունը տալ, ասելով— հոնի է, դկոնի է, սզնի է, բոխի է, աճարքի է, լորի է, թխկի է, տկողնի է, կաղնի է...— և այսպես շատ ծառերի անուն տվավ, մինչև որ բոլոր գիտեցածը հասավ, բայց ոչ մեկն էլ այն չէր:

— Ուրեմն շներն իմն են,— ասաց քարավանի տերը.— կապիր դրանց և տուր ինձ:

— Սպասիր, դեռ էլի մտածեմ,— ասաց Թաթուխը.— մի ծառի անուն գիտեմ, ահա լեզվիս ծայրին է, բայց ուղիղ միտս չի գալիս, որ ասեմ, հաստատ գիտեմ, որ այն պիտի լինի:

Այս միջոցին ծոցումը մի բան սկսեց ճրրալ ու վերջը որոշ ձայնով ասաց.

— Ճըըը... ճըըը ճա՛պկի, ճըը ճա՛պկի, ճա՛պկի: Այս ասողը ծոցումը դրած արյունի կաթիլն էր:

— Գտա՛, գտա՛,— բացականչեց Թաթուխը և գավազանից բռնելով՝ ասաց՝ ճապկի է:

— Գտար,— ասաց քարավանի տերը. քեզ արժանի է իմ քարավանը:

— Բոլոր քարավանդ ինձ հարկավոր չէ,— ասաց Թաթուխը.— ես մի հովիվ մարդ եմ, վաճառական չեմ. մի բեռը շորեղեն տուր, տանեմ ինձ համար աղջիկ ուզեմ, պսակվեմ, այդ էլ բավական է ինձ:

Քարավանի տերն ընտրեց ընտիր՝ ճոթեղեն և ինչ զարդ ու զարդարանք, որ պետք է հարսի ու փեսայի համար, բարձեց մի ջորու վրա և տվավ Թաթուխին:

Մի քիչ որ հեռացավ Թաթուխը, տեսավ, որ ծոցումը մի բան է պրպտում: Ձեռքը ներս տարավ որ տեսնի՝ ի՞նչ է, և դուրս բա-

չեց մի ահագին օձ: Արյունի կաթիլը դարձել էր օձ և գլուխն արդեն հանել էր և մեկնել դեպի Թաթուխի բուկը: Թաթուխը դեն շարտեց այդ օձը, որ ամեն մի վայրկյանում հաստանում և երկարում էր, որ վիշապ դառնա, և ասաց իր շներին.

— Ջանգի-Ջրանգի, հենց հուպ տվեք, հենց կուլ տվեք, որ մի պուտ արյուն չկաթի:

Շներն այսպես էլ արին և վիշապ աղչկա հետքը կտրեցին: Թաթուխը հասավ տուն ամեն բարիք բարձած ջորուն, իր համար աղջիկ ուզեց, պսակվեց:

Նրանք հասան իրանց մուրազին, դուք էլ հասնեք ձեր մարազին:

1890

ԱՍԼԱՆ-ԲԱՍԱ

1

Նղել է չի եղել մի թագավոր: Մեկ օր այս թագավորի որսորդներին մեկը գալիս է իր մոտ և ասում.

— Թագավորն ապրած կենա, ևս էսօր մի դարմանալի բան տեսա մեր որսորդության անտառում: Մի էդ ասլան տեսա և նրա հետ մի մանուկ յոթ կամ ութ տարեկանի շափ: Մոռնուկն ու ասլանը խաղում էին իրար հետ, ինչպես մայր ու որդի: Մեկ ուղեցի նետ ձգել, ասլանին սպանել, բայց մեկ էլ վախեցի, ասացի՝ վա՛յ թե մանուկին դիպչի կամ ասլանը վիրավորվի ու հարձակվի վրաս. սրա համար սուսուփուս ետ փախա:

Այս որ լսեց թագավորը, շատ զարմացավ և հրամայեց, որ մի բանի հազար մարդով գնան շրջապատեն անտառը, ասլանին սպանեն կամ փախցնեն, իսկ երեխային ողջ-ողջ բռնեն, բերեն:

Թագավորի հրամանը կատարվեց: Երեխային բռնեցին և բերին: Մի կայտառ և սիրուն տղա էր. աչքերը խոշոր, ճակատը լայն, գունդուր մազերը առչուծի ճանկերով սանրված ու փռված ուսերի վրա, մեջքը բարակ, հորձան ու թիկունքը լայն:

Տասը հոգով հագիվ էին կարողացել բռնել և կաշուով, բայց շատերին ճանկոտել էր սուր-սուր եղունգներով: Խեղճը մերկ էր և համր, խոսել չգիտեր, այլ մոնչում էր առյուծի պես, չգիտեր, որ ինքը մարդ է և ոչ առյուծ:

Տեսան, որ արձակ պահելու հնար չկա, նրան կապեցին երկաթե շղթայով և սկսեցին քիչ-քիչ ձեռնաստվար անել և ընտելացնել: Նրան անվանում էին Արսևն-Բալա, այսինքն՝ առյուծի հագ, բայց թագավորի որդին, Վուրգը, որ շատ սիրեց նրան, հենց առաջին օրից, նրա անունը դրավ Արսևն: Վուրգն էր պահում Արսևնին, նրան հաց ու ջուր տալիս և ամեն տեսակ համադամ կերակուրներ, որ նա ուտում էր յոթը մարդու չափ: Վուրգը հայելու մեջ Արսևնին ցույց տվավ նրա պատկերը, որ նա տեսնե, թե ինքը մարդ է և ոչ առյուծ: Եվ ճշմարիտ որ նա առյուծի ծնունդ չէր, այլ մարդու: Չազը կորցրած մի առյուծ պատահամա՞ք գտնում է մորը կորցրած մի ծծկեր երեխայի և տանում է ծիծ սալիս, պահում:

Արսևնը մի քանի օրվա մեջ շատ մեղմացավ և այնքան սիրեց Վուրգին, որ բոլորովին անձնատուր եղավ նրան: Վուրգն էլ արձակեց նրան կապանքներից, լուցարեց, գլուխը սանդղեց, երկար ու սուր-սուր եղունգները կտրատեց, իր հագուստի նման հագուստ հագցրեց և սովորեցրեց նրան խոսել, երգել, խաղալ և բոլոր այն բաները, ինչ որ ինքը գիտեր: Երեք ամիս շանցած՝ Արսևնի վրա ոչ մի վայրենության նշան չմնաց, այլ և երևաց, որ նա շատ շնորհալի է և իմաստուն: Նրա լսողությունը, տեսությունը, հոտառությունը տասնապատիկ, քսանապատիկ ավելի էին զարգացած, բան թե սովորական մանուկներինը: Նրա լեզուն այնքան ճարտար չէր, ինչքան սիրտը, որ լուռ ու մունջ հայտնում էր նրան, թե ինչն է լավ, և ինչը վատ, ինչն է յար, և ինչն է բարի: Սրտի իմացությունը, այն, որ ասում են՝ «սիրտս ապում է, սիրտս չի տալիս, սիրտս իմացավ, սիրտս քաշեց», ահա այս սրտի իմացությունը, որ ուսումնական մարդիկն անվանում են բնագոյ (բնագոյումն-բնագոյեցություն), Արսևնի մեջ չափից դուրս զարգացած էր և նա շատ բան իմանում էր, առանց նրա փորձն առնելու:

Ինչքան որ Վուրգը Արսևնին կրթեց, բան սովորեցրեց, մի այնքան էլ ինքը նրանից սովորեց: Վուրգը կրթեց Արսևնի լեզուն, միտքը, Արսևնն էլ կրթեց Վուրգի մարմինն ու սիրտը: Արսևնը սիրում էր խաղալ, վազել: սիրում էր սար, ձոր, անտառ, տունը նրա համար մի տեսակ բանտ էր թվում, նա իր հետ քաշում, տա-

նում էր և Վուրգին և զանազան մարդություններով կազդուրում էր նրա քնքուշ կազմվածքը: Այսպիսով՝ ինչքան որ Արսևնը փոխվեցավ վայրենությունից քաղաքավարի մարդ դառնալով, մի այնքան էլ Վուրգը փոխվեցավ՝ ընկնելով բնության ծոցը. նա ուժեղացավ, ճարպիկացավ, առաջվան վախկոտությունը մոռացավ, անվեհեր սիրտ ստացավ և քաջություն: Այսպես Վուրգն ու Արսևնը միմյանց կրթելով եղան ինչպես մի հոգի և մի մարմին, մինչև դառան տասնյոթ-տասնութ տարեկան:

2

Մեկ անգամ զրոսնելու էին դուրս եկել գետափը: Աղջկերթը կծերով ջուր էին տանում գետիցը: Նրանց մեջ կար և մի պառավ՝ նիհար և կնճռոտ դեմքով: Վուրգի մոտով անցնելիս՝ պառավը խեթ աչքով նայեց Վուրգի վրա: Վուրգին դյուր շեկավ պառավի այս խոժոռ հայացքը:

— Այս պառավի կուժը պիտի կտրեմ,— ասաց Վուրգն Արսևնին, և դեռ ընկերոջ պատասխանը շառած՝ մի քար նետեց պառավի հետևից, որ ուղիղ կուժին դիպավ և կտրեց: Ջուրը թափվեց և ողողեց խեղճ պառավին:

Քրջված պառավը ետ նայեց և երբ տեսավ, որ թագավորի որդին էր այդ շարունջուն անողը, ասաց.

— Ա՛յ որդի, ի՞նչ անե՞ք տամ քեզ... Անտես-Աննամանի սիրովը վառված տեսնեմ քեզ. նրա համար այրվիս, տանջվիս, որ սիրտս հովանա:

3

Պառավի անեծքը սիրո հրեշտակի նետի պես ցցվեց Վուրգի սրտումը: Վուրգն սկսեց տխրել, նիհարել: Նա, որ Արսևնից ջուր վելու սովորություն շուներ, միայնակ էր ընկնում սար ու ձոր և առանձնության մեջ ողբում, լաց լինում, Անտես-Աննամանի անունը տալիս, դեպի նրան թռչում հոգով ու սրտով, նրան գովում

երգերով, նրան կանչում օգնութեան: Անտես-Աննամանը պատկերանում էր նրա երևակայութեան մեջ իր աննման գեղեցկութեամբը: Նա աչքերը խփում էր այդ ժամանակ, ծունկ շոքում, փառաբանում, զմայլում այն աստիճան, որ ուշքը գնում էր գլխից, նվաղում, վայր ընկնում:

Այս այն սերը չէ, որ մեր ժամանակ մեր աշխարհումը կա: Սա սեր էլ չէ իսկապես, այլ մի զորեղ փուփագ, մի ուժգին իղձ, մի սաստիկ ցանկություն, մի մուրազ և ուրիշ տոնապիսի զգացում, որ մարդ ունենում է իր սրտի ուզած երջանկությունը ձեռք բերելու համար: Այսպիսի իղձ մարդ կարող է ունենալ և ուսում, գիտություն ձեռք բերելու համար, իր հղացած նշանավոր միտքը իրագործելու համար և ուրիշ շատ բաների:

Հին ժամանակները քաջ երիտասարդները իրանց հերոսությունը նրանով էին ցույց տալիս, որ սար ու ձոր էին ընկնում և իրանց ուղած լավ բանը ձեռք բերում կամ մտքումը դրած քաջութիւնը կատարում: Իհարկե, այդ բաների ձեռք բերելը պետք է շատ դժվար լիներ և ոչ խաղ ու պար, պետք է ամեն մարդու գործ չլիներ. եթե ոչ՝ էլ ի՞նչ քաջություն, էլ ի՞նչ հերոսություն կարող էր համարվել:

4

Արսենից չէր կարող ծածուկ մնալ Վուրգի սրտմաշությունը: Նա հեռվից հսկում էր և տեսնում էր ամեն բան: Նա այս բանը լավ առիթ էր համարում թե՛ իր քաջությունը փորձի ենթարկելու և թե՛ ցույց տալու իր անհուն սերը, որ ուներ դեպի Վուրգը: Եվ ահա մեկ օր գտնում է նրան անտառումը և ասում.

— Եղբայր, ես տեսնում եմ, որ դու հալումաշ ես լինում, ինձանից ինչո՞ւ ես թաքցնում քո վիշտը: Էլ ես ո՞ր օրվա համար եմ, որ քեզ քո մուրազին չհասցնեմ: Երթա՛նք, երթա՛նք, լավ է հուսով մեռնել գործի մեջ, քան թե անհույս սաստկել անգործության մեջ: Պառավի անեծքը իսկապես անեծք չէ, այլ մի շատ գեղեցիկ օրհնություն: Եթե նա անիծած չլիներ, դու և այդ օրը չէիր ընկնիլ և ոչ էլ ուրեմն կաշխատեիր ձեռք բերել աշխարհիս ամենից գեղեցիկը:

542

Արսենի այս խոսքերից սաստիկ հուզվեց Վուրգը, գրկեց նրան և արտասուքն աչքերին համբոսեց նրան սիրահար պատանու շքով համբույրով:

— Արսեն, ջան, Արսեն,— բացականչեց նա,— որքան մեծահոգի ես դու: Ես չէի ուզում իմ վշտին և կրելիք նեղություններես մասնակից անել քեզ: Դու ինչո՞վ ես մեղավոր. կուժը ե՛ս կտրեցի, տանջվողն էլ ե՛ս պետք է լինիմ: Բայց ի՞նչ կարող եմ անել ես առանց քեզ: Այսուհետև իմ մուրազը քո ձեռքն է, իմ կյանքը քո բռնան է. իմ գլխումս էլ խելք չի մնացել, դու պետք է ինձ առաջնորդես, դու պետք է ինձ կամ կյանք տաս և կամ մահ:

— Ոչ թե մահ, այլ կյանք միայն,— ասաց Արսենը:— Զորացիր և մի՛ վճատվիր. մենք շուտով ճանաչարհ կընկնենք: Եվ ժամանակ է արդեն, որ մենք մեր ուժն ու շնորհքը ցույց տանք, էլ ուրիշ ի՞նչ բանի ենք պետք. գուժան չենք վարում, տավար չենք պահում, պատերազմ էլ չկա, որ կոխվ գնանք, ինչո՞ւ համար ենք ապրում աշխարհիս երեսին, ինքս էլ չգիտեմ: Զրի ապրելն ի՞նչ կվայելե տղամարդին:

— Բայց հայրս թույլ կտա՞ր արդյոք, կամ ինչպե՞ս հայտնենք նրան:

— Իմաց կտանք մի կերպ: Գիտեմ, որ թույլ չի տալ, բայց մեզ կբացատրե մեր ձեռնարկության դժվարությունը, մեր նստակին հասնելու անկարելիությունը և առանց մեր հարցնելու՝ ինքը կհայտնե տեղն ու ճանապարհը, որ մենք չգիտենք:

5

Թագավորը բացի Վուրգից ուներ մի աղջիկ, գեղեցկությամբ ոչ պակաս, քան Անտես-Աննամանը: Աստղիկ էր անունը: Սա նույնքան սիրում էր Արսենին, ինչքան և Վուրգը: Իմաստավոր եղբոր միտքը, հորը հորդորում էր, որ թույլ չտա նրանց այդպիսի մի վտանգավոր ճանապարհորդություն անելու:— Ով է ետ եկել այնտեղից, որ դրանք ետ գան,— ասում էր Աստղիկը:— Կանչիր, խրատիր դրանց, որ այդպես բան չանեն: Ո՞վ է լսած, որ շտեպսած աղջեկա վրա սիրահարվին. այդ մի խենթություն է, ուրիշ ոչինչ:

Թագավորը կանչեց երկուսին էլ և ասաց.

543

— Ամեն բան հայտնի է ինձ: Շատ ցավում եմ, որ այդպիսի մի ցնորական վիշտ է ընկել որդու սիրտը, բայց չեմ կարող թույլ տալ ձեզ: Այդ շտեմնված աղջկան համար շատ թագավորների որդիք են կոտորվել, շատ զորք է փշացել, ես ինքս մասնակցել եմ այդ կոտորածներին, օգնության եմ գնացել ուրիշներին, նա կենում է Յոթը-Լեռան քամակին, Սև Բերդումը: Քառասուն եղբայր ունի՝ մեկը մյուսից աժդահա: Քառասուն գունդ զորք էլ որ լինի, նրանց ոչինչ չեն կարող անել: Ամեն մեկը մի ահագին կաղնի ծառ պոկած՝ զորքերին այնպես են սրբում պատերազմի դաշտումը, ինչպես մենք սրբում ենք մեր կալերը ցախավելով: Ի՞նչ խելք կլինի ուրեմն ձեր կողմից, գնալ և այդ դեռի ճանին ընկնի:

— Ներիր ինձ, հայր թագավոր, որ համարձակվեմ քեզ հետ վիճել,— ասաց Արսենը:— Ոչ մի ուժ աշխարհիս երեսին չի կարող աստուծո կամքին հավասարվի: Ուժն աստուծո ձեռին է, երբ ուզենա, կզորացնե, երբ չէ՝ կթուլացնե և զորեղ դեին մի երեկո կշինե: Դու ասում ես, շատերն են կռվել և հաջողություն չեն ունեցել. բայց արդյոք այդ շատերի մեջ եղե՞լ է մի մարդ, որ իր սնունդն առյուծից լինի առած: Ով տվավ առյուծին այդ գութը, որ ինձ պահե, պահպանե, եթե ոչ աստված: Արդյոք այդ կովողների մեջ եղե՞լ է մեկը, որ Վուրգի նման սիրահարված լիներ և կամ մի որևէ պառավ իր անեծքով կամ օրհնությունով նրա մեջ ձգած լիներ Աննամանի սերը: Ինչո՞ւ չկարծել, որ այս հիշած բոլոր դեպքերի մեջ մի աներևույթ կապ կա, և դրանք նրա համար են այսպես միացել, որ ձեռք բերեն այն, ինչ որ ուրիշները չեն կարողացել:

— Շատ խելոք ես խոսում, Արսեն,— ասաց թագավորը,— դու լավ պատգամախոս կլինես և ամեն հրաշագործություն կհաջողի քեզ, քանի որ քո մանկությունն ինքը մի հրաշք է: Բայց պետք է գիտենաս, որ քուրմ է եղել թե հրաշագործ, թագավորի հրամանով: Են անում, ինչ որ անում են, իսկ թագավորը նրանց գործ է դնում իր օգտին, առանց նրանց ինքն անձամբ հավատալու: Դու կարող ես, այո՛, քրմապետ լինել, բայց ոչ ինձ հավատի բերելու համար: Իմ ասածը ասած է:

— Հայր,— խոսեց Վուրգը,— միևնույն է, եթե չգնամ էլ, այս ցավով պիտի մեռնիմ ես: Ես արդեն մեռած կլինեի, Իթե Արսենի հուսատու հորդորները չլինեին: Եթե թույլ չտաս մեզ գնալ, իմ հու-

սահատվիլս ու մեռնիլս միասին կլինի: Գթա՛ ինձ, օրհնիր մեզ և ճամփա դիր:

— Մի՛ հավատար, հայր,— մեջ ընկավ Աստղիկը.— ո՞վ է մեռել սիրուց, որ եղբայրս մեռնի: Պարապությունից խենթություն է եկել վրան: Պատերազմ հայտնիր Անդաս թագավորի դեմ, թող նրա՛ն ալնտեղ ցրվե իր ցնորքները...

— Քո՛ւյր իմ, սիրելի՛ քույր...— բացականչեց Վուրգը, աղաչողական հայացք ձգելով Աստղիկի վրա:

— Եղբա՛յր իմ, սիրելի եղբայր...— պատասխանեց Աստղիկը, այնպիսի մի հայացք ձգելով Արսենի վրա, որի մեջ ամփոփված էր մի ամբողջ վեպ:

Վուրգն շմացավ, որ քույրը նույնպես սիրահարված է, և եթե իր սերը պահանջում էր հեռանալ, քրոջ սերը, ընդհակառակը, պահանջում էր չհեռանալ:

Գնանք, գնանք.— ասաց Արսենը:— Մենք մեզ կհանձնենք աստուծո կամքին. ինչպես նա կտնօրինե, մենք էլ այնպես կվարվենք:

6

— Վճռված է,— բացականչեց Արսենը Վուրգի ներկայությամբ, իբր ինքն իրան խոսելով.— պետք է գնանք, պետք է գնալ անպատճառ... Ես Աստղիկի սիրույն ինձ արժանի չեմ համարիլ, մինչև նրա եղբորը չհասցնեմ իր մուրազին: Ո՞վ եմ ես, ո՞վ է իմ հայրը, մայրը... Ասլան-Բալա... դատարկ հնչյուն, որ ոչ մի եղանակ չունի: Ի՞նչ եմ արել, ինչո՞վ եմ ջարձրացրել այդ անունը, ինչո՞վ եմ պատվել իմ առյուծ դայակիս կաթի արժեքը... Ո՛չ, ես առյուծի կաթ չեմ ծծել ուրեմն... Գնանք, գնանք, Վուրգ... Դեռ հայտնի չէ, թե մեր երկուսից ո՞րն է ավելի սիրահարված, և որի՞ առջև կան ավելի խոշոր բարոյական խոչընդոտներ: Գնանք, հոգիս, գնանք, փետրավորվենք սիրո թևերով և սլանանք դեպի վեր և վեր... Ա՛հ, ի՞նչ օր կլինի, երբ մենք արդեն Սև Բերդումը կլինենք...

Մեր քաջերը, այսպես ոգևորված, գնացին թանգարանը, ընտրեցին իրանց ուզած գնեք ու զրահը, վեցրին մեկ-մեկ հատ

Հին, պապական աղոթած թրեր, որոնցով քար ու երկաթ կարելի էր կտրել, թամբեցին թուչկան ձիաները և «որսի ենք գնում» ասելով, ձիանը հեծնելն ու անհետունալը մեկ արին: Օրեր անցան, մեր տղերքը շերևացին: Նոր գլխի ընկան, թե ուր կլինին գնացած...

7

Յոթը-լեռան քամակին, Սև Բերդումը Անտես-Աննամանի հսկա եղբայրները մեծ տոն էին կատարում իրանց արած հաղթությունների համար: Յոթը դևի գլուխ էին կտրել և յոթն աղջիկ ազատել գերությունից: Իրանք էլ յոթը եղբայր էին ընդամենը, թեև նրանց համբավը քառասունի էր հասել, յոթն էլ պսակվել էին գերությունից ազատված յոթն աղջկերանց վրա: Ամենքն էլ ուրախ ու զվարթ էին. տխուր էր միայն Անտես-Աննամանը:

— Ինչո՞ւ այդչափ տխուր ես, քույր իմ, — ասաց մեծ եղբայրը: — Յոթը եղբայր ունիս, յոթն էլ քեզ համար գլուխը ետ դրած, հիմա էլ յոթը հարս ունիս, ամենքն էլ քո աղախինդ լինելու պատրաստ, թեև բոլորն էլ մեծ իշխանների և թագավորների աղջկերք են: Եթե մեկ հոգս ունիս, ասա մեզ, մենք պատրաստ ենք կատարելու քո ամեն մի շնչին քմուլշն անգամ:

— Ես ինքս էլ չգիտեմ, թե ինչի եմ տխուր, — ասաց Աննամանը. — այս գիշեր մի երազ տեսա, երևի նրանից է...

— Ի՞նչ ես տեսել, ի՞նչ ես տեսել, ասա մեզ, — կրկնեցին բոլոր եղբայրները:

— Երազումս տեսնում էի երկնքից իջած երկու հրեշտակ, մինը քան զմյուսը գեղեցիկ: Մեկը թուր ուներ ձեռին, իսկ մյուսը մի փունջ ծաղիկ: Թրավորը թուրը շողշողացնում էր ձեր գլխներին, իսկ փնջավորը դեմ էր անում ինձ իր հոտավետ փունջը: Այս երազիս մեջ էի, մեկ էլ պատուհանիս առջև մի թռչնիկի ձայն լսեցի, որ երգում էր «Վուրգ-Վուրգ-Վո՛ւրգ»: Այս անվան վրա ես զարթնեցի և մի կերպ եղա, քիչ մնաց սիրտս գնում էր: Կարծես թռչնիկը այն հրեշտակի անունովը տվավ, որ ինձ մի փունջ ընծայեց, և ինչ քան գեղեցիկ էր նա, ինչքա՛ն, ինչքա՛ն...

Ասաց քույրը և արս ասուլս աչքերի: Հեռադավ եղբայրներից, որ իր ներքին հուզմունքն ու շփոթությունը ծածկե նրանցից:

— Մեր քույրն իր բուքան ստացել է, — ասաց մեծ եղբայրը. — եթե այդ բուքան տվողը գա, մենք պիտի հաղթվենք: Սրի շողշողալը մեր հաղթվելն է նշանակում:

— Եվ կարծեմ ժամանակն էլ է, որ մեր քույրն իր մուրազին հասնի, — ասաց փոքր եղբայրը, — բավական է, որքան արյուն թափեցինք դրա համար: Այսուհետև ով որ գա, իմ գլխի վրա տեղ ունի:

— Այդ շատ լավ ես ասում, — ասաց մի ուրիշը, — բայց կարելի է, թե եկողը նրա վուրգը չէ, այլ մի ուրիշը, մի՞թե մենք պետք է ամեն եկողի տանք մեր քույրը:

— Ո՛չ, ո՛չ, — ձայն տվին ամեն կողմից, — թող մեր գլխին թուր շողշողա, և մեր քույրը իր ուզածին գնա:

Այսպես խոսեցին եղբայրները, բայց ամենի սիրտն էլ այնպիսի մի ահ ընկավ, որ մինչև այդ օրը նրանցից ոչ մեկն զգացած չէր:

8

Մեր տղերքը ուղիղ յոթն օր ճանապարհ գնացին, ճամփին շատ շար ու բարի տեսան, շատ տեղ հայտնեցին իրանց ճամփորդության նպատակը: շատերից սարսափելի վտանգներ լսեցին, բայց իրանք աներկյուղ շարունակեցին իրանց ճամփան մինչև հասան Սև Բերդի սահմանը:

Մի անտառապատ և բարձր լեռան վրա էր Սև Բերդը: Երբ մոտեցան բերդին, իջան մի գեղեցիկ ծաղկավետ հովտի մեջ մի աղբյուրի վրա:

— Դու փայտ հավաքիր և կրակ վառիր, — ասաց Արսենը, — իսկ ես մեկ կբարձրանամ դեպի այս ձորի խորքը, կարելի է մեկ որս ճանկեմ: Հետքեր շատ կան. այստեղ լավ որսի տեղ է:

Արսենը գնաց, իսկ Վուրգը, փոխանակ փայտ հավաքելու, սկսեց ծաղիկ քաղել և շատ ճաշակով մի գեղեցիկ փունջ կապեց: Մինչև Վուրգն իր փունջը կկապեր, Արսենը եկավ մի ահագին վառազ շալակած:

— Ո՛ւր է կրակը, — հարցրեց Արսենը:

— Կրակը սրտումս է, — պատասխանեց Վուրգը: — Ես Անտեսիս համար տես ի՞նչ գեղեցիկ փունջ եմ կապել:

— Ուրեմն դու դեռ ջուրը շտեմած ոտներդ հանել ես արդեն:

լավ, անց կենանք ուրեմն այդ ջրովը, մոտենանք բերդին և այնտեղ վառենք կրակը, որ շուտ նկատեն մեզ և գան. տեսնենք ինչ են ասում:

— Ես էլ եմ կարծում, որ այդպես լավ կլինի: Ինչ լինելու է, թող շուտ լինի:

Բարձրացան մինչև բերդի պարսպի տակը, որտեղ կրակ վառեցին, և ամբողջ վարագը, փորը միայն դատարկած քաշեցին մի հաստ ձողի մեջ և սկսեցին խորովել: Այսպես գիտությամբ արավ Արսենը, որ տեսնողը նրանց հասարակ մարդիկ չհամարե, այլ՝ հրականեր:

Հենց որ բարձրացավ կրակի ծուխն ու բոցը և հասավ մինչև ամպերը, հսկաները վեր նայելով նկատեցին այդ և իրանցից մեկին ուղարկեցին, որ տեսնե՝ ինչ բան է, ո՞վքեր են եկողները, և շուտով լուր բերե:

— Ահա գալիս է մեկը, — ասաց Արսենը, — դու վեհանձն եղիր, տեղիցդ շարժվես, այլ միայն դեպքին հարմար հրաման տուր ինձ, որ նրանք նկատեն, որ դու իմ պարոնն ես, ես քո ծառան:

Մի ածղահա մարդ էր եկողը: Թեև պակաս հսկաներ չէին և Արսենն ու Վուրգը, բայց նրա համեմատությամբ փոքր էին:

— Ի՞նչ մարդիկ եք, — կանչեց հսկան հեռվից...

Արսենը ձեռքով արավ, թե՛ մոտ եկ, տեսնենք ինչ ես ասում: Հսկան մոտեցավ և երբ տեսավ ամբողջ վարագը խորովելիս, ահ ընկավ սիրտը, բայց իր երկյուղը ցույց չտալով, սկսեց բարկանալ, թե ինչպես են համարձակվել իրանց որսերին դիպչել: Կռացավ, որ շամփուրը վեր առնե, շարտե, Արսենը բռնեց նրա օձիքից և այնպես հեռու մղեց, որ հսկան կոճղի պես գլորվեց: Սաստիկ զայրացած վեր կացավ տեղիցը և կպավ Արսենին Արսենը, որ արդեն փորձել էր հսկայի ուժը, բռնեց նրա ականները և այնպես քաշեց, որ գլուխը խփեց գետնին և ծունդ լնել տվավ իր առաջին: Այդ ժամանակ Վուրգն այլևս չբռնեց պարապ մնալ, արձակեց հսկայի կաշվե պինդ գոտին և նշանով կապույտ նրա կոնները: Կաշկանդված հսկային հետո կապեցին մի հաստ ծառից և իրանք սկսեցին իրանց նախաճաշիկը:

— Սկիզբը լավ է, — ասաց Արսենը, — տեսնենք վերջը ի՞նչ կլինի: Հետո դառնալով հսկային՝ ասաց.

— Մենք եկել ենք ձեզ մոտ հյուր, և դուք այդպե՞ս եք ըն-

դունում ձեր հյուրերին: Կուզե՞ս մի կտոր միս տամ, կեր: Այս ասելով՝ մի մեծ կտոր մոտեցրեց հսկային բերանին:

— Իսկ դուք այդպե՞ս եք հյուրասիրում ձեզ մոտ եկողին, — ասաց հսկան: — Արձակեցեք և այնպես հրավիրեցե՛ք ինձ ճաշի:

— Բայց հետո՞, խոսք տալի՞ս ես, — ասաց, — որ շես փախչի և քո եղբայրներին իմաց տալ: Կամ եթե խոսք էլ տաս, ո՞վ կհավատա քո խոսքին: Բայց որ հավատաս, թե մենք վատ մարդիկ չենք, տես այս թուրը. մի հարվածով կարող էի այս բոպեիս թոցնել գլուխդ, բայց կյանքդ քեզ եմ շաշխու՛մ, որովհետև իմ պարոնն այսպես է կամենում, արյուն թափելու հրաման չի տալիս:

Այս խոսակցության ժամանակ, մեկ էլ տեսան, որ մի ուրիշ հսկա էլ է գալիս: Նա որ տեսավ իր եղբորը ծառից կապած, ջանք դող ընկավ, բայց ավելի էլ բարկացավ. քան առաջինը, և առանց հարցուփորձի, ուղղակի հարձակվեց մեր տղայոց վրա: Արսենն առաջ ընկավ և նրա ականջներն էլ գցեց ճանկը և շոքեցրեց առջևը, ասելով.

— Նախ երկրպագություն տուր մեզ. մենք հասարակ հողեղեն չենք, այլ ձեր հոգեառ հրեշտակներն ենք:

Այս խոսքի վրա ահագին հսկան այնպես դողդողաց, ինչպես մի նապաստակ որսկան շան ճանկերում: Սրան ավելի հեշտությամբ կապտեցին եղբոր կողքին:

Հետո եկան երրորդը, չորրորդը, մինչև յոթներորդը:

— Ո՞ւր են ձեր մյուս եղբայրները, — գոռաց Արսենը, — թող գան ձեզ օգնեն:

— Էլ ուրիշ եղբայր չունինք, — ասաց ամենից մեծը. — այս ենք որ կանք:

— Շատ լավ, — ասաց, — հիմա ի՞նչ փրկանք կտաք մեզ, որ ձեզ ազատենք: Տեսնե՞մ եք ահա, որ ձեր կյանքը մեր ձեռքն է, մի-մի հարվածով կարելի է թոցնել ձեր բոլորիդ գլխները:

Եվ Արսենն սկսեց թուրը շողողացնել նրանց գլխներին...

Այս միջոցին մի ձայն հասավ Արսենի ականջին:

— Ո՞հ, խնայեցեք, խնայեցեք իմ եղբայրներին. այդ դուք չէիք, որ հաղթեցիք դրանց, այլ ճակատագիրը:

Արսենը ետ մտիկ տվավ և տեսավ, որ մի աղջիկ է գալիս՝ սպիտակ քողն երեսին:

— Ես գործ չունի՞ նրա հետ, — ասաց Արսենը Վուրգին, — նա քո բաժինն է, ինչ կուզես՝ արա:

— Ո՛հ, երկիրք, օգնիր ինձ,— բացականչեց Վուրգը և փուն-
ջը ձեռին մոտեցնելով աղջկանը և ծնկաչոք թավազա արավ, ասելով.

— Ո՛վ իմ Անտես-Աննաման, առ այս փունջն ինձանից, սրա
հետ քեզ եմ նվիրում ես նաև իմ սիրտն ու հոգին:

— Կընդունեմ այդ ընծան, որովհետև տվողը Վուրգն է:

— Որտեղի՞ց գիտես դու իմ անունը, ո՛վ իմ նուզելի:

— Երկնքի թռչուններն ասացին ինձ,— պատասխանեց աղջի-
կը. և քողն երեսից ետ քաշելով՝ ասաց.

— Ահա ես էլ քեզ նվեր:

Վուրգը տեսնելով Աննամանի գեղեցկությունը, սիրտն սկսեց
թրթռալ, հազիվ կարողացավ գրկել նրան և համբուրել, բայց
աղջիկը նույնպես նվաղեց և երկուսն էլ ուշաթափվեցին:

— Եղբայրս վայելեց մարդկային կյանքի միակ երջանիկ
րոպեի քաղցրությունը. այսուհետև թեկուզ մեզ կոտորեն էլ հոգ
չունիմ,— ասաց Արսենը և ուրախության արտասուքն աչքերին՝
մոտեցավ հսկաներին և ամենքի էլ կապանքներն արձակեց:

Հսկաները նույնպես հուզվեցան սրտի խորքից, մտնավանդ
որ նախապատրաստված էին արսեն իրանց քրոջ երսգից: Մի
քանիսը վազեցին տուն, որ պատրաստություն տեսնեն հարեհրի
համար, մի քանիսն էլ Արսենին իրանց մեջն առած՝ ճամփա ընկան
դեպի տուն, գովելով նրա տղամարդկությունը: Իսկ Վուրգն ու
Աննամանը ամենից հետո էին գնում և շուտ-շուտ կանգ առնում,
իրար երեսին մտիկ տալիս, մեկ մեկով հիանում, զմայլում և
միմյանց պատմում իրանց տեսած երազները:

Մեր քաջերին երեք օր պահեցին հսկաները և ամեն օր մի
նոր ուրախության հանդես սարքեցին: Երեք օրից հետո ճամփա
զրին մեծ բահր ու բաժինքով:

Երբ տուն հաւան, մի նոր կերուխում սարքեց թագավորը և
երկու պսակ միասին կատարեց՝ Վուրգին՝ Անտես-Աննամանի հետ,
իսկ Արսենին՝ Աստղիկի: Այս հարսանիքումը, ինչպես ամեն հե-
քիաթի հարսանիքում, նույնպես երեք խնձոր վայր ընկավ ուղղակի
երկնքից, միայն այս անգամ խնձորները ասողի և լսողի համար
չէին, այլ՝ մեկը հավատի և քաջության համար, երկրորդը՝ հուսո
և առաքինության և երրորդը սիրո և ուժի համար:

ՄԱՆՈՒԿ-ԽԱՆ

(Ավանդություն)

Ինչպես մեծերի մեջ կան տխմար և իմաստուն մարդիկ, մա-
նուկների մեջ էլ կան տխմարներ ու իմաստուններ: Իմաստու-
թյունը հասակից կախումն չունի. այդ մի շնորհք է, որ աստված
նրան է տալիս, ում ընտրում է ինքը: Այսպիսի ընտրվածներ շատ
քիչ են լինում թվով: Ամեն մարդ կարող է իմաստությունը սիրել,
իմաստասեր լինել բայց ոչ իմաստուն: Սողոմոն իմաստունը
տասներկու տարեկան ժամանակ արդեն իմաստուն էր: Դանիել
մարգարեի նույնպես իմաստուն էր շատ փոքր հասակից: Այսպի-
սի իմաստուն մանուկներ հայոց մեջ ևս շատ են եղել: Եվ թեպետ
դրանց պատմությունը հեքիաթների կարգն է ընկել, բայց ճշ-
մարիտ եղած բաներ կան: Ահա այսպիսի մի մանուկի պատմու-
թյուն պիտի անեմ:

Թիֆլիս քաղաքի փողոցով մի մարդ էր գնում դեպի քաղաքի
շուկան (բազարը)՝ ձվով բարձած մի էշ առաջը զցած: Նրա հե-
տևից էլ մի ուրիշ մարդ մի գիժ եզն էր առաջն արած տանում
դեպի սպանդանոց: Եզնատերը բղավում է իշատիրոջը:

— Իշիդ կապը բռնի՛ր, մի կողմ քաշվի՛ր, եզս գիժ է, հարու
կտա:

Մի քանի տնգամ կանչում է այսպես, բայց իշատերը չլսելն
է դնում, մինչև եզը հասնում է և իր եշուրներով զարկում է
կթոցներին ու վայր գլորելով կոտորում ձվանը: Այս ժամանակ
իշատերը բռնում է եզնատիրոջ օձիքը և տանում դատարան:

Այս դեպքին ներկա էին շատ մանուկներ և նայում էին
նրանց կովին: Մանուկներից մեկը՝ մի աշխույժ և կայտառ երեխա,
երբ տեսավ, որ դրանք դատաստանի են դիմում, նրանց հե-
տևից կանչեց.

— Եզնատերը համրանա, եզնատերը համրանա:

Այս խոսքն իմացավ եզնատերը, և երբ դատավորի մոտ գնա-
ցին, իշատերն իր զանգատն արավ, վնասը պահանջեց, դատա-

վորը դարձավ եզնատիրոջը և հարցրեց, թե ինչ ունի ասելու, նա իրան համար ձեացրեց և ձեռքով հասկացրեց դատավորին, որ լեզու չունի:

— Այս մարդը համար է,— ասաց դատավորը,— դու վկաներ բեր, որ քո գանգատդ ուղիղ է:

— Տեր իմ,— պատասխանեց էշատերը,— սա սուտ է համար ձեանում, ընդհակառակն՝ քանի անգամ բղավեց հետեւիցս, թե մի կողմ քաշիր էշդ, եզս գիժ է, հարու կտա...

— Շատ լավ, ինչո՞ւ ուրեմն չկատարեցիր այդ մարդու ասածը. ուրեմն ի՞նչ ես ուզում սրանից:

Հետո դատավորը եզնատիրոջը հարցրեց, թե ինչու է համարանում, քանի որ խոսել գիտե:

— Տեր իմ, այս իմ խելքի բանը շէր,— պատասխանեց եզնատերը,— ալ, աստուծո՞ւ ողորմությունն էր, որ ինձ վրա հասավ մի երեխայի բերանով: Երբ որ այս մարդը ինձ քաշջելով ձեզ մոտ էր բերում, մի շնորհալի մանուկ կանչեց հետեւիցս. «եզան տերը համարանա»: Ես էլ նրան լսելով համրացա և ահա, ինչպես տեսաք, այդ մարդն իր բերանով խոստովանեց, որ ես քանի անգամ կանչեցի իրան, թե էշդ մի կողմ քաշիր, եզս գիժ է:

— Շատ լավ, գնա՛,— ասաց դատավորը,— դու արդար ես. միայն այն երեխային ուղարկիր ինձ մոտ, ես կուզեմ տեսնել նրան:

Այս դեպքից հետո հայտնի եղավ շատերին, որ իրանց մեջ մի իմաստուն մանուկ կա, և ով որ տեսնում էր նրան՝ գլուխ էր վայր բերում, ինչպես մեծ մարդու, և հարգում ու պատվում նրան, ինչպես աստուծո ընտրածի:

Բուն բարեկենդանի կիրակի երեկոն էր: Ամեն տան մեծ խնդություն և ուրախություն կար: Տխուր էր միայն քաղաքի մեջ մի նշանավոր կին իր աղախնու և երեխանց հետ: Գրանք ոչինչ չունեին ուտելու:

Տիկնոջ մարդը երևելի հարուստ վաճառական էր: Երկար ժամանակ էր, ինչ որ հեռացել էր քաղաքից և կնոջ համար արուստ շէր ուղարկել: Կինն սկսել էր տան կայքը քիչ-քիչ ծախել և նրանով կառավարվել էր մի կերպ, վերջն սկսել էր ձեռագործություն անել, բայց դրանով այնքան վարձատրություն չէր ստա-

նում, որ բավական լինի իր ապրուստին: Այդ օրվա ձեռագործին ընդամենը երկու շահի էին տվել. մի շահու յուղ ու հաց էր առնել տվել, խաշու շինել, մի շահու էլ խոունկ ու մոմ:

Այս տխրալի բուսեին մեկ էլ հանկարծ դուռը թխկթխկացրին: Կնոջ ամուսինն էր նա, որ նոր էր եկել օտարությունից:

— Ո՞վ ես,— հարցնում են ներսից, բայց մարդը խորամանկությամբ իր անունը չի տալիս, իր կնոջ հավատարմությունը փորձելու համար:

— Ծա եմ,— ասում է,— ինչ եք հարցնում, մի՞թե չեք ճանաչում: Եվ այս ասում է ձայնը փոխած. Հարցնողը աղախինն էր, իսկ կինը բաց էր արել պատուհանը, որ եթե օտար մարդ լինի ներս եկողը, իսկույն ինքն իրան վայր գլորե տան երրորդ հարկից: Այնքան տարի խեղճություն էր քաշել, բայց ոչ ոքի հայտնած չէր իր չքավորությունը, արատավորած չէր իր մաքուր անունը. լավ էր համարել մեռնել, քան թե որևէ անպատվություն բերել իր անվանը: Մարդը երբ համոզվեց, որ օտարի առջև իր դուռը փակ է եղել, նոր հայտնեց իր անունը իր սեփական ձայնով, թե ես Ավագն եմ, և դուռն իսկույն բացվեց իր առջև:

Ներս գնաց տուն, բարեկց կնոջը և շորս կողմին նայելով և տունն անշուք ու ամեն զարդ ու զարդարանքից զուրկ գտնելով՝ մնաց ապշած, թե այս ի՞նչ է նշանակում:

— Այս ի՞նչ բան է, ինչո՞ւ եք այսպես,— հարցրեց:

— Դո՛ւ ողջ լինիս,— ասաց կինը,— ի՞նչ է եղել:

— Զարմանում եմ,— ասաց մարդը,— մի՞թե մեր այսինչ ծառան քեզ չի հասցրել իմ ուղարկած գոհարը:

— Ոչինչ չեմ ստացել նրանից.— ասաց կինը.— բայց նա այժմ ծառա չէ, այլ քաղաքիս առաջին հարուստն է, տներ է շինել հոյակապ պալատների նման, շինել է և մի մեծ եկեղեցի իր անունով, թագավորի առաջին սիրելին է այժմ:

— Հասկացա. ուրեմն իմ ուղարկած հարստությունը իրան է սեփականել և ձեզ մատնել այս թշվառությանը: Շատ լավ, ես կիմանամ, թե վաղն ի՞նչ օյին կբերեմ նրա գլխին: Հիմա դատարկեցեք խորջինս, այնտեղ ուտելու բան շատ կա, այս երեկոյիս բավական է մեզ, վաղն աստված ողորմած է:

Մյուս օրը մեծ պասի երկուշաբթի օրն էր: Քաղաքի բոլոր թաղերում մի-մի խանություն էին հաստատել և մեծ-մեծ աղա-մարդիկ անգամ բուրդը-դուրս մուշտակներ էին հագել, փափախ-

ները նույնպես, երեսներին այլուր քսել, շրջապատվել փառաշնորով, որոնք նույնպես ծաղրական շորեր էին հագել: Ամեն անցնողի կանչում էր խանը և մի բանում մեղադրելով, նրանից տուգանք էր առնում: Այս խաներից ամենից նշանավորը Մանուկ-խանն էր:

Մեր իմաստուն մանուկին խան էին շինել, և նա դատաստան էր անում ոչ ծաղրածուի մեջ, այլ բուրդովին լուրջ կերպով: Բուրդ մեծ ու փոքր մնացել էին հիացած, տեսնելով որ մի տասներկու տարեկան պատանի՝ մարդկանց սրտի խորքերն է թափանցում, նրանց վատ արարքները երևաններին զարկում և հրամայում իր փառաշնորհին, որ ծեծեն անխնա և որոշած տուգանքն առնեն: Բայց և շատերին, որոնք զրկված էին, խեղճ էին և թըշվառ, նրանց էլ կանչում էր. մխիթարում, խրատում և հավաքած տուգանքներից մի բան տալիս, որ տանեն իրանց պակասուխուսը հոգան:

Հենց այս միջոցին Մանուկ-խանը նկատեց, որ մի մարդ երեսի գուլյնը նետած՝ անց է կենում շտապ-շտապ, բռունցքը սրղմելով և պոռչները կծոտելով. իսկույն հյամայեց իր փառաշնորհին, որ բռնեն այն մարդին: Մարդին օտնեցին և բերին Մանուկ-խանի առաջը կանգնեցրին: Այս մարդը Ավագ վաճառականն էր:

— Ի՞նչ մարդ ես դու և ո՞ւր ես գնում այդպես կատաղած, — հարցրեց Մանուկ-խանը:

Վաճառականը տեսնելով, որ ուս հանաք չի անում և պատրաստ է մինչև անգամ ծեծել տալու, ասաց.

— Խան, գլխիդ, արևիդ մտադ, ես մի գանգատ ունիմ, արդար դատաստան արա: Այսինչ ժամակ այսինչ մարդու ձեռքով ես Բաղդատից մի հրաշալի գոհար ուղարկեցի իմ կնոջ համար: Երեկ երեկոյին եկա և իմացա, որ մարդը իմ ամանաթու ոնկ չի հասցրել: Այսօր գնացի իրան ասացի. նա թե՛ ես տվել եմ կնոջդ, նա որ շույլ լինի և վատեն, ես ի՞նչ մեղավոր եմ: Եվ սկսեց կնոջս վրա վատ-վատ բաներ խոսել: Գնացի թագավորին գանգատվեցի, թագավորը կանչեց նրան, նա էլ իր հետ երեք վկա բերավ, որոնք միաբերան հաստատեցին, որ ամբողջ իմ գոհարը տվել է կնոջս: Ի՞նչ է մնում ինձ անել այժմ, թե ոչ մահու շափ պատժել կնոջս. Ահա և այն մարդիկը, որոնք անցնում են:

— Շատ լավ, — ասաց Մանուկը: — Գրադիրենբ'ը, գրեցե՛ք այս մարդու գանգատը, իսկ դուք, փառաշներ, բռնեցե՛ք այն շորսին էլ և բերե՛ք այստեղ:

Փառաշնեղը բռնեցին երբեմն ծառա, իսկ այժմ քաղաքի աղաներից մեկին և նրա երեք վկաներին: Մանուկ-խանը հրամայեց, որ վկաներին հեռացնեն իրարից և ջոկ-ջոկ սենյակում փակեն: Հետո բռնալով թագա-հարուստին՝ ասաց.

— Այս մարդը քեզ ի՞նչ գոհար է տվել, ի՞նչ գուլյն ուներ, ի՞նչ ձև ուներ, ի՞նչ մեծություն, ի՞նչ ծանրություն և ի՞նչ զորություն:

Մարդն ասաց, որ գոհարը մի քար էր կատվի աչքի շափ և նսան: Ցերեկը խավար էր երևում, իսկ գիշերը փայլում էր: Թե ինչ ծանրություն ուներ, չգիտեմ, չեմ կշռել, և թե ինչ զորություն ուներ, նույնպես չգիտեմ, չեմ փորձել:

— Դո՛ւ, ասա: Ի՞նչ զորություն ուներ գոհարը, — հարցրեց վաճառականին:

— Ի՞նչ գոհարն այն զորությունն ուներ, որ ինչ դատարկ քսակումն էլ դնեիր, իսկույն ոսկով կլցվեր, — պատասխանեց Ավագը:

— Շատ բարի: Իսկ դու ի՞նչ արիր այն գոհարը, հանձնեցի՞ր տիրոջը, — հարցրեց մեղադրվողից:

— Այո՛, հանձնել չեմ, — պատասխանեց թագա-հարուստը:

— Շատ լավ, տարեք սրան մի առանձին սենյակ և բերե՛ք վկաներից մեկին:

— Դու տեսա՞ր, — հարցրեց վկային, — որ այն մարդը այս մարդու կնոջը հանձնեց սրա ուղարկած ամանաթը:

— Այո՛, — պատասխանեց վկան:

— Ի՞նչ բան էր:

— Քար էր:

— Ի՞նչ ձև ուներ:

— Կլոր էր:

— Ի՞նչ գույնի քար էր:

— Սպիտակ:

— Ի՞նչ մեծություն ուներ:

— Ահա այդպի կլինեիր, — ասաց նա, ցույց տալով իր ձեռքի բռունցքը:

— Թանաք քսեցեք սրա ամբողջ բռունցքին և նրանով թող դրոշմի թղթի վրա քարի մեծութունը:

Հրամանը կատարվեց: Թաղա-հարուստը սուտ վկաներ վար-
ձելով՝ նրանց ասել էր, քար է եղել իր ստացածն ու տվածը,
բայց մոռացել էր ասել, թե ինչպիսի քար էր:

— Հիմա տարեք սրան իր սենյակը և մյուս վկային բերե՛ք: Մյուս վկան էլ ցույց տվավ, որ քարի մեծութունը մի թաթաշափ էր, ձևը տափակ էր, գույնը՝ սև: Երրորդ վկան ցույց տվավ, որ քարի մեծութունը եղունգի շափ էր, գույնը կարմիր, ձևը քառ-
անկյունի:

Մանուկ-խանն այս ամենը գրել տվավ և հետո բոլորին երես
առ երես բերելով՝ կարդաց ամենքի ցուցմունքները: Սուտ վկա-
ները սարսափի մեջ ընկան, ամանաթ ուրացողը ամոթահար
եղավ:

Բոլոր հանդիսականները միաձայն գոռացին.

— Կախեցե՛ք դրանց, կախեցե՛ք, խեղդեցե՛ք, սպանեցե՛ք:

— Սպասեցեք, — ասաց Մանուկ-խանը և դառնալով ուրա-
ցողին՝ ասաց.

— Այս րոպեիս ետ դարձրու այս մարդի ապրանքը, և քեզ
կազատեմ, եթե ոչ՝ կհրամայեմ, և իսկույն կզխատեն քեզ:

Թագավորի մոտ գնալիս ուրացողը գոհարը տարել էր հետը,
որ եթե բանը բացվի, ետ դարձնե: Մոցիցը հանեց գոհարը և տվավ
Մանուկ-խանին:

Մանուկ-խանն էլ գոհարը հանձնեց տիրոջը և ստորագրու-
թյուն առավ, որ իր ապրանքն ստացավ:

Ժողովուրդը շատ գոհ մնաց այդ արդար դատւոյտանից և
Մանուկ-խանին գովասանելով մինչև երկինք բարձրու ցրեց: Այս
դատաստանի լուրը հասավ մինչև թագավորի ականջը: Թագավորը
կանչեց Մանուկ-խանին և ամեն բան մանրամասն իմանալով՝ մեծ
պարգևներ տվավ նրան և իր մեծ իշխանների կարգը դասեց:

Մինչև այսօր էլ Մեծ պասի նրկուշաբթի օրը շատերն են խան
դառնում Թիֆլիսում, բայց Մանուկ-խանի պես խան միայն մեկ
անգամ է եղել և այլևս չի կրկնվել:

Արվեստով վիպասան մի երիտասարդ խոր քնի մեջ ընկըղ-
մած երազումը մի նոր վեպ է՛ր գրում, իսկ նրա մոտ Ուրիելն ու
Հերմեսը նստած վիճում էին իրար հետ: Երիտասարդը երազում
լսում էր նրանց վիճաբանությունը և գրիչը վաշտ դրած՝ ականջ
էր դնում:

— Այս խեղճին դու ես այսչափ հիմարացրել, որ երազումն
էլ վեպ է գրում, — հանդիմանում էր Հերմեսը Ուրիելին:

— Հիմարացնելը քո արվեստն է, — պատասխանեց Ուրի-
ելը, — ես միայն խելոքացնել կարող եմ: Ասա խնդրեմ, մի՞թե
հիմարություն է վեպ գրելը:

— Մի՞թե պատասխանի կարոտ է ասածդ, շա՛ր: Մեկ մարդ
մինչև հիմար շինի, ինչպե՞ս կարող է տակից գլխից դուրս տալ,
հազար տեսակ շեղած բաներ հնարել, անհամ, անալի սուտե-
կարկատել, որպեսզի կարողանա մի ավելի խոշոր սուտ ճշմարտի
տեղ անցկացնել:

— Ջարմանալի արարած ես դու, Հերմես, քո ստեղծողն էլ
պիտի կարծե, թե բանի նման է շինել քեզ: Մի արարած, որ ի
բնե միամիտ լինի ստեղծված, ի՞նչ գազափար կարող է ունենալ
իմաստության մասին, և իզուր չէր ասում Ապոլոնը, թե աշխարհի
մարդիկ ավելի են իմաստուն, քան թե Օլիմպի բնակիչները:

— Դու անհաղթելի ես և շար, երբ քեզ հետ խոսենք մարդ-
կային լեզվով և մարդկային հասկացողությանմբ, որովհետև դու
ծուկ ես մարդկային գաղափարը շարի ու բարու մասին, և եթե
նրանց դատաստանին դիմենք, ամենքն էլ կասեն, թե Ուրիելն է
ուղիղ ասում: Բայց եթե դու մի կարող խղճմտանք ունենալիր,
կխոստովանեիր, որ ոտքից մինչև գլուխ խարդախություն ես և
խաբեբայություն:

— Լսիր, հոգիս, դու շատ միամիտ ես: Եթե կա մի բան, որ
մարդիկ ծուկ են հասկանում, սյոդ այն է, որ քեզ բարի են համար-
ում, իսկ ինձ՝ չար, մինչդեռ քեզ պետք է հիմար անվանեին, իսկ
ինձ՝ իմաստուն, քեզ պետք է համարեին տգիտության պաշտպան,
իսկ ինձ՝ գիտության և իմաստության, քեզ պետք է համարեին հո-
գեառ և հոգեհան, իսկ ինձ՝ կենսատու. քեզ՝ ամուլություն, իսկ ինձ՝
աճելություն: Ո՞վ է տվել մարդկանց գիտություն բարվո, ո՞վ է

տվել նրանց գիր ու գրականութուն, շոգենավ ու շոգեկառք, հե-
ռագիր ու հեռաձայն և հազար ու մեկ տեսակ մեքենաներ: Մար-
դիկ և վայելում են իմ տված բարիքը, և ասում. դրանք բոլորն
էլ շարի հնարածն են:

— Եվ շատ ուղիղ են ասում: Ի՞նչ երջանկություն ես տվել դու
մարդկությանը ք. հնարած բոլոր արվեստներովդ ու մեքենանե-
րովդ. դու միայն սատանայացրել ես մարդկային ցեղը, իրար մի
արել, բանավոր մարդկանցից շինել ես այնպիսի հրեշներ, որոնք
այլևս ոչ մի բանի նման չեն, զրկել ես արքայությունից և դժոխքի
բաժին շինել:

— Գիտես ի՞նչ կա, Հերմես. եկ դու քո արքայությունից ձեռք
քաշիր, իսկ ես իմ դժոխքից, թեև իսկապես արքայությունն իմն է,
իսկ դժոխքը՝ քոնը, ըստ որում մեկ մարդ մինչև հիմար չլինի,
դժոխք չի գնալ, իսկ ես թշնամի եմ հիմարության, եկ հաշտ-
վենք միմյանց հետ և մարդուն այսպես բաժանենք,— մարմինն
ինձ, իսկ հոգին քեզ, այս կյանքն ինձ, իսկ այն կյանքը՝ քեզ,
ծնածն ինձ, մեռածը՝ քեզ: Մեռածին ուր ուզում ես տար, կուզես
արքայություն, կուզես դժոխք, մեռածներին կառավարելը հեշտ է,
իսկ սաղեբին կառավարելը քո խելքի բանը չէ, այդ իմ գործն է:

— Ես համաձայն չեմ:

— Ինչո՞ւ, հոգիս, քո նպատակն այն չէ՞, որ մարդիկ դժոխքի
բաժին չդառնան, այլ արքայության, ես քեզ եմ տալիս երկունս
էլ, ուր ուզում ես՝ այնտեղ տար:

— Ես համաձայն չեմ, որովհետև ո՞վ իմանա քո միտքն ի՞նչ
է: Դու ուզում ես աշխարհս քո իշխանության տակը դնել, բոլոր-
ինն ապականել, իսկ ես ապականված հոգուն չեմ կարող մտե-
նալ և հակառակ չեմ, որ այդպիսին դժոխքումը տաճաջվի: Ուրեմն
դու ուզում ես վարպետությունով դժոխքիդ հաճախորդների թի-
վը շատացնել:

— Եթե այդպես ես կարծում, ուրեմն շարունակենք մեր դա-
րավոր թշնամությունը միմյանց դեմ, դու աշխատիր մարդկանց
հիմարացնել, իսկ ես կաշխատեմ իմաստնացնել, դժաշխատիք ինձ
սատանայացնել, իսկ ես կաշխատեմ քեզ իշացնել, և հույս ունիմ,
որ վերջ ի վերջո հաղթությունն իմս կլինի, որովհետև դու ի՞նչ
էլ ես տեսնում, որ մարդիկ օրեցօր հառաջ են գնում, օրեցօր լու-
սավորվում և իմ դեմ լարած ձեռք բոլոր մեքենայությունները մի

օր կփշրվին իսպառ և ես կիշխեմ ամենքի վրա, իբրև դուս հան-
ճար և կլինեմ միահեծան տեր:

— Եվ այնուհետև շեռ ճանաչիլ քո ստեղծողին, քո տիրոջը,
չես հպատակիլ նրա կամքին:

— Նա քեզ պես հիմար չէ, մեծ է նրա տիեզերքը, լայն է
նրա սիրտը, նա թույլ կտա, որ ես իշխեմ նրա անհուն աշխարհ-
ների մի շնչին հյուլեի վրա և կառավարեմ իր տիեզերական օրեն-
քի համեմատ:

— Մ, սատանա, սատանա, որքան խորամանկություն կա քո
մեջ, քո բոլոր ասածներդ այս մարդը լսում է երազումը և Ադամի
պես խաբվում. քո բոլոր ասածներդ սա ընդունում է իբրև զուտ
ճշմարտություն:

— Եթե կարող ես հերքել, հերքիր ասածներս, թող շմուրվի
այս մարդը, իսկ ես սրա ականջին այս կասեմ. որ եթե ուզում է
շնորհալի գրող դառնալ, թող իմացած լինի, որ սատանա ասվածը
գրողների փրոն է, առանց սատանայի օգնության շնորհքով բան
գրել կարելի չէ, աշխարհիս բոլոր հանճարները իմ ամենասիր-
ելի բարեկամներն են եղել, միայն նրանք են հասկացել, թե որ-
պիսի բնավորություն ունիմ ես, ինչքան ինքնուրույն, ինչքան ան-
կախ, ինչքան ազատ: Գյոթեն ինձ դիմեց իր Ֆաուստը գրելու
համար, Բայրոնը՝ իր Մանֆրեդը, Մեքսպիրը՝ իր Մակբեթն ու Համ-
լետը և նույնիսկ բոլոր մյուս գրվածները. Շեքսպիրի գլխում իմ
ոգին էր խաղում շարք նաև, նա մի դև էր. մարդկային մարմնով,
լեռնոնտովն ինձանով միայն էարողացավ ինձ գրել...

— Բայց մեկը կար, որին չկարողացար մոտենալ, շա՛ր, և որ
քեզ բացեիրաց մերժեց և հալածեց:

— Այո՞, բայց նրա ջգրու ես մոտեցա Մահմեդին և նրա հա-
մար մի զորեղ հակառակորդ ստեղծեցի, մոտեցա Լութերին և
պապի իշխանությունը յործանեցի, մոտեցա Կոլումբոսին և նրան
Ամերիկա հասցրի, մոտեցա: Ֆրանկլինին և նրան մի նոր Պրոմեթևս
շինեցի, հափշտակել տվի որկնքի շանթը և մարդկության ձեռքին
գործիք շինեց տվի... Օ՛ր, անթիվ են իմ տված բարիքներս, բայց
էլի ինձ շար են ասում հիմարները:

— Եվ հիրավի, շա՛տ շար ես:

— Իսկ դու, խոստովանում եմ, շատ բարի ես, դու, որ կաս,
քո տիրոջ ջրկիրն ես, մի ողորմելի արարած, որպիսին դու ես մեկ
էլ որ կաս:

Այս միջոցին քնած վիպասանը զարթնեց: Նա երազումը սրանց խոսակցութիւնը բառացի շէր լսում, այլ ամեն մի բառը լսելիս՝ մի նոր փոփոխութիւն էր նշմարում երազումը և այնքան արագ էր կատարվում այդ փոփոխութիւնը, որ նա մի հարյուրերորդական մանրերկրողի մեջ մի ամբողջ աշխարհք էր պըտպըտում, այնքան արագ, որ մի բառից հետո մինչև մյուս բառն ասելը նա անցնում էր այդ անհուն տարածութիւնը: Օրինակ՝ Շեքսպիրի անունը լսելիս, նա գլխի ի գլուխ անցնում էր նրա բուլոր գրվածներով և իսկույն լսում մյուս բառը: Նա տեսնում էր ասված մտքերի ընդարձակ պատկերները և այդ պատկերները արագ-արագ իրար էին հաջորդում, ինչ արագութեամբ որ բառերն էին հաջորդում իրար: Չքնած ժամանակն էլ նրա միտքն այդ պատկերացումներն ուներ, միայն երազում նա տեսնում էր, ինչպես աչքով: Ուրիշի խոսակցութիւնը մարդկային ձայնով չէր կատարվում, այլ մի անբացատրելի օդային շարժումով, որ մի չլաված մուգիկայի ձայնի էր նման: Այդ ձայնը քնածի ականջով նրա ուղեղին հասնելով, այնտեղից անդրադառնում էր մարդկային բառերով:

Զարթեցավ մեր վիպասանը և տեղումը նստած՝ երկու ձեռքի մեջն առավ գլուխը և սկսեց միտը բերել, թե որպիսի երազի մեջ էր ընկղմված: Երազը միտը բերելով՝ նա սկսեց մտմտալ.

— Հրեշտակ, սատանա, բարի և շար ոգիներ: Մարդ ի՞նչպես իմանա, թե երկուսից որն է իսկապես շար և որը՝ բարի: Մարդն այնպիսի ստորոգելիք է տվել թե՛ մնկին և թե՛ մյուսին, որ երբ սկսում ես քննադատել, ամեն ինչ խճճվում է: Լավ կլիներ, իհարկե, որ շեղած բաներին ոչ մի ստորոգելիք չտային, բայց երբ մի բան են ստեղծում և նրան շար կամ բարի ասում, գոնե պետք էր նախ լավ իմանային, թե ինչն է իսկապես շար և ինչը՝ բարի: Մարդիկ այդ ստորոգելիքը տվել են այն ժամանակ, երբ բարու և շարի մասին ուղիղ գաղափար չեն ունեցել: Իսկ մեր ժամանակ Ուրիշին իրավունք ունի ասելու, թե իմ արածս բարութիւնն է և ոչ շարութիւն: Ուղիղն ասած, ես ավելի Ուրիշինն եմ համակրում, որ իր համար անկախ է և անընկճելի, քան թե Հերմեսին, որ մի կույր գործիք է Զևսի և նրա կնոջ ձեռքին:

— Լսեցի՞ր, Հերմես, — ասաց Ուրիշը, — դե հիմա երթաւ բարով, գնա քո Հերայի մոտ և նրան պատմիր Զևսի արարքները: Իսկ ես կմնամ սրա մոտ, որ թելադրեմ ավելի առողջ մտքեր:

Հերմեսը մոռալով հեռացավ, վիպասանից խոտված, իսկ Ուրիշը մի պատկերի կերպարանք առավ և կախվեց վիպասանի ննջարանում: Վիպասանը չսեց սրանց վերջին խոսակցութիւնը. և նորից քնեց ավելի քաղցր քնով: Առավոտյան, երբ զարթեց և տեսավ պատկերը, սկսեց ապուշ-ապուշ նայել նրա վրա և զարմանալ, թե ո՞վ է բերել արդյոք այս պատկերը և ի՞նչ է ներկայացնում սա իսկապես: Առաջին հայացքից ոչինչ չնշմարեց, բայց հետզհետե ինչեր ասես, որ շտեսավ: Նրա մեջ պարունակված էր ամբողջ տիեզերքը բոլոր մանրամասնութեամբ: Նա ոչ տպված էր և ոչ նկարած վրձինով, այլ ինքնուրույն մի բան էր, նրա մեջ ամեն ինչ շարժուն էր և կենդանի, և մեր վիպասանը ինչ որ ցանկանում էր, նրա մեջ տեսնում էր իր ուզածի կենդանի պատկերը ամենայն մանրամասնութեամբ: Եվ այնուհետև նա սկսեց վեպ վեպի հետևից լույս հանել միևնույն քան զմյուսն ավելի հետաքրքրական: Ամենքն էլ զարմացել էին նրա բեղմնավոր գրչի և հանճարի վրա, բայց ոչ ոք չգիտեր, որ նա այդ բոլորը հանում էր կախարդական պատկերից:

1893

«ԱԶԱՐԱՆ ԲՈՒԼԲՈՒ»

(Աւարական հեքիաթ)

Իմ ականջս է հասել, ո՞վ բարեբանյալ և բարեկրթյալ թագավոր (պատմում է Շահրազադա թագուհին իր ամուսին Շահրիար թագավորին), որ հին ժամանակներում, վաղուց անցած օրերում, Պարսկաստանումը կենում էր մի թագավոր՝ անունը Խոսրով-շահ, որին մեծ պարզեատուն պարզեկ էր հզորութիւն, ջահելութիւն ու զեղեցկութիւն և որի սրտումը դրել էր արդարասիրութեան այնպիսի զորեղ զգացումն, որ նրա թագավորութեան ժամանակ ուն ու վազրը միմյանց հետ հաշտ էին ապրում և կողք-կողքի էին խմում միևնույն վտակից:

Եվ այդ թագավորը, որ սիրում էր անձամբ տեսնել ամենը,

ինչ որ կատարվում էր նրա մայրաքաղաքում, սովորություն ուներ քաղաքում գրասենյու գիշերները օտարերկրացի վաճառականի հագուստով իր վեզիրի կամ իր պալատականներից որևիցե մեկի հետ:

Եվ ահա, մեկ անգամ գիշեր ժամանակ քաղաքի այն թաղում, ուր աղքատներն էին բնակվում, նա լսեց նեղ փողոցներից մեկի խորքում ջահել ձայներ: Եվ մոտեցավ ուղեկցի հետ այն մխացող բնակարանին, որտեղից լսվում էին ձայները և աչքը ձգելով դռան ճեղքին, սկսեց նայել ներսը: Եվ տեսավ երեք ջահել աղջկերք. որոնք խորի վրա նստոտած և ճրագի շուրջը բոլորով՝ գրույց էին անում ընթրիքից հետո: Այդ երեք աղջկերքը իրար նման էին, ինչպես քույրերը, և երեքն էլ գեղեցիկ էին: Միայն կրտսերը շատ էր գերազանցում մյուսներին իր գեղեցկությունովը:

Եվ առաջինն ասաց.

— Որովհետև առաջինը ես պետք է ասեմ, թե ինչ եմ ցանկանում, ուրեմն կասեմ, որ ես ցանկանում եմ լինել թագավորի գաթա թխողի կինը: Դուք հո գիտեք, որ ես շատ եմ սիրում քաղցր խմորեղենը, մանավանդ այն քնքուշ ու պատվական միջակոր կարկանդակները, որոնք անվանվում են «սուլթանական»: Եվ միայն սուլթանի գաթաջին է կարողանում պատրաստել այնքան գեղեցիկ: Ախ, իմ քույրեր, ահա թե ե՛րբ կսկսեք ինձ նախանձել, տեսնե՞նով, թե ես ինչպես միշտ ուտե՞լով այդ կարկանդակները, սկսում եմ գիրանալ և գեղեցկանալ, և իմ երեսի գույնը սկսում է նրբանալ և պայծառանալ:

Իսկ երկրորդ քույրն ասաց.

— Ես շատ չեմ պատվասեր: Ես կրավականանամ ամուսնանալ սուլթանի խոհարարի հետ: Ախ, որ իմանաք, ինչքան եմ ցանկանում ես այդ: Այդ ժամանակ ահա, ես հնար կունենամ համն առնելու այն բոլոր համեղ կերակուրների, որոնք ուտվում են սուլթանի պալատում: Բայց այս դեռ ոչինչ՝ այնտեղ ավելի լավ բան են տալիս ուտելու. ինչպես խորոված բորինջաններ, լցրած բրնձով ու զանազան համեմունքներով, որ երբ տեսնում եմ սինիներով տանելիս՝ սիրտս սկսում է թրթռալ: Ի՞նչ ախորժակով կուտի: Իհարկե, ձեզ չեմ մոռանալ և ստեպ-ստեպ կկանչեմ ձեզ ինձ մոտ, եթե իմ խոհարար ամուսինը թույլ կտա, բայց գժվար թե նա թույլ տա այդ:

Այսպես մեծ ու միջնակ քույրերն իրանց ցանկությունը հայտարարեցին:

Նեղուց հետո դարձան իրանց կրտսեր քրոջը, որ լուռ նստած՝ նրանց էր ականջ դնում, և ծաղրելով ասացին.

— Հապա դու, սիրուն բալիկ, դու ի՞նչ ես ցանկանում: Միամիտ կաց, երբ որ մենք մարդու կգնանք, երբ կուզենք մեր ընտրածներին, խոստանում ենք, որ այն ժամանակ կաշխատենք, որ քեզ տանք սուլթանի ձիապաններից մեկին կամ նրանց նման մի ծառայի՝ նրա համար, որ մեղանից մոտիկ այրես: Հասալ ինքդ ասա, տեսնենք դու ինքդ ի՞նչ մտքի ես, ո՞ւմ ես ուզում:

Փոքրիկ քույրը ամոթխածությամբ շփոթվելով, պատասխանեց մի այնպիսի Կողոզուցող ու քնքուշ ձայնով, ինչպես բարակ վտակի խոխոջալն է լինում և ասաց.— Ո՞վ քույրեր,— էլ ոչինչ չկարողացավ ասել: Քույրերը ծիծաղելով նրա ամոթխածության վրա, թափեցին նրա վրա զանազան հարցումներ ու կատակներ և վերջապես հարկադրեցին նրան ասելու իր ցանկությունը: Նա էլ առանց աչքերը բարձրացնելու ասաց.— Ո՞վ իմ քույրեր, ես կցանկանայի մեր տեր սուլթանի կինը լինել: Սա կտայի նրան մի օրհնաբանյալ սերոտնդ: Մեր ամուսնությունից ծնված արու զավակները իրանց հորն արժանի որդիք կլինեն: Իսկ աղջիկս, որ կուզի ունենալ, նման կլինի երկնքի ժպտին. նրա մաղբրի մի կողմը ոսկի կլինի, մյուս կողմը՝ արծաթ, նրա թափած արտասուքների տմեն մի կաթիլը մարգարիտ կդառնար, նրա ծիծաղի ձայնը կհնչեր ոսկե դրամների նման. իսկ նրա ժպիտը վարդի կոկոնի նման կբացվեր նրա շրթունքների վրա:

Ահա բոլորը:

Սուլթան խոսրով-շահը և նրա ուղեկիցը տեսան և լսեցին բոլորը: Բայց չուզեցին լսել, որ իրանց նկատեն, ընդհատեցին իրանց ականջ դնելը և շուտով հեռացան:

Խոսրով-շահը այդ լսածները շատ հետաքրքրական համարեց և իր հոգու մեջ ցանկություն զգաց կատարելու այն ամենը, ինչ որ ցանկանում էին աղջկերքը և իր մտադրությունը չհայտնելով իր ուղեկցին, նա հրամայեց, որ լավ նկատի այն տունը, որ մյուս օրը գա երեք քույրերի հետևից և նրանց տանե պալատը: Վեզիրը պատասխանեց, որ լսում է և կհնարազանգի և մյուս օրն շտապեց կատարելու սուլթանի հրամանը ու քույրերին տարավ պալատ:

Սուլթանը գահի վրա նստած՝ գլխով ու աչքով արավ, ասելով.— մոտ եկեք:— Եվ մոտեցան նրանք՝ բոլոր մարմնով դո-

ղալով և մըճմըճվելով իրանց աղքատիկ քաթանի շոբրի մեջ, իսկ սուլթանը ասաց նրանց՝ բարեհոգութեամբ ժպտալով:

— Ողջուն ձեզ, ով շահել աղջկերբ, այսօր բացվել է ձեր բախտը, և կկատարվի ձեր ցանկությունը: Իսկ ձեր ցանկությունը ինձ արդեն հայտնի է, որովհետև թագավորներն ամեն ինչ իմանում են: Ամենից առաջ կկատարավի ամենից մեծիդ ցանկությունը, այսօր ևեթ դու կամուսնանաս իմ ավագ գաթաջու հետ: Իսկ դու, երկրորդ, կամուսնանաս իմ ավագ խոհարարի հետ: Այս ասելուց հետո թագավորը կանգ առավ և հետո դարձավ էրտսեբին, որ սաստիկ շփոթվելուց քիչ էր մնում սիրտը գնա և վայր ընկնի գորգերի վրա: Թագավորը կանգնեց ջուխտ ոտքի վրա և բռնելով նրա ձեռքը, նստեցրեց իր կողքին, գահի վրա և ասաց.— դու թագուհի ես, այս պալատը քո ապարանքն է, իսկ ես քո ամուսինդ եմ:

Երեք քույրերի էլ հարսանիքը հենց նույն օրը կատարեցին, թագուհու հարսանիքը մի չլսված փառավորությունով, իսկ մյուսներինը սովորական կերպով, ինչպես կատարում են հասարակ մարդիկ: Այս պատճառով մեծ քույրերը սաստիկ նախանձեցին և մտքնեղումը դրին իրանց փոքր քրոջը մի փորձանքի բերել: Բայց իրանց այդ շար միտքը ամենայն զգուշությամբ ծածուկ էին պահում և երեսանց շնորհակալությամբ էին ընդունում, իրանց թագուհի քրոջ ընդունելությունը, որ նա անում էր իր քույրերին, շնայած նրանց ստոր վիճակին: Փոխանակ բավականանալու այն բախտից, որով բախտավորվել էին նրանք՝ նայելով իրանց քրոջ բարձր վիճակին, շարաշար տանջվում էին նախանձից ու ատելությունից:

Եվ այս կերպով անցավ ինը ամիս: Ինն ամիս վերջում թագուհին մի որդի ծնեց, գեղեցիկ, ինչպես նորածին լուսին: Մեծ քույրերը, որոնք սուլթանի խնդիրքով ներկա էին նրա երկունքի ժամանակ և մանկաբարձուհու պաշտոն էին կատարում, ոչ մի գթաշարժություն չունեցան դեպի քույրը և ոչ հափշտակվեցին նորածնի գեղեցկությունովը, այլ հնար մտածեցին խորտակելու մատաղահաս մոր սիրտը: Նրանք իսկույն ևեթ վերցրին նորածին մանուկը, դրին մի փոքր զամբյուղի մեջ ու թաքցրին միառժամանակ, իսկ նրա տեղը դրին մի սասկած շան լակոտ և ցույց տալով բոլոր պալատական կիներին, հավատացրին նրանց, որ շան լակոտը սուլթանուհու ծնածն է: Այս լուրը երբ որ հասավ խորթվաճ սուլթանի ականջը, նրա աչքերը մթնեցին, նա ընկավ խոր

տխրության մեջ, փակվեց իր սենյակում և հրաժարվեց պետական գործերը կատարելուց: Սուլթանուհին ավելի ևս ընկղմվեց խոր տխրության մեջ, նրա հոգին նվաստացավ, ու սիրտը կոտրվեց:

Իսկ ինչ վերաբերվում է նորածնին, նրան մեր մորաքույրները զամբյուղի մեջ պնդացրին և ձգեցին ջրանցքի մեջ, որ հոսում էր ապարանքի մոտովը: Բայց հենց այդ ժամանակ, բախտի բերմունքով, սուլթանի այգիների կառավարիչը զբոսնելիս է լինում ջրափին և տեսնում է, որ մի զամբյուղ է տատանվում ջրի ալիքների վրա: Նա մի կռեչանով դուրս է քաշում զամբյուղը, բաց է անում և տեսնում նրանում մի գեղեցիկ մանուկ: Եվ զարմանում է նա, ինչպես զարմանում է փարավոնի աղջիկը, երբ Մովսեսին զրտնում են եղեգնուտումը:

Այգիների կառավարիչը վաղուց էր ամուսնացել և շատ էր ցանկանում զավակ ունենալ և մինչև անգամ երկու-երեք երեխա, որ օրհնեին իրանց ստեղծողին: Բայց նրա ցանկությունը, ինչպես և իր կնոջը, չէր կատարվում: Եվ նրանք երկուսն էլ շատ էին տրխրում իրանց անզավակության և միայնության համար: Այս պատճառով ահա, երբ որ կառավարիչը գտավ աննման գեղեցկություն ունեցող երեխային, նա վեր առավ զամբյուղը անսահման ուրախությունով և վազեց մինչև այգու վերջը, ուր գտնվում էր նրա տունը, և կնոջ սենյակը մտնելով, հուզված ձայնով ասաց նրան.

— Խաղաղություն քեզ, ո՛վ հորեղբորս աղջիկ: Թող այս երեխան մեր որդին լինի, ինչպես բախտի տված զավակ:— Եվ պատմեց կնոջը, թե ինչպես է գտել զամբյուղը:

Եվ կառավարիչը վերցրեց երեխային և սիրեց նրան:

Մյուս տարին խեղճ մայրը, որին այնպես անգթաբար խաբել էին և զրկել իր պտղից, լույս աշխարհք բերավ երկրորդ որդին, առավել ևս գեղեցիկ: Բայց երկու քույրերը հսկում էին կեղծ ցավակցություն տալով, բայց իսկապես ատելությունով լցված և առաջին անգամվա նման շինայեցին իրանց քրոջ նորածին զավակին և նրան էլ դրին զամբյուղի մեջ և ձգեցին ջրանցքը: Իսկ բոլոր պալատականներին ցույց տվին մի կատվի ձագ և հավատացրին, որ ա՛յդ է սուլթանուհու նոր ծնունդը: Եվ բոլորը շատ զարմացան և շատ տխրեցին: Իսկ սուլթանը, անսահման ամոթահարված, անկասկած, անձնատուր կլիներ կատաղի զայրացման, եթե անժանոթ լիներ անքննելի արդարության պատվերներին: Սուլթանուհու սիրտը լիքն էր կսկիծով և հուսահատությամբ:

Իսկ ինչ վերաբերում է երեխային, պետք է ասել, որ երեխաների բախտի պահպանողը ներշնչեց այգիների կառավարչին, որ զբոսնում էր գետափին, որ նա դարձյալ նկատի զամբյուղը: Եվ ինչպես առաջին անգամը, կառավարիչը փրկեց երեխային և տարավ կնոջ մոտ, ոտ սիրեց նրան, ինչպես իր սեփական զավակին և սկսեց նրան նույնպես մեծ հոգատարությամբ սնուցանել, ինչպես առաջինին:

Սուլթանուհին ծնավ երրորդ զավակը: Իսկ նրա քույրերը, որոնց ատելությունը դեռ չէր բավականացած, շարունակում էին իրանց կրտսեր քրոջ կորստի մասին մտածել, և նորժին աղջկանը նույն ձևով ջուրը ձգեցին, ինչպես և նրա եղբայրներին: Բայց նրան էլ պատսպարեց այգիների կառավարիչը և նրա եղբայրների հետ սննդեց, դաստիարակեց:

Բայց այս անգամ, երբ քույրերը իրանց անելիքն անելով՝ նորածնի տեղը դրին մի կույր մուկ, սուլթանը, չնայած իր բարեգթությանը, չկարողացավ զսպել բարկությունը և բացականչեց.

— Աստված անիծում է իմ ցեղս այն կնոջ պատճառով, որի հետ ես ամուսնացա: Ես ամուսնացել եմ իսկապես մի հրեշի հետ: Միայն մահը կարող է ազատել նրանից իմ բնակարանս:

Եվ մահվան դատապարտեց սուլթանուհուն: Հրամայեց իր զինակիրին, որ կատարի հրամանը: Բայց երբ որ տեսավ արտասուքը և անսահման կսկիծը այն կնոջ, որին սիրել էր իր սիրտը, սուլթանը շատ խղճաց և երեսը շրջելով հրամայեց փակել նրան ապարանքի հեռավոր սենյակներից մեկում, որ այնտեղ անց կացնի իր կյանքի մնացած օրերը: Եվ այն օրվանից էլ շուգեց տեսնել նրա երեսը: Այնուհետև խեղճ կինը խոր տխրության և արտասուքի մեջ ընկղմած, երկրային բոլոր դառնություն ճաշակն առավ:

Իսկ քույրերը շատ ուրախացան, հագեցնելով իրանց շարությունը, և այդ օրվանից կարող էին հանդիստ սրտով ուտել իրանց ամուսինների պատրաստած քաղցրեղենները և համադամ խորտիկները:

Եվ օրերն ու տարիները անց էին կենում միատեսակ արագությունը՝ թե՛ արդարների և թե՛ մեղավորների գլխովը, բերելով այն, ինչ որ վիճակված էր ամեն մեկին:

Եվ ահա՛ երբ որ կառավարչի որդեգրած երեխեքը երեքն էլ մասն պատանեկության հասակը, իրանց գեղեցկությունով սկսեցին կուրացնել բոլորի տեսությունը:

Եվ անվանում էին նրաճեցից մեկին Ֆարիդ, երկրորդին՝ Ֆարուզ, իսկ աղջկանը՝ Ֆարիզադա:

Ֆարիզադան էր բուն երկնքի ժպիտը: Նրա մազերի մի կողմն արծաթի էր, իսկ մյուս կողմը՝ ոսկի: Երբ որ նա լաց էր լինում, գետին ընկած արտասուքի կաթիլները դառնում էին մարգարտի հատիկներ, երբ որ ծիծաղում էր, նրա ծիծաղը հնչում էր ոսկի դինաչների ձայնով:

Ահա թե ինչու բոլոր նրան ճանաչողները, ինչպես և հայրը, մայրը և եղբայրները նրա անունը «Ֆարիզադա» ասելիս, միշտ ավելացնում էին՝ «վարդաժպիտ»:

Եվ ամենքը մնացել էին զարմացած նրա գեղեցկությանը, խելքին, հեզությունը, ճարպիկությունը, ինչպես նա էր պահում իրան ծիու վրա, ուղեկցելով հղբայրներին որսի գնալիս, նրա նետ ձգելը, նիզակ բանեցնելը: Նա հիացնում էր իր վարմունքի վայելչությունովը, հյուսած շնորհալի ոտանավորներովը և հայտնի ու ծածուկ գիտությունների հմտությունովը և ճոխությունովը իր մազերի, որ մի կողմից ոսկի էին և մյուս կողմից արծաթի:

Այսպես զարդանում էին թագավորական այգիների կառավարչի որդիները, իսկ ինքը՝ կառավարիչը, շրջապատված նրանց սիրովն ու հարգանքովը, խնդալով նրանց գեղեցկության վրա, շատով հասավ խորին ծերություն: Իսկ իր ամուսինը կյանքից իրան բաժին ընկած մասը լրացնելով՝ մեռավ իր ամուսնուց առաջ: Նրա մահը բոլոր գերդաստանի համար պատճառ դարձավ տխրության ու կսկծի, այնպես որ կառավարիչն այլևս մնալ չուզեց նույն տանը, որտեղ հանգուցյալը ամենի համար խաղաղության ու երջանկության աղբյուր էր: Գնաց սուլթանի ոտներն ընկավ և աղաչեց, որ ազատի նրան այն պաշտոնից, որ այնքան երկար տարիներ կամտարել էր: Սուլթանը տխրեց, որ պիտի բաժանվի իր հավատարիմ ծառայից և ցավելով կատարեց նրա խնդիրը: Արձակելով նրան, ընծայեց մի հոյակապ կալվածք քաղաքից մոտիկ, ընդարձակ վարելահողերով, անտառներով, արոտատեղերով, ճոխ կահավորված ապարանքով, իրան՝ կառավարչի ձեռքով ճարտարությունը տնկված այգիով. և լայնարձակ ծառաստանով, շրջապատված բարձր պարիսպով, որի մեջ կենում էին ամեն գույնի թռչուններ և ընտանի ու վայրի կենդանիներ:

Ահա, այդ իսկ կալվածքը քաշվեց առաքինի ծերունին իր որդեգիրներով: Այստեղ էլ նա մեռավ, շրջապատված իր որդեգիրներ-

րի սիրովն ու հոգածութիւններովը: Ոչ մի հարազատ հոր վրա այնպես սուգ չէին արել՝ ինչպես որ սուգ արին ծերունուն որդեգիրները: Եվ տարավ իր հետ իր անդրդվելի գերեզմանաքարի տակը իր որդեգիրների ծննդյան գաղտնիքը, որ իրան էլ չէր հայտնի լրիվ:

Նրա հրաշալի կալվածքում շարունակեցին ապրել պատանիները ու իրանց փոքրիկ քույրը: Եվ որովհետև նրանց իմաստությամբ էին կրթել և պարզ ու հասարակ, այս պատճառով նրանք գոհ էին իրանց վիճակից և այլևս ոչինչ չէին ուզում, այլ միայն ապրել խաղաղ և սիրով:

Տարիդն ու Տարուզը հաճախ գնում էին որսի, անտառներ և դաշտեր, իրանց կալվածքի շրջապատներում: Իսկ վարդաժպիտ Տարիզադան ամենքից շատ սիրում էր այդիններումն դրոսներ, եվ ահա մեկ օր էլ, երբ նա պատրաստվել էր գնալ գրոսանքի, ստրկուհիները իմաց տվին, թե մի անծանոթ պառավ, օրհնության կնիքը երեսին, խնդրում է, որ թույլ տա իրան մի ժամի շափ հանգստանալու այդ գեղեցիկ այգիների ստվերներում: Իսկ Տարիզադան, որի սիրտը լիքն էր կարեկցութիւնով, ցանկացավ ինքն անձամբ ընդունել անծանոթ պառավին: Նրան սիրով հյուրասիրեց, ուտեցրեց, խմեցրեց և տվավ նրան մի հախճապակյա մատուցարան պատվական պտուղներով, թխվածքներով, շոր քաղցրավենիներով և հյութալից անուշեղեններով: Հետո ման ածեց այգումը, իմանալով, որ միշտ օգտակար է փորձված մարդկանց հետ լինելը և իմաստուն խոսվածք լսելը:

Եվ գրոսնում էին այգումը նրանք միասին:

Վարդաժպիտ Տարիզադան բարի պառավին օգնում էր ման գալիս, բռնելով նրա կուռը: Երբ որ հասավ ամենալավ ծառին, Տարիզադան պառավին նստեցրեց այդ ծառի ստվերումը: Եվ խոսք խոսքից հետո վերջապես Տարիզադան հարցրեց պառավին, թե նրան ինչպես են դուր գալիս այդ տեղերը ու հավանո՞ւմ է արդյոք:

Այդ ժամանակ պառավը բավական երկար մտմտալուց հետո բարձրացրեց գլուխը և պատասխանեց.

— Այո՛, իմ տիրուհիս, ես իմ բոլոր կյանքը անց եմ կացրել ալլահի երկրների վրա: շրջելով, և երբեք պատահած չէ ինձ, որ մի այսպիսի հիանալի տեղ հանգստանամ: Բայց, ով իմ տիրուհիս, ինչպես երկրիս վրա միակ գեղեցկուհին դու ես որ կաս, և քեզ

նման այլևս ոչ մեկը չկա, ինչպես արեգակն ու լուսինը միակն են երկնքումը, ես կցանկանայի, որ այս պատվական այգումը դու ունենայիր այն երեք առարկաները, որոնք նույնպես մի-մի հատիկ են աշխարհիս երեսին և չունեն իրանց նմանը: Ահա թե ինչ է պակաս այս այգում, և ինչ կցանկանայի, որ սա ունենար:

Վարդաժպիտ Տարիզադան շատ զարմացավ, որ իր այգուն երեք անհամեմատ լավ բաներ են պակաս և ասաց պառավին.

— Ողորմած եղիր, բարի մայր իմ, շուտ ասա ինձ, որ ես իմանամ, այդ ի՞նչ երեք անհամեմատ և ինձ անծանոթ բաներ են: Պառավը պատասխանեց:

— Ո՛վ իմ տիրուհիս, քո գթառատ սրտի հյուրասիրության համար ինձ նման թափառական պառավի, էլ ինչո՞վ կարող եմ ցույց տալ իմ շնորհակալութիւնս, եթե ոչ հայտնելով քեզ, թե ինչ առարկաների մասին է խոսքս:

Եվ մի փոքր լռելուց հետո պառավն սկսեց.

— Իմացած եղիր, ով իմ տիրուհիս, որ եթե իմ ասած բաներից առաջինը լիներ այս այգիներումը, բոլոր թռչունները կհավաքվեին այստեղ նրան տեսնելու համար և ամենքը միաձայն կերգէին: Նրա համար, որ բոլոր երգեցիկ թռչունները՝ սոխակները, սարյակները, արտույտները, տատրակները, սևակատարներն ու կարմրակառարները և աշխարհիս բոլոր անհամար թռչունները խոստովանում են նրա գերազանցութիւնը և գեղեցկութիւնը: Դա է, ով իմ տիրուհիս, Հազարան Բուլբուլը՝ Խոսող Թռչունը:

Երկրորդ անհամեմատ առարկան, ով իմ տիրուհիս, եթե նա լիներ այս այգումը, այնուհետև քամին, որ ծառերին հարկադրում է հրգել, կդադարեր, որ ինչ է՝ նրան լսեր, թառի, քնարի ու ջութակի լարերը կկտրվեին այստեղ, բնակարաններում: Եվ այդ նրա համար, որ այդ ծառերին երգել հարկադրող քամին, թառը, քնարը, ջութակը, ո՞վ իմ տիրուհիս, խոստովանում են նրա կատարելութիւնը և գեղեցկութիւնը: Դա է Երգող Մառը: Ոչ գեփյուռը, որ քնքշությամբ խաղում է տերևների հետ, ոչ բազմաթիւ քնարները շեն կարող հնչեցնել այնպիսի քաղցր հնչյուններ, որ կարողանան համեմատվել այն խմբական ձայնին, որ առաջ է գալիս հազարավոր անտեսանելի բերաններից, որոնք պարունակում են Երգող Մառի տերևներում:

Իսկ երրորդը այդ աննման առարկաներից, ով իմ տիրուհիս, եթե լիներ այս այգիներումը, բոլոր ջրերը կանգ կառնեին, կկլտ-

բիհն իրանց ձայնը, որ նային նրա վրա: Եվ այդ նրա համար, որ ցամաքի ու ծովի բոլոր ջրերը՝ աղբյուրները, առվակները, վտակները, գետերը՝ թե՛ քաղաքներում և թե՛ գյուղերում, խոստովանում են նրա աննման գեղեցկությունը: Դա է՝ Ոսկեցնցուղ Զուրը:

Այո՛, ով իմ տիրուհի, այդ ջրի մի հատիկ կաթիլը եթե ձգենք դատարկ ավազանի մեջ, նա կուռչի, կփքվի և կսկսի խփել, ինչպես մի ոսկի խուրձ, և չի դադարեցնիլ իր ցայտունը և երբեք էլ չի թափվիլ ավազանի ափերից: Հենց որ լիքը լցվի ավազանը, այնպես էլ կմնա, թեև կշարունակի անդադար վեր ցատկել, ցընցղել իր ոսկեցնցուղ կաթիլները:

Այդ ոսկի ջրից, որ այնպես թափանցիկ է, ինչպես տոպազը, սիրում է հագեցնել իր ծարավը Հազարան Բուլբուլը՝ խոսող թռչունը: Այդ իսկ ոսկի ջրից սիրում են հագեցնել իրանց ծարավը երգող տերևներ ունեցող ծառի հազարավոր անտեսանելի բերանները:

Այս բոլորն առնուց հետո պառավն ավելացրեց.

— Ո՛վ իմ տիրուհիս, ո՛վ իմ արքայազնուհիս, եթե այս բոլոր հիանալի առարկաները գտնվեն քո այգումը, որքան կգովաբանվեր քո գեղեցկությունը, և մինչև ուր ասես, որ չտարածվեր քո աննմանություն համբավը, ով իմ վարդագեղ և վարդաժպիտ տիրուհիս:

Երբ որ Ֆարիզադան իմացավ պառավի ասածները, իսկույն բացականչեց.

— Ո՛վ օրհնյալ մայրիկս, ինչքա՛ն հիանալի են ասածներդ: Բայց դու ինձ շասացիր, թե որտեղ են գտնվում այդ պատվական առարկաները:

— Ո՛վ իմ տիրուհիս, այդ հրաշալիքները, որոնք արժանի են քո տեսությանը, գտնվում են միատեղ, Հնդկաստանի սահմանի վրա: Իսկ դեպի այնտեղ տանող ճամփան անցնում է քո ապարանքի հետևից: Եթե նրանց բերելու համար ուղարկելու լինես մեկին, կպատվիրես, որ նա այդ ճամփովը գնա քսան օր. իսկ քսանմեկերորդ օրը թող հարցնես առաջին պատահողին, թե ո՞րտեղ են Խոսող Թռչունը, Երգող Ծառը և Ոսկեցնցուղ Զուրը: Հանդիպած մարդը ցույց կտա անպատճառ նրանց տեղը:

Այս ասելուց հետո՝ պառավը պինդ փաթաթվեց իր ծածկոցի մեջ և հեռացավ, շարունակելով մրմնջալ իր օրհնությունը: Նա արդեն բավական հեռու էր, երբ Ֆարիզադան սթափվեց խոր

մտածությունից, որի մեջ բնկղմել էր պառավն իր տված տեղեկությունովը անսովոր առարկաների մասին, և մեկ ուզեց ետ կանչել նրան կամ ինքը վազել հետևիցը, որ ավելի ճիշտ տեղեկություն ստանա զարմանալի առարկաների տեղի մասին, և իմանա, թե ինչ ձևով պետք է ձեռք բերել նրանց, բայց տեսնելով, որ ուշ է արդեն, նա սկսեց լավ միտը բերել պառավի խոսքը և լավ տեղավորել հիշողության մեջ, որ ոչինչ չմոռանա: Իսկ նրա հոգու մնջ սկսեց սաստիանալ նույն հրաշալիքներին տիրանալու ցանկությունը, և ինչքան որ աշխատում էր նրանց մասին չմտածել, չէր կարողանում: Շարունակ այն էր մտածում, թե՛ «Երանի՛ մեկ անգամ տեսնի, որ էլ սրտումս դարդ չմնար»:

Եվ սկսեց թափառել իր այգու ճեմելիքներում և իր սիրած անկյուններում: Բայց նրա աչքում այդ տեղերը կորցրել էին իրանց գրավչությունը և շատ ձանձրալի էին թվում: Իսկ թռչունների երգեցողությունը, որով դիմավորում էին էրգողներն իրանց տիրուհուն, միայն սաստկացնում էին նրա հոգու վիշտը:

Եվ վարդաժպիտ Ֆարիզադան տխրեց և սկսեց արտասվել: Եվ որքան առաջ էր քայլում և արցունք թափում, նույնքան տեղում, ավազի վրա՝ նրա արցունքի կաթիլները սառչում էին և դառնում մարգարտի հատիկներ:

Վերջապես Ֆարիզադայի եղբայրները վերադարձան որսատեղից և իրանց քրոջը չգտնելով հասմիկի հովանոցումը, ուր նա սովորություն ուներ սպասելու եղբայրների վերադարձին, նրանք նկատեցին իրանց քրոջ այս անուշադրության համար և սկսեցին որոնել նրան այգումը: Եվ տեսան ավազի վրա սառած նրա մարգարիտ դարձա՛: արցունքի կաթիլները և ասացին իրանք իրանց.

— Ավա՛ղ, ինչքա՛ն տխրած պիտի լինի մեր քույրը, բայց ի՞նչ առիթ է ունեցել տխրելու, որ այսքան լաց է եղել:

Եվ գնացին նրանք իրանց քրոջ հետքովը և գտան նրան արտասվելիս ծառաստանի խորքումը: Վազեցին մոտը և փայփայեցին, աշխատելով ուրախացնել նրան:

Եվ ասացին նրան. — Ո՛վ Ֆարիզադա, մեր սիրելի քույր, ո՞ւր են քո ուրախության վարդերը և քո խնդրության ոսկին: Քույրի՛կ, պատասխանի՛ր:

— Ի՛վ իմ եղբայրներ...

Բացականչեց Ֆարիզադան և լռեց: Նա ամաչեց շարունակել

իր ասելիքը: Այս առաջին անգամն էր, որ նա մի բան պիտի խնդրեր եղբայրներից, դժվարանում էր ասել, բայց նրանք ստիպեցին, որ ասե:

— Ո՛վ մեր սիրելի քույր,—ասացին եղբայրները,— այս ի՞նչ նոր զգացմունք է շփոթում քո հոգին, հայտնի՞ր մեզ քո վիշտը, եթե չես կասկածում մեր սիրու մեջ, որ ունենք դեպի քեզ:

Ցարիզագան վճռեց վերջապես բանալ իր սիրտը և ասել նրանց.

— Ո՛վ իմ եղբայրներս, ես այլևս չեմ սիրում իմ այգիներս...

Եվ սկսեց լաց լինել և մարգարտի հատիկներ թափվեցին նրա աչքերից: Եղբայրներն ականջ դրին նրան լուռ, տխրելով մի այսպիսի հայտնությունից. իսկ նա շարունակեց.

— Ավա՛ղ, ես դադարեցի սիրել իմ այգիներս, որովհետև նրանցում չկա խոսող Թռչունը, որ է՛ Հազարան Բուլբուլը, չկա Երգող Մառը և ոչ Ոսկեցնցուղ Ջուրը:

Եվ հանկարծ այնպես ոգևորվեց Ցարիզագան, որ առանց շունչ քաշելու՝ պատմեց եղբայրներին բարի պառավի այցելությունը և նրա պատմածների մասին:

Եղբայրները երբ որ լսեցին քոռոջ ասածները, շատ զարմացան և ասացին նրան.

— Սիրելի քույրիկ, դու հանգիստ կաց և աչքերդ հովացրու Մենք այդ բոլոր առարկաները կբերենք քեզ համար, թեկուզ նրանք գտնվելիս լինեն Կաֆ սարի անմատչելի գագաթին: Միայն դու ասա, ո՞ր կողմերում պիտի որոնել նրանց:

Եվ Ցարիզագան, որ սաստիկ կարմրել էր իր առաջին ցանկությունը հայտնելու համար, բացատրեց մի առ մի, ինչ որ լսել էր բարի պառավից նույն առարկաների տեղի մասին, և ավելացրեց.

— Ահա՛, այս է միայն իմ գիտցածս, սրանից ավելի ոչինչ չգիտեմ:

Եվ բացականչեցին երկու եղբայրները միասին.

— Քույրի՛կ, մենք կերթանք որոնելու:

Իսկ քույրը երկյուղից գոչեց.

— Ո՛չ, ո՛չ, մի՛ գնաք:

Ցարիզը որ մեծ եղբայրն էր, ասաց.

— Սիրելի քույրիկ, քո ցանկությունը մեզ համար մեր աչքից և զլխից ավելի է թանկ: Ե՛ս եմ մեծ եղբայրդ, ես էլ առաջինն եմ պարտավոր ինձ վրա առնել զրա հոգսը: Իմ ձիուս թամբը դեռ չի

վերցված, և նա կտանի ինձ՝ առանց հոգնելու՝ մինչև Հնդկաստանի սահմանը, այնտեղ, ուր գտնվում է քո ասած երեք հրաշալիքները: Եվ ես կբերեմ այդ բաները:

Եվ դառնալով եղբորը՝ Ցարուզին, ասաց.

— Իսկ դու, սիրելի եղբայր, կմնաս մեր քոռոջ մոտ, որ նրան պահես:

Այս ասելուց հետո վազեց ձիու մոտ, ցատկեց վրան և այնտեղից կռանալով՝ համբուրեց եղբորն ու քոռոջը, որ արտասովալից աչքերով ասաց.

— Մի՛ գնար այդ վտանգավոր ճամփով, իջի՛ր ձիուցդ: Ես չեմ ուզի տեսնել ո՛չ խոսող Թռչունը, ո՛չ Երգող Մառը և ո՛չ էլ Ոսկեցնցուղ Ջուրը, միայն թե շբաժանվիմ քեզանից և կարոտդ չբաշեմ:

Բայց Ցարիզը էլի մեկ անգամ համբուրեց նրան և ասաց.

— Սիրելի քույրիկս, մի՛ վախենար, որովհետև բացակայությունս երկար չի տևիլ, և աստուծու օգնությունով՝ ինձ չի՛ սլատահիլ ոչ մի դժբախտություն: Բայց, այսուամենայնիվ, որպեսզի դու քեզ շտանջես անհանգստանալով, ես քեզ կտամ, ահա, իմ դանակը:

Եվ գոտիից հանեց այն դանակը, որի կոթը զարդարված էր քոռոջ աչքերից առաջին անգամվա ընկած մարգարիտներով, տվավ նրան և ասաց.

— Այս դանակս քեզ տեղեկություն կտա իմ մասին, ժամանակ առ ժամանակ կհանես պատյանից և կնայես սայրին: Եթե սայրը մաքուր լինը, ինչպե՛ս հիմա է, այդ նշան կլինի, որ ես ողջ առողջ եմ, իսկ եթե դժգունացած՝ իմացած լինիս, որ ինձ մի դժբախտություն է պատահել. իսկ եթե արյուն կաթի բերանից՝ կարող ես հավատալ, որ ես չկամ այլևս:

Ասաց և չկամենալով ոչինչ լսել, ձին շափ գցեց այն ճամփովը, որ տանում էր դեպի Հնդկաստան:

Եվ գնաց նա քսան օր և քսան զիշեր անապատ տեղերով: Իր ճամփորդության քսաներորդ օրը հասավ մի լեռան ստորոտ, որ կար ճոխ արոտամարդ և նրանում մի հատիկ ծառ: Մառի տակին նստած էր շատ զառամած մի ծեր կրոնավոր: Նրա երեսը ծածկվել էր երկար մազերի և խիտ ունքերի մեջ: Մորուքը շատ երկայն էր և սպիտակ, ինչպես նոր զգած բուրդը: Չեռներն ու ոտները շափից դուրս նիհար էին: Չեռքի ու ոտի եղունգները՝ շատ

երկարած: Զախ ձեռքով նա գցում էր տերողորմյան (համրիւր), իսկ աչքը պահած էր անշարժ՝ ճակատի բարձրութեան հավասար: Այդ ծերունին անշուշտ մի ճգնավոր էր, աշխարհից հեռացած, ով գիտե՞ս, որքան ժամանակ առաջ:

Եվ որովհետև սա առաջին պատահած մարդն էր քսաներորդ օրում, սրա համար արքայազն Ֆարիդը իշավ ձիուց և կապը բռնած մտտեցավ կրոնավորին և ասաց նրան.

— Ողջո՛ւյն քեզ, ո՛վ սուրբ մարդ:

Մերունին պատասխանեց նույնպես լողջույնով, բայց նրա ձայնն այնպես էր խլացել խիտ ընչացքների ու մորուքի մեջ, որ Ֆարիդը ոչինչ չհասկացավ:

Այդ ժամանակ Ֆարիդը մտածեց, թե ինչպես անեմ, ուրեմն, որ ես հասկանամ սրա ասածը. չէ՞ որ սրա տված հրահանգով պիտի շարունակեմ իմ ճանապարհորդությունս: Այսպես մտմտալով իր մաղախից հանեց մի մկրատ և մոտենալով ճգնավորին, ասաց.

— Ո՛վ պատվարժան քեռի, թույլ տուր ինձ մի քիչ խնամք տանել քեզ վրա, քանի որ ինքդ ընկղմված լինելով սուրբ մտքերի մեջ, ժամանակ չունիս ուշք դարձնելու քեզ վրա:— Եվ տեսնելով, որ ծերունին հակառակ չէ, Ֆարիդը սկսեց կարգի գցել նրա մորուքը, բեղերը, ունքերը, եղունգները, խուզելով ու կտրատելով նրանց ավելորդ երկարությունը, որով երիտասարդացրեց ծերունուն մի քսան տարով:

Այս ծառայությունն անելուց հետո՝ սափրիչների սովորությունով՝ ասաց.— Անո՛ւշ, անո՛ւշ, ցանկանամ զովություն և կենդանություն...

Երբ որ ծերունին թեթևացավ ավելորդ ծանրությունից, մեծ բավականություն զգաց և ժպիտ երևացրեց երեսին: Եվ հետո էլ խոսեց մանկական ձայնից էլ ավելի պարզ և մաքուր ձայնով և ասաց.

— Թող օրհնություն իշնի քեզ վրա, ո՛վ իմ որդի, այն բարեգործությանդ համար, որ ցույց տվիր զառամած ծերունուս: Ով կուզի լինիս, ո՛վ առաքինի ճամփորդ, ես պատրաստ եմ օգնելու քեզ իմ փորձովս և խորհրդովս:

Ֆարիդն շտապեց պատասխանել.— Ես եկել եմ հեռու կողմերից՝ որոնելու խոսող Թուշունը, Երզող Մառը և Ոսկեցնցուղ Ջուրը:

կարող չե՞ք ասել արդյոք, որտեղ կարող եմ գտնել: Կամ ի՞նչ գիտեք դուք դրանց մասին:

Այս խոսքերի վրա՝ հուզմունքից՝ ծերունին վայր գցեց ձեռքից համրիւրը և ոչինչ չպատասխանեց:

Ֆարիդը հարցրեց.— Իմ բարի քեռիս, ինչո՞ւ չեք խոսում: Ես շտապում եմ, ձիս քրտնած է, կարող է մրսել:

Եվ կրոնավորը խոսեց վերջապես.— Իհարկե, որդիս, ես գիտեմ, թե որտեղ են գտնվում քո որոնած բաները և ճանապարհն էլ գիտեմ: Բայց ես, որդյակ իմ, այս լավությունը տեսնելուց հետո, ինչպե՞ս խորհուրդ տամ, որ գնաս և զարհուրելի վտանգների ենթարկես քեզ: Ավելի լավ կանես, որդիս, շտապես վերադառնալու կրկին քո երկիրդ: Քանի՞ քանիսն են դնաղել այս ճամփով, քեզ պես քաջ երիտասարդներ, բայց ոչ մեկը նրանցից չի վերադարձել:

Ֆարիդը այս խոսքերից չվահատվելով, ասաց.— Իմ բարի քեռիս, դու միայն ցույց տուր ինձ իմ գնալիք ուղին, մնացածի մասին մի անհանգստանար: Աստված ինձ ձեռքեր է տվել, որոնք կարող են իրանց տիրոջը պաշտպանել:

Մերունին ձայնը երկարացնելով հարցրեց.

— Քո ձեռքերն ինչպե՞ս կազատեն քեզ Աներևույթից, որ ոչ մի ձեռք չի ընկնում, իսկ ինքն ունի հազար անգամ հազար ձեռքեր, որոնք գործում են առանց տեսնվելու:

Ֆարիդը գլխովը բացասելով, պատասխանեց.— Պատվական հայր: Իմ ճակատագիրն ինձ հետ է կապված, եթե ես փախչեմ նրանից, նա կհետևի ինձ, իմ սովերիս պես: Ուրեմն ասա ինձ, որովհետև այդ քեզ հայտնի է, էլ ինչ կարող եմ անել ես: Քո խորհուրդով դու ինձ մեծ լավություն կանես:

Մերունին տեսնելով, որ երիտասարդը ետ չի կենալու իր մտադրությունից, ձեռքը գցեց իր գոտիկից կապած մախաղը (տոպրակ) և հանեց մի գրանիտե գնդակ: Այս գնդակը տալով Ֆարիդին ասաց.

— Ահա՛, այս գնդակը կտանի քեզ քո ուզած տեղը: Հեծիր ձիդ և նետիր գնդակը առջևդ: Նա կզլորվի առաջիդ, հետևից կբռչես ձիդ: Եվ ուր որ գնդակը կանգ կառնի, այնտեղ էլ դու կիջնես, ձիդ կկապես գնդակից, որ կմնա անշարժ, մինչև քո վերադարձը: Իսկ դու կբարձրանաս այն սարը, որի գագաթը երևում է և այստեղից: Սարը բարձրանալիս դու ամեն կողմում կտեսնես խոշոր սև-սև քարեր և կլսես ձայներ: Այդ ձայները չեն լինիլ հեղեղներից, քա-

միներից, անդունդներից, այլ կլինին աներևույթ ձայներ: Նրանք կգոռան այնպիսի խոսքեր, որոնցից մարդու արյունը կսառչի երակներումը: Գու պետք է ուշ շղարձենս, պետք է չլսես այդ ձայները, իսկ եթե վախենաս և ետ նայես, դու կդառնաս այն սև քարերից մեկը, որոնցով լիքն է սարի վերելքը: Իսկ եթե չես լսի նրանց, կբարձրանաս սարի գագաթը, այնտեղ կտեսնես մի վանդակ, մի շին թառած խոսող Թռչունը: Եվ կասես նրան. — Ողջո՛ւյն քեզ, ո՛վ Հազարան Բուլբուլ: Որտե՞ղ է Երզող Մառը, որտե՞ղ է Ոսկեցնցուղ Ջուրը: Խոսող Թռչունը կպատասխանի քեզ. — Բարով ես եկել...

Այս բոլորը ասելուց հետո, ծերունի կրոնավորը խոր շունչ քաշեց և դրանից հետո լռեց:

Փարիզը՝ ծերունու խրատը լսելուց հետո, ձին հեծավ և բոլոր ուժով առաջ նետեց գրանիտե գնդակը և ձին հետևիցը քշեց: Գրանիտե կարմիր գնդակը գլորվում էր թռչկոտալով: Կանգ չառնելով ոչ մի խոչ և խուժի առջև, Փարիզի ձին, որ մի կայծակ էր բոլոր ձիերի միջին, հագիվ էր կարողանում գնդակին հետևել: Այսպես սրարշավ գնացին գնդակն ու ձին, մինչև դիպան սարի առաջին ժայռին: Այստեղ հանգիստ առավ գնդակը:

Փարիզն իջավ ձիուցը և սանձը կապեց գնդակից, ինչպես ասել էր ծերունին: Ձին կանգ առավ այնտեղ մեխավածի պես, իսկ ինքը սկսեց բարձրանալ սարնիվեր: Սկզբում ոչինչ չէր տեսնում, բայց քանի վերև գնաց, այնքան ավելացան գետնին փոլած սև սև քարերը: Փարիզը չէր իմանում, որ դրանք իր նման երիտասարդներ են եղել և այդտեղ են քար դարձել մի աներևույթ զորության ազդեցությամբ: Այդ քարերի մոտով բարձրանալիս հանկարծ մի այնպիսի ձայն լսեց, որի նմանը նա չէր լսած իր կյանքումը: Առաջին գոչյունին հետևեցին այս ու այն կողմից զանազան աղաղակներ, որոնք նմանություն չունենին երկրային աղաղակներին:

Այդ գոռուն-գոչյունը, ինչպես ասել էր ծերունին, նման չէին անապատում փչող հողմերին, նման չէին անդունդների թափվող ջրվեժներին, նման չէին սելավներից առաջացած, լեռների գագաթներից հոսող ջրհեղեղներին, որոնց և մեն մի կաթիլը, և մեն մի ալիքը իր սեփական ձայնն ունի, և բոլորը լինում է բյուրավոր ձայների մի խառնուրդ: Այդ ձայներն աներևույթ ձայներ էին: Նրանցից շատերը հարցնում էին. — Ի՞նչ ես ուզում: Մյուսները — Բռնեցե՛ք դրան: — Սպանեցե՛ք: — Գցեցե՛ք անդունդը: Շատերն էլ

ծաղրում էին: Հո՛, հո՛, հո՛... հո՛ւ, հո՛ւ, հո՛ւ... Փաղաքշում էլ էին, ասելով. — Ի՞նչ սիրուն երիտասարդ ես, ե՛կ մեզ մոտ, ե՛կ մեզ մոտ...

Բայց Փարիզը՝ ուշ շղարձելով այդ ձայների վրա, շարունակում էր վեր բարձրանալ: Իսկ ձայներն ավելանում էին և զարհուրելի դառնում: Երբեմն գողողների շունչը դիպում էր նրա երեսին, և այնքան սոսկալի կերպով էին որոտում աչից ու ձախից, առջևից ու քամակից, այնքան սպառնալից ու համառ էր նրանց գոչը, որ Փարիզը դողում էր ակամա, մոռանալով ծերունու խրատը, նա մի զորեղ և հանկարծական գոռոցի ազդեցությամբ ետ շրջվեց: Այդ իսկ վայրկյանին մի սոսկալի ոռնոց բարձրացավ հազարավոր ձայներից, իսկ դրանից հետո տիրեց խորին լռություն: Արքայազն Փարիզը դարձավ մի սև բազալտի ժայռ: Լեռան ստորոտում ձին էլ դարձավ մի անձև քարածայռ: Իսկ գրանիտե կարմիր գնդակը ետ դարձավ գլորվելով ծերունու մոտ:

Փարիզի հետ պատահած այս աղետի օրը Փարիզազան ըստ սովորության հանեց եղբոր դանակը պատյանից, որ միշտ կախած ունեի գոտիկից և նայելով վրան՝ երեսի գույնը նետեց, տեսնելով, որ դեռ երեկ այնքան փայլուն սայրը գունատվել ու ժանգոտվել է: Եվ սկսեց ողբալով գոչել.

— Ա՛խ, իմ սիրելի եղբայր, հիմա որտե՞ղ ես, արդյոք ի՞նչ պատահեց քեզ: Վա՛յ ինձ, ինչո՞ւ թույլ տվի ես քեզ: Ավա՛ղ, ինչքան թշվառ եմ ես և որքան ատելի այսուհետև իմ աչքում:

Քրոջ լաց ու կոծին վրա հասավ երկրորդ եղբայրը՝ Փարուզը և սկսեց մխիթարել և հուսադրել: Վերջումն ասաց.

— Քույրի՛կ, ճակատագրից կարելի չէ փախչել. ինչ պատահել է, պետք է պատահեր, որտեղ և լիներ նա: Բայց հիմա ես պիտի գնամ և հասնեմ եղբորս օգնության, միևնույն ժամանակ կաշխատեմ բերել քո ուզած առարկաները:

Փարիզազան աղաչելով ասաց.

— Ո՛չ, ո՛չ, մի՛ գնար, եթե նրա համար ես գնում, որ իմ անարգ հոգու ցանկացածը բերես: Ես չեմ ուզում ոչինչ: Սիրելի եղբայր, եթե քեզ հետ էլ պատահի մի փորձանք, ես կսկծից կմեռնեմ:

Բայց քրոջ լացն ու աղաչանքը ետ չկասեցրին եղբորը: Նա հեծավ ձին, մնաս բարով ասելով քրոջը և տվավ նրան մի մարգարոյա մանյակ: Այդ մարգարիտները Փարիզազդի մանկության

երկրորդ լացից գոյացած մարգարթոններն էին: Մանյակը տալով քրոջն ասաց.

— Երբ որ դրա հատիկները շարժին քո մատնեքիդ տակ և միմյանց զարնվելով ձայն շհանեն, այդ կնշանակե, որ իմ մարմնի առդամները նույնպես անշարժացել են, էլ իմ մեջ կենդանություն չկա:

Մաստիկ տխրած Ֆարիզազան գզվելով եղբորը՝ ասաց.

— Իմ սիրելի եղբայր, թող աստված քեզ պահպանի ամեն շարից ու փորձանքից: Տա՛ աստված, որ վերադառնաս մեր մեծ եղբոր հետ միասին:

Ֆարուզը հետևելով եղբորը՝ գնաց նույն ճամփով և քսաներորդ օրը հասավ նույն ծերունի կրթնավորին, որին գտավ նույն ծառի տակ նստած և նույն դիրքով, ինչպես տեսել էր Ֆարիզը, այսինքն ձախ ձեռքին համրիչը, իսկ աչքը վեր բարձրացրած և ցուցամատը ցցած առանձին:

Սովորական ողջույնից հետո, երբ Ֆարուզը հայտնեց եղբոր հետ պատահած աղետը և իր գալու նպատակը, ծերունին սրան էլ հորդորեց, որ ետ կանգնի իր մտադրությունից, բայց, տեսնելով, որ չի համոզվում, նրան տվավ գրանիտի գնդակը, որով հասավ ազնտավոր սարի ստորոտը, ուր ձին գնգակից կապելով՝ ինքն սկսեց սարնիվեր բարձրանալ:

Ֆարուզը գնալով նույն ճամփով, որով գնացել էր եղբայրը, ենթարկվելով միևնույն ձայներին, շատ պինդ էր պահում իրան, բայց կես ճամփին հետևից լսեց հանկարծ.— Եղբայր իմ՝ օրհիլի եղբայր, մի՛ փախչիր ինձնից: Այս ձայնից ահա՛ խաբվեց Ֆարուզը, կարծելով, թե իր եղբայրն է կանողը, ետ նայեց և իսկույն դարձավ նույն բազալտի ժայռը, ինչ որ իր եղբայրը: Ձին էլ նույնպես քարացավ, իսկ գնդակը գլորվելով՝ լուրը հասցրեց ծերունուն:

Ֆարիզազան ձեռքիցը շեր հեռացնում եղբոր տված մանյակը, համրիչի պես ձեռքումն էր պահում գիշեր-ցերեկ: Մեկ էլ հանկարծ զգաց, որ հատիկները շեն շարժվում այլևս, այլ կպել են իրարից, էլ շեն պռկվում:

— Ո՛հ իմ խեղճ եղբայրներս, զոհեցի ձեզ իմ հիմար քմահաճույքիս համար: Ես կգամ ձեզ մոտ և ձեր բախտին վիճակակից կլինիմ:

Եվ զսպելով իր մեջ կանացի քնքշությունը, հագաւճ տղամարդ

ձիավորի հագուստ, զենք ու զրահ և գնաց եղբայրների գնացած ճամփով, մինչև հասավ ծանոթ ծերունուն, ուր և կանգ առավ:

Մեծ պատկառանքով ողջունեց ծերունուն և ասաց.— Ո՛վ սուրբ ծերունի, հայր իմ, քեզ շհն հանդիպել արդյոք սրանից քսան օր առաջ երկու երիտասարդ ձիավորներ, որոնք գնում էին որոնելու Խոսող Քոչունը, Երգող Մառը և Ոսկեցնցուղ Ջուրը:

Երունին պատասխանեց.— Ո՛վ իմ տիրուհիս, ո՛վ վարդաժպիտ Ֆարիզազա, ես տեսա նրանց և հրահանգներ տվի: Եվ, ավա՛ղ: Նրանց էլ, ինչպես նրանցից առաջ շատերին, կանգնեցրեց ճամփին Աներևույթը:

Ֆարիզազան լսելով, որ իր անունը տալիս է սուրբ ծերունին, շատ շփոթվեց, իսկ ծերունին ասաց նրան.

— Ո՛վ պատվական օրիորդ, քեզ շեն խաբել նրանք, որոնք պատմել են երեք հրաշալի առարկաների մասին, որոնց հետևից գնացել և մահու են տվել իրանց գլուխները շատ թագավորազներ և իշխանազներ, բայց քեզ պատմողները լռել են այն վտանգների մասին, որոնց ենթարկվում են նրանց որոնողները:

Եվ պատմեց, թե ինչ վտանգներ կան նրա առջև, եթե ուզում է որոնել իր եղբայրներին և այն երեք հրաշալիքները: Եվ Ֆարիզազան ասաց նրան.

— Ո՛վ սուրբ հայր, հոգիս շփոթված է քո խոսքերից, երկչտությունը հեշտություն է տիրում նրան: Բայց ինչպե՞ս կարող եմ ետ կենալ, քանի որ գործը վերաբերում է հարազատ եղբայրներիս փրկությանը: Ո՛վ սուրբ հայր, լսիր եղբայրասեր քրոջս աղաչանքին և հնար ցույց տուր ազատելու եղբայրներիս կախարդական կապանքներից:

Երունին պատասխանեց.— Ո՛վ Ֆարիզազա, դուստր թագավորի, ահա՛ քեզ այս գրանիտի գնդակը, որ կտանի քեզ նրա հետքից: Բայց դու նրանց ազատել կարող ես միայն այն ժամանակ, երբ կտիրանաս այն երեք հրաշալիքներին:

Եվ որովհետեւ դու քո կյանքը վտանգի ես ենթարկում միայն քո եղբայրներին ազատելու համար և ոչ թե ձեռք բերելու անկարելին, սրա համար անկարելին կարող է դառնալ քո գերին:

Գիտցած լինիս, ո՛վ դուստր թագավորի, որ մարդու որդիններից ոչ մեկը կարող չէ դեմ կենալ Աներևույթի ձայների գոչունին: Այս պատճառով Աներևույթին հաղթելու համար հարկավոր է զինվել նրա դեմ վարպետությունը, որի մեջ պետք է ամփոփված

լինի մարդու հանճարը, խելքը, ճարտարութիւնն ու ճարպկութիւնը: Այս մտքով հասկացված վարպետութիւնը կարող է հաղթել Աներևույթի բոլոր ուժերին:

Այս բոլորն ասելուց հետո ծերունին հանձնեց Ֆարիզադին գրանիտե գնդակը: Հետո հանեց գոտկից մի փաթիլ բուրդ և ասաց.— Այս թեթև բրդի փաթիլով, ո՛վ Ֆարիզադա, դու կհաղթես Աներևույթի ուժերին: Եվ ավելացրեց.— մոտեցրու ինձ գլխիդ թագը, ո՛վ Ֆարիզադա:— Եվ խոնարհեցրեց դեպի ծերունին նա իր գլուխը, որի մազերի կեսը ոսկի էին, մյուս կեսը—արծաթ: Ծերունին ասաց.— Թող մարդու աղջիկը այս մի փաթիլ բրդով հաղթահարե օդում թռչող բոլոր ուժերը և Աներևույթի բոլոր խարդավանքը:

Եվ բուրդը բաժանելով երկու մասի, նրանցով խցեց Ֆարիզադի երկու ականջները, որ նա ոչ մի ձայն չլսի: Զեռքով նշան արավ, որ գնա: Ֆարիզադան հեռացավ ծերունուց, վստահութիւնով նետեց գնդակը և հետևից քշեց ձին:

Երբ որ հասավ լեռան ստորոտի ժայռերին և ձին գնդակից կապելով սկսեց վեր բարձրանալ, ձայներն սկսեցին դողանջել նրա ոտների տակ՝ սև բազալտի ժայռիկների միջից և մեծ հարայհրոց բարձրացրին, բայց այդ ահեղ որոտմունքները նրա ականջին դիպչում էին իբրև մի շնչին ու անորոշ շշնջոց կամ ինչպես հեռվից լսվող ճանճերի բզզոց, որ շէր կարող Ֆարիզադի վրա որևէ երկյուղ ազդել:

Սրա համար էլ նա գլուխը քաշ գցած հանգիստ սրտով բարձրանում էր դեպի վեր, խորդուբորդ քարքարուտներով և փշերով, շնայած իր քնքուշ կազմվածքին և նրա սովոր լինելուն՝ ման գալու միայն ճեմելիքների մանրահատիկ ավազների վրա: Առանց թուլանալու և հոգնելու, նա վեր բարձրացավ և հասավ լեռան գագաթին, ուր նրա առջև բացվեց մի ընդարձակ սարահարթ: Այդտեղ, այդ տափարակի կենտրոնում նա տեսավ ոսկեղեն սյունից կախած մի ոսկի վանդակ: Այդ վանդակումն էր թառած խոսող Թռչունը:

Ֆարիզադան տեսնելով, ուրախութիւնից կարծես թև առավ, վրա վազեց վանդակին և բռնելով նրա օղակից, բացակառնեց.— Թռչո՛ւն, թռչո՛ւն, ահա՛ բռնեցի քեզ, դու իմն ես, էլ չես ազատվի եմ ձեռից:

Սրանից հետո այլևս ավելորդ էր ականջների բուրդը, որ հա-

նեց և հեռու նետեց իրանից: Լոնցին բոլոր աղմկարար ձայները, և հերթը հասավ խոսող Թռչունին, որ միայն նա խոսի:

Եվ խոսեց, խոսեց Հազարան Բուլբուլը, ոչ հասարակ խոսքերով, այլ երգելով երկրում չլսված քաղցր մեղեդիներով:

Ասա՛ ինձ, ասա՛, ով Ֆարիզադա,
Որ ունիս ժպիտ վարդի նմանող,
Ես կարոտ էի քո տեսութիւնը,
Եվ շատ եմ ուրախ, որ տեսնում եմ քեզ:

Մի՞թե կարող եմ քեզանից ազատվել.
Ա՛խ, ա՛խ, ա՛խ, ո՛վ արև, ո՛վ լուսին.
Լսեք ինձ, ո՛վ երկինք, ո՛վ աստղեր...
Լսիր ինձ և դու, ո՛վ Ֆարիզադա,
Թե ով ես ինքզ, այդ դու չգիտես,

Իսկ ես գիտեմ,
Գիտեմ, գիտեմ,
Շատ լավ գիտեմ,
Շատ լավ գիտեմ:

Ա՛խ, ա՛խ, ա՛խ, ո՛վ ցերեկ, ո՛վ գիշեր,
Լսեցե՛ք, ո՛վ լուսին, ո՛վ աստղեր:

Այսպես էր երգում խոսող Թռչունը, որով հափշտակվեց Ֆարիզադան, և իսպառ մոռացավ իր քաշած նեղութիւնները և դառնալով թռչունին՝ ասաց.— Ո՛վ Հազարան Բուլբուլ, ո՛վ դու օդային հրաշալիք, ուրեմն այսուհետև դու իմն ես, իմ սեփական թռչունը, խո՛սք ես տալիս հաստատ:

— Այո՛, ասում եմ, ո՛վ Ֆարիզադա,

Ես քո ծառան եմ, ես քո ստրուկը.

Հրամայիր ինձ, ով Ֆարիզադա, պատրաստ եմ ահա քեզ ծառայելու:

Վկա եղեք,
Սարեր, դաշտեր,
Մթին ձորեր,
Խիտ անտառներ:

Ա՛խ, ա՛խ, ո՛վ ունքեր,— մութ գիշեր,—
Ո՛վ աշեր,— վառ աստղեր...

Այդ ժամանակ Յարիզադան ասաց.— Շատ բա՛վ, ես հաւատում եմ քեզ: Դե հիմա ասա ինձ, որտե՛ղ է Երզող Սառը:

Հազարան Բուլբուլը երգելով հայտնեց, որ Երզող Սառը երեւում է արգեն սարի լանջի վրա: Յարիզադան նայեց այն կողմը և տեսավ մի ծառ, այնպիսի հսկայական մեծության, որ նրա տակին կարող էր տեղավորվել զորքի մի ամբողջ բանակ: Եվ ասեց մտքումը. մի՞թե կարելի է այս ահագին ծառը արմատից հանել և տեղափոխել իմ այգին: Բուլբուլը հակացավ Յարիզադի միտքը և ասաց նրան.— ծառն ամբողջությամբ տեղափոխելու հարկ չկա. բավական է մի փոքր ուստիկ, որ կտրես նրանից ու տնկես քո այգում, նա կդառնա այս միկնույն հսկայական ծառը:

Յարիզադան գնաց ծառի մոտ և լսեց նրա երաժշտութունը, նրա քաղցր երգեցողությունը: Ոչ գեփյուռը Պարսկաստանի այգիներում, ոչ հնդկական գավիներ (ЛЮТНЯ), ոչ սիրիական տավիղը (арфа), ոչ եգիպտական ջութակը՝ երբեք այնպիսի հնչյուններ չեն հանել, որ կարողանան հավասարվել այս երաժիշտ ծառի հազարավոր տերևներից հնչող խմբերգին: Եվ Յարիզադան երբ որ ուշքի եկավ, երբ որ սթափվեց հափշտակությունից, որի մեջ ընկղմվել էր երեւոյնության ազդեցութունից, Երզող Սառից մի ուստիկ պոկեց և դառնալով Հազարան Բուլբուլին՝ հարցրեց, թե որտեղ է Ոսկեցնցուղ Ջուրը:

Խոսող Քոչունը ցույց տվավ նրա էլ տեղը, որ հեռու չէր: Փիրուզի քնքուշ գույնով մի ժայռ կար այնտեղ, նրանից բխում էր մի աղբյուր, որ փայլում էր հալված ոսկու գույնով: Բայց նա սառն էր, զովացուցիչ և այնպես վճիռ էր, այնպես պարզ, ինչպես ամենամաքուր հայելին:

Այսպես ահա, Յարիզադան երբ ձեռք բերավ բոլոր երեք հրաշալիքները, ինչպես պատվիրել էր ծերունին, ապա գարձավ Հազարան Բուլբուլին և ասաց.— Իմ ազնիվ թռչուն, ես ունեմ էլի մի խնդիրք, որ պիտի կատարես, որովհետև ես իսկպպես հենց նրա համար եմ եկել: Եվ քեզ ձեռք բերելս էլ հենց դրա համար է եղել, որովհետև միայն քեզանով կարող եմ հասնել իմ նպատակին: Եվ Բուլբուլը պատասխանեց.

— Ասա ինձ, ո՛վ դուտար արքայի, ի՞նչ է ուզածդ, ինչ որ իմ կարողությունից վեր չէ, ես պատրաստ եմ կատարել:

Յարիզադան ասաց ողբաձայն.— Եղբայրնե՛քս, ազնիվ թռչուն, եղբայրնե՛քս... երևի քեզ արգեն հայտնի է...

Այս բանը լսելով՝ Հազարան Բուլբուլը մի քիչ շփոթվեց, նա իշխանություն և իրավունք չունեի խառնվելու Անեբրույթի կատարած գործերի մեջ, նա ինքը եղել է միշտ նրա հու հպատակը և նրանից է եղել կախված: Բայց հետո մտածեց, որ ինքը հիմա էլ նրա ձեռին չէ: Հիմա պետք է ծառայի իր նոր տիրուհուն և ինչ որ կարող է անել նրա համար, պետք է անի: Այսպիսով սիրտ տվավ Բուլբուլը և ասաց երգելով.

Ո՛վ Յարիզադա, ո՛վ վարդաժպիտ,
Սրսկիր ջրով, ջրով ու ջրով,
Այս Ոսկեցնցուղ ջրով սրսկիր,
Բոլոր քարերը բազալտի նման՝
Ջահել մարդիկ են, սիրուն անման,
Սրսկիր դրանց, ջրջրի՛ ջրով.
Ամեն կաթիլը այս Ոսկեջրի
Անմահական է, արագ կյանք տվող,
Իրանով սրսկի՛ր, թող կենդանանան,
Թող երկար քնից զարթնեն, վեր կենան:
Ո՛վ իմ թանկագին արքայազնուհիս,
Կյանք տուր քարերին, ջրով ու ջրով:

Ախ, ա՛խ, հազար ախ,
Ով սիրուն գիշեր,
Ոմ վառ-վառ աստղեր...

Յարիզադան մի ձեռքում բռնած բյուրեղյա բղուղը, մյուսում ոսկի վանդակը և Երզող Ջուրը, սկսեց վերադառնալ: Եվ ամեն տեղ, ուր հանդրպույմ էր մի սև բազալտ քարի, վրան սրսկում էր ոսկեցնցուղ ջրից: Քարը կյանք էր առնում իսկույն և դառնում մի գեղեցիկ երիտասարդ: Անուշադիր չէր թողնում ոչ մի քար: Այսպիսով գտավ իր եղբայրներին:

Յարիզն ու Յարուլը քարային քնից զարթնելով՝ մոտեցան իրանց քոչըր և գովեցին նրան: Մյուս զարթնածներն էլ, որ բուրն էլ նշանավոր մարդկանց որդիք էին, մոտեցան Յարիզադին և համբուրեցին նրա ձեռքը, հայտնելով, որ այսուհետև նրա ստրուկներն են իրանք: Եվ բուրըր միասին իջան սարի ստորոտը, ուր Յարիզադան կենդանություն տվավ և ձիրիին. այստեղ ամեն ոք նստեց իր ձին, և բուրեքյան գնացին ծառի տակ նստած ծերունու մոտ: Բայց ծերունին չկար այլևս, ծառը նույնպես անհայտացել էր:

Այստեղ Ֆարիզադան հարցրեց Բուլբուլին, թե ինչ է նշանակում ձերուներու անհայտանալը:

Խոսող Թռչունը պատասխանեց և այս անգամ նա խոսեց արձակ և լրջորեն.— Ինչո՞ւ ես ուզում նորից տեսնել ձերուներու, ո՞վ Ֆարիզադա:

Նա սովորեցրեց մարդկային աղջկանը, թե ինչպես պետք է բանեցնեն նա բրդի փաթիլը, որով պիտի հաղթահարե շար ձայնները, ատելությունը, ձանձրացնող շշուկները, որոնք վրդովում են մեր հոգին և շեն թույլ տալիս բարձրանալ դեպի գագաթները: Նրա կոշտամն էր աշխարհի մարդոցը սովորեցնել այս ճշմարտությունը, և ապա վերանալ աշխարհից և նա վերացավ:

— Այսուհետև քո հոգին կփրկվի շատ շարից, որ միակ դժբախտացնողն է մարդոց, որովհետև դու սովորեցրիր շարից փրկվելու հնարը, որ է՝ ամուր կամքով շարին շտեղծել: Դու զգացիր հոգու անդորրության նշանակությունը, և հենց այդ է միակ մայր բաժնի բախտավորություն:

Այսպես ճառեց Խոսող Թռչունն այն իսկ տեղումը, ուր մի ժամանակ բարձրացած էր ձերուների կրոնավորի ծառը: Եվ բոլորը հիացել էին Խոսող Թռչունի իմաստալից ճառը լսելով:

Ֆարիզադի բոլոր ուղեկիցները շարունակեցին իրանց ճանապարհը՝ հետզհետե նվազելով: Ամեն ոք հենց որ հասնում էր իր երկրի սահմանը, համբուրում էր Ֆարիզադի ձեռքը և բոլորին մնաս բարով ասելով՝ հեռանում: Քսաներորդ օրը Ֆարիզադան ու իր եղբայրները հրաշալի առարկաների հետ՝ ողջ առողջ հաւան իրանց տուն:

Տուն հասան թե չէ, Ֆարիզադի առաջին գործն այն եղավ, որ Հազարան Բուլբուլի վանդակը կախեց այգու հովանոցներից մեկում, որն ամենից փառավորն էր և ծառայում էր իբրև խոսարան—պատվական հյուրերի համար: Այդտեղ հենց որ ձայնը բարձրացրեց Խոսող Թռչունը, այգեստանի բոլոր թռչունները մնացին ապուշ կտրած զարմանքից և հիացմունքից, և կարծես խոսք մեկ արած՝ հավաքվեցին միասին և ամբողջ երամով եկան բարի գալուստ ասելու նորեկ հրաշալի հյուրին: Սրանց մեջն էր և տեղացի սոխակը, որ նույնպես բուլբուլ էր անվանվում, և մյուս թռչուններից՝ լորը, արտույտը, սարյակը, դեղձանիկը և մյուսները, որոնք քիչ թե շատ երգել գիտեին, ինչպիսիք էին և

աղավնին, տատրակը, ագռավն ու կաշաղակը, մոշահավն ու ծիծեռնակը: Սրանք բոլորն ամեն մեկն իր ձայնով, մի առանձին ներդաշնակութամբ սկսեցին ձայն պահել Հազարան Բուլբուլի բարձրաձայն երգին: Սրանով նրանք բոլորը մի տեսակ խոնարհություն և հպարտություն էին ցույց տալիս Խոսող Թռչունին, և նա ավելի էր ոգևորվում և ցույց էր տալիս իր բոլոր շնորհքը:

Հովանոցի մոտն էր և մարմարիոնի ավազանը, որ Ֆարիզադի համար հայելու պաշտոն էր կատարում. նա տեսնում էր իր պատկերը և վարսագեղ մազերը՝ կեսը ոսկի և կեսը արծաթի: Այդ ավազանի մեջ կաթեցրեց Ոսկեցնցուղ Ջրից մի կաթիլ: Ոսկե կաթիլն սկսեց քշքշալ, խոշորանալ և դառնալ մի ջրային խուրձ, որից, իբրև հազարավոր ծորակներից, վեր էին ցայտում ոսկի կաթիլները շատ բարձր և կրկին վայր թափվում ավազանի մեջ: Ցայտող կաթիլներն այնքան պաղ էին, որ զովացնում էին այգում տիրող անտանելի շոգն ու տոթը:

Հետո իր ձեռքով տնկեց Երգող Մառի ոստը: Փոքրիկ ճյուղն իսկույն արմատ բռնեց, աճեց, մեծացավ և դառավ մի հսկայական ծառ: Եվ սկսեց ծառը նվազել այնպիսի եղանակներ, որ շէին կարող հնչել ոչ զեփյուռը Պարսկաստանի այգիներում, ոչ հընդկական վիները, ոչ սիրիական տավիղը և ոչ եգիպտական ջութակը: Մառի հազարավոր բերաններից բխող այս երկնային հնչունները լսելու համար, շորս կողմում տիրում էր խորին լուռություն, մնջվում էին թռչունները, ջուրը կտրում էր իր խոխոջյունը, զեփյուռը ետ էր քաշում իր մետաքսե քնքուշ ծածկոցը, որ շղիպչի ոչ մի բանի:

Ֆարիզադան այլևս առիթ չունեի ոչ տխրելու և ոչ ձանձրանալու: Նա սկսեց շարունակել իր սովորական տնային պարապմունքը, միշտ նստած Խոսող Թռչունի մոտ, որ նրան զբաղեցնում էր շատ իմաստալից և հետաքրքրական պատմություններով: Նրա թողած պակասը լրացնում էին Երգող Մառը և Ոսկեցնցուղ Ջուրը, իսկ եղբայրները ցերեկն իրանց որսորդությունով էին պարապած, գիշերները վերադառնում էին տուն, ուրախ ժամանակ անցկացնում իրանց քրոջ հետ:

Մեկ անգամ էլ, ահա, երբ Ֆարիզն ու Ֆարուզն անցնում էին մի նեղ ձորակով, որից շէր կարելի շեղվել ոչ աջ և ոչ ձախ, դեմ առ դեմ հանդիպեցին սուլթանին, որ իր մարդկանցով եկել էր նույնպես որսորդության: Եղբայրներն իջան ձիերից և ծունկ

չորեցին թագավորի առջև, գլուխները խոնարհած մինչև գետին: Սուլթանը շատ զարմացավ, տեսնելով այն անտառում նրանց այնքան ճոխ հագնված, որ կարծես իր շքախմբից լինեին: Նա ուզեց տեսնել նրանց երեսները, հրամայեց վեր կենալ: Եղբայրները վեր կացան և թագավորի առջև կանգնեցին, պահպանելով իրանց արժանապատվությունը և իրոքին հարգանքը դեպի թագավորը, որ հափշտակված նրանց վայելչակազմ գեղեցկությունով, երկար ժամանակ զննեց օտից մինչև գլուխ: Հետո հարցրեց նրանց, թե ովքեր են և որտեղ են կենում: Նրա սիրտը հուզվում էր ու մի առանձին ձգողությամբ քաշվում դեպի նրանց, ինչպես դեպի իր հարազատներին:

Եղբայրները պատասխանեցին.

— Ո՛վ արքա ժամանակների, մենք քո հանգուցյալ ստրկի որդիքն ենք, քո ծառայի, որ կառավարում էր քո արքայական ազգիները: Այստեղից հեռու չէ մեր բնակարանը, որ քո առատածեռությունն պտուղն է, դո՛ւ ես ընծայել մեր հորը:

Սուլթանը շատ ուրախացավ, որ ծանոթացավ իր նախկին հավատարիմ ծառայի որդոց հետ, միայն զարմացավ, որ մինչև հիմա նրանք չեն հայտնվել իր պալատում և չեն գտնվում իր շքախմբի մեջ: Եվ երբ որ հարցրեց այս մասին, նրանք պատասխանեցին.

— Ո՛վ ժամանակների թագավոր, ներիր մեզ, որ մինչև հիմա չենք մտել քո մեծահոգի բազուկներիդ պաշտպանության տակ դրա պատճառն այն է, որ մենք մեզանից փոքր մի քույր ունինք, որի պահպանության հոգսը մեզ վրա է գցել մեր հայրը իր մահից առաջ, մենք էլ պահպանում ենք այնպիսի սիրով, որ չենք կարող բաժանվել նրանից:

Թագավորը շատ զգացվեց սրանց եղբայրական սիրուց և ավելի ուրախացավ, որ հանդիպեց սրանց, և ասաց ինքն իրան. «Երբեք չեմ կարծել, որ իմ թագավորության մեջ կարող են երկու հոգի լինել այսքան գեղեցիկ ամեն կողմով և ազատ սնամիտությամբ»: Եվ մի առանձին բաղձանքով ուզեց այցելել նրանց տունը և ավելի մոտիկից ծանոթանալ նրանց հետ և հագեցնել աչքերը նրանց քաղցր տեսությունով: Իր այս ցանկությունը սուլթանը հայտնեց եղբայրներին, որոնք շատ ուրախացան և շտապեցին լինել նրա ուղեկիցը: Չարիղը նրանցից շուտ գնաց տուն, որ նախապատրաստե քրոջը:

Չարիղադան սովոր չլինելով սուլթանի շտապ մեծ հյուր ընդունելու, մնացել էր շվարած և շփտեր ինչ աներ: Իսկույն մասնակցեց դիմել իր խորհրդակցին՝ Խոսող Թռչունին և ասաց նրան.

— Ո՛վ Հազարան Բուլբուլ, սուլթանն ուզում է գալ մեր տուն, որ մեծ պատիվ է մեզ համար, և մենք պետք է հյուրասիրենք նրան իր մեծություն համեմատ: Սովորեցրու ինձ, ինչպես պիտի անենք, որ նա բավական մնա մեզանից:

Բուլբուլը պատասխանեց.

— Ո՛վ իմ տիրուհիս, շարժե խոհարարուհուդ հրամայել, որ բազմատեսակ կերակուր պատրաստե, որովհետև այսօր թագավորին կարող է դուր գալ միայն մեկ տեսակ կերակուր, նրանով էլ պետք է հյուրասիրել: Այդ կերակուրը պետք է պատրաստած լինի բորինջանով, մեջը լցրած մարգարիտով...

Չարիղադան զարմացավ, և կարծելով, որ թռչունը սխալ է հասկացել բանը, ասաց նրան.

— Թռչո՛ւն, թռչո՛ւն, այդ ի՞նչ ես ասում, ինչպե՞ս կարելի է մարգարիտ լցնել բորինջանի մեջ, այդ տեսակ կերակուր չի լաված: Եթե թագավորը մեզ պատիվ է անում և ուզում է մեզ մոտ ճաշել, այդ կնշանակե, որ նա ուտել է ուզում և ոչ կուլ տալ մարգարիտի հատիկներ: Դու երևի ուզեցիր ասել՝ «բորինջան բրնձով լցրած»:

Բայց Խոսող Թռչունը բացական չեց.

— Ամենևին ո՛չ, ամենևին ո՛չ, լցրած պետք է լինի մարգարիտ և ոչ բրինձ, բրինձ, բրինձ...

Չարիղադան, որ ամեն բանում հավատում էր Խոսող Թռչունին, շուտով պատվիրեց պատավ խոհարարուհուն, որ մի պնակ բորինջան եփե, մեջը լցրած մարգարիտի հատիկներով, որ ուներ մեծ քանակությամբ...

Մինչ այդ սուլթանն էլ եկավ Չարիղի ուղեկցությամբ: Չարիղը այդու դրանը ընդունեց թագավորին, բռնելով ասպանդակը, իջեցրեց ձիուց: Իսկ Չարիղադան՝ Բուլբուլի խորհրդով՝ երեսը քոշով ծածկեց և այդպես մոտեցավ ու համբուրեց սուլթանի ձեռքը: Սուլթանը շատ զգացված էր նրա սիրալիր ընդունելությունից և այն մաքրությունից, որ բուրում էր նրանից, իբրև թարմ հասմիկից, և հիշելով իր անզավակությունը ճերմության հասակում, արտասուք երևաց աչքերում: Հետո օրհնելով Չարիղադանին՝ ասաց.

— Նա, ով իրանից հետո թողնում է հետնորդներ, չի մեռնում, այլ անմահանում է: Ձեր հայրը մեռած չէ, այլ կենդանի է դեռ, քանի որ ունի ձեզ պես զավակներ: Ապրի՛ս, զավակս, դե մեզ տար տերևախիտ ծառի տակ, որ մեզ ազատե արևի շոգից:

Ֆարիզադան և իր եղբայրները սուլթանին տարան Երզող Մառի մոտ, Ոսկեցնցուղ Ջրի ավազանի ափը, որի մոտ էր և Խոսող Թռչունի զրուցարան-հովանոցը, ուր և բազմեցրին նրան: Մի բոպե կանգ առավ նա ավազանի մոտ և նայելով ոսկեցնցուղ խորձից վեր ցայտող պաղ ջրի կաթիլներին՝ բացականչեց.— Ինչ հրաշալի ջուր է, ինչքան դուրեկան է նայելը:

Հենց այդ միջոցին լսեց և Երզող Մառի խմբերգը և հոգով ու մտքով հափշտակվեց նրա երկնային նվագից: Բայց հենց որ մտավ հովանոցը, ուր կախված էր Հազարան Բուլբուլի ոսկե վանդակը, տիրեց խորին լուսթյուն, կարծես համրացավ ամբողջ այգին: Այդ ժամանակ ահա ձայնը բարձրացրեց Խոսող Թռչունը և սկսեց երգելով ասել.—

Բարո՛վ եկար, Խոսող-շահ,
Բարո՛վ, բարո՛վ,
Բարո՛վ եկար, Խոսող-շահ,
Բարո՛վ, բարո՛վ:

Հենց որ Խոսող Թռչունը բարի գալուստ մաղթեց, այգու բոլոր թռչունները արձագանք տվին նրան, ասելով.

Բարո՛վ եկար, բարո՛վ, բարո՛վ:

Սուլթանն այս բոլոր հրաշքների ազդեցության տակ սկսեց բացականչել.

— Սա է երջանկության տունը, այստեղ մարդ ոչ կհիվանդանա, ոչ կծերանա և ոչ կմեռնի: Սա է երկրային դրախտը: Ես իմ թագավորութունս կտայի այստեղ, ձեզ հետ ապրելու համար: Եվ երբ որ հարցրեց նա եղած հրաշալիքների մասին, նրան ցույց տվին Երզող Մառը և Խոսող Թռչունը: Եվ Ֆարիզադան ասաց.— Մրանց բոլորի մասին ես կպատմեմ, երբ կհանգստանա մեր տեր թագավորը: Այս ասելուց հետո, Ֆարիզադան գնաց բերելու եփած բորինջանը մի պնակով և դրավ թագավորի առջև:

Սուլթանը, որ այդ կերակուրը շատ էր սիրում, զարմացավ, որ իր սիրած կերակուրը մոտ բերին: Բայց նրա զարմանքը ավե-

լի սաստկացավ, երբ նկատեց, որ բորինջանը մարգարիտով էր լցված, որ չէր կարելի ուտել: Եվ ասաց նա Ֆարիզադային.

— Երգվում եմ կյանքովս, որ այսպես բան չեմ տեսած ես: Այս ի՞նչ նոր տեսակ կերակուր է: Վաղո՞ւց է, ինչ որ մարգարիտը բռնում է բրնձի և պիստակի տեղը:

Եվ մինչդեռ ամենքն էլ լռել էին և չգիտեին ինչ պատասխանել սուլթանին, Խոսող Թռչունը ձայնը բարձրացրեց և ասաց.

— Ո՛վ մեր Խոսող-շահ, դուք զարմանում եք, որ այդպես կերակուր լինել չի՞ կարող, հապա ինչո՞ւ չզարմացաք, ինչո՞ւ հավատացիք, որ Պարսկաստանի թագուհին կարող է փոխանակ չնաշխարհիկ զավակների, տալ՝ ով գիտե ինչ տեսակ կենդանիների: Հիշիր, ո՛վ Խոսող-շահ, այն խոսքերը, որ լսեցիր մի երեկո երեք քույրերից փոքրի ասածը, թե.— Ո՛վ իմ քույրեր, երբ որ ես դառնամ սուլթանի ամուսինը, մենք կունենանք զավակներ, որովհետև որդիքս ամեն բանով արժանի կլինեն իրանց հորը, իսկ աղջիկս կլինի երկնքի ժպիտը: Նրա մազերի մի կողմինը կլինի ոսկի, մյուս կողմինը՝ արծաթի. նրա արցունքը, երբ լաց լինի, կդառնա մարգարիտի հատիկներ, ծիծաղը՝ ոսկի դրամներ, իսկ ժպիտը՝ նորափթիթ վարդեր:

Սուլթանը լսելով Բուլբուլի ասածները, գլուխը բռնեց երկու ձեռքով և սկսեց հեկեկալ: Բայց Բուլբուլը հանեց նրան տիրութունից, ասելով.— Ո՛վ Ֆարիզադա, քողը հեռացրու երեսիցդ, թող հայրդ տեսնի երեսդ...

Ֆարիզադան ետ քաշեց քողը թե չէ, նրա ոսկի ու արծաթի վարսերը թափվեցին կրծքի վրա: Սուլթանն այս տեսնելով՝ վեր կացավ բարձրաձայն բացականչութունով.— Աղջի՛կս, աղջիկս է սա: Իսկ Հազարան Բուլբուլը գոչեց.

— Այո՛, տեր թագավոր, դա քո աղջիկդ է, իսկ դրանք էլ քո որդիքն են:

Եվ որովհետև ոչ քույրը, ոչ եղբայրները չգիտեին իրանց ծագումը, Հազարան Բուլբուլը այստեղ պատմեց բոլորը, ինչ որ թագավորն էլ չգիտեր:

Թագավորն ու իր զավակները, որ լսում էին Խոսող Թռչունին, զարմանքից քարացած, վերջապես ուշքի եկան ու գրկախառնվեցին միմյանց, թափելով ուրախության հորդ արտասուք: Եվ երբ որ հանգիստ առան, հուզմունքից թագավորն ասաց.

— Ո՞վ իմ զավակներս շտապենք մի ժամ առաջ տեսնել ձեր մորը:

Բայց ի՞նչ լեզու կարող է պատմել մոր ուրախության շափու նա, որ սուլթանի աչքից ընկնելով, պալատի մի հեռավոր անկյունում էր բնակվում ընկճված, կուշ եկած, թառամած, այժմ աչքովը տեսնելով իր զավակները, կարծես մեռած տեղից հարուստն առավ, մի նո՛ր մարմին հագավ ավելի՛ առույգ և ավելի՛ գեղեցիկ, քան թե երբեմն եղած էր:

Իսկ քույրերը լսելով այդ բանը, մարդկային պատժի շարժանացան, այլ հենց նույն օրը մեռան կատաղությունից:

Եվ թեղ լինի շարն այնտեղ, բարին այստեղ:

1910

ԽԻՉԱՆԸ ԿԱՄ ԱՆԵՐԿՅՈՒՂԸ

Առաջին տարբերակ

1

Էլեւ է չի էլեւ, — սուտն ու ճշմարիտը աստված գիտե, — մի տղա է էլեւ, անունը Խիզախ:

Հայտնի է, որ կան մարդիկ, որոնք հոտառության զգացմունքից զուրկ են, կան որ կերածի համը չեն իմանում, կան և խուլ ու համր մարդիկ, կան որ զուրկ են աչքի լույսից: Մեր Խիզախը այդ ամենն ունեւր, միայն վախի, երկյուղի, ա՛հ ու սարսափի զգացմունք չունեւր: Մարդիկ կան, որոնք մի անսովոր թրխկոց լսելիս, որոտմունքի, թնդանոթի ու հրացանի ձայն լսելիս՝ ակամա ցնցվում են բոլոր մարմնով: Խիզախը չունեւր այդ զգացմունքը: Նրա համար միեւնույն էր. թեկուզ գեախնքը դրդար դէ բաց անեւր իր անհատակ ածղունդները, թեկուզ երկինքը փուլ գար, ու բոլոր աստղերը կարկուտի պես թափվեին, նա ոչ աչքը կճպեր, ոչ սիրտը կտրրփար:

Խիզախն աներկյուղ էր: Բայց մյուս բոլոր զգալարանքները չափից դուրս զարգացած էին նրանում: Նա աներկյուղ լինելով հանդգնություն ունեւր իրան ենթարկելու այնպիսի փորձերի և

590

մարզանքների, որոնցից վախկոտները միշտ հեռա են մնում և այդ պատճառով էլ միշտ թուլլ մնում: Նա մագլցում էր բարձր օտոների վրա ու ճյուղից ճյուղ սաստատում, ինչպես մի առնետու ինչքան էլ ճարպիկ լինի մարդ, այդպես անել չի կարող, եթե վախկոտ է, որովհետեւ երկյուղի զգացմունքը տիրում է նրա ամբողջ մարմնին, նրա ոտ ու ձեռքը դողդողում են, աչքերը մթնում, և մեր վախկոտ ճարպիկը թրմփում է ծառի գագաթից:

Երբ գետնի վրա մի երկայն գերան կա ընկած կամ մի նեղ տախտակ, մենք վազում ենք նրա վրայով ծայրեծայր, բայց եթե ընկած է մի մեծ գետի վրա իբրև մի կամուրջ, այն ժամանակ էլ չենք կարողանում անցնել նրա վրայով, մեր ծնկները դողում են: Ինչո՞ւ. մի՞թե էլի նույն տախտակը չէ, որի վրայով միշտ վազում էինք: Տախտակն էլի այն տախտակն է, բայց մենք այլևս այն շենք լինում, երկյուղը մեզ փոխած է լինում:

Խիզախը նկատում էր, որ վախկոտությունը լավ բան չէ, որ վախկոտությունը միշտ հաղթվում է, միշտ ընկճվում, բայց շատ էր ցանկանում գոնե մեկ անգամ իր վրա փորձեւր, մեկ տեսնեւր այդ ինչ բան է, ինչպես կան շտենդած մարդիկ, որոնք երբ մեկին տեսնում են դողոցքը բռնած ու ատամները իրար զարկելիս արևի տաք ժամանակ, և մնում են զարմացած, թե՛ «այս ինչ բան է, որ այսպես մրսեցնում է, երանի մեկ ես էլ դողացնեմ ու տեսնեմ ինչ բան է այս»:

Խիզախը հենց որ շափահատ եղավ, ամեն տեսակ փորձի ու վտանգի ենթարկեց իրան, բայց ոչ մի անգամ չզգաց երկյուղի զգացմունքը:

Այդ ժամանակ քառասուն հարամի են լույս ընկնում ու բոլոր աշխարհը դողացնում: Սրանից էլ լավ առիթ չի լինիլ, ասում է Խիզախն ինքն իրան, որ ես էլ վախենամ մեկ անգամ: Մեկ գնամ տեսնեմ այդ ինչ հարամիք են և ինչով են վախեցնում մարդկանց:

2

Քառասուն հարամիքը կենում էին մի մութ ու խոր ձորի մեջ: Մի ահագին սար իր փորը դատարկել էր ու նրանց համար շինեւր մի անմատչելի բնակարան: Ժակապետ այդ սարափորը մի աղա-

591

հանք, թե պղնձահանք էր եղել: Հանքահանները սարը ծակելով ու հանքը դուրս կրելով՝ ով գիտե քանի՞ հարյուր տարի, ու մեջեմեջ սյուներ թողնելով՝ շինել էին մի ստորլեռնյա ահագին դատարկութուն անթիվ միջանցքներով, ծակուծուկներով ու ներս ու դուրս տանող զանազան մուտքերով, ինչպես լինում են մկան բույնի մուտքերը:

Խիզախը գնաց ահա այս դիվական բնակարանը, որի միայն անունը սարսափ էր բերում ամենքի վրա, ու քանի որ դեռ հարամիք չէին կենում այդտեղ, դա համարվում էր գնացող-չեկողի ճանապարհ, որովհետև ով որ այդ սարափորը մտներ, ճանապարհը կկորցներ ու մի անցքից մյուսն ընկնելով, պատից պատ խփվելով՝ կկորցներ ճանապարհը ու կմնար այնտեղ անդարձ կերպով:

Խիզախը երբ տեղ հասավ, բնակարանի մոտ տեսավ մի ահռելի մարդ: Նա ավազակապետն էր, որ ինքը տանը մնալով մյուսներին ուղարկել էր հափշտակութան: Նա մի դաժան դեմքով մարդ էր: Հաստ հոնքերը կախ էին ընկած խոր ընկած կոպերի վրա, որոնց տակից բորբոքված կրակի նման կայծեր էին արձակում նրա աչքերը: Կուրծքը լայն ու բրդբրդոտ, կարծես մի թփախիտ սարալանջ լիներ: Վիզը նման էր մի մամուռապատ կոճղի, իսկ թաթերը կարծես թիակներ լինեին հնգամատ:

Խիզախը մոտենալով հսկային, այնպես նայեց նրա վրա, ինչպես երեխեքը նայում են մի զոմշի վրա՝ նրան խրտնեցնել ուզելիս: Բարև տվավ նրան ու նստեց մոտը, ասելով.

— Շատ հոգնած եմ ու քաղցած, մի քիչ բան տվեք ուտելու: Հսկան առաջին անգամն էր տեսնում մի մարդ, որ իրան տեսնելիս ոչինչ երկյուղի նշան ցույց չի տալիս: Նա ավելի ևս խոժոռացրեց աչքերը Խիզախի վրա, մոռացրեց դեմքը ու ասաց մոմալով ու մոնչալով.

— Այս ինչպե՞ս ես սիրտ արել դու մեզ մոտ գալ, մի՞թե չգիտես, որ թռչունն իր թևովը, օձն իր պորտովը չի համարձակվում մեր սահմանովն անցնել:

— Ինչո՞ւ, մի՞թե դուք վատ մարդիկ եք ու վնասակար, — պատասխանեց Խիզախը համարձակ:

Այս խոսքի վրա հսկան մոմաց քթի թակ: Նա առաջին անգամ էր լսում այսպիսի խոսք:

— Ո՛չ, մենք վատ մարդիկ չենք, բայց...

— Ես էլ եմ կարծում, որ դուք վատ մարդիկ չեք, այս պատճառով էլ եկել եմ ձեզ մոտ, որ ձեզանից խելք ու շնորհք սովորեմ: Եթե կընդունեք, ես կարող եմ մի բանի պետք գալ: Կարող եմ տունը պահել, ոչխարած ու ձիարած լինել, ամեն ինչ կանեմ, ինչ որ պատվիրեք:

Այս խոսքի վրա ավազակապետը իր դեմքի ամպը փարատեց ու Խիզախի վրա նայեց մեղմ հայացքով:

— Շատ լավ. անունդ ի՞նչ է:

— Խիզախ:

— Խիզա՛խ... լավ անուն է: Եթե ինքդ էլ անունիդ պես խիզախ ես, ժամանակով կարող ես պետք գալ ինձ, — ասաց հսկան ու գոռաց. — Այս Խիզախին տարեք հաց տվեք, քաղցած է:

Այս ձայնի վրա երկու աղջիկ դուրս եկան ու Խիզախին տարան ներս, ու նրա առջև դարսեցին եփած ու խորոված միս, հաց, պանիր, յուղ:

Այդ աղջիկները գերի էին ընկած այդտեղ: Կարծեցին, թե Խիզախը նույնպես գերի է, նրան շատ պատիվ տվին ու խոսեցրին. բայց Խիզախը նրանց հարցուփորձին պատասխան չտվավ, ինքն իրան ձևացնելով այնքան տխուր, որ պատասխանելու սիրտ չունի իբր թե:

Խիզախը դառնում է ձիարած և միևնույն ժամանակ հետամուտ է լինում ավազակների բռնած ընթացքին: Գիշեր չէր լինում, որ ահագին քարավաններ կողոպտված շքերհին. հափշտակում էին և կենդանի մարդիկ իբրև գերի, ու փրկանք ստանալով, ետ դարձնում: Խիզախը նկատեց, որ այս մարդիկը անհաղթ և անընկճելի են մնում միայն նրա համար, որ ժողովուրդը հավերի պես դողում է այս աղվեսներին տեսնելիս: Միայն երկյուղն է, որ նրանց այդչափ խեղճացրել է: Մտքումը դրավ ավազակների զբլխին մի օյին խաղալ:

Ամեն գիշեր, հենց որ ավազակները գնում էին կողոպուտի, նա էլ գնում էր նրանց հետևից, ձիաներից ամենից լավն ընտրելով իր համար և զինավորված ամենալավ զենք ու զրահով, կողմ-

նակի ճանապարհով ընկնում էր նրանց առաջը, և հեծց որ նրանք սկսում էին իրանց հարձակմունքը, նա դուրս էր գալիս հակառակ կողմից ու թրի սոքով մեկի գլուխը պատռում, մյուսի կուռը կտրում, մեկէլի ուսերը ջարգում ու հտ մղում փախցնում, առանց սպանելու մեկն ու մեկին:

Այս բանը կրկնվում է մի քանի անգամ, և ավազակները սարսափի մեջ են ընկնում՝ նրան քաջերից քաջ համարելով:

— Այդ մարդը եթե թրի բերանը գործ դնե, մեզանից ոչ մեկս կենդանի չենք մնալ, — ասում է ավազակապետը, — բայց ինչո՞ւ է այդպես վարվում, երևի նա մեր աղ ու հացն է ուտում և ուզում է մեզ խրատել, առանց սպանելու:

— Բայց ո՞վ պիտի լինի այն մարդը, այդչափ քաջ, այդչափ աներկյուղ, — ասաց մեկը:

— Տղերք, — ասաց ավազակապետը, — ես կարծում եմ, որ դա մեր ձիարած հիզախն է, և այս մենք կարող ենք ստուգել ահա ինչպես: Ես սուտ կհիվանդանամ և կասեմ, որ գիշերով գնա գերեզմանոցում հալվա եփե ինձ համար: Եթե նա այս բանը կանե առանց վախենալու այն բանից, ինչ որ ես այնտեղ կանեմ, կանե առանց վախենալու այն բանից, ինչ որ մեզ վրա հարձակվողը սա է:

Այդ ապացույց կլինի, որ մեզ վրա հարձակվողը սա է: Խիզախն ուզում են վախեցնել. խեղճերը չեն իմանում, որ ահ ասածդ չկա նրա սրտում:

Ավազակապետը ինչպես ասում է, այնպես էլ կատարել է աալիս հիզախին: Մութը, կեսգիշերին, հիզախը գնում է գերեզմանոց, իսկ այդ գերեզմանոցի համար ասում էին, թե այնտեղ քաջքեր կան, թե մեռելները կենդանանում են գիշերները, նրանցից որը շուն է դառնում, որը կատու, հարձակվում են այդտեղով անցնող մարդկանց վրա և գզգզում:

Կրակ է վառում հիզախը, պղինձը դնում վրան, հալվան եփում: Շերեփը ձեռին խառնելիս՝ մեկ էլ տեսնում է, ահա մի մերկ ձեռք մեկնվեց դեպի իրան՝ ողորմություն ուզելու պես: Խիզախը շերեփը լցրեց հալվայով, փշեց, հովացրեց, որ մեռելի հիզախը շերեփը լցրեց հալվան կերպով, մեկ էլ մեկնեց ձեռքը: Խիզախն էլ լցրեց շերեփը, հովացրեց ու բուռն ածեց: Այսպես կրկնվեց երեք անգամ, բայց շորորոգ անգամն այլևս ոչինչ չտվավ և ասաց. — Բավական է, ետ քաշիր ձեռքդ, բախրը որ քեզ ուտեցնեմ, էլ իմ հիվանդի համար ի՞նչ տառնեմ: Բայց տեսա՞ր, որ ձեռքը չի ուզում

ես քաշել, տաք-տաք հալվա ածեց բուռը ու մեկ լավ այրեց: Մեռելը վախեցավ, էլ շեղվեց ձեռքը: Խիզախը եփած հալվան տարավ տվավ ավազակապետին, առանց պատմելու, թե ինչ անցք անցավ գերեզմանոցում:

Որովհետև ավազակապետն ինքն էր մեռելի գերեզմանումը թաք կացել, մեռել ձևացել, որ վախեցնե հիզախին, բայց ինքն իր աչքովը տեսավ, որ հիզախն ամենևին բանի տեղ չդրավ ու մի առանձին ուշք էլ չդարձրեց այդ ուրիշների համար մահաուրիթ երկվույթի վրա, էլ նրանում կասկած չմնաց, որ ինքը հիզախն է նրանց ջարդողը:

Այդ բանը պատմեց ավազակներին և ասաց.

— Սուտ ու շեղած բաներից չվախեցողը՝ ուղիղ և եղած բաներից երբեք չի վախենալ: Սա որ ողորմություն ուզող մեռելից չի վախենում, էլ ի՞նչ բանից կարող է վախենալ:

— Զվախենալը բավական չէ, — ասաց ավազակներից մեկը, — շատ ապրողներ կան, որոնք ոչ մի բանից չեն վախենում, որովհետև նրանց գլխումը տեղ չի գտնում ոչ խելոք և ոչ հիմար բաները: Ապացուցելու համար, թե հիզախն է մեզ վրա հարձակվողը, պետք է նրա քաջությունը փորձել: Դու էլի հիվանդ ձեռքիդ և ուղարկիր անմահական ջրի, ուր ոչ մի գնացող դեռ վերադարձած չէ: Եթե նա կկատարե այդ հանձնարարությունը, այն ժամանակ կհամոզվենք, որ մեր քառասունին հաղթողը նա է: Այնուհետև մենք կառաջարկենք, որ մեզ հետ ընկեր դառնա ու ջո երկրորդն ու փոխանորդը լինի: Դրա հետ միասին մենք կարող ենք բուռը աշխարհքին տիրել և այսուհետև ոչ թե ավազակ կլինենք, այլ մեծ իշխան ամեն մի նահանգում, ինչպես թագավոր:

— Այդ շատ լավ ասացիր, — կրկնեցին ամեն կողմից և հիզախին ուղարկեցին անմահական ջրի:

(Երկրորդ տարբերակ)

Էլել է, չի էլել, մի պառավ: Այս պառավը մի որդի է ունենում մինուճաբ: Տղան երբ որ մեծանում է, լսում է, որ աշխարհումս շատ երկյուղալի բաներ կան, որոնցից պետք է հեռու մնալ: Ասում է.

— Ա՛խ, ինչպես կցանկանայի, որ մեկ տեսնեի, թե ինչ բան է երկյուղը:

Պատավը շատ տեղ է տանում տղային, շատերի մոտ աշակերտութեան տալիս, որ մեկ արհեստ սովորի, բայց նա ոչ մեկի մոտ չի մնում և ասում է մորը.

— Ես ուզում եմ տեսնել, թե ինչ բան է երկյուղը, եթե այդպիսի արհեստավոր կա, ինձ տուր նրա մոտ, ես այնտեղ կկենամ:

— Որդի, երկյուղը ոչ արհեստ է, ոչ արհեստավոր, — ասում է մայրը, — այդ բանը ամեն մարդու սրտում էլ կա, եթե դու ոչ մի բանից չես վախենում, ուրեմն քո սրտումդ երկյուղ ասածը չկա, դու աներկյուղ ես:

— Մայր, այդ երեկ լավ բան է, որ ամեն մարդի սրտում էլ կա, — ասում է տղան, — ուզում եմ ես էլ ունենալ, բայց որտե՞ղ գտնեմ, որտե՞ղ ձեռք բերեմ:

— Աստված մի արասցե, որդի, այդպես բան չես անիլ, — ասում է պառավը և երկյուղալի դեմքով բացականշում. — Ո՛ր, որ իմանաս, ի՛նչ երկյուղալի և սարսափելի բաներ կան աշխարհիս երեսին...

— Որտե՞ղ են այդ սարսափելի բաները, մայր, հապա ինչո՞ւ ես ոչ մեկ անգամ չեմ տեսնում:

— Հապա սարսափելի չե՞ն քառասուն հարամիքը. ամբողջ աշխարհս դողում է նրանց ձեռին, նրանց երկյուղից ոչ ով սիրտ չի անում նրանց հողումը ոտք դնել:

— Ուրեմն նրանց որ տեսնեմ, անպատճառ կվախենա՞մ, մայր:

— Աստված մի՛ արասցե, որդի, իհարկե կվախենաս, քար լինի, կհալչի նրանց երկյուղից:

Աներկյուղը մյուս օրը ճանապարհ ընկավ ու գնաց երկյուղ փնտրելու: Նա ոչինչ չուներ, այլ միայն մի պարկ ուներ շալակին, մի կտոր շոր հաց ուներ կոնատակին և մի շոր մահակ ձեռին:

Ճանապարհին ով որ պատահում էր ու հարցնում, թե ուր ես գնում, նա պատասխանում էր.

— Գնում եմ երկյուղ փնտրելու:
— Գիժ կլինի սա, — ասում էին հանդիպողները և գլխերը թափ տալիս:

Աներկյուղը գիժ չէր և ոչ հիմար: Նա շատ խելոք էր մտածում, բայց երբեք խելոք չէր խոսում: Նա տեսնում էր, որ իր շոր-շապատի մարդիկը բոլորն էլ հիմար են, ոչ մեկն իր նման չի

մտածում, այս պատճառով ինքն ավելի ևս հիմարանում էր և նրանցից ավելի հիմար բաներ ասում: «Շատ էլ որ ասեմ, թե ես իմաստուն եմ, ով կհավատա», մտածում էր Աներկյուղը. «Լավն այն է, որ գործով ցույց տամ, թե ես հիմար չեմ, իսկ քանի որ գործ չկա, խոսքը նշանակություն ունենալ չի կարող»:

Այսպես են լինում առհասարակ բոլոր կարգե դուրս մարդիկը: Նրանք որովհետև նման չեն լինում բոլոր մյուսներին, այդ պատճառով գիժ են համարվում: Բայց հետո երբ այդ գիժ համարվածները դառնում են նշանավոր և երևելի մարդիկ, ամբողջ զարմանում է, թե ինչպես նրա պես գիժ տղան խելոք մարդ դառավ:

Մեր Աներկյուղը գլխիցը ձեռք վեր առած՝ գնաց հասավ քառասուն հարամիների բնակարանը:

Մի առեղի ժայռի մեջ էր նրանց բնակարանը: Ժայռի մեջը փուչ էր ու բազմաթիվ միջանցքների ու սենյակների պես բաներ կային նրանում: Հին ժամանակները այդտեղ երկաթահանք էր եղել: Հանքահանները ժայռը փորելով՝ հանել էին երկաթաքարը, ով գիտե քանի հարյուր տարի, և մեջե մեջ սյուներ թողնելով՝ որ ժայռը վերևից չփլչի, շինել էին ստորլեռնյա ահագին մաղարեք, զաղեք, քարայրներ, որոնցից ամեն մեկը մյուսի հետ միացած էր մի միջանցքով և առանձին ճանապարհով դեպի դուրսը:

Հարամիների համար այդ բնակարանը մի անմատչելի ապաստարան էր: Պատ և տանիք չուներ, որ քանդեին, ահագին սարին ինչ կարող էին անել, իսկ ներսը մտնել կարող էին միայն հատ-հատ, և ո՞վ կհամարձակվեր ինքն իրան քառասուն հարամու բերանը գցել: Այս պատճառով ահա այդ քառասուն հարամիքը ահ ու սարսափ էին տարածել շրջակա գյուղերի և քաղաքների վրա: Գազանների պես դուրս էին գալիս իրանց անմատչելի տնից ու հարձակվում էին քարվանների, հոտերի, նախիրների և քաղաքների ու գյուղերի վրա և թալանում, կողոպտում, հափշտակում ամենայն ինչ, մինչև անգամ շատ աղջիկ ու կնիկ, ու բերում լըցնում իրանց բնակարանը:

Ահա այս բնակարանը գնաց Աներկյուղը:
Եթե Աներկյուղը ոչ մի երկյուղ չուներ հարամիներից, հարամիքը ավելի ևս երկյուղ չէին ունենալ նրանից ու պիտի ընդունեին իբրև մի անմեղ տղայի, որ դեռ չգիտե, թե աշխարհումս ինչ կա, ինչ չկա:

— Ո՞ր քամին է բերել քեզ մեզ մոտ,— հարցրեց նրան ավազակապետը,— ո՞ւր ես գնում և ինչու համար ես հեռու մեզ մոտ: Աներկյուզը պատասխանեց.

— Ես ոչնչից չեմ վախենում և չգիտեմ ի՞նչ բան է երկյուզը: Լսեցի, որ դուք շատ երկյուզալի մարդիկ եք, եկել եմ, որ տեսնեմ թե ինչ կա ձեզանում, որ մարդիկ այնքան վախենում են ձեզանից: Ավազակապետը ծիծաղեց և տղայի պարզամտութեան վրա և ասաց.

— Մեզանից այն մարդիկն են վախենում, որոնք մի բան անեն և գիտեն, որ այն բանը մենք պիտի խշեք նրանցից ու զրկենք նրանց իրանց ունեցածից, իրանց սիրած բանից: Իսկ դու սրովհետև ոչինչ չունես և զուրկ ես նույնիսկ աստուծո տված խելքից, իհարկե որ չես վախենալ:

— Բայց ես ուզում եմ վախենալ. ինչպե՞ս անեմ, ուրեմն, և ո՞ւր գնամ, որ վախենամ, որ խմանամ, թե ինչ բան է վախը:

— Եթե այդքան ցանկանում ես, մեզ մոտ կաց և կտեսնես:

— Շատ շնորհակալ կլինեմ,— ասաց Աներկյուզը և անձնատուր եղավ ավազակապետին:

Ավազակապետը մի դաժան դեմքով մարդ էր: Հաստ-հաստ ու խիտ մազերով հոնքերը կախ էին ընկած խոշ ընկած կոպերի վրա, բայց տակից բորբոքված կրակի նման կայծեր էին արձակում նրա աչքերը: Կուրծքը լայն էր, ինչպես մի սարի լանջ և բրդբրդոտ, ինչպես խողի բաշ: Վիզը այնպես հաստ էր, ինչպես մի մամուռապատ կոճղ և այնպես ջլուտ, որ կարծես ցուլի վիզ լիներ: Եթե Աներկյուզը վախկոտ լիներ, նրան տեսնելուն պես կսարսափեր, բայց ավազակապետը նրան թվաց իբրև մի գոմեշ կամ ուղտ, որոնք չնայած իրանց արտաքին ահուկությունը, սովոր մարդկանց վրա ոչ մի երկյուզ չեն ազդում, այլ իրանք են վախենում նրանցից: Աներկյուզն այնպես էր նայում հսկայի վրա, ինչպես գոմեշ խրտունեցնել և վախեցնել ուզող մի երեխա:

— Այս տղան մեզ շատ պետք կգա,— ասաց ավազակապետը մյուսներին:— Մենք սրան կարող ենք լրտես շինել և ուղարկել զանազան տեղեր, ուր մեզ չի կարելի գնալ: Թայց պետք է նախ և առաջ փորձել սրա աներկյուզությունը:

Աներկյուզին սիրով պահպանեցին մի քանի օր. նրան ձիապահի և խոհարարի պաշտոն տվին, և հետո նրա աներկյուզությունը փորձելու համար ավազակապետն ասաց նրան.

— Այս քանի օր է, փորս սաստիկ ցավում է, եթե մի լավ հալված եփես ինձ համար, ես կուտեմ և կառողջանամ. միայն այդ հալված պիտի եփես այսինչ գերեզմանատանը գիշեր ժամանակ և այն էլ նոր թաղած մեռելի կողքին:

Այս պատվերը տվավ ավազակը, իսկ ինքը վազորոք գնաց մտավ իր ասած գերեզմանումը թաք կացավ:

Երբ լավ մթնեց, Աներկյուզը նույն տեղը կրակ վառեց և սկսեց հալված եփել: Շերեփը ձեռին խառնում էր հալված ու մի երգ մոմում քթի տակին: Բայց ահա տեսնում է, որ մի բան է խրթի-խրթիում գերեզմանումը, մեկ էլ մեռելը ձեռքը հանում է գերեզմանիցը և մեկնում դեպի տղան, ողորմություն ուզելու պես: Աներկյուզը շերեփը լցնում է հալվածով, փշելով հովացնում և ածում է մեռելի ափը: Նա ներս է քաշում կուռը, սովածն ուտում է և էլի մեկնում ձեռքը: Աներկյուզը մեկ էլ է լցնում շերեփը հալվածով, հովացնում և ածում մեռելի ափը: Այսպես կրկնվում է երեք անգամ: Բայց չորրորդ անգամ էլ որ մեկնում է, նա փոխանակ հալվածի, կրակոտ խանձուղով խփում է ձեռքին և ասում.

— Քեզ պես անամոթ մեռել չեմ տեսել, բավական է ինչքան որ կերար. բոլորը որ քեզ ուտացնեմ, էլ իմ աղային ի՞նչ տանեմ. եթե որ այդպես ուտելու ախորժակ ունեիր, էլ ո՞ւր էիր մեռնում. երևի բանից ես փախել և ընկել մեռելների կարգը:

Մեռելը մեկ էլ է պարզում ձեռքը:

— Ասացի, որ էլ չեմ տալ, խելք ունես, ձեռքդ ետ քաշիր, թե չէ՛ կրակով կայրեմ:

Մեռելը շուզեց ձեռքը ետ քաշել, Աներկյուզը պինդ բռնեց ձեռքիցը և խանձուղով այրեց: Հսկան վեր թռավ տեղիցը և ընկավ Աներկյուզի վրա, բայց նա իր անվահերությունը չկորցրեց, այլ ջուխտ ոտները գրկեց և հսկային գետին գլորեց: Նա վեր կացավ փախավ, որ Աներկյուզը նրան չճանաչի:

Աներկյուզը հալված տարավ ավազակապետին տվավ և պատմեց մեռելի արարմունքը:

— Օ՛... այդպես բան չի լինիլ,— ասաց նա,— երևի վախեցել ես, և աչքիդ այդպես է երևացել:

— Կարելի է,— ասաց Աներկյուզը, շիմանալով, թե ինչ բան է աչքին երևալը.— ուրեմն եթե վախն այդ է, ես նրա գլխին լավ օյին դրի:

Ավազակապետը այս փորձից հետո Աներկյուզին շինեց իր

լրտեսը և լրաբերը: Նրան ուղարկում էր ամեն տեսակ վտանգավոր տեղեր, և նա գնում էր երբեմն ձիով և երբեմն ոտքով, և ամեն հանձնարարություն այնպես էր կատարում, որ ավազակներն իրանց նպատակին չհասնեն և հաջողություն ունենալու տեղ անհաջողության հանդիպեն:

Այս պաշտոնի մեջ նա բավական վարժվեցավ թուր և նիզակ բանացնելում, ձիով ու հետի արշավանք անելում և դարձավ ավազակների մեջ ամենից կտրիճը, բայց ավազակ չդառավ, այլ ավազակներ կոտորող: Նա երբ որ հանդիպում էր մի քարվանի, նրանց զգուշացնում էր, թե ինչ տեղ պիտի իջնեն և իմաց էր տալիս, թե այսինչ ժամանակ պիտի հարձակվեն ավազակները, բայց չվախենան, ինքն օգնության կհասնի: Եվ ճշմարիտ, երբ գնում էին հարձակմունք գործելու թե՛ քարավանի, և թե՛ գյուղի վրա, փոխում էր իր գդակը, դեմքը ծածկում և հարձակվում ավազակների վրա. որի զլուխը ջարդում, որի կուռը կոտորում, ավազակներից հափշտակում, վերադարձնում տերերին և ինքը կրկին խառնվում նրանց մեջ և հետները գնում: Մեկ, երկու, երեք այսպես որ արավ, ավազակապետի սիրտը կասկած ընկավ և այն մտքին եկավ, որ այս բանն անողը Աներկյուղն ինքն է և ոչ ուրիշ մարդ:

1911

ՎԱՃԱՌԱԿԱՆՆԻ ԽԻՂՃԸ

Լինում է, չի լինում, մի գյուղացի: Այս գյուղացին մի օր վերցնում է իր մինուճար որդուն և տանում քաղաք մի վաճառականի, մի սովորաբարի մոտ աշակերտ տալու: Երկար ման գալուց հետո մըտնում է մի հարուստ վաճառականի խանութ և ասում.

- Պարոն վաճառական, իմ որդուս աշակերտ չե՞ք վերցնի:
- Կվերցնեմ, — պատասխանում է վաճառականը:
- Քանի՞ տարով կվերցնեք:
- Տասը տարով:
- Տասը տարին մի մարդու կյանք է, ես արդեն ուժասպա

եմ եղել, ուզում եմ մի քանի տարուց հետո իմ որդու պտուղը ուտեմ, եթե կարելի է երեք տարով վերցրեք:

— Ո՛չ, որ այդպես է, ութ տարով կվերցնեմ:

Վերջը հինգ տարով համաձայնում են, իսկ ոտձիկի մասին երկար խոսելուց հետո գյուղացին թողնում է վաճառականի խղճին, թե որքան որ կցանկանա վճարել հինգ տարուց հետո:

Անցնում է երկու-երեք տարի. գյուղացու որդին շատ հմուտ զործակատար է դուրս գալիս, այնպես, որ բոլոր հարևանները շատ նախանձում են, որ այս վաճառականն այսպիսի ճարպիկ գործակատար ունի, շատ են ցանկանում, որ այդ գյուղացու որդուն տանեն իրենց մոտ, չէ հաջողվում, որդին ասում է, թե՛ իմ հոր խոսքը պետք է սրբությամբ կատարեմ. չնայած որ գրավոր պայման էլ չունին, որդին ազնիվ խոսքը գրավոր պայմանից ավելի է գերազանում:

Հինգ տարին որ լրանում է, գյուղից, մայրիկից նամակ է ստանում, թե «հայրդ մերձիմահ հիվանդ է, քո հաշիվներդ խոզիկիդ հետ վերջացրու և եկ: Փողի համար որքան որ կտա, չհակաճառես, որովհետև հայրդ քո վարձի համար թողել է խոզիկիդ խղճին, որքան կտա կվերցնես, շատ թե քիչ»:

Որդին շատ է տխրում այդ նամակի վրա և երկար մտածելուց հետո գնում է խոզիկի մոտ և ասում՝ «Մայրիկիցս նամակ եմ ստացել, թե՛ հայրդ մերձիմահ հիվանդ է, հաշիվներդ վերջացրու և եկ»:

Վաճառականն առանց երկար մտածելու, ասում է՝ գնա, ազատ ես:

Գործակատարը վրդովվում է, թե՛ պարոն խոզիկն, բա ես հինգ տարի ծառայել եմ քեզ, թե ինչպես եմ ծառայել քեզ, այդ աստված գիտե, վերև աստված, ներքև դուք, հայրս մերձիմահ հիվանդ է, մեռնում է, իմ հաշիվս տվեք գնամ:

— Ի՛նչ հաշիվ, ի՛նչ աստված, քեզ ուտացրել, խմացրել և փշակ եմ սովորեցրել, էլ ի՛նչ ես ուզում, քեզ ոչ մի կոպեկ չեմ տալ, որտեղ ուզում ես գնա:

Այդ ժամանակներում այդ քաղաքում մի այսպիսի սովորություն է լինում: Եթե մեկը մեռնելիս է լինում, բարեկամներին ոչ թե մեռելի տերն է հայտնելիս լինում, թե՛ այսինչ մարդը մեռել է, պետք է թաղեն, այլ ծխատեր քահանային հայտնելիս են լինում, թե՛ այսինչ մարդը մեռել է, պետք է հայտնի բարեկամներին,

համբարներին և ամեն մի ծախս պետք է քահանան անի և վերջումը հաշիվ ներկայացնի:

Գյուղացու որդին տեսնում է, որ իր խոզեխնը խիղճ շունի և իր խոսքի տերը չէ, սա մտածում է, թե երբ որ մի մարդ խիղճ շունի, նա մեռածի հաշվում է, և նա կարող է գնալ քահանային հայտնել, թե իր խոզեխնը մեռած է:

* * *

Մյուս առավոտը գործակատարը վաղ գնում է եկեղեցի: Առավոտյան ժամերգությունը վերջանալուց հետո դիմում է քահանային թե՛ խոզեխնս վախճանվել է, պետք է բարեկամներին, համբարներին հայտնեք և թաղման ծախսերի պատրաստությունները տեսնել:

Քահանան հայտնում է վաճառականի բոլոր բարեկամներին և համբարներին, որ երեկոյան գան վաճառականի տունը հոգհանգիստին ներկա լինելու:

Երեկոյան քահանան տիրացուի հետ գնում է վաճառականի տունը և ի՛նչ է տեսնում,— վաճառականը պատշգամբում նստած թեյ է խմում:

— Օրհնյալ տեր, էս ո՞ր խաչից էր, որ դուք մեզ մոտ եք եկել, չէ՞ որ դուք տարեկան երկու անգամ եք գալիս:

— Աստված օրհնեսցե, որդի, անցնում էի ձեր տան մոտով, ուզեցի ձեզ այցելել և ձեր առողջությունը հարցնել:

Վերջապես խոսում են դեսից-դենից և տեսնում են բակի մեջը վեց հոգի եկան և տեսնելով վաճառականին քահանայի հետ խոսելիս, ետ են դառնում դեպի փողոց. հինգ ըուպեից հետո գալիս են տասներկու հոգի և տեսնելով վաճառականին և քահանային, դարձյալ փողոց են գնում: Տասը ըուպեից հետո գալիս են տասներութ հոգի և կրկին ետ են դառնում: Տասըհինգ ըուպեից հետո գալիս են քսանընթս հոգի և դարձյալ ետ դառնում:

Այս վաճառականը քիչ է մնում, թե խելագարվի:

— Սա ի՞նչ բան է.— կանչում է ծառային, թե՛ գնա այն մարզկանցից մի քանիսին կանչիր:

Գալիս են հինգ-վեց հոգի:

— Ի՞նչի համար եք եկել և գնում:

— Մեզ ասացին, որ դուք մեռել եք, եկել ենք հոգացի վրա

Քահանան տեղը կանգնում է և ասում.

— Ես էլ հենց դրա համար եմ եկել:

Մյուս օրը վաճառականը գնում է թագավորի մոտ և հայտնում որդի եղելությունը և ասում, որ իմ գործակատարն ուղում էր ինձ սաղ-սաղ թաղել, խնդրում է մի դատաստան:

Կանչում են գործակատարին:

Գալիս է գործակատարը:

Գործակատարը պատմում է գործի ամբողջ պատմությունը, թե ինչպես իր հայրը իրան աշակերտ է տվել վաճառականի մոտ և վարձատրություն մասին թողել է վաճառականի խղճին:

Թագավորին պատմում է տղան, թե՛ քանի որ էս խոզեխնը խիղճ շունի, ինձ համար մեռածի հաշվում է, և ես դիմեցի այդ միտցին:

Կանչում է թագավորը դահիճներին, թե՛ այս տղային տարեք կախեցեք:

Դահիճները տանում են կախելու:

Թագավորը հարցնում է վաճառականին, թե՛ էլ ուրիշ ասելու ոչինչ չունե՞ք:

— Ոչինչ չունեմ, թող տանեն կախելու, դա ուղում էր ինձ կենդանի թաղել,— ասում է վաճառականը:

Երկրորդ անգամ հարցնում է թագավորը վաճառականին, թե էլ ուրիշ ասելու կամ գանգատ չունե՞ս:

— Ոչ, ոչինչ չունեմ ասելու, թող տանեն կախելու:

Երրորդ անգամ հարցնում է թագավորը և միևնույն պատասխան է ստանում, թե՛ թող կախեն:

Թագավորը մարդ է ուղարկում դահիճների մոտ, թե՛ ետ բերեք տղային, մի՞ք կախիլ:

Թագավորը հրամայում է դահիճներին, թե՛ վաճառականին տարեք կախելու:

Դահիճները տանում են վաճառականին կախելու:

Թագավորը հարցնում է տղային, թե՛ էլ ուրիշ ասելու կամ գանգատ չունե՞ս խոզեխնիդ վրա:

Տղան ձայն չէ հանում:

Երկրորդ անգամ ասում է տղային, բայց դարձյալ պատասխան չկա:

Երրորդ անգամ հարցնում է տղային, թե՛ պատասխան տուր, ինչ էլ ոչինչ չունես ասելու:

Տղան լացակոսմած ասում է.— Տեր արքա, ես խղճում եմ նրա զավակներին, ես մտնում եմ նրանց դրուժյան մեջ: Նրա որդիքը պետք է լացեն, որ իրանց հորը կենդանի թաղում են: Ես ոչ մի պահանջ չունեմ նրանից և հրաժարվում եմ մի որևէ վարձատրուժյունից:

Թագավորը կանչում է դահիճներին, թե՛ թողեք վաճառականին, էլ մի կախեք:

Թագավորը կանչել է տալիս քաղաքի հայտնի վաճառականներին և հայտնում, թե այս վաճառականը որքան որ կարողություն ունի, կիսեցեք և կեսը տվեք իր գործակատարին:

Այդպիսով վաճառականի կարողության կեսը տալիս են իր գործակատարին և վերջ տալիս վաճառականի գանգատին:

1882--1890

ԾԱՌԵՐԻ ԳԱՆԳԱՏԸ

Մեր տված փայտից կրակ են անում, տուն տաքացնում, թոնիրը վառում, կերակուր եփում, փափուկ հաց թխում, ուտում կշտանում, բայց մեզ չեն հիշում, մեզ չեն պահպանում, այլ անգութ կերպով մեզ կոտորում են, մեզ փչացնում, ոչնչացնում:

Մեր գերաններից շինում են տներ, գոմեր, մարագներ, ժամեր ու վանքեր, մեր տախտակներից՝ հասակ, առաստաղ, աթոռ, պահարան, սեղան, նստարան, դուռ ու պատուհան և այլ շատ տեսակ կահ և կարասիք. բայց մեզ չեն հիշում, մեզ չեն պահպանում, այլ անգութ կերպով մեզ կոտորում են, մեզ փչացնում, ոչնչացնում:

Կամուրջ են շինում՝ գետերով անցնում. սայլեր են շինում՝ ամեն ինչ կրում. գութան են շինում՝ հողերը հերկում. լուծ, սամի շինում՝ եզ, գոմեշ լծում, օրորոց շինում՝ մանկիկ օրորում. քանոն են շինում՝ տետրակներ տողում. նավեր են շինում՝ ծովի մեջ լողում... բայց մեզ չեն հիշում, մեզ չեն պահպանում, այլ անգութ կերպով մեզ կոտորում են, մեզ փչացնում, ոչնչացնում:

Ո՞վ չի տանձ կերել կամ կարմիր խնձոր, նուր ու սերկևիլ, կեռաս ու սալոր. գեղձ կարմրաթշիկ, ծիրան անուշիկ: Ապա խազո՞ղը. և քանի՞ տեսակ կանաչ ու կարմիր, թուխ-թուխ ու սպիտակ. և այդ ամենը մարդիկ են ուտում... Բայց մեզ չեն հիշում, մեզ չեն պահպանում, այլ անգութ կերպով մեզ կոտորում են, մեզ փչացնում, ոչնչացնում:

Խելոք մանուկներ, դուք որ մեծանաք, մեծ մարդիկ դառնաք, մեզ խնայեցեք, մեզ պահպանեցեք. և ձեր հանդերում, ձեր այգիներում ծառեր տնկեցեք...

1882

ՄԵՂՈՒՆ ՈՒ ԱՂԱՎՆԻՆ

ա) Փորձանք

Ժրաջան Մեղուն ծաղկալից դաշտում իր մեղրի համար նյութ էր հավաքում: Արևի տակին շատ աշխատելով նա բեզարեցավ և ծարավեցավ:

Նորանից մոտիկ մի փոքրիկ լիճ կար: Մոտեցավ լճին, վեր եկավ ափին, որ քիչ ջուր խմի, ծարավը կոտրի, նոր ուժ ստանա, թուխ տուն գնա:

Հենց որ կոացավ, որ ջուր կու՛մ անի, հանկարծ գլորվեց, ընկավ ջրի մեջ:

Նա շատ աշխատեց, որ ցամաք դուրս գա, բայց մի փոքր ալիք նորան ներս քաշեց, ափից հեռացրեց:

Այսպես խեղճ Մեղուն ցամաքից զրկվեց, ջրի երեսին թևերը փոխեց և հույսը կտրած, մնաց մեկնված:

բ) Օգնություն

Որտեղից որտեղ, օգնության հասավ մի շատ բարեսիրտ սիրուն Աղավնին: Բարի Աղավնին մոտեցավ լճին և նայեց տեսավ մեր խեղճ Մեղվին՝ հուսահատ փռված ջրի երեսին: Իսկույն շտապեց, մի տերև կտրեց և բերավ Մեղվի առջևը ձգեց:

Մեղուն բարձրացավ տերևի վերա, խելքը ժողովեց, դեռ ուղին նայեց, որ տեսնի ո՞վ էր իր ազատողը, մահից փրկողը: Եվ

տեսավ իր մոտ բարի-Աղավնուն: Շատ նայեց վերան և ուզեց խոսել, Աղավնուն գոլմի, շնորհակալ լինել, բայց մեր բարեսիրտ սիրուն Աղավնին շատ լավ իմացավ Մեղվի միտքը և ոչինչ չուզեց խել Իրանից, այլ թռավ-գնաց, որ ուրիշ տեղ էլ նույն բարիքն անն:

գ) Երախտագիտություն

Մի օր մեր Մեղուն նույն դաշտի միջին մի սիրուն ծաղկից նյութ էր ժողովում և տղտղալով Աղավնուն գոլում: Մեղվի հանգիստ, մի ծառի վերա նստած հեշում էր ծանոթ Աղավնին: Հենց այս ժամանակ Մեղուն նկատեց, որ ահա մեկ մարդ, հրացանը ձեռին, մեջքը կոացրած, շար օձի նման սողում է սուս-փուս դեպի Աղավնին: Մեղուն հասկացավ, որ դա շար մարդ է, անգուժ որսորդ է, ուզում է սպանել անմեղ թռչունին, իր բարերարին: Եվ ճշմարիտ, որ այդ էր այն մարդու շար նպատակը:

Արսորդը շոքեց, տեղը պնդացրեց և հրացանը երեսին բռնեց: Հենց մատը դրեց կայծառի օտքին և ուզեց քաշել, գործը վերջացնել, այդ խի՛ր րոպեին կայծակի նման Մեղուն վրա հասավ և շար որսորդի ձեռքն աջնպես խալթեց, որ նա վեր ցատկեց: Նորա հրացանը նշանից շեղվեց և իր թնդյունով անմեղ Աղավնուն քնից զարթնեցրեց և տեղից թոցրեց:

Այսպես մեր Մեղուն իր բարերարին վերահաս մահից փրկեց, ազատեց:

1882

ԾՈՒՅԼ ՏՂԱ

Թորոսի որդին մի ծուլ տղա էր, ոչ պիր էր սովորում և ոչ մի արհեստ:

— Ի՞նչ արհեստ սովթիմ,— փնթփնթում էր նա,— կլեկչությունը շատ լավ արհեստ է, բայց բորիկ օտքով ամանում հանգնել, արագ պատեր. այդ այնքան հեշտ չէ: Ավերի հեշտ է փառքսի փշելը, բայց այդ իմ ձեռքում երկար շեռ-թողնիլ: Վարպետ էլ դառնամ, ի՞նչ

եմ անելու. պետք է մատներով փոքր-ինչ բամբակով տաք-տաք պղնձին նաշաղիր քսեմ, ձեռքերս այրե՞մ: Չէ՛, այդ իմ բանը չէ:

— Դարբնի մոտ կերթամ, այնտեղ էլ փուքս կա, ձմեռն էլ տաք է. բայց մեծ ուժ պետք է այդ գործի համար: Ահագին մուրձով երկաթը ծեծել, որ նա տափակի, ես այդ չեմ անի, ինչ կուզի լինի:

— Նալբանդը լավ է. մեխի ծայր սրել և պայտեր շտկել. այդ շատ դժվար չէ. բայց մեկ ամեհի ձիու ոտք բռնել, ծնկանը դնել, էրկուղալի է. ձիու աքացին իմ ընկերների ապտակից թունդ է: Չէ, իմ կարծիքով այդ իմ բանը չէ:

— Դերձակությունը մաքուր արհեստ է, լավ միտս ցնկավ: Բայց ի՞նչ եմ ասում. ամբողջ օրերով ծալպատակ նստել, գլուխը քաշ գցած՝ կարել ու կարել, ոչ խաղալ կըլնի և ոչ վազվզել: Չէ, այդ էլ բան չէ:

— Ինչո՞ւ չգնամ որմնաղիր դառնամ, բարձր պատերի ծայրերին կանգնեմ, այնտեղից կանչեմ—«Քար ու կի՛ր տվե՛ք, ցեխ ուղարկեցե՛ք, աղյու՛ւս ձգեցե՛ք»: Այսպես կգոռամ և կհրամայեմ, որ աշխարհք տեսնի, թե ես վարպետ եմ, գործս լավ գիտեմ: Բայց որ աշխարհք տեսնի, թե ես վարպետ եմ, գործս լավ գիտեմ: Բայց վայ թե հանկարծ այդ բարձր տեղից ոտքս սկզբի և թրմափով ներքև գլորվեմ, հոգիս ավանդե՞մ: Չէ, այդ հեշտ գործ չէ, և ոչ իմ բանն է:

— Երևի չկա մի այնպես արհեստ, որ ես հավանեմ, գնամ սովորեմ: Թե դյուրգյար դառնամ, ոտքս կկտրեմ. կոշկակար դառնամ, ձեռքս կծակեմ. ոսկերիչ դառնամ, մատներս կայրեմ. թե բրուտ դառնամ, ցեխ պիտի կոխ տամ. վարժարան գնամ, գիր պիտի սովորեմ: Չէ, իմ կարծիքով ամենից լավն է, ամենից հեշտը ոչինչ չլինել, ոչինչ չսովորել:

1882

ԳԱՐՈՒՆ

Տարին չորս եղանակ ունի, բայց ամենից սիրունը, ամենից դուրեկանը գարունն է:
Ինչ որ մեռած ու թմրած է լինում ձմեռը, գարունը կենդանանում ու արթնանում է:

Սառած գետինը տաքանում է և սկսում է կանաչել: Փետրացած ծառերը բացվում, փթթում են: Սար ու ձոր ծլում, ծաղկում է:

Երբ որ տեսնում ես գույն-գույն ծաղիկները արևի տակ փայլելիս, կարծում ես, թե փոքրիկ մանուկներ են ժպտում երեսիդ, ձիւում, ճշում, խնդում, ծիծաղում: Եվ երբ նորեկ երգեցիկ թռչուններն էլ ձայն-ձայնի տված ծլվում են, կարծում ես, թե բոլոր արարածները ձեռք-ձեռքի տված, պար են գալիս, ցնծում, զվարձանում, գարնան գալը շնորհավորում:

Ով ասես՝ որ անհամբեր չի սպասում գարնան գալուն: Թե՛ մարդ, թե՛ գազան, թե՛ անասուն և թե՛ թռչուն՝ ամենքն էլ գարնան գալուն են սպասում, ամենքն էլ ուզում են, որ գարունը շուտով գա և իրանց անուշ արև և քաղցր օրեր տա:

Ձմեռվա վերջին ամենի կերակուրը պակասում է.—ընտանի կենդանիներին խոտ ու հարդ է պետք—չկա: Նրանք նիհարում են և մինչև անգամ սովամահ են լինում: Թեպետ լեզու չունին, որ մեզ նման պարզ ասեն, բայց ամեն անգամ իրանց տիրիջը տեսնելիս՝ այնպես աղիողորմ ձայնով մայրում, բառաչում են, որ տիրոջ սիրտը կտոր-կտոր է լինում:

Ի՞նչ անե խեղճ տերը: էլ մարագումը հարդ չի մնացել, էլ ամառվան դրած ահա՞ դեզը չկա:

Սրանից լավ վիճակի մեջ չեն լինում և վայրենի անասունները, գազաններն ու թռչունները, և ոչ էլ այն մարդիկը, որոնց ձմեռվա պաշարը հատած է լինում, էլ ոչ վառելու փայտ ու ածուխ են ունենում և ոչ ուտելու հաց:

Ահա ամենքի այս տեսակ հուսահատած ժամանակը գալիս է գարունը և իր հետ բերում նոր կյանք և ուրախություն:

Այնուհետև ձյունը հալվում է, կապված ճանապարհները բացվում են, գնալ-գալը՝ թե՛ ձիով և թե՛ սայլով, հեշտանում է:

Այնուհետև ով ինչ որ չի գտնում իր գյուղումը, գնում է ուրիշ գյուղից բերում: Ով որ քաղաք տանելու և վաճառելու բան ունի, հիմա կարողանում է տանել: Քաղաքումն էլ աժանանում է ապրուստի պաշարը:

Ահա թե ինչո՞ւ գարունը սիրելի է բոլոր արարածների համար, մանավանդ մանր ու մրսկան երեխանց համար:

Գարունը մտնում է մարտի իննին և շարունակվում է երեք ամիս: Գարնան ամիսներն են—մարտ, ապրիլ և մայիս:

1884

Տարվա եղանակներն այնպես են հաջորդում միմյանց, ինչպես մարդու հասակը:

Գարունը երեխայի նմանություն ունի: Գարունքին ամեն ինչ նոր է ծլում. բողբոջում: Քոչնիկները դեռ ոչ ձու ունին, ոչ ձագ: Նրանք աշխույժ և ուրախ մանուկների պես անդադար թրթռում, անդադար թռչկոտում են, և նրանցից շատերն իրանց կյանքի մեջ առաջին անգամն են բույն շինում: Մյուս բոլորն էլ, ինչ որ տեսնում ենք գարունքին — խոտ, ծառ, ծաղիկ, ճանճ, բզեզ, ամենքն էլ երեխայի կերպարանք ու բնավորություն ունին:

Երեխան քիչ-քիչ աճում, զարգանում է: Այդ աճման շարժվելը մենք չենք տեսնում, բայց մեկ էլ տեսնում ենք մեծացած, հասակն առած: Գարունքն էլ այսպես մեծանալով, օրեցօր նորանոր գեղեցկություններ ցույց տալով, մտնում է իր երիտասարդության հասակը, այսինքն դառնում է ամառն. հետո էլ ավելի չափահաս է դառնում, այսինքն աշունքանում է և վերջապես ծերանում է և սպիտակում, ինչպես ձմեռը:

Ծճմարիտ որ՝ զարնանային օրերը քանի գնում, երկարանում են և ավելի տաքանում: Մաղկազարդ ծառերը փոխում են իրանց ծաղկյա բարուրն ու պատմուճանը և զարդարվում ավելի խիտ ու պինդ հագուստով, այսինքն լայն-լայն տերևներով և նրանց մեջ թաքցնում իրանց գույն-գույն և անուշահոտ պտուղները: Քանի որ անմեղ երեխա էին, իրանց կիսամերկությունից չէին ամաշում, ինչպես Ադամը, որ երբ արգելված պտուղը կերավ, իր լուսեղեն և ծաղկյա պատմուճանից էլ զրկվեց, և ծածկվեց լայն-լայն տերևներով, որովհետև երեխայական անմեղությունը կորցրել էր և սկսել էր ամաշել իր մերկությունից:

Երեխանների բերանների ջուրը գնում է, երբ որ տեսնում են նորափթիթ պտուղները—շուրն ու ծիրանը, տանձն ու խնձորը, հաղարջն ու կեռասը, դեղձն ու դամոնը:

Էլ այնքան համբերություն չունին, որ սպասեն մինչև նրանց լավ հասունանալը:

Խակ-խակ ուտում են, ատամներն առցնում, այնպես որ էլ հաց ուտել չեն կարողանում՝ թեև փորները վեց-վեց է անում:

Եթե մանուկներն իմանային, թե որքան վնասակար են խակ պտուղները թե՛ ատամներին և թե՛ իրանց առողջությանը, երբեք

չէին ուտիլ: Ծաշակը նրանց իմաց է տալիս, ասում է՝ «խակ է, թթու է, դեռ ուտելու ժամանակ չէ, մի՛ ուտեք», ատամներն ավելի են կրճտում, բարկանում, թե՛ «էլ չենք կարողանում կրծել, մեզ մի տանջեք»: Բայց կամակոր ու անմիտ մանուկներն ուտում են և պատիժն էլ կրում, թեպետ իրանք չեն հասկանում, թե այն ցավը, այն ջերմ ու տենդը ինչի՞ց հանդիպեց իրանց:

Վերջապես խակ պտուղները միմյանց հետևից հասունանում են: Կեռասը դեղնում կարմրում է և թուշերը պլպլացնում: Սև ու սպիտակ թուփը ծածկում է ծառի հատակը: Կանաչ վարունգի հոտով ամբողջ բուրաստանը բուրում է: Նրա հետևից հասնում են և սեխն ու ձմերուկը, անուշահոտ ու նախշուն շամամը:

Ամառը երկրագործի աշխատության ամենաթունդ ժամանակն է: Երկրի բերքերն այնպես շուտ-շուտ են հասնում իրար հետևից, որ եթե տան մեջ աշխատող ձեռքերը շատ չլինին, մենակ մարդը կշշկլվի և ոչ մի բան էլ չի կարող անել:

Դեռ գարունքավարը, ցել անելը չվերջացրած, խոտը գալիս հասնում է, որ եթե շուտ չհարվի, կվաղանի, այսինքն հարելու ժամանակը կանցնի, կփչանա: Ձեռք է զարկում խոտին, մյուս կողմից գարին է հասնում. եթե թուփն ունի, արաղ պիտի քաշի, նա է թափվում ծառերիցը. եթե այգի ու բանջարանոց ունի, նրանք էլ այնտեղ են շորանում, ջրվել են ուզում: Մինչ այս, մինչ այն, աշնանացանն է հասնում. նրան հետևում է զարնանացանը:

Եթե դաշտային տեղ է գյուղը, պետք է երեխեքը, տավարը սարը տանել. ամառվան շոգերին նրանց դաշտումը կարելի չէ պահել, բայց սարումն էլ նրանց պահող պահպանող է պետք:

Շունձն ընկնում է, մշակ չի ճարվում: Մենակ մարդն ի՞նչ կարող է անել, ո՞ր մեկին հասնե: Մինչև մեկ արտը կհնձի, մյուսը կկծղի:

Այսպես երկրագործի ամառնային աշխատությունն այնքան շատ է և բազմակողմանի, որ մի հոգին ամեն բանի հասնել չի կարող:

Այս հանգամանքը մեկ լավ պատճառ է, որ ամենքն էլ ընկերովի աշխատեն, եղբայրները միմյանցից շուտ չբաժանվին, մինչև որ հասած որդեք շունենան. դրացին դրացու հետ ամեն բանում հարաբաշ լինի, այսինքն աշխատակից, ընկերակից: Եվ առաջ հենց այսպես են եղել ամենքը: Բայց հիմա այդ ընկերություն, եղբայրության ոգին վերացել է մեր գյուղերից:

Ամառնային աշխատութեան շատ մեծ օգնութիւն են անում և մանր երեխեքը, թե՛ տղերք և թե՛ աղջկերք: Նրանք եղները պահում են, խոտ ու խուրձ բարձելիս սայլի առջև կանգնում են, հոտաղութիւն են անում, բանվորներին հաց ու ջուր են տանում: Ամեն բանում թեթևաշարժ սուրհանդակի պաշտոն են կատարում, արագ-արագ ուտոստելով և ուրախ-ուրախ թռչկոտելով: Բայց լինում են շատ ծուլ, խլականջ, դանդաղ և անպիտք երեխեք էլ, որոնք ոչ մի բանի պետք չեն գալիս: Ափսո՛ս այդպիսիների կերած հացը:

Տղան ամեն բանում պետք է քաջ և ճարպիկ լինի, աշխատելուց շարժի փախչի, բանից շարժի վախենա, ամեն բան, ինչ որ ձեռքիցը կգա, պիտի անի: Կարողալու ժամանակը պետք է կարողալ, խաղալու ժամանակը՝ խաղալ, բայց բան ու գործի ժամանակն էլ պետք է բանել, գործել: Դեռ լսված չէ, որ աշխատելուց մարդ վնասված լինի, բայց շաշխատելու և ծուլանալու վնասը ամեն օր տեսնում ենք:

Ամառը մի գեղեցիկ պատկեր է ժրաջանութեան և աշխատասիրութեան: Ձմեռն ուսումնարանումն այնքան բան չի կարող սովորել երեխան, ինչքան ամառը դաշտումը, թե աշխատելով և թե՛ իր շորս կողմի երևույթների վրա նայելով:

Ամեն մի ծառ, ամեն մի թուփ, ամեն մի զեռուն շարժման մեջ է, գործի, աշխատանքի վրա է: Շերամը կամաց-կամաց իր մետաքսն է գործում սուս ու փուս, մեղուն իր բջիջներն է մեղրով լցնում, մրջիմն իր ձմեռվա պաշարն է տուն կրում, թռչուններն իրանց ձագուկներն են շահացնում:

Հիրավի, ինչքան տեսնելու բաներ կան: Շերամի կերպարանափոխութիւնը, թրթուրների թևավորվելը, շերեփուկների գորտ դառնալը, մեղունների ձագ տալը, թռչունների բույններն ու ձվաները, տեսակ-տեսակ բզեզները, զեռուններ, սողուններ, ձկնիկներ, խոտեր, ծառեր, ծաղիկներ, բոլորն էլ իրենց կյանքի կայտառ ու երիտասարդ ժամանակ...

Իսկ ինձ (որովհետև ես հիմա երեխա չեմ, որ թիթեռնիկների հետևից վազվզեմ, որ տեսնեմ՝ որը որից ավելի նախշուն է)— ինձ ամեն բանից շատ դուր է գալիս այն, որ այդ ընդհանուր աշխատութեան, այդ ընդհանուր գործունեութեան մեջ տեսնում եմ մի շատ գեղեցիկ ներդաշնակութիւն— միութիւն:

Ամեն բանի մեջ մի խմբակցութիւն, մի կապ, մի միութիւն

կա: Ի՞նչ բան է, օրինակ՝ արտը, եթե ոչ մի խումբ անհամար ցողունների, որոնք իրար վրա հենվելով, իրար վրա շվաք անելով, միասին աճում, միասին հասնում և մեկին վաթսուն և հարյուր պտուղ են տալիս:

Ի՞նչ գեղեցիկութիւն կունենար մի ձմերուկ, եթե նա մեն-մենակ ընկած լիներ մի դաշտի մեջ: Բայց ուրիշ գեղեցիկութիւն ունի բոստանը, ուր հարյուրավոր ձմերուկներ կողք-կողքի պակկած՝ իրար ականջի քշիչում են, թե այն օրը պարտիզպանը իրանցից քանի հատ պոկեց: Կարծես անհամբեր սպասում լինին, թե երբ պիտի իրանք էլ կտրվին, բացվին, ու մարդկանց երեսին ծիծաղելով՝ նրանց ծարավը զովացնեն:

Ամառնային ամիսներն են— հունիս, հուլիս և օգոստոս:

1884

ԱՇՈՒՆՔ

Ամառն իր բոլոր պտուղները հասցնելով՝ պահ է տալիս աշունքին, որ ինքը հանգստանա և մյուս տարին էլ նույնքան պտուղ տա:

Շարունակ երկար աշխատութիւնը երկար էլ հանգստութիւն է պահանջում:

Գալիս է աշունքը՝ ոչ այնպես ուրախ, ինչպես գարունքը կամ ամառը, և ոչ այնպես տխուր, ինչպես ձմեռը: Նա լուրջ, խոհեմ կերպով, փորձառու և խելոք մարդու նման հաշիվ է պահանջում իր կրակոտ երիտասարդ եղբորից՝ ամառնի՛ց, ներում է նրա թերութիւնները, և ինչ որ նա պակաս է լինում թողած, ինքն է լրացնում, որ երբ Ձմեռ պապը գա, նրանից հանդիմանութիւն չլսի, թե այս չկա, այն պակաս է, այսինչ կամ այնինչ գործը դեռ չի լրացրած:

Աշունքը երբ որ տեսնում է, թե պակաս բաներ դեռ կան, փշում է իր փողը և ամենքին նոր գործի է հրավիրում: Ինքն էլ պարապ չի մնում: Իր փողի ձայնի հետ նա փշում է ցրտավուն քամին: Այդ քամին որ դիպչում է ծառերին, նրանց վրա մնացած պտուղները բոլորը թափվում են, հատակներին փովում, դիզվում: Տերևները

հարսներ ու երեխք կային, որ մի սուրու ոչխարից շատ: Այնտեղից ուղարկեցին մորաքրոջս մոտ. հետո մեր սանամայրերի, որ չգիտեմ տասն էին—մեղա քեզ աստված—թե քսանը: Հետո գնացի մեր կնքավորենց տուն, այնտեղից էլ հանդիպեցի Գյուլնազ տատին ու ասացի. «Տատի, մայրս ասեց՝ էգուց դու էլ, քո հարսներն ու թոռներն էլ համեցեք մեր բաղը, էգուց սկսում ենք քաղելը»: Նա էլ պատասխանեց.

— Շատ լավ, չարդ տանեմ. դե արի քեզ մի սեր ուտացնեմ, շատ ժամանակ է մեր տուն չես եկել: Ասացի՝ շնորհակալ եմ, պիտի գնամ ուրիշներին էլ իմաց տամ: Բայց սուտ ասացի, գիտե՞ք. թեպետ սուտ ասելը լավ բան չէ, լավ էլ ախորժակ ունեի սերի. բայց ի՞նչ կանես, սաստիկ ամաչելուցս սուտ ասացի:

Հիմա պիտի ասեք, այդքան մարդկանցը որ կանչեցիր, հապա այդքանին ինչպե՞ս պիտի կերակրեք: Մի՛ վախենաք, այդ շատ հեշտ է: Դրանք իրենց կերակուրներն էլ իրանց հետն են բերում, դեռ մի բան էլ ավելի:

Մենք արդեն երկու մեծ դոշ ունեինք, գիտությամբ այգեքաղի համար գիրացրած, մի քանի էլ թոխլի ու այծ: Մայրս շորս թոնիր հաց թխեց, բավականաչափ էլ զաթա, նազուք: Պանիր էլ շատ ունեինք, խաղողն ու մյուս մրգերն էլ այգին լիքը: Էլ ուրիշ ի՞նչ էր հարկավոր: Իսկ մեր հյուրերն էլ բերին ամեն մի տանից մի քանի եփած հավ, բոլ զաթա, բաղարջ, կաթնահունց: Ամենից շատ մեր սանամայրերն էին բերել:

Հիմա էլ պիտի ասեք. այդ ի՞նչ այգեքաղ է. դա մի ուխտագրենացության, սար գնալու, կամ հենց ուղիղն ասած, հարսանիքի պես բան է:

— Այո, հենց այդպես է. դեռ դրանցից մի բան էլ ավելի համարեցեք:

Այգեքաղի օրը բոլոր երեխքն ու կնանիքը, բոլոր հարսներն ու աղջկերքը զուգվել-զարդարվել էին իրանց տոն օրվա ամենանոր ու գեղեցիկ հագուստներովն ու զարդարանքներովը: Տղամարդիկն էին մնացել իրանց ամենօրյա հագուստումը, միայն գրակներն էին նոր դրել: Տղամարդիկ չէին փոխել իրանց հագուստը, որովհետև նրանք պիտի կթոց շալակին, շալակ տային, խաղողը կխճորեին,— կոխ տային, տակառները սարքեին: Էլ վաղուցվա պես հնձանում չէին կոխ տալիս, այլ նոր, եվրոպական ձևով ամեն ւարքն ու կարգն ունեին, այսինքն մի քանի ահագին կիսատակառ-

ներ, նրանց վրա դրած՝ հատակը ծակծակոտ մեծ շան և էլի ուրիշ մի քանի տեսակ շաներ: Խաղողն ածում են ծակծակոտ շանի մեջ, նրանում մեկը կանգնած, ոտները հանած, փոխկերքը վեր կապած, կոխտում է և թափում կիսատակառը, որի մեջ գինին մնում է մի քանի օր, մինչև եփ է գալիս, ճաճան (չեչը) երեսին կանգնում, գինին պարզվում. այնուհետև կիսատակառի վարի ծորակը բաց են անում, գինին թափում են, ածում տակառների մեջ ու հետո տանում դնում մառանումը: Բայց այս մանրամասնությունները հիմա թողնենք:

Առավոտը վաղ-վաղ հասանք այգին: Ոչխարները մորթոտեցին, կրակ արին, պղնձները վրան դրին, շամփուրները շարեցին, զցեցին, որ նախաճաշիկի համար խորոված անեն: Հետո մի-մի թաս արաղ խմեցին, մի-մի թիքա խորոված, մի-մի պատառ կաթնահունց կերան և սկսեցին իրանց գործը:

Մեծերը՝ մի-մի քաղելակ վազան տակը դրած, սուր դանակները ձեռքերին՝ կտրում էին խաղողի հասած ճութերը և զցում մեջը. փոքրերը այդ քաղլակները տանում էին մեծ կթոցներն ածում, իսկ երիտասարդները կթոցները շալակում էին տանում ածում կիսատակառի վրայի շանը:

Ամբողջ այգին իր կյանքից զրկվելիս մի նոր կյանք էր ստացել: Ձայն էր, որ լսվում էր ամեն մի թուփի տակից, ամեն մի ծառի վրայից: Մեկը կանչում էր.— կթոցը լցվե՛լ է, եկեք տարե՛ք. մյուսը բղավում էր.— քաղլակները լցվել ե՛ն, շուտ արեք, կթոցը բերե՛ք:

Մանր երեխքը փոքրիկ թռչունների պես անդազար դես ու դեն էին ընկնում, ամեն ճութից մի հատիկ պոկում, համը տեսնում, և որովհետև էլ ոչ ախորժակ ունեին և ոչ փորներումը տեղ, մյուս մրգեղենների ծառերի վրա էին մազլցում, կերածը մարսում, նրանց համն էլ տեսնում: Մեկը բարձրանում էր խնձորենու վրա, մյուսը՝ սերկևիլի, երրորդը՝ տանձի. ավելի ճարպիկները բարձրանում էին ընկուզենու վրա և կապկի պես ճղնեճյուղ ոստոստալով ուղում էին միմյանց բռնել:

Բարեսիրտ պտուղները ամենքն էլ ժպտում էին տղայոց երեսին, ամենքն էլ ձեռով անում, կանչում երեխաներին, երբեմն էլ կարծես գիտությամբ, տերևների տակին թաք էին կենում, մեկ էլ հանկարծ երեսները բաց անում, երեխաներին «ծյուկ» անում:

Ճաշի ժամանակը հասավ: Ամենքն էլ հավաքվեցին մեծ ըն-

կուզենու տակը. հացը, խաշլամեն փռեցին կանաչ խոտի վրա և երկարումեկ բոլորվեցին նրա շուրջը: Բայց ո՞վ ուներ ախորժակ հաց ուտելու: Միծաղ, խնդություն, զվարթություն, հանաքներ անել — այս էր նրանց ճաշը:

Ճաշից հետո էլի մի քիչ քաղեցին և երեկոյին բոլոր քաղվորները մի-մի քաղլակ խաղողով լցրին, իրանց հետ տարան: Այսպես շարունակվեց երեք-չորս օր, և ամեն օր մի նոր ուրախություն, մի նոր զվարճություն էինք սարքում...

1884

ՁՄԵՌ

Ձմեռը գալիս է թե չէ, նրա առաջին ամեն ինչ դողողում, սարսոտում է: Գթառատ ձյունը միայն մերկացած գետնին օգնության է հասնում, իր հաստ վերմակով նրան ծածկում և այսպես պաշտպանում նրան ձմեռվա դառնաշունչ ցրտերից:

Կրակը դառնում է մի շատ սիրելի առարկա և ամեն բանից ավելի հարկավոր: Ով որ դրսից տուն է մտնում, ամենից առաջ կրակին է բարևում:

Ջրավորների ապրուստը տարվա ոչ մի եղանակին այնքան դժվար չի լինում, ինչպես ձմեռը: Մեկի վառելիքն է հատնում, մյուսի ուտելիքը, մեկը տաք հագնելիք շունի, մյուսը ապահով բնակարան: Քուրսին ու մանդալը թեպետ տաքացնում են դրանց, բայց շատ անգամ էլ իրանց ածխահոտովը գլխները շարունակ ցավացնում: Այո՛, ածուխի կապույտ ծխից պետք է շատ և շատ զգույշ կենալ: Քանի՛ քանի մարդիկ են մեռել նրանից, քանի անգամ ամբողջ ընտանիքով, մի գիշերվա մեջ, քնած ժամանակ թմրել, կոտորվել են: Ածուխի կապույտ ծուխը մարդասպան է, երբ ամեն կողմից փակված տեղ է գտնվում:

Ձմեռվա եղանակին պետք է ունևորները հիշեն շունևորներին և նրանց օգնեն ինչով որ կարող են:

Պինդ ձմեռը վայրենի անասուններին ավելի է վնաս տալիս, քան թե մարդկանցը. գյուղացիներն ավելի են նեղություն քաշում,

618

քան թե քաղաքացիք. բայց եթե գյուղացիք մի փոքր կրթում և աչքաբաց լինին, ձմեռը նրանց ոչ մի վնաս չի տալ և նույնքան օգտակար կլինի, ինչքան մյուս եղանակները:

Թեպետ ձմեռը համարվում է երեք ամիս, բայց լեռնային տեղերում մինչև հինգ ամիս պինդ ձմեռն է լինում:

Ձմեռվա ամիսներն են — դեկտեմբեր, հունվար և փետրվար:

1884

ԹՈՒԹՎԱԿՆ ՈՒ ՍՈՒՆԱԿԸ

Մի թուփակ տան մեջ այնքան ճղղաց, շվշվաց, որ տանուտերը դուրս անել տվավ նրան:

Թուփակի ինքնասիրությանը դիպավ այս բանը, և նա սկսեց գանգատվել սոխակին, որ եկել էր նրան տեսնելու:

— Աչքիս լույս,— ասաց թուփակը սոխակին,— ես լսել եմ, որ դու լավ վարպետ ես երաժշտության մեջ. խնդրեմ լսես իմ երգերը և ասես ինձ, թե ինչ պակասություն կա նրանց մեջ, որ իմ տիրոջը չեն դուր գալիս: Նա շատ սիրով լսում է արտույտին ու ծիծեռնակին, որոնց երգածը մկան ծվծվոցի է նման, բայց հենց որ ես եմ երգում և իմ բոլոր ճարտարությունը ցույց տալիս, իսկույն հրամայում է, որ ինձ հեռացնեն:

— Շատ լավ,— ասաց սոխակը,— երգիր, տեսնեմ ինչպե՛ս ես երգում: Ես ուրախությամբ կլսեմ քեզ պես սիրուն թռչունի երգը:

Թուփակն սկսեց իր բոլոր ճարտասանությունը թափել.— հավի պես կշկաց, շան պես հաչեց, կատվի պես մլավեց, մի խոսքով՝ կրկնեց իր բերան արած բոլոր բառերն ու երգերը:

— Այժմ, սիրելիս,— ասաց նա սոխակին,— խնդրեմ ասես, դու լսած կա՞ս մի այսպիսի բան երբևիցե:

— Սիրուն թուփակ,— պատասխանեց սոխակը.— դու ինձ կներե՞ս, եթե ես քեզ մի համեստ նկատողություն անեմ: Դու երգում ես ուրիշների նման, ուրիշների ձայնով, ուրիշի երգեր ես երգում: Եթե դու ունենաս քո սեփական երգը, էլ քեզ տանից դուրս չեն անիլ:

1884

619

Երկու կամակոր այծ դեմ առ դեմ եկան մի նեղ գերանի վրա, ուր կամուրջ էր ձգված մի գետակի վրա:

Երկուսը միանգամից շէին կարող անցնել այդ նեղ կամուրջով, պետք է նրանցից մեկը ետ կանգներ և մյուսին ճանապարհ տար:

— Դու ետ գնա, որ ես անց կենամ,— ասաց մեկը:

— Ինչո՞ւ դու ետ չես քաշվում, քան թե ինձ ես առաջարկում,— պատասխանեց մյուսը:

— Քեզ ասում եմ, ետ քաշվիր, առաջ ես եմ բարձրացել կամուրջի վրա:

— Ներողություն կանես: Գիտե՞ս ում հետ ես խոսում, որ դեռ բարկանում էլ ես:

Այժմերը ճակատ-ճակատի զարկեցին, իրար գլուխ պատռեցին, և վերջը երկուսն էլ կամուրջից սայթաքեցին, ջուրը թափվեցին:

1884

ՄԵՐ ԴՈՒՐՍՈՒՆԸ

(Մանկական հիշողությունից)

1

Մենք գոմեշներ շատ ունեինք՝ մինը քան զմյուսը գեղեցիկ և վայելչակազմ, բայց ամենին գերադանցում էր Դուրսունը՝ ոչ միայն յուր գեղեցկությունով, այլև յուր ուժովը, յուր խելթովն ու ճարպիկությունովը:

Բնավորության կողմանե մարդկանց պես անասուններն էլ են տարբերվում միմյանցից: Նրանցում էլ մեկն ավելի աշխույժ է լինում, մյուսը դանդաղ, մեկը սրտոտ, մյուսը վախկոտ, մեկը

բթամիտ, մյուսը սրամիտ: Մեր Դուրսունը գոմեշների բոլոր լավ հատկություններն ուներ:

Դուրսունը գեղեցիկ էր իբրև գոմեշ, և շատ գեղեցիկ: Նրա հայացքի մեջ ամեն ինչ արտահայտվում էր, երբեմն ուրախություն և հաճույք, երբեմն զարմացք և տխրություն, երբեմն զայրույթ և բարկություն, երբեմն խելք և ուշիմություն: Երբ որ նա կանգնում էր իբրև մի առյուծ, պոչը շարտում գցում մեջքի վերա, վիզը թեքում և նայում երեսիս, ես մնում էի հիացած, թեև անգիտակցաբար:

Նա ամեն բան հասկանում էր, ամեն ասած՝ լավ ըմբռնում էր. կանչում էիր՝ պատասխան էր տալիս. ափսոս միայն, որ յուր միտքն ու զգացմունքը հայտնելու համար միայն շորս ու հինգ բանաձայն ուներ, այն էլ այնպես դժվար արտասանելի, որ մեր տաներով չեն գրվում:

— Դուրսուն, հասկանո՞ւմ ես, ինչ եմ ասում,— հարցնում էի շատ անգամ:

— Վուլի՛,— պատասխանում էր Դուրսունս և պռչկում: Ինչքան քաղցր էր նրա պռչկալը:

— Դուրսուն, արի՛ ախտեղ:

Դուրսունը հասկանում էր միտքս: Գալիս էր մոտս, ցածրացնում էր գլուխը, ես երկու ոտքով կանգնում էի վերան, և նա բարձրացնում էր դնում մեջքին:

Բայց ինչո՞ւ Դուրսուն էր անունը, գուցե կհարցնեք, որ մի գեղեցկահնչյուն անուն չէ և ոչ իսկ հայերեն: Ես այդ բառը կբացատրեմ ձեզ, եթե չեք ձանձրանալ:

Մեզանում վաղուց սովորություն է դառել կենդանիներին թուրքերեն անուն դնելը, շատ սակավ դնում են և հայերեն անուններ: Բայց թե՛ թուրքերենը և թե՛ հայերենը ըստ մեծի մասին կենդանու արտաքին հատկությունիցն են վերցնում: Աննշան սև գոմեշին ասում են Ղարա (սևուկ), եթե ճակատը դաշայ է, սպիտակ նշան ունի, ասում են Թափալ (դաշղա, նշանավոր), եթե կրծքին կամ վզին շեկ կամար ունի՝ Հեքյալ և այլն: Գոմշակովերին ջոկ անուն են տալիս ու այն ավելի քնքուշ, ինչպես Մարջան (բուստ), Թելի (հունավոր), Շեկիկ, Թուխժամ և այլն: Եզներին ու կովերին էլ ուրիշ-ուրիշ անուններ են տալիս: Այս անունների ընդհանուր կանոնից դուրս է Դուրսուն անունը, թեև բացառություն չէ: Դուրսունը թուրքերենի մեջ նույնն է, ինչ որ մեզանում մնացական բառը: Մնացական են անվանում այն երեխաներին, որոնք իրենց ծնողաց

միակն են լինում, որոնցից առաջ ծնվածները ապրած չեն լինում: Այս տեսակ պատճառից է հառաջ եկել և մեր Գուրսուն-մնացականի անունը:

2

Գ ու Ր ս ու Ն ը ի բ Ր և բ ե ո ն ա կ ի Ր: Ամեն անգամ սար զընալիս և այնտեղից դառնալիս իմ ձին Գուրսունն էր: Մեծ թաղիքը (ալաշուխի քեչան) ծալում զցում էինք վերան, երկու ջվալ էլ ամանշամանով լցնում, բարձում, ես էլ մեջին նստում էի և ճանապարհ էինք ընկնում դեպի սար: Նա ինձանից լավ էր իմանում ճանապարհը և լավ էլ հասկանում էր, թե ուր են ուղարկում: Շատ գոմեշներ առունների ու ցեխոտ լճակների մոտով անցնելիս, արևի շողից և ճանճ-բոռից նեղանալով՝ ընկնում էին գյուղերի մեջ և ցեխի մեջ թավալվելով՝ բեռներն ապականում էին և մեջի ամանները կոտորատում: Գուրսունն նրանց օրինակին չէր հետևում: Նայում էր նրանց և գլուխը շարժում, որով պախարակում էր նրանց արարմունքը: Անտառ մտած ժամանակն էլ՝ շատ գոմեշներ ծառերին էին քավում, ցածրացած ճղների տակովն էին անցնում, որ իրենց բեռներից ազատվին, բայց Գուրսունը այդպես բան չէր անում, թեև խորամանկության գալով՝ նա կարող էր ամենին դաս տալ: Երևի նրանք մի ուր ունեին իրենց տերերի դեմ, բայց մեր Գուրսունը այդպիսի պատճառ չունեի, քանի որ նա մեր ամենիս սիրելին էր և ամենքիցս փաշիայված: Հայրս նրան ճանապարհ ձգելով՝ ասում էր. «Տես, Գուրսուն, քեզ եմ պահ տալիս այս բեռն էլ, այս երեխեն էլ, պիտի անվտանգ տեղ հասցնես»:— Վույի՛, պատասխանում էր Գուրսունը և իր խոստումը կատարում ամենայն հավատարմությամբ: Նա գլուխը քաշ զցած բուրբ ձիավորների առջևն էր գնում, այնքան արագաքայլ էր. թեև մասամբ էլ նրանից էր այդ, որ ինքը մեզանից շատ էր ցանկանում ժամ առաջ հով ու գով սարերն ընկնել ու ազատվել ճանճ ու մժեղից:

3

Գ ու Ր ս ու Ն ը ի բ Ր և պ ա հ ա պ ա ն: Գոմեշները առհասարակ գայլերից երկյուղ չունին: Գայլերը գիտեն, որ գոմեշներն իրենց ժանիքի բանը չեն, և այդ պատճառով նրանց մոտենալ չեն հանդրգ-

նում: Այդ բանը գիտեն և տավարները, այդ պատճառով գոմեշներին մոտ իրենց միշտ ապահով են զգում: Գուրսունը իբրև պահապան և պաշտպան տավարների՝ շատ գոմեշների դերագանցում էր յուր ասպետական քաջագործությունով: Գայլերի հարձակումներից նա ոչ միայն այն ժամանակն էր պաշտպանում տավարներին, երբ որ նրանց մոտն էր լինում, այլ հեռու եղած ժամանակն էլ, երբ որ ականջն էր հասնում հայտնի վտանգավոր գոտոցը, նա մի ակընթարթի մեջ կատաղի վագրի պես վազում էր և օգնություն հասցնում սարսափած նախիրին: Նա շատ անգամ հարձակվում էր սովից հանդրգնացած գայլերի վրա ու նրանց եղջերահար և ոտնահար անում: Նրա օրի: ակին էին հետևում և մյուս գոմեշները, և այսպիսով հաղթությունը միշտ իրենց կողմն էր մնում: Այսպիսով հաղթություններից հետո տավարները միշտ մոտենում էին Գուրսունին և հոտոտում նրանից, դրանով նրանք հայտնում էին իրենց շնորհակալությունը:

4

Գ ու Ր ս ու Ն ը ի բ Ր և ը մ բ ի շ: Գոմեշների մենամարտությունը մի դարձուրելի տեսարան է: Մենամարտության ժամանակ մեր Գուրսունը յուր խելքը կորցնում էր՝ ոչ խելքով, ոչ ծեծով ուշքի չէր բերվում, այլ ավելի ևս տաքանում էր և դառնում մի կատաղի գազան: Յուր ծանոթ գոմեշներից ոչ մեկը նրան չէր մենամարտում, փորձով գիտեին, թե ինչ գազանի հետ գործ ունին, բայց եթե հանդիպում էր նրան մի անծանոթ և յուր ուժի վերա մեծ համարում ունեցող ամբարտավան գոմեշ, նրան խրատում էր Գուրսունը և շատ անգամ ճանապարհ ձգում ուղղակի դեպի մյուս կյանքը:

Մեկ անգամ մի օտար անծանոթ գոմեշ հեռվից նկատելով Գուրսունին՝ իր քայլերն ուղղեց դեպի նա, բայց այնպիսի մի ձևով՝ որ կարծես գետինը պիտի դողդողա իր ոտների տակ: Այդ ձևը շատ հարմար էր գալիս նրա հսկայամարմին հասակին: Նրա եղջյուրները երկարումեկ ձգվել էին վզի ուղղությամբ և հասել մինչև էրաթաթերը: Ամբողջ ճակատը բաց և դուրս պրծած էր, ինչպես մի ահագին թումբ: Սրա հակառակ Գուրսունի եղջյուրները դեպի առաջ էին թեքված և կեռացած, որ հարկավոր դեպքում վահանաձև գլխի երկու կողմից նիզակների պաշտոն կատարեն:

Անծանոթ գոմեշը քիչ-քիչ մոտենալով կանգ առավ, վիզն սկսեց ծաղրական ձևով ծոմոնել, գլուխը թեթեց դեպի վեր և բարձրից մի արհամարհական հայացք ձգեց Դուրսունիս վրա: Դուրսունը անշարժ նայում էր անծանոթի վերա, բայց այնպես, որ կարծես ասում լիներ յուր մեջ.— Այս հիմարն ի՞նչ է ուզում ինձանից: Անծանոթը շարունակելով յուր ծամածուծությունները, սկսեց մոտենալ:

— Վղղղ,— ասաց Դուրսունը, իբր՝ հասկացա թո միտքը, համեցեք, ես պատրաստ եմ, և յուր գլուխն սկսեց ավելի ևս բարձրացնել և խեթ-խեթ նայելով դիմավորեց անծանոթին կողմնակի ճանապարհով: Գոմեշներն սկսեցին իրար նայելով մի ձվաձև պտույտ անել և շրջանը քիչ-քիչ փոքրացնելով հանդիպեցին իրար և գլուխ-գլխի զարկեցին:

Սովորաբար մի րոպեի մեջ գոմեշներն իրար հասկանում են: Եթե կովոզներից միինը համեմատաբար թույլ է, նա առանց կատաղեցնելու յուր հակառակորդին՝ իսկույն հեռանում է, իսկ եթե ուժ ուժի է հանդիպում՝ կոհիվը շարունակվում է և հետզհետե այնպես է թնդվում, որ էլ բաժանել չի լինում, և տևում է շարունակ մի քանի ժամ: Դուրսունը, թեև զորավոր հակառակորդի էր հանդիպել, բայց փախուստ սովորներից չէր: Նա իր կեռ-կեռ պոզերով հակառակորդի ականջատակերին ու քթին խփելով ու վիրավորելով ավելի շուտ զայրացրեց և կոհիվը շատ շուտով թնդացրեց: Հակառակորդը մի քանի անգամ շոթեց, բարձրացավ, տեսավ, որ բանը վատ է գնում, բայց ուշ էր, էլ ետ դառնալ չէր կարող, անճարացած մինչև վերջը պիտի տաներ Դուրսունի հարվածները: Վախենում էր ետ քաշվիլ, որովհետև իր կատաղած թշնամին օգուտ քաղելով այդ հանգամանքից կարող էր նրան մահացու հարված հասցնել: Գլուխը մի տեսակ վահան է, որով գոմեշը թե՛ կովում և թե՛ պաշտպանում է իրեն. գլուխը հեռացնելուց հետո՝ նա դինամիթի է լինում ու մնում է անպաշտպան թշնամու հարձակմունքից: Եթե փախչելու էլ լինի, պետք է այնպես շուտ և արագ կատարե այդ բանը, որ թշնամին չկարողանա հետևիցը հասնել: Այս անգամ մեր օտարական գոմեշը լավ երազ չէր տեսել: Նա երկար ընդդիմանալուց հետո փախչելու փորձ արավ, բայց կատաղած Դուրսունը հասավ նրա հետևից և իրեն հատուկ գոմեշային ուժով այնպես խփեց նրա փորին, որ խեղճը գլորվեց տակառի նման և ձորաբաշից ցած ընկնելով շարժվեց իր եղավ: Գոմեշի տերը, որ մի խեղճ գյուղացի էր, շատ ուշ վրա հասավ: Բայց մեր գյուղացիք նորան չթողեցին

շինքը ծուռ, իսկույն իրենց մեջ փող ժողովեցին և նրա համար մի գոմեշ առան: Այդ բանում իմ հայրս ավելի օգնեց, որովհետև մեղապարտը մեր Դուրսունն էր:

Դուրսունը լինելով քաջ ըմբիշ, միևնույն ժամանակ և ուժեղ լծկան էր: Հարկավոր էր արդյոք դժվար տեղից մի հսկայական գերան դուրս քաշել, ցեխում և զառիվայրի տակ մնացած ծանր սայլը վերև հանել, կարճ «առավել» ունեցող հողի ակուր մի լծով տեղ հասցնել. ահա այդպիսի նեղ և դժվար տեղերում Դուրսունի օգնությունը անհրաժեշտ էր: Այդպիսի ծանր ուժ հարկավոր եղած տեղերում, Դուրսունի կողմի լծակաբաժինը միշտ կարճացնում էին, որ ասել է ծանրության երկու բաժինը միշտ նրան էին տալիս, որ ընկերը կարողանա հետը քաշել: Նա դալբ չէր. դժվարությունից փախա տալու համար շատերի պես սամիք չէր կտրատում: Նրա ժամանակ գյուղումն էլ տուն չմնաց, որ Դուրսուն անունով մի շիշակ շունենար: Ամենքն էլ անտեղի կերպով իրենց գոմշաձագերի անունը Դուրսուն էին դնում, որ նրա պես քաջ, նրա պես խելոք և ուժեղ լինի:

5

Դուրսունի վարքը: Լավ վարք ու բարք ունենալը շատ օգտակար բան է:

Գողութայն սովոր շունը պահող չի ունենա, դալբ եզը շուտով սպանդանոց կուղարկվի: Մեր Դուրսունը իր կյանքի վերջին օրերում, իր ավելի խելահաս ժամանակը մի տարօրինակ բնավորություն ստացավ: Նա սկսեց գողություն անել և այն էլ ոչ թե գոմշավարի, այլ մարդավարի, հասկանալով, որ իր արածը մի արգելված բան է: Շատ անգամ կեսգիշերին վեր էինք կենում և տեսնում, որ Դուրսունը տավարի մեջ չէ: Երկյուղ շունենալով ո՛չ գայլից և ո՛չ գողից, էլ չէինք փնտրում, հուսալով, որ ցերեկով կերևա: Բայց, ընդհակառակը, Դուրսունի կորուստը մինչև ցերեկ չէր տևում, նա դեռ լույսը չբացված՝ էլի գալիս էր իր տեղը նստում, որպես թե ոչ մի տեղ գնացած չլինի: Սրա վերա հայրս ասաց, որ Դուրսունը գնում է գողութայն, բայց դա վտանգավոր բան է, կարող են սպանել, հարկավոր է գիշերները կապել: Հորս նախազգուշությունը

երբեմն կատարում էինք և երբեմն մոռանում, բայց լավ ստուգեցինք, որ հիրավի մեր Դուրսունը, ամեն անգամ կեսգիշերին վեր է կենում սուսուփուս, կամաց-կամաց, առանց շփլթուն հանելու, բոլորովին գողավարի և գնում հարևան թուրքերի կորեկները մտնում, լավ արածում և գալիս էլ ետ իր տեղը նստում:

Մի գեղեցիկ լուսնյակ գիշեր ձի հեծա գնացի Դուրսունին գտա կորեկի մեջ: Նա այնպես էր արածում, ինչպես մի վայրենի. ամեն մի փունջ հակոսելիս՝ գլուխը բարձրացնում, այս ու այն կողմն էր նայում, որ ապահով լինի, թե՛ իրեն տեսնող չկա: Ինձ իսկույն նկատեց և այնպես դուրս ընկավ արտիցը, ինչպես մի եղջերու, և մինչև տուն մի շնչում վազեց:

Կորեկները հնձելուց հետո նա սովորություն արավ մտնել այգիքը: Այգի մտնելիս՝ շափարը չէր ճմոռում, որ ձայն լսվի, այլ փնտրում էր ցածր տեղ և կապիկի ճարպկությունով ոտնոտ վրայից: Սրա վերա շատ շանցավ, մեր Դուրսունը գողության պատիժը ստացավ, ըստ որում ասած է՝ «Տատն ամեն օր գաթա չի ուտի»:

Մի առավոտ՝ տավարը հանդ տանելու ժամանակ, Դուրսունիս գտա արյունի մեջ շաղախված: Սկսեցի բղավել—վա՛յ, ա՛մի, վա՛յ, աղի... Ամիս ու ազիս եկան և գննելով տեսան, որ Դուրսունի հետևի աջ օմբին այնպես են խփել կացնով, որ մինչև քուփը ներս է գնացել: Հայտնի էր, որ մի որևիցե բաղում է պատահել այդ չարագործությունը, բայց ո՞վ կասեր, որ ինքն է արել: Սկսեցինք գեղուդուղ անել, և վերքը շատ ուշ լավացավ: Այնուհետև մեր Դուրսունը այլևս գողության չգնաց և իր խփողին էլ վերջ ի վերջո ինքը գտավ:

Մեկ անգամ տավարը տանում էի դեպի առուն ջուր տալու երբ որ հասա առվի ափը, մի կնիկարմատ նոր լցրել էր կուժը և ուզում էր վերադառնալ: Բոլոր տավարները վրա ընկան ջրին, իսկ Դուրսունը այդ կնկանը տեսավ թե չէ՝ իսկույն դուրս ընկավ տավարի միջից և մի քիչ տեղ փախչելով՝ ետ դառավ և սկսեց աչքերը պլշացնել կնկա վերա: Կնիկն այնպես վախեցավ, որ կարծեց, թե հիմի ուր որ է Դուրսունը պիտի իրեն ոտնատակ տա:— Ա՛՛ գոմեշ, ինչի՞ ես էդպես մտիկ տալիս, ես խոմ չեմ խփել քեզ,—ասաց կնիկարմատը: Ես այդ կնկանից Դուրսունի շափ վախեցա, ըստ որով նրանից ամեն բան սպասելի էր: Վերադառնալով տուն, այս անգամ պատմեցի մորս: Վերջն ստուգվեց, որ Դուրսունին կացնով խփողը հիշյալ կնիկարմատն էր եղել:

Դուրսունի մահը: Մեր Դուրսունը դեռ մի առույգ հասակի մեջ էր, մի սարսափելի ցավ եկավ և անխնա կոտորեց բոլոր տավարներին: Ահա այդ ցավին զոհ գնաց և մեր Դուրսունը: Մեր գիտցած բոլոր հնարները գործ դրինք՝ թե արյուն առնել էր, թե՛ սառը ջուր ածել վերան, թե՛ սուրբի շրս կողմը պտտեցնել, թե՛ սուրբ հող և օրհնած աղ ուտեցնել, թե՛ մատաղ անել և ճրագ վառել, բայց բոլորը զուր անցավ, Դուրսունը չփրկվեց: Ես հիշում եմ նրա հիվանդութունը, նրա քաշած շարշարանքը, նրա աղիողորմ նայվածքը: Այդ տարին քառասուն գլուխ տավար կոտորվեց մեր տավածքը: Այդ տարին քառասուն գլուխ տավար կոտորվեց մեր տանից, բայց մենք ամենքս լաց եղանք միայն Դուրսունի վերա, այն-հանից, բայց մենք ամենքս լաց եղանք մարմնու հետ, ասլ բան սիրելի էր նա: Հայրս նրա գլուխը շթաղեց մարմնու հետ, ասլ կաշվից ու մսից մաքրելով շոր գազաթը ցցեց Աղալի փլրի վերա:

Լավ կենդանի է գոմեշը և շատ օգտակար, բայց մենք մեր ունեցած բաների արժեքը ճանաչել չգիտենք: Խելոք եվրոպացիների մոտ հիմար անասուններն էլ խելոք են, իսկ մեզ մոտ մեր իմաստուն անասուններն էլ են հիմարանում, սրովհետև մենք չգիտենք նրանց գրավել, կրթել, խնամել:

1884

ՄԵՐ ԿԱՐՄԻՐ ԶԻՆ

(Հիշողություն)

1

«Լավ ձին մի մուրազ է», ասում է հայկական առածը: Ես մեր փամանակում շտեսա, որ խեղճ մարդը, մշակ ժողովուրդը, գյուղացին մի լավ բան ունենա, մի լավ տուն, մի լավ դարդ, մի լավ ձի է բայց նրա խոսք ու զրուցից երևում է, որ մի փամանակ նա էլ է ունեցել շատ լավ բաներ, լավ տուն ու տեղ, լավ ապրանք, լավ

արդուզարդ: Այդ եղել է երևի այն ժամանակ, երբ երկիրը տեր ու տիրական չի ունեցել, մարդիկ ապրել են ով ինչպես ուզեցել է:

Եվ ում որ երազումը տեսնում են լավ ձի հեծած, ասում են՝ նա իր մուրազին կհասնի: Հարցրու քսան-քսանհինգ տարեկան գյուղացի երիտասարդին, թե ի՞նչ կփափագեիր ունենալ, կասե՛ մեկ լավ ձի ու լավ զենք: Ծերերը երիտասարդանում են՝ լավ ձի նստելիս: Ով մի հոգեկան վիշտ ունի, ցանկանում է մի լավ ձի ունենալ և նրանով քամունք տալ սրտի ցավերը:

Իմ հայրս լավ ձի ճանաչող էր, նա իմանում էր լավ ձիու բու-լոր նշանները, գիտեր և լավ թալիմ տալ, այսինքն՝ կրթել, մարզել: Հորս այս հմտությունից օգտվում էին և իր դրացիք, ձի գնելիս՝ միշտ նրա խորհրդին էին դիմում: Հորս շնորհիվ վատ ձի չեմ տեսել ես մեր տանը, բայց մեկը մի կարգե դուրս բան էր. նա իսկա-կան Քյոհլան էր, այսինքն՝ թռչկան, և հայրս գտել էր նրան պա-տահամամբ: Եվ ահա ինչպես:

Մեկ տարի մեր գյուղի հացը շատ պակաս էր: Գյուղացիք տունը մեկ մարդ վեր կացան գնացին Ախալքալաքի և Շիրակի գյուղերը՝ հունձ անելու հնձավարձով: Հնձավարձ են ասում, երբ հնձի վարձն առնում են ոչ թե փողով, այլ իրենց հնձածից. քսան խուրձից 4 կամ էլ ավել խուրձ: Այսպիսի դեպքերում գյուղացիք գիտեն ավելով շահել, որովհետև այդ բախտը կարող է իրանց վիճակվել. մի տարի էլ իրանք կերթան նրանց արտերը հնձելու:

Ահա այստեղ հայրս տեսնում է մեկի տանը մի նիհար քուռակ, մորից որբ մնացած, արտաքուստ ամեն շենք ու շնորհքից զուրկ և կարծես բարակացավով տանջվելիս լինի: Հասակով էլ լինում է 5—6 ամսական: Հայրս զննում է քուռակը, նայում է ոտ ու գլխին, աէանջներին, վզին, բաշ ու պոչին, ինչպես բժիշկը կզննի իր հի-վանդին և քյոհլա ասված ցեղի բուլոր նշանները գտնում է այս քուռակի վրա, թեև դեռ լավ չզարգացած: Հարցնում է հոր ու մոր մասին, ասում են՝ չենք տեսել, մենք էլ մի տաճկից ենք առել, փոխարենը մի գառը տալով, բայց հիմա տեսնում ենք, որ սա ապ-րելու չէ:

Հայրս ասում է՝ սա կապրի, եթե լավ պահող ունենա. և եթե ինձ տաք, ես հինգ մանեթ կտամ:

Ասում են՝ քեզ փեշքեշ, կուզես փող էլ մի տուր: Մեզ մոտ սա չի ապրի:

Քուռակը բարեփոխվում է: Ես վեց տարեկան էի, որ հայրս մի քուռակ բերավ հեռու տեղից: Այդ քուռակը նիհար և բրդոտ հորթի տպավորությույն էր անում: Բայց շանցավ մեկ թե երկու ամիս՝ այդ տգեղ մորթու միջից դուրս եկավ մի շատ գեղեցիկ կարմիր ձիուկ, սիրուն, զվարթ և խելոք աչքերով: Սկսեց խաղալ մյուս քուռակների և նույնիսկ հորթերի ու երեխաների հետ: Սկսեց ճանաչել ամենքին էլ և ընտելանալ ամենքի հետ: Իսկ հորս տեսնելիս՝ մոտենում էր նրան, ինչպես ամեն ձագուկ իր մորը: Իսկ հայրս փաղաքշում էր նրան և օրը երկու անգամ թիմարում, — քորիչով ու սրբիչով բուրբ մարմինը մաքրում:

Հայրս ասում էր, սա՛ թևեր ունի, բայց դրանք ներսումն են, դրսից չեն երևալ: Մենք ուրիշ ձի էլ ունեինք, ուրիշ քուռակներ էլ իրանց մայրերի հետ: Այս նորը նրանցից նույնպես էր տարբերվում, ինչպես բազեն աղավնուց: Ամենքիս համար նկատելի էր այդ խոշոր տարբերությունը կազմվածքի կողմից, իսկ քայլելիս մյուս-ների նման շրեքթաթ չէր տալիս, այլ լողում էր օդի մեջ այնպես, ինչպես ձուկը ջրումը:

Ամեն մարդ մի ջոկ տեսակ քայլել ու վազել ունի. այսպես են և անասունները, բայց մանավանդ ձիանը: Ձիաների քայլելու ձևերը ջոկ-ջոկ անուն ունեն: Ամենից լավը անվանվում է յորդա, բայց այս յորդան էլ շատ տեսակ է լինում, սկսած մանրաբայլ յորդայից մինչև խոշորաբայլ յորդան: Կան յորդաններ, որոնք հեծնողին երերում են, և կա էլ, որ անշարժ են պահում այնպես, որ նա կարծում է, թե փափուկ աթոռի վրա է նստած՝ ձին սլանում է օդի մեջ և ոչ գետնի փոփոխություններին: Ահա այս քայլքն է ամենալավը, և սա է հա-խորդուբորդ երեսին: Ահա այս քայլքն է ամենալավը, և սա է հա-տուկ քյոհլանին: Ձին հինգերորդ տարումն արդեն ցույց է տալիս յուր ուրույն քայլքը, իսկ յոթերորդ տարումը հասցնում է վերջին կատարելության:

Մեր Փաշիկոն ի ծնե և ի անն արդեն կատարյալ էր: Եվ ամեն ձիու և ամեն կենդանու հետ էլ քայլում էր նրա նման, իսկ իր նման քայլում էր միայն մենակ ժամանակ: Նա ենթարկվում էր հեծյալի ճաշակին. նա քյոհլան էր, երբ հայրս էր հեծնում կամ մեծ եղ-բայրս: Երբ մայրս էր հեծնում, նա դառնում էր պսակ գնացող հարս: Երբ հեծնում էի ես, որ տանեմ ջուրը, նա իմ կամքին չէր ենթարկվում և ավելի նա էր ինձ տանում ջուրը, քան թե ես նրան:

Ճանապարհին կանգ էր առնում, որտեղ ուզում էր: Շատ անգամ նույնիսկ շեղվում էր ուղիղ ճամփից և մի ուրիշ տեղով էր գնում, և այսուամենայնիվ ինձ պահում էր վրան և անվնաս տուն հասցնում:

Նա իր թռչկանությունը իրացրեց 1847 թվականին, երբ խոլերայի համաճարակ կար: Այդ տարին մեր տերտերը խոլերայից բռնվեց, հարկավոր էր դեղ և սառույց բերել քաղաքից: Հայրս առավոտը 4 ժամին դուրս եկավ և 12 ժամին դեղն ու սառույցը հասցրեց: Երկու ժամ հանգստացել էր ճամփին, ապա վեց ժամում անցել էր 172 վերստ: Հայրս ասում էր, եթե ուզենայի, ավելի շուտ կգայի, բայց շատ էր շոգ, վախեցի ձին վնասվի: Թույլ տվի, որ կամքովը գա: Եվ իրավի՛ ձին այնպես վերադարձավ, որ կարծես երկար ճամփից չլիներ եկած: Բայց տերտերը մահի ճանկից չփրկվեց և իբրև քավություն նոխազ միայն նա մեռավ մեր գյուղումը:

1884

1890—1911

ԳՅՈՒԼՆԱԶ ՏՍՏԻ ԹՈՌՆԵՐԸ

Մեկ անգամ Գյուլնազ տատին շրջապատեցին իր թոռները և ստիպեցին, որ տատը թռչնիկներ շինի նրանց:

Տատն էլ վեր առավ փոքրիկներից մեկին, դրավ ծնկան վրա, երկու ձեռքից բռնեց և վեր ու վայր թափ տալով երգեց.

Ղո՛ւ-ղո՛ւ-ղո՛ւ, ա-ղո՛ւ-ղո՛ւ,
նա՛հ, նա՛հ, ա-ղու-նա՛հ, թը՛ռ...

Հետո մի ուրիշն ընկավ տատիկի գիրկը և ասաց.
— Տատի՛կ ջա՛ն, տատիկ, ինձ էլ մի կաշաղակ շինե՛ս...
Տատիկը նրան էլ դրավ ծնկներին և առաջվա պես երգեց.

Չա՛-չա՛-չա՛ կա-չա-չա՛,
Ղա՛հ, ղա՛հ, կա-չա-ղա՛հ, թը՛ռ...

— Տատի՛կ ջան, տատիկ, ինձ էլ մի ծիտիկ շինե՛ս,— ասաց ամենից փոքրիկը:
Տատիկը նրան էլ վեր առավ և վեր ու վայր թռցնելով՝ երգեց.

Միա եմ, ծիտ եմ, ծվլում եմ,
Մի՛վ, ծի՛վ, ծի՛վ.
Ոստոստում եմ, թռչկոտում եմ,
Տի՛վ, տի՛վ, տի՛վ:
Արի՛, թի՛հ, արի՛, փետրիկ,
Որ ես դառնամ փոքրիկ ծիտիկ,
Փոքրիկ ծիտիկ, պի՛ծիկ-մի՛ծիկ, թը՛ռ...

1890

ԳՅՈՒԼՆԱԶ ՏՍՏԻ ՀԵՔԻԱԹԸ

Ա

Չմեռն էր՝ գիշերը երկար:
Գյուլնազ տատիկը՝ զլուխը քուրսու վրա դրած՝ ննջում էր: Մանուկները վրա թափվեցան, քունը փախցրին և ստիպեցին, որ իրանց համար մի հեքիաթ ասի: Նա էլ սկսեց.

— Եղել է չի եղել՝ մի սիրուն արտուտիկ:
Կտուցը սուր՝ մեր Արշակի քթի նման:
Թևերը փափրիկ՝ Շողիկի կունբրի նման:
Բմբուլը խուճուճ՝ Տիգրանի մազերի նման,
Ահա այսպես սիրուն էր արտուտիկը:
— Բա ինձ նման ոչինչ չունե՞իր,— ասաց Վանին:
— Բա ի՞նձ,— ձայն տվավ Հռիփսիկը:

— Ինձ էլ շասացիր,— լաց էլավ Նազիկը:
— Սպասեցեք, սպասեցեք, երեխեք, դեռ չեմ վերջացրել ամենքիդ էլ բաժին կտամ,— ասաց տատիկը և շարունակեց.
— Աչիկներն այնպես նախշուն էին, ինչպես Վանիկի աչքերը:
— Կատարն այնպես կարմիր էր, ինչպես Հռիփսիկի թշերը:

— Ոտներն այնպես բարակ էին, ինչպես նազիկի մատները:
 — Ես ոտները չեմ ուզում,— ասաց նազիկը:
 — Ախ, նազիկ ջան, ես ուզում էի ասել տոտիկները,— ասաց տատիկը:
 — Չեմ ուզում ես, տոտիկներ էլ չեմ ուզում:
 — Բա ի՞նչը կուզես:
 — Աչիկներն եմ ուզում:
 — Աչիկներն ինձ է տվել տատիկը, քեզ չեմ տալ,— գոչեց Վանին:
 — Նազիկ, կուզե՞ս, կատարը դո՛ւ վերցրու, տոտիկները՝ ես,— ասաց Հռիփսիկը:
 — Չեմ ուզում. ես աչիկներն եմ ուզում,— պնդեց նազիկը:
 — Վանի, դու կատարը վե՛ր առ, ես տոտիկները, իսկ նազիկը՝ աչիկները:
 — Ի՞նչ եմ անում կատարը, տատիկն ում ինչ որ տվել է, ա՛յն էլ նրանը:
 — Ճշմարիտ է ասում Վանին,— ամեն կողմից գոչեցին երեխեքը:
 Նազիկը գոհ չմնաց, և վեճը երկար շարունակվեց: Բայց տատիկը չէր լսում. նա գլուխը դրել էր բարձին և քնել, էլ չէին կարող զարթեցնել: Վեր կացան, իրանք էլ մտան տեղերը:

Բ

Մյուս երեկոյին երեխեքը էլի հավաքվեցին տատիկի մոտ, որ շարունակե հեքիաթը: Նա էլ սկսեց.
 — Անցած գարնանը մեր պարտեզի ծառի վրա մի սիրուն կկու կար: Ես նստած էի ծառի տակին, և դուք մեկ-մեկ եկաք ինձ մոտ: Երբ որ Արշակը ներս մտավ, կկուն կանչեց.— Կո՛ւ-կո՛ւ: Եկավ Շողիկը, կկուն կանչեց՝ Պո՛ւ-պո՛ւ: Եկավ Տիգրանը, ասաց՝ Դո՛ւ-դո՛ւ: Եկավ Վանին՝ ասաց՝ Գո՛ւ-գո՛ւ: Եկավ Հռիփսիկը, ասաց՝ Բո՛ւ-բո՛ւ: Եկավ նազիկը՝ կկուն է՛լ ոչինչ շասաց, թռավ գնաց:

— Օ՛խ, օ՛խ, նազիկ, օ՛խ, օ՛խ, կկուն քեզ համար ոչինչ չի ասե՛լ,— միաբերան ձայն տվին երեխեքը:

Նազիկը շատ նեղացավ, թե ինչու կկուն իր համար ոչինչ չի ասել և սկսեց լաց լինել:

Տատիկն ասաց.— Նազիկ, գիտե՞ս՝ ինչու կկուն քեզ համար բան չասաց: Նա վախեցավ քեզ բան ասել: Ինչ որ ասեր, դու չպիտի հավանեիր, ուրիշն էլ իրանը քեզ չէր տալ, ինչպես անցած երեկոյին:

— Տատիկ ջան, տատիկ, որ մեկ էլ կկուն գա, ասա՛ ինձ համար էլ մեկ բան ասի,— աղաչեց նազիկը և այնուհետև շատ խելոքացավ:

ՄԵՂՈՒՆ ՈՒ ՄԱՐԴԷ

Մեղուն մեկ անգամ հարցրեց իր տիրոջը:

— Քո կենդանիներից ո՞րն է ամենից օգտակարը:

— Գիտեմ, դու երևի կարծում ես, թե ամենից օգտակարը դու ես, բայց սխալվում ես,— պատասխանեց տերը:

— Ինչպե՞ս, տեր, ո՞րն է այն կենդանին, որ ինձանից ավելի օգտակար է:

— Ոչխարը:

— Այդ հաշիվ չէ, տեր. ոչխարը իմ հասակակիցը չէ: Նա մի ահագին կենդանի է, իսկ ես մի միջատ եմ: Դու պետք է ինձ իմ ընկերների հետ համեմատես:

— Շատ բարի. շերամը քեզ պես փոքր է, բայց քեզանից շատ օգուտ է տալիս:

— Շերամը ո՞րն է:

— Շերամն այն իմաստուն որդն է, որ մեզ համար աննման քնքուշ մետաքս է շինում:

— Հա՛, իմացա, այդ այն շատակեր ճիճուն չէ՞, որին անդադար կերակրում եք թթան տերևներով:

— Նա ինքն է:

— Բայց գիտե՞ս, տեր, նրա շափ որ մեզ էլ կերակրեք, մենք մեղրի տեղ ոսկի կշինենք ձեզ համար: Գուք ոչ մի կենդանի չունեք, որ իր կերակուրը մեզ նման ինքը լինի շինելիս և ուրիշներին էլ բաժին լինի տալիս: Այնպես չէ՞, պարոնս:

— Այո, այդ կողմից դու ուղիղ ես. մենք դեպի ձեզ շատ ապե-րախտ ենք, որովհետեւ բոլորովին անխնամ ենք թողնում ձեզ...

Մեղուն արախացավ տիրոջ պատասխանիցը և թռավ նստեց վարդենու վրա:

1902

ՄԵՂՈՒՆ ՈՒ ՀԱՎԸ

Հավը Մեղվի վրա ծիծաղելով ասաց մեկ անգամ.

— Ինչ անշնորհք ճանճ ես դու, ամբողջ օրը ծաղկից ծաղիկ ես թռչկոտում և ոչ մի բանի պետք չես դալիս:

— Իսկ դու, հավիկ-մարիկ, ի՞նչ ես շինում,— հարցրեց մեղուն:

— Մի՞թե չգիտես, թե ինչ եմ շինում, ես քեզ նման պարապ-ուարապ չեմ ազտցում: Ծա օրը մեկ ձու եմ ածում, մեկ ձու, գիտե՞ս մեկ ձուն քանիս է:

— Գիտեմ, գիտեմ, հասկացա: Բայց ես մինչև հիմա կարծել եմ, թե դու օրը հարյուր ձու ես ածում:

— Ինչպե՞ս կարելի է օրը հարյուր ձու ածել, անխելք մեղու:

— Ապա եթե քո ածածդ ընդամենը մի ձու է, էլ ինչո՞ւ ես հարյուր անգամ կշկշոտ, թե հա՛յ, հարա՛յ, լսեցեք, որ ձու եմ ածել: Իմ կարծիքով՝ այսքան կշկշալուն մի ձուն շատ քիչ է: Այնպես չէ՞, իմաստուն հավիկ-մարիկ:

— Բայց դու ի՞նչ ես շինում, դու, որ իմ մի ձուն քիչ ես հա-մարում:

— Ծա ինչ որ շինում եմ, քեզ պես կշկշալով չեմ հայտնում ուրիշներին: Ծա գուխս քաշ գցած, մեղր եմ շինում: Գիտե՞ս ինչ է մեղրը: Գա հավի կերակուր չէ, քո խելքի բանը չէ, հավիկ-մարիկ:

1902

Ոսկին երկաթին անարգելով, ասաց մեկ անգամ.

— Երանի գիտենամ, դու ինչացո՞ւ ես, որ մետաղների կարգն ես ընկել. քո սև ու ժանգոտ երեսովդ մարդու վրա գզվանք ես բե-րում: Նայիր ինձ վրա, տես ինչպես գեղեցիկ եմ փայլում, ինչպես շողշողում: Նայիր մեր սիրուն օրիորդների ու հարսների ականջնե-րին ու մատներին, դու կտեսնես իմ փառքն ու պատիվը. նայիր նրանց ճակատների շարքերին, դու կտեսնես իմ փայլն ու գեղեց-կությունը: Չեմ հաշվում գինդերը, գնդասեղները. գիտեմ, որ դու այնքան կըշտ ու կոպիտ ես, որ այդպես քնքուշ բաների մասին ոչ ճաշակ ունիս, ոչ հասկացողություն:

Երկաթը պատասխանեց ոսկուն.

— Ծա չեմ ուրանում, ոսկի աղա, որ դու գեղեցիկ ես, ամեն բանի զարդն ու զարդարանքը դու ես, գինդ շատ բարձր է, աղքատի բան չես, բայց ինչո՞ւ ես չափիցդ դուրս գոռոզանում: Քո սիրուն օղակներդ ոչ ականջի լսելիք են ավելացնում, ոչ մատներին ու կրո-ներին զորություն ու ժրություն եմ տալիս: Ճակատների փայլուն շարքերը գլխին խելք չեն տալիս. ոչ կուրծքերի նուրբ մանյակները սրտին գութ ու խնամք:

Ի՞նչ ասեմ՝ մեր օրիորդներին, քեզ այդչափ պատիվ են տալիս, քեզ համար հալվում, մաշվում ու բարակացավ ընկնում: Իմ մի փոքրիկ ասեղը քո բոլոր զարդարանքներից ավելի է օգուտ տալիս: Գիտե՞ս, ոսկի աղա, իմ փոքրիկ ասեղը քանի՞ տուն է պահում, քանի որբի կերակրում: Իմ խոփն ու ձեռքը ամբողջ աշխարհին հաց են տալիս: Մարդիկ ինչ որ շինում են կամ պետք է կտրեն, կամ պետք է ծեծեն, կամ պետք է խարտոցեն, կամ պետք է կարկատեն: Իմ ուրազն ու կացիներ որ քիչ են, իմ դուրն ու շաղափը, իմ սղոցն ու մուրճը, իմ կտրիչն ու թալարացը, էլ կարո՞ղ էին մարդիկ քար քարի վրա դնել, փայտ փայտի վրա:

Ահա այդպես պարծենկոտ ես դու, ոսկի աղա, քո փայլից կուրացած՝ ուրիշի լավությունը չես տեսնում:

1902

ԿԵՆՂԱՆԻՆԵՐԻ ՎԵՃՈՒ

Եզր, կովը և շունը վիճում էին միմյանց հետ և ամեն մեկը պնդում էր, թե՛ մեր տերը ամենից շատ ինձ է սիրում:

— Իհարկե, նա ինձ ամենքիցդ շատ է սիրում,— ասում է եզր,— և գիտե՞ք ինչու համար: Նրա համար, որ ես եմ նրա արորն ու տափանը քաշում, ես եմ նրա համար անտառից փայտ բերում: Նա ինձ է լծում սայլին և իր ցորենը տանում ջաղաց, այնտեղ ալյուր շինում. հետո էլի ես եմ տանում քաղաք, ուր նա ծախում է այդ ալյուրը և իր տան համար առևտուր անում, երեխանց համար հագնելիք առնում: Ուրեմն, դուք ի՞նչ եք կարծում, ես որ չլինեի, նա ինչպե՞ս կարող էր ապրել:

— Այդ ճշմարիտ ես ասում,— ասաց կովը:— Բայց մեր տերն ինձ ամենքիցդ ավելի է սիրում, այդ նրա համար է, որ նա իմանում է, թե քեզ նման աշխատասեր ու ժրաշան եզունկին ես եմ պահել մեծացրել:

Այս մեկ: Մեկ էլ որ՝ նրա գերդաստանը իմ կաթովս եմ պահում: Այն մածունն ու կարագը, այն սերն ու կաթը, այն եղն ու պանիրը, այն տաք-տաք թանե սպասը, որ ամեն օր խաչտում են, ո՞ւմ տվածն է: Տեսնո՞ւմ եք ուրեմն, որ եթե ես չլինեմ, բոլորը քաղցած կկոտորվեն:

— Դու էլ ես ճշմարիտ ասում, սիրուն կովիկ,— սկսեց շունը:— Ո՞վ կարող է ուրանալ քո լավությունը: Շատ անգամ ես ինքս էլ եմ մասնակից լինում քո տված անուշ թանին: Մեր տանտիկինը ամեն խնոցի հարելիս թանիցն ինձ բաժին է տալիս: Ով որ քո լավությունն ուրանա, երկու աչքով կուրանա: Ես շատ երախտագետ եմ, որ ոչ ոքի լավությունը չեմ կարող ուրանալ: Բայց գիտե՞ք ինչ կա: Դուք մի նեղանաք, որ մեր տերն ինձ ամենքիցդ էլ շատ է սիրում. դրա համար մեծ պատճառ կա և ահա ասեմ, թե ինչ է դրա պատճառը...

Եվ շունն սկսեց մեկ-մեկ հաշվել, թե ինքն ինչ ու ինչ է անում:

Ասած է՛ շունը որ հաշել սկսի, էլ չի դադարիլ: Այնքան հաշեց եզան ու կովի հետ, որ տերն իմացավ, գնաց նրանց մոտ, շան լեզվիցն ազատեց, ասելով. «Թող տուր դրանց, բողար, դու չգիտե՞ս,

որ ամենքդ էլ ինձ հարկավոր եք, ոչ մեկդ մյուսի արածը չեք կարող անել. այդ պատճառով ես ձեզ ամենքիդ էլ սիրում եմ, դուք էլ սիրեցեք միմյանց»:

1902

ԱՊԱԳԱՅԻ ՀԱՄԱՐ

Մեզանում ասում են. «Ով որ ընկուզենի բուսցնի, նրա պտղիցը չի ուտիլ», որովհետև մի քանի տարի է տևում մինչև նրա պտուղ տալը:

Քասի ապերը սովորություն ուներ ամեն տարի ընկուզենի ցանելու, և արդեն նորաբույս ընկուզենիներ ուներ մի քանի մարգ, որտեղից հանում ու տնկոտում էր այգու ափերում:

Քասի ապոր հարևան Կիրակոսը, որ թեև դեռ երիտասարդ, բայց մի անհեռատես և ծուլ մարդ էր, ծիծաղում էր ծերունու վրա և ասում.

— Ա՛յ հալևոր, ինչո՞ւ ես շարշարվում, ոտիդ մեկը գերեզմանումն է, դու հո դրա պտղիցը չե՞ս ուտելու, էլ ո՞ւմ համար ես տնկում այդ ծառերը:

— Քեզ համար եմ տնկում, Կիրակոս, քեզ համար,— պատասխանում է ալևոր Քասին,— քեզ ու քեզ նմանների համար եմ տրնկում, որ սրա պտղիցն ուտեք և ինձ ողորմի տաք:

1906

ՄԱՆԿԱԿԱՆ ՀԵՔՐԱԾ

Գնացի ջաղաց: Զաղացպանն ինձ ուղարկեց փայտի: Ման եկա, ման եկա, շատ փնտրեցի, փայտ չգտա: Վերջը գտա մի քեթուկ (կոճղ): Խփեցի, խփեցի, շատ խփեցի ոտքով ու քարով, դուրս չեկավ տեղիցը: Ասացի.

— Ա՛յ քեթուկ, ի՞նչ քաջ ես: Ասաց.— Թե որ քաջ եմ, ինչո՞ւ է կացինն ինձ կտրում:

637

— Ա՛յ կայցին, ի՞նչ քաջ ես.— Թե որ քաջ եմ, ինչո՞ւ է դար-
բինն ինձ ծեծում:

— Ա՛յ դարբին, ի՞նչ քաջ ես:— Թե որ քաջ եմ, ինչո՞ւ է եր-
կինքն ինձ տանում:

— Ա՛յ երկինք, ի՞նչ քաջ ես.— Թե որ քաջ եմ, ինչո՞ւ է ամպը
երեսս ծածկում:

— Ա՛յ ամպ, ի՞նչ քաջ ես.— Թե որ քաջ եմ, անձրևն ինչո՞ւ է
մեջիցս վայր թափում:

— Ա՛յ անձրև, ի՞նչ քաջ ես.— Թե որ քաջ եմ, ինչո՞ւ եմ գետ-
նին թափում:

— Ա՛յ գետին, ի՞նչ քաջ ես.— Թե որ քաջ եմ, ինձ վրա ինչո՞ւ
է խոտ բուսում:

— Ա՛յ խոտ, ի՞նչ քաջ ես.— Թե որ քաջ եմ, տավարն ինչո՞ւ
է ինձ աբածում:

— Ա՛յ տավար, ի՞նչ քաջ ես.— Թե որ քաջ եմ, ինչո՞ւ է
գայլն ինձ ուտում:

— Ա՛յ գայլ, ի՞նչ քաջ ես.— Թե որ քաջ եմ, շունն ինչո՞ւ է
փախցում ինձ:

— Ա՛յ շուն, ի՞նչ քաջ ես.— Թե որ քաջ եմ, ինչո՞ւ է ծեծում
ինձ պառավը:

— Ա՛յ պառավ, ի՞նչ քաջ ես.— Թե որ քաջ եմ, ինչո՞ւ ինձա-
նից չի վախենում մուկը:

— Ա՛յ մուկ, ի՞նչ քաջ ես.— Թե որ քաջ եմ, ինչո՞ւ է բռնում
ինձ կատուն:

— Ա՛յ կատու, ի՞նչ քաջ ես.— Այո՛, քաջ եմ, և այս մեծ տան
պահողն եմ, մկներին մահ տվողն եմ, սուփրի ծայրին նստողն եմ,
մեր ջան աչքի գրողն եմ:

1906

ԽՆԵԼՔՆ ՈՒ ԲԵՆՏԸ

Խելքն ու Բախտը վեճի բռնվեցին. Բախտն ասում էր.— Մար-
դիկ ինձաբա՛ն էմ մարդը Խելքն ասում էր.— Ինձանով: Թեպետ դա-
տավորի շղիփեցին, բայց իրանց մեջ պայման դրին, որ մեկը մյուսի

արածին շխառնվի: Եվ իրանց փորձը կատարեցին մի գյուղացու
վրա:

Գյուղացին արորը լճեց և գնաց տափը վարելու: Խոփը դեմ
առավ մի պինդ բանի և կանգ առավ ափսոսի մեջ: Մարդը տեսավ,
որ աճա՛ մի գուգում կա հողում, վերցրեց տեսավ, որ մեջը ոսկով
լիքն է:

— Այս ինչ լավ եղավ,— մտածեց մարդը,— այսուհետև էլ ոչ
մի նեղութիւն չեմ քաշիլ, ես էլ կընկնեմ հարուստ մարդոց կարգը,
ինչե՛ր, ինչե՛ր չեմ անիլ, գյուղի համար աղբջուր հետեղ կտամ,
եկեղեցի կշինեմ, աղքատներին առատ տղորմութիւն կտամ...— մեկ
էլ հանկարծ փոխեց մտածելու եղանակը, և ասաց.

— Վա՛յ թե գողերն իմանան ու կեսգիշերին գան հափշտա-
կելու և առաջ ինձ սպանեն, հետո իրանց կողոպուտն սկսեն: Չէ՛,
սրա շատը շատ է, քանց խերը:

Այս մտածութիւն մեջ՝ տեսավ, որ իրանց դատավորն անցնում
էր մոտովը:— Այս լավ եղավ, ասաց.— եկ ոսկիքը տամ սրան,
խկ ես հանգիստ իմ գործիս նայեմ: Վազում է, կանչում դատավո-
րին:

Բայց դատավորը որ գալիս է, մարդի խելքն էլ գլուխն է հա-
վաքվում. ոսկին ծածկում է և ասում.— Աղա, դու քատավոր մարդ
ես, գիտուն ես, ասա ինձ, խնդրեմ, իմ այս ջուխտ եղևերից ո՞րին
ես լավ համարում:

Սրա վրա դատավորը նեղանում է, բարկանում և թողնում հե-
ռանում է: Խելքն էլ մարդի գլխիցն է հեռանում և նա մտածում է, թե
ինչո՞ւ ոսկիքը շտվավ, ի՞նչ պիտի անի, ո՞ւր պիտի պահի: Մինչև
երեկո անգործ է մնում և շարունակ սրա վրա է մտածում: Մինչև
այդ՝ դատավորը գնում է գյուղը և ետ դառնում, մարդն էլի գնում
է առաջը կտրում, աղաչում, որ էլի մեկ անգամ գա վարածին նայի՝
ու երթա: Դատավորն զգում է, որ մի բան պետք է լինի, գնում է:
Հենց այդ րոպեին մարդի խելքը գլուխն է գալիս՝ և ասում է.

— Աղաչում եմ, չնեղանաք, բարի դատավոր, եթե ձեզ մի
բան հարցնեմ.— Ինչպե՛ս եք նկատում, երեկվա վարածս է շա՛տ,
թե այսօրվան. դուք գիտուն մարդ եք, լավ կգիտեմաք այդ բանը:

Դատավորը խենթի տեղ է դնում մարդին և ծիծաղելով հե-
ռանում է: Մարդի խելքն էլ է հեռանում և ցելի մի կողմը նստում:
Մարդը ծեծում է գլուխն ու ասում. հիմա ի՞նչ անեմ, ինչպե՛ս
անեմ, այս անիծած ոսկիքն ո՞ւր տանեմ, որտե՞ղ պահեմ: Վերջը

գուզումը փաթաթում է հացի մեզարումը և շալակում, գնում տուն և ասում կնկանը.

— Ա՛յ կնիկ, եզնիքը կապոտիր, խոտ տուր, արորը տար ներս, ես պիտի երթամ դատավորի մոտ, բան ունիմ:

Կնիկը տեսնում է, որ մեզարը մարդի շալակին է և մեջումն էլ բան կա, բայց վայր չի դնում, մտածում է, որ մի նոր բան պիտի լինի, ասում է մարդին.

— Եզները կապելն իմ ի՞նչ գործն է, ի՞նչ կա այդպես շտապելու, դատավորը հո չի փախչում, բեռդ ցած դիր, եզներդ տեղավորիր, հետո ուր ուզում ես՝ գնա:

Մարդը ցած է դնում բեռը, եզները ներս է անում և մինչև կապոտելն ու դուրս գալը՝ կնիկը մեզարը բաց է անում, գուզումով ոսկին վերցնում է, նրա շափին մի քար է դնում մեզարումը: Մարդը վերցնում է մեզարը և տանում դնում դատավորի առջև և ասում.— Առ այս, քեզ ընծա եմ բերել: Բաց են անում տեսնում — քա՛ր... Մարդն էլ է զարմանում: Դատավորը բարկանում է և մարդին բանտարկելով՝ վրան հսկելու համար երկու պահապան է դնում, որ տեսնեն ինչ է անում և ի՞նչ խոսում, և գան իմաց տան:

Մարդն ինչ որ մտքումն ասում է, նույն մտքով ձեռքերն էլ շարժում.— գուզումն այսքան էր, բերանն այսքան, փորն այսքան, տակն այսքան, ու մեջի ոսկիքը այսքան:

Նայողները պատմում են դատավորին, թե երկու ձեռքով բան է շափում, բայց ոչինչ չի խոսում:— Կանչեցեք,— ասում է դատավորը:

Մարդին կանչում են, և դատավորը հարցնում է նրան, թե ինչ բան էիր շափում ձեռներովդ: Մարդի խելքը գլուխն է գալիս, և պատասխան է տալիս, թե՝ «Ես քեզ էի շափում և ասում՝ քո գլուխն այսքան է, քո վիզն այսքան, քո փորն այսքան, քո մորուքն այսքան, ու ասում էի, թե արդյոք դու ես մե՞ծ, թե՞ մեր այծը»:

Սաստիկ բարկանում է դատավորը և հրամայում է, որ տանեն կախեն: Տանում են, որ պարանը ճիտը ձգեն, ասում է. «Ինձ մի կախեք, ես կերթամ ուղիղը կասեմ»: Դատավորը հրամայում է, որ ճշմարիտն ասե, թե ինչ էր շափում բանտումը:

Մարդն ասում է.— Ես ոչ այս գիտեմ և ոչ այն, հավատացեք, որ եթե ճոպանը իմ ճտից չհաննիք, ես հիմա խեղդված կլինեի, ահա ձեզ ճշմարիտը:

Սրա վրա ծիծաղում է դատավորը և ազատում մարդուն:

Մարդը գնում է տուն, ուր նրա Բախտն ու Խելքը ասում են միմյանց.— Ոչ մեկս չհաղթվեցինք, երևում է, որ Բախտն ու Խելքը հաջողության և ընդունակության պես միմյանցից անբաժան պետք է լինեին, և Բախտը Խելքով ու Խելքն էլ Բախտով կարող են մարդին մարդ շինել:

1906

ՄԱՅՐ ՈՒ ՈՐԴԻ

Ամառվա տապին մայրն ու իր որդին գնացին այգին:

Որդին՝ Սուրիկը՝ դեռ փոքր մանրիկ, բայց սիրուն, աշխույժ, կայտառ ու ճարպիկ, որսում էր այգում նախշուն թիթեռնիկ, իսկ նրա մայրը, բանվոր ժրջան, քաղում էր կանաչ, վարունգ, բադրիջան:

Մեկ էլ մանկիկը հանկարծ լալիս է, ողբում, հառաչում և իր մայրիկին խնդրում, աղաչում, որ թիթեռնիկի պոկված թևերը կարի, կարկատի:

— Ես չգիտեի,— ասում է լալով,— որ սրա թևերն այսքան բարակ են. հենց որ բռնեցի, թևերի մեկը ձեռքումս մնաց, մյուսն էլ կտրվեց, մնաց վայր ընկած: Մայրիկ ջան, մայրիկ, շո՛ւտ արա կարի:

— Այդ չի կարելի, Սուրիկ ջան, հոգիս, էլ զուր մի սգալ, դա չի սաղանալ,— ասաց մայրիկը և ավելացրեց.

— Երանի դրանք բոլորն էլ շնջվին... Դու դեռ չգիտես, թե դրանք առաջ ինչ բան են եղել. մեր բոլոր այգին, տանձն ու խնձորանք դեռ կոկոնի մեջ դրանք են կերել: Դեռ թիթեռ չեղած, դրանք լինում են իրիցի շներ¹, սև ու մազմզոտ և խիստ շատակեր, տգեղ ճիճուներ...

— Իսկ սա այդպես չէ, մայրիկ, այդպես չէ. տես ի՞նչ սիրուն է, ինչպե՞ս խատուտիկ. ես դեռ չեմ տեսել ոչ մի թիթեռնիկ այս-

¹ Թրթուրներին շատ տեղերում անվանում են «իրիցի շուն»...

քան գեղեցիկ: Ա՛խ, ափսո՛ս, ափսո՛ս... Մայրիկ ջան, մայրիկ, ինչպես էլ լինի... Ի՞նչ վնաս ունի... բա սրտնք մեզք չե՞ն...
— Դե, բավական է, գահլես մի՛ տանի.— մայրը բարկացավ, բայց ուրախացավ, որ իր Սուրիկը գիտե ցավակցել, գթալ ու խըղճալ: «Ուղիղ է ասում,— ասաց ինքն իրան,— չէ՞ որ սրանց էլ աստված է ստեղծել: Նա որ մեզ այսքան բարիք է տվել, անշուշտ սրանց էլ փայ է հասցրել»:

1907

ԴԱՆԱԿՈՎ

Փոքրիկ Հրանտը նոր զարթնել էր քնից և լաց էր լինում հեկեկալով:

— Հրանտ ջան, ինչո՞ւ ես լաց լինում,— հարցնում է նրան մայրը:

— Դանակս, մայրիկ, դանակս չկա:

— Ի՞նչ դանակ, որտեղի՞ց է քեզ դանակ...

— Օ՛... գտա՛, մայրիկ, գտա՛... ձեռքումս պինդ պահած ունեի, բայց հենց որ զարթնեցի, մեկ էլ տեսնեմ, էլ ոչինչ չկա՛...
— Հա՛... հասկացա, երազովդ ես գտել: Դե՛ լավ, լաց մի լինի, երբ որ կմեծանաս, ես քեզ համար մի սիրուն դանակ կառնեմ, հիմա գեռ փոքր ես, ձեռքդ կկտրես:

— Ես արդեն մեծ եմ, մայրիկ, մե՛ծ. տես, արդեն սեղանից բարձր եմ... ես ուզում եմ դանակ ունենամ: Արփիկը ինձանից փոքր է, բայց մկրատ ունի...

— Դու շատ բան կուզես, եթե քեզ դանակ տան, հետո էլ դաշույն կուզես:

— Հետո էլ, ատրճանակ, մայրիկ...

— Օհո՛, է՛դ էր պակաս...

— Ոչ, մեծակ էդ չէ պակաս, բա հրացան... Տիգրանը մի մեծ հրացան ունի, ես էլ կուզեմ ունենալ:

— Այդ բոլորը քեզ համար դեռ շատ վաղ է, հոգիս, դու պետք է գրել-կարդալ սովորես...

642

— Գրել-կարդալը թող կուսիկը սովորի, ես պետք է զինվոր դառնամ:

— Կուսիկը իր համար կսովորի, իսկ դու՛ քեզ համար:

— Ոչ, թող կուսիկը իր համար էլ սովորի, ինձ համար էլ:

— Ուրեմն դու էլ հաց չուտես, թող կուսիկը իր համար էլ ուտի, քեզ համար էլ:

— Ո՛չ, մայրիկ, այդ ինչպես կարելի է:

— Իհարկե, չի կարելի: Ուտողն ինքը կկշտանա, իսկ չուտողը կմնա քաղցած: Այսպես, սովորողը ինքը կսովորի, կխելագանա, իսկ չսովորողը կմնա անուսում, անգետ ու անխելք: Ով աշխատի, նա կուտի:

— Հասկացա, մայրիկ: Յ՛վ աշխատի, նա կուտի, իսկ ով որ աշխատի, նրան հաց չեն տալ, որ ուտի: Բայց որ զոռով խլե՞ն, մայրիկ, էն ժամանակ ի՞նչ կարող ենք անել:

— Այն ժամանակ կպաշտպանվենք:

— Ինչո՞վ, ինչպե՞ս:

— Ձեռքով, ոտքով, քարով, փայտով...

— Իսկ ես, մայրիկ, դանակո՞վ:

1907

ԽՈՋ ՈՐ ՈՉՄԱՐ

Խոզը ոչխարի կշտին արմատներ էր ուտում: Ոչխարը տեսնում է նրան ու ասում.

— Մերունիկ, ինչո՞ւ խոտ չես ուտում.

— Ես կուշտ եմ,— ասում է խոզը:

— Որ կուշտ ես, ինչո՞ւ արմատներ ես ուտում:

— Արմատները անուշ են, շարագ եմ անում,— ասում է խոզը, որ ամեն ինչ ուտում էր:

1908

643

ԱՔԼՈՐԻ ՀՐԱՎԵՐԸ

Աքլորը հարեանի հավին հրավիրում է կուտի. ասում է.

— Հավիկ-մարիկ, արի կուտ տամ, կե՛ր:

Հավը չի ընդունում աքլորի հրավերը:

— Կուտ ունենաս, քո հավերին կտաս,— ասում է ու կշկշում:

— Լավ,— ասում է աքլորը:— Դու հիմա կտեսնես, ինչքան կուտ ունեմ ես:— էս ասում է ու կանչում իր հավերին.

— Կու-կու-ըի-կուտ... Կո՛ւտ, կո՛ւտ, կո՛ւտ...

Կուտի անունը որ լսում են հավերը, հավաքվում են շուտ և ուտում կուտ, իսկ հարեանի հավին դուրս են անում. նրան կուտ չեն տալիս:

1908

ԸՆԿԵՐԱՍԵՐ ԵՂՁԵՐՈՒՆԵՐԸ

Մի սարի վրա արածում էին երկու եղջերուներ:

Նրանցից մեկը մի քանի խոտ պոկեց մեկելին տվավ՝ ասելով.

— Ընդունիր եղբայր, այս խոտը, թեև սա ոչ մեկիս պակաս չէ:

— Շատ և շատ շնորհակալ եմ,— պատասխանեց մեկելը,— ինչո՞ւ չչահենք մեկ-երկու սիրտ, թեկուզ սարի խոտով:

1908

ԵՐԿՈՒ ՁԱԳԻԿ

Երկու փոքրիկ ձագիկ մի ծղնոտ գտան՝ հասկը վրան:

Հասկում շատ հատիկներ կային: Ձագիկները բռնեցին ծղնոտի ծայրից և սկսեցին քաշել մեկը իր կողմը, մյուսը՝ իր: Ծղնոտը

կտրվեց, և ձագիկները վայր թափվեցին ոտնիվեր: Գող ծիտը վրա հասավ և հասկը ճանկեց ու թռավ:

1908

ԱՐԵՎԻ ՀՐԱՄԱՆԸ

Գարնանային մի սիրուն առավոտ արևը բարձրացավ և ասեց աստղերին.

— Դե, սիրուն աստղիկներ, երկնքի ճրագներ, հիմա գնացեք, գիշերը եկեք:

Մաղիկներին ու թռչնիկներին ասաց.

— Զարթեցեք, ծաղիկներ, զարթեցեք թռչնիկներ: Եվ զարթեցին բոլոր ծաղիկները, թռչնիկները:

«Ես պիտի երգեմ,— ասաց արտույտը:

«Ես պիտի ծաղկեմ,— ասաց վարդը:

«Իսկ ես ի՞նչ պիտի անեմ,— ասաց մուժ ամպիկը.— չըրե՞մ երկիրը:

Արևը պատասխանեց.

— Թող երգի արտույտը, թող բացվի վարդը. իսկ մուժ ամպիկը, ջրով լիքը, թող զնա հեռանա:

Մաղիկները բացվեցին, թռչնիկները երգեցին, երեխեքն էլ զարթեցին և սկսեցին արևի երգը:

1908

ԽԵԼՈՔ ԳԼՈՒԽԸ

Բերանը ասաց.— Ես ամեն ինչ կուտեմ-կխմեմ:

Գլուխը ասաց.— Հը՛մ...

Լեզուն ասաց.— Ես ինչ ուզենամ, կասեմ, կխոսեմ:

Գլուխը ասաց.— Հը՛մ...

Ձեռները ասացին.

— Մենք ամեն ինչ կշինենք, կքանդենք:

Գլուխը ասաց.— Հը՛մ...

Ոտները ասացին.

— Մենք ամեն տեղ կերթանք, ման կգանք:

Գլուխը ասաց.— Հը՛մ...

Բերանը և լեզուն, ձեռքերը և ոտները ասացին գլխին:

— Ինչո՞ւ ես հըմ անում:

Գլուխը պատասխանեց.

— Ինչ անեք, չանեք՝ առաջ ինձ պիտի հարցնեք:

Ոտները և ձեռները կուշ եկան, բերանը մնաց բաց, իսկ լեզուն կակազելով ասաց.

— Հա՛... դորդ է ասում զը-զը-գլուխը...

1908

ԱՐԵՎԻ ՀԱՌԱԳԱՅԹՆԵՐԸ

Պայծառ արևը բարձրացավ երկինք և ոսկեհայլ ճառագայթները տարածեց երկրի վրա:

Առաջին ճառագայթն ընկավ արտույտի վրա: Արտույտը թպրտաց, թափ տվեց թևերը, դուրս թռավ բնից, բարձրացավ վեր ու վեր և սկսեց երգել բարձրաձայն.— ճի՛վ, ճի՛վ, ճի՛վ. ճիլի-վիլի, ճիլի-վիլի. վո՛ւտ-վո՛ւտ-վո՛ւտ. ճը՛ռռ...

Երկրորդ ճառագայթը նապաստակի վրա ընկավ. նապաստակն ականջները խլշացրեց, նայեց դես ու դեն, ցատկելով մտավ ցողաթաթախ կանաչկուտը և սկսեց նախաճաշիկ անել մեղրածոր խոտերով:

Երրորդ ճառագայթը հավաբունն ընկավ: Աքաղաղը թափ տվեց թևերը և կանչեց ծուղորուղու... Դո՛ւ-դո՛ւ-դո՛ւ Կանչեց աքաղաղը հավերհին, որ ցած իջնեն թռուկից և առավոտյան նախաճաշիկն անեն:

Հավերք ցած թռան, կշկշացին և աքաղաղի հրավերով սկսեցին քուշուշ անել:

Չորրորդ ճառագայթը փեթակի վրա ընկավ: Մեղունները տաքացան և դուրս բնկնելով դես ու դեն թռան տղտղալով, որ մեղրածոր ծաղիկներից իրենց սնունդն ստանան:

Հինգերորդ ճառագայթն ընկավ մի ժիր մանուկի անկողնու վրա և սկսեց նրա աչքերը ծակծկել. նա վեր թռավ տեղից և շտապով պատրաստվեց ուսումնարան գնալու:

ՄՐՁՅՈՒՆՆ ՈՒ ԼՈՒՆ

Մրջյունն ու լունն եղբայրացան և միասին գնացին դաշտ վրասնելու: Այդտեղ դրանք դեմ առան մի առվի:

Լուն ասաց.— Ես մի ոստյունով կարող եմ թռչել առվի մյուս կողմը, իսկ դու ի՞նչ կանես:

— Ես էլ կարող եմ ցատկել,— ասաց մրջյունը:

Լուն կուշ եկավ, բոլոր ուժը հավաքեց ու հանկարծ թռավ առվի մյուս կողմը: Մրջյունը նույնպես բոլոր ուժը հավաքեց, ցատկեց ու ընկավ առուն: Նրա թախտիցը ջրի մեջ մի թուփ խոտ կար բսած, ընկավ խոտի վրա և խեղդվելուց ազատվեց, բայց տեսավ որ չպիտի կարողանա ցատկել մյուս կողմը, կանչեց լու եղբորը և ասաց.

— Միբլի եղբայր, շուրը կամե՞ծանա ու ինձ կխեղդի, մի ճարարա, այս փորձանքիցն ինձ ազատիր:

Լուն թռչկոտելով հասավ խոզին ու ասաց.

— Խոզիկ-խոզիկ, մազիկ տուր, մազից շինեմ մի պարան, պարանը զցեմ առուն, մրջյունն եղբորս ազատեմ:

Խոզը պատասխանեց.

— Եթե ինձ համար կաղին կբերե՞ս...

Լուն թռչկոտելով հասավ կաղնի ծառին ու ասաց.

— Կաղնի-կաղնի, կաղին տուր, կաղինը տամ խոզիկին. խոզիկը ինձ մազիկ տա, մազից շինեմ մի պարան, պարանը զցեմ առուն, մրջյունն եղբորս ազատեմ:

Կաղնին պատասխանեց.

— Եթե ագռավին իմ վրայից կքշե՞ս...

Լուն թռչկոտելով ագռավին հասավ և ասաց.

— Ագռավ-ագռավ, կաղնուն թող, կաղնին ինձ կաղին տա,

կաղինը տամ խոզիկին, խոզիկն ինձ մազիկ տա, մազից շինեմ մի պարան, պարանը գցեմ առուն, մրջյուն եղբորս ազատեմ:

Ազոավը պատասխանեց.

— Եթե ինձ համար հավի ձագիկ կբերե՞ս...

Լուն թռչկոտելով հասավ հավին և ասաց.

— Հավիկ-հավիկ, ձագիկ տուր, ձագիկը տամ ազոավին, ազոավը քաշվի-կաղնուց, կաղնին ինձ կաղին տա, կաղինը տամ խոզիկին, խոզիկը ինձ մազիկ տա, մազից շինեմ մի պարան, պարանը գցեմ առուն, մրջյուն եղբորս ազատեմ:

Հավը պատասխանեց.

— Եթե ինձ համար կուտ կբերե՞ս...

Լուն թռչկոտելով հասավ ցորնահորի մոտ և ասաց.

— Հորիկ-հորիկ, կուտիկ տուր, կուտիկը տանեմ հավին տամ, հավիկը ինձ ձագիկ տա, ձագիկը տամ ազոավին, ազոավը քաշվի կաղնուց, կաղնին ինձ կաղին տա, կաղինը տամ խոզիկին, խոզիկը ինձ մազիկ տա, մազից շինեմ մի պարան, գցեմ առուն, մրջյուն եղբորս ազատեմ:

Հորը պատասխանեց.

— Եթե մուկը ինձանից կհեռացնե՞ս...

Լուն թռչկոտելով հասավ մկանը և ասաց.

— Մուկիկ-մուկիկ, ինձ լսի, ցորենի հորին մի դիպչիր, որ հորիկն ինձ կուտիկ տա, կուտիկը տամ հավիկին, հավիկը ինձ ձագիկ տա, ձագիկը տամ ազոավին, ազոավը քաշվի կաղնուց, կաղնին ինձ կաղին տա, կաղինը տամ խոզիկին, խոզիկը ինձ մազիկ տա, մազից շինեմ մի պարան, պարանը գցեմ առուն, մրջյուն եղբորս ազատեմ:

Մուկը պատասխանեց.

— Եթե ինձ կատվից կազատես...

Լուն թռչկոտելով հասավ կատվին և ասաց.

— Կատվիկ-կատվիկ, թող մուկին, մուկը քաշվի հորիցը, որ հորիկն ինձ կուտիկ տա, կուտը տանեմ հավին տամ, հավիկը ինձ ձագիկ տա, ձագիկը տամ ազոավին, ազոավը քաշվի կաղնուց, կաղնին ինձ կաղին տա, կաղինը տամ խոզիկին. խոզիկը ինձ մազիկ տա, մազից շինեմ մի պարան, պարանը գցեմ առուն, մրջյուն եղբորս ազատեմ:

Կատուն պատասխանեց.

— Եթե ինձ համար կաթ կբերե՞ս...

Լուն թռչկոտելով հասավ կովին և ասաց.

— Կովիկ-կովիկ, կաթիկ տուր, կաթը տանեմ կատվին տամ, կատուն մուկին շդիպչի, մուկը քաշվի հորիցը, հորիկը ինձ կուտիկ տա, կուտը տանեմ հավին տամ, հավիկը ինձ ձագիկ տա, ձագիկը տամ ազոավին, ազոավը քաշվի կաղնուց, կաղնին ինձ կաղին տա, կաղինը տամ խոզիկին, խոզիկը ինձ մազիկ տա, մազից շինեմ մի պարան, պարանը գցեմ առուն, մրջյուն եղբորս ազատեմ:

Կովը պատասխանեց.

— Եթե ինձ համար խոտ կբերե՞ս...

Լուն գնաց դաշտից մի խորոմ խոտ քաշեց, տարավ կովին տվավ:

Կովը նրան կաթ տվավ, կաթը տվավ կատվին, կատուն հաշտվեց մկան հետ, մուկը հորին շդիպավ, հորը լվին կուտ տվավ, կուտը տարավ հավիկին, հավը նրան ձագ տվավ, ձագը տարավ ազոավին, ազոավը թռավ կաղնուց, կաղնին էլ կաղին տվավ, կաղինը խոզին տվավ, խոզիկը մի մազ տվավ, մազից պարան շինեց, պարանը կամուրջ գցեց, մրջյուն եղբորն ազատեց:

ԱՇԽԱՏԱՄԵՐ ՀՈՒՆԸ

Շունը պահպանում էր իր տիրոջ տունը: Նա տեսավ մի մուրացկան բակումը կանգնած, սկսեց վրան հաշել:

— Սիրելի,— ասաց աղքատը,— բարի եղիր և խղճա ինձ, ահա երկու օր է ոչինչ չեմ կերել:

— Ես էլ նրա համար եմ հաշում, որ տանեցիք լսեն ձայնս և քեզ բաժին բերեն,— ասաց շունը:

— Եթե այդպես է, խնդրեմ բերանդ դեպի տունը դարձնես և այնպես հաշես,— ասաց աղքատը, որ տնապահ շան աղքատասիրությանը շէր հավատում:

ԳԱՌՆ ՈՒ ԳԱՅԼԸ

(Կոիլովից)

Հնուց մնացած մի լավ առակ կա,
Եվ շատ ուղիղ է, աստված է վկայ,
Որ՝ «Տղորի դեմ, թեև մեղավոր,
Անզոր արդարն է լինում հանցավոր»:

Այսպես՝ մեկ անգամ, շոգից նեղացած, հոտից մոլորված, մի ծարավ գառնուկ խայտալուով վազեց դեպի առվակը, որ քիչ ջուր խմի, ծարավը կոտրի, փոքր-ինչ զովանա, վազե տուն գնա:

Այդ իսկ բուսեին, որտեղից որտեղ, մի գայլ դուրս պրծավ, կամաց-կամաց, սուս-փուս գողի պես, շան կերպարանքով գառին մոտեցավ:

Ի՞նչ ասել կուզի՝ թե ինչի համար,—

Քաղցած գազան,
Փափիկ գառնուկ.
Կառներ կրտաներ
Եվ անուշ կաներ:

Բայց մեկնե՞մեկ նա այդպես շարավ,
Իսկույն չըհարավ:

Զգիտեմ որտեղ՝ մեր ծաղկաթավալն ուսում էր առել, օրենք սովորել, ուզեց իր գործը խեղճ գառնուկի հետ օրենքով տեսնել, որպեսզի շասեն, թե գառն արդար էր, գայլը՝ մեղավոր:

Բայց ինչ էլ լիներ, դարձյալ գազան է, կոպիտ բավական, հետք չկար վրան ուսման, կրթության, ինչպես կտեսնեք նրա խոսելից, վարվելու ձևից:

— Այ դու անպիտան,
Կենդանի անբան.—
Ասում է ցառին
Գայլն իրավաբան:

Ի՞նչ իրավունքով, և ո՞ր օրենքով համարձակվել էս իմ մաքուր ջուրըս. պարզ խմելիքըս քո չպիղծ բեբռնով այսպես պղտորել, ավազով, ցեխով և հազար տեսակ աղբ ու զիբիլով: Քո այդ հան-

դուզն շարության համար գիտե՞ս ինչպիսի պատիժ կա գրած:
— Վսեմափա՛յլ տեր,— ասում է դառը,— ես գիր չգիտեմ, բայց թե թույլ կըտաս, այսքանը կասեմ, որ ջուրը ցածրից վերև չի գնալ, դու էլ կիմանաս:

— Ի՞նչ էս դուրս տալիս, ես չեմ հասկանում. ջուրը ներքևից վերև չի գնալ, այդ ո՞վ չգիտե, էլ ասելը ի՞նչ է:

— Իմ ասելն այն է, վսեմափայլ տեր, որ դուք վերևից եկաք դեպի ինձ: Այդ էլ չըլինի, մեկ լավ նայեցե՛ք, տեսեք ինչ պարզ է, ինչքան մաքուր է: Զուր է, ճշմարիտ, ձեր բարկությունը:

— Տեսեք, մեկ ասե՛ք այս ըստահակին,
Սըրա ասածին,
Համարձակո՞ւմ ես, կենդանի անբան,
Տալ ինձ պատասխան.
Ես լավ եմ հիշում և չեմ մոռացել,
Որ մեկ էլ տարին էլի դու էիր,
Որ հանդոնեցիր ինձ հակառակել,
Եվ հայտնելով այստեղից փախար,

Զեռիցըս պրծար:

— Ա՛խ, ինչ եք ասում,
Տեր իմ պատվական,
Դեռևս չըկամ
Ես մեկ տարեկան...

— Ուրեմն եղբա՛յրդ էր.
Էլ ո՞վ կըլիներ

Այնքան քեզ նման,
Քեզ պես անպիտան:

— Ողորմա՛ծ տեր իմ,
Ես եղբայր չունիմ:

— Ինձ համար մեկ է,
Ով կուզի լինի,

Մի՞թե դու չունիս
Քավոր, խնամի:

Մի խոսքով, նա ձեր հիմար ցեղիցն է: Դուք, ձեր շները, ձեր հովիվները, ինձ շտրեկով, իմ շարն ուզելով:

Սրբ որ կարենաք,
Միշտ վնաս կըտաք:
Այդ մեղքի համար
Ես հիմա գիտեմ,
Քե քեզ ինչ կանեմ...

— Ա՛խ, Աստված իմ, Աստված,— գառն աղաղակեց,— ի՛նչ է իմ մեղքըս,— սա չհաստատեց... վսեմափա՛յլ տեր...

— Լո՛իր, անպիտան, ոչխարի լակոտ,
 Իմ բան ու գործըս խոմ չի կտրվել,
 Որ քո հանցանքներդ սկսեմ քննել.
 Եկ գնանք անտառ,
 Ես այնտեղ կանեմ
 քո դատաստանը,—
 Ասաց գազանը,
 Եվ մեր գառնուկին
 Գրավ կոնակին...

1885

ՄԱՐԴՆ ՈՒ ՇԵՐԱՄԸ

(Փոխադրություն)

Շերամը մետաքս էր շինում և գույնզգույն կոկոնները կախկախում կաղնու թարմ ոստերից կապած խուրձի վրա, իսկ սարդը տան մի անկյունը քաշված՝ իր ցանցն էր հյուսում և ծիծաղում շերամի վրա, ասելով՝

— Շերամ եղբայր, դու շատ դանաղաղ ես տանում քո գործը և շինածդ էլ մի բանի նման չէ. բայց ես՝ նայիր, տես ինչ գեղեցիկ բան եմ շինել, և տես ինչքան երկար են իմ թելերը:

Շերամը պատասխանեց.— Սարդ եղբայր, դու գիտե՞ս, ինչ կնշանակե բարություն:

— Ոչ, չգիտեմ:

— Այդ նրանից է, որ դու չար ես, քո գործն էլ շարունակյալ գործ է: Դու քո երկայն թելերով մի թակարդ ես ցանցում, որ անմիտ ճանճերին որսաս և ծծես նրանց արյունը, իսկ իմ գործը բոլորովին ուրիշ բան է, սարդի բնությունից և խելքից վեր է:

Շերամն ու մեղուն են բարության նշան,
 Իսկ սարդն ու բրեղը նշան շարունակյալ
 Քնքուշ շերամի պես եղիր անարատ,
 Քեկուզ շար սարդերը ծիծաղեն վրադ:

ԲՈՎԱՆԴԱԿՈՒԹՅՈՒՆ

ԲԱՆԱՍՏԵՂՊՈՒԹՅՈՒՆՆԵՐ

Հարկավոր է օգնել չքավորներին	3
Միտը և բազեն	5
Աքաղաղ	6
Առավոտը գյուղում	7
Հովվի անկողինը	7
Արեգակ	8
Ճախարակ	9
Սերմնացան	10
Տավարածի ճաշը	11
Պարտիզական	12
Պատավի հորթը	13
Ամիսներ և չորս եղանակ	13
Ջաղացպանի ննջարանը	14
Մանուշակ	15
Հնձվորներ	15
Յախավի գաղտնիքը	17
Պարզամիտ հովիվ	26
Անվնաս հագուստ	21
1884	21
Զմեռ	22
Արև	25
Գարունքի հաղթությունը	26
Լուսնահաշ	27
Նասրադդին Նոշան	28
Հիշողություն	29
1887	30
Մանկական թոթովանք	31
Հոնի կորիզը	31
Մանկության բարեկամներ	32

Մանուշակ	34
Տիկնիկի	35
Առ Ղևոնդ հայր Ալիշան	39
Ուսումնարան	40
Հրավեր	40
Փիզն ու շատիկը	41
Արմիկն ու լուսինը	44
Սագ	44
Կատու	44
Գլուխ, թե գլխարկ	45
Աղվեսն ու գայլը	46
Անեծք	49
Ատամը փոխած	50
Հովվի սրինգը	51
Միծենակի գալուստը	53
Տորք Անգեղ և Հայկանուշ գեղեցիկ	55

ՎեՊԵՐ

Արուսյուն և Մանվել	87
Երկու բույր	233
Բաժանություն	305

ՀԵՔԻԱԹՆԵՐ ԵՎ ՋՐՈՒՅՑՆԵՐ

Անահիտ	343
Անտառի մանուկը	383
Օձամանուկ և Արևահատ	385
Արևամանուկ	395
Հնարագետ շուհակը	419
Արեգնաղան կամ կախարդական աշխարհ	424
Մանկական աշխարհայացք կամ լուս ու մութ ազխարհները	464
Քիչ է՛լ, քիչ է՛լ	475
Վիշապին հաղթողը	490
Այծատուր	512
Եղեգնուհի	522
Զանգի-Ջրանգի	530
Ասլան-Բալա	539
Մանուկ-խան	551
Կախարդական պատկեր	557
Հագարան բուլբուլ	561
Խիզախը կամ Աներկյուղը	590
Վաճառականի խիղճը	600

ՄԱՆԿԱԿԱՆ ՊԱՏՄՎԱԾՔՆԵՐ

Սառերի գանգատը	605
Մեղուն ու աղալին	606
Մույլ աղա	607
Գարուն	608
Ամառ	610
Աշունք	613
Այգեքաղ	615
Զմեռ	618
Թութակն ու սոխակը	619
Երկու այծ	620
Մեր Գուրսունը	620
Մեր կարմիր ձի	627
Գյուլնազ տատի թոռները	630
Գյուլնազ տատի հեքիաթը	631
Մեղուն ու մարդը	633
Մեղուն ու հավը	634
Ոսկի և երկաթ	635
Կենդանիների վեճը	636
Ապագայի համար	637
Մանկական հեքիաթ	637
Խելքն ու բախտը	638
Մայր ու որդի	641
Գանակով	642
Խոզ ու ոչխար	643
Աքլորի հրավերը	644
Ընկերասեր եղջերուները	644
Երկու ձագիկ	644
Արևի հրամանը	645
Խելքը գլուխը	645
Արևի ճառագայթները	646
Մրջյունն ու լուն	647
Աշխատասեր շունը	649
Գայլն ու գառը	650
Մարդն ու շերամը	652

ՂԱԶԱՐՈՍ ԱՂԱՅԱՆ

Երկեր

ГАЗАРОС АГАЯН

Сочинения

(На армянском языке)

Издательство «Советакан грох»,
Ереван, 1979

Հրատ. խմբագիր՝ Լ. Ն. Արազյան
Նկարիչ՝ Մ. Վ. Սոսոյան
Գեղ. խմբագիր՝ Ս. Գ. Մաֆյան
Տեխ. խմբագիր՝ Վ. Գ. Ավագյան
Վերստուգող սրբագրիչներ՝ Լ. Լ. Սիմոնյան,
Բ. Վ. Բարսեղյան

ИБ № 1956

Հանձնված է շարվածքի 9.10.78:

Ստորագրված է տպագրության 25.03.79:

Տորմատ 60×84¹/₁₆: Քուղթ տպագրական № 1:

Տառատեսակ՝ «Գրքի սովորական»: Տպագրություն՝ բարձր:

33,13 պայմ. տպ. մամ. 31,3 հրատ. մամ.:

Տպաքանակ՝ 51000: Պատվեր՝ 2289: Գինը՝ 2 ձ. 90 կ.:

«Սովետական գրող» հրատարակչություն, Երևան—9, Տերյան 91:

Издательство «Советакан грох», Ереван-9, ул. Теряна, 91.

Ереван — 1979

ՀՍՍՀ հրատարակչությունների, պոլիգրաֆիայի և գրքի առևտրի գործերի պետական կոմիտեի Հակոբ Մեղապարտի անվան պոլիգրաֆկոմբինատ, Երևան—9, Տերյան 91:

Полиграфкомбинат им. Акопа Мегарта Госкомитета по делам издательств, полиграфии и книжной торговли Арм. ССР, Ереван-9, ул. Теряна, 91.